




NAZIONALE
12
27 0
10
VITT. EMANUELE

NAZIONALE
55
6A
10M
BIBLIOTECA
VITT. EMANUELE
ROMA

12-7-C-3







O Deos
YEMET

PAGOTEX
ROMA
LITTONI ENTRA



MAGIA
VNIVERSALIS
Naturæ et Artis
PARS III
Auctore
REGASTARE & HON.
& soc. leu.



A. Frolich sculpsit



P. GASPARIS SCHOTTI

REGIS - CURIANI,

ET SOCIETATE JESU.

Olim in Panormitano Siciliæ; nunc in Herbipolitano

Franconia Gymnasio ejusdem SOCIETATIS JESU

Matheseos Professoris

MAGIÆ
UNIVERSALIS

NATURÆ ET ARTIS,

PARS TERTIA.

IN IX. LIBROS

digesta,

Quibus pleraque quæ in Centrobaryca,

Mechanica, Statyca, Hydrostatica, Hydrotechnica, Aërotechnica, Arithmetica, & Geometria, sunt rara, curiosa, ac prodigiosa,

hoc est, verè magiæ, seu theoriam spectes, seu praxin, non minus variè, quàm methodicè

pertractantur, infinitarumque inventionum Mathematicarum penuria-

rium appetitur, ut merito appellari queat

hoc Opus,

THAUMATURGUS
MATHEMATICUS.

Cum Figuris Æri incisiss.

Et Privilegio Sacræ Cæsareæ Majestatis.

BAMBERGÆ,

Sumpt, JOH. MARTINI SCHÖNWETTERI,

Bibliopolæ Francofurtensis.

M. DC. LXXVII.



Bella

Scab





SANCTISSIMO
ANGELO SVO
TUTELARI AUCTOR.

SANCTISSIME ANGELE,
Custos & Tutor munifi-
centissime. Cui post
DEUM, Condito-
rem meum, DEIque magnam Ma-
trem MARIAM, omnia debeo,
nec potui, nec volui Scriptionis pu-
blicæ partem aliquam, licet exilem
admodum, & tanto Patrono impa-
rem, denegare. Omnia mea, me-
que ipsum Tibi in acceptis refero,
quia post DEUM & Deiparam

omnia à Te habeo. Tu nascentem
Benevolentia Tuæ brachiis susce-
pisti; Tu infantem, puerum, juve-
nem, virumque Sapiencia tua dire-
xisti, à malis innumeris eripuisti; ab
hostibus animæ & corporis prote-
xisti. Tu rectà gradientem duxisti,
errantem revocasti, sublevasti ca-
dentem, stantem firmasti: tu consi-
lia inspirasti ad caduca despicienda,
sectanda æterna, cœlestia, Deum.
Omnia ergo mea, meque ipsum
cùm tibi debeam, Amantissime
Tutor, Fidissime Custos; patere ut
hæ quoque quisquiliæ à te non de-
vient. Scis, Sapientissime Tutela-
ris, non censum, sed affectum pen-
sari à Deo, tuisque Commilitoni-
bus,

bus, ac Cœlicolis omnibus. Affe-
ctum quo me, me a quieti bi proba-
re desidero, si non est qui debet, qui-
que potest, cupio esse maximum.
Hoc ergo affectu oblatas hasce quis-
quilias accipe Angele Sanctissime,
meque favore tuo prosequi ad vitæ
usque exitum nè desiste. Sic vo-
veo, sic opto Herbipoli XXIX.
Septembris, ipso Angelorum Prin-
cipis Sancti Michaelis die, Anni
M DC LVIII.

cliens Tuus humillimus

CASPARUS SCHOTT
è Societate JESU.

R. P. ATHANASIIUM KIRCHERUM

E SOCIETATE JESU.

Epistola Auctoris hujus Operis.



*Vere me cogis & mori ingratum,
Pater Reverende, Præceptor observan-
dissime. Te respiciebat Thaumaturgus
meus Mathematicus, quia Tuus, cum
quidquid scio hac in scientia, per Te
sciam. Nomen Tuum clarissimum fron-
ti impressum gestare cupiebat, quia digniorem Te nesciebat.
At repugnat modestia Tua, & quæ facilem se præbet omnibus
insula pronitate, difficilem se mihi soli, en altera jam vice, ostendit.
Innumera in me contulisti beneficia, multorum annorum
decursu, hic primum Herbipoli, ubi Præceptor Thaumata &
Admiranda Tua Mathematica mihi discipulo reclusisti, Ro-
mæ deinde, ubi mea quali in Tuo incomparabili tot volumi-
num doctissimorum thesauro Litterariæ Reipublicæ commu-
nicando dignatus es uti opella, & nunquam difficilem mihi,
nunquam votis meis repugnantem expertus sum, quàm cum
Mundo extare volui publicum mea erga Te gratitudinis testi-
monium. Quantum laborasti, ut quæ cum laude Tua conjun-
cta erant in ea Epistola, quam Oedipo Tuo præfixi, expunge-
rentur? Nunc cum Mathesis mea, quam ex te hausi, Te pri-
mum inter mortales omnes salutare capiat, quia non alium
agnoscit*

agnoscit quem colat impensius, & à quo lumen speret copiosius, iudiciumque sincerius, quod times ne ad idem revolvatur argumentum, rogas, obtestaris, modis omnibus persuadere conaris, ut ne tali honore Te afficiam. Sic interpretaris debitu meum. Liceat dicere quod sentio. Ni Modestia Tua, ni Tuus in me affectus plus quam perspectus mihi esset, primum foret suspicari, dedignari Te ad hæc minuta respicere donaria. At omnem detergit suspicionem Tuus in me pronissimus affectus, infinitis signis presenti, innumeris & fere quotidianis litteris absenti manifestatus. Vincat ergo jam iterum Modestia Tua, veniet fortasse tempus, cum victas dare cogetur manus, & meo erga Te affectui laxare habenas. Suades, alium eligam Macenatem. Ita feci, at quia in terris, quem Tibi præferam, non reperi, è cælo accersui, Angelum meum Tutelarem, cui post DEVM, DEIQUE Matrem MARIAM, Tibi æque ac mihi charissimam, me, mea-que debeo omnia. Vale Amantissime Pater, & Præceptor Colendissime, ac studiis meis favere, quod fecisti hæctenus semper, porrò ne desine. Herbisoli Die 1. Octobris 1658.

Tuus in Christo &c. &c. &c.
Discipulus

CASPARUS SCHOTT,
e Societate JESU.

FACULTAS

R. P. Provincialis Societatis Jesu per Rheni superioris Provinciam, Auctori facta.

PETRUS DEUMER,

Provincialis SOCIETATIS JESU Rheni superioris.

Cum Partem III. & IV. Magia Universalis Natura & Artis, compositam a P. Casparo Schott N. S. & Societ. tis Sacerdote, tres ejusdem Societatis Sacerdotes, quibus id commissum fuit, recognoverint, & in lucem edi posse probaverint, facultate nobis ab Admodum Reverendo Patre Gofuvino Nickel, Praeposito Generali communicata concedimus, ut eadem typis mandetur. In quorum fidem has litteras manu nostra subscriptas, & Sigillo nostro munitas dedimus. Moguntia 22. Junii Anno 1658.

L. S.

Petrus Deumer.

FACULTAS

R. P. Provincialis Societatis JESU per Rheni superioris Provinciam, Bibliopolæ facta.

PETRUS DEUMER,

Provincialis SOCIETATIS JESU Rheni superioris.

Ego Petrus Deumer, Societatis JESU per Rheni superioris Provinciam Praepositus Provincialis, potestate mihi ab Admodum Reverendo P. N. Gofuvino Nickel Praeposito Generali concessa, facultatem do Hereditibus Joannis Godefridi Schonavvetteri, suis sumptibus excudenda a P. Caspari Schott de Societate Nostra Partem I. I. & IV. Magia Universalis Natura & Artis. In cujus rei fidem hoc eis testimonium, manu nostra subscriptum, & Sigillo nostro munitum dedimus. Moguntia 21. Junii Anno 1658.

L. S.

Petrus Deumer

ELENCHUS TITULORUM.

Proœmium, & Synopsis totius Operis pag. I.

LIBER I.

DE Magia Centrobaryca, sive de Centri gravitatis natura, proprietatibus, & miris effectibus, simulque de centro & motu gravium, aliisque Mechanicæ principiis. 9

Caput I. De centro magnitudinis & gravitatis corporum, & de loco Terraquæ in universo. Habet Propositiones duodecim. 13

II. An Terraquæ ex continua mutatione centri gravitatis, sit in continuo motu reprobationis & tribulationis circa centrum universi. 21

III. De motu gravium versus centrum universi, & de Linæ directione. Habet Propositiones sex. 27

IV. De puncto suspensionis & sustentationis gravium. Habet Propositiones octo. 31

V. De mechanica inventione centri gravitatis corporum. Habet Pragmaticas quinque. 36

VI. Centrobaryca Erotica, & de centro gravitatis, & de directione, & motu gravium, si laici. 41

EROTICA.

I. Cur si gravi casuro addatur pondus in partem, ad quam casurus est, non cadat. ibid.

II. Cur homo casurus in unam partem, exten sit brachium in alteram partem alteram, &c. 47

III. Cur funambuli non cadunt, licet sunt insistentes in insistentem corpus in omnem partem insistent. 53

IV. An æus perpendiculariter erecta, sustinere possit molarum pondus, ac nec rupta, nec emissa. 47

V. Cur hinc longæ erecta perpendiculariter supra fulcrum, cadit, hinc quæ sit, non cadit, si eriguntur. 59

VI. Cur aliquæ turres inclinæ non cadunt in alteram partem, in quibus inclinam. ibid.

ELENCHIUS

VII. Cur surgentes à sede, caput una cum thorace in anteriora reclinamus, pedes verò in posteriora versus sedem retrahimus.	62
VIII. An homo erecto corpore circa Terraquam, describat capite suo peripheriam circuli, & quanto is maior sit circulo à pedibus descripto.	66
IX. Si Terraquæ hemisphærium superius auferetur à DEO, manente inferiori, quomodo homines in ejus horizonte starent, & ambularent.	68
X. Cui Antipodes nostri non eadant in partem cæli oppositam.	71
XI. An in æclivitatibus montium possint stare plures homines, domus, arbores, &c. quàm in basi subjecta.	72
XII. An hasta obliquè ad Mundi centrum delata, obliquè etiam ibidem quiesceret.	ibid.
XIII. Quid de minor gravia in centro universi?	73
XIV. An circa Mundi centrum fieri possit motus perpetuus artificialis.	75
XV. Quinam ulus est centri gravitatis in incellu quadrupedum, & volatuum avium?	79

LIBER II.

DE Magia Mechanica, sive de admirandis Machinarum viribus in ponderibus movendis, & atrollendis.	81
SYNTAGMA I. APPARATUS MECHANICUS.	83
CAPUT I. Definitiones Mechanicæ, sive terminorum in Mechanica usitatorum explicatio.	84
I. Axiomata Mechanicæ, seu communes Notiones.	85
II. Postulata Mechanica, seu Hypotheses.	86
IV. Propositiones fundamentales Mechanicæ. Continet propositiones septem.	89
V. De unico & universali principio augendarum virium potentia per machinas.	99
SYNTAGMA II. De vecte, ejusque viribus, & virium cum moto, aut inlejurato pondere proportionem.	102
CAPUT I. De natura, differentis, & proprietatibus vectis. Habet Propositiones quinque.	ibid.
II. An pondus vecti applicatum quocunque modo, habeat semper eandem resistantiam. Habet Propositiones quatuor.	113
III. An figura hypomochli conferat aliquid ad facilitatem motus ponderis per vectem.	116
IV. An linea per quam potentia movet vectem, conferat aliquid ad facilitatem ac difficultatem motus.	117
V. An quodvis pondus quavis potentia quovis vecte moveri queat. Habet Propositiones tres.	119
VI. Paradoxa Mochli mechanica, de admirabili & infinita virtute vectis.	122

TITULORUM.

VII. An orbis terrarum per vectem moveri possit à quovis minimo pondere, aut potentia. Continet Propositiones quatuor.	125
Auctarium Machinarium, quanto pondere, aut quanta potentia movente, cum vecte primi generis, opus sit ad totam Terram loco movendam.	130
VIII. Erroremata Mochlo-mechanica, in quibus explicatur usus & potentia mirabilis vectis in variis instrumentis & machinis, aliisque rebus passim occurrentibus. Continet Erroremata undecim.	134
SYNTAGMA III. De Axe in peritrochio, Succula, & Ergata, earumque viribus in attollendis ac trahendis ponderibus, ponderumque cum potentiis motricibus proportione.	151
CAPUT I. De Axe in peritrochio, ejusque viribus & usu.	ibid.
II. De Succula, ejusque usu in attollendis ponderibus.	160
III. De Ergata, ejusque usu in promovendis ponderibus.	162
IV. De viribus Axis in peritrochio, Succula, & Ergatæ.	163
V. De alio usu Axis seu cylindri in rotâ à calcantibus circumactâ.	164
SYNTAGMA IV. De Trochlea, ejusque in sustinendo, ac movendo pondere viribus, nec non de proportione potentia ad pondus in ejus usu.	167
II. De viribus Trochlearum in ponderibus sustinendis, & attollendis, & utrum Trochlea reducatur ad vectem. Habet propositiones septem.	169
Analecta varia de Trochleis.	181
III. An Trochlea rectè reducatur ad vectem secundi generis.	184
SYNTAGMA V. De Cuneo, ejusque viribus in dividendo.	187
CAPUT I. De forma, & usu Cunei.	188
II. An Cuneus revocetur ad vectem.	ibid.
III. An Cuneus reducatur ad planum inclinatum.	190
IV. Præcedentes opiniones examinantur.	191
SYNTAGMA VI. De Cochlea, ejusque viribus in premendis ac movendis corporibus.	193
CAPUT I. De forma, & usu Cochleæ.	ibid.
II. De viribus Cochleæ, earumque causa, & cum potentia motrice proportionem.	194
SYNTAGMA VII. De causa augmenti virtutis per machinas.	196
CAPUT I. Aristotelis sententia indicatur, & rejicitur.	198
II. Honorati Fabry sententia proponitur.	200
III. Nicolai Zucchi sententia proponitur, & examinatur.	203
IV. Pauli Casani sententia proponitur.	207

LIBER III.

DE Mægia Thaumaturga, sive de admirabili quarundam machinarum fabrica, usu, viribus, & effectibus.

ELENCHUS

CAPUT I. De machinis qui constant rotis ac tympanis dentatis.	214
MACHINA.	
I. Glosiocomum Heronis & Pappi Alexandrinorum, quo datu pondus datopotentia movetur.	ibid.
II. Glosiocomum nostrum, quo talenti potentia movetur Terraqua, si aurea foret.	219
III. Glosiocomum alia forma constructum.	218
IV. Panerarium infinite potentia Simonis Stevini.	232
V. Panerarium aurigarum.	235
VI. Memnonia statua conins, & harmonice cantans.	237
CAPUT II. De variis machinis per rotas dentatas, obiter indicatis.	240
MACHINA.	
I. Machina seu Instrumenta quibus iter & locorum distantie mensurantur.	241
II. Quidriga sine hominum ut jumentorum trahentium ope per vias agitate.	243
III. Sphæra, aliaque machinae, siderum motus varios exhibentes.	244
IV. Archimædi Sphæra, ejusque artificium examinatum.	246
V. Archimædi columba signis velans, & Regiomontani aquila.	251
VI. Dædali statua, Apollonii tripodes, aliaque similia.	255
VII. Horologia rotata, eorumque artificium leviter indicatum.	257
VIII. Planetologium Rente obiter indicatum.	258
CAPUT III. De variis & artificiosis machinis, tam simplicibus, quam compositis.	259
MACHINA.	
I. Vires breves multiplicati, & vires potentia in immensum augentes.	ibid.
II. Viresum Cerebica immanium virium.	262
III. Klicheriana machinula ex pluribus complicata, qua minimo digito talenti pondus elevatur.	263
IV. Trochileta simplex, qua quisque seipsum sursum attrahere potest.	266
V. Machinamentum Dantiscanum, quo mons extra urbem situs, translatus fuit in urbem.	ibid.
CAPUT IV. De machinis veterum, quibus immania pondera terra & aqua vehabant, aut trahebant.	267
MACHINA.	
I. Scytal. Aristotelis, qua veteres terra ingentes Saxorum moles vehabant.	268
II. Ingeniosa Cresiphontis & Mershaganis ratio ad gravia onera deducenda.	272
III. Chemmin. Aegyptii ratio ingentes Saxorum moles terra vehendi.	274
IV. Pappi Alexandrini Chitone.	275
V. Sicuti	

TITULORUM.

V. Saryi Architecti industria in Obeliscis terra devehendis.	276
CAPUT V. De machinis Veterum quibus pondera ingentia in altum attollebant.	277
MACHINA.	
I. Trachyles cum tignis & succula, seu ergata.	278
II. Polypastus Aegyptius ad onera in altum trahenda.	279
CAPUT VI. De machinis quibus electus Iulius Obeliscus vaticanus Romae, iussu Sixti V. Pont. Max.	ibid.
CAPUT VII. Machina Ferdinanda, iussu Ferdinandi III. Caesar. constructa Augustae, pro Chineni missione Societatis JESU.	287

LIBER IV.

DE Magna Statica, sive de occultiore ponderandi ratione, etiam sine ponderatoris instrumentis.	291
SYNTAGMA I. De Staticae Magis Elementis.	292
CAPUT I. De Institutione Staticae.	ibid.
II. Axiomata Statica.	294
III. Postulata Statica.	ibid.
SYNTAGMA II. De Instrumentis Staticis seu Ponderatoriis.	295
CAPUT I. De libra, ejusque forma, differentiis, fabrica, & proprietatibus.	296
II. De Statera, ejusque forma, usu, & proprietatibus.	301
SYNTAGMA III. De variis & occultis ponderandi rationibus, etiam sine ponderatoris instrumentis.	307
PRAGMATIA.	
I. Magna pondera communi & mediocri statera examinare.	ibid.
II. Alios pondera communi statera examinare in una pondera.	308
III. Fallacias librae dolose, quae tamen iusta videatur de reg.	309
IV. Paucis ponderibus seu facomatis magis gravitatis corpora ponderare.	313
V. Uno pondere notae gravitatis idem quod antea peragere.	314
VI. Quanti ponderis sitne cussio pugnii, mallei, securis, aut alterius cuspidis, explorare lib.	315
VII. Furnum ex quolibet corpore combusto exhalantem ponderare, secundum aliquos.	319
VIII. Magnetis vim attractivam ad libram expendere.	327
IX. Libra Sphygmica celeritatem & tarditatem pulsuum absque errore explorare.	320
X. Aeris gravitatem libra sveltata expendere.	323
XI. Mittere in pondere ex Cimon.	324
XII. Admovere acri pondere, ex Galano.	328

ELENCHUS

- XIII. Sine statico instrumento deprehendere, quot salis uncias aut semuncias contineat quævis aqua salia. 327
- XIV. Ponderatione eligere arcam auro refertam, relicta ea quæ plumbo, vel alio metallo plena est, tamen si utraque ejusdem sit formæ, magnitudinis, ac ponderis. 328
- XV. Duorum globorum ponderis æqualis, & metalli diversi (ut cupri & auri) positorum in oblonga pyxide suspensa, & per pondus in æquilibrio constituta, uter examini propior sit, statim explicare. 332
- XVI. Si duo globi, æqualis ponderis, sed diversi molis, intra duas similes & æquales cistas, ubi conditi essent, statim explorare in qua aureus globus jaceat. 335

LIBER V.

DE Magia Hydrostatica, sive de mirabilibus phenomenonis atque effectibus eorum, quæ librantur, vehuntur, merguntur in aquis. 334

SYNTAGMA I. De Hydrostaticis Elementis seu Hypothesibus. 335

SYNTAGMA II. De Hydrostaticis Phenomenis, ac Pragmatis. 339

PRAGMATIA.

- I. Proposito quocunque corpore solido, quod sit gravior aqua, invenire gravitatem aquæ, eidem in magnitudine æqualis. 340
- II. Differentiam inter gravitates aquarum quarumcunque invenire. 341
- III. Mixtionem argenti in aurea corona, ad imitationem Archimedis, invenire. 342
- IV. Quantum argenti sit auro mixtum, cognoscere ex Porta: item quantum auri sit in vase deaurato, & quantum æris in moneta argentea. 351
- V. Mixture metallorum quamcunque notam facere, & monetarum ligaturam explorare, & ponderis diminutione in aqua. 353
- VI. Ex gravitate auri cognoscere ejus qualitatem hydrostaticè per aquam communem. 357
- VII. Differentiam ponderis inter corpora solida, quæ aqua sunt graviora, invenire, & statim per aquam. 359
- VIII. Potestatem quævis corporis quod in aqua demergitur, invenire per aquam, & quævis corporis magnitudinem. 361
- IX. Ex nota potestate quævis solidi corporis aquæ gravioris, notam facere ipsius magnitudinem. 363
- X. Datis libris, & similibus corporibus in aqua gravioribus, ejusdem aut diversi ponderis, & quilibet in pondere, invenire utrum sint æqualia in molè. ibid.
- XI. Invenire gravitatem quævis corporis, mediante corpore quod sit æqualevis. 364
- XII. Quantum salis contineat quælibet aqua salia, hydrostatico artificio cognoscere. 336

TITULORUM.

XIII. Super aquis lacuum ac fluminum ambulare hydrostaticè ac.	369
XIV. Naves, aliæque magni ponderis in mari aut fluminibus submersæ extrahere, hydrostatico archæo.	371
XV. Navem sub aquis navitem fabricari, ex Merfenniphantasia.	373
XVI. Maris profunditatem metiri hydrostaticè ac.	381
XVII. Vitreas aviculas, aliasque cujuscunque formæ icunculas ex vitro, in aqua librare, sursumque ac deorsum pro libitu motitare.	384
XVIII. Quatuor humores in sphaeram vitream ita librare, ut mundum elementarem referant.	388
XIX. Globum solidum in medio liquore hydrostaticè libratum suspendere.	391
XX. Discumbentes illudere, ut pro vino aquam bibant.	393
XXI. Ut quis putet aquam in vinum converti, efficere.	395
XXII. Aquam à vino separare ex principiis hydrostaticis, aliisque modis.	396
XXIII. Utrum vino admixta sit aqua, cognoscere.	400
XXIV. Mustum an habeat admixtam aquam, deprehendere.	401
XXV. Ut lignea statua supra aquam ambulet, efficere.	ibid.
SYNTAGMA II. Delectionibus Hydrostaticis Erotematibus.	402
EROTEMA.	
I. Utrum navigari possit in aere.	ibid.
II. Quæ causa nubes in media aeris regione suspendat.	404
III. Utrum in aqua consistenti partes superiores premant actu inferiorum.	405
IV. Cur hominis corpus ad quantumvis magnam profunditatem immersum aquæ, non sentit aquæ suprapositæ pondus.	411
V. Cur glacies supernatat aquæ ex qua concrevit.	413
VI. Cur corpora hominum viva merguntur, & post duos aut tres dies enantant.	412
VII. Cur lamina plumbea, vel aurea, gravior aqua æqualis molis, supernatat tamen aliquando aquæ.	415
VIII. Cur lamina plumbea plana aquis innatat.	417
IX. Cur naves, & alia vasa concava, quæ aere plena supernatant aquis, ingrediente aqua merguntur.	418
X. An verum sit, quod aqua fibrilis possit sustinere ceram, aut lignum centum & plurium librarum.	420
XI. Cur lignum majus aequalius in specie, depressum infra aquam, ascendit velocius, quam minus ejusdem rationis.	421
XII. Cur insule quædam natant in aquis.	422
XIII. Quid sentiendum de natatu minorum Mundi systematum in mare.	424
XIV. Quid	424

ELENCHUS

XIV. Quid sentiendum de doctrina Srevini Propositio. 10. libi. 4. & Pro-
positio. 10. libi. 4. 426

LIBER VI.

DE Magia Hydrotechnica, sive de abdiis, admittendis, utilissimis, ac ju-
cundissimis aquarum artificijs, ac spectaculis. 429

SYNTAGMA I. De Hydragogia, seu aquarum libellatione. 432

CAPUT.

I. De Hypothesibus Hydragogicis. 433

II. Quidnam sit libellatio, & quinam de illa scripserint. 442

III. De libellaticis Instrumentis à Vitruvio enumeratis, videlicet Dioptra,
Libra aquaria, & Chorobate. 444

IV. De alijs Instrumentis libellaticis à varijs auctoribus usurpatis. 446

V. De vulgari Libratorum praxi in librandis locorum distantis, ad per-
ducendas aquas. 451

VI. De praxi libellandi tradita à P. Nicolao Cabzo. 454

VII. Examinatur sententia & praxis Cabæ in libellandis aquis. 460

VIII. De alveorum atque canalium, per quos aqua decurrit, necessaria de-
clivitate, in perducendis aquis. 463

IX. De cautelis nonnullis in libellatione adhibendis. 467

SYNTAGMA II. De novis nonnullis, aliisque ingemosis machinis ad
aquam in altum elevandam. 469

MACHINA.

I. Infufense Molendinum & Antlia. 471

II. Romanæ fculæ automata, spontaneo atque perpetuo motu aquam in
altum autollentes. 474

III. Antlia Præpensis, perpetui motus idea. 483

IV. Cochleæ Archimedæ usus, & utilitas uberius explicata. 497

VI. Augustana Hydrotechnia, qua aquæ in tuires sublatæ, per urbem in-
de dispensantur. 502

VII. Spiralis rota, motus perpetui xmula. 507

VIII. Rota Blancam, aquam in altum ac circum propiciens. 509

IX. Hydræconisterium Norimbergenle ad extinguenda incendia. 510

SYNTAGMA III. De machinis, quæ aquæ lapsu naturali suas exhibent
operationes. 512

CAPUT.

I. De varijs aquæ naturaliter fluentis proprietatibus. 514

II. De ascensu aquæ equali descensui. 513

III. De varijs fontibus ac machinis lapsu aquæ naturali institutis, obiter
indicatis. 514

TITULORUM.

LIBER VII.

DE Magia Aerotechnica, sive de rarioribus ac mirabilioribus artificibus
machinis hydro- & pneumatis, quæ vi attrahente exhibendis. 518

SYNTAGMA I. De machinis & experimentis pneumaticis, quæ vi attrahente, ad vacuum fugiendum, instituuntur. 519

CAPUT I. Experimenta ex quibus vacui impossibilitatem deducunt Peripatetici, & vim attractivam motu vacui stabiliunt. 520

I. Proponitur & examinatur aliorum sententia de principio effectivo & impeditivo eorum motuum, qui vulgo dicuntur fieri vel impedi à Natura formidante vacuum. 526

III. An aqua per antliam tractoriam eleveur vi prementis aeris, an motu vacui. 530

IV. An hydrargyrus intra fistulam vitream suspensus hæreat motu vacui, an vi pressionis aeris circumstantis. 533

V. An aqua in tubo Berriano suspensa hæreat motu vacui, an vi libramenti extrinseci aeris. 533

VI. Qua virtute ascendat aqua intra tubum & phialam in Experimento Magdeburgico. 554

VII. Utrum aqua in vase irriguo suspensa maneat motu vacui, an vi aeris subius prementis. 558

VIII. In cyatho inverso vinum suspendere, motu vacui. 559

SYNTAGMA II. De machinis & Experimentis pneumaticis, quæ vi expulsiua instituuntur. 562

EXPERIMENTUM. 562

I. Vas construere, e quo si quis bibat, faciem liquore spargat. 563

II. Ventum in cubiculo generare, ad refrigerandum æstate convivæ. ibi.

III. Sclopetum pneumaticum construere. 564

IV. Aliiter Sclopetum pneumaticum fabricari. 568

V. Sclopetum hydro-pneumaticum construere. 569

VI. Manuali Sclopeto pilam minus solo aere proicere. 570

VII. Draconem volantem per aera exhibere. 571

LIBER VIII.

DE Magia Arithmetica, sive de nonnullis admirandis & maxime paradoxis Arithmetice problematibus. 576

SYNTAGMA I. De admirando progressionis Geometricæ incremento, ad innumerabilem graduin gratia numerum Magnæ DEI Mariæ.

MARIÆ quoquo modo æstimandum. Habet 11. §§. 577

SYNTAGMA II. De incredibili idiomatum multiplicabilitate, ex utroque

ELENCHUS TITUL.

- vigintitrium litterarum Alphabeti combinatione. Habet 10. §§. 614
 SYNTAGMA III. De arithmeticis seu arithmagicis planetarum sigillis,
 eorumque superstitione, & vanitate. 649
 CAPUT I. De forma & usu sigillorum planetariorum. Habet 8. §§. 650
 II. De inefficacia, vanitate, ac superstitione sigillorum planetariorum. 659

LIBER IX.

- D**E Magia Geometrica, sive de miris quibusdam Geometricarum figurarum & operationum proprietatibus. 664
 SYNTAGMA I. De proprietatibus circuli. Peripheria circuli majoris, æqualis est peripheriæ circuli minoris, & vicissim. 666
 SYNTAGMA II. Archimedis Cyclometria legitima est, Gephyrandri spuria. Habet 6. §§. 684
 SYNTAGMA III. De Chrysopœia Geometrica, ejusque refutatione, Habet 3. §§. 704
 SYNTAGMA IV. De Arcæ Noë dimensione, ejusque Symmetria, & capacitate. Habet 8. §§. 708
 SYNTAGMA V. De Geometria Catoptrica. 727
 PROPOSITIO.
 I. In omnibus speculis radii obliquè incidentes reflectuntur ad angulos æquales angulis incidentiæ. 728
 II. Instrumentum Pantometrico-Catoptricum construere. ibid.
 III. Altitudines accessibiles Instrumento Catoptrico metiri. 729
 IV. Idem præstare solo speculo, sine Instrumento. 730
 V. Inaccessas altitudines per duas stationes catoptrico radio metiri. ibid.
 VI. Aliter inaccessas altitudines metiri ex duobus locis. 731
 VII. Latitudines seu locorum distantias metiri catoptricè. 732



PROOEMIUM OPERIS.

In quo DEUM in productione rerum ad Leges
Mathematicas respexisse ostenditur, & Operis
Synopsis proponitur.



*Admirandorum Mathematicorum Gymna-
sium aperio, in quo omnium ferè Mathema-
ticarum, hoc est, maximè admirandarum
Disciplinarum non prima Elementa, nec vul-
garia documenta, sed abdita, miranda, &
vere magica inventa curiosarum rerum indagatoribus,
Mathematicorumq; amatoribus & Candidatis, quibus hæc scri-
bo potissimum, propono. Quodnam igitur Phrontisterij mei
foribus symbolum, Platonis, ac Pythagoræ, aliorumque Ve-
terum morem secutus, præfigam? Pulchrum, fateor, videtur
inter alia Platonicum illud, εὐδαιμονία τῆς ψυχῆς: pulchrum
alterius illud, πᾶς ἀγαθή τῆς ψυχῆς: pulchrum Pythagoricæ
Hecatombes diagramma, triangulum inquam rectangulum:
cum singulorum laterum quadratis, ob cuius inventum cen-
tum boves Musis sacrificasse ferunt ejus Auctorem: pul-
chrum Simandis Aegyptiorum Regis Zodiacus aureus cum
epigraphe, ἀκρίβεια τῆς φύσεως: pulchrum denique (ut alia innume-
ra omittam) id quod Veteris sapientia Hieromantia Aegy-
ptij Mercurium Anubin, sapientem illum totius Matheſeos
invento-*

inventorem, ἡρογλίως designaturi, artium suarum sacrariis
 insculpere solebant: Ibis inquam, ut Plutarchus loquitur,
 παῖσα τῆ τῶν ποδῶν ποδῶν ἀποσάσεις πρὸς ἀλλήλους, καὶ πρὸς τὸν ῥίγχαρ ἰσόπλευρον
 τρίγωνον cum hoc Aegyptiaca lingua epiphonemate, ΠΕΜ-
 ΤΕΜΠΗΤΑ ΗΕΡΜΑΝΤΟΒΙΣ, hoc est, donum
 Mercurij Agathodemonis. Post longam tamen pensatio-
 nem, & accuratam omnium considerationem, omnium
 pulcherrimum visum est illud Platicum, ὁ θεὸς αἰὲ γωμετρεῖ
 Deus semper geometrizat, hoc est, Mathematicum agit.
 Nihil enim ad Mathematicarum Disciplinarum commen-
 dationem praelarius, nihil ad movendos Matheseos Candi-
 datorum animos efficacius, nihil ad ingeniosorum studium
 acuendum aptius, meâ quidem sententiâ, excogitari potest,
 quàm DEI ipsius, sapientie omnis pelagi ac fontis, exemplum.
 DEUM verò in rebus omnibus, quâ producendis, quâ exor-
 nandis, Mathematicum se exhibuisse, hoc est, Mathematicis
 legibus ac proportionibus usum fuisse, monstrant luculenter res
 universae, cælum, animalia, vegetabilia, inanimata; in quibus
 omnibus Mathematicarum operationum non obscura solum
 vestigia, sed manifestissima elucent exempla, ut alio fusissimè
 monstrabimus loco. Quare rectè ac sapièter Plotinus asse-
 bat, inesse Architecto illi supramundano ideas quas-
 dam mathematicas, quas omnia quæ existunt, parti-
 cipant. Quibus quidem mediantibus occulto quodam simili-
 tudinis nexu, seu, ut Platonico more loquar, catenâ quâdam
 heracleoticâ, suprema infimis, infima mediis, media summis
 ac imis, per ascensum descensumque varium ineffabili unione
 copulantur. Hinc Plato quondam à suis interrogatus, quo
 maxime

maxime Mens illa *supramundana* sese occuparet, respon-
disse fertur: *Θεὸς αἰὶ κυκλομετρῶν*, Deus semper circulos ani-
mo suo versat; *vel ut paulò ante cum aliis retulimus*: *ὁ Θεὸς
αἰεὶ γεωμετρῶν*, Deus semper geometrizat. Cui adstipulatur
egregie solemne illud in Schola Averrois de DEO Conditore
rerum effatum, Mentem videlicet primam, dum ad re-
rum creationem processit, numeros, triangulos, cir-
culos. & sphæras eruclasse. Simile quid apud Hebraeorum
Rabinos; Rambam & Abenezram legitur, & memini
me audivisse à P. Athanasio Kircherò, habeturque in ejus Oe-
dipo Aegyptiaco, Constituant ii in apice Arboris Zephiroth,
ut appellant, circulum completentem triangulum, in cujus
centro oculus est, cum his adjunctis verbis hebraicis: *en suph*;
angulis verò tribus hæc sunt apposita vocabula bebraica:
Chochma, Binach, Cheter, hoc est; Corona, Sapien-
tia, Intellectus; *vel ut habet Rabbi Abraham in Ietsrah*,
Numerans, Numerus, Numeratus, ipsi deniq; Arbori hæc sub-
scripta est Gnome: Ex Archetypo triangulo profluxit
Mundus. Quibus quidem Mathematicis schematismis ni-
hil aliud allegorice indicare volunt ex doctissimi Kircheri in-
terpretatione, nisi Mundum ex Unitate abyssali & ineffabili,
per Binarium, in Ternarium, & hinc in Circulum profluxisse;
juxta illud veterum Theologorum axioma: ubi Unitas
punctualis cadit in alteritatem Binarii, ibi primò
Triangulus est, ac deinde ex infinitis angulis Cir-
culus. Idem ingeniosissime, ut solent, Aegyptiorum Hiero-
glyphæ indicare voluerunt Horo illo suo, reticulatâ veste
induto, hacnloque *κυκλόμετρον*, hoc est, *υἱὸν ἀνίστηναι* in signito capite,

lituo quoque ☉ gnomone instructo, cui à tergo triangulum est affixum, cum annexo circulo. Hisce enim, ut Kircherus noster interpretatur in Obelisco Pamphilio, ☉ iterum in Oedipo AEgyptiaco, nihil aliud significare volebant, quàm Mundum hunc à DEO per Sapientiam ac Potentiam suam ineffabilem productum; admirabili rerum varietate per upusæ caput significatâ, summâ harmoniâ per lituum expressâ, concinno deniq; ordine per gnomonem indicato, elucescere. Quæ omnia pulchrè explicat Mor Isaac Syrus in sua Theologia Manuscripta, quam apud supradictum Kircherum nostrum Romæ vidi. Is super illa paraphrasis Chaldaica verba: In sapientia creavit DEUS cœlum & terram, commestans, proprium sapientiæ divinæ esse ait, Arithmeticum in numero, Geometram in mensura. Staticum deniq; in pondere, in rebus producendis sese demonstrare. Quod quidem ex Apogrypho lib. 4. Esdræ cap. 4. desumptum videtur, ubi habetur, DEUM in statera ponderasse sæculum, & mensurâ mensurasse tempora, & numero numerasse tempora. His omnibus egregie consonat statua illa vetustissima in AEthiopia, teste Pigafetta, in delubro quodam post Christi Nativitatem Anno 1556. reperta. Tenebat illa manu dextra librum, gnomonem sinistrâ, pectori hebdachordum habebat insculptum, vestis innumerâ figurarum geometricarum varietate insigniebatur, cum hac inscriptione AEthiopica: lika Zarabtalam, hoc est, Architectus Mundi. Quis adeo hebes animo est, qui divinæ sapientiæ gnomonem, ☉ ineffabilem illam rerum harmoniam, libramque exactissimam in rebus creatis omnibus producendis, insinuari hisce non advertat?

DEUS

DEUS igitur rationibus Mathematicis universa condidit, dum immobilis ex Monade velut centro quodam, per lineam rectam, in infinitos polygonos sese propagans, in Circulum deinde infinitorum laterum, hoc est, in se ipsum, Circulum videlicet, cujus centrum ubique, circumferentia nullibi, ut *Thales* loquitur, reflexit. Si omnia ergo mathematicis rationibus à *DEO* condita, si in omnibus *Matheseos* vestigia ac signa latent; ea nos scrutari, mirari, pandere omni studio par est. Quod hac tertia *Magia* nostrae Universalis Parte prestare conabimur, non omnia quidem, sed eximia quaeque & maxime abdita, ideoque magica, recensentes. Ad suum quod omnia in numero, pondere, mensura disposuit *DEUS*, Synopsis porrò Operis praesentis hac esto.



SYNOPSIS

Eorum-quæ Tertia Parte Magiæ Naturalis continentur.

Tertiam hanc Magia nostra Vniuersalis Natura & Artus Partem, qua selectiora Mathematica continebit, in novem distribuemus libros.

LIBER I. Centrobarycus erit, in quo agetur de centri gravitatis natura, proprietatibus, & miris effectibus; de centro Vniuersi, & loco Terraquei globi in ipso, ejusq; centro magnitudinis & gravitatis; de ejusdem in loco suo primitivo stabilitate ac immunitate à motu titubationis circa Vniuersi centrum; de motu gravium ad Mundi medium lineaq; directionis ejusdem motus, de puncto suspensionis & sustentationis gravium; de mechanica centri gravitatis inventione; tandemque explicabuntur varia, jucunda, ac fortassis non indocta centrobaryca Erotemata, præsertim de funambulis, sessione & incessu hominum, volatus volucrum, inclinatione turrium, aliaque multa. Post hæc an motus perpetuus circa Mundi centrum ab arte procurari possit, disputabitur.

LIBER II. Mechanicus erit, in quo tractabitur de admirandis machinarum viribus in ponderibus movendis, & attollendis; in cujus rei gratiam Apparatus Mechanicus præmittitur, in varias Definitiones, Axiomata, Hypotheses, & propositiones fundamentales distributus. Quem sequitur non indiligens quinque virium seu potentiarum mechanicarum explicatio, Vt èis dico, Axis in peritrochio, Trochlea, Cunei, & Cochlea; quarum vis tanta esse apodixi mathematica ostenditur, ut quâlibet earum datâ quavis potentiâ exignâ, quodlibet pondus maximum, imò ipse Terrarum Orbis, Mundusq; Vniuersus, si consistendi locus non deesset, moveri queat. Inferuntur varia Paradoxa & Erotemata Mochlomechanica, quibus admirabilis veltis potentia & usus in varijs machinis fusè, clarè, & nihil autiame fallit, doctè explicatur; adeo ut Liber hic, unâ cum præcedente & subsequente, Mechanica Vniuersalis meritis vocari queat.

LIBER III. Thaumaturgus erit, in quo agetur de admirabili

quarum-

quarundam Machinarum fabrica, usu, viribus, & effectibus. Quem in finem varia machina explicabuntur, praesertim quae constant rotis ac tympanis dentatis, cujusmodi sunt, Glossocomū seu Pancraticum Pappi, Stevini, Aurigarum, & nostrum novum; machina locorum distantias mensurantes, quadriga automata, sphaera Archimedeae, aliaeque ipsi gemina, columna lignea Archita, Dadalifistula, horologia rotata, & planetologium novum obiter indicatum: Varia item machina alia cum Veterum, cum recentiorum: machina item quibus Romani erecti sunt obelisci, praesertim Vaticanus à Sixto V. Pont. Max. tandemque Machina Ferdinandeae Chinenfi Imperatori missa.

LIBER IV. Staticus erit, differeturque in eo de occultiore ponderandi ratione. Quem in finem agetur de Statica Elementis, de Instrumentis Staticis seu ponderatoriis, nempe de libra ejusque forma, differentis, & proprietatibus; de statera antiquorum, ac nostra, de variis & occultis ponderandi rationibus, etiam sine ponderatoris instrumentis, ubi de ponderatione virtutis magnetica, aeris, fumi, ignis, aliarumque rerum; tandemque de libra sphygmica ad pulsuum celeritatem ac tarditatem explorandam.

LIBER V. Hydrostaticus erit, & in eo agetur de mirabilibus phaenomenis atque effectibus eorum quae librantur, vehuntur, merguntur, in aquis. Quem in finem sermo erit de Hydrostatica elementis seu hypothesebus, de phaenomenis ac pragmatiis ejusdem variis, raris, & ingeniosis, praesertim ad mixtionem argenti in aurea corona ad imitationem Archimedis, aliorumque metallorum mixturam inveniendam; ad aquarum; aliorumque corporum pondus per aquam deprehendendum; Item de halometro, de ambulatione super aquas, de extractione navium ex aquis, de navigatione infra aquas, de avium vitrearum natatu, de separatione aquae à vino, aliisque similibus: Tandem selectiora quaedam hydrostatica Erotemata solvantur.

LIBER VI. Hydrotechnicus erit, in eoque de abditis, admirandis, utillimis, jucundissimisque aquarum artificijs ac spectaculis agetur, praesertim quae in Mechanica nostra Hydraulico-pneumatica praetermissa fuere. Vbi etiam de Hydragogia seu aquarum libellatione fuse disseritur, & ex fundamentis. Quem in finem multa describuntur hydragogica instrumenta, aliorumque libellandi praxes examinantur. Tum nova & artificiosa afferuntur & explicantur Machina hydraulica, quae variis spectantur in locis; quarum nonnullae perennem emulantur motum.

LIBER VII. *Aërotechnicus eris, ac de variis, rarioribus & mirabilioribus artificiis ac machinis hydropneumaticis ages, aliisque effusibus, aëris seu spiritus ope exhibendis. Ubi iterum de machinis & experimentis pneumaticis, qua instituuntur vi attractivâ ad vacuum fugiendum, & vi expulsivâ ob corporum impenetrabilitatem. Quâ occasione examinantur varia Experimenta passim jam nota, ut aqua & Mercurij in uno & duplici tubo, aqua per autliam tractoriam elevata, hydrargyri intra fistulam vitream, & liquoris intra tubum Bertianum suspensi; uti & Experimentum Magdeburgicum, aliaque, quorum theoriam in Mechanica Hydraulica explicavimus.*

LIBER VIII. *Arithmeticus eris, & de nonnullis admirandis maximeque paradoxis Arithmetica Problematibus ages, praesertim de admirando progressionis geometrica incremento, ad innumerabilem graduum gratia numerum Magna DEL MATRIS MARIE quoquo modo aestimandum; de incredibili idiomatum multiplicabilitate, ex utili viginti trium litterarum Alphabeti combinatione, de arithmeticis seu arithmagicis planetarum sigillis, eorumque superstitione ac vanitate.*

LIBER IX. *Geometricus eris, ac de miris quibusdam geometricarum figurarum & operationum proprietatibus agis, circuli praesertim, cujus proprietates prorsus paradoxa, & neque ab Aristotele, neque ab alio quovis hactenus explicata examinatur, & alijs solvenda proponitur. Deinde de legitima Archimedis, & spuria Gephyrandri proportionem inter circuli peripheriam ac diametrum. Tum de accurata ac geometrica Arca Noetica dimensione, & capacitate, contra vanos aliorum timores, aut intolerabiles errores. Tandem vana aliquorum Chrysopaë in geometrica relictur.*

MONITIO AD LECTOREM.

Lector benigne, cur non omnia quae alibi promissimus daturus nos in I II. & I V. Parte Magiae nostrae Universalis Naturae & Artis, neque hac Synopsi recenseamus, neque Opere ipso exhibeamus, causa est quam in Operis hujus Epilogo ad calcem damus. Eum lege, & non inconstantiam nostram incusabis, sed alijs gratificandi animum laudabis. Vale.



LIBER PRIMUS DE MAGIA CENTRIPARYCA,

Sive

De Centri gravitatis natura, proprietatibus, &
miris effectibus; simulque de centro & motu gravium,
aliisque Mechanicæ principijs.

PROOEMIUM.

Mechanica sive Machinaria Magia, hoc est, ^{Magia Me-}
ingentium ponderum per Machinas ^{chanica, &} exigua ^{juis, mira}
potentiâ movendorum ratio atque scientia, pri- ^{efficiat}
mu invenit inter omnes Mathematicas hujus Tertiæ Par-
tis, quam aggredimur Magias, sublimesque scientias &
artes locum sibi vendicat, quia in effectibus exoticis, & si-
dem panè humanam excedentibus producendis, mirabilio-
rem se omnibus exhibet, vel ipsâ quotidianâ & irrefragi-
bili experienciâ adsipulante. Quid enim mirabilius, quam
exiguâ potentiâ debilique Instrumento, pondus ingens move-
re; in altum tollere, de loco transferre in locum? Quid stu-
pendum magis, quàm unicum hominem, conatu ferè nullo, id
solum efficere, quod multa simul hominum millia efficere
nequeunt? Quid incredibilius, quàm totam Terraquei
globi molem è loco suo dimoveri, si ubi pedem figas
& machinam, concedatur? Quid denique huma-
ni ingenij captum excedit magis quàm insolentissimum illud
Archimedis problema, τὸ δοῦναι δύναμιν τοῦδε τοῦ πλῆθους κινῆσαι,

Archimedes
de opera
mechanica.

Datâ quavis & quantumvis exiguâ potentiâ, quodlibet & quantum libet grave movere pondus? Ea tamen *Mechanica* seu *Machinaria* *Magia* subditi fieri, & quotidiana, ut diximus, docet experientia, & ratio convincit, & *Mathematica* apodixis demonstrat, & nos luce clariùs in sequenti ostendemus Libro. Certe Archimedes, uti aliis in scientiis & praxibus *Mathematicis*, ita & in *Mechanicis* summus, cum coram Herone Rege Syracusarum ausus fuisset proferre quam paulò ante insinuavi sententiam, sic

μοι πῶς οὐ καὶ κινῶ τὴν γῆν. Da ubi consistam, & Terram movebo; jussus edere specimen aliquod, una manu levâ quinques millenorum modiorum pondus attraxit navem maximâ, in siccum littus ejectam, & gravissimè oneratam, ad se perinde, ac si in mari remis ageretur, traxit; aliam postea recēs constructâ tantæ magnitudinis, ut eâ omnes cives Syracusani conjunctis viribus loco movere non potuerint, solus Rex Hero, *Machinis* adjutus in mare eduxerit, perfecit. Unde meritò Rex obstupefactus exclamavit, ἀπὸ ταύτης τῆς μηχανῆς πρὸ πάντων Ἀρχιμήδης λέγοντι πιστεύειν, ab hac die quidquid Archimedes asseruerit, credendū erit, uti in l. parte l. 1. cap. 6. etiam retuli. Unde verò tanta in *Machinis* potentia, aut quæ

Mathematica
significatio.

Mechanicorum motuum causa ac principium, infra accurate discutietur. Quæ cum ita sint, putandū minime est, *Mechanicam* hîc accipiendam juxta vulgi sensum, qui artes quaslibet non liberales vocant *Mechanicas*; sed juxta doctiorū ac sapientum interpretationē, qui ab ingenio, & inveniendi solertia & *Mechanices*, & *Machina* derivant vocabulum. *Machina*, inquit Lipsius lib. I. *Poliorecticæ* Dialog. 3. ex Auctore Etymologici, Græcis est μηχανή, παρὰ τὸ μᾶλόν, ab inveni-

niendo,

niēdo, aut sapiēdo: sive *παρὰ τὴν μὴ χαίρειν, ἢ μὴ ἰσῶς χαίρειν τινὰ ψαῖς.*
καὶ διὰ τὸ πιτυχίς ἐν τεχνῶν αὐτῆς, quæ hiscere scilicet aliquem
 non finit, neq; reprehēdendi causā os solvere, ob effi-
 caciā in ea & artē, ut *Eustathio* aquae eundem *Lipsium* pla-
 cēt. Certe *Italia*, & teste *Lipio* posteriores *Scriptores Latini*,
machinas hac ipsa de causa *Ingenia*, & earum *architectos*
Ingeniarios appellant. *Machina* inquit *Asconius*, est ubi
 nō tā *materiæ*, quā *ratio artis* atq; *ingenii* ducitur.

Ut porrò *majori cum fundamēto*, *inclinorq; ordine*, simul &
claritate, in re tam vasta totq; *Magorum prodigiorum* fere-
 ce procedamus; *operæ pretium* duximus, *Centrobarycam*
præmittere Magiam, vel potius *Centrosophiā*, hoc est, de cen-
 tro tum *magnitudinis* tum *gravitatis doctrinam*, quoniam
 omnium fere *Mechanicorum miraculorū causā* continet, ut
 luce clariūs suis patebit locis. Meritò ergo *Apparatum Me-*
chanicum appellare possumus hunc primum de *Centrobary-*
ca Magia Librum. Agemus in eo de cētro *gravitatis* & *ma-*
gnitudinis tum *aliorum corporum*, tum verò maxime *Terra-*
quæ, de *centro gravium*, & *motu eorundem ad ipsū*, de *linea*
directionis in gravium motu, ac demum de *stupendis centri*
gravitatis proprietatibus atq; *effectibus*. Punctum est *centrū*
gravitatis, sed tanti momenti, ut in *Cælum* ac *Terram*, resque
 omnes *Cæli ambitu contentas* imperium extēdat suum. Unde
 sapientissimus rerum *Architectus DEUS* non hominibus so-
 lum, etiam *rudibus* ac *imperitis*, sed *animantibus* etiam, imò si
 dicere fas est, *vitā quoque* & *sensu expertibus* rebus, illius
 quandam *magnitionem*, *sensum*, & *appetitum* indidit. *Pytha-*
goras adhuc *puer* *ligna* ferebat in *fasciculum juncta*, &
super humeros ingeniose librata: Vidit *Democritus*,

Magia cen-
 trobaryca.

miratusque scita oneris librati intervalla ; habes unde proficias, inquit, me sequere, meliora discas oportet, qui & ligna lancetam ingeniosâ humeris appendis : simulque Philosophiæ puerum applicuit, & esse eum fecit, ait Gellius, quantus postea fuit. Tantum illi ad immortalitatem nominis momentum addidit Centrum gravitatis. Gravitatis centrum, & quæ cum gravitatis centro conjuncta est, directionis linea, & gravium motum & avium volatum, & animalium hominumque incessum stationem, ac sessionem dirigit, moderatur, ac firmat. Ipsa Terraque moles, quanta quanta est, adhuc centri quietem stat immota, ad nutum, ut multis placet, nutat ac movetur. Nimirum quod Archimedi, quod machinis omnibus ab Archimede inventis, quod adeo Angelis ipsis denegant ut Terram in sese nutibus suis conglobatam, ac pondere suo undequaque in se ipsam conituentem, dimoveant, hoc puncto uni, quod non nisi acu tangas, concedere non dubitant. Sed hoc infra examinabimus. Interim ad rem ut proprius accedamus, sit

CAPUT PRIMUM.

*De centro magnitudinis & gravitatis corporum, & de loco
Terraquei Universe.*

Quoniam Mechanica solum circa corporum motum
versatur, utpote quæ solum physicam gravitatem ha-
bent; ideo de illorum tantum, & non de linearum ac
superficierum, gravitatis centro hoc loco agemus. Præ-
mittendum tamen aliquid de centro corporum in genere, ejusque
divisione in centrum magnitudinis, & centrum gravitatis.

PROPOSITIO I.

*Centrum uniuscujusque corporis est punctum ejus
medium.*

Sic punctum medium cujuslibet sphaeræ, globi Terraquei, Uni-
versi, centrum est sphaeræ, Terraquei, Universi. Ideo de aliis
corporibus dicendum. Quoniam verò quodlibet corpus & ma-
gnum est, & grave; ideo duplex in unoquoque centrum conside-
rari potest, magnitudinis unum, alterum gravitatis: quæ quidem
aliquando in idem coincidunt, aliquando inter se differunt.
Utrumque definitio. Sit igitur

*Centrum
magnitudinis
que corpo-
ris.*

PROPOSITIO II.

*Centrum magnitudinis corporum est illud punctum, quod
undique aequaliter, ratione magnitudinis seu extensionis, ab
extremis abest.*

Itaque si plano per tale centrum transeunte secetur corpus,
bisecari æqualiter quoad magnitudinem oportet, ita ut partes
illæ seorsum sumptæ æquales sint, quomodocunque corpus plano
illo per centrum transeunte secetur. Hoc centrum in homoge-
neis

*Centrum
magnitudi-
nis corporum.*

neis corporibus est etiam gravitatis centrum, in heterogeneis minimè, ut mox patebit.

PROPOSITIO III.

Centrum gravitatis uniuscujusque corporis est punctum illud intra, extravè positum, circa quod undique partes æqualium momentorum consistunt.

*Centrum
gravitatis
corporum,*

ITaque si plano per tale centrum transeunte secetur quomodo-
cunque corpus, semper in duas æquiponderantes partes secabi-
tur, hæ enim sunt æqualium momentorum. Dixi, *intra, extravè
positum*, quia in sphaera, cubo, aliisque solidis corporibus partes
suas omnes unitas habentibus, punctum illud, circa quod undi-
que partes æqualium momentorum, seu ponderum aut gravita-
tum (idenim momentum hoc loco significat) consistunt, est in-
tra illa corpora positum; in annulo verò, semiannulo, sphaera aut
semisphaera concava, aliisque similibus corporibus, non omnes
suas partes unitas habentibus, est extrà positum, v.g. in medio dia-
metrorum, aut in aliquo semidiametrorum puncto talium cor-
porum.

*Pappus Alexandrinus lib. 8. Collection. Mathemat. in hunc sen-
sum definit dictum centrum. Centrum gravitatis uniuscujusque
corporis, est punctum illud intra positum, à quo si corpus dependens men-
te concipiatur, dum fertur, quiescit, & servat eam, quam in principio
habebat, positionem, neque in ipsa latione circumvertitur.* Breviùs ve-
rò *Simon Stevinus lib. I. Staticæ par. I. Definit. 4. sic: Gravitatis cen-
trum est, ex quo vel sola cogitatione suspensum corpus, quemcunque situm
dederis, illum retinet.* Ut si corporis ABCD, centrum gravitatis sit
punctum E, & ex illo puncto suspendatur, aut suspensum cogite-
tur, lineâ EF: retinebit eundem situm, quocunque tuleris, quia
pars ABC est æqualis parti ADC: ut supponitur, ideoque non est
major ratio cur una potius quàm altera præponderet, & situm
mutet. Quòd si alium situm dederis dicto corpori, & conversum
suspendaris ex eodem puncto E lineâ EG: eundem iterum retine-
bit, quocunque feratur, neque in ipsa latione circumvertetur
mutando situm, eò quod & pars BAD æqualis est parti BCD.

*Vide Theo-
nismi I.
Fig. 1.*

COROL-

Fig. III.




Fig. II.



Fig. I.




Fig. VI.




Fig. V.




Fig. B IV.




Fig. IX.





Fig. VIII.



Fig. VII.




Fig. XII.




Fig. XI.





Fig. X.





COROLLARIUM.

Colligitur hinc, unicum tantum esse unius corporis centrum gravitatis, quia circa unicum tantum punctum partes æqualium momentorum consistunt.

PROPOSITIO IV.

In corporibus homogeneis regularibus centrum gravitatis est idem cum centro magnitudinis; in irregularibus & in heterogeneis, diversum.

Homogenea corpora sunt, quorum una & eadem est materia, ut aurum, plumbum &c. heterogenea, quorum materia est diversa, v.g. partim aurum, partim lignum, aut cera. Regularia corpora sunt, sphaera, & sphaerae inscriptibilia, quorum scilicet omnia latera sunt æqualia, ideoque centrum magnitudinis eorum congruit cum centro magnitudinis sphaerae, cui inscribuntur: irregularia, quorum non omnia latera æqualia sunt, ideoque non sunt sphaerae inscriptibilia, quia eorum centrum magnitudinis non potest congruere cum centro magnitudinis sphaerae, si omnia latera à sphaerae mente circumpositae superficie extrema tangantur. Priorum igitur idem est centrum magnitudinis & gravitatis, quia si plano per centrum magnitudinis transeunte quomodocunque secantur, semper secantur in partes æquales ut magnitudine, ita & pondere, quoniam homogenea sunt, & una medietas tantum ponderat, quantum altera. Posteriorum non idem est centrum magnitudinis & gravitatis, quia si heterogenea sunt sive regularia, sive irregularia & una medietas, v.g. medietas A B C, præcedentis Figuræ est lignea, altera plumbea, centrum magnitudinis est in plano utramque medietatem dividente per A E C, nempe in puncto E v.g. at centrum gravitatis erit intra medietatem plumbeam A D C, v.g. in puncto I. Si verò irregularia sunt, semper una medietas gravior erit quam altera, & tamen centrum magnitudinis erit in medio inter duas medietates, (si in duas æquales dividi potest) centrum verò gravitatis erit intra medietatem graviorem.

Centrum gravitatis & magnitudinis in homogeneis idem, in heterogeneis diversum.

Vide Iconismi I. Fig. VII.

Partis III. Lib. I.
PROPOSITIO V.

*In Sphæra globi Terraquei non est idem centrum magnitudinis
& gravitatis, mathematicè.*

*Terraquei
globi non
est idem cen-
trum gra-
vitat. &
magnitudi-
nis, math-
maticè.*

*Vide Ico-
nismi I.
Fig. 1.*

Cum enim globus ille compactus ex terra & aqua, ex una parte terreus sit, ex altera aqueus, terra autem sit gravior quàm aqua; item cum non ubique terrea portio sit ejusdem ponderis, sed alicubi sint saxa gravissima, alibi terra levissima; erit quidem magnitudinis centrum in medio istius globi at gravitatis centrum minimè in medio erit, mathematicè loquendo, sed intra medietatem graviolem constitutum erit. Colligitur ex dictis, & explicatur ulteriùs. Sit in præcedenti Figura globus Terraqueus ABCD, cujus portio *Dmn* sit aquea, portio verò reliqua *Bmn*, sit terrea: centrum magnitudinis globi erit punctum E, quia circa id æquales undique partes quoad magnitudinem consistunt, uti supponitur; at centrum gravitatis non erit idem punctum E, quia circa id non consistunt undique partes æquales quoad gravitatem, cum medietas ABC gravior sit, quàm medietas ADC uti similiter supponitur. Erit ergo centrum gravitatis talis globi intra medietatem ABC. diversum à puncto E.

PROPOSITIO VI.

Physice & ad sensum, idem censeri potest centrum magnitudinis & gravitatis in Terra aqua.

*Physicè ta-
men & ad
sensum idè
est*

Idem enim aquis copiosissimis, per Oceanum, maria, lacus, fluvios dispersis, interfusa sit Terra, & prope superficiem heterogeneis partibus mixta; tamen ad reliquam Terræ molem homogeneam. aquæ omnes, & omnes heterogeneæ partes, insensibilem videntur habere proportionem & ineptam ad præponderandum versus unam partem, uti paulò post demonstrabimus; præsertim cum maris, & Oceani profunditas non sit tanta, quanta vulgò creditur, uti probavimus ex historiis in Cursu Mathematico Tract. de Sphæra Mundi. Credibile etiam est id quod asserit Ricciolus in Almagesto Novo lib. 2. cap. 4. n. 2. DEUM Opt. Max. ita montes & maria circa Terram disposuisse, ut undique æqualia sint momenta circa ejus centrum magnitudinis; sive ob id ipsum quædam

quædam maria sint altiora aliis, (sicut de Tyrreno mari respectu Superi in Adriatico seu Veneto sinu affirmat *Cabeus* in Meteoris lib. 1. pag. 55. & de Mari Rubro respectu Mediterranei, de Mari Nortico respectu Oceani delzur, affirmant alii) sive non.

PROPOSITIO VII.

Corporis cujuscunque centrum, tam magnitudinis; quam gravitatis, mutatur, cum aliquid ei additur, vel demitur, vel mutatur.

Sit cubus ABCD, homogeneæ materiæ, cujus centrum vel magnitudinis, vel gravitatis, vel utriusque, sit punctum E. Addatur ei pars AFGD; mutabitur utrumque centrum versus partem adjitam, eritque non amplius punctum E, sed punctum H. v.g. Ratio est, quia factâ additione, punctum E, quod antea erat in medio corporis ABCD, jam non est in medio FB CG, ut patet ex se. Sit iterum cubus FB CG, cujus centrum magnitudinis & gravitatis sit punctum H, utpote in medio ejus. Dematur pars FADG, maneatque sola pars ABCD, mutabitur centrum, & jam non erit punctum H, quod antea erat in medio totius corporis FB CG, factâ ablatione partis FADG, non est jam in medio partis solius ABCD, ut etiam ex se patet. Quod si ex toto corpore FB CG, auferatur, & pars FADG, addatur ad basin DC, cubi ABCD, ita ut nulla fiat auctio vel diminutio totius corporis FB CG, sed tantum fiat mutatio partium ejus quoad situm; mutabitur similiter utrumque centrum, & jam non erit amplius in H, quia hoc punctum quod antea erat medium totius, jam non est amplius medium totius, ut patet: neque erit in E, quia cum hoc fuerit antea medium solius cubi ABCD, factâ additione ad basin DC, non erit amplius medium totius corporis conflati ex cubo ABCD, & parte addita, ut constat ex se. Mutabitur ergo, & quidem versus basin, eritque v.g. in puncto I.

Vide Iconismi I. Fig. II. Centrum magnitudinis & gravitatis corporum mutatur, si eis aliquid additur, vel demitur.

ANNOTATIO.

Quando gravi aliquid adijcitur, centrum gravitatis accedit versus partem adjectam, quia versus illam partem factum est gravius: quando

quando eidem aliquid demitur, recedit à loco parti ablata propior, & accedit ad locum ab ea remotiorem, quia versus priorem partem factum est levius.

PROPOSITIO VIII.

Continuò mutatur centrum magnitudinis & gravitatis
Terraque.

*Terraquei
globi cen-
trum gra-
vitatũ con-
tinuò mu-
tatur.*

SEquitur ex præcedente Propositione, quoniam in Terraque fit continua additio, ablatio, mutatio partium, cum hæc novæ exsurgant moles, urbes, propugnacula, alibi exurantur & pereant; nunc mare ingenti fluxu accedat ad littora, nunc recedat; modò homines & bestię ex hoc loco migrent in alium, modo ex illo in hunc.

PROPOSITIO IX.

Centrum Universi dicimus punctum illud in medio positum,
à quo omnes lineæ rectæ ad convexam cæli superficiem
ductæ, sunt inter se æquales.

*Universi
Centrum*

SUPponimus enim, Cælum esse sphericum, etiam quoad supremam & convexam ejus superficiem. Universum igitur sphaera est, ac proinde centrum magnitudinis ipsius habet conditiones centri aliarum sphaerarum.

PROPOSITIO X.

Omnia gravia appetunt centrum Universi, eoq; feruntur,
si libera sunt.

*Gravia
sublunaria
centrum
universi
appetunt.*

ITAque centrum Universi est centrum omnium gravium. Quod quidem ab omnibus ferè conceditur, sed nondum hæcenus demonstratum fuit, nec fortassis demonstrari potest: quis enim novit, num siderum partes avulsæ gravitent, & ad suum astrum, velut lapides in altum projecti ad Terram, redeant? inquit *Mersennus* lib. 1. *Mechanic. par. 1. de Centro Universi agens.* Ego certò existimo, quemlibet planetam, & fortassis quamlibet etiam stellam fixam, fundare peculiare systema, & habere suum peculiare centrum gravitatis, quod simul sit centrum gravium eorum

eorum quæ ad systema illud pertinent: quod etiam probabile putat *Mersennus* loco cit. & persuasissimum habet *P. Kircherus*, qui sæpe mecum eade re Romæ discurrit, cum Itinerarium suum Extaticum scriptitabat; in quo fortassis etiam mentem suam prodidit, nondum enim dictum librum editum vidi. Puto tamen certum esse, si Terraqua est in medio Mundi, centrum Universi esse centrum omnium gravium sublunarium, uti ex sequentibus melius patebit.

P O R I S M A.

CEntrum itaque Universi est commune omnium gravium centrum, quò nimirum omnia tendunt, non impedita.

C O R O L L A R I U M.

COLLigitur hinc, Terraquam etiam, utpote maximè grave corpus, naturâ suâ tendere ad centrum Universi, velut ad commune omnium gravium centrum. Utrum verò de facto ibidem existat, mox videbimus.

P R O P O S I T I O X I.

Terraqua est in medio Mundi, saltem quoad sensum.

COncedunt hoc omnes Philosophi & Mathematici Astronomi, etiam Pythagorici & Copernicani: qui quamvis in centro Mundi Solem collocent, Terram verò distantem à centro Mundi tantum, quanta est ejus à Sole distantia (quæ revera ingens est) fatentur tamen tantam esse stellati & supremi Cœli à Terraqua distantiam, ut ad sensum non solum æstimari queat, sed revera & cum maximo fundamento æstimetur ab omnibus, eam esse in Mundi medio, ipsoque Universi centro, quandoquidem perinde omnia ad sensum phænomena nobis apparent, ac si revera in medio Mundi esset. Ita Pythagorici & Copernicani. Phænomena & argumenta ad hoc probandum, non affero, quoniam locus id non patitur; ideo solum velut Hypothesin id proposui. Alii tamen omnes Philosophi & Astronomi volunt Terraquam esse revera in medio Universi, ita ut non solum physico ac lato modo,

*Terraqua
est in medio
mundi,
quoad sen-
sum.*

sed etiam in rigore Astronomico, sit in centro Universi, ita ut ejus mediū cum centro Universi congruat. Quod probabilius est, ut jam dicemus.

PROPOSITIO XII.

Probabilius est, Terraquam fuisse à DEO collocatam in medio Mundi, ita ut ejus medium Universi centro congruerit.

*Terraqua
centrum
gravitatis
mundi cen-
tro congru-
ebat in
principio
rerum.*

Ratio est, quia Terraqua est gravissima omnium; ergo natura suā appetit centrum omnium gravium, hoc est, centrum Universi; ergo de facto ibi fuit à Deo collocata, quia nulla ratio suppetit ad id negandum, suppetit verò optima & efficacissima ratio ad id affirmandum, quoniam Deus juxta rerum naturalium exigentiam operari solet, quando ut Auctor Naturæ operatur. Unde omnino verisimile est id quod diximus in Mechanica Hydraulico-pneumat. par. 1. Protheoria 4. cap. 1. in Proœmio, in prima creationis rerum die Terram sphericè rotundam, & aquis circumfusam, à Deo in medio Mundi fuisse collocatam, ita ut ejus centrum congruerit centro Universi; & cū deinde die Mundi tertio *congregavit Deus aquas*, Terram adhuc undique operientes, in locum unum, atque ex Terra & Aqua effecit globum unum, eundem Terraqueum globum collocasse in medio Mundi, hoc est, in centro supremi & omnia ambientis Coeli, non solum quoad sensum, sed revera ac mathematicè, ita ut centrum gravitatis ipsius congruerit perfectè cum centro Universi, quia ut dixi, id naturalis gravitas ipsius exigebat, & nulla suppetit ratio cur dicamus, id non fuisse factum. At num de facto Terraqua est nunc in medio Mundi, ita ut centrum gravitatis ipsius congruat centro Mundi? & num semper manet de facto in tali situ? Solutio pendet ex sequenti Dissertatione.

CAPUT SECUNDUM.

An Terraqua ex continua mutatione centri gravitatis, sit in continuo motu trepidationis ac titubationis circa centrum Universi.

*Terraqua
globo vari
motu à*

Orbis Terrarum, quem Deus Opt. Max. in prima rerum conditione fundavit super stabilitatem suam, collocatum in medio Mundi

Mundi, uti præcedente dictum est Propositione, tam validis, tam exoticis concutitur motibus ab Antiquis, à Neotericis Enceladidis, Astronomis dico, ac nonnullis Philosophis, vix ut rationum pondere comprimi, vix argumentorum fræns valeat cohiberi. Novo Altante opus est, qui aut humeris ipsum sustentet aut fulciat lacertis. *Nycetas Syracusanus, Heraclides Ponticus, Epphantus Pythagoricus* olim, & nuper *Origanus Longomontanus, Argolus*, & alij conantur ipsum circumagere in medio Mundi circa proprium centrum motu diurno ab ortu in occasum. *Copernicus, Gilbertus, Keplerus, Lansbergius*, alique quibus calamus prurit, & novitates arident, secuti in parte *Philœum Pythagoricum, & Aristarchum Samium*, eundem circa Solem velut Mundi centrum, contorquere nituntur quadruplici motu diurno ab occasu in ortum, annuo intra Zodiici circum, trepidationis ab ortu in occasum, titubationis à Septentrione in Austrum. Et licet Gigantæ hanc audaciam compreserit non ita pridem Ecclesiæ auctoritas, Orbemque Terrarum quieti restituerit pristinæ in Mundi medio, ipsum tamen quiescere non sinit omnino aliquorum ingenium, sed perenni quadam trepidatione, ac veluti fluctuatione, circa Mundi centrum agitare ipsum contendunt, & quidem, ut ipsi putant, non magno admodum molimine, ex centri nimirum gravitatis mutatione perpetuâ, ob perpetuam gravium de novo additionem alibi, alibi ablationem.

Defendit hanc de Terraquæ continua circa Mundi centrum mutatione, ex mutatione centri gravitatis *Marsilius* lib. 8. physic. tract. I. Major in 2. distinct. 24. q. 11. *Joannes de Saxonia* l. 2. de Cœlo q. 10. *Vasquez* l. 2. disp. 13. cap. 2. *Scheinerus* in Disquisit. Mathematicæ Num. XV. Consect. 4. *Cottumus* lib. I. Meteor. lect. 17. *Forerus* in Viridario Philosoph. Disput. de Centro gravit. Num. XXVII. circa finem, *Betrinus Apiario* 4. Progymnas. 1. Proposit. 9. & præter alios, fusè ac doctè *Guldinus* in Dissertat. peculiari de eare, in fine Libri I. de Centro gravit. & *P. Athanasius Kircherus* in Mundo Subterraneo lib. 1. Ratio hujus sententiæ est, quod Terraqua, utpote gravis, imò omnium gravissima, exigat ex natura sua ita existere in Mundi medio, ut centrum gravitatis ipsius congruat centro Universi, juxta dicta Proposit. 10. cap. præcedentis

Terraqua
en ex muta-
tione cen-
trina centri
gravitatis,
fit in conti-
nua trepi-
datione.

cedentis, ergo quia centrum gravitatis continuò mutatur, ex nova & continua additione & ablatione ponderum, necesse est ut toties moveatur ac trepidet, quoties dictum centrum mutatur, ut nimirum novum centrum gravitatis congruat denuò centro Mundi, & Terra stet iterum in æquilibrio, & circa Mundi centrum undique æqualiter ponderet, ut ejus natura requirit. Sed rem meliùs schemate aliquo declaremus. Sit igitur supremi cœlli, ac pronide & totius Universi, ambitus ABCD, cujus centrum E; Terraqua sit FGHI, cujus centrum gravitatis sit idem punctum E, congruens nimirum cum centro Universi, ideoque medietas *mFn* æqualis sit in gravitate cum medietate *mHn*. Addatur jam ex una parte moles aliqua, v. g. F; mutabitur centrum gravitatis in Terraqua, & migrabit versus F, v. g. ad punctum K, ita ut portio I FG æquis sit in gravitate cum portione I HG, manente tamen immobili centro Universi in puncto E. Non poterit, inquiunt, Terraqua in hoc situ manere, sed necessario, juxta dicta Proposit. 10. moveri debet, & deprimi, donec punctum K congruat puncto E, centrum nimirum gravitatis Terraquæ centro Universi. Idem dicendum est in omnia mutatione centri gravitatis in Terraqua; quæ quia continua est, continua etiam erit mutatio ac trepidatio ipsius circa centrum Universi, insensibilis tamen.

Contrariam sententiam defendit P. Joannes Baptista Ricciolus in *Almagesto* Novo lib. 2. cap. 3. P. Mendoza in *Viridario*, & Theologi apud P. Thophilum Raynaudum in *Theologia Naturali* distinct. 4. quæst. 3. artic. 3. qui cum S. Gregorio lib. 2. *Moral.* cap. 15. & S. Thoma quæst. 16. de *Malo* artic. 10. ajunt, nè Angelos quidem ipsos posse naturaliter movere vel tantillum Terraquam de loco suo. Et hanc sententiam ait Ricciolus esse conformiorem stabilitati illi Terræ, quam docent sacræ Scripturæ, præsertim psalmo 104. *Qui fundasti Terram super stabilitatem suam; non inclinabitur in sæculum sæculi.* Idem putat Ricciolus sensisse Priscos, quos ait idcirco Terram vocasse *Vestam*, eò quòd vi suâ stet, juxta illud carmen Ovidii: *Stat vi Terrasua, vi stando Vesta vocatur* Ex quo concludunt, magnificentiùs, quàm veriùs jactasse se Archimedem Heroni quando promisit Terram se è loco suo moturum

Vide Iconi-
smi I.
Fig III.

moturum, si, ubi pedem figeret, haberet, uti suprà in huius Libri Proœmio retuli. Rationem pro hac sententia hanc affert Ricciolus loco citato. Longè magis excedit moles Terræ, cum toto suo pondere, quodvis pondus, quod in ejus superficie mutetur, quàm quodvis pondus potentiam motivam unius, aut etiam plurium hominum: atqui constat dari talia pondera. quæ nullâ vi humanâ, nulloque vecte, aut machinamento dimoveri possunt: ergo nec pondera superimposita Terræ, etiamsi essent Olympus, Pelion, & Ossa, dimovere illam possunt. Ad rationem contrariæ sententiæ, nimirum Terram à se ipsa, seu à gravitate suâ moveri, ut stet in æquilibrio, & circa Universi centrum undique æqualiter ponderet; respondet Ricciolus, quodvis pondus quod solet addi Terræ ex una parte, minorem habere proportionem ad ejus motum excitandum, quàm ala muscæ, aut levissimus pulvisculus additus uni lancium manentium in æquilibrio, & sustentantium utrimque decem æqualia pondo, præsertim cum ad motum sursum aut deorsum vincenda sit resistentia totius aëris, oppositum Terræ Hemisphærium ambientis. Rectè enim (*addis Ricciolus,*) *Cleomedes* lib. 1. de Mundo, & *Seneca* lib. 4. Natural. qq. q. 11. dixerunt, Terram ad montes esse, ut ingentem pilam ad pilum; sive dicas cum *Simone Stevino* lib. 3. Statices, pondus Terræ esse librarum 2,400,000,000,000,000,000,000,000, sive cum *Mersenno* de veritat. Scient. & Comment. in Genes. librarum 65,923,634,426,652,872,385,072,000; sive cum doctissimo quodam Mathematico apud *Forerum* in Viridario Philosoph. Disput. de Mechanicis Num. 47. librarum 899,564,924,385,714,285 $\frac{1}{7}$. Sicut ergo non sufficit quivis noster conatus ad movendum quodvis pondus, ita nec quævis gravitas ad permovendam ex suo æquilibrio Terram.

Hanc secundam sententiam olim publicè defendendam proposui Panormi in Sicilia, nec etiam nunc ab illa recedo, ob rationes paulò antè relatas. Ad præcipuum primæ sententiæ argumentum, quòd Terra quovis pondere addito mutet centrum gravitatis, ideoque nutet versus Universi centrum, nec quiescat, donec cum Universi centro centrum gravitatis Terræ congruat, respondi olim, & nunc iterum respondeo, verum esse, quovis

*Terra quæ
pondus se-
cundum a-
liquos.*

*Terra quæ
centrum
gravitatis
mutatur,
videtur*

pondere

*parte ali-
quid addi-
tur, vel
dimittitur*

*Non tamen
ideo move-
tur.*

pondere addito vel ablato ex una parte Terræ, mutari centrum gravitatis, quia revera tunc ex illa parte fit levior vel gravior etiā physicè, quàm antea erat, licet insensibiliter, quoniam quodvis pondus, quod de facto additur vel aufertur, insensibile quid est, physicè loquendo respectu totius Terræ; negavi tamen sequi motum seu mutationem Terræ, tum quia insufficiens est quodcunque pondus quod de facto additur vel aufertur, ad motum causandum, & tantā Terraquæ molem ab æquilibrio suo dimovendam, ut bene dicebat Ricciolus; tum quia adest impedimētum impediens talem motum, nimirum ipsa Terræ seu Terraquæ gravitas, quæ illam ita ligat & affigit loco semel à DEO in die Mundi tertio sibi attributo, ut ab illo dimoveri, nisi à pondere maximo, & toti Terraquæ moli proportionato, nequeat. Nam gravitas Terræ naturalis facit, ut & ipsa tota, & omnes ac singulæ ejus partes, actu nitantur & inclinent ad centrum Mundi per lineas perpendiculares, hoc est, directè tendentes ad dictum centrum, utpote brevissimas, quoniam Natura per brevissimas lineas adninitura assequi suum finem, si non impediatur; ideoque tametsi pondus F, in superiori Figura premat partes sibi subjectas, efficiatque ut centrum gravitatis Terraquæ, quod antea erat in puncto E, nempe in ipso centro Universi, nunc sit in puncto K, adeoque conetur, ut ita dicam deprimere totam molem Terraquæ, ut punctum K congruat centro Mundi, tamen reliquæ partes omnes resistunt motui; illæ quidem quæ constituunt hemisphærium *m* H π , & sunt infra Horizontem Mundi DEB, nè cogantur versus cælum ad partes C tendere, hoc est, ascendere, contra naturalem inclinationem, imò contra actualem & efficacissimam detentionem Terraquæ in pristino situ; aliæ verò quæ sunt supra horizontem DEB, nè cogantur descendere versus Mundi centrum E per lineas non perpendiculares LN, MO. v.g. cùm tamen ipsæ per lineas perpendiculares LE, ME, eò nitantur; pondus autem F non potest superare tantum impedimentum, nec quodcunque aliud pondus toti Terraquæ moli improporcionatum. Non nego tamen, addi posse saltem virtute majore quàm humanâ, tantum pondus ex una parte, ut motus sequatur, & Terraqua ab æquilibrio suo dimoveatur. Quantum autem id esse

esse debeat, nondum constat, & definire difficile est, ut agnoscat etiam *Mersennus* lib. 1. *Mechani* cor. Par. 1. cap. de Centro Universi, Num. 1 X. Utrum verò Machinis è loco suo dimoveri queat, discutimus in libro sequente Syntagmate 2.

COROLLARIUM.

Colligitur ex dictis, Terraquam non esse ita in medio Mundi, Centrum gravitatis ut centrum gravitatis ipsius congruat revera & mathematicè Terra non semper cum centro Universi. Physicè tamen & ad sensum semper semper congruit centro id contingit, quoniam propter exiguam molem ponderum de novo additorum & ablatorum, nova centra gravitatis non recedunt sensibiliter à centro Universi. Universi, mathematicè, sed sensum ad sensum.

Objectiones contra nostram sententiam, earumque solutiones.

Obiici potest I. contra nostram sententiam: Si centrum gravitatis Terraquæ non est in centro Mundi, Terraqua non quiescit naturaliter in aëre, sed detinetur violenter, quia nititur collocare centrum suæ gravitatis in centro Mundi, & impeditur. *Respondeo*, Etiam si centrum gravitatis Terraquæ esset conjunctum cum centro Universi, tamen adhuc omnes reliquæ ejus partes sunt extra centrum Mundi, & nituntur eò, sublatoque impedimento eò feruntur: & tamen nemo dicit tunc Terram violenter detineri in aëre? Imò nemo dicit, lapidem jacentem in superficie Terræ, esse in statu & situ violento, etiam si nulla ejus pars sit in centro Mundi: quia sufficit quòd pars Terræ, cum qua tunc lapis unum corpus grave constituit, sit in centro Mundi. Ergo nec in nostro casu dici rectè potest, Terraquam esse in situ & statu violento, quia saltem aliqua ejus pars est in centro Mundi. In statu violento esset Terraqua, si tota ejus moles & omnes partes eam integrantes, essent extra centrum Mundi: sicuti lapis in aëre suspensus est in statu violento, quia totus est extra centrum Mundi.

Obiici iterum II potest, Si centrum gravitatis Terraquæ non est in centro Mundi; ergo Terraqua non est in medio Mundi. *Respondeo*, transeat consequens, nego consequentiam. Quia ut Terraqua sit præcisè & mathematicè in medio Mundi, necesse est ut centrum magnitudinis Terraquæ sit in medio seu in centro Mundi: centrum autem magnitudinis Terraquæ non ideo

non est in centro Mundi, quia centrum gravitatis non est in centro Mundi; nam centrum gravitatis non semper est idem cum centro magnitudinis ipsius, ut Capite præcedente diximus. Imò retorquendo argumentum, ajo, si centrum gravitatis Terraquæ esset in medio Mundi, Terraqua non esset in medio Mundi, quia Terraqua est composita ex terra & aqua, quæ sunt inæqualis ponderis, & constituunt corpus heterogeneum, uti ibidem diximus.

At nunquid non Terraqua in medio Mundi est, ut Philosophi ac Mathematici plerumque affirmant? Est non præcisè & mathematicè, sed physicè & ad sensum, ut paulò antè, & suprà etiam, dixi.

Quomodo ergo naturaliter in circumfuso aëre quiescit, si centrum gravitatis ipsius non congruit centro Mundi? Quia à DEO in Mundi principio fuit ibidem collocata, & jam illum situm retinet quem à principio accepit, & nunquam de facto fit ex una parte notabilis additio vel ablatio ponderis, quod prævaleat naturali gravitati ipsius.

Obiici III. potest, Omnia gravia, saltem sublunaria, ex una parte tendere ad centrum Mundi, uti suprà admisimus, & ex alia parte ad centrum Terraquæ, ut communiter omnes admittunt, & manifestæ experientiæ videntur id demonstrare; ergo centrum Terraquæ congruit centro Mundi: sed hoc non potest esse verum de centro magnitudinis Terraquæ, quia id continuò mutatur, & fortassis nunquam fuit in centro Mundi; ergo de centro gravitatis verificari debet; ergo centrum gravitatis Terraquæ congruit semper centro Mundi, ac proinde, cùm id continuò mutetur, Terraqua debet esse in continua trepidatione, ut dictum centrum semper congruat centro Mundi. *Respondeo*, quando centrum gravitatis Terraquæ congruit de facto centro Mundi (quod aliquando fieri potest) tunc gravia sublunaria tendunt & ad centrum Mundi, & ad centrum gravitatis Terraquæ, aliàs ad centrum Mundi tendunt, & non ad centrum gravitatis Terraquæ, nisi ad sensum & physicè loquendo.

Obiici IV. potest, Gravitās Terraquæ, sicut cujuslibet corporis gravis, non impedit, sed juvat motum versus centrum Mundi; ergo gratis dicitur quòd gravitas Terraquæ impedit motum ejus post mutatum centrum gravitatis. *Respondeo* extra Mundi medium existente

existente totà Terra quâ, & toto corpore gravi, concedo: in medio Mundi existente saltem secundum aliquam partem, nego universaliter: quia gravitas Terraquæ & corporis gravis non solum inclinât corpus actu ad Mundi medium, sed etiam detinet ibidem, quamdiu pars extrâ existens non est tantæ gravitatis, ut superet partem reliquam: nam stat *vi Terrâ suâ*, & *DEUS firmavit Orbem Terra super stabilitatem suam*, hoc est, supra suammet gravitatem, ipsam in medio Mundi detinentem. Gravitâs corporis gravis facit, ut corpus non possit ascendere, nisi ipsi inferatur vis superans gravitatem: corpus autem in medio Mundi existens, si moveretur, factâ qualibet mutatione centri gravitatis, aut datâ qualibet inæqualitate gravitatis circa Mundi centrum, ascenderet ex parte, nullâ datâ violentiâ superante gravitatem partis ascendentis.

CAPUT TERTIUM.

De motu gravium versus centrum Universi, & de Linea directionis.

EX dictis utroque capite præcedente constat I. *Centrum Universi esse centrum gravium omnium, saltem sublunarium.* Constat II *Centrum gravitatis Terraquæ nō semper esse revera & in rigore mathematico centrum gravium, etiam sublunarium, sed solum physicè & ad sensum: quia in rigore ut plurimum distat à centro Universi, sed tam parum, ut ad sensum idem cum ipso censi queat.* Constat III. *Centrum gravitatis Terraquæ posse censi centrum omnium gravium sublunarium, propter exiguam & insensibilem distantiam ab eo.* His suppositis, super est ut aliquid dicamus de motu gravium ad centrum gravium, hoc est, ad centrum magnitudinis Universi, & centrum gravitatis Terraquæ: & paucula de linea directionis, per quam fit ille motus.

PROPOSITIO I.

Gravia omnia sublunaria, libere demissa, descendunt versus centrum Mundi.

PATet ex dictis cap. i. Proposit. 9. quia centrum Mundi est *Gravia sublunaria possumus cū. trā Mundi.* centrum omnium gravium sublunarium; omnia ergo eo
D 2
conten.

contendunt, non impedita. Quòd si ad dictum centrum pertinere non possunt, saltem conantur esse illi quàm vicinissima, & de facto quàm possunt vicinissimè illi appropinquant, uti experientiâ constat, & ex dicendis sequenti capite meliùs patebit.

PROPOSITIO II.

Gravia omnia sublunaria, libere demissa, petunt unum & idem centrum, nempe ipsum centrum Mundi.

SUPponunt hoc omnes. Probant aliqui ex eo, quòd tam aqua, quàm terra, & mixta quælibet, descendant ad terram & aquam per aërem, & per aquam ad terram, liberè ex eodem loco seu puncto demissa, per eandem lineam, ad eundem locum seu punctum. Hæc tamen experientiâ valde incerta est, & multis erroribus subiecta, si sermo sit de descensu libero per aërem aut aquam. Puto tamen propositionem esse certissimam, & ideo ut Hypothesin admittendam.

PROPOSITIO III.

Gravia descendant ad centrum Mundi, si libera sunt, per lineas rectas, & horisontis perpendiculares, cadentesque in centrum Mundi.

*Es quidem
per lineas
brevissimas.*

QVòd per rectas descendant, si ab extrinseco non cogantur à recta via deviare, patet experientiâ quotidianâ, & confirmat lex Naturæ operantis semper per vias brevissimas. Quòd per lineas perpendiculares horisonti descendant, patet ex eo, quòd ubicunque terrarum & marium, perpendiculorum pondera libere demissa, vel per aërem, vel per aquam consistentein, descendant per lineam rectam illam, quæ facit angulos æquales hinc inde cum linea aut plano horisontali, atque adeo per illam rectam lineam, quæ producta reipsâ, aut imaginatione, continuatur cum semidiametro Terraquæ, & in ejusdem centrum cadit. Quòd denique per lineas rectas in ipsum Mundi centrum cadentes descendant, probatur, quia alioquin nunquam pervenirent ad centrum Mundi, etiamsi aditus eò usq; pateret, & nullum adesset impedimētum. Sit enim Terraqueus globus ABC, cujus centrum

Vide Iconismi I.
Fig. 1 V.

magni-

magnitudinis, simulque centrum Mundi, sit D, & demittatur grave ex E. Si non descendat per lineam EBD, sed per lineam EF v. g. nunquam perveniet ad centrum D, quia perpetuò pergit per lineam rectam, non impeditum.

PROPOSITIO IV. LEMMA.

Linea recta conjungens centrum gravitatis cujuscunq; grave, vis extra Mundi centrum existentis, cum centro Mundi, est ejusdem gravis horizonti perpendicularis.

Centrum Mundi sit A, gravis BC extra centrum Mundi existens centrum gravitatis sit punctum D; linea recta AD conjungens hæc duo centra, si continuetur versus D, transibit per gravis verticem, ut grave est, & terminabitur in horizontis ex dicto Zenith velut ex polo descripti, ac proinde ad eundem horizontem perpendicularis est, ut ex Sphæricis Theodosii constat.

Vide Iconismi I. Fig. V.

COROLLARIUM.

Colligitur hinc, quòd linea conjungens centrum Mundi cum centro gravis extra existentis, sit omnium brevissima earum quæ ex eodem centro Mundi educuntur ad planum transiens per centrum gravitatis, & horizonti parallelum, *per Scholium proposit. 16. lib. 1. Elem. Euclid.*

PROPOSITIO V.

Gravia secundum gravitatis centrum deorsum feruntur.

Sensus est; gravia ita feruntur deorsum versus Mundi centrum, si libera sunt, ut centrum gravitatis eorum nunquam deviet à linea, quæ dictum centrum cum centro Mundi conjungit. Sic ergo grave. BC præcedentis Fig: descendit secundum lineam DA, ita ut punctum D nunquã deviet à dicta linea DA. Ratio est, quia gravia descendunt versus centrum Mundi, per lineam rectam brevissimã: talis est sola dicta linea, *per præcedentem*; ergo &c.

COROLLARIUM.

Colligitur hinc, si gravia impedita sunt, ut cadere non possint, nisi nihilominus ac tendere deorsum secundum idem cen-

rum gravitatis, & secundum eandem lineam : ideo enim in actu secundo feruntur deorsum per illam lineam, quando libera sunt, quia naturâ suâ determinata sunt ad casum tali modo ac viâ faciendum; quam quidem naturam non mutant, dum impedita sunt à casu seu lapsu.

ANNOTATIO.

Linea dire-
ctionis. **A** *tque hac linea, qua connectis centrum Mundi & centrum gra-*
vitatis unius cujusq; gravis extracentrum Mundi existentis, a-
pellatur Linea directionis, quia dirigit motum gravium versus cen-
trum, quandoquidem ab ea gravitatis centrum, atque adeo ipsum gra-
ve, nunquam recedit. Sic ergo definiri potest Linea directionis.

PROPOSITIO VI.

Linea directionis est linea recta, ducta à centro gravitatis unius cujusque gravis ad centrum Universi.

HÆc totuplex est, quotuplex est corpus grave extra centrum Universi. Et quia protracta transit per verticem gravis, & pertingit usque ad Zenith ejusdem, dici etiam potest horizontis ejusdem gravis axis, cum unus cujusque rei extra centrum Mundi existentis horizon describatur à Zenith seu vertice, tanquam à polo, ut dictum Proposit. 4. Dicitur præterea solet gravitatis diameter, quia cum transeat per gravis centrum, dividit ipsum in duas partes æqui ponderantes. Et semper horizonti perpendicularis, ut ibidem diximus. Quòd si grave intelligatur suspensum à tali linea secundum gravitatis centrum, appellatur *Diameter gravitatis pendula*; de quo mox plura.

COROLLARIUM.

Colligitur hinc, ad quemlibet motum progressivum hominis, vel alterius animalis, lineam directionis illius necessariò mutari; idemque de alio quocunque gravi intelligendum, si transversum moveatur.

CAPUT QVARTUM.

De puncto suspensionis & sustentationis gravium.

PUNCTUM suspensionis appellamus hîc punctum illud, ex quo grave suspenditur liberè, & suspensum hæret. Punctum verò sustentationis illud vocamus, cui grave liberum ab extrinseco impedimento innititur, & ab eo sustentatur.

*Punctum
suspensionis
& sustentationis.*

PROPOSITIO I.

Grave in ejus centro gravitatis à recta lineâ rigida, & circa alterum extremum convertibili sustentatum, aut suspensum, tunc solum quiescit, quando eadem lineâ horizonti est perpendicularis.

SI pondus B, cujus centrum gravitatis B, quod à lineâ rigida CB, & circa extremum C convertibili, sustineatur. Dico, pondus hoc in nullo situ mansurum, nisi lineâ CB horizonti parallela existat. Ac primò quòd maneat, quando lineâ BC horizonti est parallela, patet ex eò quòd non tendat deorsum, nisi secundùm centrum gravitatis, lineamque connectentem gravitatis centrum eum centro Universi, ut dictum fuit cap. 3. Proposit. 5.

Vide Iconismi I. Fig. VI.

si ergo grave est sursum in A, ita ut lineâ ex centro Mundi ducta continuetur cum lineâ CB, non potest cadere, quia secundùm lineam BC, deberet cadere, cui obstat rigiditas lineæ BC; nec major ratio est, cur cadat potius versus F, quàm versus E, quia versus neutram partem præponderat, ut supponitur; ergo debet in illo situ manere. Si verò est infra in D, cadere non potest deorsum, quia suspensum est ex lineâ BC fixa in C, nec potest moveri versus alterutram partem, quia versus neutram præponderat, ut iterum supponitur; ergo manet. Quòd verò non maneat, si lineâ CB, non est horizonti perpendicularis, patet ex eo, quia si est ad partes E, aut F, ita ut lineâ CB congruat lineæ CE, aut CF; deorsum nititur versus Mundi centrum, & quidem per rectam lineam: cum igitur non sustineatur à lineâ CE, aut CF, utpote convertibili circa punctum C, non potest manere, sed cadere debet: quia tamen per rectam lineam cadere non potest, eo quòd suspensum est è puncto C; cadet per eam, per quam potest, nempe versus D, per circumferentiam EB, aut FB. Lege seq. Proposit.

Grave suspensum non quiescit nisi lineâ suspensionis sit horizonti perpendicularis.

COROL.

Partis III. Lib. I.
COROLLARIUM.

Colligitur hinc, grave prædicto modo sustentatum, aut suspensum, non quiescere, nisi linea recta è centro Mundi educta transeat per centrum gravitatis illius corporis, & simul per punctum sustentationis, aut suspensionis.

PROPOSITIO II.

Grave filo aut fune suspensum, non quiescit, nisi cum fuerit in recta linea ab appensionis puncto, per centrum gravitatis illius gravis, ad centrum Mundi ducta.

Vide Ico-
nismi I.
Fig. VII.

Sequitur ex dictis, & demonstratur sic. Sit filum CV appensum ex puncto C , & filo annectatur grave A ; centroque C , intervallo CA (vi enim ponderis A extenditur filum) describatur circulus CMV . Estopræterea centrum Universi, ac simul Terraquæ (saltem ad sensum) punctum S , à quo intelligatur ad punctum suspensionis C ducta recta linea SC , secans circulum in puncto V . Dico, si filum CA cum gravi A appenso extendatur ad quodcunque circumferentiæ punctum diversum à puncto V , v. g. ad punctum M ; non quiescere grave, sed moveri donec ipsum filum cum gravi A appenso consistat in linea SC , itaut eadē linea trāseat simul per centrū gravitatis ejusdē gravis A . Ratio est, quia punctum V , est omniū punctorum, quæ in circuli prædicti circumferentiā assignari possunt infimum, hoc est, centro Terraquæ & Universi propinquissimū, eò quòd linea SV sit omnium brevissima illiarum, quæ à puncto S extrā assumpto ad convexā circuli peripheriam duci possunt, per *Proposit. 8. lib. 3. Element. Euclid.* Atqui pondus quodcunque, nisi impediatur, tendit de facto vel ad ipsum centrum Universi & Terraquæ, ut dictum est suprà, vel saltem ad locum centro dicto propinquissimum, ibique quiescit, in præsentia autem casu pondus A non impeditur à filo, quò minùs à puncto M , vel à quocunque alio, moveatur ad punctum V , ut supponitur; Ergo eò movetur, ibique impetu cessante quiescit, cum ulterius descendere non possit, impeditum à filo; nec sponte potest inde dimoveri, impeditum à sua gravitate, alioquin ascenderet, quia à loco infimo, & Universi seu Terraquæ centro propinquissimo, versus altiore, & à dicto centro remotiorem moveretur.

moveretur. Quod autem non quiescat, nisi linea è centro Mundi S. ad centrum suspensionis C ducta, transeat etiam per centrum gravitatis corporis gravis A, ratio est, quia alioquin si centrum gravitatis esset citra vel ultra dictam lineam, pars gravior esset citra aut ultra, & non impedita non moveretur ad locum centro Mundi vicinissimum; quod fieri nequit, per dicta supra.

COROLLARIUM.

Colligitur hinc, quotiescunq; grave suspensum liberè quiescit, lineam directionis transire per centrum gravitatis, & punctum suspensionis; & vicissim, quando linea directionis transit per centrum gravitatis, & per punctum suspensionis corporis gravis liberè suspensi, corpus illud quiescere. Item, grave suspensum liberè nunquam quiescere, nisi linea directionis transeat etiam per punctum suspensionis.

PROPOSITIO III.

Grave sustentatum à plano in puncto, tunc quiescit, quando linea è centro Mundi per punctum sustentationis transiens, transit etiam per centrum gravitatis; cadit verò, si transit extracentrum gravitatis.

Esto conus AB, cujus centrum gravitatis C, insit atque plano in puncto B; centrum verò Universi sit punctum D. Dico I. tunc quiescere dictum conum, quando recta linea DB, transit etiam per punctum C, ut in primo cono, quoniam tunc neque directè deorsum secundum directionis lineam cadere potest, utpote impeditum à plano sustentante, neque in latus alterutrum declinare, quoniam omnes partes circa eam lineam sunt æquipoponderantes, ac proinde nullæ alteras in partem alterutram per trahere possunt. Dico II. tunc cadere eundem conum, quando recta linea DB, transit extra punctum C, ut in secundo cono, quoniam tunc grave propendet ad unam partem, ac proinde plus ponderat ex ea parte, quàm ex altera; cadit ergo, ut experientia constat.

Vide lib.
nisi m.
Fig. VIII.
Grave su-
stentatum
in puncto,
nō quiescit,
nisi linea
directionis
transiat per
punctum
sustentatio-
nis. Et cen-
trum gra-
vitatū.

ANNOTATIO I.

Quod diximus de cono, intelligendum etiam est de pyramide, de Sphæra, & de quovis alio corpore quod puncto insistere potest; quoniam quoad punctum sustentationis, & ad centrum gravitatus spectat, & consequenter ad lineam directionis, eadem in omnibus est ratio.

ANNOTATIO II.

Praterea quod de gravi, puncto insistente dictum est, intelligi etiam debet de gravi insistente linea: tunc enim stabit, si linea è centro Mundi ducta transit simul per lineam cui insistit grave, & per centrum gravitatus ipsius; alioquin cadit.

PROPOSITIO IV.

Gravia quæ quantitati insistant, tunc stant, cùm linea directionis transit per quantitatem cui insistant, cadunt verò, si extra eam quantitatem transit.

Vide Iconismi I.
Fig. IX.
Gravia nō stant, nisi linea directionis transit per basin.

Esto I. grave ABCV, insistens quantitati seu fulcro AB, & centrum gravitatis sit D, directionis linea sit CDBE. Quoniam igitur hæc linea (& quæcunque alia transiens inter A & B, simulque per centrum gravitatis versus partes R constitutum) dividit bifariam grave, & pars ABC quantitati insistent, est æquæ gravis ac pars CBV, non potest hæc illi præponderare. Stabit ergo grave.

Esto II. grave FGH, insistent quantitati FG, & centrum gravitatis sit I, linea directionis sit HIK, linea per extremum G quantitatis FG transiens (vel etiam inter G & F, perinde est) & per Mundi centrum, sit LGK. Quoniam igitur linea HIK dividit grave bifariam, linea L G K non dividet idem bifariam, sed pars X L G K major erit, quàm pars L G F; necessariò ergo illa præponderabit huic. Cadet ergo grave.

PROPOSITIO V.

Si medium in quo grave suspenditur, est æqualis ubique resistentia, semper corpus æquiponderabit, sive à centro sua gravitatis, sive à punctis superioribus, vel inferioribus linea directionis suspendatur.

PAtet experientiâ, quia experimur eandem facilitatem aut difficultatem grave sustinendi, trahendique sursum perpendiculariter, ex quocunque trium dictorum punctorum suspensum sit. Sed de hoc iterum in Magia Statica infra Libro I V.

PROPOSITIO VI.

Quæ à superioribus linea directionis punctis detinentur, ad pristinum statum redeunt, cum excoeducuntur.

PAtet ex dictis Propositione 1. 2. & 3. Et ratio est, quia tunc vel totum grave, vel major ejus pars, est extra lineam à centro Mundi ad punctum suspensionis ductam.

PROPOSITIO VII.

Quæ ab inferioribus linea directionis punctis detinentur, recedunt à pristino statu, si excoextrahuntur.

PAtet ex iisdem Propositionibus, & ratio est eadem quam diximus.

PROPOSITIO VIII.

Quæ à centro gravitatis suspenduntur, ubicunque posita manent.

PAtet ex Proposit. 1. & 2. citata, & ex dictis de natura centri gravitatis cap. I. Proposit. 2. Et ratio est, quia linea directionis tunc dividit corpus per punctum retentionis in duas partes æquè gravitantes.

ANNOTATIO. I.

Ex tribus proximè præcedentibus Propositionibus multa intelligitur, quæ infra de Veste, & libra dicemus; ideoque bene sunt notanda.

ANNOTATIO. II.

Corpus libere pendere quando dicatur.

Corpus libere pendere dicitur à puncto retentionis seu suspensionis quando in omnem partem ita circumvolvi potest circa dictum punctum

ut omnia illius puncta à predicto puncto remota circa illud circulum describant in circumvolutione. Inspice Figuram Propositionis 1. & 2. hujus Capituli.

CAPUT QUINTUM.

De mechanica inventione centri gravitatis corporum.

Centri gravitatis inventio via media.

QVarum vis magnitudinum, & quarumcunque figurarum, gravitatis centra duplici viâ indagari ac deprehendi possunt, geometricâ videlicet, & mechanicâ. Prior ut certior, ita subtilioris est indaginis quàm ut hîc tractetur. Legi possunt *Archimedes*, *Commandinus*, *Lucas Valerius*, *Simon Stevinus*, *Carolus La Faille*, *Paulus Guldinus*, & alij, quicquid de re fusè ac subtilissimè scripsere. Nos hîc alterâ viâ incedemus, & mechanicè tantùm ac quali tentando indagabimus gravitatis centrum, non omnium magnitudinum, sed corporum tantùm; quoniam hoc satis erit ad nostrum institutum, pro quo non requiritur præcisa illa & secundùm mathematicam *ἀκριβειαν* instituta talis puncti inventio. Quoniam verò centrum gravitatis corporum communiter est intra soliditatem ipsorum, quam nos penetrare oculis non possumus, ut illud designemus; querendum nobis est in ejusmodi corporum extrema superficie punctum unum aut alterum correspondens hujusmodi centro, si rectâ versùs illud viâ intrò procederemus; illo enim puncto cognito deinde operari possumus, ac si ipsum gravitatis centrum notum foret, uti mox patebit ex sequentibus praxibus.





PRAGMATIA I.

Homogenearum sphaerarum, cylindrorum, & prismatum centra gravitatis invenire.

sphaerarum
cylindrorum,
prismatum.

SI corpora sint sphaerica, & homogeneæ materiæ, centrum gravitatis non differt à centro magnitudinis, ut suprà diximus cap. I. Proposit. 4. Quare quodlibet punctum in superficie assumptum, aptum est communiter ad propositum. Nam si assumpto puncto inveniatur aliud diametraliter oppositum, & per utrumque plano aliquo secetur sphaera; transibit id per centrum & magnitudinis & gravitatis, & utrumque erit medium sectæ sphaeræ punctum æqualiter





æqualiter undique à peripheria circularium duorum planorum ex sectione resultantium remotum.

Si corpus sit cylindrus, aut prisma, materiæ homogeneæ; assumitur dimidiatæ longitudinis punctum unum ac alterum, & per utrumque secatur corpus: planum enim secans transit per centrum gravitatis, quod semper est in medio planorum ex sectione resultantium. Sed hæc insinuasse sufficiat; quæ melius intelliget, qui geometricam centri gravitatis planorum & corporum inventionem perspectam habet,

PRAGMATIA II.

Irregularium corporum gravitatis centrum invenire.

Irregularium corporum.

PRaxis sequens locum habet præcipuè in corporibus plus longitudinis ac latitudinis, quàm profunditatis, habentibus; quamvis in aliis etiam adhiberi queat. Sit corpus ABC. Suspendatur liberè ex quovis puncto A, & à suspensionis puncto demittatur filum cum perpendiculo, noteturque linea quam filum in extrema corporis superficie designat, sitque linea AE. Deinde rursus ex quolibet alio puncto C, suspendatur liberè idem corpus, & à puncto suspensionis demittatur iterum filum cum perpendiculo, & notetur linea quam filum in eadem extrema superficie designat, sitque linea CB. Quoniam igitur, utcumque & à quocunque puncto corpus liberè pendeat, centrum gravitatis in linea illa perpendiculari; quæ ad centrum Mundi vergit (cujusmodi semper est filum cum perpendiculo) reperitur, *juxta dicta supra cap. 4. Proposition. 2.* necesse est, utramque perpendicularem à punctis suspensionis ad centrum Mundi tendentem transire per centrum gravitatis suspensi corporis. Si ergo ab iisdem suspensionis punctis duæ perpendiculares liberè demittantur, & superficiem extremam radant; interfecabunt sese in puncto D. v.g. ac proinde punctum D respondebit centro gravitatis, & si ex puncto D suspendas liberè dictum corpus, totum corpus manebit in æquilibrio, nec magis ex una quàm ex altera parte deorsum inclinabit. Quòd si ex opposita corporis superficie aliud punctum simili artificio invenias, & per utrumque punctum perfores corpus, & axim infigas; transibit is per ipsum centrum gravitatis.

Vide Iconismi I. Fig. X.

Quoniam gravitatis centrum non semper est in tra ipsam corporum profunditatem, sed aliquando extra, aliquando in ipsa superficie aliqua, uti ex dictis supra cap. 1. Proposit. 3. constat, contingere potest ut ipsum intersectionis punctum sit centrum gravitatis quasitum.

PRAGMATIA III.

Centrum gravitatis laminarum in venire.

Lamina.

Delaminis loquor, quæ æqualem ferè habent latitudinem ac longitudinem, ac multò magis quæ rotunditatem aut quasi rotunditatem habent, at parum profunditatis. In his satis præcisè invenitur centrum gravitatis, si cultri vel styli acuti apici imponantur, & ita librentur, ut ab illo sustententur sine periculo cadèdi; punctum enim ab apice cultri vel stylo notatum est quodquæritur, vel saltem non procul ab illo distat, & necessariò est in eadem recta linea, quæ è centro Mundi per centrum gravitatis laminæ ducitur, uti constat ex dictis supra cap. 4. Proposit. 3. Hac arte, inquit *Guldinus*, utuntur argentarii, quando ex crassiore lamina figuræ utcunque rotundæ pocula fabricant: nam ut æqualiter, & æqualis ponderis partes, ex medio per malleum undique protrudant, centrum gravitatis, saltem in superficie dictæ ratione inquirunt, imponendo laminam cœli aut styli ferrei perpendicularly erecti apici, & cum in æquilibrio hæret lamina, punctum notando In quo tangitur ab apice lamina.

PRAGMATIA IV.

Centrum gravitatis oblongorum corporum investigare

Oblongorum corporum.

Vide Icon.
simil.
Fig. XI.

Si laminæ, aliaque corpora longè majorem habent longitudinem quàm latitudinem, cujusmodi sunt regulæ seu amusses, prismata ablonga, & alia similia corpora, duobus modis indagari potest centrum gravitatis. *Primus modus* est hic. Imponantur hujusmodi corpora vel filo horizontaliter tenso, vel aciei alicujus prismatis trigonii, uti in Figura apparet, ubi corpus AB impostum est aciei seu lineæ EF trigonici prismatis CD. Nam ubi impostum corpus quieverit, linea EF subjecta designabit in corpore super-

superposito lineam, per quam transiens planum à centro Mundi egrediens, secabit impositum corpus per centrum gravitatis. Ratio patet ex dictis *suprà* cap. 4. *Proposit. 2. Annot. 2.*

Secundus modus est, si datum corpus imponatur mensæ planæ horizontali, quæ habeat extremum marginem exactè rectum, & paulatim promoveatur corpus illud extra mensam, donec eò venerit, ut si ulterius vel minimum promoveretur, sponte caderet. Tunc enim si secundum rectitudinem marginis mensæ ducatur linea stylo aliquo in corpore imposito, & deinde eadem superficie mensam tangente corpus illud aliquantulum circumducatur, & ut antea extra marginem promoveatur, & alia similis linea secundum marginis rectitudinem ducatur, interfecans priorem in puncto, erit punctum illud centro gravitatis intus latenti respondens.

PRAGMATIA V.

Cujuscunque superficiei planæ centrum gravitatis venari.

Sequentem modum proponit *P. Paulus Guldinus* lib. 1. de centro gravit. cap. 12. *Proposit. 2.* & inservit pro planis quibuscunque, & cujusque figuræ ea sint, claudanturque lineis quibus vis, sive rectis, sive mixtis. Sic autem se habet. Sumatur ex metallo lamina bene complanata, æqualis ubique spissitudinis (quales sunt quæ non malleo extenduntur, sed per angustas & æqualiter apertas rimas ducuntur) eaque induatur figurâ tali, qualem habet datum planum tuum, cujus centrum gravitatis quæris; & cum tali lamina juxta præscriptum Propositionis 2. 3. 4. præcedentis procede: punctum enim quod hisce modis sese offert, centrum gravitatis laminæ adhibitæ indicabit. Hanc laminam si ex utraque parte superficiei datæ applices ita, ut ei perfecte congruat & utrobique punctum notes puncto in lamina invento correspondens, indicabit id puncta, per quæ si axis transeat, per centrum gravitatis transibit. Omitto multas alias praxes.

*Superficie-
rum plana-
rum.*

ANNOTATIO I.

Pro præcedente Pragmatia quarta.

Præcedentis quartæ Pragmatice ratio deducitur, uti ibidem indicavi, ex natura centri gravitatis, & linea directionis, motuque gravium

Gravita de
orsum fo
runtur so
cundum li
neam direc
tionis.

gravium deorsum secundum gravitatis centrum per lineam directionis, quam in precedentibus explicavimus. Nam gravia in loco sibi indebito posita, hoc est in medio leviori (cujus modi est aqua respectu terra, terra & aqua respectu aeris &c.) conantur deorsum quantum possunt, nisi impediantur. Et si quidem omnino libera sunt, feruntur deorsum secundum lineam directionis, ita ut centrum gravitatis ipsorum ab hac linea non recedat; si autem non omnino, sed aliquo tantum modo sunt libera, deorsum feruntur eo modo ac tramite, quo possunt salvis Naturae legibus. Sic saxum sphaericum in clivo montis positum, cum non possit recta, sicuti in aere aut aqua descendere, descendit per planum montis inclinatum. Quod si totum corpus descendere non possit recto aut obliquo tramite, descendunt illa partes, quae à toto soluta, soluta etiam sunt ab impedimento sustentante aut suspendente. Sic si supra manum extensam ponas candelam ceream, cujus extremitas una sit prope ignem; utique partes liquefcentes, soluta unione cum ceteris partibus, liberè descendunt. Quod si omnes partes sustentati aut suspensi corporis cohaerent, eandemque figuram retinent; non potest corpus illud ita secundum aliquas partes descendere, quin secundum alias ascendas, nunquam autem ascendere possunt aliqua partes (uspote graves, & deorsum naturae suae, non sursum tendentes) nisi alia partes, quae descendunt, graviores sint, ut illis praevalcant. Si autem fiat parsium consistentia, signum est vel aequales esse hinc & hinc gravitates, vel saltem partes non impeditas à supposito sustentante leviores esse illis quae sustentantur, adeoque illas elevare non posse. Rem evidentem exemplo declaremus, quoniam sequentibus inserviet.

Vide Ico
nismi I.
Fig. XII.

Sit corpus AB , cujus centrum gravitatis H intus latens, linea directionis HF , quae tendat ad centrum Universi. Si fiat suspensio in C , quod est in eadem linea directionis, necessario consistet corpus in aequilibrio, quia neque potest recta descendere per HF , cum suspensum sit, neque pars AHC potest praevalere parti BCH , cum utraque sit aequè gravis, ut supponitur; una ergo non potest deorsum vergere, & alteram sursum elevare. Consistet ergo totum corpus, & in aequilibrio harebit. Quod si suspensio fiat in M , jam pars MBT major est secundum gravitatem, & potest praevalere minori MTA , ergo descendit, donec H sit in recta linea MT , & illi congruat MO : tunc enim MOB est aequè grave ac MOA , cum planum per MO , & centrum gravitatis H trāsiens, dividat
totum

*totum corpus in aque gravia. Idem dicendum, si suspensio fiat in li-
descendes enim IO A, donec I & H sint in eadem linea directionis. Unde
sequitur*

COROLLARIUM.

Centrum gravitatis nunquam naturaliter ascendit, alioquin centrum
gravitatis
naturaliter
non ascendit.
pars levior praevaleret graviori.

ANNOTATIO II.

Quod autem de suspensione dictum est, dici etiam debet de sustenta-
tione facta à corpore supposito: nisi enim centrum Univerſi, &
centrum gravitatis corporis sustentati, & punctum sustentationis sint
in eadem linea recta, non fit consistentia, sed motus, donec sese in tali linea
eria illa puncta statuant.

PORISMA.

Igitur quotiescunque fit alicujus gravis suspensi, vel sustenta-
ri consistentia, signum est, in linea vel in plano perpendicula-
ri ad Terræ centrum ducto ab illo suspensionis vel sustentationis
puncto, reperiri quoque centrum gravitatis. Vide dicta supra
cap. 3. & 4. & quæ in sequenti capite dicemus.

CAPUT SEXTUM.

*Centrobaryca Erotemata, ex dictis de centro gravitatis, li-
nes directionis, & motu gravium, soluta.*

Innumeræ sunt, & subinde difficillimæ Quæstiones, quarum Centroba-
ryca Erote-
mata.
solutio ex centri gravitatis, lineæ directionis, & motus gravium
naturâ dependet. Nos ex multis paucas afferemus, & rationes sin-
gularum indicabimus vel ex alijs, vel ex nobis ipsis. Sic igitur

EROTEMA I.

*Cur, si gravi casuro addatur pondus in partem, ad quam
casurum erat, non cadas.*

Pura sunt hujus rei exempla apud Bettinum & alios. Nos
unum aut alterum proponemus, ejusque rationem indica-
bimus.

Vide Ico-
nismi II
Fig. I.

Sit planum AB , inquit Bettinus Apiar. 4. Progyrnas. i. Proposit. 1. parallelum horizonti; & sit quodpiam grave, v. g. clavis DC super eodem plano, etiam ipsa horizonti parallela, quæ ad partem D sit ita educta in extremam plani oram, ut lapsura procul dubio sit: tum infixus sit in os clavis ad partem D uncus ejus conditionis, & ea arte inflexus, ut angulum acutum atque immobilem GDC faciat, (de quo angulo tantum acuto nos in nostra demonstratione semper loquimur, licet in Figurâ fortasse hic aliqua non expresse acutus appareat) habeatque hasta ferrea DG annexum pondus G , quo fiat ut centrum gravitatis intelligatur ac sit ad hasta partes extremas inferiores. Jam dico grave seu clavem DC non casuram, etiamsi annexum habeat pondus gravius ad partem D ; quæ clavis sine eo pondere procul dubio esset casura. Demonstrationis instar esse potest physicum ipsum experimentum. Circa quod notandum est, eò certius id futurum, quo penitus ingeretur uncus ferreus in os ipsius clavis. Hactenus Bettinus.

ANNOTATIO.

¶ Dem Bettinus eodem loco geometricè demonstrare nititur, dictam clavem non solum non casuram, sed etiam altera extremitate in altum sublatam iri, tangente sola extremitate C planum. Sed remota neutram partem ritè demonstrat, verèorque ne dicere cogatur, De facto concedo; de possibili, nego, hoc est: concedo quidem casuram, nego tamen posse cadere. Licet enim clavis unà cum pondere annexo quiescat, cum centrum gravitatis totius ex clave, unco, & gravi appenso compositis, existit in linea directionis; extra tamen lineam directionis movetur, & eo in motu pondus annexum, vel potius centrum gravitatis totius, adsignabit tria aliquapuncta terminantia triangulum DEF , cujus meminist in sua demonstratione. P. Christophoro Grünbergero apud eundem Bettinum videtur, rationem hujus rei, quòd nimirum clavis non solum non cadat, nec cadere possit, sed etiam in altum assurgat, petendam esse ex angulo quem clavis facit cum lineâ directionis, hoc est, cum perpendiculo educto ex ipso fulcro cui altera extremitate clavis innititur, supponendo gravia libera descendere secundum centra sua gravitatis per lineam directionis (uti nos etiam suprâ Cap. 3. Proposit. 5. asseruimus) & tunc solum quiescere, si sustententur ab aliquo fulcro, quando locus fulcris, & centrum gravitatis, extiterint in eadem linea directionis

directionis. Demonstrationem libet apponere, quoniam prosequentibus etiam, & omnibus alijs similibus exemplis servit.

Demonstratio P. Grünbergeri.

Vide Iconism. II.
Fig. II.

Verba Grünbergeri adnumero, prout in ejus Manuscriptis illa reperi. Ponamus centrum gravitatis totius aggregati ex clavis AH , & pondere ascripto, esse punctum K , & angulum AHK esse acutum, junctamque esse AK . Angulus igitur HAK in triangulo AHK , poterit esse rectus, obtusus, & acutus. Sis primo rectus, & clavis extremitas A nitatur fulcro A Horizontis AM , & centrum gravitatis K intelligatur in perpendicularo AL . Clavis igitur HA in hoc casu etiam ipsa erit posita horizontaliter, propter rectum HAK : & quia centrum gravitatis totius, nempe K , est in linea directionis AL , & fulcrum A in eadem AL ; propter impedimentum A , neque clavis poterit decidere, neq. aggregatum AHK , sed conquiescet in hoc situ determinato à recta AK . Idem, & quidem à fortiori dicendum est de secundo casu, quando angulus HAK , est obtusus: tunc enim clavis HA rectius nititur fulcro A . Et in eodem hoc casu clavis AH elevatur supra horizontem AM . Et licet etiam in tertio casu, quando angulus HAK est acutus, qualis est HAK , clavis unà cum pondere annexo possit subinde non decidere; quia tamen clavis HA tunc obliquè nititur fulcro A , facilius inde avellitur, & consequenter hoc sublato impedimento liberior decedet.

Atq. ita ex dictis patet quibus in casibus propositum Paradoxum experientia respondeat, in quibus non. Et simul etiam patet, quare angulus unci AHK debeat esse acutus. Si enim rectus esset, vel obtusus, angulus HAK non posset non esse acutus; quem paulo ante refutavimus, præsertim quando plusculum differt à recto. Hactenus Grünbergeri ratio ac demonstratio, quæ semper in similibus casibus ante oculos est habenda.

Ratio Erotematis propositi.

Ratio igitur propositi Erotematis est, quod grave solitariè acceptum, v. g. clavis in nostro casu, quando ad casum propria est, centrum gravitatis habet extra lineam à centro Mundi per locum sustentationis ductam, ideoque in partem anteriorem,

in qua centrum gravitatis est, cadere necessariò debet, parte anteriore descendente, posteriore verò ascendente: at quando pondus additur, & dato modo disponitur, fit ex gravi & pondere aliud rotum, cujus centrum gravitatis non est amplius ibi, ubi antea erat, sed introtrahitur versus lineam prædictam. Solum ergo tam diu movetur, donec centrum novum gravitatis sit in dicta linea: tunc necessariò quiescit, quia dicta linea dividit bifariam totum illud grave, & dimidiam partem relinquit citra, dimidiam ultra eam lineam.

COROLLARIA.

In quibus alia praxes centrobaryce præcedenti similes proponuntur, & aliorum errores corriguntur.

Vide Iconismi II
Fig. III.

Colligitur I. verissimum esse quod docet *Daniel Schvventerus* in Recreationibus Mathem. par. 9. q. 6. si cochleari ligneo AB insigatur culter CB qui cum manubrio cochlearis faciat angulum acutum ABC, & cochlearis extremitas A ponatur supra mensam, ut magna pars cultri infra mensam pendeat, fore ut non cadat cochlear cum cultro, cum tamen solum cochlear aliquin caderet. Causam hujus rei non bene adsignat Schvventerus, dum ait: extremum A cochlearis esse centrum gravitatis & æquilibrium cultri, qui propterea nec sursum tendit, nec deorsum. Genuina causa est, quia centrum gravitatis totius compositi ex cochleari & cultro, tunc in linea DE, è centro Mundi ad punctum seu locum sustentationis D ducta, ac proinde dimidium totius gravis est citra, dimidium ultra eam lineam, ideoque pars BCE non potest descendere & secum rapere partem A DCE, quia non prævalet illi: nec potest cadere totum compositum, quia deberet cadere secundum lineam DE; cui tamen casui resistit fulcrum D.

Vide Iconismi III.
Fig. III.

Colligitur II. Verum quoque esse quod docet idem *Schvventerus* ibidem quæst. 7. si vasis eâ formâ elaborati, quam Figura F, refert, manubrio circum ligetur ligaculum, eiq; culter aut baculus DE inferatur, qui premat aut manubrium aut ut ipse habet, operi-
culi extantē pedunculum, quò apprehenso operculum aperitur, & extremitas B. cultri seu baculi mensæ superponatur, pendente
vasis

vasis parte aliquâ infra mensam fore ut compositum ex cultro & vase non decidat, cum tamen culter solus necessarius decidere deberet. Causa assignat ipse eandem quam antea, sed errat. Vera causa est ut antea, quia centrum gravitatis totius compositi constituitur in linea GH, ex centro Mundi ad fulcrum G ducta, ac proinde omnis casus & motus prohibetur.

Colligitur III. falsum omnino esse, quod docet P. Joannes Leu-
reth in Recreationibus Mathematicis, Gallico idiomate sine
 nomine editis, Problemate 18. & ex ipso Gaspar Ens qui dictas Re-
 creationes latinas reddidit, & Thaumaturgum Mathematicum
 appellavit, dum ajunt, fieri posse ut modiolus Faquâ plenus in ba-
 culi EC extremitate C quasi se ipso sustineatur, baculi extremita-
 te alterâ E supra mensam collocatâ, uti in Figura apparet. Utrius-
 que verba appono, ut Lector sincerius judicium de re tota ferre
 possit. Ayez, inquit Gallus, un baston CE, qui soit un peu aplatt, (quel-
 ques uns mesme prennent le plat d'un coust'eau) mettez le dessous l'anse
 du seau parallele à l'horizon; puis disposez au milieu du seau un autre
 baston FC, qui prenne de puis le fond perpendiculairement jusques au
 premier baston, de sorte que le baston CE soit fermement serré entre l'anse
 & l'autre baston FC. Cela fait, mettez l'autre bout du baston CE dessus
 l'extremité d'une table; vous verrez que le seau se tiendra en l'air sans
 tomber. Car ne pouvant tomber qu'à plomb, il n'est empêché par le baston
 CE, qui est parallele à l'horizon, pose le dessus la table. Et c'est une chose
 admirable, que si le baston CE estoit tout seul, ayant le bout Chors de la ta-
 ble plus grand, & plus pesant que l'autre il tomberoit; neantmoins depuis
 que le seau y est pandu, il ne tombe point, parce qu'il est contraint de de-
 meurer parallele à l'horizon, Hæc Caspar Ens ita vertit. Baculum E,
 utrimq; complanatum quidam cultro utuntur) horizonti parallelo situ
 inferre ansa modiolus alicujus. Deinde sub eodem baculo & ansa ubi se con-
 tingunt, in ipsius modiolus fundo perpendiculariter erige, vel stipa alium
 baculum F. His ita compositis alteram extremitatem baculi E, mensa
 cujusdam lateri superpone: & modiolum non casurum experire, cum is
 nisi perpendiculariter cadere non possit retentus quippe à baculo E hori-
 zonti parallelo, & mensa superposito, & baculo F, constipatis. In qua pra-
 xi id admirabile est, quod baculum E, quem modicâ parte super mensam
 positum (ita ut ejus pars minor mensa superjaceat, major verè è mensa

Vide Ico-
 nismi I L.
 Fig. III.

porrecta sit) cadere oporteret naturā, nunc etiam modiolī pondere adjuncto, conglutinationis impedimentum obiectum non sinat decidere. Falsum est, & experientię ac rationi contrarium, situlam appensam modo dicto non cadere; falsa ratio, ideo non posse cadere, quia perpendiculariter descendere deberet, & ab eo descensu impeditur à baculo mensę superposito situ horizontali. Licet enim perpendiculariter, propter dictam causam, descendere nequeat, quia tamen centrum gravitatis totius gravis ex situla & baculo compositi est extra lineam HD, transeunte per fulcrum H & centrum Universi; debet necessariò situla introtrahi versus dictam lineam HD, ut centrum gravitatis totius compositi collocetur in eadem linea: quod dum fit, deprimitur pars C baculi, & elevatur pars E, & sic cessat impedimentum casus. Agnovit hoc etiam Schvventerus loc. cit. quæst. 8. sed non agnovit causam cur suspensa manere non possit situla in dicto situ.

Vide Iconismi II.
Fig. II.

Colligitur IV. errare Schvventerum loco paulò ante citato, dum aliam suspendendi è baculo mensę superimposito situlam adsignat praxin, jubetque accipi modiolum habentem duo manubria, B & C, perque ea transadigi baculum B C, & alium baculum K C subijci, tangentem modioli fundum K, & baculi B C extremitatem C, ut fiat angulus acutus BCK. Putat enim, si modiolus aquā repleatur, & baculi extremum B mensę superponatur uti Figura monstrat, fore ut non decidat, eò quòd neque secundum angulum rectum, neque secundum obliquum cadere queat. Fallitur, propter rationem antea dictam: nam cum centrum gravitatis totius compositi ex situla seu modiolo & baculo sit extra lineam FK, per fulcri locum & Mundi centrum transeuntem; debet necessariò versus eam lineam inelinare modiolus, secumque deprimere extremum C, & elevare extremum B, baculi B C. adeoque decidere. Miror, viros doctos tam absurda, & tam contraria experientię scribere, in re cujus experientia tam facilis est, ratio tam evidens. Tanti refert, rerum causas penetrare.

EROTEMA II.

Cur homo casurus in unam partem, extendit brachium

*aut crus in partem alteram? Item, cur qui se inclinant, & brachium
aliquid è terra sublatum extendunt, crus unum in
partem posteriorem porrigunt?*

AD I. *Respondo*, Homo cespitans aut fallente vestigio in casum *Cespitans
cur brachium
extendat.*
pronus, si nutat versus dexteram, naturali instinctu brachium
sinistrum versus sinistram extendit partem; si versus sinistram rui-
turus est, dexterum extendit brachium dexteram versus, si ad ter-
gum nutat, pedem unum in anteriore porrigit. Ratio est, quia Na-
tura docente centrum gravitatis corporis sui conatur collocare in
linea, per locum cui insistit, & per centrum Terræ, transeunte.
Explico. Suprà dixi Cap. 4. Proposit. 4. grave quantitati insistens
tunc stare, cum linea directionis, hoc est, linea per centrum Mun-
di & centrum gravitatis illius gravis transiens, transit etiam per
quantitatem cui insistit; cadere verò, si extra quantitatem illam
transit; Causam ibidem explicavi. Inde propositi Erotematis
rationem hanc adsigno. Dum homo, cujus centrum gravitatis
est punctum A v. g. erectus stat supra planum BC, transit linea *Vide Ico-
nismi 11.
Fig. IV.*
directionis AF per planum cui insistit, & totum hominem in
duas æquiponderantes dividit partes, ideoque non cadit. Quan-
do verò cespitando depronatur versus partem B, v. g. linea di-
rectionis AF, non transit amplius per planum, ideoque linea
EGF è centro Mundi per plani punctum Geducta, non divi-
dit amplius hominem in duas æquiponderantes partes, sed pars
EBF est ponderosior quàm pars EDF. Necessariò ergo, non
cadere deberet versus B. Ne igitur cadat, efficere debet ut cen-
trum gravitatis A retrahatur ad lineam EGF, vel ultra illam
versus partes EDF. Hoc ut fiat, extendit brachium D, aut crus
C, aut utrumque: hæc extensa addunt momentum versus illam
partem ad quam extenduntur, faciuntque ut pars ADF ponde-
rosior fiat quàm antea erat (uti patebit Libro sequente ex di-
cendis de veste, & ac proinde præponderet parti ABF; ideoque
centrum gravitatis hominis non manet ubi antea erat in puncto
A, sed retrahitur versus partem extensam, & collocatur v. g.
in puncto E: ex quo fit, ut linea directionis EF adhuc transeat
per basim G cui homo ruiturus insistit; nec possit jam cadere,
quia

quia utrimque sunt partes æquiponderantes. Momento ex brachii extensione orto accedit etiam impetus versus illam partem, ad quam brachium extenditur: violentâ enim & subitâ illâ extensione brachii imprimitur ipsi impetus, qui secum etiam trahit reliquum corpus versus eandem partem, versus quam brachium cum impetu proiicitur.

COROLLARIUM.

Vide Iconismi II.
Fig. V L.

PAtet hinc ratio, cur si homo AB brachiis corpori admotis ita insistant uni pedi B , ut linea directionis per extremam partem pedis transiens, transeat etiam per centrum gravitatis hominis quod sit E ; cur inquam, si corpore immoto manente brachium D extendat, cadat necessario in illam partem versus quam brachium extendit. Causa enim est, quod brachium extensum habeat rationem vectis, sive longioris brachii libræ aut stateræ, ac proinde plus possit propendere in eam partem, ad quam extensum est. Ergo ex diversa partium positione mutatur centrum gravitatis E in homine, migratque versus brachium extensum, ad punctum v.g. F ; ex quo fit ut linea directionis FGC transiens per novum centrum gravitatis F , non transeat amplius per locum cui insistit pes B , sed extra illum. Quia igitur pars $EFGB$ præponderat parti EH , ideo illa trahit hanc, & sequitur casus. Quem ut impediatur homo, Naturæ instinctu contrahit iterum brachium D , & corpori admovet, ut centrum gravitatis collocetur rursus in E ; aut certè demittit pedem alterum, eique insistit, ut sic linea FGC transeat etiam per locum cui homo insistit. Experientiam quilibet facere potest.

COROLLARIUM II.

SENES ENIM
BACULO IN-
NITUNTUR.

PAtet præterea ratio, cur senes & decrepiti baculo inniti inter ambulandum ac standum debeant, quia nimirum superiore corporis parte in anteriora ob crurium debilitatem propendente, centrum gravitatis totius corporis est extra lineam per pedes, aut inter illos transeuntem. Ut igitur fulcrum seu sustentaculum versus anteriorem partem promoveatur, sicque linea directionis transeat etiam per fulcrum; baculo innituntur,

innituntur qui cum pedibus unum constituat fulcrum.

COROLLARIUM III.

AD II. *Respondeo.* Quando homo CD, cujus centrum gravitatis est G, v. g. inclinat se in anteriorem partem, & brachium H extendit, unamque corporis partem versus eandem partem exporrigit; centrum gravitatis migrat è loco G, & transit ad locum I v. g. quia ratione brachii extensi pars anterior hominis jam plus ponderat, quàm antea. Quia igitur linea directionis IM non transit per locum cui insistit homo, debet necessariò cadere in anteriorem partem. Nè igitur cadat, Naturæ instinctu extendit in posteriorem partem pedem N, & aliquam etiam corporis partem versus N exporrigit, ut sic centrum gravitatis iterum migret in G, aut ultra G versus N, adeoque linea directionis GM transeat per locum G, cui insistit homo.

Vide Ichnismi 11.
Fig. L

ANNOTATIO.

Quod dixi de inclinatione versus partem anteriorem, intelligi debes de inclinatione versus quæcunque aliam partem; semper enim naturali instinctu homo pedem extendit, & corporis partem, versus oppositam partem, aut certe cadit, uti experientia constat. Si autem pedem extendere non potest in posteriorem partem, aut ea extensio non sufficiat ad casum prohibendum; alteram etiam manum in anteriora extendit, eaque terram tangit, ut sic manu ac pedibus terra insistat, lineaque directionis per fulcrum inter manum pedesque transiens, transeat etiam per centrum gravitatis. Si de veritate rei dubitas, utrumque pedem conjunge, & stans erectus totum corpus à tergo applica muro, atque inferiore parte corporis muro conjunctâ manente, in anteriorem partem se inclinare conitere; & credes quod dixi.

EROTEMA III.

Cur funambuli non cadunt, licet funi insistentes ac inambulantes, corpus in omnem partem inclinens.

Mirra sunt, & fidem humanam excedunt, quæ de funambulis legi, audiui, vidi: adeo ut viri docti, quorum sententiam exquisivi, existiment multa illorum non humanâ industriâ,

sed diabolicis artibus perpetrari, quod postea examinabo. Reteram quod recentiorum, quod antiquorum Scriptorum narrat unus aut alter, simulque quod ab alijs oculatis testibus audiui: tum causam rei indagabo, quæ ex paulò antè dictis pender.

Cardanus lib. 17. de Subtilit. scribens Ferrando Gonzaga Malfetæ Principi (cui suos de Subtilitate Libros dedicavit) eumque narratorum testem oculatum compellans, hæc inter alia habet. Itaque quidam puer sphaeris ligneis pedibus suppositis, aliquando etiam sacco inclusus totus præter brachia, super funem inter cacumina turrium extensum maximo nostro pro illius vitâ mesu ambulabat. Alius etiam descendebat (ascendebat) ab imo solo ad turrim; quod difficile est, cum renes in hac exercitatione multum laborent. Idem se è turri absque ponderibus pronus per funem usque ad solum exsentis manibus demittebat: nam robur adeo manibus & brachiis constans erat ac firmum, ut illis ponderum vice uteretur. Idem, quod miserrimum est, funiculo sasis tenuipede se suspendebat è fune ubi proximus maximè turri erat: infame spectaculum, atq; horrendum! robore inderenum & dorsi manibus vinculum apprehendebat, atque ita funi denudè se restituebat. Fingebant ambo se cadere precipites, summa verò pedis habebant ambo se cadere precipites, summa verò pedis habebant funi capite prono. Quantum pedis summitati illius roboris inesse necessarium fuerit, intelligis: nam solâ curvatura digitorum, atque ea in sylvestrem partem, sustinebantur. Puer etiam precipitem se dabat cum sphaeris, alteraque earum fune inter pedis plantam & sphaeram, nescio prorsus qua ratione nè ob rotunditatem dilaberetur, pendebat.

Verùm supra fidem omnem atque expectationem ars suis atq; audacia duorum Turcarum. Tibi visa (Ferrandum Principem alloquitur) ac toti Vrbi nostra refero. Duo erant iuvenes corpore haud maguo, sed sereti: quisque illorum, primum assumpto homine in humeros, per funem ad dimidium recti anguli acclivem ascendebat, & absque etiam ponderum auxilio. Inde adjectis gladiis trium fermè palmorum longitudinis, præcutis, acieque novacula, pedum malleolis, rursus cum homine eodem ascendebat, adeo dissens pedibus, ut nec in plana terra superficie facillè fuerit sic ambulare. Inde funis superposita tabula, pedibus verò suppositis sublicis, quas nostriciives vocant scancias, super tabulam positam ambulabat, cum tabula ipsa per se nè vel momento sumi

*Funambulo-
rum via
exempla.*

uper stare possit. Deinde quinque teretia ligna ferreo filo crassiore transfixa, ob idque coherentia, sed ita, ut nullum possit alteri rectè insistere, utrimque supponebat pedibus, cum quibus super funem ambulabat, cum nemo sic per planum solum possit ambulare, imò nè stare queat, hinc inde rotundis lignis, quæ crassiora brachio non assent, dilabentibus. Postmodum suppositis patellis aeneis absque vinculo, quas pedum extensione retinere cogebatur, super fune ibat. Post in caldario (sic enim Itali vas aeneum vocant magnum) sedens, stabat caldarium supra funem pendulum; horribile dictum. Quod verò proximum miraculo fuit, hastam cum ponderibus vasi subduxit, ut caldarium in aëre pendere videretur. Nam hastam retro inter vas & funem positam antè reduxit. Saltabat ad rythmum super fune pulsantetympano, & modò se precipitem ex illa dabat harens solo calce, (his oculis vidi) modo tarso ac cymba pedis. Stupeat necesse est, qui videat alterum eorum dissentatenuiori funi, ut qua pollicem non excederes crassitudine, insistere, ac immotà totà superiore parte, inferiorem tanto impetucum fune agitare, ut hinc inde palmis plus quàm duodecim celerrimè, ac quasi jaculijactum moveatur. Quod verò minùs prodigiosum fuit, sed supra fidem tamen omnem humanapotentia est, quod cum è campo Iovia arcis ad turrim, quæ altissimæ est, ascendisses cum ponderibus, inde è summa turri ascendit ad trabem per funem, quæ à plano plus tribus partibus è quatuor recti anguli (adeo erecta erat) distabat. Majore quoque miraculo descendit quàm ascendisses, pronus scilicet tanquam ruiturus in caput. Animadversum est, pollice pedis utriusque dum funem continet adversus alios digitos tanquam forcipe ferrea tantam vim sustinuisse. Nequæ aliter fieri potuit, ut vel ascenderes tam erecta fune, vel descendens non rueres præceps. Voluit, dum hac ageres, hominem secum humeris sustollere, magno pretio etiam addito; sed tam temerarij propositi complices non invenit. Itaque nil mirum est, quoscunque maximos Principes hoc spectaculo, ut re maximè egregia, delectatos fuisse; plebem vero censuisse, arse demonum hac fieri, quando quidem supra vires humanas viderentur. Sed cessavit admiratio postquàm liberalitate tua ac persuasionibus, alier eorum, raro exemplo nostra ætatis Christianus factus est, exhiberique eadem spectacula. Quidam etiam præ nomine tuo donatus est. Hactenus Cardanus.

Nicephorus Gregoras lib. 8. narrat, ætate suâ funambulos ex

*Ægypto venisse Constantinopolim, & malos tres navis onerariæ seu corbitæ fumentes, & rectos in solo statuentes, funibus firmasse, deinde alterum funem ex unius maliculmine in alterius culmen extendisse; insuper alium funem à solo ad verticem mali complicantes, gradus aliquot ad ascensum fecisse: per quos unus cum in altum evalisset, nudo mali vertici instituisse, nunc alterum pedem, nunc utrumque in altum erigentem capite prono; deinde exsiliens derepente, manu funem deprehendentem ex eo pependisse, seque subinde rotasse turbinis instar sursum & deorsum; mox erecto statu in medio fune stantem, arcum arripuisse, & ad scopum longe positum collimasse; præterea inflexo crure, manus vice fune prehenso, supinum dependisse, atque in eo rursus eodem modo ut antea se circumegisse & rotasse; insuper clausis oculis, accepto in humeros pugno, in sublimi fune ambulasse ab altero fune ad alterum. Hæc Gregoras. funambulatorum mentionem faciunt ex antiquis alijs Scriptoribus, *Tertullianus* lib. de Pudicit. cap. 10. *Iustinus* ad Zenam, *Manilius* lib. 5. *Arnobius* lib. 4. *Floridor S. Chrysoft.* Oratione de Jurejurando & Orat. de Humilit. *S. Gregorius Nazianzenus* in Apologet. *Quintilianus* lib. 2. cap. 3. *S. Cyprianus* de jejuniis Christi, *Epiphanius* apud *Arrian.* lib. 3. cap. 12. & alij apud *Bulengerum* lib. 1. de Theatro cap. 62.*

Funambulatorum alia exempla.

His non minùs mirabilia sunt quæ nostris temporibus funambuli exhibent omnibus in regionibus omnibusque fere in civitatibus, quæ partim ipse olim vidi, partim ab alijs fide dignis & oculatis testibus audiui. Non enim solum in funibus stant & ambulant, hastam aut pondera librant, sed sine etiam ponderibus & libramentis per funem celerrime discurrent, saltant, in gyrum se vertunt, exiliunt in altum, recidunt in funem erecti, mox divaricatis cruribus confident, mox impetu facto exiliunt iterum, iterum stant, iterumque confident, idque aliquot centenis vicibus celerrime, & sine quiete ullâ interpositâ. Atque hoc pæne quotidianum est, & in omnibus commune. Alij è pedis unus digito suspensi hærent, & repunt per funem, alij etiam pedibus calcaneo. Visus fuit qui, cum diu funem inambulasset atque saltasset, cadens de industria mæto primùm, deinde occipitiose suspendit, brachijs

brachiis interim corpori admotis. Alius stans in fune, per angustum circulum vimineum complicato corpore transiliebat non semel, alius scyphum vitreum vino plenum impositum capiti, fronti, ori, in fune circumferebat, nullâ effusâ guttulâ. Alius duos funes horizontaliter extendebat, unum supra alterum; & cum diu in superiore saltasset, & varia spectacula exhibuisset, uno saltu in inferiorem sese demittebat, corpore prorsus erecto. Alius ova à præsentibus aut transeuntibus accepta, strophio circumligabat plantis pedum, & funem inambulabat, illæsis ovis. Alius cum diu in fune saltasset, tandem de industria ruens cum ejulatu, quasi casu rueret, extremi pedis digito funem inter cadendum apprehendit, & post diuturnum suspendium in terram se demisit in pedes erectus. Parisiis Walachus quidam funem è solo ad domus verticem extendit, & singulis pedibus singulos gladios bene longos alligavit, apicibus intus & contra se mutuo converfis: deinde hominem in humeros sustulit, & funem ascendit, pedibus inter ambulandum quàm maximè divaricatis, nè videlicet à gladiis intus convergentibus dilaniarentur. Idem tui horizontaliter tenso duas imposuit scytalas, & scytalis tabulam: super quam sedens, & unum crus alteri imponens, huc illucque corpus agitando, tabulam cum scytalis tam diu promovebat, donec dilapsis subitus scytalis ipse cum tabula sola funi insideret. Ille idem etiam è tabulæ medio pedem gracilem cubitali altitudine erigebat ad perpendicularum, erectæque tabulæ cum pede suo supra funem extensum insidebat, & in omnem partem sese cum fulcro suo motitabat. Visus est Herbipoli à pluribus, qui cum grallis per funem incedebat. Alius ibidem funem in angulum satis acutum extendebat, cum homine curriculo unicâ rotâ instructo (ein Schupfkarren vocant Germani, monotrochium Latini Græcos imitantes) & ante se actò ascendit. Omitto innumera alia exempla.

Quæcunque hæcenus enarrata sunt, si unum excipias, & reliquæ explices, naturali & humanâ industriâ fieri posse existimo. Ratio omnium pendet ex dictis Cap. 4. præcedente Propositione. 3. ubi statuimus ex centri gravitatis & motus gravium secundum directionis lineam naturâ, grave sustentatum à plano, aut quocunque fulcro subjecto, in puncto, aut in parte quanta, tunc stare, cum

Crisis prædictorum exemplorum

inea per punctum aut partem sustentantem transit etiam per centrum gravitatis corporis sustentati. Hoc scientes funambuli, præceptis, usu & exercitio, experienciâ, dexteritate & agilitate instructi, & proprio etiam periculo non raro edocti, ita librant se supra funem, aliudvè quodcunque & quantumvis exiguum sustentaculum, aut ope hastæ oblongæ transversim utrâque manu ante se expansæ, aut ponderum ambabus manibus retentorum, aut etiam sine hastâ & ponderibus, solâ dexteritate, agilitate, & robore lacerorum, crurium, & lumborum, ut linea directionis aut nunquam deviet à fune ac sustentaculo, aut si deviat, statim eò reducatur. Rem pulchrè explicat Cardanus loco antea citato, his verbis: *Audaciores his (Mimis) sunt quos funambulos vocamus. Iam verò in istis artis aliquid est, & naturalis rationis plus; propterea de eis tractare incipiam, quasi ab initio Naturalis Magia originem ducens. Est enim Magia Naturalis, cum rationibus naturalibus, occultis tamen, aliquid mirabile perficitur. Ergo funambulorum ratio hæc est. Vir audax & exercitatus super funem dislensum admodum nudis pedibus inambulat, dextrâ levâque pondus decem, aut quindecim vel etiam viginti librarum plumbeum consinet: cum ad dexteram inclinatur, insensus operi (ob hoc audacissimum esse oportet) sinistram intendit ac extendit, remittit ac contrahit dextram; ita antequàm vi dextra præponderet sinistra, pondera & brachia pristino statui restituit. Hoc autem necessarium est: nam antequàm casurus sit, oportet partem alteram alterâ, certâ proportionem pondere esse graviorem. Cum hac proportio sensim acquiratur, antequàm sit acquisita, extenso & inteso etiam brachio ad aliam partem inclinatur, igitur non cadet. Cadere igitur potest, si vel funis non exactè extensus fuerit; si membra stupore interim tentantur; si corpus non intentum validè contineatur; si paviser; si lassetur; si arte vel usu careat, ut tardius extendat donec inclinetur, vel nimis extendat, ut in adversam ejus quam simul decidas partem. Omitto quòd pondera rationē certam, aut ei propinquam obtinere debent ad singulorū tum pondus, tum magnitudinem, ac etiā vires. Ergo si hæc sex adsint, in nullo est periculo.*

*Explicatio
nonnullorū
exemplorū.*

Nonnulla porrò eorum quæ suprâ relata sunt, ut verisimilitudinem habeant, & naturaliter facta esse credantur humanâ industriâ, explicatione indigent. Hujusmodi est illud quod de ovib; diximus plantis pedum suppositis, & Strophiole alligatis: notatum enim

enim fuit à circumstantibus, ambulationem illum erectis pedibus incedere, & extremis solum pedum digitis funem contingere; utique nè ova comprimeret, quod ut celaret circumstantes, strophilo tegebat. Crediderim igitur & puerum illum apud Cardanum non ligneis sphaëris, sed solis extremis pedum digitis funem attigisse. Quamvis enim, ob rationem allatam, naturaliter (speculativè loquendo) fieri possit ut sphaëris etiam suppositis funi quispiam insisteret, & fortè etiam inambulet, tamen cum tunc funis in puncto aut quasi puncto contingi debeat, existimo practicè id omnem artem, industriam, dexteritatem, experientiam superare. Eiusdem farinae est illud quod de ascendente cum curriculo unicà rotà instructo, & homine insuper onusto, diximus; existimo enim, rotæ circumferentiam excavatum canalem habuisse, quo funem subiectum exceperit; licet enim speculativè loquendo possit rota funi insistere, & per funem agitari, tamen practicè id fieri nequit, quod funem in puncto contingere debeat rota. Si cui tamen, dato etiam quod rota in circuitu excavata fuerit, incredibile videatur naturaliter id fieri posse, contendatque vel ope, vel fraude Diaboli contigisse, non admodum repugno, præsertim quia ille qui Herbipoli ejus rei demonstrationem fecit, auditus fuit dicere, in DEI nomine se ascensurum, & descensurum in nomine Diaboli.

Quod habet Cardanus de illo, qui *funiculo satis tenui pede se suspendebat à fune, & manibus, deinde vinculum apprehendebat, atque ita funi demùm se restituebat*; adduci non possum ut credam aut ita factum ut narratur, aut factum naturaliter & humanà industrià, quia non video quā arte corpus humanum adeo grave ex adeo tenui ac debili funiculo hædere queat sine ruptionis periculo. Scio, Moguntia Circumforaneum quendam rapam albam atque globosam à circumstantibus in foro petivisse, eiq; duos infixisse cultros transversos, qui dorsis se respiciebant, acies verò alterius deorsum terram, alterius sursum cælum versus tendebat; tum rapam cum cultro superiore à fune suspendisse, inferiori verò cultro funem cum ingenti pondere adalligasse; & tamen rapam à neutro cultro discissam, imò nè sauciata fuisse. Sed hoc æquè difficile mihi videtur ac illud. Quisquis igitur hoc naturaliter factum persuadebit,

persuadebit, idem de altero illo probabit. Hæc mea est de funambulorum actionibus sententia; si quis meliorem suggererit, libens eam, & cum grati animi significatione acceptabo.

Unum hîc addo, cujus etiam *Cardanus* citato suprà loco meminit, & si verum est, prædicta omnia mirabilitate longè superat, nimirum Elephantès quoque funambulos olim datos fuisse, uti *Plinius* testatur lib. 8. cap. 2. *Suetonius* in Galba cap. 6. in Nerone cap. 11. *Dio* in Nèrone. Quod quidem ideo mirabilius est in illis, quàm in hominibûs, quòd, ut *Cardanus* ait, *careant ratione*, quòd tantò essent ponderosiores, *quodque duobus, non uni, funibus insisterent. Sed tantum potest consuetudo, improbaque hominû cupiditas, & docilitas illius bestia egregia, qua maximè hominum ingenio proxima est.*

COROLLARIUM.

De funambulis ligneis.

Vide Iconismi I L.
Fig. VII.
Funambuli lignei.

A Gyrtæ & Circulatores, imò & pueri apud nos non sine admiratione simpliciorum, & oblectamento, funem è domus fenestra ad subjectam plateam aut forum demittunt & in angulum extendunt, uti in Figura apparet: ligneam deinde statu unculam CF, uni pedi in crenam inferiùs excavato, ut funem excipere queat, insistentem accipiunt; filumque ferreum DE per lumbos adigunt, & in semicirculum, ut vides, efformant, ac pondera plumbea D & E adnectunt. Hanc statuam funi alteri horizontaliter expanso pede in crenam inferiùs excavato imponunt, & ferreum filum cum ponderibus tamdiu detorquent, & librant, donec perpendiculariter erecta consistat. Quo habito, funi in angulum extenso statuam imponunt alto in loco, quæ mox pondere suo deorsum per funem repit, in neutram inclinans partem, ac funambuli speciem exhibet. Ratio, cur in neutram inclinat partem, est, ut bene notavit *Schruventerus* in *Recreat. Mathemat.* par. 9. q. 9. quia centrum gravitatis semper est in linea CF, è Mundi centroeductâ, hoc est, linea directionis statutz transit per fulcrum cui insistit.

An acus perpendiculariter erecta, suscinere possit molarem lapidem, acu necruptâ, nec curvatâ.

Fieri id posse, asserit *Leurechon* in Recreation, Mathemat. Problem. 1. & ex ipso *Schvvenerus* in iisdem par. 9. q. 2. & *Gasp* <sup>*Acus ac
suscinere
possit mola-
rem lapidē*</sup> *Ens* in Thaumaturgo Mathemat. Problem. 11. si cuspidi acus supra horizontem perpendiculariter erectæ, & neutrorum inclinatæ, lapis ita superponatur, ut centrum gravitatis lapidis acus cuspidi directè superimmineat, quod tunc foret, si linea recta è Mundi centroeducta, per acus pedem & cuspidem, simulque per gravitatis lapidis centrum transiret. Rationem adsignant, quia in hac impositione vel lapis ab uno latere caderet, vel non: si caderet, ergo vel acus perpendiculariter erecta non fuit, vel centrum gravitatis lapidis acus cuspidem præcisè non preffit; quorum utrumque est contra suppositionem. Si verò non caderet, vel plicabitur acus, vel ejus acumen ad partem infimam per lineam perpendicularem in medio acus conceptam, pressum transibit: non primum, quia acus perfectissimè erecta, ut supponitur, ideoque ex uno potius quàm ex altero latere plicari nequit: neque secundum, quia id sine partium penetratione fieri non potest, penetratio autem partium naturaliter impossibilis est. Lapis ergo, secundum centrum gravitatis suæ præcisè super acus perpendiculariter erectæ cuspidem collocatus, inde nec caderet, nec plicaretur, vel rumpetur acus, sine miraculo.

Ita citati Auctores. Quod quidem verum est speculative, præticè tamen nunquam succedit, vel quia difficulter acus ad perpendicularitatem perfectè statui potest, vel quia lapis supra eam etiam perpendiculariter exactè erectam non potest ita librari, ut centrum gravitatis præcisè imminet lineæ directionis per acumen transcunt. Imò nè in exiguo quidem orbe plano, etiam ligneo, succellum practicè habet, propter easdem causas.

Quod verò ligneus orbis cultri aut styli ferrei in manu sinistra erecti apici impositus, & in gyrum dextrâ manu fortiter ac cum impetu actus, diu aliquando in tali situ & motu perseveret, antequam cadat, causa est, quia licet centrum gravitatis orbis non <sup>*Orbis ligneus
in stylo su-
perpositus,
& circum-
actus cur-
re non cadat.*</sup> exactè

exactly respondeat cultri aut styli apici, aut culter non sit perpendiculariter erectus, ac proinde orbis versus illam partem cadere debeat, versus quam deviat centrum gravitatis à cultro aut stylo; quia tamen propter impetum impressum semper in gyrum rapitur dictum centrum gravitatis, non potest deorsum depronare orbem, nisi cesset, aut saltem sufficienter minuatur impetus in orbem gyrovivus.

ANNOTATIO.

*Hæc per
pendicula-
riter erecta
ut non ca-
dat.
Vide Ico-
nismi VII.
Fig. VIII.*

Quando tamen hasta aut baculus perpendiculariter erectus una cum alijs gravibus appensis constituit unum corpus grave, cujus centrum gravitatis est & in hasta, aut baculo, & prope fulcrum, meliorem res suecessum habet. Confirmat hoc quotidiana experientia, cujus duo exempla Auctores præcitati afferunt, in quibus quod sit ope exigui bacilli aut styli, fieri etiam potest longâ hasta, si ad eundem modum disponeretur. Primum exemplum est hoc. Circabacilli AB summam partem figunt duos cultros CD, & EF eo modo quo Figura monstrat. Deinde extremitatem inferiorem bacilli superponunt ungui, alteri vè lubrica superficie. Debent autem duo cultri infixi esse æqualis circiter ponderis, vel saltem tales cum bacillo angulos efficere, accedentibus aut recedentibus ab eo extremitatibus D & F, ut æquilibrium causent. Eo in situ bacillus non cadit, & leniter impulsus circumagitur supra ungem. Causa est, quia centrum gravitatis totius compositi ex bacillo & cultris, non solum est intra bacillum, sed etiam prope fulcrum & centrum gravitatis, etiam si bacillus nutes nonnihil ad latera. Schvventerus putat, necessariū esse ut bacillus sit præcisè tantæ longitudinis, aut ut cultri infixi faciant cum eo tales angulos, ut centrum gravitatis totius compositi cadat in ipsum fulcrum. Sed hoc minimè necessarium est. Alterum exemplum est. Cultros tres accipiunt, G, GH, HK; cultrum GH insigunt manubrio cultri GI, & cultrum HK manubrio cultri GH, sic ut furca vel Gracum Π majusculum efficiatur, prout Figura monstrat. Tum sub mediis cultri dorso acum vel stylum subter erectum perpendiculariter tenent, cultrū vè utruq; lateralem quasi, bilancii crateres in æquilibrio suspensos esse sinunt. Sic dispositi cultri non cadunt & solo statu, quacumque versus placuerit, agitantur. Causa est eadem, loco medii cultri GH assumi potest bacillus,

*Vide Ico-
nismi II.
Fig. IX.*

& loco lateralium styli, aut quid simile.

EROTEMA V.

Cur hasta longa erecta perpendiculariter supra fulcrum, cadit, & si fulcrum quiescis; non cadit si circumfertur.

Vidi sæpissime in diversis Siciliæ locis tale inter juvenes ac viros robustos exercitium. Hastâ accipiunt longam decem & amplius cubitorum, brechii fere crassitiei, cui superius vexillum amplum & ponderosum ex serico est alligatum alia transversâ breviori hastâ. & ut robur suum ostendant, erigunt hastam perpendiculariter intra manus volam, sociorum ope, manuque cum brachio extensâ sustentant sic erectam aliquamdiu, mox manu subtrâcta alteram supponunt, deinde erecto in cælum vultu demittunt supra frontem, supra mentum, supra dentes, iterumque supra manum; quam primùm verò ad unam inclinât partem hasta, seu pondere suo, seu tenentis arbitrio, versus eandem citato gressu se movent, hocque tamdiu faciunt unus, donec vel in latus cadat hasta, à socijs excepta, vel sponte, fatiscentibus viribus, alteri eam tradat. Et qui diutissime hastam eâ ratione circumfert, robustissimus æstimatur. *Quæritur* igitur, cur hasta ita, circumlata tam diu erecta manet, cum tamen si manus, frons, mentum, dentes, aliudve quodcunq; sustentaculum, cui inniteretur, quiesceret, vix momento temporis erecta maneret. *Respondeo*, dum sustentaculum quiescit, cadit erecta hasta facile, quia difficulter ita erigi potest practice, ut sustentaculum & centrum gravitatis hastæ in eadem sint ac maneant linea directionis: dum vero sustentaculum movetur versus illam partem, versus quâ hasta minatur casum, nō cadit, sed manet erecta, quia motu illo sustentaculum, quod directionis lineam deseruerat, eidem lineæ iterum supponitur.

Hasta erecta perpendiculariter supra fulcrum quiescens, cadit; supra motum, non cadit.

EROTEMA VI.

Cur aliquæ turres inclinatæ non cadunt in eam partem, in quam inclinant.

Hujusmodi turres sunt Bononiæ & Pisis in Italia, & Coloniz in Germania. Bononiensem vidi non semel procul &









propè, non tamen concidendi. Sita est in foro, non procul à turri Afellorum, & à nobili Garisendorum familia, turris Garisenda appellatur. Ædificata fuit Anno 1110. Altitudo præcisa non est in hi cognita; major tamen est quàm Pisana, de qua mox. Exteriùs inclinatur pedes novem, interiùs pedem unum & paulò ampliùs, ut notavit P. Paulus Casatus, cùm Philosophiam in Bononienfi Collegio nostro doceret; hoc est, Crassities muri in parte inferiore est pedum sex cum dimidio, in superiore verò parte quatuor. Vacuum interiùs est pedum septè. Hæc omnia notavit idem P. Casatus Pisana turris condita fuit Anno 1174. à Joanne quodam Oenipontano Architecto. Longitudinem seu altitudinem habet cubitorum 78. seu pedum 117. Inclinatur exteriùs septem cubitos, seu novem pedes cum dimidio. Rotunda est, & ex candido marino re ædificata, figurisque diversis exornata. Bononienfis quadrangula est, & lateritia. Colonienfis adeo inclinata est, ut supra dorsum ejus acclive homines scendant. *Quæritur*, quo artificio ædificata sint hæc turres, ut non cadant in partem, in quam inclinant, cùm tamen muri alij erecti verticaliter, si vel modicum propendeant in unam magis quàm in aliam partem, diu sine periculo cadendi stare nequeant. *Baldus* in Mechanicis Aristotelis, & ex ipso *Schurvæterus* in Recreationibus Mathematic. part. 15. q. 11. *P. Ioannes Baptista Ricciolus* lib. 2. Almagesti novi cap. 4. Corollario 5. *P. Paulus Casatus* in sua Mechanica manuscripta, quam in Collegio Romano Discipulis suis prælegit, cùm Mathematicam ibi meo tempore doceret, aliique communiter docent, causam esse, quia centrum gravitatis illarum est in tali loco, ut linea ab ipso ad centrum Terræ ducta, cadat intra spatium terræ quod occupat pes seu fundamentum ipsarum turrium. Esto turris ABCD, cujus fundamentum sit GDEF, & centrum gravitatis G, vel O. Si linea perpendicularis, per centrum gravitatis transiens, & ad centrum Mundi tendens, transit etiam per turris fundamentum, cujusmodi sunt lineæ AGD, & NOP; turris non potest cadere: si verò dicta linea non transit per fundamentum, hoc est, per fulcrum & sustentaculum turris, quales sunt lineæ H Q I, K S L; necessariò debet cadere turris. Ratio ex dictis hætenus, & ex Proposit 3. & 4. capituli 4 præcedentis patet. Totum igitur artificium in hujusmodi turribus

*Cur non
cadant.*

Vide Iconismi III.
Fig. 1.



Partis III Iconismus III.



bus edificandis consistit in hoc, ut præterquàm quòd partes omnes inter se ita firmiter cohæreant, ut una non possit cadere sine cæteris, altitudo & crassities ita temperentur, ut centrum gravitatis immineat pedi seu fundamento à quo sustentantur: idenim si fiat, non possunt cadere turres, quantumvis inclinentur ad latera. Sufficit autem, si linea directionis è centro Terræeducta ad centrum gravitatis, transeat per extremum pedis, cujusmodi est, linea A G D. Quòd si cadat inter C & D. meliùs est. Ratio porrò hujus rei est, ut etiam in præcedentibus jam sæpe dictum fuit, quia si centrum gravitatis turris A B C D est punctum G v. g. tunc pars A C D basi seu fundamento insistsens, est æqualis ponderis cum parte A B D; si verò centrum gravitatis est in O v. g. tunc pars A C D, est multò gravior quàm pars A B D; nunquam ergo hæc prævalet illi, etiamsi turris A B C D soluta foret à fundamento C D E F; multò ergo minùs prævalebit pars A B D parti A C D, si hæc fundamento est ita coagmentata, ut cadere non possit, nisi aut à fundamento avellatur, aut ipsum secum trahat in ruinam.

Explicato hac ratione artificio, concludit P. Ricciolus loc. cit. valde conducere fundamenta in hujusmodi turribus construendis obliquo incremento deorsum dilatari, ut latus E F longius sit latere C D; si enim sit, ut linea directionis cadens etiam extra partem A C D, qualis esset v. g. linea H Q I, posito quòd centrum gravitatis esset punctum Q, tamen non cadat extra fundamentum, prout extra cadit linea K S L. Expedi etiam, ut idem bene notavit, turrim superiori ex parte cavam esse, & vacuam à lapidibus, reliquum verò esse solidum, ut tantò certius major ponderis pars sit in fundamentis, & in turris portione fundamentis cohærente, atque adeo linea directionis cadat intra fundamenta; quòd expensis lapidum ac cæmentorum utriusque partis ponderibus facillè peritus Architectus statuere potest, ut si deprehendit, pondus partis A C D, aut A C H, esse mille, pondus verò partis reliquæ inclinatæ 400 securè pronuntiabit, inquit Ricciolus, lineam directionis intra fundamenta mansuram.

Vide Iconismi III.
Fig. 1 L.

Ita Auctores citati, & rectè; Contra quæ tamen Harstofferus scrupulum habet, atque nec Bononiensem, nec Pisanam turrim

Vide Ico-
nismi III.
Fig. II.

dicto artificio fabricatam esse; fuisse se in utraque, & rem longe aliter deprehendisse, notasseque in utraque, partem extra prominentem ferreis vinculis turri esse conjunctam, infra verò anterides esse adjunctas (ein Anbau ipse vocat) quæ turrim alioquin rectam, apparere faciunt inclinatam. Rem hæc figurâ explicat. ABCD est turris inclinata, DG, & EA sunt ædificium ad perpendiculum erectum, BGD sunt anterides seu pilæ turrim fulcientes, CFE appendix est ferreis vinculis colligata turri. His tamen repugnant quæ scribit P. Paulus Casatus loco suprâ citato, qui aliquot annis Bononiæ Philosophiam docuit, & turrim accuratè non inspexit modò, sed etiam dimensus est murorum crassitiem, & tam interiorem, quàm exteriorem inclinationem. Si igitur crassities muri in parte inferiore est pedum sex cum dimidio, in superiori pedum quatuor; item si exteriùs inclinatur pedes novem (hoc est, si spatium DM præcedentis figuræ est novem pedum) interiùs verò pedem unum & paulò ampliùs, ut suprâ ex ipso vidimus; non potest turris, saltè intus, fabricata esse ad perpendiculum. Item si crassities muri superioris est quatuor pedum, & tamen vacuum interiùs totius turris est pedum septem; non potest pars CEA esse appendix solida, & pars DGB pila solida. Si dicas, tam appendicem quàm pilam esse cavam, & unà cum cavo turris unum constituere cavum: ergo turris est inclinata, & ædificata artificio suprâ relato.

EROTEMA VII.

Cur surgentes à sede, caput unà cum thorace in anteriora reclinamus, pedes verò in posterosa versus sedem retrahimus.

Surgentiū
à Sede mo-
dus.
Vide Ico-
nismi III.
Fig. III.

Q Vando in sede aut scamno sedemus, femora in sede jacent, thorax & caput sursum eriguntur, crura cum pedibus pendunt deorsum. Duos igitur angulos rectos facimus; unum enim thorax cum femoribus constituit, alterum femora cum cruribus, ut in Figura appositâ patet, in qua recta linea AB est caput cum thorace, BC sunt femora extensa in sede, CD sunt crura cum pedibus. Anguli ABC, & BCD, recti sunt. In quo quidem situ centrum gravitatis hominis sedentis est vel in linea AB, vel

non

non multum extra illam versus C. Quando surgere volumus, angulos rectos in acutos commutamus: caput enim cum thorace reclinamus in anteriora, ut sit ubi EB; crura cum pedibus retrahimus in posteriora infra sedem, vel quam proximè ad sedem, ut sint ubi CF; femora CB paulatim elevamus ad partes B, anguli autem EBC, BCF, acuti sunt. Et nisi hoc faciamus, surgere non possumus, ut quilibet experiri potest, si paulatim & lentè se erigat. Dico, si paulatim & lentè se erigat, quia motus velocitas & impetus nonnulla ex his prævenit, & alia nè sensu percipiantur, efficit. *Quæritur* hujus rei causa. Quætionem etiam proponit *Aristoteles* in Mechanicis qq. quæst. 33. Omissis responsionibus Aristotelis.

Respondeo, ideo id fieri, & necessario ita fieri, ut pedes supponantur centro gravitatis corporis surgentis, sicque linea directionis transeat per fulcrum cui innituntur pedes inter surgendum. Explico. Dum sedet homo, pedes non sustinent corpus in quo est centrum gravitatis, sed id innititur sedi: dum verò surgit, pedes cum cruribus sustinere debent corpus cum centro gravitatis. Si igitur pedes cum cruribus manerent in situ rectæ lineæ C D, dum homo surgeret; nec sedes sustineret amplius corpus, nec pedes cum cruribus sustinere illud possent, quia non essent suppositi centro gravitatis, quod dum homo surgit, paulatim à linea A B in anteriora migrat. Necessario igitur recidere debet homo in sedem, nisi velocitas motus, & impetus impressus defectum suppleat. Ut igitur pedes supponantur centro gravitatis corporis surgentis, illudque sustentent; necesse est ut retrahat pedes & crura in posteriora versus CF, & reclinet caput cum thorace in anteriora versus EB; sic enim fit ut & fulcrum & centrum corporis surgentis fiat in eadem recta linea, v.g. in linea EF.

ANNOTATIO I.

De gestante onus in dorso.

F Andem ob causam si quis stans, aut ambulans, habet onus in dorso, ^{Gestans onus in dorso} inclinât caput cum thorace in anteriora, ut gravitatis centrum, ^{cur si inclinat} quod propter impositum pondus dorso vicinius est quam pectori, ^{not.} retrahatur

retrahatur versus anteriora, & directe superimmineat pedibus & fulcro eorum, si q. linea directionis transeat & per sustentaculum pedum, & per centrum gravitatis ex toto homine adjuncto conflata.

ANNOTATIO II.

De sedente humi.

Sedens hu-
miereclis
corpore, cur
defatigatur
si in pos-
teriora recl-
inetur.
V de Ico-
nismi III.
fig. IV

Quod si sedes humi, femoribus ac cruribus in anteriora porrectis, si corpus erectum reclinet in posteriora, nimium defatigatur, quia linea directionis per centrum gravitatis corporis sic reclinati non transit per fulcrum cui innisitur corpus, hoc est, centrum gravitatis corporis in posteriora reclinati non superimminet fulcro seu sustentaculo cui sedens innisitur. Sedens humi sit ABC, AB sit corpus erectum, BC femora & crura porrecta in anteriora, centrum gravitatis corporis AB erecti sit F punctum; quod quia directe est supra B, & consequenter supra fulcrum seu sustentaculum cui innisitur ipsum B, non adeo defatigatur sedens. Reclinetur AB in posteriora, & sit in DB, & centrum gravitatis ipsius DB sit punctum F; quod quia non est directe supra B, sed extra, & consequenter extra spatium cui innisitur ipsum B, defatigatur sedens, & non potest diu ita sedere. Quod si AB reclinetur in anteriora, & sit ubi GB; adhuc minus fatigabitur sedens quam in AB, quia tunc centrum gravitatis, & consequenter totum grave, magis sustentatur quam antea.

ANNOTATIO III.

De surgente à sessione in terra.

Vide Ico-
nismi III.
fig. IV.
Surgentiū
à terra mo-
dus.

Sedens antea in Figura ABC, non potest surgere, si AB manet erectum, quia inter surgendum fulcrum non manet in B, sed retrahitur totum in C; cui quia non imminet centrum gravitatis E, non possunt pedes & crura sustentare corpus adeoq. homo non potest surgere. Nec sufficit ut AB reclinetur in GB, quia centrum gravitatis adhuc non superimminet fulcro C. Necessarium ergo est, ut corpus AB reclinetur in anteriora versus GB, & pedes cum cruribus in posteriora versus HI, ut fulcrum & centrum gravitatis consuevantur in eadem linea recta tendente ad centrum Mundi, v.g. in linea KI. Hac omnia docet nos Natura, Imo Natura in infinitu brachio simul inter surgendum terra innisitur, ut fulcrum sustentans corpus non sit tantum spatium terra pedibus subiectum,

subiectum, sed totum spatium inter pedes & manum terra innixam interiectum.

ANNOTATIO IV.

De surgente à cubatione in terra.

Homo totus supinus jacens in terra extensus, non potest se erigere manens ita extensus, sed necessarium est ut corpus compliceat, & superiorem partem corporis prius erigat, ac pedes corpori submittat, & sic se erigat. Ratio ex dictis patet: Quod si jaceas pronus, manibus primum innisis simul ac pedibus debet, & mox genua in anteriorem partem complicare. Ratio similiter ex dictis patet. Utrumque experientia constat, & utrumque Natura docet.

ANNOTATIO V.

Solvitur objectio contra dicta.

Dictis hoc Erotemate & Annotationibus, maximè vero Annotatione 4. præcedente, ob stare videtur experientia quorundam oculatorum, qui supini jacentes erigunt se se omnino extensi, ac si lignei & prorsus rigidi essent. Sed hi, ob insignem corporis agilitatem, & robur simul, & insuper experientiâ docti, corpori imprimunt impetum quo sursum fertur, qui quidem impetus tam diu durat, donec centrum gravitatis & pedum fulcrum constituentur in eadem linea recta ad centrū Universitatis. Alj etiam ad caput apponunt vel globum bombardarium majorem, vel saxum notabilis gravitatis, quod manu utraque apprehensum velociter in anteriora movent, sibiq; & saxo simul impetum imprimunt; quo fit ut centrum gravitatis composita longè citius immincat pedibus, à quibus sustentantur; impetus enim promovens saxum & corpus in anteriora prævalet gravitati corporis ceteroquin casuro. Quantum autem valeat impetus ad prævalendum gravitati oppositæ corporis, patet in cespitantibus, qui statim naturaliter brachia extendunt & projiciunt in oppositam partem, prout supra in Erotemate secundo diximus, ut scilicet impetus oppositus a quo valeat excessui gravitatis qua est ad eam partem in quam facta est ex cespitatione inclinatio. Non autem in toto hoc Erotemate, & in omnibus Annotationibus, loquimur de solis corporibus gravibus sedentibus aut jacentibus, sed de omnibus aliis impetu, & quovis alio ab arte proveniente.

EROTEMA VIII.

An homo erecto corpore ambulans circa Terraquam, describat capite suo perspheriam circulis & quanto is major sis circulo à pedibus descripto.

DUm homo altus pedes sex v. g. stat aut ambulat erecto corpore, vertex remotior est à centro Terraquæ sex pedibus, quàm pedes, ideoque si circa Æquatorem aliumvè maximum Terraquæ circulum ambularet, & vertice suo circulem lineam describeret in aëre circa centrum Terraquæ; major esset hæc circularis linea, quàm linea circularis Æquatotis alteriusvè maximi Terraquæ circuli. De excessu postea erit sermo.

Homo circa Terram ambulans, non describit circuli capite suo mathema. ricè, sed tantum ad sensum.

Nunc *quæritur*, utrum vertice suo describat talem circulem lineam. Ratio dubitandi desumitur ex natura centri gravitatis & lineæ directionis. *Respondeo*, non describere unam circulem lineam, quia vertex capitis nunc ad dexteram vergit, nunc ad sinistram, prout homo ambulans, nunc dextro pedi insistit, nunc sinistro. Ratio hujus est, quia ut dextro insistat pedi, linea directionis debet transire per basim seu sustentaculum dextri pedis; & ut insistat sinistro, linea directionis debet per sinistri pedis basim seu sustentaculum transire; ac proinde caput ac vertex nunc ad dextram, nunc ad sinistram partem declinare debet. Et tantò quidem magis ac notabilius in utramque partem alternatim inclinat, quanto ponderosior est moles corporis quam unum crus & unus pes alternatim sustinere debet. Plerumque tamen modica est illa declinatio & quasi nutatio capitis, & ideo ad sensum censeri potest verticem motu suo describere circulum circa centrum Universi.

Quanto major sit circulus à capite descriptus supra circuli à pedibus descriptum.

Quæritur ergo, quanto major sit circulus iste circulo altero quem pedes eodem tempore describunt, seu quanto plus spatii conficiat eodem tempore caput quàm pedes? *P. Casatus* in Mechanica sua Manuscripta ait, hunc excessum esse valde modicum, nimirum solum pedum sex cum dimidio: adeo ut in milliariibus 300. tantum reperiat excessus $\frac{1}{2}$ unius pedis, posita hominis altitudine pedum sex, & terræ ambitu milliariorum 21600. Sed revera nimis exiguum posuit excessum. Fortassis respexit ad regulam

Pappi Alexandrini, qui lib. 8. Collectionum Mathematic. Proposit. 22. demonstrat, ita se habere circumferentiam circuli majoris ad minorem, ut circulorum diametri, (& consequenter semidiametri.) Quoniam igitur semidiameter circuli quem caput describit circa centrum Mundi, major est sex pedibus semidiametro circuli quem pedes describunt; concludit fortassis etiam circulum capitis superare circulum pedum sex tantum pedibus. Debebat tamen, si ita argumentari volebat, concludere circulum capitis majorem esse circulo pedum duodecim pedibus, quoniam diameter prioris circuli major est diametro posterioris totidem pedibus. Ego rem juxta *Archimedis* regulam libello de Dimensione circuli traditam examinando, invenio circulum capitis majorem esse circulo pedum, 114323. pedibus & paulo amplius, ponendo hominem altum pedibus sex, & diametrum terraquæ milliariorum 6880. circumferentiam verò circuli inaximi milliariorum 2600. præcisè, quamvis revera juxta dictam *Archimedis* regulam, positâ diametro prædictâ, deberet esse milliariorum 21623. ferè. Sic enim discuro. Terraquæ diameter est milliariorum 6880. passuum autem 6880000. pedum verò 34400000. Diameter igitur circuli quem pedes conficiunt est pedum 34400000. diameter verò circuli quem conficit caput, est pedum 34400012. Si jam fiat, ut 7. ad 22. ita 34400012. ad aliud; invenietur circumferentia circuli à capite confecti, pedum 108114323. & paulo amplius, cum tamen circulus à pedibus confectus sit tantum pedum 108000000. Superat ergo circulus capitis circulum pedum, in pedibus 114323. qui efficiunt passus 22864. hoc est, milliaria Italica 22. & passus 864. Si verò ambitum Terraquæ, & circulum à pedibus confectum, ponamus milliariorum Italicorum 21623. ut revera poni deberet juxta *Archimedis* regulam, posita Terræ diametro milliariotum 6880. tunc excessus circuli capitis supra circulum pedum est tantum pedum 677. *Marinus Mercennus* in libro de Veritate scientiarum pag. 873. & in lib. 1. Mechanicor. par. 1. cap. de Centro gravit. num. 5. ait, caput hominis terram circumeuntis superare spatium à pedibus confectum, ferè quatuor leucis Gallicis, quorum quælibet 15000. pedum regionum continet. Tres autem

leuca dant pedes regio 45000. id est, passus regio 9000. atque adeo novem circiter miliaria Italica.

EROTEMA IX.

Si terraque hemisphaerium superius auferretur, à DEO, manente inferiore, quomodo homines in ejus horizonte starent, & ambularent?

Vide Ico-
nismi III.
Fig. V.

Auferat Deus hemisphaerium superius, & maneat solum hemisphaerium inferius A B D. Queritur, quomodo homines in ejus plano horizontali A C B, starent, & ambularent? Respondent communiter alii, unum solum hominem posse tunc stare perpendiculariter erectum, illum nimirum qui staret in puncto C; reliquos verò omnes inclinatum ita naturaliter ad horizontem, magis minusvè, prout magis minusvè à puncto C remoti forent. Ego distinctione utor, &

*Homines in
horizonte
astronomico
Terra,
quomodo
starent, &
ambularent.*

Dico I si punctum C manet in centro Mundi, ut antea erat; solum illum hominem posse stare perpendiculariter erectum, qui staret in puncto C; reliquos verò omnes à puncto illo remotos, quantumvis exiguo spatio, non posse stare neque erectos perpendiculariter, neque inclinatos, sed necessariò debere jacere in horizonte; imò nè jacere quidem posse, sed ruituros versus punctum C. Ratio est, quia ut stet homo supra terram, sive erectus perpendiculariter, sive inclinatus, debet linea directionis transire & per centrum gravitatis hominis, & per ejus pedes, & consequenter per spatium illud terræ, cui pedes innituntur, uti ex dictis patet. Atqui in dicto casu respectu illius tantum id fieri potest, qui puncto C insisteret; nam linea directionis est linea recta à centro Mundi, hoc est, à centro Ceducta per centrum gravitatis corporis gravis extra centrum illud existentis: talis autem linea non potest transire in casu nostro simul per pedes stantis extra punctum C; aut si per pedes transit, non transibit per centrum gravitatis. Insistat enim, si fieri potest, homo L K, puncto K, & centrum gravitatis hominis L K sit punctum M. Linea C I transit quidem per punctum M, at non per punctum K; & linea C B transit quidem per punctum K, at non per punctum M. Necessariò ergo omnes extra C punctum existentes debent jacere; & quia graves sunt,

sunt, & gravia naturali pondere ad centrum Mundi ruunt, si libera sunt; necessario versus punctum C ruunt, nisi alligentur, aut aliter sustententur.

Dico II si punctum C hemisphaerii ADB non maneret in centro Universi, sed locum mutaret, & centro Universi congrueret punctum aliquod intra dictum hemisphaerium, v. g. punctum F; solus ille, qui puncto C insisteret, posset perpendiculariter erectus stare supra planum horizontale ACB, reliqui verò omnes starent quidem, sed inclinati, tanto plùs aut minùs, quanto magis aut minùs à puncto C versus extrema A & B recederent. Ratio est, quia tunc linea à centro gravium & Universi Feducta, posset quidem transire simul per pedes & centrum gravitatis uniuscujusque, ut patet; at non esset perpendicularis respectu plani ACB, nisi linea FCG, ut ex Figura patet.

COROLLARIUM.

EX his colligitur, si in Terraqua ABC, cujus horizon astronomicus respectu nostri esset BC, & centrum ejusdem ac Mundi D, esset longa aliqua planities EF, horizonti parallela: solum hominem in puncto A consistentem, posse stare erectum perpendiculariter, reliquos verò in G, H, F, &c. inclinatos fore, prout lineæ directionis DG, DH &c. requirerent.

Vide Iconismi III. Fig. VI.

Quomodo in horizonti visuall extenso in planitiem.

ANNOTATIO.

SI planum EF leve esset, & in puncto F, H, aut G, & quocunque alio, à puncto A remoto, collocaretur globus gravis & levigatus; non quiesceret ibi, sed rueret ad punctum A, ibique quiesceret. Ratio est quia gravia non impedita moventur versus loca decliviora, ut sunt quàm vicinissima centro Mundi; cum igitur in plano EF punctum A sit omnium vicinissimum centro D, eò moveretur globus. Idem dicendum est de aqua in eo plano effusa.

COROLLARIA EX ANNOTATIONE.

EX dictis hac Annotatione colligit I. P. Ricciolus: nos in plantis ac pavimentis ad libellam constitutis non stare perpendiculariter erectos, nisi in illo puncto, in quo planum tangit sphaeram

Vide Iconismi III. Fig. VI.

Terraqueam, scilicet in puncto A; in reliquis vero locis stare nos inclinatos, tametsi insensibiliter. Et hoc verum est, mathematice loquendo

*Altimetria-
rum aliquo-
rum error.*

Vide Ico-
nismi III.
Fig. VI.

Colligit II. Errare vehementer illos, qui altitudines turrium & montium per altimetriam metientes ex angulo altitudinis, & distantia notabili pedis turrium aut montium ab oculo mensoris, utuntur triangulo rectilineo rectangulo, existimantes in eo triangulo unum laterum circa rectum angulum esse prædictam distantiam, alterum ipsam turris aut montis altitudinem, cum tamen hoc latus longe absit à perpendiculari linea ad centrum Terræ tendente, in qua tamen æstimanda est altitudo prædicta. *Esso enim inquit, in Figura proxima quadrans Terra ABC, in quo altitudo montis PKM perpendicularis, & faciens angulos ad P hinc inde aequales; que in directum continetur cum Terra semidiametro P A. Jam Geometra ferè omnes, quos legerim, ut montis altitudinem investigent, ex statione in C; Quadrante Geometrico DEF, aut alio simili instrumento, per dioptram CE accipiunt angulum ECF, respicientes montis apicem M, lineam visualem CEM; quem angulum exhibet arcus EF; deinde cognitam habent distantiam CK, ab oculo C ad pedem montis, in milliariis, leucis, stadiis; & constructo ex illa triangulo CKG, rectangulo ad K, ex angulo C, & distantia CK, colligunt altitudinem KG, quam putant esse ipsam montis altitudinem, perinde ac si linea visuale terminata fuisset ad G, cum revera terminata sit ad M: At vera altitudo montis est ipsa PM, longe major quàm GK. Deinde CK non est necessario planities perfecta, sed sæpe curva, & libellæ exploranda; & sæpe stationis locus altior est, quam curva illa superficies Terra, qua concentrica est convexitati maris. Videas tamè Orontium, Maginum, Clavium, Blancanum, hanc pseudographiam non agnovisse: agnovit tamen Cabanus in suis Meteoris, sed in remedio adhibendo falsus & ipse fuit, ut ostendam in Libro Geographico, Sectione de altitudine montium, ubi quomodo corrigenda sit horum Geometrarum praxis, DEO dante docebo. Hactenus Ricciolus, & bene, si ita procedunt Geometræ, ut ipse dicit, Nullum tamen scio, præter Blancanum in Sphæra Mundi, qui dicto modo montis longissime diffiti altitudinem investiget, cæteri enim tametsi universaliter loquantur, non tamen intelligi debent de dimensione ex immodica aliqua distantia, alioquin utique cau-
telam*

telam debitam adhibuissent. Vide quæ diximus in Pantometro Kircheriano lib. 2. cap. 2. Problem. 1. Annotat. 4.

Alia quæ P. Ricciolus habet circa errorem aliquorum in fluminum libramento, & in libellandis aquis, attulimus loc. cit. lib. 9. in quo fuse de Hydragogia seu aquarum libellatione ac deductione agimus. Vide infra Magiam Hydrotect.

EROTEMA X.

Cur Antipodes nostri non cadant in partem cæli oppositam.

DUbi um hoc etiam *Plinii* temporibus vulgum vexabat: ait enim lib. 2. cap. 65. *Ingens hic pugna literarum, contrag, vulgi, circumfundi Terra undique homines, converfisque inter se pedibus stare &c. illo (vulgo) quarente, cur non decidant contrâ sit; tanquam non & ratio præsto sit, ut nos non decidere mirentur illi.* Mirum non est, vulgum hoc ignorare, mirari; mirandum potiùs est, viros etiam doctos in eadem perplexitate hæere. Audi unum ex multis, Redierat ex Chinatarum regno P. Nicolaus Trigautius Belga, iterum eò reversurus. Cum Parmæ in Italia esset, & multi nobiles ac docti Viri ad eum visendum ac salutandum accederent, venit inter alios Doctor magni nominis, longâ discipulorum catenâ stipatus, & post multa dixit P. Trigautio, diu se perplexum hæsisse, & etiânum hæere, nec unquam solutionem invenire potuisse dubii cuiusdam, *qua nimirum ratione aut artificio, cum Terra & aqua unum efficiant globum, & infra horizontem nostrum India Orientalis ac præcipue China sit, quando naves pervenerunt ad extremum horizontis nostri, & infra eum descendere debent, quânam ratione & artificio descendunt sine præcipitii periculo? qua item ratione redeunt ascendant? Virumque coram spectantia Reverentia Vestra, ne igitur dedignetur has intellectus mei tenebras dispellere.* Risit P. in corde viri doctrina clari simplicitatem, sed ne conceptam de eo discipulorum opinionem diminueret, dissimulavit risum & data solutione dimisit. Historiam audiavi Romæ à Viro doctrina & probitate singulari claro. *Respondet igitur ad vulgidubium, & ajo, non cadere Antipodes nostros (eadem est ratio de navibus Terraquam circumnavigantibus)*

quia

Antipodes nostri cur non cadant in partem cæli oppositam.

quia gravitate sua naturali ad centrum Terræ tendunt, non minus ac nos. Mirum potius esset si caderent, quia naturaliter ascenderent.

EROTEMA XI.

An in acclivitatibus montium possint stare plures homines, domus, arbores &c. quam in basi subjecta.

Vide Leon.
nisi III.
Fig. VIII.

Montis ac-
clivitas nō
capit plures
homines
&c. per-
pendicula-
riter ere-
ctis, quā
subjecta
basi.

Sit mons AKB, cujus basis AB, acclivitas AK. Quæritur, an in spatio AK possint stare plures homines, domus, arbores, &c. quā in subjecta basi AB. Ratio dubitandi est, quia spatium AK majus est, quā spatium AB, ut nunc suppono. *Respondet* id non posse fieri. Ratio est, quia homines debent insistere perpendiculariter, & domus ædificari debent ad perpendicularum, & arbores perpendiculariter assurgunt. Quare si in basi AB non possunt stare erecti perpendiculariter, nisi tres homines, domus, arbores, occupantes suis plantis aut basibus tria spatia, AC, CD, & DB, etiam in acclivitate AK poterunt stare perpendiculariter erecti tantum tres, occupantes recto situ ad horizontem spatia EI, FL, & GK, æqualia prioribus tribus spatiis.

Hinc sequitur, in dorso montis non posse crescere plures fruges, quā in subjecta montis planitie. Possunt quidem feri plura semina, plantari plures arbores, in spatio AK, quā in spatio AB, quoniam illud majus est hoc; sed dum crescunt ad perpendicularum, alia alijs officiant, & se mutuò implicant, unde nihil, aut parum operant abundantiam earum frugum, quas minoris numeri semina in plano fundo progignerent. Vide Villapandum, Bettinum, Ricciolum, Merfennum, & alios.

EROTEMA XII.

An hasta obliquè ad Mundi centrum delata, obliquè etiam ibidem quiesceret.

Vide Leon.
nisi III.
Fig. IX.
Hasta obli-
que ad cen-
trum Mundi.

Questionem hanc, inquit *Bettinus* Apian. 4. Proposit., quasi insolubilem aliqui proposuerunt, nec quidquam certi de ea pronuntiarunt. Eam ego cum ipso sic solvo. Sit hasta ferrea obliqua AB, cujus centrum gravitatis C, & horizon astronomicus DE

per

per Mundi centrum transiens. Ajo, postquam hasta in tali obliquo ^{di dolorem.}
 situ ad Mundi centrum descenderit, mansuram in eodem obli- ^{ibi quiesce-}
 quo situ, & collocaturam centrum gravitatis C in centro Mundi ^{ret in eodẽ}
 F, sine ulla extremorum A & B conversione, aut collocatione ad ^{situ manẽs.}
 parallelismum cum horizonte DE. Cum enim is horizon ima-
 ginarius sit, nec planum quodpiam sit reale, in quod offensura sit
 hasta A Bit, ut cogatur se depronare, & collocare juxta situm
 ipsius DE; ideo sicut in situ obliquo AB defertur usque ad hori-
 zontem & Mundi centrum immota in tali situ, sic etiam ibidem
 in eodem manebit situ. Ratio desumitur ex natura centri gra-
 vitatis, & motu gravium per lineam directionis. Nam si C est cen-
 trum gravitatis hastæ, & circa ipsum partes AC, BC, æquipon-
 derant; non est ratio cur pars CB descendat, & pars A Ascendat,
 sive antequam ad Mundi centrum perveniat, sive postquam
 eò pervenit; sed sine ulla conversione per lineam directionis
 CF; tanquam per brevissimam viam, illuc deferetur. Verum ta-
 men est, hastam postquam pervenerit usque ad centrum, pro-
 pter impetum quem inter cadendum acquisivit, ultra centrum
 perrecturam, eoque cessante ad centrum redituram. Fortassis
 etiam aliquoties circa centrum reciprocabit, nunc recedendo,
 nunc accedendo, quàm diu videlicet durabit novus in accessu
 conceptus imperus.

ANNOTATIO.

Quod hasta non quiesceret, nisi centrum gravitatis centro Univerſi
 congrueret, ex eo colligo, quòd quamdà aliud punctum à centro
 gravitatis diversum congruit centro Univerſi, non omnes hasta partes
 æquiponderant circa centrum Mundi, ac proinde gravior prævalens
 alteram pellit, nec cessat pugna, donec fiat æquilibrium.

EROTEMA XIII.

Quid detinet gravia in centro Univerſi?

Aliqui putant; centrum ipsum Univerſi detinere Terraquam ^{Gravia à}
 ibidem à DEO constitutam, & detenturam eodem modo ^{quo detine-}
 alia gravia, si sublatà Terraquà eò deferrentur. Unde mirabilem ^{antur in}
 virtutem attractivam ac retentivam centro illi attribuunt. Ad- ^{centro Uni-}
 versis.

dunt nonnulli, si homo ibidem existeret, ita ut centrum gravitatis hominis congrueret centro Universi, & manum pectori, circa quod centrum gravitatis est, admotam haberet; non posse manum ori admove, nec brachium extendere, impediante virtute attractivâ & retentivâ centri Universi. Si autem os hominis corresponderet centro Universi, æstimant non posse tunc hominem comedere, accibum in stomachum trajicere, quia cibus deberet ascendere contra suam inclinationem. Nimis simplex persuasio, mea quidem sententiâ. Non magis tunc repugnaret cibo ascensus quàm nunc; at nunc si quis capiti insisteret, pedibus sursum conversis, aut si pedibus suspensus sit, poterit comedere, & tamen cibus ascendere debet ad stomachum: cur non & tunc? Ascenderet autem nunc in casu posito cibus, quia à virtute deglutitiva sursum pelleretur: Ergo & tunc etiam ascenderet, propter eandem causam. Existimo igitur, nullam in centro Universi virtutem attractivam ac retentivam esse, sed Terraquam, cæteraque gravia eò ferri, ibique quæta hære, propter innatam suam gravitatem, quâ naturaliter deorsum moventur infra corpora sese leviora: cumq; in centro illo Universi existentes, sint infra omnia se leviora, ulteriùs non moventur, quia non possunt ampliùs deorsum moveri, sed si moverentur, ascenderent supra corpora se leviora. Quiescant ergo ibidem necesse est à nullâ vi centri detenta, sed à propria gravitate defixa. Ibi Terraqua

*Terra à
qua virtus
te detinet
dur in cen-
tro v'mi.
versis.*

Ponderibus librata suis immobilis hæret:

ibi, ut suprâ cap. 2. ex Priscis dicebam,

Stat vi Terra suâ, vislando Vesta vocatur,

quia ibidem DEUS fundavit eam super stabilitatem, hoc est, super gravitatem suam, suspendens eam super nihilum, ut apud Jobum 26. asseritur, hoc est, super centrum gravitatis, quod punctum est unicum, nullas habens partes, ac proinde nihil. Idem de cæteris gravibus judicium esto, si ibidem existerent.

COROLLARIUM I.

COLLigitur hinc I. verum esse quod Bettinus cum aliis asserit paradoxum, nimirum si potentia aliqua plùs quàm humana circa

circa Terraquam pons fabricaretur, fulcris suis innixus, cujus centrum gravitatis centro Universi congrueret; sublatis deinde fulcris pontem illum in aëre circa Terraquam hæsurum immobilem annuli instar. Nam cum gravia ideo moveantur versus Mundi centrum, ut centra gravitatis suæ centro Mundi conjungant; pons autem ille pendulus centrum gravitatis suæ jam Mundi centro conjunctum habeat, ut supponitur; ratio nulla suppetit cur moveatur, nisi ab extrinseco impellatur adeo validè, ut impulsus prævaleat gravitati eum in medio detinenti. Et hoc verum est, si ve pons ille circularis esset, sive ellipticus, sive quadrangularis, aut polyangulus, sive cujuscunque demum regularis aut irregularis figuræ, quia in omnibus casibus eadem militat ratio.

Pons circa Terram, cujus centrum gravitatis congruet centro Mundi, maneat si ne fulcris.

COROLLARIUM. II.

Colligitur II. si pons circularis pendulus circa Terraquam modo dicto, lævis esset in peripheria sua, & eidem superponeretur globus aliquis, quantumvis gravis, & quantum vis lævigatus; persisteret immotus in eo loco, in quo primum poneretur. Ratio est, quia in omni loco esset in linea brevissima tendente recta ad centrum Mundi, ac præterea linea illa brevissima esset linea directionis, transiens per punctum cui inniteretur globus & centrum gravitatis ipsius. Quiesceret ergo. At si pons esset aut ellipticus, aut quadrangularis, non quiesceret globus in omni loco, sed moveretur donec veniret ad locum centro Mundi vicinissimum, ut esset in brevissima ad dictum centrum linea & via. Patent hæc omnia ex dictis in antecedentibus.

Globus in circulari parte circa Terram positus, quiesceret in illo situ.

EROTEMA XIV.

An circa Mundi centrum fieri possit motus perpetuus artificialis.

Questionem hanc tractavimus in Mechanica nostra Hydroaulico-pneumatica par. 2. Classe 2. Machina 13. non quidè universaliter, sed solum in uno casu particulari, scilicet in Gnomone Scheineriano. Nam *P. Christophorus Schesnerus* in Disquisitionibus Mathematicis Num. XV. Consectario 4. asserit, *Motum perpetuum artificialem non repugnare Naturæ*, idq; probare nititur hac

Motus perpetuus circa Mundi centrum an fieri possit.

Vide Ico-
nismi III.
Fig. X.

ratione. Pendeat enim circa *A* centrum *V*niuersi, gnomon quidam gra-
uis *ABC*, ligatus ad axem *DE*, sustentatum columellis *DF*, & *EG*, in polis
D vel *E* volubilem; vel fixum quidem ipsum in polis, circa quem tamen
volubilis sit gnomon ad *A*. Hisce datis, dico fore, ut gnomon *ABC* rotetur
ex *C* in *H* versus *I*, & ex hoc reuertatur in *C*, & ab hoc rursus digredia-
tur in *H* modo priore, & sic in perpetuum. Motus huius continui causa
est violenta suspensio; totus enim gnomon preponderat in partem *C*, ob
perpendicularem simul & tangentem *BA*; quod amplius fit, si accedat
globus ferreus *S* appensus in *C*. Cum igitur tota hac moles ex *AB* tanquã
statera pertica, siue diametro momentali, in unam lancem *C* dependeat,
& vertex *A* ob axem in *D* & *E* firmatum cadere nequeat è centro *V*ni-
uersi: fit ut omnia puncta tam sphaera *S*, quàm gnomonis *ABC*, iugi nisu
ad *A* annuant: sed quia à linea *BA* in puncto *A* stabilita, nè in cen-
trum ruant, impediuntur, idcirco maxima illius pronitatis vis, in lineã
BA incumbit, unde ipsam vi quadam trahunt, & ad inclinationem in-
uitant; quæ cum à rectitudine, ob continuã gnomonis soliditatem, nesciat
quidpiam remittere, ideo impetus ille totus vel ad punctum *A* circa axẽ
mobile, vel ad axis polos *D* & *E* volubiles redundat, qui poli cum liberi
sint in suis foraminibus *D* & *E*, Natura cursum suum relinquunt, & sic
motum perpetuum circularem nequaquã impediunt. Quod verò hac ita
se habeat, ratio confirmat, & experientia in staticis quotidiana manife-
stat. Etenim si gnomon curvatus insistas vel superficiem terrestris *MN*, vel
OP, aut *QR*: cadet ille semper versus partem *C*, siue *N*, praponderante
portione *MKC*, quod patet experimentis quotidianis. Unde evidens est,
si gnomon integer esset, vim quæ ad *N* sese exerit, transire in rectam *BA*,
centroq; tandem imminere. Et hoc est unum argumentũ. Alterum à con-
trario desumitur. Nam si aqualis & similis gnomon huic adhereret
versus partem *D*, tunc tota moles centro *A* insisteret, in æquilibrio pen-
deret, nullusq; motus fieret, igitur ablata parte dimidiã, necessarium est,
alteram moveri, juxta leges & experientias staticas. Quod si gnomon
curvatus *AMCN*, ad solum punctum *A* ligatus esset, ceteroquin liber,
rueret ipse utiq; & casu ipso describeres punctum *C* arcum ferè semicir-
cularem, donec in inferiorem perpendiculi partem deveniret, ibique cõ-
sisteret. Cum verò jam tota vis gnomonis integri in *A* verticem incum-
bat, fiet revolutio integra, & perpetua, circa idem *A*. Multo autem am-
plius hoc accideret, si ad centrum *A* insisteres vel lunula *ACL*,
vel

velsericula AKC, vel denique solus globus S è filis duobus ferreis AB, & BC, aut unico ANC arcuato dependens. Motus itaque perpetuus circularis ex hisce fieri posse demonstratus est. Hactenus Scheinerus.

Problema hoc examinat *Bettinus* Apiar. 4. Progymnas. 1. Proposit. 7. & *Ricciolus* in *Almagesto* Novo lib. 2. Cap. 4 Coroll. 11. ajuntque gnomonem dicto modo circa Mundi centrum constitutum, non modo non motum iri perpetuo, sed perpetuò quieturum, nisi impellatur ab extrinseco, cessanteque impulsu iterum quieturum. Rationem assignant, quia gravia ideo moventur, ut magis accedant ad Mundi seu gravium centrum: gnomon autem ille non posset unquam magis accedere ad centrum A, quia centrum gravitatis ipsius (ubique sit dictum centrum, & quocunque in loco circa centrum A reperiatur machina) semper est in æquali linea directionis, nec quidquam in ullo loco acquirit majores accessus ad dictum centrum; ergo in quocunque loco reperiatur, quiescit. Extra centrum verò Mundi erectus gnomon cadit, quia brachium BC, & pondus S appensum & centrum gravitatis totius machinæ, possunt magis accedere ad centrum gravium. His ego loc. cit. in *Mechanica* addidi, ideo cadere brachium BC, cum pondere S appenso, erecto gnomone cum dicto pondere extra centrum Universi, quia impossibile est ut quiescat, nisi linea recta è centro Mundieducta transeat & per centrum gravitatis gnomonis cum pondere affixo, & simul per punctum suspensionis seu sustentationis, ut supra demonstravimus cap. 4. Proposit. 1. quod cum in dicto situ extra Mundi centrum non contingat, eo quod centrum gravitatis non sit in brachio AB, sed vel in brachio BC, vel in globo, vel in vacuo inter utrumque brachium; mirum non est si cadat brachium BC, tamdiuque moveatur deorsum, donec vel in subiecto plano quiescat, vel in eo situ suspensum hæreat, in quo linea recta è centro Terræeducta transeat simul & per centrum gravitatis totius machinæ compositæ ex gnomone & pondere affixo, & per punctum suspensionis. At constitutâ eadem machina in centro Universi, & puncto suspensionis aut sustentationis potius (sustentatur enim tunc machina erecta nō vero

*Gnomon in
superficie
Terræ erectus, cur cadat.*

pendet) cum prædicto Universi centro coincidente, quoniam necessarium est ut linea recta è centro Universi A egrediens, & per machinæ centrum gravitatis (ubique sit) transiens, transeat etiam per punctum sustentationis; necessarium etiam est ut quiescat, nec moveatur nisi per impulsu extrinsecum, eoque cessante iterum quiescat, & quidem in eo puncto circuli C. H. I., in quo cessat penitus impulsus.

*Non repu-
gnare vide-
tur in præ-
xi.*

Hoc citato loco in Mechanica dixi; quæ speculativè quidem vera sunt, practicè tamen fortassis falsa sunt, quia difficile videtur, ut punctum sustentationis, punctumque pedis machinæ sustentaculo incumbens, & insuper centrum gravitatis totius machinæ, semper & in omni situ reperiantur exactè in eadem recta linea è centro Mundi punctoque sustentationis egrediente, ut nihilum quidem ab ea deviet unum ex his tribus. Quod ubi contingit, jam non potest gnomon stare erectus in eo situ, in quo id contingit, sed necessario depronabitur versus suum horizontem imaginarium, hoc est, versus lineam aut planum imaginarium, quod lineæ per centrum gravitatis transeunti perpendiculare est. Licet enim centrum gravitatis totius machinæ per talem depronationem & casum non accedat propius ad centrum Mundi, accedit tamen propius ad suum horizontem. Nam grave junà cum suo centro gravitatis, quando liberum est, descendit quidem per lineam rectam, hoc est, per lineam directionis, ad centrum Universi; at quando liberum non est, sed impeditum à tali descensu, movetur versus centrum Mundi eà viâ, quâ potest: potest autem in casu nostro; quando linea directionis non transit exactè per sustentaculum & pedem gnomonis, moveri versus suum horizontem, imò debet versus eum moveri, quia non potest erectus stare, nisi exactissimè linea directionis per sustentaculum & pedem transeat; ergo necessario eò moveri debet. Si autem semel movetur versus horizontem suum, semper & in omni situ debet ita moveri, vel quia semper & ubique adest eadem causa motus, vel quia si in aliquo situ non adsit, durat tamen adhuc impetus ex præcedenti motu conceptus. Fieri ergo posse videtur motum perpetuum circa centrum Mundi gnomone Scheineriano; quod aliis melius expendendum relinquo.

EROTEMA XV.

*Quisnam usus est centri gravitatis in incessu quadrupedum,
& volatu avium?*

V *Malpandus* tomo 3. in Ezechiel. par. 2. lib. 1. cap. 6 ubi agit de centro gravitatis & linea directionis, & ex ipso *Mersennus*, *Forerus*, & alii, hæc notarunt, quæ quilibet etiam facile observare poterit. Foreri verbis ut plurimuma utar.

*Quadrupedia quid in
flando &
gradiendo
observant,*

I. Quadrupedia tunc stant, & gradiuntur, quando linea directionis per superficiem, quam inter extremos pedum terminos operiunt, aut saltem per extremum talis superficiæ, transiens, pertransierit etiam per centrum gravitatis eorum, vel dimiserit illud ex parte superficiæ, cui insistant, sin minus, cadunt. Quare Natura docuit illa, ut inter gradiendum non attollant simul utrumque pedem dextrum, aut sinistrum, sed alternatim nunc dextrum anteriorem & sinistrum posteriorem, nunc sinistrum anteriorem, & dextrum posteriorem. Quocirca si inter gradiendum utrumque dextrum pedem simul attollerent, caderent; nisi eos ita attollerent, ut nihilominus linea directionis transiens per extremum reliquorum pedum, transiret quoque per centrum gravitatis, aut relinqueret illud ex parte pedum. Cum verò se in posteriores pedes tantum erigunt, ut solent equi, canes, ursi &c. tunc poplites, & magnam corporis partem in posteriora retrahunt, ut centrum gravitatis ad lineam quæ per pedes è centro Mundi ducta tranlit, retrahant.

II. Avium, cum pedibus insistant, eadem est ratio quæ hominis stantis, sedentis, vel se inclinantis; cum autem volant, alis ita suspenduntur, ut linea è centro Mundi ducta, & inter binas alas transiens, transeat etiam per gravitatis centrum. Hoc discrimen est inter aves & homines, quòd cum illæ ad pactum pronæ se crebrius debeant inclinare, Natura eis ita providit, ut crura explicent retrorsum; sic enim linea per pedes transiens, transit etiam per centrum gravitatis: at verò homines, qui corpus rarius in anteriorem partem curvant, sæpius autem in posteriorem; duplici, & alterâ alteri contrariâ complicatione flectuntur, ut pote quia genua complicant antrorsum, coxas verò retrorsum.

*Aves in
flando &
volando
quid obser-
vant.*

Porro

Tetraqueam, scilicet in puncto A; in reliquis vero locis stare nos inclinatos, tametsi insensibiliter. Et hoc verum est, mathematice loquendo

*Altimetria
vult aliquo-
modo error.*

Vide Ico-
nismi III.
Fig. VI.

Colligit II. Errare vehementer illos, qui altitudines turrium & montium per altimetriam metientes ex angulo altitudinis, & distantia notabili pedis turrium aut montium ab oculo mensoris, utuntur triangulo rectilineo rectangulo, existimantes in eo triangulo unum laterum circa rectum angulum esse prædictam distantiam, alterum ipsam turris aut montis altitudinem, cum tamen hoc latus longe absit à perpendiculari linea ad centrum Terræ tendente, in qua tamen æstimanda est altitudo prædicta. *Esto enim* inquit, *in Figura proxima quadrans Terra ABC, in quo altitudo montis PKA perpendicularis, & faciens angulos ad Phinc inde aequales; que in directum consuevit cum Terra semidiametro PA. Jam Geometra ferè omnes, quos legerim, ut montis altitudinem investigent, ex statione in C, Quadrante Geometrico DEF, aut alio simili instrumento, per dioptram CE accipiunt angulum ECF, respicientes montis apicem M, lineam visualem CEM; quem angulum exhibet arcus EF; deinde cognitam habent distantiam CK, ab oculo C ad pedem montis, in milliaribus, leucis, stadiis; & constructo ex illa triangulo CKG, rectangulo ad K, ex angulo C, & distantia CK, colligunt altitudinem KG, quam putant esse ipsam montis altitudinem, perinde ac si linea visualis terminata fuisset ad G, cum revera terminata sit ad M; At vera altitudo montis est ipsa PM, longe major quàm GK. Deinde CK non est necessario planities perfecta, sed sæpe curva, & libellâ exploranda; & sæpe stationis C locus altior est, quàm curva illa superficies Terræ, quæ concentrica est convexitati maris. Videas tamè Orontium, Maginum, Clavium, Blancanum, hanc pseudographiam non agnovisse: agnovit tamen Cabaus in suis Meteoris, sed in remedio adhibendo falsus & ipse fuit, ut ostendam in Libro Geographico, Sectione de altitudine montium, ubi quomodo corrigenda sit horum Geometrarum praxis, DEO dante docebo. Hactenus Ricciolus, & bene, si ita procedunt Geometræ, ut ipse dicit, Nullum tamen scio, præter Blancanum in Sphæra Mundi, qui dicto modo montis longissime diffusi altitudinem investiget, cæteri enim tametsi universaliter loquantur, non tamen intelligi debent de dimensione ex immodica aliqua distantia, alioquin utique cau-*

telam

celam debitam adhibuissent. Vide quæ diximus in Pantometro Kircheriano lib. 2. cap. 2. Problem. 1. Annotat. 4.

Alia quæ P. Ricciolus habet circa errorem aliquorum in fluminum libramento, & in libellandis aquis, attulimus loc. cit. lib. 9. in quo fuse de Hydragogia seu aquarum libellatione ac deductione agimus. Vide infrà Magiam Hydrotect.

EROTEMA X.

Cur Antipodes nostri non cadant in partem cœli oppositam.

DUbi um hoc etiam *Plinii* temporibus vulgum vexabat: ait enim lib. 2. cap. 65. *Ingens hic pugna literarum, contrag, vulgi circumfundi Terra undique homines, converfisque inter se pedibus stare &c. illo (vulgo) quarente, cur non decidant contrâ sitis; tanquam non & ratio præsto sit, ut nos non decidere mirentur illi.* Mirum non est, vulgum hoc ignorare, mirari; mirandum potius est, viros etiam doctos in eadem perplexitate hære. Audi unum ex multis, Redierat ex Chinæ regno P. Nicolaus Trigautius Belga, iterum eò reverſurus. Cum Parmæ in Italia eſſet, & multi nobiles ac docti Viri ad eum viſendum ac ſalutandum accederent, venit inter alios Doctor magni nominis, longâ diſcipulorum catenâ ſtipatus, & poſt multa dixit P. Trigautio, diu ſe perplexum hæſiſſe, & etiânum hære, nec unquam ſolutionem invenire potuiſſe dubii cujuſdam, qua nimirum ratione aut artificio, cum Terra & aqua unum efficiant globum, & infra horizontem noſtrum India Orientalis ac præcipuè China ſit, quando naves pervenerunt ad extremum horizonſis noſtri, & infra eum deſcendere debent, quâ inquam ratione & artificio deſcendunt ſine præcipitiis periculo? qua item ratione redeuntes aſcendunt? Virumque coram ſpectatæ Reverentia Veſtra, ne igitur dedigneſur has intellectus mei tenebras diſpellere. Riſit P. in corde viri doctrina clari ſimplicitatem, ſed ne conceptam de eo diſcipulorum opinionem diminueret, diſſimulavit riſum & data ſolutione dimiſit. Hiſtoriam audiſi Romæ à Viro doctrina & probitate ſingulari claro. *Reſpondeo* igitur ad vulgi dubium, & ajo, non cadere Antipodes noſtros (eadem eſt ratio de navibus Terraquam circumnavigantibus)

*Antipodes
noſtri cur
nec cadant
in partem
cœli oppoſi-
tam.*

quia

quia gravitate sua naturali ad centrum Terræ tendunt, non minus ac nos. Mirum potius esset si caderent, quia naturaliter ascenderent.

EROTEMA XI.

An in acclivitatibus montium possint stare plures homines, domus, arbores &c. quam in basi subiecta.

Vide Ico-
nismi III.
Fig. VIII.

Montis ac-
clivitas nō
capit plures
homines
&c. per-
pendiculari-
ter ere-
ctos, quàm
subiecta
basi.

Sit mons AKB, cujus basis AB, acclivitas AK. Quæritur, an in spatio AK; possint stare plures homines, domus, arbores, &c. quàm in subiecta basi AB. Ratio dubitandi est, quia spatium AK majus est, quàm spatium AB, ut nunc suppono. Respondet id non posse fieri. Ratio est. quia homines debent insistere perpendiculariter, & domus ædificari debent ad perpendicularum, & arbores perpendiculariter assurgunt. Quare si in basi AB non possunt stare erecti perpendiculariter, nisi tres homines, domus, arbores, occupantes suis plantis aut basibus tria spatia, AC, CD, & DB, etiam in acclivitate AK poterunt stare perpendiculariter erecti tantum tres, occupantes recto situ ad horizontem spatia EI, FL, & GK, æqualia prioribus tribus spatiis.

Hinc sequitur, in dorso montis non posse crescere plures fruges, quàm in subiecta montis planitie. Possunt quidem seri plura semina, plantari plures arbores, in spatio AK, quàm in spatio AB, quoniam illud majus est hoc; sed dum crescunt ad perpendicularum, alia alijs officiunt, & se mutuò implicant, unde nihil, aut parum operant abundantiam earum frugum, quas minoris numeri semina in plano fundo progignerent. Vide Villapandum, Bettinum, Ricciolum, Mersennum, & alios.

EROTEMA XII.

An hasta obliquè ad Mundi centrum delata, obliquè etiam ibidem quiesceret.

Vide Ico-
nismi III.
Fig. IX.
Hasta obli-
que ad cen-
trum Mun-

Questionem hanc, inquit *Bettinus* Apian. 4. Proposit. 1. quasi insolubilem aliqui proposuerunt, nec quidquam certi de ea pronuntiarunt. Eam ego cum ipso sic solvo. Sit hasta ferrea obliqua AB, cujus centrum gravitatis C, & horizon astronomicus DE per

per Mundi centrum transiens. Ajo, postquam hasta in tali obliquo ^{di delata.} situ ad Mundi centrum descenderit, mansuram in eodem obliquo ^{ibi quiesce-} quo situ, & collocaturam centrum gravitatis C in centro Mundi ^{ret in eodẽ} F, sine ulla extremorum A & B conversione, aut collocatone ad ^{situ manẽs.} parallelismum cum horizonte DE. Cum enim is horizon imaginarius sit, nec planum quodpiam sit reale, in quod offensura sit hasta A Bit, ut cogatur se depronare, & collocare juxta situm ipsius DE; ideo sicut in situ obliquo AB defertur usque ad horizontem & Mundi centrum immota in tali situ, sic etiam ibidem in eodem manebit situ. Ratio desumitur ex natura centri gravitatis, & motu gravium per lineam directionis. Nam si C est centrum gravitatis hastæ, & circa ipsum partes AC, BC, æquiponderant; non est ratio cur pars CB descendat, & pars AC ascendat, sive antequam ad Mundi centrum perveniat, sive postquam eò pervenit; sed sine ulla conversione per lineam directionis CF; tanquam per brevissimam viam, illuc deferetur. Verum tamen est, hastam postquam pervenerit usque ad centrum, propter impetum quem inter cadendum acquisivit, ultra centrum perrecturam, eoque cessante ad centrum redituram. Fortassis etiam aliquoties circa centrum reciprocabit, nunc recedendo, nunc accedendo, quàm diu videlicet durabit novus in accessu conceptus impetus.

ANNOTATIO.

Quòd hasta non quiesceret, nisi centrum gravitatis centro Universi congrueret, ex eo colligo, quòd quàm diu aliud punctum à centro gravitatis diversum congruit centro Universi, non omnes hasta partes æquiponderant circa centrum Mundi, ac proinde gravior prævalens alteram pellit, nec cessat pugna, donec fiat æquilibrium.

EROTEMA XIII.

Quid detinet gravia in centro Universi?

Aliqui putant; centrum ipsum Universi detinere Terraquam ^{Gravia à} ibidem à Deo constitutam, & detenturam eodem modo ^{quo detine-} alia gravia, si sublatà Terraquà eò deferrentur. Unde mirabilem ^{antur in} virtutem attractivam ac retentivam centro illi attribunt. Ad- ^{centro Uni-} vers.

dunt nonnulli, si homo ibidem existeret, ita ut centrum gravitatis hominis congrueret centro Universi, & manum pectori, circa quod centrum gravitatis est, ad motam haberet; non posse manum ori admovere, nec brachium extendere, impediante virtute attractivâ & retentivâ centri Universi. Si autem os hominis corresponderet centro Universi, æstimant non posse tunc hominem comedere, ac cibum in stomachum trajicere, quia cibus deberet ascendere contra suam inclinationem. Nimis simplex persuasio, mea quidem sententiâ. Non magis tunc repugnaret cibo ascensus quàm nunc; at nunc si quis capiti insistat, pedibus sursum conversis, aut si pedibus suspensus sit, poterit comedere, & tamen cibus ascendere debet ad stomachum: cur non & tunc? Ascenderet autem nunc in casu posito cibus, quia à virtute deglutitiva sursum pelleretur: Ergo & tunc etiam ascenderet, propter eandem causam. Existimo igitur, nullam in centro Universi virtutem attractivam ac retentivam esse, sed Terraquam, cæteraque gravia eò ferri, ibique quiescere, propter innatam suam gravitatem, quâ naturaliter deorsum moventur infra corpora sese leviora: cumq; in centro illo Universi existentes, sint infra omnia se leviora, ulterius non moventur, quia non possunt amplius deorsum moveri, sed si moverentur, ascenderent supra corpora se leviora. Quiescant ergo ibidem necesse est à nullâ vi centri detenta, sed à propria gravitate defixa. Ibi Terraqua

*Terra à
qua virtus
deorsum
trahit cen-
trum Uni-
versi.*

Ponderibus librata suis immobilis hæret:

ibi, ut suprâ cap. 2. ex Priscis dicebam,

Stat vi Terra suâ, vislando Vesta vocatur,

quia ibidem Deus fundavit eam super stabilitatem, hoc est, super gravitatem suam, suspendens eam super nihilum, ut apud Jobum 26. asseritur, hoc est, super centrum gravitatis, quod punctum est unicum, nullas habens partes, ac proinde nihil. Idem de cæteris gravibus judicium esto, si ibidem existerent.

COROLLARIUM I.

Colligitur hinc I. verum esse quod Bettinus cum aliis asserit paradoxum, nimirum si potentia aliqua plùs quàm humana circa

circa Terraquam pons fabricaretur, fulcris suis innixus, cujus centrum gravitatis centro Universi congrueret; sublatis deinde fulcris pontem illum in aëre circa Terraquam hæsurum immobilē annuli instar. Nam cum gravia ideo moveantur versus Mundicentrum, ut centra gravitatis suæ centro Mundi conjungant; pons autem ille pendulus centrum gravitatis suæ jam Mundi centro conjunctum habeat, ut supponitur; ratio nulla suppetit cur moveatur, nisi ab extrinseco impellatur adeo validè, ut impulsus prævaleat gravitati eum in medio detinenti. Et hoc verum est, si-
 ve pons ille circularis esset, sive ellipticus, sive quadrangularis, aut polyangulus, sive cujuscunque demum regularis aut irregularis figuræ, quia in omnibus casibus eadem militat ratio.

Pons circa Terram, cujus centrum gravitatis cōgrueret centro Mundi, maneret si- ne fulcrist.

COROLLARIUM. II.

Colligitur II. si pons circularis pendulus circa Terraquam modo dicto, lævis esset in peripheria sua, & eidem superponeretur globus aliquis, quantumvis gravis, & quantumvis lævigatus; persisteret immotus in eo loco, in quo primum poneretur. Ratio est, quia in omni loco esset in linea brevissima tendente recta ad centrum Mundi, ac præterea linea illa brevissima esset lineæ directionis, transiens per punctum cui inniteretur globus & centrum gravitatis ipsius. Quiesceret ergo. At si pons esset aut ellipticus, aut quadrangularis, non quiesceret globus in omni loco, sed moveretur donec veniret ad locum centro Mundi vicinissimum, ut esset in brevissima ad dictum centrum linea & via. Patent hæc omnia ex dictis in antecedentibus.

Globus in circulari panto circa Terram positus, quiesceret in illo situ.

EROTEMA XIV.

An circa Mundi centrum fieri possit motus perpetuus artificialis.

Questionem hanc tractavimus in Mechanica nostra Hydraulico-pneumatica par. 2. Classe 2. Machina 13. non quidè universaliter, sed solum in uno casu particulari, scilicet in Gnomone Scheineriano. Nam P. Christophorus Schesnerus in Disquisitionibus Mathemat. Num XV. Consectario 4. asserit, Motum perpetuum artificialem non repugnare Naturæ, idq; probare nititur hac

Motus perpetuus circa Mundi centrum an fieri possit.

Widelicet
nisi III.
Fig. X.

ratione. Pendeat enim circa *A* centrum *Univerſi*, gnomon quidam gravis *ABC*, ligatus ad axem *DE*, sustentatum columellis *DF*, & *EG*, in polis *D* vel *E* volubilem; vel fixum quidem ipsum in polis, circa quem tamen volubilis sit gnomon ad *A*. Hisce datis, dico fore, ut gnomon *ABC* rotetur ex *C* in *H* versus *I*, & ex hoc revertatur in *C*, & ab hoc rursus digrediat in *H* modo priore, & sic in perpetuum. Motus huius continui causa est violenta suspensio; totus enim gnomon praeponderat in partem *C*, ob perpendiculararem simul & tangentem *BA*; quod amplius fit, si accedat globus ferreus *S* appensus in *C*. Cum igitur tota hac moles ex *AB* tanquam statera pertica, sive diametro momentali, in unam lancem *C* dependeat, & vertex *A* ob axem in *D* & *E* firmatum cadere nequeat à centro *Univerſi*; sit ut omnia puncta tam sphaera *S*, quam gnomonis *ABC*, jugi nisu ad *A* annuant: sed quia à linea *BA* in puncto *A* stabilita, ne in centrum ruant, impediuntur, idcirco maxima illius pronitatis vis, in lineam *BA* incumbit, unde ipsam vi quadam trahunt, & ad inclinationem invitant; quae cum à rectitudine, ob continuam gnomonis soliditatem, nec ita quidpiam remittere, ideo impetus ille totus vel ad punctum *A* circa axem mobile, vel ad axis polos *D* & *E* volubiles redundat, qui poli cum liberi sint in suis foraminibus *D* & *E*, Natura cursum suum relinquunt, & sic motum perpetuum circula rem nequaquam impediunt. Quod verò hac ita se habeat, ratio confirmat, & experientia in staticis quotidiana manifestat. Etenim si gnomon curtatus insisteret vel superficiei terrestri *MN*, vel *OP*, aut *QR*; cadet ille semper versus partem *C*, sive *N*, praeponderante portione *MKC*, quod patet experimentis quotidianis. Unde evidens est, si gnomon integer esset, vim quae ad *N* sese exerit, transire in rectam *BA*, centroque tandem imminere. Et hoc est unum argumentum. Alterum à contrario desumitur. Nam si aequalis & similis gnomon huic adhereret versus partem *D*, tunc tota moles centro *A* insisterens, in equilibrio penderet, nullusque motus fieret, igitur ablata parte dimidia, necessarium est, alteram moveri, juxta leges & experientias staticas. Quod si gnomon curtatus *MBCN*, ad solum punctum *M* ligatus esset, cateroquin liber, rueret ipse utique, & casu ipso describeret punctum *C* arcum ferè semicircularem, donec in inferiorem perpendiculi partem devenires, ibique cõsisteres. Cum verò jam tota vis gnomonis integri in *A* verticem incumbat, fiet revolutio integra, & perpetua, circa idem *A*. Multo autem amplius hoc accideret, si ad centrum *A* insisteret vel lunula *ACL*, vel

velsericula AKC, vel denique solus globus S è filu duobus ferris AB, & BC, aut unico ANC arcuato dependens. Motus itaque perpetuus circularis ex hisce fieri posse demonstratus est. Haëtenus Scheinerus.

Problema hoc examinat *Beatinus* Apia. 4. Progymnas. 1. Proposit. 7. & *Ricciolus* in *Almagesto* Novo lib. 2. cap. 4 Coroll. 11. ajuntque gnomonem dicto modo circa Mundi centrum constitutum, non modo non motum iri perpetuo, sed perpetuò quieturum, nisi impellatur ab extrinseco, cessanteque impulsu iterum quieturum. Rationem adsignant, quia gravia ideo moventur, ut magis accedant ad Mundi seu gravium centrum: gnomon autem ille non posset unquam magis accedere ad centrum A, quia centrum gravitatis ipsius (ubique sit dictum centrum, & quocunque in loco circa centrum A reperiatur machina) semper est in æquali linea directionis. nec quidquam in ullo loco acquirit majores accessus ad dictum centrum; ergo in quocunque loco reperiatur, quiescit. Extra centrum verò Mundi erectus gnomon cadit, quia brachium BC, & pondus S appensum & centrum gravitatis totius machinæ, possunt magis accedere ad centrum gravium. His ego loc. cit. in *Mechanica* addidi, ideo cadere brachium BC, cum pondere S appenso, erecto gnomone cum dicto pondere extra centrum Universi, quia impossibile est ut quiescat, nisi linea recta è centro Mundieducta transeat & per centrum gravitatis gnomonis cum pondere affixo, & simul per punctum suspensionis seu sustentationis, ut supra demonstravimus cap. 4. Proposit. 1. quod cum in dicto situ extra Mundi centrum non contingat, eo quod centrum gravitatis non sit in brachio AB, sed vel in brachio BC, vel in globo, vel in vacuo inter utrumque brachium; mirum non est si cadat brachium BC, tamdiuque moveatur deorsum, donec vel in subiecto plano quiescat, vel in eo situ suspensum hæreat, in quo linea recta è centro Terræeducta transeat simul & per centrum gravitatis totius machinæ compositæ ex gnomone & pondere affixo, & per punctum suspensionis. At constitutâ eadem machina in centro Universi, & puncto suspensionis aut sustentationis potius (sustentatur enim tunc machina erecta nō vero

*Gnomon in
superficie
Terræ ere-
ctus, cur ca-
dat.*

pendet) cum prædicto Universi centro coincidente, quoniam necessarium est ut linea recta è centro Universi A egrediens, & per machinæ centrum gravitatis (ubique sit) transiens, transeat etiam per punctum sustentationis; necessarium etiam est ut quiescat, nec moveatur nisi per impulsus extrinsecum, eoque cessante iterum quiescat, & quidem in eo puncto circuli C. H. I, in quo cessat penitus impulsus.

*Non repu-
guare vide-
tur in præ-
xi.*

Hoc citato loco in Mechanica dixi; quæ speculative quidem vera sunt, practice tamen fortassis falsa sunt, quia difficile videtur, ut punctum sustentationis, punctumque pedis machinæ sustentaculo incumbens, & insuper centrum gravitatis totius machinæ, semper & in omni situ reperiantur exactè in eadem recta linea è centro Mundi puncto que sustentationis egrediente, ut nehilum quidem ab ea deviet unum ex his tribus. Quod ubi contingit, jam non potest gnomon stare erectus in eo situ, in quo id contingit, sed necessario depronabitur versus suum horizontem imaginarium, hoc est, versus lineam aut planum imaginarium, quod lineæ per centrum gravitatis transeunti perpendiculare est. Licet enim centrum gravitatis totius machinæ per talem depronationem & casum non accedat propius ad centrum Mundi, accedit tamen propius ad suum horizontem. Nam grave junà cum suo centro gravitatis, quando liberum est, descendit quidem per lineam rectam, hoc est, per lineam directionis, ad centrum Universi; at quando liberum non est, sed impeditum à tali descensu, movetur versus centrum Mundi eâ viâ, quâ potest: potest autem in casu nostro; quando linea directionis non transit exactè per sustentaculum & pedem gnomonis, moveri versus suum horizontem, imò debet versus eum moveri, quia non potest erectus stare, nisi exactissimè linea directionis per sustentaculum & pedem transeat; ergo necessario eò moveri debet. Si autem semel movetur versus horizontem suum, semper & in omni situ debet ita moveri, vel quia semper & ubique adest eadem causa motus, vel quia si in aliquo situ non adsit, durat tamen adhuc impetus ex præcedenti motu conceptus. Fieri ergo posse videtur motum perpetuum circa centrum Mundi gnomone Scheineriano; quod aliis melius expendendum relinquo.

EROTEMA XV.

*Quisnam usus est centri gravitatis in incessu quadrupedum,
& volatu avium?*

Villalpandus tomo 3. in Ezechiel. par. 2. lib. 1. cap. 6 ubi agit de centro gravitatis & linea directionis, & ex ipso *Mersennus, Forerus*, & alii, hæc notant, quæ quilibet etiam facile observare poterit. Foreri verbis ut plurimum utar. *Quadrupedia quid in stans & gradiendo observant,*

I. Quadrupedia tunc stant, & gradiuntur, quando linea directionis per superficiem, quam inter extremos pedum terminos operiunt, aut saltem per extremum talis superficiiei, transiens, pertransierit etiam per centrum gravitatis eorum, vel dimiserit illud ex parte superficiiei, cui insistent, sin minus, cadunt. Quare Natura docuit illa, ut inter gradiendum non attollant simul utrumque pedem dextrum, aut sinistrum, sed alternatim nunc dextrum anteriorem & sinistrum posteriorem, nunc sinistrum anteriorem, & dextrum posteriorem. Quocirca si inter gradiendum utrumque dextrum pedem simul attollerent, caderent; nisi eos ita attollerent, ut nihilominus linea directionis transiens per extremum reliquorum pedum, transiret quoque per centrum gravitatis, aut relinqueret illud ex parte pedum. Cum verò se in posteriores pedes tantum erigunt, ut solent equi, canes, ursi &c. tunc poplites, & magnam corporis partem in posteriora retrahunt, ut centrum gravitatis ad lineam quæ per pedes è centro Mundi ducta transit, retrahant.

II. Avium, cum pedibus insistent, eadem est ratio quæ hominis stantis, sedentis, vel se inclinantis; cum autem volant, alis ita suspenduntur, ut linea è centro Mundi ducta, & inter binas alas transiens, transeat etiam per gravitatis centrum. Hoc discrimen est inter aves & homines, quòd cum illæ ad pastum pronæ se crebrius debeant inclinare, Natura eis ita providit, ut crura explicent retrorsum; sic enim linea per pedes transiens, transit etiam per centrum gravitatis: at verò homines, qui corpus rarius in anteriorem partem curvant, sæpius autem in posteriorem; duplici, & alterâ alteri contrariâ complicatione flectuntur, utpote quia genua complicant antrosum, coxas verò retrorsum.

Porro

Porro cum avis volans, duabus alis quasi fulcris sustineatur, nè totum corpus in alterutram partem proruere, necessarium fuit ut pondus corporis ex æquo quasi libraretur. Hinc Natura ita ipsis prospexit, ut quibus aliam & aliam ob causam conveniens tuit colla esse longiora, iis quoque crura dederit longiora, ut his atque illis pariter extensis, utrimque æquiponderarent. Si quæ autem longiora colla simul & breviora crura habent, ob certas itidem causas, ex inter volandum collum contrahunt atque incurvant, ut quasi strumosa videantur. Aliud in super librando genus volucres à Natura edoctæ sunt; nam cum anteriorem corporis partem sursum elevare volunt, & posteriorem deprimere, hoc est, quando sursum volare volunt; alas, quæ tunc fulcra sunt quibus sustententur, in anteriorem partem extendunt, ut scilicet (meâ quidem opinione) centrum gravitatis à posteriore corporis parte ad anteriorem promoveant, facilioremque volatum reddant, dum minus in posteriore medietate corporis pondus relinquunt. Cum verò contrà ad inferiora volatum dirigunt, in posteriorem partem alas retrahunt, nè centro gravitatis in anteriore corporis medietate, aut inter utramque medio constituto, præcipites in terram ruere cogantur.

Innumera alia, ex quibus admiranda gravitatis centri vis elucet, adducere possem; sed calamum cohibeo, & ad Mechanicam Magiam, cujus gratiâ ferè omnia quæ hætenus dicta sunt, præmisi, me convertito. Sit igitur,

LIBER SECUNDUS DE MAGIA MECHANICA,

Sive

De admirandis Machinarum viribus in ponderibus movendis, & attollendis.

PROOEMIUM.

Mechanicam sive Machinariam Magiam initio *Mechanica
Magia seu
pui.* precedentis Libri appellavimus *Artem* atque *Scientiam* ingentia pondera per Machinas exigua potentia movendi. Hic enim est precipuus *Mechanica* scopus, Machinas excogitare, quibus potentia seu vis motrix juretur, ad pondera alioquin vires suas longè superantia movendas; motuumque machinalium adsignare causas, ut naturale esse constet quod vires *Natura* superare videtur. Nulla enim *Ars* est, nulla *Scientia*, quæ evidentius *Naturam* superare videtur, quàm *Mechanica*, ut *Aristoteles* etiam agnovit initio *Questionum Mechanicarum*; qui locus dignus est qui legatur. Porro tamen si infinitæ ferè sint *Machinae* ab ingeniosis *Machinariis Mathematicis* hæcenus ab omni ævo excogitatae, & plures etiam nunquam quotidie excogitentur; omnes tamen ad quinque revocantur, *Vestem* videlicet, *Trochileam*, *Axem* in peritrochio, *Cuneum*, & *Cochleam*; quæ *Machina
fundamen-
tales quin-
que.* propterea fundamentales ac principales meritis appellari possunt. Harum quinque Machinarum tanta est vis, ut quilibet earum,

Et vñ vii
& necessi-
tas.

rum, datâ quâvis potentiâ exigua, quodlibet pondus maximū,
ac vel ipse Terrarū Orbis, si consistendi locus non deesset, mo-
veri queat. Unde Pappus Alexandrinus extremo Collectionū
Mathematicarum libro de iis brevissime agens, eas vocat
quinque facultates. per quas datum pondus datâ
potentia movetur. Tāta enim necessitas earum, utilitasq;
est, ut nulla Ars, & fere aixerim nullum hominum genus ijs
carere possit. Ex illis enim ortum habent, ut Mersennus etiam
in Mechanicis Phenomenis notavit, Architectorum omnia
Instrumenta. Hinc fabrorum lignariorum runcina, terebra,
serra; hinc agricolarū strigæ, ralla, urpices, triturant iū flagella
ac tribula, molitorum mole trusalitates atque aquaticæ, cum
metis, & catillis, pistorum mactra, & spatha; vinitorum bi-
dentes, ridica, orca, praela, lacus seria, siphones, & epistomia;
faniscarum demetientes, scilientesque secula, casses & vari
Venatorum, verruculum, tragula sagena, hamus piscatorum,
aucupum illices, amiti, decipula, pedica, cavea, equitum ephip-
pia, stapedes, calcaria, fræna, pastomides, aurigarum petorita,
esseda, cisia, sarraca, trahæ, lectica, sufflamina, succule, nau-
clerorum clavi, anchora, vela, bolides, & anthlicæ. Omitto
opificia reliqua. Sed exilia hæc sunt; grandius illud, & meritò
paradoxum, quinque hisce viribus aut per se ac separatim ap-
plicatis, aut in unam aliam Machinam ex arte compactis, nō
immania tantum pondera sustineri, attolli, de loco in locum
transportari, diruelli, comminui, sed datum quodvis & quā-
tumvis immane pondus, a datâ quâvis & exigua quantum-
vis potentia, dimoveri loco posse, ut paulò ante dixi, & su-
prâ etiam initio primi libri insinuaui. Quæ tamen verâ esse
quilibet deprehendet, si, quæ dicturi hoc toto libro sumus, probe
perpen-

perpendet. Merito ergo *Θαυματοποιήτης* hoc est, miraculorum effectricem Antiqui Mechanicam inter omnes Artes atque Scientias appellandam censuerunt. Sed ad rem ipsam veniamus; Et ut methodicè magis, magisque solidè procedamus, nonnulla toti Mechanicæ cōmunia præmittamus, præter ea quæ Libro præcedente sunt dicta.

SYNTAGMA PRIMUM.
APPARATUS MECHANICUS.

Quoniam ut in præcedentibus Libris, ita in hoc quoq; *Apparatus Mechanicus.* Theoriam cum Praxi cōratione conjungere volumus, lo, ut qui nudā praxi delectantur, theoriam se jūgere sine labore, Et sine etiam dispendio praxeos possint; Apparatum quendam Mechanicum præmittere decrevi, in quem omnia illa coniicerem, à quibus cœu evidentissimis fundamentis, dependet Et Machinarum subsequen-
tium constructio, Et praxium seu operationum prodigiosarum per eas institutarum ratio Et causa. Quare sicui Mathematicorum demonstrationibus uti aut non licet, aut non libet, ad ea quæ discere cupit stabilienda, omittere poterit quæ hoc Apparatu continentur; alij vero semina habebūt, è quibus suoapte Marte demonstrationum segetem sibi colligant; in ea enim, cœu fontes, semper digitum intēdam.

Tradam autem hoc Apparatu hæc paucula, Mathematici. *In eo quæ tradenda.*
I. Definitiones Mechanicas, seu terminorum in Mechanica usuatorum explicationē. II. Axiomata nōnulla, seu communes Notiones, Naturæ lumine cuiusvis, qui terminos intelligit, notas. III. Hypotheses, seu ut Mathematici appellant, postulata, quæ sunt Propositiones demonstrabiles quidem, ita tamen evidentes, ut merito sine demonstratione concedi possulentur. IV. Propositiones pauculas,

evidenter ex præmissis demonstratas, quæ proinde propter evidentiam suam habent in subsequenti rationem, & in quibus *Machinarum* & operationum causæ fundantur. *V. Principium universale augmenti virtutis per Machinas indicabo, & breviter explicabo. Quinque ergo capita habebit hic Apparatus.*

CAPUT PRIMUM.

Definitiones Mechanicæ,

Sive

Terminorum in Mechanica usitatorum explicatio.

*Mechanica
Definitio-
nes.
Mechanica
quid.*

I.

Mechanica est scientia speculativo practica, quæ circa Machinarum constructionem, & per eas gravium motionem, versatur; ac insuper proportionem inter vires motrices ac pondera, uti & inter tempus in quo, & spatium per quod fit motus per machinas, contemplantur.

II.

Grave.

Grave est, quod juxta naturalem communissimam legem; quam in tota rerum universitate observari perspicimus, movetur naturaliter deorsum, vel nititur moveri deorsum; leve autem è contra.

III.

Gravitas.

Gravitas est innatum principium seu virtus corporis gravis, quæ naturaliter movetur, aut nititur moveri deorsum.

IV.

Momentum.

Momentum est propensio corporis gravis ad motum deorsum, orta non tam à gravitate ipsius corporis, quàm à dispositione & situ partium ejusdem. *Exemplum habemus in statera, in qua pondus exiguum suspensum è brachio longiore, æquiponderat, inò præponderat majori suspensò è breviori brachio.*















V.

*Centrum
gravitatis.*

Centrum gravitatis corporis gravis est punctum intra, vel extra illud positum, circa quod undique partes æqualium momen-

torum





torum consistunt. *Explicatum est lib. 1. cap. 1. Proposit. 3.*

VI.

Linea directionis est linea recta, ducta à centro gravitatis corporis gravis ad centrum gravium. *Explicavimus lib. 1. cap. 3. Proposit. 6.* Alii vocant gravitatis diametrum pendulam.

Linea directionis.

VII.

Perpendiculum motus est recta linea, horizonti perpendicularis, cujus quantitate pondus ascendere vel descendere dicitur. *Sit libra AB, cujus centrum C, horizonti parallela, cujus extremum A descendat in E, & extremum B ascendat in D. & à punctis D & E, ad rectam AD, ducantur perpendiculares EF, DG. Haerunt perpendicula motus dictorum extremorum librae.*

Perpendiculum motus.

Vide Iconismi IV. Fig. I.

VIII.

Recta linea, è cujus extremitatibus duo pondera dependent, jugum appellatur: Ligaculum, aliudvè simile, quo jugum tenetur suspensum, ansa: Punctum è quo suspensum tenetur, punctum suspensionis: Jugi à puncto suspensionis divisi partes, radij, brachia, distantiae. *In apposta Figura, linea AB est ansa, F est punctum suspensionis, AG, & BF sunt radii, brachia, distantia.*

Jugum, ansa, brachia libra.

Vide Iconismi IV. Fig. II.

IX.

Pondera æquiponderantia sunt, quæ æqualis sunt ponderis. Pondera æquilibria, quæ suspensa è jugo faciunt æquilibrium, hoc est, ita se mutuò sustinent, ut unum non deprimat magis jugum, quam alterum, sed constituent illud horizonti parallelum; si pondera sint æqualia, si non. *Passim tamen ab Auctoribus pondera etiam æquilibria vocantur æquiponderantia, & è contra. Æquilibria melius dicuntur, situ æquilibria.*

Pondera æquiponderantia, & æquilibria.

CAPIT SECUNDUM.

Axiomata Mechanica, seu communes Notiones,

I.

QUæ eidem æquiponderant, inter se æquiponderant, hoc est, *inter se sunt aequè gravia.*

Mechanica Axiomata.

II.

Si ab æquiponderantibus æquiponderantia auferuntur, reliqua æquiponderabunt.

III.

Si æquiponderantibus æquiponderantia adiiciantur, tota simul æquiponderabunt.

CAPUT TERTIUM.

Postulata Mechanica seu Hypotheses.

Mechanica Hypotheses. **S**Equentia Postulata ferè omnia sunt Archimedis lib. 1. de *Æquiponderantibus*. Explicatio est nostra.

POSTULATUM I.

Gravia aequalia ex aequalibus distantiiis æquiponderant.

Vide Iconismi IV. Fig. III. *Gravia aequalia ex aequalibus distantiiis æquiponderant, inæqualia non.*

HOc est primum Archimedis Postulatum. Sensus est. Si gravia A & B sunt æqualis gravitatis, & suspenduntur ex æqualibus distantiiis CE, DE, sive ut in prima, sive ut in secunda Figura; æquiponderant, seu in æquilibrio manent. Causa est, quia nulla est ratio cur unum potius præponderet quàm alterum. Lege Guidubaldum in dictum locum Archimedis. Ratio desumitur ex dictis Cap. 4. proced. lib. Proposit. 2. in Corollario.

COROLLARIUM.

GRAVIA ergo inæqualia, ex æqualibus distantiiis non æquiponderant. Demonstrabitur Cap. seq. Proposit. 2.

POSTULATUM II.

Gravia aequalia ex inæqualibus distantiiis non æquiponderant, sed præponderat id quod ex majori distantia pendet.

Vide Iconismi IV. Fig. III.

HOc est secundum Archimedis Postulatum. Sensus est. Si eadem gravia A & B sunt æqualis gravitatis, & suspenduntur ex inæqualibus distantiiis CF, DF; non æquiponderant, sed gravior B, quod ex majori distantia DF pendet, præponderat gravi A, quod pendet ex minori distantia CF. Ratio est, quia tunc centrum gravitatis totius compositi ex duobus gravibus lineâ connexis non est in linea suspensionis producta versus Mundi centrum, ideoque corpus ex majori distantia suspensum moveri debet.

debet deorsum, donec in eadem recta linea sit & centrum gravitatis, & punctum suspensionis, juxta dicta loco proximè citato ex præcedente libro.

POSTULATUM III.

Gravibus ex aliquibus distantis æquiponderantibus, si alteri gravium aliquid adiciatur, non æquiponderant amplius, sed illud cui adjectum fuerit aliquid, fertur deorsum.

HOc est centrum Archimedis Postulatum. Sensus est. Si ^{Vide Iconismi IV. Fig. III.} Gravita A & B, suspensa sive ex puncto E, sive ex puncto F, æquiponderant, & alterutri, v. g. gravi B adiciatur aliud grave; non amplius æquiponderant ex eodem puncto suspensa, sed grave B fertur deorsum. Ratio desumitur ex dictis proximè cit. loc. quia antea quando gravia æquiponderabant, centrum gravitatis totius compositi, & punctum suspensionis, erant in eadem linea suspensionis! quando verò adiciatur aliquid ad B. v. g. centrum gravitatis retrahitur versus B, per dicta Proposit. 7. cap. I. superioris Libri, ac proinde moveri debet B deorsum, donec centrum gravitatis totius sit iterum in linea suspensionis.

POSTULATUM IV.

Gravibus ex equalibus distantis æquiponderantibus, si ab altero auferatur aliquid, non amplius æquiponderant, sed illud cui nihil ablatum fuit, præponderat, & deorsum fertur.

HOc est quartum Archimedis Postulatum. Non eget explanatione. Ratio desumitur ex dictis loco proximè citato.

POSTULATUM V.

Si gravia ex equalibus distantis æquiponderant, etiam ipsis aequalia ex iisdem distantis æquiponderabunt.

Intellige, si gravia sunt æqualia æqualibus gravibus, singula ^{Vide Iconismi IV. Fig. III.} singulis, ut si G æquale est ipsi A, & H æquale ipsi B. Est hoc octayum

octavum Archimedis Postulatum. Ratio est, quia eadem æquiponderandi ratio in posterioribus reperitur, quæ in prioribus, tum ratione gravitatis ipsorum gravium, tum ratione distantiarum à puncto suspensionis. Imò, ut *Guldinus* etiam notavit, si gravia ex æqualibus distantis æquiponderant, etiam ipsis proportionem æqualia, scilicet priorum multiplicia ex iisdem distantis æquiponderabunt. Verum etiam est hoc Postulatum, si ita formetur: *Si gravia ex aliquibus distantis æquiponderant, etiam ipsis æquali proportionem &c.*

POSTULATUM VI.

Unius corporis gravis unum est centrum gravitatis.

*Grav. unū
habet centū
gravitatis.*

SEquitur ex dictis de natura centri gravitatis lib. 1. cap. 1. Propositionit. 3. nam circa unum tantum punctum possunt esse omnes partes æqualis gravitatis.

POSTULATUM VII.

Corpus grave è centro gravitatis suspensum, manet in æquilibrio, quemcunque situm ei dederis.

*Grav. su
spectrum è
centro gra-
vitatū mo-
net in æqui-
librio.*

SEquitur ex dictis loc. cit. quia cum circa illud centrum omnes partes æquiponderent, non est ratio cur ex una parte descendat, ex altera ascendat.

POSTULATUM VIII.

Centrum gravium sublunarium, est centrum Universi; & ad sensum, centrum Terræ.

PRimum probavimus lib. 1. cap. 1. Propositionit. 10. secundum eodem libro 1. cap. 2. maximè in Corollario.

POSTULATUM IX.

Gravia descendunt versus Mundi centrum, si libera sunt, per lineas rectas horizonti parallelas, & quidem ita, ut centrum gravitatis nunquam deviet à linea directionis.

PRimum probatum est lib. 1. cap. 3. Propositionit. 3. Secundum ibidem Propositionit. 5.

POSTUL.

POSTULATUM X.

*Nullum grave potest stare, aut quiescere, nisi linea directionis
transeat per locum cui innisitur, aut ex quo
suspenditur.*

PRobavimus hæc lib. I. cap. 4. Proposit. 1. 2. 3. & 4. Sequentes
etiam Propositiones ejusdem capituli 4. huc pertinent.

POSTULATUM XI.

*E linea Mathematica pondus quodvis suspendi posse, ut non
frangatur.*

Postulamus hoc nobis concedi, propter demonstrationes ca-
pituli sequentis, & propter alia in subsequentiis dicenda,
quia sæpe cogitare debemus pondera esse suspensa à linea, quæ per
se nihil ponderet.

POSTULATUM XII.

PER Machinam simul movetur pondus nobile, & potentia movens
Machina applicata. Patebit suo tempore in singulis Machinis.
Eodem modo si Machinæ applicentur duo pondera, quorum
unum superat alterum; utrumque simul movetur.

POSTULATUM XIII.

Quodlibet grave gravitat præcipue supra gravitatis suæ centrum,
in eoque centro velut in propria sede colligitur in unum omnis sin-
petus, omnis gravitatio, & omne momentum. Nam omnia circa
ipsum sunt hinc & inde æqualis ponderis.

*Grave gra-
vitas præci-
pue supra
centrum
sua gravi-
tatis.*

POSTULATUM XIV.

Perpendicula ejusdem Libræ, vectu, aliarumque similium Machi-
narum, parallela æstimantur. Licet enim in rei veritate talia non
sunt, quoniam in centro Universi conveniunt; in Terræ tamen
superficie, si non multum inter se distant, parallela æstimari
possunt.

*Perpendi-
culis omnes
libræ æsti-
mantur paral-
la.*

CAPUT QUARTUM.

Propositiones fundamentales Mechanicæ.

*Mechanica
Propositio-
nes funda-
mentales.*

PAuculas tantum hoc loco afferamus Propositiones, desumptas præcipue ex Archimede lib. 1. de Æquiponderantibus easque cum ipso demonstrabimus ex præmissis principiis.

PROPOSITIO I.

Gravia, quæ ex æqualibus distantiiis æquiponderant, æqualia sunt.

Vide Iconismi IV.
Fig. IV.

Gravia ex æqualibus distantiiis æquiponderantia, sunt æqualia.

HÆc est I. Propositio Archimedis lib. 1. de Æquiponderantibus. Sint gravia AB, & C, quæ ex æqualibus distantiiis DF, EF, æquiponderent; dico, ea esse æqualia in gravitate. Si enim non sunt æqualia, sit AB gravius quam C, & B sit excessus quo AB superat ipsum C. Ablato itaque excessu B, erunt reliqua gravia, A & C, æqualia, ex hypothesi; ac proinde ex æqualibus distantiiis DF, EF, æquiponderabunt, *per I. Postulatum*: quod tamen est contra IV. Postulatum: nam AB & C æquiponderare ponebantur ex æqualibus distantiiis, ideoque ablato B ab AB, non amplius æquiponderant.

PROPOSITIO II.

Inæqualia gravia ex æqualibus distantiiis non æquiponderant, sed quod majus est, præponderat.

Vide Iconismi IV.
Fig. IV.

Gravia inæqualia ex æqualibus distantiiis non æquiponderant.

HÆc est II. Propositio Archimedis loc. cit. Sint gravia inæqualia AB, & C, in distantiiis æqualibus DF, EF; sitque AB gravius quam C. Dico, ea non æquiponderare, sed AB præponderare, & ferri deorsum. Sit B excessus quo AB superat C. Ablato itaque à majore AB excessu B, reliqua gravia A & C æqualia erunt, ac proinde ex æqualibus distantiiis DF, EF æquiponderabunt, *per I. postulatum*. Si itaque A & C æquiponderant ex dictis distantiiis, adjecto B ad A, non æquiponderabunt amplius AB & C, sed AB gravius præponderabit, & deorsum feretur, *per III. Postulatum*.

Magia Mechanica,
PROPOSITIO III.

91

Gravia ex distantis in aequalibus æquiponderantia, inæqualia sunt, & quod ex minori distantia pendet, majus est altero quod pendet ex majori.

HÆc est III. Propositio Archimedis loco citato libri I. de *Vide Iconismi IV. Fig. V.*
Gravia ex distantis inæqualibus æquiponderantia, inæqualia sunt.
 Æquiponderantibus. Sint gravia AB & C, æquiponderantia ex distantis inæqualibus DF minore, EF majore. Dico, ea esse inæqualia, & AB majus esse quam C. Si enim æqualia essent, non æquiponderarent, sed C ex majori distantia EF præponderaret *per II. Postulatum.* Si deinde AB non esset gravius quam C, vel esset æquale, vel minus; non æquale, quia non æquiponderaret alteri, sed C præponderaret, ut jam probatum fuit; neque minus, quia sic C majus esset, ac proinde multò magis præponderaret ipsi AB, contrà ac supponitur. Gravius ergo est AB, quam C.

PROPOSITIO IV.

Si duo gravia æqualia conjungat linea recta, transiens per centrum gravitatis utriusque centrum gravitatis compositi ex utroque erit in medio lineæ inter duo centra gravitatis interjecta.

Sint duo æquè gravia, A & B, quorum centra gravitatis sint, C & D, conjungat hæc duo linea recta CD, transiens per utriusque centrum gravitatis. Dico, centrum gravitatis compositi ex duobus gravibus, esse in medio puncto E lineæ CD. Quòd sit in linea CD, patet ex natura & definitione centri gravitatis allata Lib. I. cap. I. Proposit. 3. quoniam si planum per dictam lineam duceretur, simulq; per centra C & D, divideretur compositum ex duobus gravibus in duas partes æquiponderantes, nempe CA, BD ex una parte, & CH, KD ex altera. Quòd autem in medio sit, ubi F, sic demonstro cum Archimede, cujus hæc est Propositio IV. Si centrum gravitatis totius compositi prædicti non est in medio ubi E sit, si fieri potest, in F extra medium. Quoniam igitur F punctum est centrū gravitatis magnitudinis compositæ: suspensio puncto F, magnitudines C, D æquiponderabunt, juxta dicta Lib. I. Cap. I. Proposit. 3.

de natura centri gravitatis: magnitudines igitur C & D æquales æquiponderant ex distantiiis CF, DF, in æqualibus; quod fieri non potest, quoniam æqualia gravia ex distantiiis in æqualibus æquiponderant *per Postulatum II.* Non est igitur F centrum gravitatis magnitudinum CD; nec aliud extra F, propter eandem rationem. Ergo punctum E medium est centrum gravitatis.

ANNOTATIO

In omnibus precedentibus propositionibus suppono, lineam ex qua gravia suspensa, esse sine pondere.

PROPOSITIO V.

Gravia inæqualia ex distantiiis inæqualibus æquiponderant, si distantia reciproce sunt ut pondera.

Gravia
inæqualia
ex distan-
tiis inæ-
qualibus,
habentibus
separata-
tim ut gra-
via æqui-
ponderant.

Hæc est Propositio 6. & 7. Archimedis lib. 1. Æquiponderantium, & est præcipuum fundamentum ad Machinas construendas, & ad pondera per eas movenda, ex eoque pendet tota ratio & causa machinalium motuum Verba Archimedis Propositionis 6. hæc sunt. *Magnitudines commensurabiles ex distantia eadem permutatim proportionem habentibus, ut gravitates æquiponderant.* Propositionis vero 7 verba sunt: *Si autem magnitudines fuerint incommensurabiles, similiter æquiponderabunt ex distantiiis permutatim eadem, atque magnitudines, proportionem habentibus* Vt explicem Propositionem nostram, loquendo de commensurabilibus gravitatibus seu gravibus eadem autem ratio est de incommensurabilibus) sint duo gravia inæqualia, A minus, & B majus, sitque B duplum ipsius A, suspensa vero sint ex distantiiis AB, BC, etiam in æqualibus, quarum AC sit minor, & BC majori si distantia BC est dupla distantia AC (hoc enim est, distantias esse reciproce seu permutatim, ut gravia seu pondera) pondera A & B ex distantiiis AC, BC, æquiponderabunt, hoc est, si linea recta AB suspendatur ex puncto C, stabunt pondera in æquilibrio.

Demonstrat hoc fusissime Archimedes loco cit. & cum ipso ejus Interpreteres. An tamen legitima sit & efficax demonstratio, in dubium revocatur à nonnullis. P. Nicolaus Zucchi in Mechanica Philosophia Par. 2. sect. 4. ait, *ratio cinationes omnium, quos legere licuit,*

Vide Ico-
nismi IV.
Fig. VII.

licuit, non effugiunt instantias, quas subiectam ad doctrinam Archimedis. Alius non veretur in hac verba scribere Generale illud machinarum principium, ut distantia à centro motus ad distantiam ita reciproce pondus ad pondus, Archimedes libro primo de *Equiponderantibus* demonstrare conatus est, nec perfecit. suâ deceptus analysi, perinde ac Commentatores illius. Aliter ergo idem principium demonstrare conantur alii, inter quos est P. Paulus Guldinus lib. 1 de Centro gravit. cap. 2. Proposit. 8. ubi utramque Archimedis Propositionem unica demonstratione probare nititur Quod ut faciat, attribuit lineis gravitatem, & supponit linearum finitarum centra gravitatis esse in medio earum. Supponere etiam debet, linearum gravitates habere se ad invicem, ut longitudines earum, quandoquidem omnes sunt homogenearum partium, & omnes carent crassitie. Sic ergo procedit.

Demonstratio Guldini.

*S*int duæ rectæ lineæ inæquales, sive commensurabiles, sive incommensurabiles, *AB, BC*. Dico primò, eas ex distantia eandem permutatim, atq; ipse lineæ, proportionem habentibus, equiponderare. Connectantur lineæ istæ, ut sibi in directum jaceant atq; unam quasi constituant rectam *ABC*, erit autem majoris *AB* centrum gravitatis in *D*, medio videlicet ipsius puncto (hoc ipse colligit ex præcedente sua Proposit. & bene, posito quòd lineis gravitatem affingamus.) Eadem ratione punctum *E*, in mediorectæ *BC* consistens ipsius erit centrum gravitatis; nec non medium punctum *F*, totius compositi *AC*, ita ut a tribus lineæ *AB, BC*, ex hoc puncto *F* suspensa equiponderent: hoc est enim esse commune utriusque centrum gravitatis. Ostendendum ergo, distantias *FD, EF*, ex quibus lineæ ex centrâ propriis suspenduntur, esse inter se in eâ proportionem, quâ *CB* ad *BA*. *Equales* enim sunt *DE, FC*, quia utraq; est medietas totius *AC*; *FC* quidem ex hypothesi seu structura, *DE* vero, quia componitur ex medietatibus *DB, BE*, utriusque partis *AB, BC*, totius *AC*: quare ablata communi *FE*, manet *DF* æqualis ipse *EC*, hoc est, ipsi *BE*, & addita communi *FB*, sunt æquales *DB, FE*. Ergo ut *DB* ad *BE*, hoc est, *AB* ad *BC*; ita *EF* ad *FD*. quod erat demonstrandum.

Vide Iconismi IV.
Fig. VIII.

Dico secundò, gravia quacunq; ex distantia eandem permutatim,

atq; ipsa gravia, proportionem habentibus aequiponderare. Ex Postulato namque octavo (quinto apud nos) præmissis, quacunque ipsis lineis AB, BC aequè gravia, ex iisdem distantis aequiponderant; at qui quibuscunque gravibus, in quacunque proportionem quoad gravitatem datis, dari possunt linea eandem habentes proportionem, de quibus idem quod de lineis AB, BC ostensum est, demonstrari potest; Ergo dictis illis lineis amotis, & datis aliis gravibus substitutis, illa ex iisdem distantis aequiponderabunt. Quod erat demonstrandum.

Quod ut rectius & clarius percipiatur, notandum est lineas AB, BC , ex punctis seu centris D & E suspensas, ex F aequiponderare, sive hunc situm habeant, sive alium ex definitione centri gravitatis, quod dicta linea commune habent, uti diximus, in puncto F . Fingatur quippe DE esse aliam rectam, & AB, BC , circa centra sua D & E esse circumductas, ut habeant situm eum, quem ab a, b, c habent, adhuc aequiponderabunt. Ergo sublatis omnino lineis a, b, c , & aliis gravibus, cujuscunque speciei quantitatis, modo sint ejusdem, substitutis, in gravitate cum ipsis lineis amotis aequalem proportionem habentibus, quorumque centra gravitatus sint eadem puncta D & E , adhuc aequiponderabunt, ut patet ex eodem octavo (quinto pet nos) Postulato, à nobis universaliter proposito. Constat ergo id quod proposuimus. Hæc est Guldini demonstratio, in qua bene notanda est ultima ejus animadversio, alioquin illegitima videbitur, quandoquidem antea non probaverat, rectas AB, BC , suspensas ex distantis FD, EF , æquiponderare inter se ex puncto F ; quod tamen probatur in ultima illa animadversione, & necessario probari debet, ne committatur paralogismus.

Alia demonstratio.

A Liter eandem Propositionem demonstratam reperio in libello quodam manuscripto idiomate Italico, sine Auctoris nomine; quem libellum reperi in Bibliotheca Collegii nostri A. Schaffenburgensis, & suspicor Auctorem esse Galilæum, quæ scimus Italice scripsisse de Mechanica Tractatum. Quæ demonstratio quia popularis est initio, & in fine non discrepat à præcedente; eam in mediū asserre decrevi. Sic ergo procedit Auctor Italus.

Intelligatur solidum grave $CDEF$, gravitatis homogenea, & æqualis

aqualis crassitie, secundum omnes suas partes, cujusmodi esset columna, aut simile aliquod corpus) suspensum extremis suis punctis C & D, in extremis punctis linea AB ipsi solido aqualis secundum longitudinem. Si AB linea dividatur bifariam in puncto G, & ex eo suspendatur una cum solido appenso, dubium non est quin in equilibrio hasurum sit solidum: quia si à dicto puncto G, per solidum descenderet ad centrum Mundi usque, perpendicularis linea GO & per lineam GO transiret planum dividens solidum; transires hoc planum per centrum gravitatis solidi (quod centrum supponit esse in medio axis, ut alibi demonstratur) ipsumque divideret in duas aequae graves partes. Intelligatur jam dictum solidum CDEF divisum in duas inaequales partes secundum lineam IS. Manifestum est, nec partem CS suspensam à solo puncto A, nec partem SD suspensam à solo puncto B, mansuras in pristino situ, utpote suspensas à solis appendiculis CA, DB. Si vero intelligatur in puncto I novum appendiculum, utramque partem CS, & SD connectens, & suspensum à puncto H, sectioni IS directe & ad perpendicularum supraposito; utraque pars in pristino sustentabitur situ. Ex quo sequitur, cum nulla sit facta mutatio aut in gravitate, aut in situ partium solidi respectu linea AB, idem punctum G fore punctum aequilibrii, ut antea erat. Præterea, cum pars solidi CS connexa sit linea AB medianis appendiculis CA, IH; si solvantur haec appendicula, & solidum CS suspendatur à solo appendiculo K M, à duobus praedictis aequaliter remoto, quia directe infra ipsum est centrum gravitatis solidi CS, non movebitur à suo situ, sed retinebit eandem ad lineam AH habitudinem ut antea, ac proinde in equilibrio habebit, si à puncto M suspendantur. Idem eveniet parti SD, si solvantur ligacula IH, DB, & adjungatur solum ligaculum LN, aequaliter ab utroque remotum; non enim variabit situm respectu linea HB, sed suspensum à puncto N habebit in equilibrio. Cum igitur pars utraque solidi CF retineat eundem situm respectu linea seu libra AB, quem semper habuerant, tametsi una pars CS dependeat à solo puncto M, & altera pars IF à solo puncto N; dubium nullum est, quin si à solo puncto G suspendantur, adhuc aequilibrium sine retentura sit antea. Atque ex his manifestum est, si intelligatur sola linea MN, & ab ejus extremis punctis M & N pendeant dicta duo inaequalia gravia, videlicet CS majus ab extremo M, & SD, minus ab extremo N; aequilibrium faciant seu aequiponderent in puncto G, fiatque distantia GN major, quam distan-

Vide Iconismi IV.
Fig. X.

G. M. Solum remanet demonstrandum, qualis proportio est ponderis C S ad pondus S D, talem esse reciproce seu permutatim distantie N G ad distantiam G M. Quod sic demonstrat, supponendo quod gravitas solidi C S, ad gravitatem solidi S D, sit ut recta C I seu A H, ad rectam I D seu H B, nempe ut altitudo unius ad altitudinem alterius, quoniam totum solidum posuit esse homogenum, & aequalis ubique crassitiei.

Quoniam recta M H, est medietas rectæ A H, & recta N H est medietas rectæ H B; erit tota M N medietas totius A B, quandoquidem M N ex duabus precedentibus medietatibus conflatur: sed ejusdem A B medietas est recta B G; æquales ergo sunt M N, & G B (quæ enim ejusdem dimidia sunt, inter se æqualia sunt) ablata ergo communi G N, remanebunt M G, & N B, æquales: est autem N H æqualis ipsis N B, ergo & M G, N H, æquales erunt: & addita communi G H, erit M H æqualis ipsi N G: ostensum autem est, M G æqualem esse ipsi H N; quam ergo proportionem habet M H ad H N, talem etiam habet N G distantia, ad distantiam G M. Atqui proportio ipsius M H ad H N, eadem est quæ K I ad I L, ex constructione, & quæ est duplæ C I ad duplam I D, atque adeo quæ est solidi C S ad solidum S D, quorum solidorum altitudo seu longitudo sunt rectæ G I, I D. Ergo talis proportio est distantie N G ad distantiam G M, qualis est solidi C S ad solidum S D. Quod erat demonstrandum. Ita Auctor Italus, & rectè; probavit enim, solida inæqualia C S, & S D ex inæqualibus distantis N G & M G, æquiponderare: & distantiam N G majorem, ad distantiam M G minorem, esse ut pondus C S majus ad pondus S D minus.

ANNOTATIO.

Quod dictum est de inæqualibus gravibus C S, S D, dicendum est de quibuscunque aliis ipsis æqualibus, aut proportionem majoribus, minoribusve, cujuscunque sint figura: si enim suspenduntur ex iisdem distantis inæqualibus M G, N G, æquiponderabunt, & distantie reciproce seu permutatim se habebunt ut pondera.

PROPOSITIO VI.

Si Gravita inæqualia ex distantis inæqualibus æquiponderant ponderosius illam rationem habet ad levius, quam distantia levioris ad distantiam gravioris.

Demonstrat

Demonstrat hoc fusè *Simon Stevinus* lib. I. Staticæ Par. 2. Propositionit. I. & *Petrus Herigonius* Tomo 3. Cursus Mathematic. Tractatu de Mechanica Propositionit. I. Ex quo deinde velut Corollarium deducunt præcedentem Propositionem. Nos è contrario deducimus ex præcedenti Propositione hanc præsentem, velut Corollarium: si enim, quotiescunque se habent distantia inæquales, reciproce ut pondera inæqualia, æquiponderant illa pondera; ergo etiam vicissim, quotiescunque pondera inæqualia ex distantia inæqualibus æquiponderant, distantia reciproce se habent ut pondera, & pondera reciproce ut distantia, alioquin tota præcedens demonstratio corrueret.

COROLLARIUM I.

Quotiescunque duo pondera, ex duabus distantia suspensa, se mutuò sustinent, aut æquiponderant, toties se habent reciproce pondera ut distantia. & distantia reciproce ut pondera. Nam si tam pondera quàm distantia inæquales sunt, demonstratum id est in Propositione præcedente. Si autem tam pondera, quam distantia sunt æquales, id per se clarum est. Sola autem pondera inæqualia ex distantia æqualibus non possunt æquiponderare *per Coroll. Postulati I.* Nec pondera æqualia ex inæqualibus distantia, *per Postulatum II.*

Gravia ex duabus distantia æquiponderant, se habent reciproce ut distantia.

COROLLARIUM II.

Qvando inter pondera inæqualia, ex inæqualibus distantia reciproce suspensa (factâ scilicet suspensione majoris ponderis ex minore, & minoris ponderis ex majore distantia,) non est eadem proportio ponderis ad pondus, quæ distantia ad distantiam; pondera non sustinent se mutuò, nec æquilibrium caulant, sed sequitur motus, unumque ascendit, & alterum descendit. Et quidem quando major est proportio distantia longioris ad brevior, quàm ponderis majoris ad minus; descendit minus pondus, & majus ascendit: quando verò major est proportio ponderis majoris ad minus, quàm distantia longioris ad brevior; descendit majus, & minus ascendit.

Patris III. Lib. II.
PROPOSITIO VII.

Gravium ex distantis suspensorum motus circa idem centrum, sunt ut distantia, quoad spatium, & velocitatem.

Vide Ico-
nismi IV.
Fig. IV.
*Gravium ex
distantis
suspensorum
motus circa
idem cen-
trum, sunt
ut distantia.*

Esto linea ABC, divisa in puncto B in duas partes AB, CB, sive æquales, sive inæquales, horizonti parallela, cujus extremitatibus A & C appensa sint pondera, sive æqualia inter se, sive inæqualia. Concipiatur hæc linea cum ponderibus moveri circa punctum B, velut circa centrum, descendatque extremitas A cum suo pondere usque in D, extremitas verò C cum suo pondere ascendat usque in E. Describent ambæ extremitates, amboque pondera, arcus AD, CE, ex eodem centro B; qui arcus erunt spatia quæ motu suo percurrunt pondera, metienturque eorum velocitates. Dico nunc, spatium & velocitatem motus AD, ad spatium & velocitatem motus CE, esse ut distantiam AB ad distantiam CB. Nam anguli ABD, EBC, sunt æquales, per 15. pri. Euclidis, utpote ad verticem; ergo arcus AD, & EC, similes sunt; qui proinde eandem inter se proportionem habent, quam semidiametri AB, CB, à quibus describuntur, per ea, quæ demonstrat Pappus Alexandrinus lib. 8. Collectionum Mathematicarum. Proposit. 22. Ergo ut AB ad CB, ita AD spatium motus ad CE spatium motus. Et quoniam eodem tempore utrumque mobile percurrit suum spatium, erit etiam velocitas per spatium AD, ad velocitatem per spatium CE, ut distantia AB ad distantiam CB. Lege Propositionem 5. Capituli I. Syntagmatis 2. sequentis.

COROLLARIUM I.

Etiam perpendiculara motuum sunt ut distantia.

Vide Ico-
nismi IV.
Fig. XI.

Sequitur ex dictis, perpendicularum GD motus AD, ad perpendicularum FE motus CE, esse ut distantiam eorum ab hypomochlio. Nam anguli ad B sunt æquales, utpote ad verticem; & anguli ad G & F sunt recti, utpote à perpendiculararibus causati; ergo & reliqui æquales sunt per 32. pri. Euclidis. Ergo per 4. sexti Euclid. ut BG ad GD, ita BF ad FE; & convertendo, ut BG ad BF, ita GD ad FE.

COROL-

Magia Mechanica.

COROLLARIUM II.

99

SI ergo distantia sunt æquales, spatia & velocitates motuum æquales sunt; si inæquales distantia, & spatia ac velocitates motuum inæquales sunt.

ANNOTATIO.

Circa distantias, è quibus gravia suspenduntur, notandum est, earum Vide Iconismi I V. Fig. XII. aequalitatem & inæqualitatem sumi debere à puncto sustentationis. usque ad perpendiculara motus gravium suspensorum. Pro explicatione sit linea recta *AB*, è cuius extremis punctu pendeant aequalia gravia. Si suspendatur linea è medio puncto *C*, equiponderant gravia, & æquilibrium causant, per Postulatum I. quoniam distantia *CB*, *CA*, sunt aequales, è quòd perpendicularares *BH*, *AG* per quas gravia deorsum tendunt, æqualiter distant à puncto suspensionis *C*. Si rursus pendens sustinentiæ aequalitas & inæqualitas unde desumatur. At si brachium *CB* intelligatur elevatum in *D*, ut fiat libra *DCA*, tamen si brachia *DC*, *AC*, aequalia sint ut antea, gravia tamen aequalia suspensa è punctis *D* & *A*, non equiponderabunt circa punctum suspensionis *C*, sed grave ex *A* suspensum præponderabit, quia distantia *AC* major est quàm distantia *DC*, è quòd perpendiculararis *AG* magis distat à puncto *C*, quàm perpendiculararis *DF*. Quoniam igitur grave *A* nititur deorsum, atque adeo premis secundum rectam *AG*, & grave *D* secundum rectam *DF*, grave *A* præponderat gravi *D*, quia momentum in *A* majus est quàm in *D*, propter majorem à centro suspensionis remotiorem illius quàm hujus.

CAPUT QUINTUM.

De unico & universali principio augendarum virium potentia per Machinas.

Omnium Machinarum, quarum constructionem Mechanica præscribit, & vires, aliasque proprietates considerat, vis & præstantia in eo consistit, quòd potentia exigua, ac de se insufficientis, per Machinas reddatur sufficiens ac potens ad magna pondera movenda, aut in æquilibrio sustinenda. Quod quidem mirabile meritò censeretur debet, & tamdiu mirabile videbitur, quàm diu causa latebit. Oporteret igitur ante omnia ejus rei causam indagare in ipso hujus Tractationis vestibulo, in qua de

quinque fundamentalium Machinarum viribus viriumque cum potentia movente, & moto pondere proportionibus agere decrevimus; ut eâ causâ cognitâ, dictarum proportionum, & sublequentium mirabilium effectuum machinalium rationes adsignare ex fundamento possemus. At quoniam id absque cognitione prævia eorundem effectuum fieri nequit (ex effectibus enim causas physicas cognoscimus) neque hi cognosci & explicari possunt, nisi singularum fundamentalium Machinarum forma, natura, & usus cognoscatur; cogimur illius rei tractionem in finem hujus Libri reiicere. Interim universale, unicum, & omnibus Machinis commune principium adsignabimus augendarum virium potentia per Machinas; cujus deinde causam in Libri hujus fine inquiramus. Principium sequitur.

Principium seu Modus augendi vires potentiarum per Machinas, ad magna onera movenda.

Principium
universale
motus Ma-
chinalium.

Totum artificium ad magna pondera exiguis potentiis movenda per Machinas, consistit in eo, ut pondus & potentia ita applicentur Machinæ, ut dum simul moventur, potentia moveatur velocius quàm pondus, tali excessu, ut major sit proportio motus potentia ad motum ponderis, quàm gravitatis seu resistentia ponderis ad vires potentia. Itaque qua proportionem augebis motum potentia supra motum ponderis, eadem proportionem augebis vires potentia ad majus & majus pondus movendum. In idem recidit, si dicas, in eo positam esse industriam ad modum ad movenda magna pondera exiguis potentiis per Machinas, quod pondus & potentia ita applicentur Machinæ, ut dum simul moventur, pondus minore & minore motu moveatur cum dicto excessu motus potentia supra motum ponderis; qua enim proportione crescit motus potentia supra motum ponderis, eadem decrescit motus ponderis infra motum potentia.

Fieri

Fieri hoc de facto in omni usu Machinæ, ut scilicet dictâ ratione applicentur potentia & pondus; & nisi ita fiat, nullum sequi motum, quando potentia est minor pondere; patebit manifestè ex dicendis. Causam cur motus sequatur ex tali applicatione, indagabimus, si poterimus, in fine Libri.

Monitio ad Mechanicos.

ANtequam autem Machinarum considerationem aggrediamur, monendus generaliter est Lector, quando proportio potentia ad pondus consideratur in usu Machinarum, communiter solam gravis mobilis resistantiam seu gravitatem considerari, perinde ac si Machina ipsa non resisteret motui. In praxi tamen semper observanda etiam est resistantia quæ ex ipsius Machinæ materia & compaginatione oritur; hæc enim perinde se habet, ac si ponderi gravitas adderetur. Quare cavendum est, nè tales adhibeamus Machinas, quarum resistantia orta ex materia, absorbeat totas aut præcipuas vires motoris seu potentia.

Monitio generalis ad Mechanicos.

SYNTAGMA SECUNDUM.

De Vecte, ejusque viribus, & virium cum moto & sustentato pondere proportionem.

A Vecte incipimus, tum quia simplicior ac facilior intellectu est inter omnes Machinas poderum motrices, tum quia nonnullarum sequentium Machinarum compositio ac virtus à vecte dependet. Quàm tamen simplex est Machina vectis, tam ingens & ferè infinita est ejus vis, adeo ut Terrarum orbis eo moveri queat. Quod omnis etiam antiquitas credidisse videtur, dum Neptuno tridentem tanquam vectem attribuit, & Terra concussorem eum appellavit. Galenus lib. I. de placit. Hippoc & Plat. comparat musculos vecti. Adeo necessarius est ad hominum & animalium motum atque in cessum vectis usus.

CAPUT PRIMUM.

De natura, differentiis, & proprietatibus vectis.

PROPOSITIO I.

Vectis naturam & usum explicare.

Vide Iconism IV.
Fig. XIII.

Vectis figura, & usus.

Vide Iconism IV.
Fig. XIV.

VECTIS est palus ligneus aut ferreus, uno suorum extremorum acutus, altero obtusus, ad commovenda & attollenda onera aptus. Talem repræsentat Figura AB, cujus extremum A obtusum, B vero acutum est. Aristoteles in *Questionibus Mechanicis* quæst. 4. eum vocat $\tau\acute{\omega}\mu\omicron\chi\lambda\iota\omicron\varsigma$; Latini aliqui eundem, palangam, palum; Itali *la le va, lieva & la Stanga*; ein *Hebel* oder *Hebelstangen*. Vectis pars obtusa caput, pars acuta vocatur lingua.

Uusus Vectis duplex præcipue est. Primus, cum lingua B subditur oneri commovendo, & vecti ipsi subiicitur proximè lingula sustentaculum solidum ac firmum cui vectis incumbit, tandemque capiti applicatur potentia quæ vectem deprimit, uti in apposita Figura apparet, in qua C est pondus movendum; BA est vectis, cujus lingua B est ponderi supposita; DE est lapis aut lignum vecti non procul à lingua subiectum, cui vectis incumbit; F est potentia capiti A applicata, manus videlicet hominis vectem deprimentis: dum enim extremum A deprimitur, extremum B, & consequenter pondus C ipsi incumbens, necessario attollitur.

Hypomochlium.

Sustentaculum seu fulcrum vecti subiectum appellant Græci ὑπομῶχλιον , hypomochlium, eò quòd $\tau\acute{\omega}\mu\omicron\chi\lambda\iota\omicron\varsigma$ supponitur. Vitruvius id vocat pressionem. Materia ejus potest esse quæcunque, dummodò solida sit, & dum onus attollitur, à pondere ejus non comminuat. Figura etiam potest esse quævis obvia, quamvis expeditius sit ut infrà, ubi terram premit, sit plana, suprà, ubi vectem sustentat, sit angulosa, prout in CE figura apparet, quæ repræsentat prisma trium laterum & angulorum, quorum duo terræ incumbunt, tertium sursum respicit, & à vecte premitur. Ratio est, quia quò minori in spatio vectis contingit hypomochlium, eò facilius

Vide Iconism IV.
Fig. XIV.

facilius à potentia in A applicata deprimitur, cùm nullam ab hypomochlio supposito resistantiam patiatur, quam tamen pateretur, si planum suprâ esset, saltem in principio motus. Sed de hac re iterum infrâ cap. 3.

Secundus usus vectis est, cùm lingula B, aut pars aliqua vectis lingulæ proxima, oneri C supponitur, & nullo hypomochlio supposito vecti, alterum ejus extremum A à potentia D attollitur: tunc enim quia omnes vectis partes, excepto extremo puncto B, quod terræ innititur, attolluntur sursum, necessario etiam pondus C movetur atque attollitur. In hoc tamen casu terra ipsa aliudvè planum, cui vectis lingula B innititur, habet rationem hypomochlii. Vitruvius tamen lib. 10 cap. 8. ponit terram seu aream pro onere, & ipsum onus, seu ut ipse loquitur, *oneris angulum*, vecti impositum pro pressione seu hypomochlio; sed immerito, uti consideranti patet, & ex dicendis melius intelligitur.

Tertium vectis usum addunt plerique, & subiiciunt uni ejus extremo B fulcrum, aut loco fulcri solum aream (uti in appositâ Figura apparet) alteri vero extremo A imponunt onus sublevandum, inter utrumque denique mediam applicant potentiam motricem D, quæ vectem unâ cum onere sublevet in altum, immoto manente extremo B innixio. Hic usus tamen si ordinariè non occurrat, quia non juvat potentiam ad onus faciliùs attollendum; utilis tamen aliquando, imò & necessarius, est, quoties nimirum abundemus virtute seu potentiâ, & egemus velocitate motus in pondere, ut bene notavit P. Zucchi, & infrâ melius patebit.

ANNOTATIO.

S In primo usu vectis, suspenderetur palus AB circa eam partem, cui hypomochlion DE subiectum est, haberet eundem usum. Ex quo & ex duobus sequentibus usibus patet, hypomochlii ratione habere, quidquid aut suspenditur vectem, aut impedit unâ ejus extremum quò minus cedat in motione pòderis à potentiâ factâ. Si pondus vecti non imponatur, sed appendatur, perinde est. Licet autè vectis institutus sit ad gravia attollenda,

*Alius usus
vectis.
Vide Ico-
nismi IV.
Fig. XV.*

*Tertius
usus vectis.
Vide Ico-
nismi IV.
fig. XIV.*

*Hypomo-
chlii mul-
tiplex for-
ma.*

sollenda, potest tamen & solet etiam adhiberi ad ea sustentanda tantum in aequilibrio; & tunc potius habet rationem librae quam vectis.

PROPOSITIO II.

Perique Scriptores qui de vecte agunt, tria genera seu differentias illius assignant, desumpta divisione ex triplici usu à nobis explicato. Tria enim in quolibet vecte ad movendum aut sustentandum onus adhibito considerari possunt loca seu puncta, scilicet punctum oneris movendi, punctum potentiae motricis, & punctum fulcri seu hypomochlii. Quae tria puncta tribus modis inter se disponi, combinari, ac variari possunt; ex quibus tribus modis tria vectium genera oriuntur: vel enim unum extremum punctum obtinet pondus, alterum potentia, & fulcrum est intermedium, ut in vecte ABC, ubi A est pondus, B fulcrum, C potentia: & oritur primum genus: vel unum extremum obtinet fulcrum, alterum potentia, & pondus est intermedium, ut in vecte DEF, ubi D est fulcrum, E pondus, F potentia: & oritur secundum genus: vel denique in uno extremo est fulcrum, in altero pondus, inter utrumque vero potentia, ut in vecte GHI, ubi G est fulcrum, H potentia, I pondus: & oritur tertium genus. Neque est alia possibilis combinatio. Licet enim aliqui pro quarto genere addant vectem KLM incurvatum & angulosum in L, is tamen non constituit distinctum vectis genus à primo: nam si in K applicetur pondus, in M potentia, aut è contrario, & in motu vectis innitatur angulo suo L terrae alterive plano: habet tunc angulus rationem hypomochlii, ut ex se patet: quod an vecti annexum sit, aut ab eo separatum, parum refert, & prorsus per accidens est, nec variat modum operandi per vectem.

Tria ergo tantum sunt vectis genera, uti dixi. Primus vectis habet fulcimentum inter pondus & potentiam, secundus habet pondus inter fulcimentum & potentiam, tertius potentiam habet inter fulcimentum & pondus.

COROLLARIUM.

Ubique ergo applicatur in vecte potentia, ibi potest applicari pondus, & è contrario, quia pondus & potentia sibi mutuo resistunt & se mutuo vincunt aut vincuntur. Unde pondus vocatur resistens, seu resistivum;

Vide Iconismi I V.
Fig. XVII.

Vide Iconismi IV.
fig. XVIII.

resistivum, & mobile, potentia verò appellatur virtus, seu movens.

ANNOTATIO.

EX dictis patet, rationem vectis habere quamcumque longitudinem, qua alicui fulcro innixa in alio sui puncto applicatur gravi movendo, & in alio habet potentiam motricem sibi applicatam. Quare in vecte tria sunt puncta assignabilia in ejus usu, scilicet punctum fulcris, punctum ponderis, & punctum potentia; ex quorum varia combinatione oriuntur tria vectium genera explicata, ut diximus.

PROPOSITIO III.

Si potentia vectis applicata eandem ad applicatum pondus proportionem habet, quam distantia ponderis ab hypomochlio, ad distantiam potentia ab eodem: sit æquilibrium seu quies, & potentia sustinet pondus.

EXempli gratiâ, in primo genere vectis præcedentis Figuræ, si est ut distantia AB ad distantiam CB, ita potentia C ad pondus A; & in secundo genere vectis, sicut se habet distantia E D ad F D, ita se habet potentia F ad pondus E: & in tertio genere, si qualem proportionem habet distantia I G ad H G, talem habet potentia H ad pondus I; potentia sustinet pondus in æquilibrio, & ambo in eo situ quiescunt, nec unum fertur deorsum, alterum sursum. Colligitur ex dictis ac demonstratis Syntagm. præcedente, Proposit. 5. Si enim loco potentia vectis applicata appenderetur pondus aliud, quod potentia esset æquale, hoc est, si daretur reciproca proportio inter pondera & distantias, æquilibrium fieret, & pondus posterius sustineret pondus prius; ergo idem fieri debet, si loco ponderis applicetur potentia ponderi æqualis. Sed rem melius explicemus, & stabiliamus, quoniam hæc est una ex præcipuis vectis proprietatibus, ex qua unâ cum sequente in Proposit. 4. pendet vis admiranda tum hujus, tum aliarum Machinarum, quæ ad vectem reducuntur, & ex iis sciri potest infallibiliter ac demonstrativè, quæ vires ad quod pondus per vectem sustinendum vel movendum sufficiant, quæ non.

Sit ergo Primò vectis primi generis A C, divisus ab hypomochlio D in duas æquales partes seu distantias, AB, CB, & potentia

Vide Iconismi V.
Fig XVII.
Vecte quando potentia sustinere possit pondus.

Vide Iconismi V.
Fig I.

O

Cad

Cad pondus A habeat proportionem eandem, quam habet reciproce distantia AB ad distantiam BC, hoc est, potentia sit æqualis ponderi; sequetur æquilibrium. Ratio est, quia si loco potentia C poneretur aliud pondus, æquale ponderi A, fieret æquilibrium, per *Posulatum I. Apparatus*; Ergo etiam quando potentia C est æqualis ponderi A, id est, tantum nititur deorsum, quantum pondus, debet sequi æquilibrium.

Vide Iconismi V.
Fig. II.

Sit iterum vectis AB primi generis (& eadem est ratio de aliis) incumbens puncto suo C hypomochlio seu fulcimento E, à quo dividatur in distantias inæquales, AC minorem, & BC maiorem; sitque in A appensum pondus F, in B vero applicata potentia C, quæ ad pondus se habeat, ut AC ad BC; adhuc vectis manebit horizonti parallelus, seu in æquilibrio, atque adeo potentia sustinebit pondus. Appendatur enim loco potentia B, pondus G, quod sit ad pondus F, sicut distantia AC ad distantiam BC; per *Proposit. 5. Syntagmatis præcedentis* sustinebit illud in æquilibrio; Ergo si loco ponderis G applicetur potentia B ipsi F æqualis, sustinebit idem pondus F. Quod erat demonstrandum.

COROLLARIUM I.
















Colligitur hinc I. etiam conversam hujus Propositionis esse veram, nimirum si distantia ponderis ab hypomochlio ad distantiam potentia ab eodem, habuerit eandem proportionem, quam reciproce potentia ad pondus; sequi æquilibrium. Eadem enim utrobique est demonstratio. Imo & hac altera Propositio est vera: si potentia vectis applicata sustinet pondus eidem vecti applicatum potentia ad pondus eandem habet proportionem, quam habet reciproce distantia ponderis ab hypomochlio ad distantiam potentia ab eodem. Si enim loco potentia poneretur aliud pondus, quod cum priore faceret æquilibrium, haberet se posterius ad prius, sicut reciproce distantia prioris ad posterioris distantiam per *Proposit. 5. Apparatus*; Ergo &c.

COROLLARIUM II.

Vide Iconismi V.
Fig. III.

Colligitur II. si distantia AC minor est distantia BC, potentiam B sustentem pondus F esse minorem ipso pondere, si æqualis, æqualem; si major, maiorem.

COROL.





COROLLARIUM III.

Colligitur III. Quò fulcimentum E, in vecte AB, erit propius ponderi F, cò minorem ad idem pondus sustentandum requiri potentiam in B; quo vero remotius, eo maiorem. Ratio est, quia crescit aut decrescit proportio inter distantias.

COLOLLARIUM IV.

Colligitur IV. in secundo genere vectis potentiam sustententè pondus, semper esse minorem pondere, in tertio, semper maiorem; in primo, posse esse minorem, maiorem, æqualem.

ANNOTATIO I.

Distantia in vectis longitudine sumuntur à puncto, cui vectis liberè in usu suo innititur, & circa quod liberè elevatur aut deprimi-
tur; & à puncto, à quo pondus liberè sustinetur, appensum sit, sive vectis incumbat, quod semper est in linea directionis transeunte per centrum gravitatis ponderis; & denique à puncto cui applicatur potentia.

Distantia in vasso unde sumuntur.

ANNOTATIO II.

Aristoteles in *Questionibus Mechan. q. 4. proponit explicatam* hætenus *Proprietatem his verbis* ὅτι τὸ κινῆται μὲν ἑαυτὸ πρὸς τὸ κενόν, τὸ μὴ κινῆται πρὸς τὸ κενόν, ἀρτὶ τὸ κενόν δὲ κινῆται. *Quod autem est mobile pondus ad-
movens, hoc est longitudo ad longitudinem reciprocè.*

PORIS VA.

Ut potentia vecti applicata moveat pondus, major proportio requiritur inter distantiam potentia ab hypomochlio, & ponderis ab eodẽ, quàm reciproce inter pondus & potentiam. Colligitur ex præcedente Propositione. Nam major potentia requiritur ad pondus movendum, quàm ad pondus tantum sustentandum: quia ut potentia sustineat pondus, sufficit ut illius resistentiæ sit æqualis; at ut moveat, debet ejus resistentiam superare, ac proinde major debet esse vis potentiæ, quàm ponderis. At qui ad pondus sustentandum, proportio inter distantiam potentiæ ab hypomochlio & ponderis ab eodem, debet esse æqualis proportioni inter pondus &

Vecte quando movere possit potentia pondus.

potentiam Ergo ad pondus movendum eadem proportio debet esse major. Unde formo sequentem Propositionem.

PROPOSITIO IV.

Si in veste distantia potentia à fulcimento, ad distantiam ponderis ab eodem, habueris maiorem proportionem, quàm pondus ad potentiam; potentia movet pondus.

Vide Iconismi V.
Fig. III.

SIt vestis primi generis AB, cuius hypomochlium D, pondus applicatum in A, & potentia in B, & distantia BD ad distantiam AD habeat maiorem proportionem, quàm reciproce pondus A ad potentiam B, hoc est, distantia BD contineat sæpius distantiam AD, quàm pondus A potentiam B. Dico pondus A à potentia B moveri sursum, hoc est, B descendere, & A ascendere. Fiat enim BE ad AE, ut pondus A ad potentiam B; erit punctum E inter punctum BD, quia BE ad AE minorem proportionem habere debet, quàm BD ad AD, hoc est, BE debet continere AE minùs sæpe, quàm BD continet AD, ac proinde BE debet esse minor, quàm BD. Jam sic. Supposito hypomochlio sub puncto E, potentia B sustinet pondus A, *per Proposit. 3. præcedentem*; ergo minor potentia in B. quàm data, idem pondus A sustinebit, si fulcimentum supponatur puncto D, & fiat propius ponderi, *per Corollarium 3. Proposit. 3. præcedentis*. Data ergo potentia in B applicata, non sustinebit jam, sed movebit pondus A sursum in veste AB, cuius hypomochlion D. Idem constat experientiâ quotidianâ: quâdo enim potentia seu pondus in uno brachio stateræ, aut vestis, sustinet pondus alterius brachij in æquilibrio; si vel magis potentia aut pondus removetur à fulcimento, aut fulcimentum magis à potentia versus pondus promovetur, statim videmus perdi æquilibrium, & sequi motum potentix deorsum, ponderis sursum.

Vide Iconismi V.
Fig. IV.

II. Sit iterum vestis secundi generis AB, in quo hypomochlium sit in A, pondus in D, potentia in B; & BA ad DA habeat maiorem proportionem, quàm pondus D ad potentiam B. Dico, pondus D à potentia B moveri. Fiat enim B A ad EA, ut pondus D ad potentiam B; erit similiter punctum E inter BD, quia necesse

necesse est EA esse majorem quàm DA, ut BA sit ad EA, sicut pondus D ad potentiam B, hoc est, ut BA ad EA non habeat majorem proportionem, quàm D ad B. Jam si pondus D esset in E, potentia in B illud sustineret, *per Proposit. 3. preced.* minor autem potentia in B, quàm data, sustinet pondus in D, quàm in E, *per Coroll. 3. Proposit. 3. precedentis*, Ergo data potentia in B, pondus in D non tantum sustinere, sed & movere poterit.

III. Sit tandem vectis tertii generis AB, cujus fulcimentum A, pondus applicatum in B, & potentia in C; & CA, ad BA majorem habeat proportionem, quàm pondus B ad potentiam C. Dico, pondus B à potentia in C moveri. Fiat enim ut pondus B ad potentiam C, ita distantia DA ad distantiam AB, erit CA major quàm DA, cum major sit proportio CA ad BA, quàm DA ad BA. Jam si potentia data appendatur in D, poterit pondus E sustinere, *per Proposit. 3. precedent.* minor autem potentia, quàm data, sustinet idem pondus B in C, *per Coroll. 3. Proposit. 3. precedentis*; data ergo potentia in C pondus in B applicatum movebit.

Vide Iconismi V. Fig. V.

ANNOTATIO.

Physicam hujus rei rationem indagabimus in frà Syntagmate 6. hujus Libri.

COROLLARIUM EX PROPOSITIONE III. & IV.

EX duabus proxime præcedentibus Propositionibus constat, quoties potentia vectis applicata est æqualis resistentiæ ponderis applicati, sive ratione sui, sive ratione distantie à fulcimento, sequi tantum æquilibrium seu sustentationem, quia se mutuo impediunt, tunc potentia & pondus, nè sequatur motus: qui ut sequatur, debet potentia prævalere ponderi, ac proinde debet esse major quàm potentia tantum sustinens, sive ratione sui, sive ratione distantie à fulcimento supra distantiam ponderis ab eodem.

Partis III. Lib. II.
PROPOSITIO V.

Si potentia pondus per vectem moveat, spatium potentie mota ad spatium ponderis moti est, ut distantia potentie à fulcramento ad distantiam ponderis ab eodem.

Vide Iconismi V.
Fig. VI.
Motus ponderis & potentie per vectem esse ut distantia ad distantiam ab hypomochlio.

TAmetsi hujus Propositionis demonstratio pateat ex Proposit. 7. cap. 4. Syntagm. præcedentis; tamen hic cum Guidubaldo eandem clariùs proponere libet, ac demonstrare evidentius.

Sit igitur I. vectis AB primi generis, cujus fulcimentum C; & in puncto B sit applicatum, vel ex eo dependeat, pondus D; in A vero applicata sit potentia movens. Ut hæc moveat pondus, debet A descendere deorsum versus E, & B ascendere sursum versus F, & tam A, quàm B debet circa C tanquam circa centrum describere arcus circulorum AE, & BF, quorum semidiametri sint GA, & CB. Erit igitur spatium motus potentie arcus AE, & spatium motus ponderis arcus BF, quia quantum B ascendit, tantum ascendit pondus D, sive applicatum sit ad B, sive ex eo suspensum. Dico, spatium AE ad spatium BF ponderis, esse, ut CA ad CB. Compleantur enim circuli AEC, & KHB, sint KH puncta, ubi AB, & EF secant circulum KHB. Quoniam igitur angulus BCF est æqualis angulo HCK, per Proposit. 15. lib. 1. Euclid. erit circumferentia seu arcus KH. circumferentiæ seu arcui BF æqualis, per Proposit. 27. lib. 3, Euclid. Cum autem circumferentiæ AE, & KH sint sub eodem angulo ACE, & circumferentia AE ad totam circumferentiam AEG sit, ut angulus BCE ad quatuor rectos per Coroll. 2. Proposit. 33. lib. 6. Euclid. Ut autem idem angulus KCH ad quatuor rectos, ita quoque circumferentia KH est ad totam circumferentiam KHB, per eandem 33. erit circumferentia AE ad totam circumferentiam AEG, ut circumferentia KH ad totam KHB; per Proposit. 11. lib. 5. Euclid. & permutando, ut circumferentia AE ad circumferentiam KH, hoc est, BF ipsi KH æqualem, ita tota circumferentia AEG ad totam circumferentiam BFKH: tota verò circumferentia AEG ita se habet ad totam circumferentiam BFKH, ut diameter circuli AEG ad diametrum circuli BFKH, per Proposit. 22. lib. 8. Pappi; Ut igitur circumferentia seu arcus AE ad circumferentiam seu arcum BF, ita diameter circuli AEG

A E G ad diametrum circuli B F K H; ut autem diameter ad diametrum, ita semidiameter ad semidiametrum, hoc est, ita CA ad CB; Ergo ut arcus AE ad arcum BE, hoc est, ut spatium motus potentiae ad spatium motus ponderis, ita CA ad CB; & vicissim ut CA ad CB, ita spatium potentia motae ad spatium inotiponderis. Quod erat demonstrandum.

Sit II. vectis AB secundi generis cujus hypomochlium in B, potentia in A, pondus in C; quod ut moveatur à potentia sursum, debet ipsa quoque sursum moveri versus D, & pondus versus E, & iterum debent describi ex eodem centro B circuli AD, CE: Demonstratur eodem modo ut antea, arcum AD ad arcum CE, hoc est, spatium potentiae A motae ad spatium ponderis C moti, esse ut est distantia AB ad distantiam CB.

Vide Iconismi V.
Fig VII.

Si potentia esset in C, & pondus in A, & In motu potentia C describeret arcum CE, & pondus A arcum AD; esset motus potentiae C ad motum ponderis A, hoc est, arcus CE ad arcum AD, ut distantia CB ad distantiam AB. Demonstratio eadem est.

COROLLARIUM I.

Hinc sequitur I. spatium potentiae moventis ad spatium ponderis moti, habere maiorem proportionem, quam pondus ad potentiam. Nam spatium potentiae ad spatium ponderis habet eandem proportionem, quam habet distantia potentiae ab hypomochlio ad distantiam ponderis ab eodem; sed proportio distantiae potentiae ab hypomochlio ad distantiam ponderis ab eodem, major est, quam ponderis ad potentiam, per *Propos. precedentem*, alioquin non fieret motus, sed sustentatio; Ergo &c.

Motus potentiae ad motum ponderis habet maiorem proportionem, quam pondus ad potentiam.

COROLLARIUM II.

Sequitur II. Etiam velocitatem motus potentiae ad velocitatem motus ponderis, esse ut distantiam potentiae ab hypomochlio ad distantiam ponderis ab eodem. Nam quia eodem tempore movetur potentia & pondus, & potentia conficit majus spatium quam pondus; utriusque velocior est motus potentiae quam ponderis; utriusque autem motus velocitatem mensurat spatium utriusque; Ergo ut spatium ad spatium, ita velocitas ad velocitatem;

tem; ergo cùm spatium ad spatium sit, ut distantia ad distantiam, etiam velocitas ad velocitatem erit ut distantia ad distantiam.

COROLLARIUM III.

Vide Iconismi V.
Fig. VIII.

Sequitur III. Quando potentia & pondus se mutuò sustinent in vecte, non posse sequi motum, quin potentia ad pondus acquirat maiorem rationem, quam habet distantia ponderis ad distantiam potentiæ ab hypomochlio, in quibus sit æquilibrium. Nam, quando est ut A E ad B E, ita potentia B ad gravitatem ponderis A; sequitur æquilibrium, nec potest potentia B premendo deorsum elevare pondus A, sed requiritur major potentia, ut pondus elevetur: at potentia major ad idem pondus habet maiorem rationem, quàm minor tantùm sustinens; potentia autem sustinens est in ratione A E ad B E; ergo potentia movens debet ad idem pondus maiorem habere rationem, quàm A E ad B E.

COROLLARIUM IV.

Vide Iconismi V.
Fig. VI.

Vide Iconismi V.
Fig. VII.

Sequitur IV. Etiam perpendiculum motus potentiæ, ad perpendiculum motus ponderis, esse ut distantias eorum à fulcimento. Ratiopater ex demonstratis Corollario I. Proposit. 6. Apparatus. Sic in superiori figura perpendicularis L E ad perpendicularem F I, est ut distantia L C ad distantiam I C. Item in alia figura, perpendiculum D C ad perpendiculum E F, est ut distantia C B ad distantiam F B.

PORISMA.

VT ergo potentia vecti applicata, moveat pondus eidem vecti applicatum, necessarium est applicationem fieri ita, ut dum simul moventur, motus potentiæ ad motum ponderis habeat maiorem rationem, quàm pondus ad potentiam. *Vernum est ergo principium nostrum universale machinalium motionum in usu vectis.*

CAPUT SECUNDUM.

An pondus vecti applicatum quocunque modo, habeat semper eandem resistentiam.

Pondus

Pondus diversimode applicari potest vecti. Nam I. potest unū extremum vectis infigi ponderi, ita ut transeat per centrum gravitatis ponderis, adeoque centrum gravitatis ipsius ponderis sit in ipso vecte, ut apparet in nona Figura, in vecte A B, cujus extremum A infixum est ponderi, transiens per centrum gravitatis D. II. potest uni extremo appendi pondus, ut apparet in decima Figura in vecte E F, cujus extremo E appensum est pondus H. III. potest uni extremo pondus imponi, ita ut centrum gravitatis ponderis sit supra vectem, ut in undecima Figura apparet. IV. potest pondus supponi uni extremitati vectis, ita ut centrum gravitatis ponderis sit infra vectem, ut apparet in duodecima Figura. V. Potest pars tantum ponderis imponi uni extremitati vectis, ut apparet in decima tertia Figura. Hi quinque modi sunt usitatiores in vecte primi generis. Alios modos in aliis vectis generibus omitto. Quæro igitur, an pondus vecti applicatum quocunque dictorum modo, habeat semper eandem resistantiam, retentâ eandem ab hypomochlio distantia ponderis & potentia. Ex quaestionis solutione patebit, ex quonam vectis puncto desumi ac determinari debeat ponderis distantia ab hypomochlio.

Vide Iconismi V. Fig IX X XI. XII.

PROPOSITIO I.

Quando centrum gravitatis ponderis est in ipso vecte, horizontis æquidistantis eadem semper potentia sufficit ad illud sustinendum, sive attollatur pondus, sive demittatur.

Sit vectis A B in nona Figura, horizonti æquidistans, cujus hypomochlium C, potentia applicata in B, pondus in extremitate A, ita ut centrum gravitatis D sit in ipso vecte. Moveatur vectis supra hypomochlion, ut vel sit in F G, & centrum gravitatis in L, vel sit in H N, & centrum gravitatis in M. dico, eandem potentiam B, sive in G transferatur cum vecte, sive in N, eandem ubique facilitate pondus sustinere, & hoc eandem in omni situ & loco distantiam retinere. Ratio est, quia centrū gravitatis ponderis, cum sit in ipso vecte, eandem semper distantiam retinet à fulcimento C, sive vectis sit in A B, sive in F G, sive in H N, hoc est, sive centrū gravitatis ponderis sit in D, sive in L, sive in M: semper ergo

Vide Iconismi V. Fig IX.

& in omni situ manet eadem proportio distantie potentiæ à fulcramento ad distantiam ponderis ab eodem, ac proinde eadem vis potentiæ, & eadem resistentia ponderis. Hæc est demonstratio quasi physica mathematicam accuratiorem vide apud *Guidubaldum* Proposit. 10. de Vecte. Eadem ratio militat in vecte secundi & tertii generis, ut consideranti patet.

PROPOSITIO II.

Quando pondus suspensum est à vecte, idem dicendum est quod antea dictum fuit de pondere habente centrum gravitatis in vecte.

Vide Ieonismi V.
Fig. XIY.

ESto vectis HI, cujus hypomochlium K, pendeatque pondus L à puncto H, potentia verò sustentans sit in I. Dico, si moveatur vectis, & constituatur in PQ, aut alio quocunque loco, inane hypomochlio in K, eandem potentiam sufficere ad pondus sustinendum. Nam distantia ponderis & potentiæ ab hypomochlio sumitur à perpendicularibus PM, NQ, ductis à puncto suspensionis P ponderis, & à puncto applicationis potentiæ, ut supra notavimus in Apparatu Proposit. 6. Sicut autem est IK ad HK, hoc est, QK ad PK, ita est NK ad MK, in quocunque loco & situ vectis, ut patet ex dictis ibidem; Ergo constat propositum.

PROPOSITIO III.

Quando pondus habet centrum gravitatis supra vectem horizonti æquidistantem, quò magis pondus ab hoc situ vecte elevatur, eò minori indiget potentiâ ut sustineatur; si verò deprimatur, majori.

Vide Ieonismi V.
Fig. XL.

SIt in undecima superiori Figura vectis ED, horizonti æquidistans, cujus fulcimentum C; & extremo ejus E impositum sit pondus IG, habens centrum gravitatis supra vectem; potentia denique sit applicata in D. Moveatur deinde vectis ED in K M. Dico, in hoc situ minorem potentiam requiri ad pondus sustinendum, quàm antea. Sic enim in utroque situ centrum gravitatis ponderis punctum I, ducaturque in primo situ linea directionis IG à centro gravitatis I ad centrum Mundi, & horizonti perpendicularis, erit GC distantia ponderis ab hypomochlio: In secundo

verò

verò situ linea directionis non erit amplius IG, sed IS, perpendicularis horizonti, ac proinde distantia ponderis ab hypomochlio non erit amplius GC, sed SC, quæ minor est quàm GC; Ergo MC ad SC habet maiorem proportionem, quàm DC ad GC; ergo minor potentia requiritur in M, quàm in D, *per Proposit. 4. Capitis præcedentis.* Quò magis autem elevatur pondus, eò magis crescit proportio inter MC & SC.

Moveatur iterum vectis ED in OR. Dico, in hoc situ maiorem potentiam requiri ad pondus sustinendum, quàm antea. Sit enim ut antea centrum gravitatis punctum I in utroque situ, & linea directionis in primo situ erit ut antea, IG, in secundo verò situ erit IS, ideoque in primo situ distantia ponderis ab hypomochlio erit GC, in secundo situ SC, quæ major est quàm GC; minorem ergo proportionem habet RC ad SC, quàm RC ad GC, hoc est, quàm DC ad GC, & consequenter quàm pondus ad potentiam; Ergo major potentia requiritur in R quàm in D, *per Coroll. III. Proposit. 3. capitis præcedentis.* Quò magis autem deprimitur pondus, eò minor fit proportio distantie RC ad SC, quàm ponderis ad potentiam.

PROPOSITIO IV.

Quando pondus habet centrum gravitatis infra vectem horizonti æquidistantem, quò magis ab hoc situ vecte pondus elevatur, eò majori opus est potentia ut sustineatur; si verò deprimitur, minori.

SI vectis XT, horizonti parallelus, ut in duodecima Figura supra posita, ejus fulcimentum A, pondus infra extremum X, potentia applicata in T. Moveatur deinde vectis XT in KS. Dico, in hoc situ maiorem requiri potentiam in S, quàm in T. Sit enim in utroque situ centrum gravitatis ponderis punctum O, à quo ducatur perpendicularis horizonti, transiens per centrum gravitatis ponderis, & centrum Mundi, & protrahatur donec secet vectē in utroque situ. Erit hæc perpendicularis in primo situ XT, linea OV; in secundo verò situ KS nõ erit amplius linea OV, sed OK distantia verò ponderis ab hypomochlio erit in situ horizontali VA, in altero situ KA, quæ major est quàm VA. Major ergo proportione

Vide Res.
nisi V.
Fig. XII

habet TA ad VA , quàm SA ad KA ; Ergo potentia in T facilis sustentabit pondus, quàm in S : ergo in S majori opus est potentia, quàm in T . Et quò magis elevatur pondus, eò majori opus est potentia, quia semper minor fit proportio inter SA & KA , quàm inter TA & VA ; & consequenter quàm inter pondus & potentiam, Contrarium contingit, quando deprimitur pondus, ut consideranti patet.

CAPUT TERTIUM.

An figura hypomochli conferat aliquid ad facilitatem motus ponderis per vectem.

HUc usque consideravimus pondus, vidimusque quâ ratione se habeat in agendis & minuendis suæ resistantiæ momentis in ordine ad vectem cui applicatur, & in ordine ad distantiam ab hypomochlio, & etiam à potentia. Considerandum nunc est ipsum hypomochlion seu fulcrum, videndumque an ejus figura conferat aliquid ad facilitandum aut retardandum motum ponderis. Pro rei decisione

Hypomochlion est omnia quod vectem sustentat.

Dico I. Hypomochlii rationem posse habere omne id, quod vectem sustentare ita potest, ut in eo, aut circa ipsum, vel ut circa centrum, moveri sursum ac deorsum possit. Hujusmodi autem potest esse funis è quo vectis suspenditur; axis aut clavus qui vecti infigitur; lignum, saxum, aliudvè simile quid, cui innititur vectis, prout in quotidiano fit usu, dum tale illud sit, quod non cedat, sed valeat sustentare vectem cum pondere, quando opus est.

Dico II. Procurandum esse, ut hypomochlium seu fulcrum, quâ parte à vecte primi generis tangitur ac premitur, minimum sit, minimamque latitudinem habeat, alioquin valde variatur ratio momentorum in actuali usu vectis, manente eodem pondere, & eadem potentia. Si enim fulcrum erit sphericum, aut cylindricum; cum non in eodem semper puncto tangatur, quando pondus elevatur, potentia deprimitur; variatur ratio distantiarum utriusque à puncto, in quo fulcrum à vecte premitur. Tangat enim vectis EG , horizonti æquidistans, sphaeram aut cylindrum in puncto F ; erunt distantia EF , & CF , & potentia C ad pondus E habebit proportionem, quam habet EF ad CF . Accedat major potentia & vectem

vectem premat deorsum, ita ut habeat situm LI ; non tanget amplius spheram aut cylindrum in F , sed in H , fietque minor ratio LH ad HI , quàm CF ad FE ; tantoque minor fiet illa ratio, quanto magis deprimitur vectis, ideoque semper crescere debet potentia ut pondus moveat. Similiter si fulcrum planum sit, ut OS , & vectis V tangat illud in O , erunt distantie VO , OR : at si deprimitur deinde extremum V , & vectis acquirit situm TX ; tangit fulcrum idem in S , & distantie sunt XS , ST ; minor autem est ratio XS ad ST , quàm VO ad OR ; quare augenda est potentia, cum minuantur potentie momenta, diminutâ ejus distantia à fulcro; augeantur verò momenta ponderis, auctâ ejusdem distantia ab eodem fulcro. Quòd si vectis acquirat situm horizontalem MN , ita ut tangat fulcrum planum in linea OS : valde impeditur motus facilitas, idque præcipuè propter rationem dictam, quia videlicet ut dimoveatur ab hoc situ, debet incipere tangere in S , ac proinde minui debet distantia potentie à fulcro, & augeri distantia ponderis ab eodem.

Vide Iconismi V.
Fig. XVI.

CAPUT QVARTUM.

An linea per quam potentia movet vectem, conferat aliquid ad facilitatem ac difficultatem motus.

IN usu vectis, & aliarum etiam subsequen-
tium machinarum, valde attendenda est linea, per quam potentia vecti applicata dirigitur in motu suo, & quem angulum linea illa directionis potentie cum vecte faciat, considerandum; variato enim angulo, etiam potentie momentum variatur, ut mox patebit: quare quantum fieri potest, servari debet eadem potentie applicatio & directio in motu suo, ut immutatis viribus, eum eadem semper facilitate sequatur motus ponderis, quantum est ex hoc capite.

Linea per quam potentia vectem movet, attendenda est.

Porro optima & maximè legitima potentie applicatio, tractio, pulsio, motio est, quando ita dirigitur in suo motu, ut cum vecte angulum rectum constituat linea directionis: quò autem angulus magis à recto recedit, eò etiam major percipitur difficultas. Et ratio est, quia cum potentia movet, trahit, pellit ad angulum rectum modo prædicto, tota vis exercetur ad pondus movendum; quando vero motio, tractio, pulsio sit ad angulum acutû, aut obtusum,

tunc vectis urgetur versus fulcrum, vel ab eo quasi retrahitur, ac proinde in hoc aliquid virium absumitur. Sed rem exemplo in vecte primi generis explicemus.

Vide Iconismi V.
Fig. XVII.

Sit vectis AB, habens sub se fulcrum C, & pondus sit in B, potentia vero in A. Certum est, si potentia urgeat vectem secundum lineam AC, sive ex A versus C, sive ex C versus A, cum vectis & sua & ponderis gravitate premat fulcrum C; aut nullum aut non nisi difficulter secuturum effectum, id est, motum ponderis, nisi potentia notabiliter superet pondus. Ut ergo pondus moveatur à potentia etiam debiliore ipso, debet potentia deorsum movere, idque vel per lineam AI facientem cum vecte angulum rectum, vel per lineam AE facientem cum eodem vecte angulum acutum, vel denique per lineam AF facientem angulum obtusum. Ac per AE lineam descendit quidem potentia, & ascendit pondus, sed simul trahitur seu impellitur A versus C, eoque magis quò acutior est angulus CAE; ergo ex hac tractione vectis versus punctum fulcri, & centrum sui motus, aliquid virium inutiliter deperditur, ita ut majori nisu opus sit ut pondus elevetur. Similiter per AF descendit quidem potentia A, sed simul quasi retrahitur A ut magis removeatur à fulcro C, eoque magis, quò angulus CAF est obtusior. Solum per lineam AI, facientem cum vecte angulum rectum, cum neque A versus C urgeatur, neque ex C retrahatur, tota vis potentie impenditur ad pondus elevandum ex vectis depressione. Quia verò vectis extremum A in motu deorsum describit arcum circuli circa punctum C, debet singulis momentis mutari linea directionis potentie, ut ad angulum rectum semper maneat æqualiter applicata; quare etiam ipsa potentia debet circulariter moveri, si est applicata in A. Quòd si AI funis esset, & potentia esset applicata in I, deberet punctum I describere arcum circuli, ut servaretur semper angulus rectus funis cum vecte.

Discrimen
inter vectes
in ordine ad
motum
ponderis.

Quæ de vecte primi generis diximus, applicari facile possunt vecti secundi & tertii generis. Est tamen magnum discrimen inter vectem primi, & vectem secundi, ac tertii generis in ordine ad motum facilitandum, etiamsi potentia feratur secundum lineam rectam facientem cum vecte angulum rectum. Nam in vecte primi generis potentia premit deorsum, ut pondus ascendat: unde oritur duplex commodum, & adjumentum ad facilitandum

motum

motum primum est, quòd ipsius vectis gravitas juvat potentiam, quia ipsa etiam deorsum urget, tantò magis quanto longior est distantia potentiae quàm ponderis, secundum est, quod quando homo potentiae deorsum moventis vicem agit, non solum ipsa brachia motoris premunt deorsum, sed etiam totius corporis gravitas, si permittatur ipsi vecti incumbere, vel independere, ut communiter fieri videmus in ingentium ponderum elevatione. At in vecte secundi ac tertii generis, tam potentia, quàm pondus debent ascendere; ad quem motum non potest totius corporis gravitas concurrere, sed sola musculorum tensio, & præterea ipsius vectis gravitas resistit motui.

CAPUT QUINTUM.

An quodvis pondus quavis potentia quovis vecte moveri queat.

Q Vinque simplicibus ac fundamentalibus Machinis, quas inter vectis est, quodvis pondus quavis data potentia moveri posse, asseruimus suprâ in hujus Libri Proœmio, cum Pappo Alexandrino, aliisque Mechanicorum Scriptoribus passim. Id nunc in vecte explicandum ac demonstrandum est. Quod ubi fecerimus, mirum nemini videbitur, aliis Machinis idem fieri posse, quod tam simplici Machina qualis hæc est, tam facile & evidenter fieri potest. Quoniam verò tria sunt vectis genera, singula ad examen vocabimus.

Supponimus autem I. ea quæ in præcedentibus demonstravimus, nimirum, quando distantia potentiae ab hypomochlio in vecte quocunque, ad distantiam ponderis ab eodem, est ut pondus ad potentiam, sequi consistentiam & æquilibrium inter potentiam & pondus: quando vero major est proportio distantiae potentiae ab hypomochlio ad distantiam ponderis ab eodem, quàm ponderis ad potentiam, sequi motum, & potentiam attollere pondus.

Supponimus II. quantitatem continuam licet minimam, hoc ipso quod est quantitas, habere intrinsecam proprietatem divisibilitatis in alias atque alias partes minores ac minores in infinitum, ita ut sæper maneat quantitas quoniã divisio per se non est annihilatio. Et licet ab homine ea divisio in tam minutas partes fieri nequeat,

ab Angelo tamen fieri potest, nec ex parte subjecti repugnat.

Supponimus III. data quacunque quantitate, dari posse majorem; & distantia aliqua quantum vis elongata, posse eam amplius elongari. His suppositis fit

PROPOSITIO I.

Veſte primi generis quodvis pondus moveri poteſt quavis potentia, idque multis modis.

Vide Ico-
n ſmi V.
Fig. 1.

*Veſte primi
generis po-
teſt quavis
potentia
quodvis po-
dus move-
re, multis
modis.*

*Primus
modus.*

S It enim veſtis AB, & pondus ſit in A, potentia in C. Si veſtis ſpatium AC dividatur in D ita, ut distantia CD ad distantiam AD, ſit ut pondus ad potentiam, potentia ſuſtinebit pondus, per *Propoſit. 3. capitis 1.* Si autem promoveatur potentia verſus B, erit jam major proportio distantie CD ad distantiam AD, quàm ponderis ad potentiam; movebit ergo potentia pondus, per *Propoſit. 4. ejusdem capitis.* Quod ſi potentia diminuatur, & promoveatur ad E, habeatque ED majorem proportionem ad AD, quàm pondus ad potentiam, iterum movebit pondus. Idem eveniet, ſi adhuc magis diminuatur potentia, & magis promoveatur verſus B, veletiam ultra B protracſtū, dummodo distantia potentie ab hypomochlio distantiam ponderis ab eodem ſuperet magis, quàm pondus potetiam. Quoniā igitur potentia poteſt ſemper magis & magis diminui & distantia ejus ab hypomochlio ſemper magis & magis augeri; poterit quavis potentia datū quodvis pondus movere per veſtem primi generis. Et hic eſt unus modus.

*Secundus
modus.*

Alter modus eſt, ſi potentia in eodem puncto B, aut E aut C manens diminuatur, hypomochlium vero recedat à puncto D verſus A, ita ut distantia potentie ab hypomochlio ſemper magis ſuperet distantiam ponderis ab eodem, quàm pondus potentiam, tunc enim propter cauſam jam dictam quavis minima potentia poterit quodvis datum pondus movere. Et hic eſt ſecundus modus.

*Tertius
modus.*

Tertius modus eſt, ſi creſcat pondus, & ſimul decreſcat potentia, ſed quanto plūs creſcit pondus, & decreſcit potentia, tantò plūs creſcat distantia potentie ab hypomochlio ſupra distantiam ponderis ab eodem, ſive id ſit per reſeſſū potentie ab hypomochlio,





chlio sive per accessum hypomochlii ad pondus, & recessum à potentia. Et hoc modo quævis potentia movere potest non solum quodvis datum pondus, sed etiam absolutè quodvis pondus. Demonstrationem magis mathematicam hujus rei vide apud *Guidubaldum* Proposit. 12. de vecte. †

COROLLARIUM.

Colligitur hinc, etiam quovis minimo pondere applicato in loco potentia, moveri posse per vectem primi generis quodvis pondus datum, quia eadem est utrobique ratio.

PROPOSITIO II.

Vectis secundi generis quodvis pondus moveri potest quævis potentia, idque totidem modis quot antea.

Sit vectis secundi generis *FG*, & potentia sit in *I*, fulcimentum in *F*, pondus in *H*. Si *IF* ad *FH* majorem habet proportionem, quàm pondus ad potentiam, quantumvis magnum sit pondus, & quantumvis exigua potentia, poterit hæc illam movere, per *Proposit. 4. capitis I*. Et quoniam quævis potentia diminuitur, tantò magis promoveri potest versus *K*, & versus *G*, & etiam ultra *G* protrahitur, ita ut semper major sit proportio distantia ipsius à fulcimento ad distantiam ponderis ab eodem, quàm ponderis ad potentiam; constat quamvis potentiam movere posse quodvis pondus datum vectis secundi generis. Idem fiet, si diminuatur potentia in eodem puncto manens, & pondus datum promoveatur à puncto *H* versus punctum *F*. Quod si pondus semper crescat, & potentia semper diminuatur, adhuc poterit potentia quantumvis parva movere pondus quantumvis magnum, si vel sola potentia decrescens magis elongetur à fulcimento, vel solum pondus crescens elongetur magis à potentia, & appropinquet fulcimento, vel ex una parte potentia elongetur à fulcimento, & ex altera pondus accedat. Demonstrationem accuratorem vide apud *Guidubaldum* loc. cit.

Vide Iconismi II.
Fig. II.

Vectis secundi generis potest quodvis pondus moveri quævis potentia multis modis.

ANNOTATIO.

Non potest tamen per vectem secundi generis moveri quodvis pondus maximum à quovis minimo pendere in loco potentia admo-

& in omni situ manet eadem proportio distantie potentie à fulcramento ad distantiam ponderis ab eodem, ac proinde eadem vis potentie, & eadem resistentia ponderis. Hæc est demonstratio quasi physica, mathematicam accuratorem vide apud *Guidubaldum* Proposit. 10. de Vecte. Eadem ratio militat in vecte secundi & tertii generis, ut consideranti patet.

PROPOSITIO II.

Quando pondus suspensum est à vecte, idem dicendum est quod antea dictum fuit de pondere habente centrum gravitatis in vecte.

Vide Iconismi V.
Fig. XIV.

ESto vectis HI, cujus hypomochlium K, pendeatque pondus L à puncto H, potentia verò sustentans sit in I. Dico, si moveatur vectis, & constituatur in PQ, aut alio quocunque loco, inanente hypomochlio in K, eandem potentiam sufficere ad pondus sustinendum. Nam distantia ponderis & potentie ab hypomochlio sumitur à perpendicularibus PM, NQ, ductis à puncto suspensionis P ponderis, & à puncto applicationis potentie, ut supra notavimus in Apparatu Proposit. 6. Sicut autem est IK ad HK, hoc est, QK ad PK, ita est NK ad MK, in quocunque loco & situ vectis, ut patet ex dictis ibidem; Ergo constat propositum.

PROPOSITIO III.

Quando pondus habet centrum gravitatis supra vectem horizonti aequidistantem, quò magis pondus ab hoc situ vectis elevatur, eò minori indiget potentia ut sustineatur; si verò deprimitur, majori.

Vide Iconismi V.
Fig. XI.

SIt in undecima superiori Figura vectis ED, horizonti aequidistans, cujus fulcimentum C; & extremo ejus E impositum sit pondus IG, habens centrum gravitatis supra vectem: potentia denique sit applicata in D. Moveatur deinde vectis ED in KM. Dico, in hoc situ minorem potentiam requiri ad pondus sustinendum, quàm antea. Sit enim in utroque situ centrum gravitatis ponderis punctum I, ducaturque in primo situ linea directionis IG è centro gravitatis I ad centrum Mundi, & horizonti perpendicularis, erit GC distantia ponderis ab hypomochlio: In secundo
verò

verò situ linea directionis non erit amplius IG , sed IS , perpendicularis horizonti, ac proinde distantia ponderis ab hypomochlio non erit amplius GC , sed SC , quæ minor est quàm GC ; Ergo MC ad SC habet majorem proportionem, quàm DC ad GC ; ergo minor potentia requiritur in M , quàm in D , per *Proposit. 4. Capitis precedentis*. Quò magis autem elevatur pondus, eò magis crescit proportio inter MC & SC .

Moveatur iterum vectis ED in OR . Dico, in hoc situ majorem potentiam requiri ad pondus sustinendum, quàm antea. Sit enim ut antea centrum gravitatis punctum I in utroque situ, & linea directionis in primo situ erit ut antea, IG , in secundo verò situ erit IS , ideoque in primo situ distantia ponderis ab hypomochlio erit GC , in secundo situ SC , quæ major est quàm GC : minorem ergo proportionem habet RC ad SC , quàm RC ad GC , hoc est, quàm DC ad GC , & consequenter quàm pondus ad potentiam; Ergo major potentia requiritur in R quàm in D , per *Coroll. 111. Proposit. 3. capitis precedentis*. Quò magis autem deprimitur pondus, eò minor fit proportio distantie RC ad SC , quàm ponderis ad potentiam.

PROPOSITIO IV.

Quando pondus habet centrum gravitatis infra vectem horizonti æquidistantem, quò magis ab hoc situ vecte pondus elevatur, eò major opus est potentia ut sustineatur; si verò deprimitur, minori.

SIt vectis XT , horizonti parallelus, ut in duodecima Figura suprà posita, ejus fulcimentum A , pondus infra extremum X , potentia applicata in T . Moveatur deinde vectis XT in KS . Dico, in hoc situ majorem requiri potentiam in S , quàm in T . Sit enim in utroque situ centrum gravitatis ponderis punctum O , à quo ducatur perpendicularis horizonti, transiens per centrum gravitatis ponderis, & centrum Mundi, & protrahatur donec secet vectē in utroque situ. Erit hæc perpendicularis in primo situ XT , linea OV ; in secundo verò situ KS nō erit amplius linea OV , sed OK distantia verò ponderis ab hypomochlio erit in situ horizontali VA in altero situ KA , quæ major est quàm VA . Majorē ergo proportionē

Vide Ica-
nism V.
Fig. XII

habet TA ad VA , quàm SA ad KA ; Ergo potentia in T facilis sustentabit pondus, quàm in S : ergo in S majori opus est potentia, quàm in T . Et quò magis elevatur pondus, eò majori opus est potentia, quia semper minor fit proportio inter SA & KA , quàm inter TA & VA ; & consequenter quàm inter pondus & potentiam, Contrarium contingit, quando deprimitur pondus, ut consideranti patet.

CAPUT TERTIUM.

An figura hypomochli conferat aliquid ad facilitatem motus ponderis per vectem.

HUc usque consideravimus pondus, vidimusque quâ ratione se habeat in agendis & minuendis suæ resistantiæ momentis in ordine ad vectem cui applicatur, & in ordine ad distantiam ab hypomochlio, & etiam à potentia. Considerandum nunc est ipsum hypomochlion seu fulcrum, videndumque an ejus figura conferat aliquid ad facilitandum aut retardandum motum ponderis. Pro rei decisione

*Hypomochlion est
omne quod
vectem susten-
sentat.*

Dico I. Hypomochlii rationem posse habere omne id, quod vectem sustentare ita potest, ut in eo, aut circa ipsum, vel ut circa centrum, moveri sursum ac deorsum possit. Hujusmodi autem potest esse funis è quo vectis suspenditur; axis aut clavus qui vecti infigitur; lignum, saxum, aliudvè simile quid, cui innititur vectis, prout in quotidiano fit usu, dum tale illud sit, quod non cedat, sed valeat sustentare vectem cum pondere, quando opus est.

Dico II. Procurandum esse, ut hypomochlium seu fulcrum, quâ parte à vecte primi generis tangitur ac premitur, minimum sit, minimamque latitudinem habeat, alioquin valde variatur ratio momentorum in actuali usu vectis, manente eodem pondere, & eadem potentia. Si enim fulcrum erit sphaericum, aut cylindricum; cum non in eodem semper puncto tangatur, quando pondus elevatur, potentia deprimitur; variatur ratio distantiarum utriusque à puncto, in quo fulcrum à vecte premitur. Tangat enim vectis EG , horizonti æquidistans, sphaeram aut cylindrum in puncto F ; erunt distantiae EF , & CF , & potentia C ad pondus E habebit proportionem, quam habet EF ad CF . Accedat major potentia & vectem

Vide Ico-
nismi V.
Fig. XV.

vectem premit deorsum, ita ut habeat situm $L I$; non tanget amplius sphaeram, aut cylindrum in F , sed in H , fietque minor ratio $L H$ ad $H I$, quàm $C F$ ad $F E$; tantoque minor fiet illa ratio, quanto magis deprimitur vectis, ideoque semper crescere debet potentia ut pondus moveat. Similiter si fulcrum planum sit, ut $O S$, & vectis V tangat illud in O , erunt distantiae VO , OR : at si deprimitur deinde extremum V , & vectis acquirit situm $T X$; tangit fulcrum idem in S , & distantiae sunt $X S$, $S T$; minor autem est ratio $X S$ ad $S T$, quàm VO ad OR ; quare augenda est potentia, cum minuatur potentiae momenta, diminuta ejus distantia à fulcro; augeantur verò momenta ponderis, aucta ejusdem distantia ab eodem fulcro. Quòd si vectis acquirat situm horizontalem $M N$, ita ut tangat fulcrum planum in linea $O S$; valde impeditur motus facilitas, idque præcipuè propter rationem dictam, quia videlicet ut dimoveatur ab hoc situ, debet incipere tangere in S , ac proinde minui debet distantia potentiae à fulcro, & augeri distantia ponderis ab eodem.

Vide Leonis-
ismi V.
Fig. XVI.

CAPUT QVARTUM.

An linea per quam potentia movet vectem, conferat aliquid ad facilitatem ac difficultatem motus.

IN usu vectis, & aliarum etiam subsequen-
tium machinarum, Linea per quam po-
tentia vo-
let movere,
attendenda
est.
valde attendenda est linea, per quam potentia vecti applicata dirigitur in motu suo, & quem angulum linea illa directionis potentiae cum vecte faciat, considerandum; variato enim angulo, etiam potentiae momentum variatur, ut mox patebit: quare quantum fieri potest, servari debet eadem potentiae applicatio & directio in motu suo, ut immutatis viribus, eum eadem semper facilitate sequatur motus ponderis, quantum est ex hoc capite.

Porro optima & maximè legitima potentiae applicatio, tractio, pulsio, motio est, quando ita dirigitur in suo motu, ut cum vecte angulum rectum constituat linea directionis: quò autem angulus magis à recto recedit, eò etiam major percipitur difficultas. Et ratio est, quia cum potentia movet, trahit, pellit ad angulum rectum modo prædicto, tota vis exercetur ad pondus movendum; quando verò motio, tractio, pulsio sit ad angulum acutum, aut obtusum,

tunc vectis urgetur versus fulcrum, vel ab eo quasi retrahitur, ac proinde in hoc aliquid virium absumitur. Sed rem exemplo in vecte primi generis explicemus.

Vide Ico-
nismi V.
Fig. XVII.

Sit vectis AB, habens sub se fulcrum C, & pondus sit in B, potentia vero in A. Certum est, si potentia urgeat vectem secundum lineam AC, sive ex A versus C, sive ex C versus A, cum vectis & suâ & ponderis gravitate premat fulcrum C; aut nullum aut non nisi difficulter securum effectum, id est, motum ponderis, nisi potentia notabiliter superet pondus. Ut ergo pondus moveatur à potentia etiam debiliore ipso, debet potentia deorsum movere, idq; vel per lineam AI facientem cum vecte angulum rectum, vel per lineam AE facientem cum eodem vecte angulum acutum, vel denique per lineam AF facientem angulum obtusum. Ac per AE lineam descendit quidem potentia, & ascendit pondus, sed simul trahitur seu impellitur A versus C, eòq; magis quò acutior est angulus CAE; ergo ex hac tractione vectis versus punctum fulcri, & centrum sui motus, aliquid virium inutiliter deperditur, ita ut majori nisu opus sit ut pondus elevetur. Similiter per AF descendit quidem potentia A, sed simul quasi retrahitur A ut magis removeatur à fulcro C, eòq; magis, quò angulus CAF est obtusior. Solum per lineam AI, facientem cum vecte angulum rectum, cum neq; A versus C urgeatur, neq; ex C retrahatur, tota vis potentia impenditur ad pondus elevandû ex vectis depressione. Quia verò vectis extremum A in motu deorsum describit arcum circuli circa punctû C, debet singulis momentis mutari linea directionis potentia, ut ad angulum rectum semper maneat æqualiter applicata; quare etiam ipsa potentia debet circulariter moveri, si est applicata in A. Quòd si AI funis esset, & potentia esset applicata in I, deberet punctum I describere arcum circuli, ut servaretur semper angulus rectus funis cum vecte.

Discrimen
inter vectes
in ordine ad
motum
ponderis.

Quæ de vecte primi generis diximus, applicari faciliè possunt vecti secundi & tertii generis. Est tamen magnum discrimen inter vectem primi, & vectem secundi, ac tertii generis in ordine ad motum facilitandum, etiam si potentia feratur secundum lineam rectam facientem cum vecte angulum rectum. Nam in vecte primi generis potentia premit deorsum, ut pondus ascenda: unde oritur duplex commodum, & adjumentum ad facilitandum

motum

motum, primum est, quòd ipsius vectis gravitas juvat potentiam, quia ipsa etiam deorsum urget, tantò magis quanto longior est distantia potentia quam ponderis, secundum est, quod quando homo potentia deorsum moventis vicem agit, non solum ipsa brachia motoris premunt deorsum, sed etiam totius corporis gravitas, si permittatur ipsi vecti incumbere, vel independere, ut communiter fieri videmus in ingentium ponderum elevatione. At in vecte secundi ac tertii generis, tam potentia, quam pondus debent ascendere; ad quem motum non potest totius corporis gravitas concurrere, sed sola musculorum tensio, & præterea ipsius vectis gravitas resistit motui.

CAPUT QUINTUM.

An quodvis pondus quavis potentia quovis vecte moveri queat.

Q Vinque simplicibus ac fundamentalibus Machinis, quas inter vectis est, quodvis pondus quavis data potentia moveri posse, asseruimus suprâ in hujus Libri Proœmio, cum Pappo Alexandrino, aliisque Mechanicorum Scriptoribus passim. Id nunc in vecte explicandum ac demonstrandum est. Quod ubi fecerimus, mirum nemini videbitur, aliis Machinis idem fieri posse, quod tam simplici Machina qualis hæc est, tam facile & evidenter fieri potest. Quoniam verò tria sunt vectis genera, singula ad examen vocabimus.

Supponimus autem I. ea quæ in præcedentibus demonstravimus, nimirum, quando distantia potentia ab hypomochlio in vecte quocunque, ad distantiam ponderis ab eodem, est ut pondus ad potentiam, sequi consistentiam & æquilibrium inter potentia & pondus: quando vero major est proportio distantia potentia ab hypomochlio ad distantiam ponderis ab eodem, quam pondus ad potentiam, sequi motum, & potentiam attollere pondus.

Supponimus II. quantitatem continuam licet minimam, hoc ipso quod est quantitas, habere intrinsecâ proprietatē divisibilitatis in alias atq; alias partes minores ac minores in infinitū, ita ut sæper maneat quantitas quoniā divisio per se non est annihilatio. Et licet ab homine ea divisio in tam minutas partes fieri nequeat,

ab Angelo tamen fieri potest, nec ex parte subjecti repugnat.

Supponimus III. data quacunque quantitate, dari posse majorem, & distantia aliqua quantum vis elongata, posse eam amplius elongari. His suppositis sit

PROPOSITIO I.

Veſte primi generis quodvis pondus moveri poteſt quævis potentiâ, idque multis modis.

Vide Icon
n ſmi V.
Fig. I.

*Veſte primi
generis po-
teſt quævis
potentiâ
quodvis po-
dus move-
re; multis
modis.*

*Primus
modus.*


SIt enim veſtis AB, & pondus ſit in A, potentia in C. Si veſtis ſpatium AC dividatur in D ita, ut distantia CD ad distantiam AD, ſit ut pondus ad potentiam, potentia ſuſtinebit pondus, per *Propoſit. 3. capitis I.* Si autem promoveatur potentia verſus B, erit jam major proportio distantie CD ad distantiam AD, quàm ponderis ad potentiam; movebit ergo potentia pondus, per *Propoſit. 4. ejusdem capitis.* Quod ſi potentia diminuatur, & promoveatur ad E, habeatque ED majorem proportionem ad AD, quàm pondus ad potentiam, iterum movebit pondus. Idem eveniet, ſi adhuc magis diminuatur potentia, & magis promoveatur verſus B, veletiam ultra B protrahit, dummodo distantia potentie ab hypomochlio distantiam ponderis ab eodem ſuperet magis, quàm pondus potentiam. Quoniâ igitur potentia poteſt ſemper magis & magis diminui & distantie ejus ab hypomochlio ſemper magis & magis augeri; poterit quævis potentia datâ quodvis pondus movere per veſtem primi generis. Et hic eſt unus modus.

*Secundus
modus.*

Alter modus eſt, ſi potentia in eodem puncto B, aut E aut C manens diminuatur, hypomochlium vero recedat à puncto D verſus A, ita ut distantia potentie ab hypomochlio ſemper magis ſuperet distantiam ponderis ab eodem, quàm pondus potentiam, tunc enim propter cauſam jam dictam quævis minima potentia poterit quodvis datum pondus movere. Et hic eſt ſecundus modus.

*Tertius
modus.*

Tertius modus eſt, ſi creſcat pondus, & ſimul decreſcat potentia, ſed quanto plûs creſcit pondus, & decreſcit potentia, tantò plûs creſcat distantia potentie ab hypomochlio ſupra distantiam ponderis ab eodem, ſive id ſit per reſeſſu potentie ab hypomochlio,





chlio sive per accessum hypomochlii ad pondus, & recessum à potentia. Et hoc modo quavis potentia movere potest non solum quodvis datum pondus, sed etiam absolute quodvis pondus. Demonstrationem magis mathematicam hujus rei vide apud *Guidubaldum* Proposit. 12. de vecte.

COROLLARIUM.

Colligitur hinc, etiam quovis minimo pondere applicato in loco potentiae, moveri posse per vectem primi generis quodvis pondus datum, quia eadem est utrobique ratio.

PROPOSITIO II.

Vectis secundi generis quodvis pondus moveri potest quavis potentia, idque totidem modis quot antea.

Sit vectis secundi generis *FG*, & potentia sit in *I*, fulcimentum in *F*, pondus in *H*. Si *IF* ad *FH* majorem habet proportionem, quam pondus ad potentiam, quantumvis magnum sit pondus, & quantumvis exigua potentia, poterit hæc illam movere, per *Proposit. 4. capitis I.* Et quoniam quanto magis potentia diminuitur, tanto magis promoveri potest versus *K*, & versus *G*, & etiam ultra *G* protrahitur; ita ut semper major sit proportio distantiae ipsius à fulcimento ad distantiam ponderis ab eodem, quam ponderis ad potentiam; constat quamvis potentiam movere posse quodvis pondus datum vectis secundi generis. Idem fiet, si diminuatur potentia in eodem puncto manens, & pondus datum promoveatur à puncto *H* versus punctum *F*. Quod si pondus semper crescat, & potentia semper diminuatur, adhuc poterit potentia quantumvis parva movere pondus quantumvis magnum, si vel sola potentia decrescens magis elongetur à fulcimento, vel solum pondus crescens elongetur magis à potentia, & appropinquet fulcimento, vel ex una parte potentia elongetur à fulcimento, & ex altera pondus accedat. Demonstrationem accuratiorem vide apud *Guidubaldum* loc. cit.

Vide Iconismi II.
Fig. II.
Vectis secundi generis potest quodvis pondus moveri quavis potentia multitudine modis.

ANNOTATIO.

Non potest tamen per vectem secundi generis moveri quodvis pondus maximum à quovis minimo pendere in loco potentiae admo-

imò ne quidem à quovis maximo pondere; nam potentia ut moveat pondus per vectem secundi generis, debes tendere sursum; pondus autem in loco potentia appensum non potest tendere sursum, sed deorsum tendit gravitate suâ: nisi trochleam simul adhibere velimus.

PROPOSITIO III.

Vectis tertii generis non potest moveri quodvis pondus quavis potentia.

Vectis tertii generis non potest moveri quodvis pondus quavis potentia. Vide Iconismi VI. Fig. III.

Ratio est, quia in vecte tertii generis potentia & sustinens, & movens pondus, semper debet esse major quàm pondus, quia major est distantia ponderis à fulcramento, quàm potentia à eodem, uti ex dictis constat, & ex apposta figura, qua representat vectem tertii generis, in quo fulcramentum est in K, pondus in S, potentia in T inter fulcramentum & pondus. Licet igitur potentia possit semper magis & magis removeri à fulcramento, & accedere versus pondus S, ac proinde semper decrescere, & tamen adhuc sustinere & movere pondus datum; licet præterea fulcramentum K possit semper magis & magis removeri à potentia T, & à pondere S, & interim decrescere potentia, debet tamen potentia semper manere major quàm pondus. Non ergo quælibet exigua potentia potest movere quodlibet datum pondus, & multò minùs quodlibet pondus dabile, per vectem tertii generis.

CAPUT SEXTUM.

Paradoxa Mochlo-Mechanica, de admirabili & infinita virtute vectis.

Audax & admirandum est Problema explicatum atque demonstratum, per vectem primi & secundi generis datum quodcunque pondus maximum moveri posse datâ quacunque minimâ potentia, & consequenter minimo sacomate, seu contrario & opposito pondere. Idem problema mirabiliter efficiunt duo sequentia Paradoxa. In quibus tamen supponi debet vectem gravitate esse præditum.

PARADOXUM PRIMUM.

Datum quodvis pondus sine ulla potentia moveri potest vecte primi generis.

Paradoxum proponit atque ostendit *Bettinus* in usu statera: *Apiario* 4. *Progymnas.* 2. *Proposit.* I. *Corollariol.* Sed eadem est ratio de veste primi generis. Nam dato aliquo pondere, fieri potest ut distantia major in veste ab hypomochlio ad distantiam minorem habeat longè maiorem proportionem, quàm datum pondus ad aliud, ac proinde propter solam elongationem suam distantia illa major præponderet minori unà cum pondere appenso, uti quotidianâ experienciâ constat. Ergo si dato quocunque pondere, etiam infinitæ ponderationis, adhuc magis & magis elongetur major illa distantia, poterit se solâ ponderi præponderare, & ponderatione suâ illud elevare. *Bettinus* loc. cit. putat, non posse datum pondus elevari sine data potentia per simplicem vestem, quia sine potentia extremo vestis applicata, vestis nec sponte suâ, nec etiam alio pondere addito, deponari posset in quavis distantia à fulcimento. Rationem afferemus & refutabimus capite sequente. Idem *Bettinus* ibidem requirit in statera, ut statera vestis sit in materia æqualiter protensa, hoc est, æqualis crassitie & ponderis secundum omnes suas partes. Sed hoc neque in statera, neque in veste necessarium est, nam si major distantia crassior & ponderosior est quàm minor, facilis & in minori elongatione elevabit minorem cum pondere, si autem minor est crassior & ponderosior, potest nihilominus major elongari, donec minorem cum pondere superet.

Veste primi generis moveri potest quodvis pondus sine potentia aut pondere alio.

PARADOXUM SECUNDUM.

Veste primi Generis etiam minimo, quâvis potentiâ datâ moveri potest quodvis pondus.

Præcedens Problema seu Paradoxum videri potest inutile, ob nimiam vestis productionem, quæ faciendâ esset in usu ejus Problematis, & ob nimiam machinæ in longum extensæ gravitatem. Aliud ergo proponimus cū *Bettino* loc. cit. *Coroll.* 2. de veste quolibet etiam minimo, & ostendimus tali veste datam quâcunque potentiam parvam movere posse datum quodcunque pondus magnum. Sequitur hoc ex dictis præcedenti capite. Nam quia distantia minor ponderis à fulcimento dividi semper magis ac magis in infinitum potest, & fulcimentum semper magis magisque

Veste primi generis minimo potest moveri quodvis pondus quâvis potentia.

promoveri versus pondus; quanto autem magis promovetur fulcimentum versus pondus, tanto magis decrefcit minor distantia, & crefcit major; & quando magis crefcit major, & decrefcit minor, tanto minor potentia requiritur ad movendum datum pondus, & tanto majus pondus moveri potest à data potentia, imo tanto magis pondus crefcere, & potentia decrefcere potest, uti ex dictis constat: ideo patet propositum.

PORISMA.

possis primi generis rem infinitam continere.

In finita ergo vis in veste primi generis etiam minimo, hoc est, non tanta quin major esse possit. Verum tamen est, etiam hoc Problema inutile esse, quia impossibilis nobis est infinita illa divisio, & quia licet factâ quacunque divisione sequatur, mathematicè loquendo, prædictus effectus, hoc est, motus aliquis ponderis, physicè tamen & ad sensum nullus sequitur.

COROLLARIUM.

Item vestis secundi generis.

Colligitur hinc, etiam de veste secundi generis idem esse dicendum. Nam sicut in veste primi generis fulcimentum potest semper magis promoveri versus pondus, ita in veste secundi generis pondus potest semper magis promoveri versus fulcimentum, ideoque semper potest crefcere distantia major à fulcimento supra majorem ab eodem; & quoniam in majoris extremo est potentia, & in minoris extremo pondus, ideo semper potest esse major proportio distantie potentie & distantie ponderis, quàm ponderis & potentie.

CAPUT SEPTIMUM.

An Orbis Terrarum per vestem moveri possit à quovis minimo pondere, aut potentia.

Quoniam ostensum fuit, vestem primi & secundi generis moveri posse quodvis pondus à quavis potentia, & etiam à quovis pondere in primi saltem generis veste: evidens videtur etiam Terrarum Orbem, quantævis ponderositatis sit, moveri posse dicta ratione. Dixi, vestem primi & secundi generis, quia de veste tertii generis non potest esse quæstio, cum constet ex dictis Propositionibus.

posit. 3. capitis præcedentis, id fieri non posse, quoniam potentia deberet esse semper major quàm Orbis Terrarum. De solo ergo vecte primi & secundi generis procedit quæstio. Et non solum quæritur an arrogans illud Archimedis promissum, *ὅς μοι πῦς ὤλῃ, κινῶ τὴν γῆν, Da mihi consistam, & Terram movebo*, vecte tentari atque exsolvi queat, sed etiam utrum id fieri possit à quavis data potentia, aut pondere.

P. Marius Bettinus Apiario 4. Progymnas. 2. Proposit. 1. ait, *Vide Iconismi VI. Fig. IV. Vultis an moveri possit Terra.* id fieri quidem posse statera (qualem fingit C D, suspensam in EF, cujus extremo C appensus sit Terrarum Orbis AB, alteri vero extremo B applicata sit potentia, aut pondus) vecte verò per se sumpto (licet vectis primi generis statera sit) minimè. Nam si vectis BK, cujus hypomochlium G, imponatur ex una parte in distantia minore globus Terraqueus AB, & ex altera parte in distantia majore applicetur pondus K (de solo pondere ipse loquitur, non de potentia) non videtur elevari posse Terraqueum globum à pondere, propter repugnantiam quam efficeret pondus in altera vectis parte positum, id est, ibi, ubi deberet esse potentia movens &c. Pondus enim in K quoniam non ponderabit deorsum à Terra, non poterit Terram sursum movere, etiamsi addatur aliud quodlibet majus pondus in K &c. Ratio est, quia pondus K ponderaret versus Terram AB, ac versus Universi centrum. Neque enim idem evenires infra Terram posito vecte, quod accidit hominibus circa Terram habitantibus, dum volunt per vectem primi generis pondus aliquod movere. Nam quia pondus in altero vectis extremo, ubi locatur potentia movens, degravat versus centrum Terra ac Universi, ad quod tendere nititur, ideo attollit pondus positum in altero vectis extremo. At in K si degravaret, niteretur à Terra atque ac Universi centro recederet. Scimus tamè proponi posse Problema in usu vectis secundi generis, ita ut Terræ motus interponatur inter hypomochlium & potentiam, & in K loco aequipondii ponatur potentia movita suspellense extremum K. Sed nos volumus, non potentia, sed pondere pondus Terræ movere; nec volumus ex parte moventis ullam requiri vim à libera viventis potentia motrice profectâ. Ac sane etiamsi vectis BK Terra suppositus in infinitum produceretur, tamen aliqua vis adhibenda esset à potentia, quæ niteretur suspellere vectis extremum K; quod, si ve producto vecte in infinitum, si ve pondere quolibet addito,

nec sursum, nec deorsum moveretur, quoniam pondus quodlibet in Appensum niteretur in latus, & oblique versus Terrā AB, non autem rectè sursum, vel deorsum à centro. Ob hoc igitur vectem simplicem reiicimus.

Hactenus Bettinus Propositione I. citata Sequenti ergo Propositione 2. eligit stateram ob rationes, ut ipse ait, contrarias rationibus præcedentibus, & ob commodum prædictis oppositum. Nam si stateram CD (sic discurrit ipse) suspensamingas in EF, & suspensam Terram in C; pondus in D niteretur deorsum, licet oblique, sed tamen versus Universi centrum. Ac si tantum sit pondus, aut in tanta distantia, ut præponderet, ac moveat extremum D, consequenter movebitur AB è loco suo. Ergo sequentia circa propositam quæstionem statuo.

PROPOSITIO I.

Per vectem primi generis dimoveri potest Orbis Terrarum è suo loco quovis pondere, & quavis potentia, si Orbis ille à vecte suspendatur.

Vide Iconisimi VI. Fig. V. Vecte primi generis moveri potest Terra sustenta à quavis potentia.

SI vectis CB, ut in præcedenti Figura, in cuius extremo C suspensus sit orbis terrarum AB, in altero vero extremo B appensum sit pondus, vel applicata potentia, & loco ansæ EF in priori Figura, sit fulcimentum EF inter pondus & potentiam seu pondus Dico, si locus sit in quo statuaturs fulcimentum, & disponatur vectis, moveri eo posse Orbem terrarum AB, à quolibet pondere aut potentia in B, saltem protrahito. Nam quantavis ponderositate sit Terra AB, & quantavis levitatis pondus, ac debilitatis potentia, in B: potest vectis versus B ita prolongari, aut fulcimentum EF ita appropinquare ponderi AB, ut major sit proportio distantie majoris BE ad distantiam minorem CE, quàm ponderis majoris AB ad pondus aut potentiam minorem in B. Ergo per demonstrata in præcedentibus sequi debet motus. Et in hoc casu eadem est ratio de vecte, ac de statera; quod enim in statera facit ansa EF, facit in casu nostro fulcimentum EF. Unde non video, cur Bettinus eligat stateram, & reiiciat vectem primi generis absolute. Omnes enim rationes, quas pro statera affert, militant etiam pro vecte in casu posito; & difficultates, quas ipse contra vectem affert, tantum locum habent in casu, quo Orbis Terrarum imponderetur extremo C, ita

C, ita ut centrum gravitatis Terræ, & centrum Universi esset supra vectem. Licet enim pondus & potentia extremo B incumbens gravitate suâ nitantur ad centrum Terræ & Universi per lineam rectam BD, quia tamen à motu per illâ lineam impediuntur, propter applicationem ad vectem rigidum; nituntur ac feruntur per lineam obliquam BG, eo prorsus modo, quo nunc de facto pondus exiguum in majori distantia vectis præponderans ponderi majori, nititur ac fertur deorsum per similem lineam ac viam obliquam seu circularem. Et ratio est, quia quam diu vectis parallelus est horizonti suo (qui in situ proposito repræsentatur per lineam DI) & pondus ab extremo ejus B dependet, non detinetur in tali situ ab opposito pondere AB, nec ab eo dimovetur à tali situ sed ipsum potius præponderat ponderi AB; potest movere ac descendere versus horizontem DI, saltem per lineam circularem BKF, semperque fieri vicinior centro Universi, (quod in D maneret, etiamsi Terrarum Orbis elevaretur versus H) quia brevior est recta DK, & quævis alia ex eodem puncto D ad arcum BKG ducta, quàm recta DI, & quævis alia ex eodem puncto D ad arcum BIL ducta. A quovis ergo pondere per vectem primi generis moveri potest Orbis Terrarum. Quod autem de pondere diximus, intelligi etiam potest ac debet de quavis potentia extremo B vectis applicata, sive supra vectem, sive infra, sive in ipso vecte prope B consistat, est enim eadem utrobique ratio, ut consideranti patet.

COROLLARIUM.

C Olligitur hinc, etiam sine pondere per solum vectem primi generis prolongatum, moveri posse Orbem Terrarum, quoniam ^{imo sine pondere, aut potentia.} tam diu prolongari potest, donec suâ solâ gravitate, suoque momento, sine ulla potentia aut pondere addito, præponderet Terrarum Orbi.

ANNOTATIO.

Q Vantum autem debeat esse momentum vectis prolongati, sive cum pondere aut potentia, sive sine illis, ut Terrarum Orbi præponderet, determinari certo non potest, quoniam non scimus posidus præcisum disti Orbis. Si tamen fingamus, aut supponamus certum aliquod & determina-

determinatum ipsius pondus, quale nos supposuimus superiore libro cap. 2. statui potest aliquid verisimiliter, ut videbimus infra in fine hujus Capituli. Existimo autem, non requiri majus momentum, aut majores vires, ad dimovendam Terram è centro Vniuersi. quàm ad eandem mouendam si extra centrum Vniuersi existeret, quia nullam virtutem attractivam aut retentivam agnosco in dicto centro, præter solam Terræ gravitatem innatam, quam retinet eandem semper, siue in centro Vniuersi existat, siue extra.

Quæstio, ejusque solutio.

Sed quàm diu moveretur pondus aut potentia cū brachio vectis majore deorsum in circulo BKG &c. & Terra appensa cum brachio minore sursum? Quoniam pondus aut potentia cum brachio vectis majore movetur deorsum in dicto circulo BKG &c. ut propinquius fiat extremum B centro Vniuersi; existimo, si liberè gyron possit vectis circa punctum E, tam diu motum iri, donec vicinissimum foret in illo circulo Vniuersi centro D, hoc est, donec perveniret ad illud punctum in dicto circulo, ex quo puncto ad centrum D duci posset linea brevissima, cujusmodi esset punctum aliquod oppositum diametraliter puncto B; ab hoc enim puncto dimoveri amplius naturaliter non posset, quoniam deberet recedere à centro Vniuersi, id est, magis ab eo elongari; quod naturæ gravium repugnat.

PORISMA.

Patet ex hac solutione, non posse vectem dictâ hactenus ratione dispositum, & circa punctum F liberè in gyrum mobilem, moveri perpetuò circa dictum punctum, prout fortassis aliquis sibi persuadere potuisset.

PROPOSITIO II.

Per vectem primi generis nullo pondere dimoveri potest Orbis Terrarum è suo loco, si vectis extremo superponatur.

Vide Teo-
nismi VI.
Fig VI.

Sit vectis primi generis BC, cujus hypomochlium DE firmatum sit divinâ virtute extra Terrarum Orbem, & vectis extremo B minoris distantie superpositus sit Orbis Terrarum AB, ita ut cen-
trum

trum gravitatis Terræ F (quod simul sit centrum Universi) existat supra vectem, alteri verò extremo C distantia majoris sit applicatum pondus. Dico, per vectem tali modo dispositum, non posse dimoveri Terram è suo loco, hoc est, è centro Universi, quâ-
 rumcunque sit pondus in C appensum, & quantumcunque protendatur distantia D C. Imò quanto majus erit pondus in C, & quanto magis prolongabitur distantia D C, tantò minùs dimoveri poterit Terra. Ratio est, quia factâ tali dispositione vectis cum ponderibus appensis, ut Terra dimoveretur è suo loco, deberet extremum C vectis cum pondere suo moveri versus G, describendo arcum C G circa centrum D, & alterum extremum B cum Terra superposita deberet moveri à B versus A. Non posset autem naturaliter moveri pondus in C appensum versus G, quia recederet à centro Universi F; sed deberet moveri versus H, sicut enim magis accederet ad centrum Universi F. Idem dicendum est de majori distantia vectis D C, hæc enim ob gravitatem suam tendit versus H, & non versus G; Et quidem quò longior est distantia D C, & quò majus est pondus in C appensum, eò major repugnantia adest ad motum versus G, & eo major pronitas ad motum versus H. Patet ergo propositum. Demonstrationes mathematicas non afferro, quoniam hæc sufficienter, ni fallor, rem elucidant.

Velle primi generis non potest moveri Terra superposita vecti à pondere.

PROPOSITIO III.

Non quævis potentia, sed illa solùm, quæ & globi Terraquei, & vectis versus centrum ejus nitentis, resistantiam vinceret, movere potest è loco suo dictum Terraqueum globum, per vectem priori modo dispositum.

Ratio clara est, quia potentia extremo D applicata, deberet niti versus G, & movere vectis brachium C D versus idem G, huic autem nisui & motui resistit Terræ & vectis gravitas, & ejusdem vectis nisus versus H.

Nec à qua. via poterit.

ANNOTATIO.

Quæcumque diximus de Terraquea extremo & minori brachio B D superposito, intelligi etiam debent de eadem eidem brachio affixâ, ut centrum gravitatis Terraquea esset in ipso vecte.

Partis III. Lib. II.
PROPOSITIO IV.

*Veſte ſecundi generis poteſt qualibet data potentia movere
Terraquam, ſurſumpellendo.*

Vide Ico-
niſmi VI.
Fig. VII.
Veſte ſe-
cundi gene-
ris poteſt
quæ via poteſt
iſa movere
Terram,
ſurſum pel-
lando.

Eſto veſtis ſecundi generis AB, in cujus extremo A ſit fulci-
mentum, in altero extremo B potentia data, quantumvis
parva, in intermedio puncto C Terraqua, vel ſupra veſtem, vel in-
fra alligata, vel circa. Dico, potentiam poſſe dimovere Terra-
quam hoc veſte de loco ſuo, ſurſum eam pellendo. Ratio eſt, quia
distantia CB poteſt in tantum prolongari, ut ſit major proportio
BA ad CA, quàm Terraquæ ad potentiam. Patet ergo propoſi-
tum, per demonſtrata in præcedentibus.

AUCTARIUM MACHINARIUM.

*Quanto pondere, aut quantâ potentia morvente, cum veſte
primi generis, opus ſit ad totam Terram loco
movendam.*

Veſte primi
generis cum
quanto pon-
dere aut po-
tentia mo-
veri poteſt
Terra.

Huic quæſtioni ut respondeatur, ſtatuerè priùs oportet quan-
tum ponderet plùs minùs Terra, ſeu Terraqua. Varij varios
habent calculos. Nos ſuprà lib. I. cap. 2. attulimus calculum Stevi-
ni, Merſenni, & Anonymi cujuſdam Mathematici doctiſſimi
apud Forerum in Viridario Philoſoph. Diſput. de Mechanicis,
Num. XLVII. Horum ultimus ſic procedit.

§. I. Sententia Anonymi.

Terraquæ
globi pon-
dus inveni-
re.

Sphæculam ex terra, lapiliis, & ferro compactam, cujus diame-
ter ſit trigefima pars unius paſſus geometrici, ſtatuit ponderare
unam libram. Quia igitur unum milliare germanicum haber paſ-
ſus 5000. (loquitur de milliariſ majoribus, nam communibus
tribuuntur paſſim à Geographis & Mathematicis Germanis paſ-
ſus tantùm 4000.) & diameter Terræ milliaria germanica 1720.
(quæ faciunt Italica 6880. quot nos ſuperiori Libro cap. 6. Ero-
tem. 8. cum communiori ſententia attribuimus eidem, dando
cuiſlibet germanico quatuor Italica; Si duco 30. in 5000. & pro-
ductum in 1720. producit hic numerus, 258000000. Atque to-
ties continet diameter Terræ diametrum ſphæculæ pendentis
libram

libram unam. Quia verò quæ est proportio 7. ad 22. talis est diametri ad perimetrum circuli, scilicet tripla sesqui septima, *Per proposit. 3. Archimedi Libelli de dimensione circuli*; si dico, 7. dant 258000000. quid dant 22. reperio hunc numerum 676000000.

& toties continet perimenter Terræ diametrum sphaeræ⁷ unam libram ponderantis. Rursus si semidiametrum duco in semiperimetrum, nempe 129000000. in 2838000000. produco 3661020000

0000000. aream circuli maximi Terræ, *per Proposit. 1. Archimedi Dimensione circuli*: quâ ductâ in diametrum, produco 944543160000000000000000. Atque hic numerus est cylindrus, cujus

altitudo & diameter basis æquantur diametro Terræ. Et quia qualis est proportio 3. ad 2. talis est cylindri ad sphaeram, cum sphaeræ diameter æqualis est diametro basis, & altitudini cylindri, *per Corollar. Proposit. 31. lib. 1. de Sphaera & Cylindro*. (hactenus bene processit hic Auctor, sequentem numerum unde deducat, nescio) fit ut sphaera ponderet 899564914385714285714285 $\frac{1}{7}$. Atque tot libras ponderat Terrarum Orbis, imò pauciores, cum proportio peripheriæ circuli ad diametrum sit paulò minor quàm, $\frac{7}{2}$ ad 1. Hoc supposito, sic prosequitur Auctor suum discursum. *Detur pertica ferrea, quæ ex utraque parte cælo Luna imponatur, absitque à Terra quotquot placet miliaribus. Dico, si huic pertica, quæ hypomochlii loco esse debet, vectis debita longitudinis imponatur, unicâ manu Terram quocunq; places moveri & impelli posse. Si enim Terra uno milliari germanico ab hypomochlio suspendatur in una extremitate vectis, poteris quilibet, si ab altera hypomochlii parte tot miliaribus recedat, quot libras Terra ponderat, Terram movere & impellere quocunque libuerit. Quod si Terra dimidio tantum milliari ab hypomochlio absit, sufficit per asmidiam tantum partem librarum, quas Terra ponderat, abscedere. Si Terra duobus miliaribus ab hypomochlio absit, debebit & Terram moturus per duplum librarum, quas Terra ponderat, ab hypomochliorecedere.* Hæc ille. Et ratio est, quia tunc erit major proportio distantia potentia ad distantiam Terræ suspensæ, quàm ponderis Terræ ad potentiam hominis, quæ utiq; major est quàm unius libræ.

*Terraquei
globi pon-
dus aliter
invenire.*

Ex hoc sequitur, si in dicta dispositione ac divisione vectis suspenderetur ex minori distantia Terra, ex majori vero in primo quidem casu paulò plùs quàm dimidiæ libræ, & in tertio casu paulò plus quam duarum librarum pondus; adhuc secuturum motum Terræ. Ratio est eadem.

§. II. Sententia nostra.

Aliter inveniri potest pondus Terræ, posito quòd Sphæcula ex Terra, lapillis, & ferro composita, cujus diameter sit pars trigesima unius passus geometrici, ponderet unam libram; si nimirum sequamur regulam Euclidis lib. 12. Propos. 18. Element. ubi demonstrat, Sphæras habere triplicatam rationem seu proportionem suarum diametrorum. Triplicetur ergo proportio quæ est 1. ad 30. sic: 1. 30. 900. 27000; eritque Sphæra ex terra, lapillis, & ferro conflata, cujus diameter est unius passus, ad sphæram ex eadem materia, cujus diameter est trigesima pars unius passus, sicut quartus numerus ad primum, seu unitatem, & consequenter ponderat libras 27000. Quoniam vero unum milliare Italicum continet 1000. passus, triplicetur iterum proportio quæ est 1. passus ad 1000. passus, sic. 1. 1000. 1000000. 1000000000; eritque sphæra cujus diameter est unius milliariis Italici, ad sphæram, cujus diameter est unius passus, sicut quartus numerus ad primum, hoc est, ad unitatem; qui quartus numerus si ducatur in 27000. numerum scilicet librarum contentarum in sphæra, cujus diameter unius passus est, producet hic numerus, 2700000000000. Et tot libras continebit sphæra, cujus diameter est unius milliariis. Præterea quoniam diameter Terræ continet milliaria Italica 6880. si proportio inter 1. & 688, ottriplicetur sic: 6880. 47334400. 3256606720000; cõtinebit Terræ seu Terraquæ globus toties sphæram milliariam, quot unitates continet quartus numerus; qui numerus si multiplicetur per numerum librarum quæ competunt sphære milliariæ, producet hic numerus, 87928. 381440000000000000000. Et tot libras pendet Terrarum Orbis, positis præmissis.

Hoc supposito, ajo, non esse necessarium, ut vectis distantia minor, ex qua penderet Terra, recederet ab hypomochlio uno milliari Italico, & distantia major, cui applicaretur potentia unius hominis

hominis, recederet ab eodem tot milliaribus, quot libras ponderat Terra, ut potentia illâ posset movere Terram per vectem, ut vult Anonymus Mathematicus; sed sufficit, si vectis cuiuscunque longitudinis dividatur in tot partes æquales, unâ ampliùs, quot libras continet Terra, & pars una deputeretur distantie minori, reliquæ vero partes distantie majori attribuantur. Si enim tunc ex distantia minore penderet Terra, & in majoris extremo premeret deorsum potentia unius hominis, moveretur loco suo Terra, quoniam major esset proportio distantie majoris ad minorem, quàm ponderis ad potentiam, nam suppono hominis potentiam superare potentiam seu vim deprimendi deorsum unius libræ. Idem contingeret, si loco potentie applicaretur pondus paulò majus quam unius libræ. Quod si divisio partium vectis fieret duplo minor, sufficeret dimidia longitudo vectis ad Terram movendam, tum per, hominem, tum per pondus paulo majus unâ libræ.

Abstraho autem hic, uti in præcedentibus semper, à gravitate vectis, & considero vectem ac si omnî eâ careret: nam si gravitate attribuamus vecti, adhuc minor potentia & pondus sufficit ad Terram movendam. Imo sine ulla potentia aut pondere applicato moveri poterit, & etiam per minimum vectem, saltem mathematicè loquendo, uti ex dictis cap. 6. constat.

COROLLARIUM.

EX dictis colligitur, si Problema de motu Terræ per vectem reduci posset in praxin, exactissimè & mathematicè inventri posse gravitatem ipsius, si nimirum in brachio vectis longiore suspenderent pondus notum, quod velut antisacoma Terram sustineret, & vectem in æquilibrio constitueret. Nam sicuti distantie tunc essent in ratione reciproca ponderum, ita etiam, pōdera forent in ratione reciproca distantiarum. Ex notis igitur distantiiis, & noto pondere antisacomatis, notum fieret pondus Terræ, per regulam Proportionum.

CAPUT OCTAVUM.

Errotema Mochlo-Mechanica, in quibus explicatur usus & potentia mirabilis vectis in variis Instrumentis & Machinis, aliisque rebus passim occurrentibus.

*Erotema
Mechlo-
mechanica*

Innumeræ panè sunt Machinæ & Instrumenta opificum; in quibus usus & potentia vectis mira elucet; multa que alia quotidie spectamus oculis, contrectamus manibus, in quibus vim eandem mirantur quidem omnes, at pauci ejus causam inquirunt, pauciores sciunt. Certè ea talia sunt, ut Aristoteles ipse dignam ingenio suo materiam ea censuerit, unde diligenter non minùs quàm acutè in libro de Mechanicis Quæstionibus inter alias Quæstiones ea enodat. Aristolem sequuntur multi, inter quos est Baldus, Guevara, Monalholius, Blancanus, qui Mechanicas Aristotelis Quæstiones elucidant, alique multi qui aliâ occasione de iis tractant. Hos imitabimur & quæcunque repererimus, in quibus vectis usus & potentia elucet, & ad alias subsequentes fundamentales Machinas commodius reduci non possunt, persequentes Quæstiones explicabimus.

EROTEMA I.

Cur hastæ longæ plus ponderant, si in uno extremorum, quàm si in medio arreptæ eleuantur è terra?

*Hasta in
uno extre-
mo appre-
hensa, cur
plus ponder-
ant.*

EXperientiâ quotidianâ constat, sarissas seu hastas longas, quibus hastati milites utuntur, humi prostratas facillimè elevari, facillime quæ manu sustineri in situ horizonti parallelo, aut ad horizontem inclinato, si in medio arripiantur manu, adeo ut vel uno digito sustententur; at quando in uno extremo apprehenduntur manu seu pugno, non nisi summo conatu adhibito elevari, & cum maxime difficultate teneri aut horizonti parallelas, aut ad horizontem inclinatas. Unde milites dum feriantur in obsidionibus aut excubiis, ut roboris sui experimentum faciant, & commilitonibus ostentent, eos dicto posteriore modo apprehensas vel unâ, vel etiam utraq; manu, elevant atque erigunt, donec perpendicularem obtineant situm.

Causa hujus rei ex dictis pendet de vecte. Nam quando in medio arripitur ac sustinetur hasta, manus aut digitus habet rationem solius hypomochlii, cui hastæ pondus hinc inde æqualiter divisum incumbit, ideoque cum neutra pars hastæ alteri præponderet, nullam inter sese pugnam in manu exercent, manusque non nisi solum hastæ pondus experitur. At quando in una extremitate

arrepta

arcepta elevatur ac sustentatur in horizontali aut inclinato situ ^{V. de Ico-} hasta, tunc manus subit & munus hypomochlii vectem in partes ^{nismi VI.} inæquales divisum sustententis, & præterea munus potentie ma- ^{Fig. VIII.} joris partis pugnam cum minore experientis. Sit sarissa seu hasta AB, humi prostrata. Arripiatur manu in puncto medio C, hori-
zonti parallela manens elevetur, ac sustineatur vel in situ horizon-
tali AB, vel in situ ad horizontem inclinato EB. Quoniam igitur
partes AC, & BC, vel EC & BC, æquales sunt inter se, æqualiter-
que ponderant, nulla magis nititur deorsum (etiam in situ EB,
saltem notabiliter, quamvis revera sit differentia aliqua) quàm
altera, ideoque nulla magis deprimat manum quàm altera, mul-
tò minus una deprimat hinc, altera inde elevat, sicque nullam in
manu pugnam exercent. Arripiatur iterum eadem sarissa pugno
in extremitate DB. Jam dividitur in duas inæquales partes, AD
majorem, & DB minorem, & eadem manus exercet munus hy-
pomochlii, & munus potentie sustententis aut superantis resi-
stentiam partis majoris AD; nam impedit descensum majoris
partis, & ascensum minoris, sicque utriusque validam sustinet
pugnam. Unde constituitur vel primum, vel tertium genus vectis.
Nam si dicamus, posteriorem partem manus aut pugni in B habe-
re rationem hypomochlii supra vectem constituti, illumque reti-
nentis horizonti parallelum, aut inclinatum supra horizontem,
anterioriorem autem partem ejusdem manus aut pugni in D habe-
re rationem potentie elevantis: tunc constituitur tertium ge-
nus vectis, atque adeo talis debet esse proportio potentie manus
ad pondus sarissæ quod sustinet (vel etiam major, si illud elevet)
qualis est proportio distantie AB ad distantiam DB. Quare si
sarissa sit decem cubitorum, & quilibet cubitus ponderet unam
libram, seu duodecim uncias, & pars DB sit quinta pars unius
cubiti; erit tota sarissa AB ad partem DB, ut 50. ad 1. Igitur poten-
tia manus in D applicata, ut sustineat hastam AB, debet esse
ad illam, ut 50. ad 1. hoc est, debet exercere tantam vim, ac si 50.
hastas in medio arceptas simul sustineret. Ut autem elevet ma-
nus hastam, debet habere majorē vim quàm 50 ad 1. Si vero dica-
mus, manum aut pugnū exercere in D munus fulcri, & in B mu-
nus potentie sustinentis ac deorsum prementis: tunc constituitur
primum

primum genus vestis, eritque AD ad BD, ut 49. ad 1. Quare cum pars AD sit 117. unciarum cum $\frac{1}{2}$ tantam vim exercere debet manus, ac si quadragesies novies, & amplius, sustineret & elevaret pondus partis A D.

Verum tamen est, quò magis hasta elevatur, & majorem constituit angulum ABE, eò minus ponderare, quia perpendicularis ab extremo E cadens, non cadit in A, sed in F intra punctum A, tantoque magis ab eo puncto removeretur, quò magis hasta elevarer. Ideo hasta in situ EB constituta, & manu sustentata, non plus gravat, quàm in situ parallelo gravaret hasta FB. Quòd si perpendicularem demittas non ab extremo puncto E, sed à centro gravitatis distantia ED, in idem recidit. Ratio patet ex dictis suprà cap. 1. Proposit. in Annotatione. Unde redditur ratio, cur quò magis hasta elevatur, & ad situm perpendicularem tendit, eò semper facilius sustineatur, & in situ perpendiculari facillimè. Quando illam eandem satissimè non in extrema parte, nec etiam in medio arreptam tenemus, sed inter extremum & medium, minor sentitur difficultas quàm si in extremo, & major quàm si in medio teneremus, & tantò minor aut major, quantò plus aut minus ab extremo aut medio recedimus. Ratio est, quia tunc semper una pars præponderat alteri, & à manu debet utrique parti impetus imprimi, uni sursum, alteri deorsum, nè major deprimatur, & minor attollatur. Quòd si uni tantum parti impetus imprimitur à manu, major is debet esse, quàm si simul alteri etiam imprimeretur. Hac de causa naturali instinctu hastæ de situ perpendiculari ad horizontalem vergenti, dum manu unâ aut utrâque erecta tenetur, manum alteram medio hastæ ruituræ supponimus, ut casum prohibeamus.

EROTEMA II.

Cur longior hasta facilius curvatur, quàm brevis, si extremitas illius manu teneatur.

PROponit hanc Quæstionem Aristoteles in Quæstionib. Mechan. q. 17. his verbis: *Cur ligna longiora, sunt imbecilliora? Cur quanto ligna fuerint longiora, tanto sunt imbecilliora, & sublata magis curvântur quàm*

quàm brevia, licet illa sint his crassiora? Causa, Aristotele etiam adstipulante, est eadem quæ præcedentis Erotematis. Nam dum hastæ unâ extremitate apprehensæ attolluntur, sunt vèctes primi, seu meliùs tertii generis, & quoniam altera extremitas in longiore hasta remotior est ab hypomochlio, quàm in breviorè, magis premit deorsum, ac propterea magis incurvatur.

Sint enim duæ hastæ, ABC longa, & DEF brevis. In elevatione longioris ABC, quando manus apprehendit extremum B C, fulcimentum est in B, & potentia deorsum premens in C, in altero verò extremo A est oris elevatum, sed pondere suo deorsum tendens. In elevatione verò brevioris DEF, dum arripitur extremo suo EF, fulcimentum est in E, potentia in F, pondus in D. Quoniam igitur A plus distat à fulcimento B, quàm D à fulcimento E, majorem vim habet deprimendi ac incurvandi hastam suam A, quàm D suam. Imò tanta potest esse longitudo hastæ, alteriusvè ligni longi & gracilis, ut visui ponderis præcisè frangatur, si alterum extremum parieti alterivè rei immobili fuerit infixum, & tota hasta sit horizontaliter extensa, quia nimirum cum longitudine crescunt pondus & momenta, & possunt adeo crescere, ut momenta quæ habenter ad motum hastæ, habeant majorem rationem ad motum quo illa debet moveri in fractione, quàm sit ratio resistentiæ nè frangatur ad absolutam gravitatem ipsius hastæ.

Vide Iconismi VI.
Fig. IX.

Non nemo hanc physicam assignat causam, cur longiores hastæ faciliùs frangantur & curvantur, quàm breviores, quia in incurvatione cujuscunque hastæ aut ligni, partes ad concavitatem spectantes debent distrahi ac dilatari; faciliùs autem fit compressio & distractio partium in longiore, quàm in breviorè hasta, quia in longiore pluribus partibus communicatur compressio atque distractio, ac proinde singula minùs recedunt à suo statu naturali, minùsque resistunt minori violentiæ.

Quòd si longa hasta in medio sustineatur à manu, vel ab alio fulcimento velut hypomochlio, depronatur utraque extremitas, & utraque medietas incurvantur, tanto magis, quanto longiores fuerint. Ratio est eadem quæ antea.

E R O T E M A III.

Cur baculi utroque extremo manibus apprehenso, si circa ejus medium ad genu applicatur, eò facilius ille frangitur, quò magis à medio distans manus?

*Baculus ad
genu cur
facile fran-
gatur.*

Quæstio est Aristotelis in Mechanicis qq. quæst. 15. Experientia est quotidiana, vel ipso Naturæ instinctu, ut apparet, quoniam simplicissimæ etiam mulierculæ, & barbari rudelque homines, eò artificio utuntur. Huic simile est sequens Erotema. *Aristoteles* pro solutione confugit ad suum generale machinalium motionum facilitandarum principium (de quo infra suo loco fusè ex professo) dicens, *quia illic genu quidem est centrum, hic verò pes, quando autem quodque à centro fueris distantius, id omne facilius movetur, quòd frangitur autem, moveri necesse est.* P. Paulus Casatus in Mechanica sua manuscripta, juxta suum & commune earundem machinalium motionum principium, quod eodem loco infra examinabimus, ait causam esse, *quia motus potentia extremis applicata habet ad motum compressionis, distractionisque, ac demum fractionis partium intermediarum majorem rationem, quàm resistentia talis solidi habet ad potentiam motricem, unde consequitur fractio.* Quia autem quò longius fueris lignum, hujusmodi motus potentia habet multò majorem rationem, quàm eadem resistentia ad potentiam, hinc est, minorem quoque potentia conatum esse adhibendum. Sed remanet inquirendum, cur potentia velociùs moveatur, quàm resistentia aut compressio. Ego in eo casu agnosco rationem vectis primi generis, & quidem duplicis. Baculus sit ACB, qui utrimque in F & G, aut in A & B, manibus apprehensus, applicetur ad genu DE, & nonnihil incurvetur: medium punctum C recedit à medio puncto genu, & puncta D & E utrimque genu fortiter premunt, sicque tam punctum D, quàm punctum E genu fiunt fulcra, quæ dividunt duas medietates AC, BC, in duas distantias, AD, BE majores, & CD, CE minores. Si manus utraque applicetur ad puncta F & G, v.g. non frangitur baculus, quia major est proportio resistentiæ intermediarum partium baculi ad potentias F & C, quàm distantiarum FD, GE. ad distantias DC, EC. At quando applicantur manus ad puncta A & B, frangitur, quia major est proportio distantiarum

Vide Iconismi VI.
Fig. X.

tiarum A D, B E, ad distantias D C, E C, quàm resistantiæ par-
rium C, ad potentias A & B. Si baculus dicto modo applicatur non
ad genu, sed ad solidum aliud minus & gracilius genu, adhuc faci-
lius frangitur baculus, quia distantia DC, EC, decrefcunt, & fit ad-
huc major proportio distantiarum majorum ad minores quàm
resistantiæ ad potentias. Sed hæc nostra ratio coincidit cum prio-
re Cafati.

E R O T E M A IV.

*Cur quando baculi alterum extremum manu tenemus, alte-
rum applicamus terræ, & circa medium baculi allidimus
cum impetu pedem, eò facilius frangitur, quò
fuerit longior?*

HUjus etiam rei experientia est frequens. Aristoteles confu-
git ad idem suum principium. Ego in hoc etiam casu agnosco
veterem duplicem primi generis. Sit enim baculus A B, cujus ex-
tremum A sit terræ applicatum, extremum verò B E manu tenea-
tur à terra elevatum, & pedis illisio fiat circa punctum C. Erir tam
terra, quàm manus, loco hypomochlii. Et quoniam, quando pes
illiditur baculo in medio, incurvatur baculus, & in medio depri-
mitur versus terram subiectam, ideo extremum E in manu eleva-
tur, & solum punctum B premit manus extremum, quod respicit
punctum C, ideoque id solum habet rationem hypomochlii, &
dividit medietatem C E baculi in duas distantias, C B majorem,
& E B minorem. Quoniam igitur impetus pedis circa C illisio ha-
bet rationem ponderis potentis decurrare & frangere baculum,
pondus autem eò acquirit majus momentum, quò longior est
distantia C B supra distantiam E B; ideo mirum non est, eò faci-
lius frangi baculum in medio, quò fuerit longior, quia longior
fit distantia C B. Hæc solutio melius ex sequenti Erotemate in-
telligetur.

Vide Ico-
nismi VI.
Fig XI.
*Baculi pe-
de alliso cur
facile fran-
gatur.*

E R O T E M A V.

*Cur baculus duobus vitris aquâ plenâ, extremitatibus suis su-
perpositis, illevis vitris, & aquâ non effusâ, frangitur, si alio
baculo in medio validè feritur?*

EXperientiam sæpius factam afferunt multi, ut *Monastholius* Commétar. in *QQ. Mechanicas Aristotelis* q. 15. *P. Leurechon* in *Recreat. Mathemat. Problem. 4.* & ex ipso *Schurventerus* in *Deliciis Physico-Mathemat. par. 10 q. 3.* *Gaspar Ensin* *Thaumaturgo Mathem. Problem. 4.* & *P. Marius Bettinus* in *Ærario Mathem. Tom. 1. Axiomate 13. §. 1. & 6.* Causam alii adsignant nullam, alii eam non attingunt. Ergo à primi generis vèste eam desumo.

Vide Iconismi VI.
Fig. XII.
Baculus vitis duobus
superpositus
cur frangitur, non
fractis vitis.

Sint igitur duo scamna, aut fulcra quæcunque *A* & *B*, æqualis altitudinis, aliquot inter se pedibus dissita; quibus insistant duo vitrei cyathi *C* & *D*, æqualis etiam altitudinis, & aqua infusi, ut melius consistent. His superponatur baculus *E* *F* aridæ & friabilis materiæ, ita ut ejus extrema extent intra oras & ora cyathorum. Accipiaturn deinde alius baculus ponderosus, eoque medium *G* valido & celeri ictu feriaturn. Illico videbis, baculum *E* *F* diffringi in medio, immotis & illæsis cyathis. Idem continget, si baculus *E* *F* duabus stipulis æquè altis è terra erectis superponatur: aut si duo converfis ad se faciebus straminis culmis baculi extrema superposita sustineant. *Causa hujus rei hæc est*, meo judicio Cyathorum labra sunt vice fulcimentorum dividendium baculum in punctis *E* & *F* in duas distantias, *FG* & *IG* majores, *Ea* & *Fe* minores; impetus autem alterius baculi in medio puncto *G*, habet rationem ponderis aut potentix deprimentis majores distantias circa fulcra *E* & *F* immota, velut circa centra. Constat autem, quando in majori distantia pondus aut potentia deprimens applicatur, tanta facilitate ac celeritate descendere majorem, & ascendere minorem distantiam circa hypomochlium immotum, ut nulla, aut vix ulla in minore distantia exerceatur resistentia. Hoc contingit in casu nostro, ergo patet propositum.

P. Marius Bettinus lo. cit. putat, distantias minores *Ea*, *Fe*, dum allicio sit in medio puncto *G*, ita attolli in altum, ut cyathorum oras non attingant; rationem adsignat, quia alioquin duæ lineæ rectæ haberent idem segmentum commune, contra 13. Axioma lib. 1. Element. Euclid. Et hanc putat esse causam, cur schyphi mancant illæsi, & aqua non effundatur. Ego ut non admodum repugno extremas illas distantias *Ea*, *Ee*, propter impetum medio afflictum, elevari, ita minime existimo id fieri propter causam à

Bettino

Bettino assignatam. Non est tamen necessarium asserere eas elevari omnino, ut in nullo puncto oras cyathorum attingant, cum tam parum eas premant ob causam dictam, ut nullum sit rupturæ aut effusionis periculum.

EROTEMA VI.

An duo pondus perticaferentes, aqualiter grauentur?

Q Vando duo perticâ vel humeris impositâ, vel manibus apprehensa, ferunt onus perticæ applicatum, vel æquales sunt statura, vel inæquales; item vel pondus est in medio, vel non; item vel incedunt per planitiem, vel ascendunt aut descendunt decliuitatem; item vel pondus est perticæ alligatum suprâ aut infrâ vel penderè pertica. Singuli casus peculiarem habent solutionem.

Duo ferentes pondus perticâ, an aqualiter grauentur.

Dico I. Quando ferentes pondus in pertica sunt statura æquales, & incedunt per planum, & pondus est in medio perticæ Inter utrumque, prout est in pertica AB pondus C, siue supra, siue infra vectem, & siue pendulum, siue non; uterque æqualiter premitur. Ratio est, quia pertica habet rationem vectis secundi generis, & uterque gestans habet rationem potentix & fulcri respectu alterius, hoc est, si A est potentia, B est fulcrum, et si B est potentia, A est fulcrum; ergo quando A consideratur ut potentia, & B ut fulcrum, erit ut AB ad CB, ita pondus C ad potentiam A, hoc est, pondus erit duplum potentix A; quando verò B consideratur ut potentia, & A ut fulcrum, erit ut BA ad CA, ita pondus C ad potentiam B, hoc est, pondus erit duplum potentix B. Singulæ ergo potentix sunt ad pondus, ut unum ad duo. Singulæ ergo æqualiter inter se dividunt pondus, & consequenter æqualiter premuntur, id est, unaquæque fert dimidium ponderis.

Vide Iconismi VI. Fig. XVII.

Quando ferentes pondus in pertica sunt æquales quidem statura, & incedunt per planum, at pondus non est in medio, prout est in pertica DE pondus in F; tunc qui est propior potèri, magis premitur. Sit enim vectis DE divisus in septem partes, & E habet rationem potentix, D rationem fulcri, DF ad FE sit ut 2. ad 5. erit ut ED ad FD, hoc est, 7. ad 2. ita pondus F ad potètiâ E & permutatim ut FD ad ED, hoc est, 2. ad 7. ita E potètiâ, ad E pondus, hoc est potentia

Vide Iconismi VI. Fig. XVI.

E sustineat $\frac{1}{2}$ ponderis. Habeat iterum D rationem potentia $\frac{1}{2}$, & E rationem fulcri; erit ergo ut DE ad FE, hoc est, ut 7 ad 5, ita pondus F ad potentiam D, & permutatim, ut FE, ad ED, hoc est ut 5. ad 7. ita potentia D ad pondus F, hoc est, potentia D sustinebit $\frac{1}{2}$ ponderis

*Duo muli
ferentes le-
v. e. an a-
qualiter
laborent.*

Ex hoc colligitur, quando lectica inter duos mulos æqualis altitudinis suspensa est in medio inter utrumque, eos æqualiter gravari, quando verò non est in medio suspensa, plus gravari cum, cui lectica propior est, tantò plus, quanto propior illi existit.

*Duo equi
surgentes a
hentes an
æqualiter
laborent.*

Quod dictum est de pondere portato, intelligendum etiam est de pondere trahendo. Si enim duo equi funibus ad transversarium temonis alligatis currum trahunt, si æqualiter ligno illi transversario (libram vocant aurigæ sunt alligati, & æqualiter à transversario remoti sunt, æqualiter onus dividunt; si verò inæqualiter alligati sunt, plus laborat qui sine brevior trahit, & transversario propinquior est. Eodem modo quando transversarium æqualiter divisum est, æqualiter laborat uterque equus; at quando inæqualiter divisum & temoni applicatum est, inæqualiter laborant, & plus ille qui è brachio brevior est alligatus, quam alter. Hinc aurigæ aliqui in dicto transversario non solum faciunt foramen in medio, sed duo alia æqualiter à medio hinc & inde remota, & si alteruter equus est debilior aut defatigatior altero, clavum, quo transversarium temoni adnectunt, inmittunt intra foramen quod fortiori equo est vicinius, ut eâ ratione brachium, ex quo trahit debilior, fiat longius, & juvet debiliorem potentiam ei applicatam.

Dico II. Quando duo ferentes pondus è pertica suspensum nō sunt æqualis staturæ, aut non incedunt per planum horizonti parallelum, sed per clivum montis, aut gradus scalares; non premuntur æqualiter, etiam si pondus suspensum sit è medio, sed magis premitur qui est humilior, aut qui in humiliori est loco. In vecte AB, in quo suspensum est pondus D è medio puncto C vectis, magis premitur, qui est in A. Ratio est, quia ut ex suprâ dictis cap. 1. Proposit. 3. Annot. 1. constat, punctum divisionis vectis AB in situ posito, non est punctum D, sed punctum E, ad quod nimirum linea directionis DE è centro Terræ per centrum gravitatis ponderis

Vide Iconism VI.
Fig. XV.

deris educta cadit. Quod punctum quia est vicinius bajulo A, quā bajulo B, ac proinde distantia AE minor est quā distantia BE; erit conatus A ad conatū B reciproce ut distantia BE ad AE. Idem dicendum est, si pondus est supra vectem, ut in medio puncto K vectis HI; nam linea directionis è centro gravitatis L ad centrum Universi ducta, cadit in M, & inæqualiter dividit vectem, partemque minorem relinquit versus bajulum humiliorem H. Quod si vectis transiret per ipsum centrum gravitatis ponderis, & pondus esset in medio vectis, ut centrum responderet medio puncto vectis, nempe puncto P vectis NO; uterque bajulus semper æqualiter premeretur, etiamsi inæquales essent staturā, aut planum inæquale & non horizontale incederent. Ratio est, quia linea directionis nunquam deviarer à medio puncto vectis, & semper divideret onus in partes æquales.

Vide Iconismi VI.
Fig. XVI.

Vide Iconismi VI.
Fig. XVII.

Ex his patet, quid dicendum sit in dictis casibus; si pondus non est in medio. Nam si est vicinius humiliori bajulo; is semper magis premetur quā alter: si verò est vicinius altiori, & linea directionis dividit æqualiter vectem; æqualiter premuntur: si inæqualiter dividit, & pars minor est versus altiorem; magis ille premetur.

Dico III. Si pondus non est applicatum perticæ seu palangæ, sed ipsum immediatè utriusque palangarii humeris incumbit, cujusmodi sunt scalæ, asseres, trabes, & similia; tunc quando palangarii æquales sunt, & per planum horizontale incedunt, ita ut axis per centrum gravitatis transiens semper maneat horizonti parallelus, æqualiter ferunt & premuntur, si sustineant onus in punctis æque remotis à centro gravitatis: si autem sustineant illud in distantis inæqualibus, inæqualiter premuntur, nempe plus ille, qui propior est centro gravitatis. Estò scala, aut asser AB, cujus centrum gravitatis F, axis CD, linea directionis è centro F demissa ad centrum Universi cadat in punctum E, à quo æqualiter distent puncta G & H. Dico, si bajuli seu palangarii supponant humeros punctis G H, æqualiter fore premendos, quia gravitates in dictis punctis sunt reciproce ut distantia GE, H E. At si supponant humeros punctis K & H inæqualiter distantibus à puncto E, prementur inæqualiter, quia tunc etiam gravitates in dictis punctis

Duo feruntur
pes pondus
humeris, an
æqualiter
premanitur.

Vide Iconismi VI.
fig. XVIII.

punctis sunt reciproce ut distantia, hoc est, ut distantia K E ad distantiam H E, ita gravitas bajuli H ad gravitatem bajuli K. Plus ergo premitur H quam K. Quod si manibus apprehensum ferant pondus bajuli in punctis M & N æqualiter à puncto L remotis, aut in punctis O & N inæqualiter ab eodem L remotis, idem quod antea dicendum est, propter causam eandem.

Si in prædicto casu bajuli sunt inæqualis stature, aut incedunt per clivum, sustentantque humeris pondus idem AB in punctis G H æqualiter ab E distantibus, inæqualiter premuntur, nempe plus ille qui humilior est, aut subsequitur in ascensu, nempe qui sustentat dictum pondus in puncto G. Ratio est, quia linea directionis per dicta puncta ad axem C D ducta, cadit in puncta I & K inæqualiter remota à centro gravitatis F, quorum I est propius, K remotius; ideoque pondus bajuli G ad pondus bajuli H, est reciproce ut distantia K F, ad distantiam I F. Idem contingit, si manibus apprehensum ferant pondus in punctis æqualiter remotis à centro gravitatis, ut consideranti patet.

Vide Iconismi VI.
Fig. XIX.

COROLLARIUM.

P Atet ex dictis, quâ ratione duo inæqualis roboris, v. g. vir & puer, pondus ex pertica suspendere debeant eâ ratione, ut quis juxta suas vires gravetur, & non amplius. Sit enim vir A, qui possit ferre 100. libras, & puer B qui 20. libras ferre possit, pondusque aliquod ferre debeant in pertica. Conjungantur duo numeri 100. & 20. fiet 120. Dividatur pertica ita in duas inæquales distantias in puncto C, ut minor ad majorem se habeat ut 20. ad 100. seu ut 1. ad 5. & pondus suspendatur ex puncto C, gravabitur puer ut 20. & vir ut 100. seu puer ut 1. & vir ut 5 nam ut A Cad B C, ita conatus pueri B ad conatum viri A.

Vide Iconismi VI.
Fig. XX.

EROTEMA VII.

Unde oriuntur forcipum & forficum vires?

Forficum
& forcipū
vires ante
oriuntur.

Q Uod attinet ad forcipes, quæstionem proponit *Aristoteles* in Mechanicis QQ. quæst. 21. & 22 vel ut alii, quæst. 22. & 23. ubi agit de Dentiforcepe, & de Instrumento Nucifrago, quorum utrumque habet forcipis formam. Forcepe autem utimur ad aliquid

aliquid apprehendendum, commovendum, & extrahendum. Quærit igitur Aristoteles, cur Medici facilius eximant dentes forcipe, quàm solâ manu; & cur nuces absque ictu faciliè constringantur instrumento nucifrago; respondetque causam esse, quod in utroque instrumento, atque adeo in omni forcipe, interveniat usus vectis, & quidem duplicis.

Sit forceps $A B C D E$, constans duabus partibus, $A E D$, $B E C$, Vide Iconismi VI. Fig. XXI. conjunctis clavo in E , circa quem aperiri & claudi possunt. Utraque pars habet rationem vectis, & clavus E rationem hypomochlii, in A & B applicatur manus comprimens tanquam potentia movens, in C & D res comprimenda, ac movenda tanquam pondus; & quando deprimitur $A E$, attollitur $E D$; quando attollitur $B C$, deprimitur $E C$. E verò est centrum circa quod moventur bini vectes, atque adeo est commune utriusque fulcimentum. Quanto autem longiora sunt brachia $A E$, $B E$, aut breviora brachia $C D$, $D E$; tanto majorem vim habet potentia in A & B applicata, & tanto majore vi constringitur res inter extrema C & D ; quia ut distantia $A E$, $B E$, ad distantias $C E$, $D E$, ita potentia ad resistivum. Et præcipua quidem vis, & vectis propria in forcipibus, consistit in compressione rei comprehensæ inter extrema C & D ; unde si major est proportio potentia ad resistantiam rei compressæ, quàm distantiarum $C E$, $D E$, ad distantias $A E$, $B E$, sequitur fractio & comminutio, ut in nuce. Caterùm quando res apprehensa forcipe extrahitur secundùm lineam rectam, nullus intervenit usus vectis in extractione, sed solum in compressione rei. Quando verò clavus extrahitur forcipe è tabula, tunc factâ apprehensione & constrictione clavi, curvitas imitatur tabulæ, & constituitur ibidem hypomochlium partis $A E D$ (prout supra diximus cap. 1. Proposit. 2. agentes de vecte habente angulum pro hypomochlio) quæ sola tunc rationem vectis habet respectu extractionis: nam dum deprimitur A , elevatur D , simulque clavus apprehensus, indeque sequitur extractio; altera verò pars $B E C$ nihil facit, nisi ut juvet ad compressionem ac detentionem clavi inter extrema C & D . Eo ergo modo extrahimus clavum forcipe, quo extrahimus eundem malleo dum aversam mallei partem, quæ plerumque fissuram habet, supponimus clavi capiti, & intra fissuram comple-

Etimur, & in contrariam partem manubrium mallei retrahentes evellimus clavum.

Ad forfices quod attinet, reperiuntur similiter in iis duo vectes in contrarium moti, habentes commune hypomochlion in puncto connexionis; neque differunt à forcipibus in ordine ad augendam potentiam momenta: quo enim maiorem rationem habet longitudo brachiorum quibus applicatur potentia motiva, ad longitudinem brachiorum quibus applicatur corpus scindendum, eò facilius scindunt. Ideo forfices, quarum usus est in iis scindendis quæ parum resistunt, ut sunt chartæ, panni, & similia, breviora habent brachia quibus applicatur potentia, longiora quibus rescinditur; quia propter exiguam resistantiam rei scindendæ faciliè etiam in distantia minore potentia à puncto connexionis obtinetur id quod intenditur, nempe divisio ac scissio. At forfices quibus ad duriora scindenda utimur, longiora habent brachia illa quibus potentia applicatur, alia verò quibus vis scindenda inest, breviora; quia opus est ut momenta potentia valde augeantur in ordine ad resistantiam vincendam, tales sunt forfices quibus ad æreas vel ferreas laminas scindendas utimur. Atque ex his patet, cur in omnibus forficibus prope connexionis punctum, ubi valde dilatantur forfices, fiat validior scissio, & minori conatu, quia nimirum tunc est minor corporis scindendi distantia à fulcro, adeoque crescit distantia potentia, decrescit distantia resistivi, crescente autem distantia potentia à fulcro, & decresciente distantia resistivi ab eodem, crescit vis potentia, & minuitur vis resistivi.

EROTEMA VIII.

Qua virtute remiges remis propellunt navim? & cur plus promovere eandem remiges qui in media navis sedent.

*Remiges
qua virtute
navim
propellant
remis.*

AD primum respondet *Aristoteles* quæst. 4. aut 5. *Mechan.* id fieri virtute vectis, quia remus vectis fit in remigando. Idem asserimus nos cum aliis communiter, sed in hoc discrepamus ab *Aristotele*, quòd ille putet remum esse vectem primi generis, & remigem uni extremo intra navim constituto applicatum, esse potentiam moventem, mare cui immergitur alterum remi extre-

mun

num, quæ palmula dicitur, esse pondus motum, & scalmum cui alligatus est remus, esse hypomochlium; nos vero cum aliis putamus, remum esse vectem secundi generis, & navim cum scalmæ alligatam remo esse pondus, aquam palmulæ scissioni resistentem esse hypomochlium, remigem denique potentiam motricem seu promotricem. Verum quidem est, si aqua remo movenda esset, navim cum scalmo fulcrum fore, & aquam pondus; at hoc non queritur remigando ut aqua moveatur, sed ut navis provehatur. Melius ergo statuitur remum esse vectem secundi generis, propter causam paulo ante dictam; habet enim pondus, id est, navim inter potentiam & fulcrum. Hinc fit manifestum, momentum potentix, hoc est, remigis, ad momentum ponderis, hoc est, navis, in remi usu se habere ut motum utriusque; motus autem sunt ut distantix ab aqua, hoc est, ut distantia capitis remi ab aqua, ad distantiam scalmi ab eadem aqua, videlicet à suprema superficie aquæ, nam pars remi aquæ immersa debet censeri abscessa, quia suprema superficies est centrum motus remi ceu vectis. Hinc quo major pars remi immergitur aquæ, eò fit remus brevior. Sed hoc detrimentum abundè suppletur eà ipsâ immersione; quia ex hac majori immersione oritur major aquæ resistentia ad scissionem per palmulam, magisque accedit ad rationem fulcri, quod ex natura sua petit esse immobile. Unde etiam sequitur, quod minùs cedente aquâ ceu fulcro, navis magis promoveretur, cæteris paribus.

Ex his quæ diximus, sequitur, si tantundem remi est inter scalmum & remigis manum, quantum inter scalmum & aquam, remigem unum percipere solum dimidiam resistentiam navis, & æquivalere duobus qui navim trahentes illam æquali motu moverent, posito quod aqua suo cursu non adversatur motui navis; si vero major est distantia remi inter scalmum & remigem, quam inter scalmum & aquam, minorem resistentiam experitur remex; si minor, majorem.

Ad secundum quæstum, ut respondeam cum Aristotele, sciendum est, quamvis tota navis, & omnia quæ in ea sunt, uno communi & æquali motu moveantur, non tamen omnes remiges æqualiter conferre ad illius motum, nec omnes æqualem subire

Remiges in medio navis sedentes plus promoveant navem, quam alii.

laborem, sed eos qui sedent in medio navis, plus promovere, & minus laborare, qui verò circa puppim aut proram sedent, minus promovere, & laborare plus. Ratio autem hujus rei est, quia navis circa medium latior est, ac depressior, quam circa puppim aut proram, ideoque citra incommodum potest major pars remi intra navim retineri, & aquæ vicinæ potest palmula magis immergi, unde fit ut propter majorem resistantiam, qua aqua palmulæ resistit, navis etiam magis promoveatur, & ut remiges, propter majorem rationem distantie potentie à fulcro ad distantiam ponderis ab eodem, facilius id præstent. At qui circa puppim sunt, quia ibi propter navis spatium angustius, & majorem altitudinem, minor remi pars intra navim continetur, & major est extra, & tamen propter navis altitudinem parum intra aquam immergitur, ideoque distantia potentie ad distantiam oneris à fulcro habet minorem rationem, ac proinde potentia minus momenti obtinet; plus conari debent, & tamen minus efficiunt. Hinc est, quòd ad puppim fortissimi remiges collocantur. Qui denique circa proram sunt, quoniam ibi mediocris est navis altitudo, mediocriter respectu priorum navim promovent, & minus quam posteriores laborant.


EROTEMA IX.

Cui modico gubernaculo magnæ naves exigua potentia tam facile moventur?

Vide Iconismi VII.
Fig. I.
Gubernaculo modico cur magna naves promoventur.

Gubernaculum navis, seu temo, est instrumentum in extrema navis parte, seu puppi affixum, quale in præsentī figura est ABE, constans tabella BE, manubrio AB; & tabula quidem affixa est exterius navi cardinibus C & D, circa quos vertitur, manubrium verò intra navim recipitur, & à gubernatore navis ad clavum (sic enim vocatur etiam) sedente arripitur extremitate sua A; & dum navis progreditur, circumvertitur vel ad dexteram navis vel ad sinistram, prout res exigit; ex qua conversione navigium, quo vult ipse gubernator, dirigitur, quantumvis magnum sit, & magnis ponderibus onustum. Quæritur hujus rei causa

Aristoteles ait, causam esse, quod temo sit vectis primi generis





in quo potentia sit in A, pondus sit aqua, hypomochlion navis cui affixus est temo. Ego cum aliis communiter dico, temonem esse vectem secundi generis, & potentiam esse in A, ubi à gubernatore arripitur & circumvertitur, hypomochlion esse aquam cui immersa est tabula BE, pondus denique esse navim cui affixa est tabula cardinibus suis C & D. Dum enim A vertitur ad dexteram navis, tabula BE vertitur ad sinistram; in quo situ dum tenetur immobiliter, eique resistitur ab aqua, tota navis eidem affixa transfertur à manubrio in dexteram partem. Contrario motu movetur navis ad latus, si manubrium ad sinistram vertitur.

Multum tamen ad conversionem navis facit aqua in tabulam BE obliquatam impingens. Dum enim navis progreditur, seu remis, seu vento promota, versus F, pars EG scindit aquam; hæc scissa ac divisa incurrit utrimque in latera navis, ut post navim iterum concurrat; interim dum tabula BE ad sinistram v.g. navis partem versa est, & manubrium ad dexteram, aqua divisa occurrit tabulæ BE, & inter navis latus dexterum & dictam tabulam BE obliquatam coarctatur, & impeditur à fluxu ad navis posteriora, sicque violenter obliquat navim versus sinistram, versus quam manubrium AB respicit.

EROTEMA X.

Cur quanto sublimior est antenna in malo navis, eò celerius movetur navis, ceteris etiam paribus?

Si navis AB, malus CDE per totam navim à supremo tabulato ad fundum usque porrectus, antenna FCG, velum FHG. Experimentiâ constat, quanto altior est antenna FCG, manente eodem vento & velo, tantò celerius navim promoveri. Quæritur hujus rei causa.

Aristoteles & alii communiter ajunt, causam esse, quòd malus habeat rationem vectis secundi generis, in quo ventus velum implens est potentia, navis est pondus, imum navis ubi E, hypomochlion. Quanto autem altior est antenna, tanto magis distat potentia ab hypomochlio, ideoque majori vi navim per aquam liquidam atque cedentem propellit.

Vide Iconismi VII. Fig. II.
Navis cui eò celerius movetur, quanto antenna altior est.

EROTEMA XI.

*Cur in tollenone ligno transverso adiciatur pondus, ut aqua
facilius è puteo hauriatur?*

Vide Ico-
nismi VII.
Fig. III.
Tollenone
transverse
trabi ut
pondus
adiciatur.

Tolleno est machina juxta puteos constructa ad aquas hau-
riendas, sic dicta fortassis à tollendo, quia aquam è puteo in
altum tollit. Construitur prout apposita figura monstrat, in qua
puteus est F, AB est lignum seu trabs valida perpendiculariter ere-
cta, CBD est hasta transversa; circa clavum B intra crenam trabis
sursum ac deorsum mobilis; cujus extremo C incumbit pondus
non modicum G, extremo verò D appensa est catena aut funis
DE, cum situla E. Dum igitur situla cum fune intra puteum de-
mittitur, hastæ transversæ brachium BD descendit versus pu-
teum, & brachium CB cum pondere G ascendit; dum verò situla
cum fune extrahitur è puteo, BD ascendit, & CB cum pondere
descendit. Quæritur, cur transverso ligno CBD adiciatur pon-
dus G, cum id situlæ demissionem non juvet, sed impediat po-
tius?

Respondet Aristoteles quæst. 28. aut 29. in haurienda è puteo
aqua duos intervenite motus situlæ, unum demissionis ac immer-
sionis situlæ, alterum extractionis. Impedit quidem pondus G
descensum & immersionem situlæ, quæ facilius à potentia illo
remoto dmitteretur ac mergeretur; at juvat extractionem. Nam
hasta transversa CBD constituit vectem primi generis, in quo
hypomochlium est clavus B, potentia funi DE applicata debet
deprimere & attollere situlam. Pondus D impedit quidem de-
pressionem ac demersionem, at juvat extractionem, quia gravita-
te suâ deorsum nitens deprimit brachium BD, sicque juvat po-
tentiam in attollendo, in quo situs est præcipuus labor hauriendæ
aquæ.

Alia multa quæ de vectis usu, utilitate, viribus, instrumentisque
ad vectem reductis dici possent, omitto, & ad Axem in Peritro-
chio, quæ secunda est fundamentalium Machinarum, stylum
convertito. Sititaque

SYNTAGMA TERTIUM.

De Axe in peritrochio, Succula, & Ergata, eorumque viribus in attollendis ac trahendis ponderibus, ponderumque cum potentiis motricibus proportionem.

Machinae quas hoc Syntagmate declaraturi sumus, immediate à vecte dependent, imò aliud nihil sunt quàm perpetui quidam vectes, ut manifeste patebit infra. Meritò ergo post vectem de iis sermo instituitur. Pappus Alexandrinus in fine libri 8. Collection. Mathemat. inter quinque fundamentales Machinas, ut in Proœmio hujus Libri diximus, numerat Axem in peritrochio; quem omnes Mechanica Scriptores sequuntur. Huic Machinae haud absimiles sunt Succula, & Ergata; imò aliud nihil sunt quàm axis in peritrochio sine peritrochio seu rota. Ingens est harum trium (vel potius unius) vis & potestas in ponderibus immanibus & colossicoteris, ut Vitruvius loquitur, attollendis, aliterve de loco in locum transferendis. De singulis ordine agemus, brevius tamen quàm in præcedente Syntagmate de Vecte, quoniam quæ ibi de proportionem inter pondus & potentiam, inter utriusque motum, & motuum velocitates ac spatia demonstravimus, hic etiam locum habent, quoniam vectis rationem habent hæ Machinae.

CAPUT PRIMUM.

De Axe in peritrochio, ejusque viribus, & usu.

DE Axe in peritrochio hæc pauca tradam. Primò, ejus formam, & usum declarabo: secundò eum esse vectem perpetuum probabo: tertio, quæ sit in ejus usu proportio potentiae ad pondus demonstrabo: quarto, aliam formam & usum, ejus declarabo: quinto denique, quanta ejus sit potentia, ostendam.

MEMBRUM I.

De forma, & usu Axis in peritrochio.

Vide Icon-
nisi VII.
Fig. IV.
Axis in pe-
ritrochio
forma &
usu.

P Appus Alexandrinus loco paulo ante citato, & alii ex ipso, eâ formâ, quam præsens figura monstrat, depingit Axem in peritrochio. AB est axis, hoc est, cylindrus seu columna rotunda, E & F sunt clavi ferrei teretes & fortes, centro basium axis profundè & immobiliter infixi, & crenis seu foraminibus pegmatis FGH inserti, ut situm horizonti parallelum habeat axis. CD est tympanum seu rota lignea axi circumpositâ, quam peritrochium Græci appellant, unde & tota Machina Axis in peritrochio appellatur. Radii NC, PR, QS &c. sunt baculi teretes, tympani peripheriæ in æquali inter se distantia infixi, quos Aristoteles in Mechanicis quæst. 13. aut 14. collopes, alii scyталas appellant. Nos radios, & collopes, & scyталas, eos appellabimus. Axī alligatur funis IK (quem ductarium appellant) & ad pondus usque L demittitur, eique circumligatur. Hæc est fabrica. Sequitur usus.

Potentia movens, v. g. manus hominis applicatur radiis QS, PR, NC, &c. hisque circumducit tympanum CD, & cum tympano infixum firmiter axem AB; quo circumducto, funis IK circa axem convolutus ascendit, secumque trahit pondus L sibi colligatum.

Lubet nunc Pappi descriptionem, ex Federici Commandini interpretatione, subungere. *Axis igitur in peritrochio hoc modo constituitur. Lignum accipere oportet firmum, quadratum perinde ac trignum, ejusque extrema contorquentes rotunda facere, & choinicidas circumponere areas coagmentatas axi (ferreos & teretes clavos supra nos vocavimus) ita ut injecta in foramina rotunda in immoto quodam pegmate expedite vertantur, cum foramina habeant rebus areas choinicidibus subiectos. Vocatur autem id lignum, quod dictum est Axis; & circa medium axem circumponitur tympanum, habens foramen quadratum axi congruens, ut eodem tempore & axis & peritrochium versatur. Constructio igitur declarata est. Usus autem est qui dicitur. Cum enim volumus magna pondera minore vi movere, alligatas ad pondus funes circumponimus circa depressas partes axis, & in foramina quæ sunt in peritrochio iniicientes scyталas, deducentesque peritrochium conversimus.*

convertimus, & ita facile pondus à minore potentia movebitur, funibus circa axem convolutis, vel etiam ab aliquo recollectis, ut ne toti axi circumponatur. Dīcti autem Instrumēti magnitudinem quidem congruere oportet iis, quæ movenda sunt, ponderibus, symmetriam vero ad rationē, quam habet motum pondus ad potentiam moventem. Hactenus Pappus.

ANNOTATIO.

Non est necessarium ut pēgma, cui Axis incumbit, sit eo modo constructum, quem præcedens figura exhibet, sed aliis etiam modis componi potest, pro artificis arbitrio, dummodo extremitates axis duobus hinc & inde fulcrorum foraminibus inserantur, ut in iis facile & sine magna resistantia verti possint. Quem in finem præstat & axis extremitates dictas, & foraminum cavitatem ferro aut orichalco vestiri, ut ubi opus fuerit, oleo infici ad motum faciliandum queant.

Procurandum præterea est, ut omni a pro ratione ponderum sint valida, axem de co ipsum, fulcra, quibus incumbit, funis cui pondus alligatur, scytalæ seu radii in tympano, aliæque, ut pondus sustinere possint. Præterea cavendū est ne tota Machina à pondere tracto in præceps trahatur, prout non semel contigit: quare firmanda bene suo loco est. Usus quotidianus plura docebit.

MEMBRUM II.

Axis in peritrochio est vectis primi generis, & quidem per-
petuus.

Primum ut ostendam, sit in appositā figura Axis, seu potius basis Axis, ABC, cujus diameter sit BC, & centrum E. Sit præterea tympanum seu rota circa Axem, FGH, circa idem centrum E, in cujus circuitu infixæ sint scytalæ seu radii HI, PO &c. Tandē ex Axe dependeat funis BL, cum pondere K. scytalæ vero seu radio HI sit applicata potētia in I, aut ex I dependeat alius funis cū pondere R. Concipiatur nunc recta linea BECH, horisōti parallela, & potentia seu pondus in I deprimat deorsū radiū HI, & consequenter totū tympanum & Axem circa centrum E cōvertata donec linea BECH habeat situm NEO. Utiq; funis circa axem convolutus attolletur, & punctum B funis erit in N, & consequenter

Vide Iconismi VII.
Fig. V.
Axis in peritrochio est vectis primi generis.

consequenter pondus K ascendet, & punctum ejus L promovebitur usque ad M, Linea ergo BEI, atque adeo totus axis in peritrochio, habet rationem vectis primi generis, in quo pondus est in extremo B, potentia in extremo I, hypomochlium in F inter potentiam & pondus: nam BEI dividitur à puncto E in duas distantias, BE, & IE, & tota BEI convertitur circa immobile punctum L, & in tali conversione brachium EI cum potentia descendit, brachium verò BE ascendit; quod proprium est vectis primi generis, Axis ergo in peritrochio vectis est primi generis.

Et quidem perpetuum. Secundum, quod vectis perpetuus sit, ostendo sic. Dum recta BEI, circa immobile punctum E tanquam circa hypomochlium convertitur, & transfertur in situm NEO, pondus K elevatur per spatium LM, tantum scilicet, quantus est arcus BN, & non ultra; quare si eodem vecte BEI, hoc est, NEO ulterius elevari deberet, necessarium foret ut pondus ad M, hoc est, ad N usque translatus firmaretur ibidem, & hypomochlium E similiter promoveretur & ascenderet usque ad punctum X, & vectis iterum supponeretur puncto N, ut acquireret situm NXY. Eadem operatio sæpius ac sæpius iteranda foret, ut tandem pondus K per plures & iteratas vices elevaretur ad desideratum locum. Quod utique incommodissimum foret, & magni laboris ac temporis opus. Huic incommodo ut obviam iretur, inventa est præsens Machina, in qua infiniti quasi vectes uniuntur, & perpetuatur operatio sine ulla interruptione. Nam postquam recta BEI, quæ est veluti unus ac primus vectis in operationis initio, est in situ NEO, & pondus est jam ad aliquod spatium elevatum; linea QET acquirit situm BEI, & constituit alium vectem, supponendo extremum suum punctum Q puncto B, & dum potentia in altero extremo applicata deprimit scytalam, ut dicta linea acquirit etiam situm NEO, ascendit pondus iterum ad tantundem spatii, idque continuò, & sine ulla interruptione per depressionem aliarum scytalarum seu radiorum. Patet ergo, Axem in peritrochio esse vectem perpetuum.

ANNOTATIO I.

Non sola linea BEI, NEO &c. habent rationem vectis in præsentimachina, sed tota Machina ex rota seu tympano, & ex axe seu

seu cylindro constat: rotâ enim cum axe conversâ circa centrum E, convolvitur funis circa cylindrum, & fune convoluto astrahitur pondus. Et quoniam ad continuam conversionem fit convolutio & attractio continua, continuus velletis usus in illa conversione intervenit.

ANNOTATIO II.

Axem vocavimus in hac Machina totum cylindrum tympano infixum, Pappum & alios imitati, non nesci axem aliquin in cylindro vocari lineam rectam duobus basium centra connectentem.

ANNOTATIO III.

Ut velletis primi generis per Axem in peritrochio perpetuetur ope ponderis Rex majori distantia appensi, necesse est chordam ex qua pondus R dependet, non alligari scytala HI sed circumponi circa extremam rotæ circumferentiam FHG, ut sicut in conversione Axis chorda BL semper tangit Axem in puncto B, sic chorda IR semper in conversione rota tangat eam in puncto H; volo dicere, ut semper dua dictæ chorda tangant Axem & rotam in duobus punctis diametraliter oppositis, qua connectat recta linea per centra E transiens, & horisontis parallela.

MEMBRUM III.

De proportionem potentie ad pondus in prædicta Machina.

PROPOSITIO I.

Potentia pondus sustinens Axe in peritrochio, ad pondus, eandem habet proportionem, quam semidiameter Axis ad semidiametrum tympani unâ cum scytala tympano infixâ, quoties potentia & pondus sunt applicata in eadem recta linea horisontis parallela.

UT in præcedenti Figura, si pondus K ex puncto B suspensum sustinetur in æquilibrio à potentia I, aut à pondere R ex I suspensio; potentia in I ad pondus in B ita se habet, ut BE ad IE. Demonstrat id Guidubaldus Proposit. I. de Axe in peritrochio, & constat ex dictis ac demonstratis suprâ Syntagm. I. cap. 4. Proposit. 5. & 6. & Syntagm. 2. cap. 1. Proposit. 3. & 4. itaque si BE est subsexcupla ipsius IE, erit potentia in I subsexcupla ponderis in B, hoc

Vide Iconismi VII. Fig. V. Proportio potentia ad pondus in axe in peritrochio.

est, habebit se, ad pondus, ut 1. ad 6. adeoque potentia ut 100. poterit sustinere pondus 600.

COROLLARIUM.

Colligitur hinc, potentiam in prædicto casu semper minorem esse pondere, quia semper semidiameter Axis minor est semidiametro tympani.

PROPOSITIO II.

Si potentia est applicata in Z, aut alio quocunque radio distincto à radio HI, & sustinet pondus; tunc potentia ad pondus habet eam proportionem, quam semidiameter axis ad lineam perpendicularem, quæ cadit à centro axis in perpendicularem potentia.

Vide Iconismi VII.
Fig. V.

Sit ut antea pondus applicatum in B, potentia verò sit applicata in Z, quæ pondus sustineat: aut ex Z pendeat aliud pondus D æquilibrium faciens cum pondere ex B suspenso, & ex Z demittatur perpendiculum ZD, ad quod ex Axis centro E educatur perpendicularis EI, secans perpendiculum ZD in puncto H. Dico, potentiam in Z esse ad pondus in B, ut est BE ad EH. Ratio patet ex dictis Syntagm. I. Proposit. 7. in Annotatione; nam potentia in Z tantam vim habet, ac si applicata esset in H, & pondus B sustentaret.

COROLLARIUM I.

Vide Iconismi VII.
Fig. V.

Itaque datis, potentia I vel Z, semidiametro axis BE, & distantia EI, vel EH, ad inveniendas vires potentiarum in I vel Z, aut invenienda pondera R & D ex I & Z suspensa, institui debet calculus per Regulam Trium ut sequitur. Sit BE partis 1. quarum EI est 6. & EH 7. pondus verò K sit 600. Fiat ut EI 6. ad BE 1. ita 600. ad 100. Itaq; potentia in 5. est 100. Iterum ut EH. ad BE 1. ita 600. ad 120. Itaque potentia in Z debet esse 120. respectu ponderis K sustentati.

COROLLARIUM II.

Colligitur hinc, potentiam in prædicto casu non semper minorem esse pondere, quia non semper semidiameter Axis mi-

nor est perpendiculari ex centro Axis ad potentia perpendiculari ducta, quia perpendicularum potest cadere supra ipsum axem.

ANNOTATIO.

Si in Z est applicata potentia inanimata, prout est pondus D ex Z suspensum, absolute sunt vera quae diximus in hac Propositione. At si potentia animata est applicata in Z, tunc solum est verum quod diximus, quando ea perpendiculariter secundum lineam ZD degravas. At si ita degravares, ac si circulariter movere vellet scyralam manu apprehensam; tantum potest potentia in Z, quantum in I, quoniam eandem proportionem habes ZE ad BE, quam habes IE ad BE.

Vide Iconismi VII Fig. V.

PROPOSITIO III.

Ut potentia per Axem in peritrochio moveat pondus sursum, debet esse major quam potentia sustinens.

Colligitur ex dictis supra Syntag. I. & patet ex se, quia plus requiritur ad motum ponderis, quam ad sustentationem tantum; nam potentia movens debet vincere resistantiam ponderis, potentia vero sustinens debet tantum adaequare eandem.

Corollaria ex tribus praecedentibus Propositionibus.

I. Major debet esse proportio distantiae potentiae à centro Axis ad semidiametrum Axis, quam ponderis moti ad potentiam moventem. Sic in praecedenti Figura, ut potentia in I applicata moveat pondus K, debet esse major proportio distantiae IE ad BE, quam ponderis K ad potentiam, aut ad pondus R: & ut potentia in Z applicata moveat idem pondus K, debet esse major proportio distantiae H E ad B E, quam ponderis K ad potentiam, & ad pondus D.

Vide Iconismi VII Fig. V. Corollaria varia de Axe in peritrochio.

II. Ut potentia quae sustentabat pondus, idem moveat, debet vel crescere potentia manens eodem loco applicata, vel debet crescere distantia ex qua applicatur potentia. Sicut potentia in H, sustinens pondus K, moveat illud, debet vel fieri major illa potentia, vel debet applicari in I.

III. Quò major est distantia potentiae applicatae à centro Axis ad semidiametrum Axis, eò minor requiritur potentia tum

ad sustentandum tum ad movendum pondus. Item, quò magis eadem potentia removetur à centro Axis, eo facilius sustentat pondus. Item quo minor seu gracilior fit Axis, eo minor cæteris manentibus requiritur potentia; & quo major seu crassior fit Axis, eo major potentia requiritur cæteris itidem manentibus.

IV. Unde si funis convolutus circa Axem in attractione ponderis, excipiat sequentem funem in ulteriori attractione, ita ut spiræ præcedentes tegantur à spiris subsequenter; crescit difficultas movendi, quia crescit semidiameter Axis; nam Axis crassitiæ componit tunc & ipse Axis, & funis circa Axem convolutus.

Vide Iconism. VII
Fig. V.

V. Quando potentia movet pondus, est ut distantia potentia à centro Axis ad semidiametrum Axis, ita motus potentia ad motum ponderis. Nam dum pondus ex B movetur in N sursum, potentia ex I movetur in O deorsum. Patet ex dictis supra Syntagm. 1. cap. 4. Proposit. 7. Itaque etiam perpendiculara motuum ponderis & potentia, sunt in dicta proportionem. Patet ex dictis ibidem Coroll. 1. Consequenter etiam velocitates motuum sunt in eadem dicta proportionem, ut ex iisdem dictis patet.

VI. Motus potentia ad motum ponderis, & spatium motus potentia ad spatium motus ponderis, & velocitas motus potentia ad velocitatem motus ponderis, majorem proportionem habent, quam pondus ad eandem potentiam. Patet ex proximè, & ex supra dictis.

Vide Iconism. VII.
Fig. V.

VII. Quo major est distantia potentia à centro Axis, & consequenter quo major est circulus Z T I O &c. circa scytalarum extremitates descriptus, eo majus tempus in pondere attollendo requiritur, posito quod potentia æquali moveatur velocitate ut antea, quando vicinior erat centro. Itaque eodem tempore punctum I & punctum H moventur in æquali velocitate; & eo velocius movetur unum quam alterum, quo majorem describit circum unum quam alterum.

VIII. Atque ex his quæ diximus hætenus, sequitur manifestè, quo facilius pondus movetur ab eadem potentia, eo majus esse tempus in quo movetur; & quo difficilius, eo minus tempus esse; & è converso.

ANNOTATIO.

Sin præsentis figura pondus I, pendens ex puncto H, potens est circumvertere rotam, & elevare pondus G; idem pondus I, si suspenderetur in puncto F ex chorda FM, qua secaret semidiametrum rota EH in puncto N, non posset convertere rotam, & attollere pondus G. Ratio est, quia non plus posset, quam si penderet ex puncto N. Si tamen in puncto F applicaretur potentia animata aequalis ponderi M, quæ impetum rota imprimeret, non secundum lineam perpendicularem FN, sed secundum contingentem FL, facientem cum semidiametro EF angulum re-ctum, posset rotam convertere, quia tunc censeretur applicata in puncto F, & non in puncto N; FE autem ad BE habet eandem proportionem, quam HE ad BE. Eodem modo si funis FNM inculceret rotule L in tali situ, ut EL faceret angulum re-ctum cum FE; pondus X aequale ponderi I aut M, posset movere rotam.

Vide Iconismi VII. Fig. VL

MEMBRUM IV.

De alia forma & usu Axis in peritrochio.

Axis in peritrochio hæcenus descriptus requirit in usu suo situm horizonti parallelum, & pondus elevatur sursum. Potest idem Axis disponi, ut habeat situm horizonti perpendiculari, & pondus moveatur vel per planum horizontale, vel clivum montis aut aggeris.

Axis in peritrochio alia forma & usus.

Sit in præsentis figura Axis CD, horizonti perpendicularis, cuius basi infixus sit clavus teres & fortis F, volubilis intra foramen trunci K: Circa Axem CD sit tympanum AB, cuius centrum sit E, idem videlicet quod Axis centrum, & circa tympani peripheriam sint dispositi radii, plures, aut pauciores, prout libuerit, aut necessarium fuerit. Si Axis seu cylindro CD alligaretur funis GH, & funi alligetur pondus I, & potentia quædam animata (inanimata hic locum non habet) arreptis radiis, aut alia ratione vertat rotam & cum rota cylindrum: funis adglomerabitur cylindro, & pondus I attrahetur versus cylindrum, si planum horizontale fuerit in quo pondus jacet, si acclive.

Vide Iconismi VII. Fig. VII.

Ratio hinc eadem est quæ antea. Nam rota cum Axe constituit vectem primi generis, in quo hypomochlium est. centrum E cylindri & rotæ;

& rotæ; distantia major est EB, cujus extremo B applicatur potentia; distantia minor est CE, cujus extremo C applicatur pondus. Quare si proportio BE ad CE major fuerit, quam ponderis ad potentiam, sequetur motus ponderis, tanto facilius, quanto longior fuerit distantia EB supra distantiam CE &c. quæ in Corollariis præcedentibus dicta sunt.

MEMBRUM V.

De potentia seu viribus Axis in peritrochio.

Axis in peritrochio vires.

V Ide quæ dicimus infra de potentia seu viribus Succulæ, & Ergatæ; eadem enim est in omnibus ratio.

ANNOTATIO.

Rota molis. dicitur cum habet rationem axis in peritrochio.

Rota molendinorum, in quarum circuitu disposita sunt pinnae seu praeinantes palmulae, in quas aqua vel cum impetu cadens, vel incurrens rotam cum inserto sibi cylindro circumagitur, habent rationem Axis in peritrochio, sive rotarum cylindri situm habeant horizonti parallelum, sive perpendicularem. Nam distantia ab extremitate pinnae usque ad centrum rotæ & cylindri habet rationem majoris brachii velletis, semidiameter cylindri est minus brachium, centrum est hypomochlium, aqua est potentia, restitutum motui est pondus.

CAPUT SECUNDUM.

De Siccula, ejusque usu in extollendis ponderibus.

Vide Iconismi VII. Fig. VIII. Succula forma & usus.

Succula est Axis sine peritrochio, & constat cylindro KE, cum polis seu ferreis ac teretibus clavis A & B, basium centris infixis firmiter ac immobiliter, ut binorum hinc & inde dispositorum fulcrorum foraminibus & crenis imponi possint. Cylindro adnectitur funis MN, & funi alligatur pondus O; qui funis ex cylindri conversione circa polos suos intra fulcrorum foramina, cylindro circumvolvitur; unde oritur ponderis elevatio: quantum enim funis ex illa conversione circa cylindrum volvitur, tantum ascendit pondus. Sed ad augendas vires trahentis, insiguntur cylindro circa unam aut utramque extremitatē radii HE, FE. &c. quibus manu arreptis cylindrus volvitur, ut videre est passim in torno quo aquam ex puteis haurimus. Eò autem facilius cylindrus circum-

circumvolvitur, & pondus attollitur, quò longiores sunt prædicti radii: habent enim rationem vectis primi generis. Quod ut intelligas, cogita punctum E esse in ipso axe seu medio cylindri, & radium FG transire per illud punctum, & per punctum P in cylindri superficie extrema. Portio igitur FEP, vectis est primi generis, cujus hypomochlium est punctum immobile E, brachium majus FE, brachium minus PE, potentia applicatur in F, pondus in P. Quod dixi de portione FEP, intelligi etiam debet de omnibus aliis similibus scyतालatum portionibus. Quare ut EP (semidiameter cylindri) ad EF, ita potentia in F sustentans pondus O, ad ipsum pondus. Et si paulo major fuerit potentia, aut paulo productior radius EF, jam poterit etiam pondus movere, uti ex præcedentibus constat. Si jam EP ad EF sit ut 1. ad 6. circumferentia à puncto P descripta, ad circumferentiam à puncto F descriptam erit pariter ut 1. ad 6. igitur potentia potens movere 30. libras, applicata in F poterit movere libras 80. in N appensas; motus siquidem ponderis sextuplo tardior erit motu potentia, ac proinde sub sextuplam habebit resistentiam ejus, quam haberet, si equaliter cū potentia moveretur.

Idem contingit, si loco radiorum EF, EH &c. infigatur in B, centro basis cylindri, manubrium curvum B C D H: potentia enim in D H applicata, se habet ad pondus, quod potest sustentare, ut semidiameter B K cylindri ad longitudinem manubrii C D. Intelligatur enim ex axe cylindri exire recta EO, æqualis ipsi CD, quæ ex opposita parte ad punctum I superficiei extremæ cylindri pertingat; & moveatur in gyrum cylindrus cum radio OEI. Erit ergo ut EI ad EO, ita motus ipsius I, hoc est, ponderis, quod cum illo æqualiter moveatur, ad motum ipsius O, hoc est, potentia applicatæ in O: igitur ut EI ad EO, ita potentia sustentantis ad pondus. Quare si fuerit data potentia, & datum pondus, & datus cylindrus cujus semidiameter EI, & quæratur longitudo radii apponendi, ut possit à datum potentia data pondus sustineri: fiat ut data potentia ad datum pondus, ita data cylindri semidiameter EI ad EO. Et hæc est longitudo radii, qua data potentia potest datum pondus sustentare, non tamen movere. Augeatur igitur EO usque in P, ad libitum, poteritque potentia etiam movere pondus, quia jam EP ad EI habet majorem rationem, quàm EO ad EI, hoc est, quàm

Vide Leonismi V II. Fig. IX.

pondus ad potentiam; ac proinde EP est quæ sita radij longitudo.

Machina hæc tenus descripta & explicata appellatur à Latinis Succula, à Græci *σὺκκα*, fortassis quia propter quaternos fulcri pedes suis aut asini speciem referunt. Itali *Nasbam* vocant, vietores

8071111111

CAPUT TERTIUM.

De Ergata, ejusque usu in promovendis ponderibus.

Sicut Axis in peritrochio, ita & Succula duplicem potest habere in usu suo situm ac dispositionem, unum horizonti parallelum, alterum eidem horizonti perpendicularem, ut apparet in apposita Figura, in qua cylindrus EA, clavo terete ferreo A infixus truncato G, stat erectus perpendiculariter, infixos habens collopes EH, EI &c. & alligatum sibi funem ductarium DF, cui alligatum est pondus B. Dum enim potentia collopibus applicata circumagat cylindrum, funis DF circumvolvitur, & secum rapit pondus B. Et hæc Machina *Ergata* Latinis, Italis *Argano* dicitur. Collopes in hac Machina possunt esse quantumvis longi, & hoc habent commodi, quòd plures potentia simul possint illis applicari. Hoc tamen discrimen intercedit inter Ergatam & Succulam, quòd Succulae possunt applicari etiam potentia non viventes, ut gravitas lapidis aut similibus; Ergatae verò, quia motus potentia debet esse horizonti parallelus, requirit communiter potentiam viventem & animatam, ut hominum, vel equorum. Advertendum tamen, quando eidem radio, v.g. radio EH, applicantur simul plures potentia, ut una in H; altera in C, non omnes æqualiter movere pondus, quamvis omnes æqualiter conentur, quia ejus quæ in H applicatur, momentum est ut HE; ejus verò quæ in C applicatur, momentum est ut EC. Cæterum hic eadem est ratio proportionis inter potentiam & pondus, inter motum utriusque, spatium, & velocitatem, quæ in præcedentibus est explicata.

ANNOTATIO I.

IN Axe in peritrochio, in Succula, & in Ergata, alijsq. similibus Machinis, nec sola scytala, nec sola rosa cum scytalis exclusa semidiametro cylindri, habent rationem majoris brachij velis, sed totum spatium quod

Vide Iconismi VII.
Fig. X.
Ergata forma.
ma. & n. 1111.

quod interjacet, inter centrum cylindri & locum seu punctum cui applicata est potentia; minus verò vectis brachium est semidiameter cylindri. Hoc ubique in precedentibus supposuimus, & hic iterum advertere volumus, nè quis erret.

ANNOTATIO II.

In omnibus precedentibus exemplis, quibus proportionem inter pondus & potentiam explicavimus, locuti sumus præcisè de pondere & potentia, non considerata gravitate funis ductarii, quo pondus attollitur vel trahitur, nec resistantia Machina quam offert difficultas versionis axis intra sua foramina, unde unde illa difficultas oritur. Caterum ut exacta habeatur ratio potentia requisita ad pondus elevandum, aut longitudinis scytalarum, aliorumque similium, habenda est etiam ratio prædictorum.

ANNOTATIO III.

Si disponatur Succula prout apparet in Figura AI, circumducendo nimirum funem ductarium EDC circa rotulas CD supernè alicubi alligatas, potest pondus elevari non solum usque ad cylindrum AB, sed etiam usque ad CD, & ulterius, si placueris.

CAPUT QVARTUM.

De viribus Axis in peritrochio, Succula, & Ergate.

Eadem est omnium ratio, ideoque quod de una dicitur Machina, de omnibus intelligi debet. Quoniam verò in omnibus apparet ratio vectis primi generis, ut vidimus; eadem erunt harum vires ad pondera movenda, quæ vectis primi generis sunt, nempe infinita. Quare omnibus hisce tribus Machinis datum pondus à data potentia sustentari & moveri potest.

*Vires Axis
in peritro-
chio, su-
cula, & er-
gata.
Vide Ico-
nismi VII.
Fig. XII.*

Sit enim datum pondus ut centum, potentia verò ut decem. Exponatur quædam recta linea AB, quæ dividatur in C ita, ut AC ad CB eandem habeat proportionem, quam pondus ad potentiam, hoc est, centum ad decem, seu decem ad unum. Si fiat axis seu cylinder pro quacunque ductarum Machinarum, cujus semidiameter sit CB, tympanum verò seu rota circa axem, cujus semidiameter vel sola, vel unà cum scytala peripheria rotæ infixæ, vel etiam sola scytala sit AC; patet ex suprà dictis, potentia ut decem

applicatam in A, sustentare posse pondus in B applicatum, fune scilicet cylindro appensum, aut circumpositum. Si jam vel elongetur distantia CA versus E, & applicetur potentia in E; vel manente distantia CA, decreseat semidiameter C B cylindri; patet ex iisdem supra dictis, potentiam posse movere pondus; & quidem eò facilius, quò magis proportio CA & CB superabit proportionem ponderis ad potentiam. Quò tamen magis facilitatur motus, eò magis retardatur, quia quò major est circulus & motus potentia, eò tardior est motus ponderis, uti ex dictis patet.

Quod dixi de proportionem centupla inter pondus & potentiam, intelligi debet de quavis proportionem. Infinita ergo vis est trium dictatum Machinatum.

CAPUT QVINTUM.

De alio usu axis seu cylindri in rota à calcantibus circumacta.

Rota calcantibus.

Vide Iconismi VII Fig. XIII.

Alius est usus, & frequentissimus quidem, utilissimusque, axis seu cylindri in peritrotchio aut rota, quo utuntur communiter juxta fluvios navigabiles in Hollandia & Germania ad exonerandas naves, aut etiam ad pondera in fabricis attollenda. Axis enim seu cylindro valido CD, polis suis item validis A inferius, & B superius infra tectum, instructo, quibus intra pegmatis circumpositi foramina gyrari facile possit, circumædificant duplicem rotam, vel potiùs solam circumferentiam rotatum EFG ex asseribus, adeo latam, ut binos viros stantes, & concavam rotæ circumferentiam calcantes, sustinere commodè possit, unum videlicet ad dexteram, alterum ad sinistram. Cylindro rotarum circumdant ductarium funem I K, eumque sursum eductum implicant uni aut duobus orbiculis L, M, intra trabem aliquam absconditis, iterumque demittunt ad pondus usque O, quod extremitati aut unco ejus ferreo N adalligant. Ingrediuntur deinde duplicem rotam viri bini, & erecti calcant eam, à G versus F & E quasi progredientes, & pondere suo vertunt rotam, simulq; ductarium funem cylindro circumvolvunt, & adnexum pondus elevant, eò facilius, quò major fuerit rotarum semidiameter, minorve semidiameter cylindri. Ideo autem trabs cum orbiculis L, M supra Machinam disponitur, ut pondus elevari possit etiam supra Machinæ altitudinem.

dinem usque ad ipsam trabem, Machina enim tota cum pegmate suo undique parietibus & tectis munito fundata est in plano horizontali.

Tota porro hæc Machina ex Axe, rota, & trabe composita, & fulcris suis, intra quæ Axis vertitur; inferius superiusque instructa, intra foramina A & B circumagi, & in omnem partem converti potest; funis verò MLN, cum orbiculis M, L, & parte trabis, prominet infra tectum extra domunculam, intra quam conclusa est Machina. Hoc autem ideo fit, ut funis MN demitti possit intra navim oneratam in fluvio, & apprehenso pondere, sublatoque, verti queat ad ripam, ibique demitti. Et quamvis ingens sit Machina, tota tamen vel ab uno viro verti potest.

ANNOTATIO.

A D Axem in peritrochio pertinet etiam rota cum manubrio, seu manubrium curvum in rota; de qua re alibi erit sermo.

PORISMA.

*E*X dictis toto hoc Syntagmate constat, quotiescunque per Axem in peritrochio, Succulam, & Ergatam fit motus, potentiam velocius moveri quàm pondus, & inter motum potentiæ & ponderis esse majorem proportionem, quàm inter pondus & potentiam. Itaque etiam in hac Machina verum est principium nostrum universale augmenti virium potentiæ per Machinas.

SYNTAGMA QVARTUM.

De Trochlea, ejusque in sustinendo ac movendo pondere viribus, nec non de proportionem potentiæ ad pondus in ejus usu.

*T*ertia fundamentalis Machina est Trochlea; tam frequens, ut vix ullum sine ea pondus attollatur; tam facilis, ut nauta, cementarij, aliq, è vulgo plurimi ea utantur, tantarum virium, ut nulla alia quàm hac crediderim Archimodem

*unâ manu levâ quinquies millenorum modiorum pondus permovisse, & navem maximam in littus ejectam, ad se per-
rinde, ac sin mari remis ageretur, traxisse, aliaque mirabi-
lia præstitisse quæ in Libri primi Præmio cõmemoravi; quã-
vis alii aliter sentiant. De hac Machina sequentia dicam.*

CAPUT PRIMUM.

De Trochlea forma, & usu in ponderibus attollendis.

Vide Ico-
nismi VIII.
Fig. I.
Trochlea
ejusque
varia dis-
positio.

TROCHLEA est machina tractoria, constans uno aut pluribus or-
bicularibus seu rotulis, circa axiculos suos alicubi fixos, aut in lo-
culamento quodam suspensos, versatilibus, quibus circumdu-
cto intra excavatum in circumferentia ipsarum canaliculum fune
pondus trahitur. In apposita figura orbiculi seu rotulæ (ex ligno
solido ac duro, aut ex orichalco) sunt AB, CD, EF, GH; axiculi
seu clavi teretes, ferrei aut ænei, per orbiculorum centra adacti,
sunt I, K, L, M, suspensi in loculamentis TN, & VX, ita ut orbicu-
li circa dictos axiculos, velut circa polos verti ac gyron in orbem
possint, Singulorum orbiculorum peripheriæ habent excavatos
canaliculos, ut funem intra se, saltem aliquousque excipere pos-
sint. Funis in apposita Figura est affixus puncto N loculamenti
TN, indeque descendit, & circumvolvitur orbiculo FE, transiens
infra P; ab E ascendit, & volvitur orbiculo CD, transiens supra K;
à D iterum descendit, & circumvolvitur orbiculo HG, transiens
infra Q; à G iterum ascendit, & circumvolvitur orbiculo AB, trã-
siens supra I; à B denique descendit in R, & apprehenditur à potentia
trahente deorsum. Et quoniam superius loculamentum TN est
effixum unco Y, inferiori vero VX affixum est pondus S. ipsum
vero loculamentum unâ cum pondere affixum est superiori me-
diante fune orbicularibus circumducto, & alligato in N; ideo dum po-
tentia R trahit deorsum funem RB, sequitur ex altera parte funis
AGQHDK CEPFN, & consequenter loculamentum inferius
VX una cum pondere S attollitur. Hæc est Trochleæ forma, &
usus in ponderibus attollendis.

Solet aliquando unicus tantum orbiculus adhiberi, & tunc Ma-
china appellatur Trochlea simplex, & Monospastos: aliquando

vero adhibentur duo, tres, quatuor, quinque, aut plures orbiculi; & tunc pro orbiculorum numero Machina appellatur dispastos, trispastos, tetrapastos, pentaspastos, &c. & uno verbo polyspastos, quasi dicas, Machina seu Trochlea bitraha, tritraha, quadritraha, multitraha, à grævo verbo $\sigma\pi\acute{\alpha}\lambda\omega$, seu $\sigma\tau\acute{\alpha}\lambda\omega$, quod trahere significat. Et hæ vocantur Trochleæ compositæ. Itali Trochleam appellant *la taglia*, Germani *Scheiben/ Rollen/ Werbel*; loculamenta vero iidem vocant *Flaschen*. Eadem loculamenta ab aliis dicuntur capsulæ, à Pappo Alexandrino lib. 8. Collection. Mathem, mangana.

§. I. Usus Monaspasti seu Trochleæ simplicis.

Cæterum variis modis ad pondera attrahenda adhiberi solent trochleæ, tam simplices, quàm compositæ, ut Pappus etiam loc. cit. notavit. Nam in usu simplicis trochleæ aliquando unicum orbiculum AB, mobilem circa axiculum suum H, & inclusum intra loculamentum CD, superne appendimus ex unco aut trabe E, & funem ductarium IABG orbiculo circumducimus, unique ejus extremitati I appendimus pondus F, alteri vero extremitati G applicamus potentiam deorsum trahentem, aut etiã aliud pondus deorsum nitens. Et hac dispositione communiter utimur in extrahenda aqua è puteis aliisq; ponderibus non adeo magnis in altum attollendis. Et hic vocetur Monospastus primi generis.

Vide Iconis VIII Fig. II.
Monospasti primi generis forma, & usus.

Aliquando vero eundem unicum orbiculum AB, capsulæ suæ CD inclusum, alligamus infernè ad pondus quod volumus attollere, & funis GBAI orbiculo circumpositi unum extremum I alligamus supernè alicubi, ut in clavo F, alterum vero extremum G apprehendimus, & sursum trahimus, ut sequatur trochlea cum pondere alligato. Et hic vocetur Monospastus secundi generis.

Vide Iconis VIII Fig. III.
Monospasti secundi generis forma, & usus.

§. II. Usus Dispasti, seu duarum Trochlearum.

IN usu duarum Trochlearum aliquando (ut apparet in Fig. IV.) unus orbiculus AB, cum capsula sua CD, alligatur supernè alicubi in I; alter vero orbiculus NO, cum capsula sua PQ, alligatur inferne ad pondus R, & funis ductarius circumpositus utriq; orbiculo, uti Figura monstrat, unâ sua extremitate alligatur in L, aut

Vide Iconis VIII Fig. IV.
Dispasti primi generis.

in K, aut ipsi loculamento in D, altera vero extremitate M trahitur deorsum à potentia; & dum funis deorsum trahitur, pondus R ascendit. Et hic vocetur Dispastus secundi generis.

Vide Iconismi VIII. Fig. V. Dispastus secundigenus.
 Aliquando vero in usu earundè duarum Trochlearum (ut apparet in Fig. V.) unus orbiculus AB, cum capsula sua CD, alligatur ut antea supernè in I; alter vero orbiculus NO, cum sua capsula PQ, alligatur ad pondus R; & funis ductarius utrique orbiculo circumvolutus, ut monstrat Figura, alligatur unâ suâ extremitate in L, alterâ vero extremitate M trahitur sursum à potentia. Et hic vocetur Dispastus secundi generis.

Vide Iconismi VIII. Fig. V. Dispastus tertii generis.
 Aliquando denique orbiculus superior AB (ut in Fig. VI, apparet,) alligatur supernè alicubi in I, ut antea, inferior verò CD alligatur ponderi M, & circumducto circa utrumque fune, uti Figura eadem monstrat, alligatur una ejus extremitas F inferioris Trochleæ capsulæ K L, altera vero extremitas G sursum trahitur à potentia, sequente tam Trochleâ, quam pondere trochleæ alligato. Et hic vocetur Dispastus tertii generis.

§. III. Usus Trispasti, seu trium Trochlearum.

Vide Iconismi VIII. Fig. VII. Trispastus primigenus.
 In usu trium Trochlearum aliquando superiori loculamento DE, uti Figura VII. monstrat, includuntur duo orbiculi AB major, & CD minor, inferiori vero loculamento IK includitur, unus solum orbiculus GH. Deinde superius loculamentum DE alligatur alicubi in F, inferius vero IK alligatur ponderi L. Demum circumducto fune, ut vides in Figura, alligatur una ejus extremitas M inferiori loculamento in I, altera vero extremitas N deorsum trahitur à potentia, & eâ ratione attrahitur pondus sursum. Vocetur autem hic trispastus primi generis.

Vide Iconismi VIII. Fig. VIII. Trispastus secundigenus.
 Aliquando vero è contrario superiori loculamento DE, uti Figura VIII. monstrat, includitur unus tantum orbiculus AB, & inferiori loculamento IK includuntur duo, GH major, & CD minor. Superius loculamentum alligatur alicubi in F, inferius vero alligatur ponderi L. Demum circumducto omnibus tribus orbiculis fune, ut Figura VIII. monstrat, una ejus extremitas alligatur in M, altera vero extremitas N trahitur à potentia sursum, simul

simulq; ascendit tam trochlea, quàm pondus ipsi adherens. Vocetur autem hic trispastus secundi generis. Et hic nihil est aliud, quàm trispastus primi generis in versus, ut conferenti unam Figuram cum altera patet.

Omitto aliam dispositionem trispasti, si nimirum in trispasto primi generis extremum M funis non alligaretur loculamento, sed alibi; omitto inquam hanc dispositionem, quia omnino inutilis est, quandoquidem non plùs præstat quàm dispastus primi & secundi generis, imo quam monospastus secundi generis, ut ex dicendis patebit. Usus plurium quam trium trochlearum, ut quatuor, quinque, sex, septem, octo &c. postea explicabitur. Nunc ad vires progrediamur.

ANNOTATIO.

Quando in una polyspastorum capsula sunt duo, aut plures orbiculi, tunc in superiori capsula orbiculus superior semper est major suo inferiore; & in capsula inferiore orbiculus inferior semper major suo superiore; non quod ita fieri necessarium sit, sed ut funes inter se implacentur, quod fieret, si omnes orbiculi inter se aequales essent.

CAPUT SECUNDUM.

De viribus Trochlearum in ponderibus sustinendis, & attollendis; & utrum trochlea reducatur ad vectem.

Quamvis pondus per trochleas multis modis moveri possit, scilicet sursum, & ad latera per planum horizontale, aut per planum inclinatum; tamen vires earum claritatis & brevitatis gratiâ solum in motu sursum recto & ad horizontem perpendiculi explicabimus. In cæteris autem moribus eadem est ratio, quoad proportionem inter potentiam & pondus præcisè consideratum, quamvis varietas magna oriri possit ratione planorum per quæ pondera moventur.

Et quamvis in sequentibus exemplis solum consideremus pondus inferiori trochleæ appensum, habenda tamen in praxi semper est ratio etiam gravitatis funium & trochlearum quæ sursum una cum pondere trahuntur. Habenda item est ratio difficultatis ortæ ex affricu funium cum orbiculis, & orbiculorū cū axiculis,

*Trochlea A
Vires in pō-
deribus at-
tollendis.*

& similium impedimentorum motus facilitatem retardantium.

Dum autem inquirimus vires trochlearum, simul etiam examinandum est, utrum trochleæ Instrumentum in usu suo reducatur ad vectem. Pro cuius rei intelligentia recolenda sunt quæ attulimus suprâ Syntagm. 2. cap. 1. Proposit. 2. de tribus vectis generibus, ubi diximus vectem primi generis esse, quando in uno extremo est pondus, in altero potentia, inter utrumque verò intermediat fulcrum seu hypomochlium: At vectem secundi generis esse, quando hypomochlium seu fulcrum, ut in præsentî Figura apparet, est in uno extremo A, potentia in altero extremo C, pondus verò D est inter utrumque in B, aut F. Qua in re manifestum est, & ex dictis ibidem, & Syntagmate I. patet, si pondus præcisè in medio inter utrumque extremum pendeat, v.g. in puncto F, ab utroque æqualiter sustentari, ideoque potentiam C non nisi medietatem ponderis sustentare, cum reliquam medietatem sustineat fulcrum A; non enim est major ratio cur unum extremum plus quam alterum participet de pondere. At si pondus suspendatur ex alio puncto, ut ex B, tunc si potentia ad pondus habet eandem proportionem, quam habet distantia AB, ad distantiam AC reciproce, potentia poterit sustentare pondus; & si vel augeatur potentia, ut major sit proportio potentia ad pondus, quàm AB ad AC; vel prolongetur AC versus C, aut pondus B magis accedat ad A, ut sit major proportio AC ad AB, quam ponderis ad potentiam; tunc potentia potest etiam movere pondus, illudque attollere, tanto facilius, quò major erit AC suprâ AB. Quo tamen facilius potentia elevat pondus in hoc casu, cò tardiùs movetur pondus; quia motus ponderis ad motum potentia se habet, ut AB ad AC, hoc est, ut potentia ad pondus. His præmissis sit

MEMBRUM I.

De viribus Trochleæ simplicis; seu Monospasti.

OMnium Trochlearum præcedenti capite descriptarum aut insinuataram vires singulatim explicabimus, eodem ordine quo suprâ recensitæ sunt. A Monospasto igitur incipimus.

PRO-

Vide Ico-
nif. VII.
Fig. IX.
& X.

PROPOSITIO I.

*Si in usu simplicis trochleæ orbiculus cum axe aut capsula sua
superne alligatur, & fune circumducto alterum ejus extremum
adnectitur ponderi, alterum à potentia deorsum trahitur; tro-
chlea sit vectis primi generis, & potentia nihil juvatur.*

Vel

*Monospastus primi generis est vectis primi generis, &
non juvat potentiam.*

SIt in superiori Figura II. Orbiculus AB, insertus capsulæ CD, & circa axiculum H centro orbiculi insertum volubilis, & funis circumpositi extremo I sit appensum pondus F, alteri vero extremo G sit applicata potentia deorsum nitens. Dico, trochleam illam habere rationem vectis primi generis, & potentiam nihil per eam juvari, sed ad sustinendum pondus F requiri potentiâ æqualem ponderi, ad trahendum verò pondus sursum requiri potentiam majorem pondere. Si enim è centro H, ad puncta A & B, in quibus funis ambo extrema perpendiculariter deorsum pendentia (pondus enim & potentia deorsum nituntur versus centrum Mundi, ac proinde funis portiones AI, BG, parallelæ sunt inter se, per ultimum Postulatum nostrum Mechanicum) ducantur rectæ HA, HB; constituent hæc unam lineam rectam, ut demonstrat Guido Baldus ante Proposit. I de Trochlea: recta autem hæc linea, vel potius totus orbiculus ex axe suo suspensus, constituit vectem æqualium brachiorum, quoniam HA, HB, sunt æquales, & axiculus H habet rationem fulcri, ab extremo A dependet pondus, extremo B applicata est potentia (licet enim pondus & potentia sint in I & G, perinde tamen est ac si essent in A & B), ut igitur potentia sustineat pondus, debet esse ad ipsum, ut est distantia AH ad distantiam BH, hoc est, debet esse ponderi æqualis, per Corollarium 1. Propos. 6. cap. 4. Apparatus Mechanici, & per dicta Proposit. 3. cap. 1. Synagm. 2. Ut vero potentia prævaleat ponderi, illudque moveat sursum, debet esse major quam pondus, ut ex se patet, & colligitur ex Postulato 1. citati Apparatus. Nihil ergo juvat hujusmodi simplex trochlea potentiam.

Vide Iconismi VIII. Fig. II. Monospastus primi generis vires.

Monospastus primi generis videri ad vectem primi generis.

P O R I S M A.

De proportionē motus potentie ad motum ponderis.

*Proportio
motus po-
tentie ad
motum pō-
deris in
manifesto
primi gene-
ris.*

EX his concluditur, pondus æquē velociter moveri sursum ac potentia deorsum. Descendat enim potentia à G usque ad K, ascendet pondus ab I usque ad A. Cùm igitur tota chorda K G B H æqualis sit toti chordæ G B A I (eadem enim manet in utroque statu) ergo dempta communi G B A, remanet G K. motus potentie, æqualis ipsi A I motui ponderis.

Colligitur II. Trochleam supradictam esse vectem primi generis æqualium brachiorum perpetuam; licet enim descendente potentia, & pondere ascendente, gyretur orbiculus, semper tamen distantie à centro H usque ad duo utrimque puncta contactus A & B sunt æquales, & hypomochlium manet semper intra utramque extremitatem medium.

Colligitur III. Etiam si in trochlea dicto modo disposita orbiculus major fiat, non tamen pondus ab eadem potentia eodem conatu operante attolli facilius, quàm per orbiculum minorem: semper enim manet æqualis distantia ponderis & potentie ab hypomochlio, ac proinde semper eadem vis requiritur in potentia. Contrarium videtur asserere Aristoteles in Mechanicis quæst. 9. vel 10.

A N N O T A T I O.

Queres tamen aliquis, cur passim in attollendis ponderibus utamur trochlea prædicto modo disposita, si potentia per eam non juvatur. Respondeo id ideo fieri, quia modus applicandi potentiam ad vim ejus exercendam commodior est, maximè si de animata potentia per manuum applicationem sit sermo. Nam quia niti ac moveri debent manus deorsum, juvantur, aut saltem non impediuntur, à gravitate brachiorum & aliorum membrorum: è contrario verò si solo fune sursum directè trahere deberent idem pondus, impedirentur à gravitate brachiorum & membrorum reliquorum deorsum naturaliter nitentium, & motui sursum repugnantium.

PROPOSITIO II.

Si in usu simplicis trochleæ orbiculus cum axe aut capsula sua inferne alligatur ponderi, & funis circumducti extremum unum superne alicubi religatur, alterum verò apprehendit potentia sursum nitens; trochlea fit vectis secundi generis, & potentia sustinens est subdupla ponderis, sursum verò movens paulo plus quam subdupla.

Vel

Monostasius secundi generis est vectis secundi generis, & requirit potentiam subduplam ponderis ad sustinendum, plus quam subduplam ad movendum.

SIt in superiori Figura III. orbiculus A B, inclusus capsulæ C D, & volubilis circa axem suum per centrum H adactum, religeturque vel axis utrumque extremum, vel capsula ponderi E, & funis circumducti extremum I alligetur superius in F, alterum vero extremum G teneat potentia sursum nitens. Dico, trochleam fieri vectem secundi generis, & potentiam sustententem pondus esse duplo minorem pondere; ut verò moveatur pondus sursum, sufficere potentiam paulo maiorem subdupla ponderis. Ducantur enim ex centro H, ad puncta contactus A & B, duæ rectæ H A, H B, & constituatur una recta H A B, ut antea; habebit hæc linea A H B, vel potius totus orbiculus, rationem vectis, cujus hypomochlium est in A, potentia in B, pondus in H; ac proinde ut distantia A H ad A B, ita potentia sustentans in B ad pondus sustentatum in A. Cum igitur A H sit subdupla ipsius A B, erit etiam potentia sustentans subdupla ponderis. Si ergo subdupla potentia potest sustentare pondus, major quam subdupla poterit illud elevare.

Vide Iconismi VIII. Fig. III. Monostasius secundi generis reducitur ad vectem secundi generis.

Proportio potentia ad pondus in monostasio secundi generis.

Tamet si verò, dum potentia elevatur versus K, orbiculus circa axiculum suum gyretur, quia tamen chorda in iisdem semper punctis A & B tangit orbiculum, semper manet eadem dispositio & ordo punctorum A, H, B, ac proinde nunquam perditur ratio vectis, sed potius continuatur ac perpetuatur.

COROLLARIUM.

EX his manifestum est, si duæ potentia pondus trochleæ prædictæ appensum sustineant, una in I, altera in G, utramque simul sumptam ponderi æqualem esse, & unanquamque sustinere dimidium ponderis. Tantundem autem sustinet clavus I, quantum faceret alia potentia in I applicata.

P O R I S M A.

De proportionemotus potentia ad motum ponderis.

IN hoc Monospatto potentia movetur duplo velocius quam pondus. Ostendo id mechanicè ferè sic. Fiat in præcedente Figura III. linea BG æqualis lineæ AI, & continuetur usque ad X, ut recta GX æqualis sit duabus AI, & BG simul sumptis. Certum est, quando pondus E ascendit eò usque, ut recta AB sit ubi est recta IG, punctum G funis debere esse in A, quia ambæ partes funis, nimirum AI & BG, debent esse supra rectam IG: sed tunc pondus erit motum solum per spatium AI, seu BG, potentia verò per spatium GX, quod est duplo majus quam spatium AI; ergo potentia conficit eodem tempore spatium duplo majus quam pondus, ac proinde duplo velocius movetur.

M E M B R U M II.

De viribus Trochleæ duplicis, seu Dispasti.

QVoniam potentia in G proximè præcedentis Figuræ III. applicata, sursum moveri debet, & tamen moventibus inanimatis, utpote gravibus, impossibile est, animatis verò difficillimum, moveri sursum, saltem difficilius quam deorsum moveri; ideo obviarunt huic incommodo Mechanici, addendo alium orbiculum superiorem loculamento suo inclusum, & alicubi supernè alligatum, uti in superiori Figura IV. apparet: ubi funis ductarius, utrique orbiculo circumductus, una sua extremitate alligatus est vel ipsi loculamento superioris orbiculi in D, vel alibi in L, aut K; altera verò extremitate M deorsum trahitur à potentia, seu animata, seu inanimata. Hanc igitur formam dispasti nunc examinabimus, postea verò reliquas duas ibidem explicatas.

P R O.

PROPOSITIO III

Si in usu dispaſti ſuperior orbiculus alligatur alicubi, inferiori vero alligatur pondus, & unum funis extremum firmatur ſuprà, alterum à potentiâ ad. orſum trahitur, potentia non plus juvatur quàm per monopaſtum ſecundi generis.

Vel

Per Diſpaſtum primi generis potentia non juvatur plus quàm per Monopaſtum ſecundi generis.

CONſideretur Figura IV. præcedentis capituli. Ratio eſt, quia ſuperior orbiculus, ut oſtendimus Propoſitione I, nihil juvat potentiam, niſi quòd efficit ut deorſum moveatur, quæ alioquin ſurſum deberet moveri ad pondus inferiori orbiculo alligatum attrahendum. Non plus ergo poteſt potentia in M deorſum trahens, quàm in F trahens ſurſum, atque adeo quàm in Monopaſto ſecundi generis.

Vide Ico-
niſmi VIII.
Fig. I V.
Proportio
potentiæ ad
pondus in
diſpaſto pri-
mi generis.

COROLLARIUM I.

Subdupla ergo debet eſſe potentia in prædicto diſpaſto reſpectu ponderis, ut ſuſtineat pondus; & major quàm ſubdupla, ut pondus attollat. Nam ſi in F applicaretur potentia, & ſurſum niteretur, deberet eſſe ſubdupla ad ſuſtinendum, & major quàm ſubdupla ad movendum, ut demonſtravimus in præcedente Propoſitione.

PORISMA.

De proportionemotus potentiæ ad motum ponderis.

Potentia motus duplo major eſt in eodem diſpaſto, quàm motus ponderis. Nam ut pondus attolletur ab N O uſque ad A B, ſcilicet per ſpatium lineæ NA, aut O B potentia debet moveri deorſum ad tantum ſpatium, quanta eſt longitudo funis N A & B O ſimul, ut conſideranti patet.

COROLLARIUM II.

PRædictus diſpaſtus reducitur ad veſtrem ſecundi generis, ſicuti monopaſtus ſecundi generis. Nam inferior orbiculus in motu ponderis

*Dispastus
primi gene-
ris reducitur
ad vo-
luntatem secun-
di generis.*

ponderis sursum efficitur vectis secundi generis, ut demonstravi-
mus in Proposit. 2. Superior vero nihil juvat motum sursum.

PROPOSITIO IV.

*Si in usu Dispasti orbiculus superior alligatur alicubi, & infe-
riori adnectitur pondus, & unum funis extremum alligatur supra, al-
terum à potentia sursum trahitur, idem quod antea discendum est.*

Vel

*Dispastus secundi generis non plus juvat potentiam, quam
primi generis Dispastus, & secundi generis Monospastus.*

Vide Ieo-
nismi VIII.
Fig. V.

Consideretur Figura V. præcedentis Capituli. Ratio est, quia
Orbiculus AB superioris trochleæ est penitus inutilis ad pot-
entiam juvandam respectu ponderis ex inferiori trochlea penden-
tis, & idem est ac si funis religatus esset in F, & potentia in M sus-
tineret pondus, aut sursum traheret, solâ trochleâ ponderi alligatâ,
adeoq; non plus facit hic Dispastus, quàm Monospastus secundi
generis.

COROLLARIUM.

Subdupla ergo requiritur in Dispasto secundi generis poten-
tia ad pondus sustinendum, & major quàm subdupla ad mo-
vendum, seu sursum, seu etiam ad latus.

PORISMA.

De proportionemotus potentie ad motum ponderis.

*Proportio
motus pot-
entia ad mo-
tum ponderis
in dispa-
sto secundi
generis.*

Motus potentie duplex est motus ponderis, quia ut linea
MNO orbiculi inferioris cum pondere alligato ascendat us-
que ad lineam MF, debet potentia M ascendere per tantum spa-
tium, quanta est chorda NM, & OF simul, ut patet consideranti.

PROPOSITIO V.

*Si in usu Dispasti trochlea superior alicubi alligatur, inferio-
rique adnectitur pondus, & unum funis utrique orbiculo circum-
ducti extremum alligatur inferiori trochleæ, alteri vero appli-
catur potentia sursum tendens; potentia sustinens pondus est
subtripla, attollens plus quàm subtripla.*

Vel

Vel

*Dispastus tertii generis requirit potentiam sustententem sub-
triplam ponderis, moventem paulo majorem quam subtriplam.*

Vide Ico-
nismi VIII,
Fig. VL

Consideretur Figura VI. capitis præcedentis. Ut causa Propo-
sitionis adsignetur, præmittendum est hoc Lemma.

LEMMA.

Sit vectis secundi generis AB, cujus fulcimentum A, pondus D
pendeat è medio puncto G, & sustineatur à duabus æqualibus
potentiis, quarum una sit in C, altera in B. Dico, unamquamque
potentiam esse subtriplam ponderis, vel unamquamque habere
momentum æquale tertiæ parti ponderis D. Nam potentia in C
sustinet pondus æquale sibi ipsi, seu suis viribus, quoniam distan-
tia ejus à fulcmento A est æqualis distantia ponderis ab eodem
fulcmento A. At potentia in B sustinet pondus duplum sibi ipsi,
seu suis viribus, quoniam distantia ejus à fulcro A est dupla distan-
tia ponderis ab eodem fulcro A. Quia igitur potentia in C & B
applicata supponuntur æquales, ideo potentia in B responderet
duplo plus de pondere D sustentato, quam potentia in C; quare si
pondus D dividatur in duas partes, quarum una sit dupla alterius,
major pars continebit duas tertias totius ponderis, & reliqua
unam tertiam. Quia igitur potentia C æqualis est ponderi à se sus-
tentato, & potentia B subdupla est ponderis à se sustentati: erit
unaquæque subtripla totius ponderis sustentati.

Vide Ico-
nismi VIII
Fig. XI.

Demonstratio Propositionis.

Hoc præsupposito, sit ut supra in Figura VI. Dispastus, cujus
orbiculus superior AB unà cum suo loculamento affixus
in I, inferior verò CD unà cum suo etiam loculamento sit ponde-
ri M alligatus, funis autem ductarius utriq; circumductus sit alli-
gatus unà suâ extremitate puncto F medio loculamenti inferio-
ris KL, & alterâ suâ extremitate G sustentetur à potentia sursum
nitente. Dico potentiam sustentantem esse subtriplam ponderis.
Nā quia inferioris trochleæ diameter CD, vel potius totus orbi-
culus inferior, est vectis secundi generis uti ex supra dictis patet, in

Vide Ico-
nismi VIII
Fig. VI.

Propositio
potentia ad
pondus in
dispasto
tertiæ gene-
ris.

Z

cujus

cujus extremo D est fulcimentum, in altero extremo C est potentia G sursum tendens, è medio puncto E suspensum est pondus M, & eidem medio puncto applicata est altera potentia F sustinens una cum potentia G pondus, sequitur ex præmissò Lemmate, unamquamque duarum potentiarum esse subtriplam ponderis, & tantum niti ac laborare, ac si tertiam ponderis partem sustentaret.

COROLLARIUM I.

SUBtripla ergo potètia sufficit in Dispasto tertii generis, ad pondus sustinendum, & paulo major quàm subtripla ad movendum.

PORISMA.

Potentia movetur triplo velociùs quàm pondus.

NAM ut pondus à recta CD usque ad rectam AB ascendat, debent convolvi omnes tres funes GC, AE, BD, & congiungi duæ trochleæ, ac proinde potentia à puncto G sursum debet conficere tantum spatii, quantum correspondet dictis tribus funibus.


COROLLARIUM II.

COLligitur etiam, cùm pondus M dependeat à tribus funibus, GC, AF, BD, unumquemque sustinere tertiam partem ponderis; nam omnes tres æqualiter à pondere degravantur, & omnes æqualiter sustinent.

COROLLARIUM III.

COLligitur præterea, Dispastum tertii generis non differre à dispasto primi generis, nisi situ aut ordine: nam si invertas dispastum tertii generis, & loculamentum KL suspendas supernè in I, loculamento verò MN infernè alliges pondus, habebis dispastum primi generis. Eodem modo si invertas dispastum primi generis, habebis dispastum tertii generis. Quia tamen retenta dispositione naturali utriusque, in primo potentia sola sustinet pondus, in tertio verò una cum alia potentia in medio applicata; ideo in primo est solum subdupla, in tertio verò subtripla ponderis. Alii existimant, ideo in primo esse subduplam, in tertio subtriplam, quia in primo duplo velociùs movetur quàm pondus, in tertio verò triplo velociùs. Bene, quia hoc illius est signum.





MEMBRUM II.

De viribus Trochleæ Triplicis, seu Trispasti.

PROPOSITIO VI.

Trispastus primi generis requirit potentiam sustinentem subtriplam ponderis, moventem paulo majorem quàm subtriplam.

Consideretur Figura VII. præcedentis capitis. Ratio est, quia, ut consideranti patet, trispastus primi generis non differt à dispasto tertii generis, nisi in hoc, quod chorda GO sit circumducta alteri tertio ac superiori orbiculo AB; superiores autem orbiculi, ut in præcedentibus vidimus, nihil juvant potentiam, nisi quòd potentia, quæ alioquin deberet moveri sursum, moveatur deorsum. Itaque in prædicto trispasto primi generis potentia applicata in N, non potest plus, quàm si ablato orbiculo AB esset applicata in O; tunc autem potentia sustinens esset subtripla ponderis, ut ostendimus in Propositione præcedente; ergo &c.

Vide Iconismi VIII. Fig. VII. Proportio potentia ad pondus in trispasto primi generis.

COROLLARIUM.

Ex hac Propositione, & ex Propositione IV. præcedente, universaliter concludi potest, potentiam applicatam in N in quocunque polyspasto, nunquam plus posse quàm applicatam in O. Itaque si in O est subdupla, subtripla, subquadrupla, subquintupla &c. applicata in N, non erit majoris momenti.

PORISMA.

De velocitate potentia & ponderis.

At et hinc, potentiam in N, non secus ac in O, triplo velocius moveri pondere L, quia tantum viæ debet conficere descendendo, quantum simul tria puncto, G, M, H, ascendendo.

PROPOSITIO VII.

Trispastus secundi generis requirit potentiam sustinentem subquadruplam ponderis, & moventem paulo majorem quàm subquadruplam.

Vide Iconismi VIII.
Fig. VIII.

CONsideretur Figura VIII. præcedentis capitis. Ut probetur, potentiam sustinentem debere esse subquadruplam, id est, quæ momentum ac virtutem habeat æqualem quartæ parti momenti ac virtutis ponderis, præmittendum est hoc

LEMMA.

Vide Iconismi VIII.
Fig. VIII.

Sint duo vectes secundi generis, AB , & CD , quorum hypomochlia sint in A & C , pondus G sit in medio utriusque suspensum ex punctis E & F , & potentiaæ duæ æquales sint in B & D , quæ æqualiter pondus G sustineant. Dico, unamquamque esse subquadruplam ponderis. Nam si potentia D sola sustineret pondus G , esset subdupla ipsius, quando quidem ad illud se habet, sicut GF ad CD , & si potentia B sustineret sola idem pondus G , esset itidem subdupla ipsius, propter eandem rationem: Cum ergo ambæ potentiaæ æquales sint, & æqualiter laborent in pondere illo sustinendo, & tantum respondeat uni, quantum alteri, unicuique respondebit subduplum subdupli, hoc est, quarta pars ponderis. Ergo unaquæque quartam partem ponderis sustinet, ac proinde quælibet subquadrupla est ponderis G .

Demonstratio Propositionis.

Vide Iconismi VIII.
Fig. VIII.

Hoc demonstrato, patet Propositio. Nam duo inferiores orbiculi CD , GH , sunt duo vectes secundi generis, ut ex sequentibus patet, quorum hypomochlia sunt in D & H , potentiaæ in A & N , hoc est, in C & G , pondus L est appensum in medio illorum ex lineâ I L . Ergo &c.

PORISMA.

De motus potentiaæ & ponderis velocitate.

Propositio
motus po-
tentiaæ &
ponderis in
trispasto se-
cundi gene-
ris.

QUadruplo velocius in hoc trispasto movetur potentia quam pondus, quia tantum viæ conficere debet sola, quantum omnia quatuor puncta, C , D , G , H , simul, ut ex sæpe dictis constat, & patet consideranti: pondus autem non plus spatij concit, quam unum solum ex dictis quatuor punctis.

MEMBRUM IV.

De reliquorum Polyspastorum viribus.

*De tetraspasti, pentaspasti, hexaspasti, heptaspasti, octaspasti,
& reliquorum polyspastorum viribus.*

EX dictis hætenus intelligitur usus & vires reliquorum polyspastorum ultra trispastos. Nam si tribus orbiculis trispasti secundi generis addatur alius quartus superius, eique circumducatur funis, ut potentia movens possit movendo niti deorsum, ut patet in Figura I. superioris capitis: constituitur tetraspastus primi generis, at potentia sustinens non juvatur, sed debet esse subquadrupla ut antea, quia orbiculi superiores non juvant potentiam, ut sæpe diximus. Quod si invertatur Figura I. prædicta, & pondus cogitetur suspensum ex T, & trochlea superior ex clavo X, & unum funis extremum esse alligatum inferiori trochleæ in N, & alterum à potentia R sursum trahi; constituetur tetraspastus secundi generis, & potentia in R erit subquintupla ponderis, quoniam funis circumductus in quinque punctis sustinet pondus, nempe in A, in B, in C, in D, & in N, & idem est ac si essent applicatæ quinque potentiae, quarum singulae æquales essent potentiae R, quandoquidem funes in dictis punctis non minus sustinent, quam potentia in R.

Polyspastorum vires.

Vide Iconismi VIII Fig. I.

Si huic tetraspasto inverso addatur superius alius orbiculus, cui funis circumdatur, ut potentia deorsum trahere possit, constituetur pentaspastus primi generis, sed potentia nihil amplius juvatur, quoniam superiores orbiculi nihil juvant potentiam. Si autem talis pentaspastus invertatur, ita ut inferius sint tres orbiculi, superius duo, & potentia trahat sursum; erit hæc subsextupla ponderis. Idem iudicium esto de hexaspasto, heptaspasto & quocunque alio polyspasto.

Analecta varia de Trochleis.

I. **E**X hætenus dictis constat, non tam ex orbiculorum numero, quam ex vario situ, oriri trochleas majoris potentiae, ita ut uno tantundem, quantum duobus, & tantundem duobus, tribus, quatuor, quantum tribus, quatuor, quinque &c. effici queat orbiculis.

Analecta de trochleis.

II. Orbiculum superiori loculamento additum, & ad vires potentia augendas inutilem, non esse contemnendum, sed magno esse commodo, cum propter ipsum potentia melius applicetur, & quæ alioquin sursum trahere debeat, possit trahere deorsum.

III. In polyspastis orbiculi superiores ascendendo, & inferiores descendendo debent crescere, ut funis commodius sine confusione & implicatione possit iis circumduci. Solent plerumque orbiculi suis ligneis thecis seu ligneis loculamentis ita concludi, ut nihil præter thecas appareat. At si tegantur orbiculi, sive detegantur, perinde est.

IV. Quo fuerint axiculi per centra orbiculorum transeuntes graciliores, & quo eorum superficies cylindricæ fuerint duriores, ac politiores, eo melius est, & eo facilius orbiculi circa illos convertentur, & pondera minori difficultate attollentur; quia enim tunc minor pars axiculorum premitur ab orbiculis, minor est attritio; & minus impedimentum in conversione. Debent tamen etiam concavæ orbiculorum superficies, quæ axiculos tangunt, esse duræ, ac politæ. Ob hanc causam solent Mechanici practici inungere axiculos seu concavas orbiculorum superficies, oleo, vel axungia. Imo & extimam orbiculorum superficiem, seu canaliculos eorum, uti funem ductarium per canaliculos discurrentem, in ungere solent, ut omnis asperitas tollatur.

V. Quando magnum pondus per trochleam attollendum est, & plures homines eundem funem trahere debent, possunt extremo funis plures funes adnecti, ut plures homines applicentur: Communiter tamen, & minori dispendio, adhiberi solet ergata, ut sic utriusque machinæ momenta ac vires componantur in unam, & unus homo æquivalet pluribus. Exempla infra dabimus in sequenti libro.

VI. In usu omnium trochlearum observandum diligenter est, ut id cui superior trochlea adnectitur, sive clavus sit, sive trabs, sive funis, ita firmum ac solidum sit, ut totum pondus una cum trochleis & funibus sustentare valeat. Præterea axiculi orbiculorum ex metallo esse debent, & exactè politi, ut jam ante dixi, itaque fortes, ut cochlearum suarum pressionem, appenso pondere, sustinere

sustinere queant. Demum funis orbiculis circum volutus debet esse talis crassitiei, ut facile congruat canaliculis orbiculorum quibus circumducitur. Advertendum etiam, quando ultra trochleas adhibetur Ergata, orbiculū illum per quem prope terram transit inferne funis, indeque ad Ergatam venit, nullum addere momentum potentiaē, sed ideo potissimum adhiberi, ut funis commodius Ergata circumducatur. Procurandum præterea, quando in attractione magni alicujus ponderis ad magnam altitudinem periculum est, ne ex attritu funis cum rotulis flamma enascatur ut mæfiant rotularum canales cum fune. Cōtigit alibi, cum ingens campana ad turrim per trochleas attolleretur, ut funis superioribus trochleis circumductus fumum ostentaret, & incendium minaretur; quod utique paulo post secutum esset, ni continuo aqua fuisset affusa.

VII. In omnibus trochleis & usu earum numerus ductuum funis circa orbiculos, ut patet ex omnibus Figuris superiori capite positus. Habito itaque numero orbiculorum, habes numerum ductuum.

VIII. Si trochleæ, cui alligatur extremum funis, alligetur etiam pondus; motus potentiaē ad motum ponderis est in ratione quam habet numerus ductuum pondus sustentantium ad unitatem. Si vero non eidem trochleæ, cui funis extremum adnectitur, adnectatur etiam pondus, deme unitatem ex numero ductuum.

COROLLARIUM I. TROCHLEO-MECHANICUM.

Datum pondus à data potentia trochleis moveri potest.

V El enim data potentia est major dato pondere, val æqualis, vel minor. Si major, fieri potest per quamlibet trochleam, etiam simplicem, & primi generis, in qua cum æqualis potentia sustinere possit æquale pondus, ut probavimus Proposit. I hujus cap. manifestum est majore posse moveri minus. Si æqualis iterum fieri potest per omnes trochleas, excepto Monospasto primi generis; eo enim æqualis potentia sustinere quidem potest æquale pondus, at non movere, ut loco citato probavimus. Si deni-

*Trochlea
datum pon-
dus data
potentia
moveri po-
test.*

denique minor, inveniatur proportio inter datum pondus & datam potentiam, & adhibeatur trochlea, in qua motus potentiae ad motum ponderis habeat maiorem proportionem, quam pondus ad potentiam; & poterit per eam moveri datum pondus à data potentia. Sit v.g. datum pondus 600. & potentia data 130. Proportio inter ea est minor quam 5. ad 1. Adhibeatur igitur tetraspastus secundi generis, instructus quatuor orbiculis, ejusque loculamento inferiori applicetur pondus, & unum funis ductarii extremum: altetum verò extremum à potentia sursum trahatur; & habebitur intentum, quia potentia major quam subquintupla ponderis sufficit ad movendum per talem trochleam pondus. Sit iterum pondus datum 1000. librarum, potentia data 250. librarum, quæ est quarta pars ponderis; poterit hoc pondus ab hac potentia sustentari à tetraspasto primi, moveri verò à tetraspasto secundi generis, uti ex dictis patet.

COROLLARIUM II.

TROCHLEO-MECHANICUM.

Quodlibet pondus à qualibet potentia moveri potest per trochleam.

*Item quod
libet pon-
dus à qua-
libet poten-
tia.*

Ratio est, quia sicuti pondus crescere, & potentia decrescere in infinitum potest, ita trochlearum virtus per multiplicationem orbiculorum augeri in infinitum potest.

Atque hac sufficiant de trochlea. Plura vide apud Guidubaldum. Plura nos etiam dicemus in Cursu Mathematico Tractatu de Mechanica, Exempla varia Machinarum, in quibus vis trochleæ elucet, dabimus Libro sequenti.

CAPUT TERTIUM.

An Trochlea recte reducat ad vectem secundi generis.

*Trochlea
an recte re-
ducatur ad
vectem se-
cundi gene-
ris.*

Toto præcedente capite passim asseruimus, Trochlearum orbiculos superiores nihil juvare potentiam ad sustinendum aut movendum pondus quod de se sine Trochlea non posset, eo quod sint instar libræ seu vectis primi generis æqualium brachiorum,

quem

quem axis in medio velut hypomochlium suppositum sustinet, extremis vero hinc & inde secundum æquales distantias applicatum est pondus & potentia, quæ ad se funem trahere deorsum æquali nisu conantur. Tota ergo virtus potentiæ debili ad æquivalendum resistituri validiori, aut ad illud superandum, provenit à rotulis in ferioribus Trochlearum; quas asseruimus ac probavimus habere rationem vectis secundæ generis (inspice Figuram I. Iconismi ad præcedens Caput spectantis) in quibus extrema H & F sunt fulcra, in G & E censetur applicata potentia sursum nitens, in M & L tanquam in medio suspensum est pondus S, quod sustineri, aut attolli debet. Eadem est ratio de omnibus aliis Trochleis, tam simplicibus, quam compositis.

Vide Iconism. VII. Fig. I.

Atque hoc ita se habere, concedunt omnes quotquot legi Mechanicæ Scriptores, saltem nullus negat, excepto P. Nicolao Zucchio in Philosophia Mechanica par. 1. sect. 4. & P. Paulo Casato in Tractatu Manuscripto de Mechanica cap. de Trochlea; quorum argumenta hic proponere & examinare placuit. Zucchii argumenta sunt sequentia.

I. Verùm quæ ratio vectis secundæ generis, inquit Zucchi, esse potest in illis inferioribus rotulis, aut in eorum diametris GH, EF, cum tantum moveatur extremum diametri rotula, in quo dicitur vectis firmari (nempe extremum H & F) quantum movetur oppositum extremum ejusdem, quod dicitur urgeri à virtute (nempe extremum G & E) & aequaliter semper mutantur hujusmodi diametri signata in rotulis, ut semper nova diametri horisonti æquidistantes in orbiculis bene suspensa trochlea sint signabiles? Neque id præter rationem hujus Machinæ juxta finem intentum per illam; imò maxime oportuum, ut rotulis convolutis facilius fiat motus, & sursum ascendat pondus in directum; quod non fieret, si alterum extremum diametri illarum, moto opposito, deberet consistere, ut consideranti patebit.

II. Rursus si impediatur rotula inferiores à convolutione, & sic ab eis amoveatur omnis suspicio vectis, deberet auferri omne adjumentum virtutis per trochleam; nihilominus si tamen funis circumpositus rotulis, quàm ipsa bene lavigentur, ut in frictione sit minus impedimentum, excurrere fune inter rotulas potentiâ trabente, magnū illi accrescit in trochleis ita

conscriptis adjamentum: Ergo illud rotulis etiam motis minus rectè tribuitur communiter vectis in ipsis assignato &c.

III. *Interim aufer rotulas omnino, & appone annulos, inter quos excurrat funis, & istam opinionem falsitatis magis adhuc convinces.*

Casati argumentum contra eandem sententiam commune est, quòd trochleæ officium sine ullo orbiculo, aut ullo motu circumlari, in quo vel umbra sit vectis, exerceatur Rudens enim, inquit quibus navis malus hinc & inde lateribus navis alligatur, ut rectum situm servet, si quando remittuntur, intenduntur à potentia non adeo valida, perinde atq; si mediante trochleâ funis traheretur. Sunt autem duo ligna in ellipsin fere deformata, alterum navis lateri, alterum rudenti intendendo adnexum. singulis autem insunt tria foramina, per quæ funis traicitur, alterum ab uno in alterum ductu, cujus funis tractione ligna illa viciniora fiunt, & rudens intenditur. Qua in re nullus intercedit motus circa aliquod centrum, nec ullum apparet vectis vestigium.

Hæc sunt argumenta propter quæ duo hi Viri doctissimi, & mihi intimè noti, recedunt à communi sententia de reductione Trochlearum ad vectem secundi generis. Quam tamen, cùm ingeniosa valde sit & augmentum virium potentiae applicata bene explicet, non censeo deferendam propter hæc sola argumenta. Ad primum enim Nicolai Zucchii argumentum respondeo, non esse contra rationem vectis secundi generis, quod totus unà cum pondere & fulcro moveatur, dummodo vectis officium exerceatur, hoc est, dummodò una ejus extremitas innitatur alicui velut hypomochlio, altera sursum à potentia interim urgeatur, & pondus intermedium in altum attollatur: quæ omnia in casu nostro fiunt. Imo hoc ipsum Trochlearum excellentiam commendat, quod per eas & vectis, & pondus, & hypomochliū attollatur, non destructa vectis ratione. Ad secundum dico, etiamsi rotulæ inferiores impedirentur à circumvolutione, non tamen ab eis amotum iri vectis suspensionem; haberent enim ut antea rationē vectis, quoniam adhuc unum rotulæ punctum inniteretur funi tanquam hypomochlio, alterum urgeretur sursum à fune tracto à potentia, & pondus inter utrumque extremum appensum ascenderet. Sola differentia esset, quòd non tam facilè funis inter rotulas discurreret. Ad tertium eodem modo respondeo, quomodocunque annuli disponantur.

Ad *P. Casari* argumentum respondeo, ligna illa nullo modo habere rationem trochlearum, quia malus, qui est resistivum, & debet trahi versus latera navis, est appensus uni extremo illorum mediante fune, & potentia trahens est applicata alteri extremo eorundem, & nihil dependet intermedium. Mirum ergo non est, si non habet vectis rationem. At in casu nostro de Trochleis apparet manifesta ratio vectis.

Alia quæ iidem duo viri docti afferunt ad convincendam falsitatis opinionem communem, omitto, præsertim illud quod contra augmentum potentia ex multiplicatione inferiorum rotularum, & funium eadem trahentium sursum habent, arguentes longè majus debere esse incrementum virtutis potentia, quàm revera sit, si inferiores rotulae vectis rationem haberent. Sed non bene arguunt, nec instituunt calculum ut deberent. Lege ipsos, saltem Zucchium qui extat: idem enim est utriusque arguendi modus.

Verum tamen est, non esse necesse reducere Trochleam ad vectem, sed explicare sufficienter possumus ejus vim per hoc, quod in usu ipsius potentia velocius moveatur, quàm pondus, uti ex dictis patet.

P O R I S M A.

ERgo in hac etiam Machina locum habet principium nostrum universale machinarium motionum, quod potentia moveatur velocius pondere, ut ex dictis patet.

SYNTAGMA QUINTUM.

De Cuneo, ejusque viribus in divellendo.

PAppus, & omnes Mechanica Scriptores, numerant Cuneum inter fundamentales Machinas. Et licet sit simplicissimum Instrumentum, & vix Machina nomine dignum, magnarum tamen virium est, in corporibus solidis divellendis; adeo ut quod magna alioquin Machina, & nullo labore ac sumptu constructa, efficere nequeunt, simplicissimus

cuneus, & ab unoquoque statim & nullis expensis parabilis, efficiat De hoc nunc agendum, sed paucis, quoniam quæ dicenda sunt, vel facillima sunt, & omnibus nota; vel difficillima explicatu, & nullis nota, ideoque omittenda.

CAPUT PRIMUM.

De forma & usu Cunei.

Vide Ico-
nismi IX,
Fig. I.
*Cuneus
quid sit.*

Cuneus est lignum aut ferrum, formæ ferè pyramidis quadrangulæ ad unam lineam rectam fastigiatae. Talem repræsentat præsens Figura, in qua A B est basis quadrangularis, C D vertex fastigiatus in lineam rectam: latus enim A C D, & latus oppositum, paulatim coeunt, donec in C D conveniant ac terminentur in lineam C D.

usus ejus.

Uſus cunei est in ſcindendis lignis, divellendis lapidibus, aliisque corporibus solidis ac fissilibus violenter dividendis. Datâ enim, aut factâ in fissili corpore rima, intruditur manibus aliquotusque cunei apex, basi verò illiditur vehementi percussione malleus, aliudvè instrumentum ad percutiendum aptum: qua percussione adactus cuneus paulatim magis magisque ingreditur, magnaque violentia corpus in partes divellit, ut in apposita Figura patet. Itaque adhibenda omnino percussio est, ut effectum cuneo assequamur.

Vide Ico-
nismi IX,
Fig. I.

Experientia constat, quò minor seu acutior est angulus ad verticem cunei, eo facilius percussum subingredi, eoque velocius in ingressu suo moveri, vicissimque corpus ſcindendum eo facilius ac velocius divelli. Causam postea indagabimus. Nunc cunei naturam indagemus.

CAPUT SECUNDUM.

An cuneus revocetur ad vectem.

*An revocetur ad vectem.
Rem.
Vide Ico-
nismi IX,
Fig. II.*

Aristoteles in Quæstionibus Mechanicis q. 17. vel 18. asserit, cuneum in corpore fissili divellendo gerere vicem duorum vectum primi generis sibi invicem oppositorum Quod *Guidubaldus* in Mechanica sua Tract. de Cuneo, initio, sic explicat. Sit cuneus ABC, cujus vertex B, & sit AB æqualis ipsi BC: quod autem ſcinden-

Aug 188

Fig: III.




Fig:

VIII.





Fig: I.





Fig: IV.

Fig: VII.



Fig:

VI.



Fig:

V.





sciendendum est, sit DEFG; sitque pars cunei HBK intra DEFG, & HB æqualis sit ipsi BK. Percutiat cuneus in A C. Dum cuneus in AC percutitur, AB sit vectis primi generis, cujus fulcimentum est H, & pondus in B. Eodemque modo C B sit vectis primi generis, cujus fulcimentum est K, & pondus similiter in B. Sed dum percutitur cuneus, majori adhuc ipsius portione ipsum DEFG ingreditur, quàm prius esset: sit autem portio hæc MBL, sitque MB ipsi B L æqualis. Et cum MB, B L, sint ipsis H B, B K majores; erit ML major quàm HK. Dum igitur ML erit in situ HK; oportet ut fiat major scissio, & D moveatur versus O, G autem versus N: & quò major cunei pars intra DEFG ingreditur, eò major fiet scissio, & D ac G magis adhuc impellentur versus O & H. Pars igitur KG ejus quod scinditur, movebitur à vecte A B, cujus fulcimentum est H, & pondus in B, ita ut punctum B ipsius vectis A B impellat partem KG: & pars HD movebitur à vecte C B, cujus fulcimentum est K, ita ut B vecte GB impellat partem H D.

Putavit itaque Aristoteles, utrumque oppositorum cunei laterum, quæ hinc & inde partes corporis fissilis, cujus rimæ apertæ intruduntur cunei apex, ingrediuntur, esse primi generis vectem: & potentiam quidem, quæ percutiens aut percussio est, applicari basi seu capiti A C, pondus movendum vertici B, hypomochlia denique esse in punctis H & K, in quibus cunei latera partes fissas tangunt.

Aristotelis opinio.

Guidubaldo non placet hæc Aristotelis opinio, sed putat, si cuneus ad vectem reducendus est, potius debere reduci ad vectem duplicem secundi generis, quorum commune fulcimentum sit in B præcedentis Figuræ, pondus in punctis H & K, potentia in A & C, ita ut pars HD corporis sciendendi moveatur à vecte A B versus O, & pars KG à vecte CB versus N. Et hoc existimat magis esse rationi & naturæ vectis consentaneum. Hac enim ratione putat fieri, ut duæ partes DEB, GFB, in ingressu cunei violento, moveantur in contrarias partes, DEB versus O, & HFB versus N, eodem prorsus modo, ac si intra fissuram HBK applicarentur duo vectes AB, CB, ab invicem separati, quorum lingule unirentur in B, fierentque sibi mutuo fulcimenta, potentiæ verò applicarentur in A & C, pondera denique movenda in punctis H, & K. Dum enim

Non placet Guidubaldo. Vide Iconismi IX, Fig. II.

vestis A Burgeretur versus D, innixus hypomochlio B, pars ponderis DHbE moveretur versus O; & dum vestis C Burgeretur versus G, innixus eidem hypomochlio B, pars ponderis GKBF moveretur versus N, sicque contingeret fissio corporis, ac separatio partium. Idem contingere putat, dum duo dicti vestes in uno cunco conjunguntur.

CAPUT TERTIUM.

An cuneus reeducatur ad planum inclinatum.

An ad planum inclinatum reeducatur. Vide Iconismi IX. Fig. III.

Quoniam autem, inquit Guidubaldus, cuneus sciendo movetur, possumus idcirco eundem alio quoque modo considerare; videlicet, dum ingreditur, id quod scinditur, nihil aliud esse nisi pondus supra planum horizonti inclinatum movere. Hoc autem tali modo explicat. Sit planum horizonti aequidistans transiens per AB: sitque cuneus CBD, & CD aequalis ipsi DB, & latus cunei DB sit semper in subiecto plano. Sit denique pondus AEFG immobile in A: sitque pars cunei EDH sub AEFG. Quoniam enim dum percutitur cuneus in CB, major pars cunei ingreditur sub AEFG, quam sit EDH: sit hac pars IDH. Et quoniam latus cunei DB semper est in subiecto plano per AB ducto horizonti parallelo, tunc quando pars cunei KDI erit sub AEFG, erit punctum K in H, & I sub E: sed IK major est HG, punctum igitur E sursum motum erit, & dum cuneus sub AEFG ingreditur, punctum E sursum super latus cunei EI movebitur; eodemque modo si cuneus ulterius progreditur semper punctum E super latus cunei DC movebitur. Punctum igitur E ponderis super planum DC, movebitur horizonti inclinatum, cujus inclinatio est angulus BDC. quod demonstrare oportebat. In hoc exemplo, considerando cuneum instar vestis moventem, manifestum est, cuneum BDC pondus AEFG veste CD movere, ita ut D sit fulcimentum, & pondus in E, non autem veste BD, cujus fulcimentum H, & pondus in D. Præmissâ hac veluti explicatione, ostendit quomodo ea quæ scinduntur, eâ quam super duo plana horizonti inclinata, nempe super duo cunei opposita latera moveantur. Sit enim, inquit, cuneus ABC & AB ipsi BC aequalis. Dividatur AC bisariam in D, connectaturque BD. Sit denique linea EF, per quam transeat planum horizonti aequidistans: sitque BD in eadē linea EF, & dum cuneus percutitur, dumque movetur versus E, semper BD sit

Guidubaldi opinio. Vide Iconismi IX. Fig. IV.

*BD sit in linea EF. Quod verò scindendum est, sit GHLM, intra quod sit pars cunei KBL. Manifestū est, dū cuneus versus E movetur, partem EG versus N moveri, & partē H versus O. Percutitur cuneus, itaut AC sit in linea NO; tunc K erit in A, & I in C, & K, ex superius dictis, motum erit super KA, & I super IC. Quare dum cuneus movetur, pars KG super B Alatus cunei movebitur, & pars IH super latus BC. Pars igitur KC super planum movetur horizonti inclinatum, cujus inclinatio est angulus FBA. Similiter IH movetur super planum BC in angulo FBC. Partes ergo ejus quod scinditur, super plana horizonti inclinata movebuntur. Et quanquam planum BC sit sub horizonte, pars tamen IH super IC movetur, tanquam si B cesset supra horizontem in angulo DBC: partes enim ejus quod scinditur, eodem tempore, ab eadem potentia moventur. Eadem ergo erit ratio motus partis IH, ac partis KG. Similiter eadem est ratio, si ve EF sit horizonti aequidistans, si ve horizonti perpendicularis, vel alio modo, necesse est enim, potentiam cuneum moventem eandem esse, cum cetera eadem remaneant. Eadem igitur erit ratio. Haecenus Guidubaldus, qui nihilominus in tali motu cunei agnoscit duplicem vectem secundi generis. Hanc sententiam amplectitur etiam *Aersennius* in *Phænomenis Mechanicis* Proposit. 12.*

CAPUT QUARTUM.

Præcedentes opiniones examinantur.

Aristotelis opinio omnibus, quos legerim, displicet, quia non vident, qua ratione cunei vertex B truat ac divellat corpus fissile in duas contrarias partes, ita ut potentia in A, vecte AB, truat vertice B partem KB versus N, & potentia in C, vecte CB, truat eodem vertice B partem HB versus O, quandoquidem saepe operatio cunei perficitur, esto nec vertex, nec partes vicina vertici aliquid dimovendi corporis attingant, sed ille solum, qui sunt inter extrema distrahendi corporis pro fulcimento assignata, ut bene advertit *Zucchi* in *Mechanica* parte 2. sect. 1. ubi & alias rationes contra sententiam eandem affert.

Guidubaldi sententiam impugnat idem *Zucchi* ibidem, ex eo, quod si in cuneo ABC supra assignato, latus AHB est vectis secundi generis, & potentia est in A, fulcimentum in B, pondus inter-

Vide Iconismi I X.
Fig. II.
Aristotelis opinio non placet.

Nec opinio Guidubaldi.
Vide Iconismi I X.
Fig. II.

intermedium in H; eo facilius deberet ab eadem potentia divelli corpus à dicto cuneo ABC, quò minor esset distantia HB, quam distantia AH, hoc est, quò minor pars cunei esset intra, & quo major pars extra corpus divellendum; quod tamen est contra experientiam, quia *potest cuneus per vim incussam tam facile urgere extrema partium divellendarum hinc inde, velut pondus sibi ob-sistentia, si verticem ab illis habet multum distantem, quam facile urget, si parum distantem; imò facilius, maximè quando cuneus est longus, & definit in angulum acutum; tunc enim etiamsi pars maxima sit intra, & pars minima extra, tamen eadem facilitate, aut saltem non multò majore difficultate subsequitur pars reliqua, quàm præcedentes fuerunt ingressæ. Adde quod, subjungit Zucchius, idem operabitur cuneus, si conspide careas, solumque aliquid cunei decurtati residuum sit inter extrema divellenda: illa enim pars cunei, quæ jam subintravit, & sæpe saltem non attingit amplius partes corporis divellendi, perinde se habet ad ampliandam scissionem, sive adsit, sive non, sed solum ad id confert pars, quæ per impulsum ulterius pergendo talia extrema divellit magis ob invicem, secundum proportionem sua majoris crassitie successive subintrantis.*

Eadem argumenta habet etiam P. Casatus, Et eadem militat contra sententiam Guidubaldi; in tantum enim pondus movere supra latus cunei tanquam supra planum inclinatum, in quantum cunei latus veluti vectis subingrediendi divellit unam corporis partem ab altera.

*Cuneus nō
est vectis
primi aut
secundi ge-
neris.*

Ego tamen valde illubenter recedam à veteri & communi opinione, tamen puto has instantias esse efficaces contra illam, & cuneum revera non esse vectem primi aut secundi generis, nisi imaginatione potius quam re ipsam agere velimus dicere; quod utique congruum est. Causa itaque cur per cuneum exigua potentia movet, id est, divellit ingentia pondera, non est quòd potentia per cuneum agat tanquam per vectem, sed quia potentia in ejus usu velocius movetur quam pondus divellendū, semper enim spatium quod cuneus in ingressu suo conficit, majus est, quam spatium quod conficiunt partes divulsæ. Hinc est, quod quo acutior est angulus cunei, eo facilius scindit, quia potentia cū coplus movetur, quam pondus; quam causam postea in ultimo

*Cuneus a
cutior est
facilius
secundus.*

Syntagma hujus libri assignabimus, ubi etiam constabit causa, cur quò acutior est angulus cunei, eò facilius fit scissio a parva potentia. Atque hæc sufficiant de Cuneo. Nunc ad Cochleam procedamus.

SYNTAGMA SEXTUM.

De Cochlea, ejusque viribus in premendis ac movendis corporibus.

HÆc ultima est fundamentalium quinque Machinarum, habetque, ut Pappus Alexandrinus etiam fatetur in fine lib. 8. nescio quid difficile, tum ad constructionem, tum ad usum. Ingens tamen, & ferè incredibilis est ejus vis, ut ex variis exemplis sequenti Libro constabit, adeo ut domus lignea integræ ejus ope fuerint aliquando translata, Münstero teste. De ea fuse tractat Guidubaldus. Nos paucis præcipua quadam proponemus.

CAPUT PRIMUM.

De forma, & usu Cochleæ.

Cochlea est cylindrus in unam aut plures helices seu spiras solidas & extuberantes instar helices eidem circumvolutas elaboratus; uti apparet in appositis Figuris, ubi cylindro AB circumvoluta est spira solida à summo deorsum. Hæc spira quoniam instat capreoli vitium complectitur cylindrum, ideo Instrumentum vocari etiam solet vitis, maxime ab Italis, qui *la vite* illud appellant, Germani verò *ein Schrauben*.

Cochlea
forma, &
usus.
Vide Iconi-
smi IX.
Fig. V.
& VI.

In usu ejus inditur uni aut pluribus tignis, aut manubiis, in spiras concavas intus elaboratis (ut apparet in CD) quæ spiræ concavis cylindri spiris accuratè convenire, & ipsas intra se recipere debent. Hæc cavæ spiræ nuncupantur communiter matricæ, seu mattræ (Italicè *la madre*) Pappus & alii tyllum eas appellant. Quæ quidem matricæ aliquando stabiles sunt, & intra eas cylindrus convolutus ascendit aut descendit, ut in sexta figura; aliquando verò sunt mobiles, & ipsæ circa cylindrum convolutæ ascendant ac descendunt, ut in quinta figura.

Vide Iconi-
smi IX.
Fig. V.

Vide Ico-
nismum X.
Fig. VI.

Uſus Cochleæ vulgariffimus eſt & frequentiffimus, tum ubi preſſionibus eſt opus, ut in prælis vinariis, typographicis, unguentariis, aliisque ſimilibus; tum in ponderibus trahendis, attollendis, removendiis. Ad convertendum ſtriatum cylindrum A B (ſic enim vocari etiam poteſt,) immitti eidem alicubi ſolet veſtis E F. Qui quidem aliquando eſt immobilis, ut in prælis typographicis; aliquando verò mobilis, ut in aliis quibusdam prælis, ut è foramine E eximi, & intra foramen L, aliaque in circuitu baſis aut capitis cylindri facta immitti queat. Poſſunt etiam ac ſolent plures veſtes adhiberi, ut in Ergatis, ut plures homines, aliæ vè animatæ potentia poſſint applicari.

Si baſis B cylindri A B in ſexta figura appendatur pondus M, & Machina erigatur perpendiculariter ſupra horizontem, uti Figura monſtrat: manubrium ſeu veſtis L F converſione ſua attollens cylindrum ſuſum, elevat ſimul pondus. Si autem Machina ſit proſtrata, & horizonti parallela; idem pondus appenſum moveri poteſt ſuper planum horizontale, & inclinatum.

CAPUT SECUNDUM.

*De viribus Cochleæ, earumque cauſa, & cum potentia
motrice proportionē.*

Cochlea vi-
res.

VIS Cochleæ communiter reducitur à Mechanicæ Scriptori-
bus ad cuneum, & conſequenter ad veſtem, quoniam cu-
neus etiam ad veſtem ab iisdem reducitur. Lege *Guidubaldum* tra-
ctatu de Cochlea. Alij concipiunt helices convexas in cylindro
deſcriptas tanquam plana inclinata circa cylindrum revoluta, ut
idem Guidubaldus explicat; ideoque motum ponderis per co-
chleam explicant per motum ſuper planum inclinatum.

Cur per eam
potentia
moverentur.

Nos generali & communi omnibus Machinis principio noſtro
vim Cochleæ explicamus, quia nimirum per eam potentia appli-
cata multo plus movetur quàm pondus, aliud vè reſiſtitivum. Nam
quando potentia eſt immediatè applicata cylindro, in una cylin-
dri converſione deſcribit integrum circulum æqualem circum-
ferentiæ cylindri; quando verò eſt applicata extremitati F veſtis
E F in ſexta Figura, tantum circulum percurrit, quantum deſcri-
bit punctum F circa axem cylindri; at pondus in utroque caſu
ſolum

solum moveretur per tantum spatium, quanta est perpendicularis à principio unius spiræ ad finem ejusdem, v. g. ab Nusque ad H. Hinc est, quòd quò spissiores sunt spiræ, & minus inter se distantes, vectis autem qui ad convertendum cylindrum adhibetur, longior est, eo velocius potentia moveretur, pondus verò eo tardius, ac proinde eo plus momenti habet potentia. Quare si spiræ inter se distent una pedis semiuncia, vectis verò sit pedum quinque, potentia describit in una cylindri circumvolutione circulum seu spatium pedum $31\frac{1}{2}$. hoc est, unciarum pedis 377. seminunciarum verò 754 dum pondus moveretur per spatium unius semiuncie tantum. Igitur motus potentie ad motum ponderis est, ut 754. ad 1. Ergo tantum adhibens conatum, quanto opus est ad movendas 10. libras sine machina, poterit mediante hujusmodi cochlea elevare pondus librarum 7540. vel premere suppositum corpus perinde atque si illud premeretur pondere librarum 7540.

Vide Iconismi I X.
Fig. VI.

Ex his apparet, ad movendum ac premendum efficacissimam esse Cochleam, inter omnes Machinas, quia potentia per Cochleam cum multo majori ratione seu proportionem movetur velocius quàm pondus, quàm per ullam aliam Machinam. Verum tamen est, pondus per hanc Machinam tardius moveri, quàm per alia organa; quia quo velocius movetur potentia, eo tardius, cæteris paribus, movetur pondus, uti ex supra dictis constat.

Cochlea omnium machinarum efficacissima

Habet & aliud incommodum Cochlea, quòd multum atteratur cum sua matrice; quæ causa est cur non sit diu durabilis. Huic tamen attritioni occurritur, si pinguedine & cochlea, & matrix illinatur. Illud etiam observandum est, ut matrix plures habeat spiras, ut durabilior sit Cochlea. Si enim unicam tantum habet spiram concavam, multum detrimenti patitur à gravitate ponderis, quæ tota tunc uni spiræ convexæ innititur, quoniam unam tantum convexam recipit concava: at si matrix plures habet spiras concavas, plures convexæ cylindri spiras recipit, adeoque singulæ minus patiuntur à gravitate ponderis, quia tunc plures eandem gravitatem sustinent.

Cochlea incommoda:

Remedia eorum.

Solent etiam, ad majorem firmitatem, circa eundem cylindrum fieri plures spirarum series invicem parallelæ, ut si una series sit AB, CD, EF, alia verò series sit KL, MN, OP. Hæc multiplicatio

Vide Iconismi I X.
Fig. VII.

juvat multum ad firmitatem Cochleæ. Si enim tota gravitas sustineretur à sola spira AB, magis hæc esset exposita fractioni, quàm si sustineretur à duabus AB, & KL simul. Nihil tamen auget hæc eadem multiplicatio spirarum momenta potentia & ponderis in ordine ad motum: semper enim est eadem ratio motus potentia ad motum ponderis, sive unica sit, sive plures spirarum ordines. Neque enim motus potentia ad motum ponderis habet rationem, quam circulus ex VS descriptus ad perpendicularem altitudinem AK, sed ad AC, quia in unica circumductione ex A venit in C, aut ex C in A. Attendendæ nimirum sunt spiræ ejusdem seriei,

P O R I S M A.

PAtet ex his, etiam in hac Machina locum habere principium nostrum Universale machinalium motionum, nimirum per eam velocius moveri potentiam quàm pondus. Atque hæc sufficiant de quinque principalibus ac fundamentalibus Machinis. Nunc causam indagemus, cur per eas tantopere augeantur vires potentia, videamusque num unum & universale, omnibusque Machinis (etiam ex his quinque compositis, de quibus in sequenti Libro) commune invenire possimus, quod in omnibus sit causa augmenti virium, & mensura ejusdem augmenti. Hoc est, videamus num præter adsignatum hætenus, reperiatur aliud.

SYNTAGMA SEPTIMUM.

De causa augmenti virtutis per Machinas,

Sive,

De principio physico-Mechanico, cur per Machinas exigua potentia movere possint ingentia pondera.

*Mechanica
in Magia
duo præci-
pua consi-
deranda.*

DUo occurrunt in Mechanica Magia, quæ digna sunt ut à Mechanico Mathematico, adeoque à Magia Mathematica Scriptore non indiligenter expendantur. Primum spectat ad proportionem potentiarum, ponderum, motuum utrorumq; temporum in quibus moventur, spatiorum per quæ moventur, aliæque similia. alterum pertinet ad cau-
sam

sam physicam, seu physico-Mechanicam hujusmodi effectuum, qui cum sint naturales, & sensibiles, sua causâ physicâ carere non possunt. Primum, quod ad Mathesin proprie spectat, & sine ea sciri ac tractari non potest, egregie præstiterunt hæcenus Viri doctissimi Guidubaldus in *Mechanica sua*, Simon Stevinus in *Libris de Statica*, Galilæus in *Tractatu de Mechanica*, Marinus Mersennus in *Phænomenis Mechanicis*, aliq̃, ita ut nihil amplius desiderari possit. Nos etiam in toto hoc Libro circa eandem rem, quantum satis esse videbatur, versati sumus. Secundum quod juris physici est, post Aristotelē vix, ac ne vix quidem ab ullis delibatum invenio, si res excipias modernos, eosq; doctissimos in *Physicis* ac *Mathematicis* mihiq; Romæ notissimos, & adhuc dum hæc scribo, superstites Viros è Societate nostra Primus est P. Honoratus Fabry, Gallus, in 1 hilo, ophia sua, quam tribus Tomis in quarto, ut vocant, edidit in Gallia tacito suo, & appposito Doctoris cujusdam Medici, sui antea in Philosophia Discipuli, nomine. Secundus est P. Nicolaus Zucchius. in *Nova de Machinis* 1 hilosophia, in qua, paralogifinis Antiquæ detectis explicat Machinarum vires unico principio, singulis immediato Quam novam methodū valde mihi commendabat vir itidē doctissimus, P. Carolus La Faille Antuerpianus è Societate nostra, dñ apud Serenissimum Joannem Austriacū Siciliæ Proregē Mathematicarū disciplinarum Professorem ageret. Tertius est P. Paulus Casatus in *Mechanica sua Manuscripta*, quam Romæ in Scholis prælegit, dum inibi P. Athanasii Kicheri in re litteraria socius degerem. Singulorū sententias hic in medium proferam, deinde meam sententiam exponam. Præcipuus & unicus scopus noster est, indagare

*Machinalium
operationum
principium
indagatur.*

principium commune omnibus Machinis, quod radix sit & causa, ex qua proveniat quod exigua potentia, v. g. unus homo Machinam adhibens, possit sustentare ac movere pondus ingens, quod sine Machina multi non possent; & ex quo explicetur proportio potentiae, quae requiritur ad dictum pondus sustentandum vel movendum.

CAPUT PRIMUM.

Aristotelis sententia indicatur, & reiicitur.

*Aristotelis
sententia.*

ARISTOTELES, primus eorum quorum de Mechanica Commentarij ad nos pervenere, in principio Quaestionum Mechanicarum ait, causam omnium mirabilium mechanicorum effectuum, & praesertim quod *minora superant majora, & quaecunque exigua vim habentia, magna tamen movent pondera*, esse circulum. Putat enim, ea quae circa Libram fiunt, ad circulum referri, quae verò circa *vellem*, ad Libram; alia autem ferè omnia quae circa mechanicas fiunt motiones, ad *vellem*. Neque mirum esse censet, circulum tam mirabilium effectuum esse causam, cum ipsius sit maximè admiranda natura, ut ibidem fusè probat; ex mirabili autem causa mirabiles effectus procedere necesse est. Ut autem probet, circulum esse causam tam mirabilium effectuum, & praecipuè quod per Machinas parva potentia moveat magna pondera; in hunc ferè modum discursit fusis atque obscuris verbis ac demonstrationibus, quæ ego in brevissimum compendium redegi. In circulo radius longior AD celerius movetur, quàm radius brevior AB, aut AC, quando uterque eodem tempore eadem vi movetur, quoniam longior eodem tempore majus spatium, hoc est, majorem peripheriam percurrit, quàm brevior. Ex quo sequitur, punctum radij remotius à centro moveri celerius, quàm punctum propinquius centro. Causa hujus rei est, quia uterque radius, tam major, quàm minor, duabus fertur lationibus circa centrum, una secundum naturam, altera præter naturam. Latione secundum naturam percurrit peripheriam, latione verò præter naturam & violenta retrahitur à motu naturali, & retardatur. In radio m ore

*Huius discursus
obscurus.
r. nr.
Vide Ico-
nism IX.
Fig. VII.*

latio

latio secundum naturam est major, quam in radio minore: è contrario verò in radio majore latio præter naturam & violenta est minor, quam in radio minore. Quia igitur major radius minus retardatur, quam minor, ideo celerius fertur ille quam hic. Et quoniam si duo ab eadem potentia, eademque vi moventur, facilius movetur id quod minus retardatur ac impeditur, difficilius autem id quod magis retardatur ac impeditur; sequitur majorem radium facilius moveri quam minorem. Ex his infert, ideo per vectem magna moveri pondera ab exigua potentia, quoniam vectis est libra inæqualium brachiorum, & majoris brachii extremo applicatur potentia, minoris verò extremo pondus, & dum utrumque brachium movetur circa fulcrum, tam potentia quam pondus describit circulum, seu arcum circuli, potentia quidem majorem, quia magis à fulcro tanquam à centro distat, pondus vero minorem, quia minus distat à centro. Quoniam igitur quod majoris radii extremo applicatum est, movetur celerius, ideo movetur etiam facilius & cum minori repugnantia, quia ut ipse ait quæst. 3. aut 4. Mechanica, ubi de vecte tractat, *αἰεὶ δὲ ὅσω αὖν μείζον ἀφιστήκει τῷ ὑπομοχλίῳ, ῥαῶν κινήσει. αἰτία δὲ ὅτιν ἡ προλιγθεῖσα, ὅτι ἡ πλείον ἀπένχουσα ἐκ τῷ κέντρῳ μείζονα κύκλον περιέρει.* *Semper sane quanto longitudo (de hac enim erat ibi sermo) magis distabit ab hypomochlio, facilius movebit. Causa vero ante dicta est, quoniam radius major majorem describit circulum.* Ecce quomodo Aristoteles ex majori celeritate motus potentia infert majorem facilitatem, & huius majoris facilitatis causam ait esse, quoniam potentia percurrit majorem circulum, & consequenter minus in suo motu retardatur, quia is minus admixtum habet de motu contra naturam.

Quoniam igitur Aristoteles existimat, omnes Machinas ad vectem revocari, & in omnibus potentia ita applicatur, ut moveatur celerius quam pondus, ideo putat, majorem celeritatem motus potentia, proveniente ex majori remotione ab hypomochlio, atque adeo circulum, seu motum circularem esse causam & principium universale omnium motionum mechanicarum, in quibus minor potentia superat majus pondus.

Contra hanc Aristotelis sententiam hæc habeo. Tametsi ultro conce-

concederem, ideo punctum radii magis remotum à centro moveri celerius, ac facilius, quam punctum minus remotum (si eadem vi utrumque moveatur) quia magis remotum plus habet de motu naturali, & minus de violento, minus vero remotum minus habet de naturali, & plus de violento, (quod an longâ illâ suâ & operosâ demonstratione geometricâ evincat, alii judicent: mihi certe & aliis nonnullis id non videtur) nego tamen constanter, hanc esse causam cur exigua potentia juvetur per Machinas ad movendum facilè magnum pondus. Nam neque in omnibus Machinis apparet ratio vectis, uti de Cuneo & Cochlea probavimus; & licet in Trochlea appareat ratio vectis (quod tamen Zucchius, Casatus, & alii negant) motus tamen potentie & ponderis per eam non est talis, qualis per vectem fieri solet, nempe circularis. Non ergo circulus, nec motus circularis, est causa & principium mechanicarum operationum. Verissimum quidem est, per Machinas potentiam celerius moveri quam pondus; at quod recte ex hac celeritate inferatur facilitas motus, seu quod virtus potentie per Machinam augeatur, aliter explicari debet, ac proinde aliud mechanicarum motionum universale principium assignare oportet.

Adde quod si quo brevior est radius circuli, & minus punctum in eo assumptum est remotum à centro, eò difficilius movetur, quia plus participat de motu præter naturam: ergo si manente potentia applicata in vecte, aliisque machinis quæ manifestè ad vectem reducuntur, pondus magis accedit ad hypomochlium velut ad centrum circuli, difficilius deberet moveri ab eadem potentia; quod tamen experientie quotidianæ manifeste repugnat. Aristotelis ergo demonstratio geometrica, quâ probare nititur suam assertionem, non est legitima, ut supra innuabam.

CAPUT SECUNDUM.

Honorati Fabry sententia proponitur.

*Honorati
Fabry sen-
sentia.*

P Honoratus Fabry, de quo supra in Proœmio hujus Syntagmatis, ait, *in eo tantum positam esse industriam, quæ possint pondera moveri per Machinas, ut minore & minore motu moveantur: & hoc esse unicum principium physico-mechanicum.* Quod ut stabiliat.

hæc, præmittit nonnulla Axiomata mechanica, seu statica, & ex illis deducit varia Theoremata, Problemata, & Corollaria, ipsumque tandem principium indicatum.

AXIOMATA HÆC SUNT.

I. *Ab eadem potentia facilius producitur in eodem mobili minor motus, quàm major.* Hoc Axioma manifestum redditur ex iis, quæ mo-

*Axiomata
mechanica.*

ventur per impetum: quippe motus ex duplici tantum capite minor esse potest: primo ex eo, quòd singulis partibus mobilis pauciores partes impetus insint; secundo ex eo, quòd imperfectior impetus mobili imprimatur: atqui ex utroque capite facilius producitur minor motus, quia facilius imprimitur minor vel imperfectior impetus, nempe minore nisu agit potentia.

II. *Quòd majore tempore datum spatium percurritur, eò minor est motus, id est, tardior.* Patet ex se.

III. *Quòd minus spatium decurritur dato tempore, eò minor seu tardior est motus.* Constat etiam ex se.

IV. *Majore tempore potentia applicata, si semper agit, plus agit.* Quid clarius?

V. *Pondus alteri æquale illud movere tantum non potest motu æquali.* Cur enim hoc inovebit illud potius, quàm illud hoc? quod certum est.

VI. *Pondus alteri æquale movere potest illud motu minore.* Quia cum æquali movere tantum non possit, & cum possit facilius minore quàm majore; certè minore movere potest; Fundatur hoc & præcedens Axioma in experientia in Statera, Vecte &c. Si nimirum pondus minus suspendatur ex majore, majus ex minore brachio.

VII. *Pondus minus potest movere majus motu minore, si major sit proportio motuum, quàm ponderum.* V. g. pondus duarum librarum quod movetur motu ut 3. potest movere pondus quatuor librarum motu ut 1. ut patet similiter experientia.

VIII. *Eò facilius movetur pondus per inclinatam, quàm per ipsum perpendiculum, quò inclinata major est perpendiculo.* Patet ex iis quæ dicta sunt de planis inclinatis.

IX. *Pondus majus movet tantum minus motu majore, cum est major proportio ponderum, quàm motuum.* Patet: nam pondus majus ex minore vectis aut libræ brachio suspensum, potest movere minus

suspensum ex majore brachio, non in omni casu, sed tunc tantum, quando est major proportio ponderum, quàm distantiarum reciproce, ac proinde & motuum, quia motus sunt ut distantia.

Ex his Axiomatis deducit Fabry sequens universalissimum Problema, & Corollarium.

Problema Universalissimum.

*Mechanicum
problema
universalis-
simum.*

Movere quodcunque pondus, à qualibet potentia applicata, motu minore, ita ut sit major proportio motuum, quàm ponderum. Patet ex VII. Axiomate, & ex dictis in præcedentibus, ubi probavimus, datà quavis potentiâ moveri posse quodvis pondus per Machinas.

Corollarium Universalissimum.

*Mechanicum
Corollarium
universalis-
simum.*

Hinc collige, in eo tantum positam esse industriam, qua possint pondera moveri, ut minore & minore motu moveantur. Igitur, qua proportionem imminues motum, eadem majus pondus movebis.

Post hæc varia subjungit idem Fabry Theoremata, Corollaria, & Scholia, in quibus ostendit, ideo Veste, Trochlea, Axe in peritrochio, Cuneo, & Cochlea, moveri ingentia pondera ab exigua potentia, quia per illas Machinas pondus movetur motu minore quàm potentia, juxta rationem antea dictam. Tandem iterum concludit (*ad movenda pondera in eo tantum positam esse industriam, ut motus imminuatur, & unicum illud esse principium physico-mechanicum*)

Verissimum est quod Fabry dicit, nec alius est modus efficiendi ut per Machinas juvetur potentia exigua ad movendum pondus, sua virtute majus, nisi ut tam pondus, quàm potentia, applicentur ita Machinæ, ut pondus moveatur tardius potentia, & potentia velocius pondere, in ea ratione, ut major sit proportio motus potentiæ ad motum ponderis, quàm gravitatis ponderis ad gravitatem seu virtutem potentiæ; & nisi hoc servetur, nunquam sequetur motus per Machinam; quotiescunque verò servatur, toties infallibiliter (seclusis aliis impedimentis) sequitur motus, cò facilius, quò major erit proportio motuum, quàm ponderum.

At non est hoc quod inquiritur, dum causa & principium universale & unicum inquiritur, cur per machinas, dum in illis dicta ratione pondus & potentia disponuntur, augeantur vires potentia de se insufficientis, & fiat ut potentia exigua & insufficientis de se, reddatur sufficiens ad pondus majus se aut sua virtute, sustentandum, & movendum. Nullum Mechanicorum Scriptorum latuisse arbitror, dispositionem prædictam inter pondus & potentiam esse servandam, & proportionem motuum explicatam semper & in omni Machina reperiri, dum sit consistentia, aut motus ponderis à minore potentia; at nullus causam illius rei adsignavit, præter Aristotelem, cujus sententiam jam rejecimus, & præter Zucchium & Casatum, quorum opiniones jam examinabimus.

CAPUT TERTIUM.

Nicolai Zucchij sententia proponitur, & examinatur.

P Nicolaus Zucchius in Nova Philosophia Mechanica par. 2. *Nicolaus Zucchij sententia.* sect. 5. pro vera ratione auctæ per Machinas potentia, & pro unico, universali, & omnibus Machinis immediato principio, adsignat replicationem virtutis potentia ex vi Machina. Putat enim, cum ex applicatione ad Machinam potentia moveatur velocius quàm pondus, æquivalenter eam replicari in ordine ad motum ponderis causandum, & æquivalere tot motoribus sibi æqualibus, quoties motus ponderis potest contineri in motu velociori ipsius potentia; seu quoties potentia movetur velocius eodem tempore, quàm pondus; Ut si potentia moveatur quinquies velocius quàm pondus, putat illam veluti quinquies replicari, & secundum illam replicationem æquivalere quinque motoribus sibi æqualibus, ac proinde posse solam sic replicatam, adhibita Machina, movere illud pondus, quod sine Machina quinque tales motores possent movere.

Hoc ut probet Zucchius, *Supponit* I. Omnia commensurabilia inæqualia ejusdem generis, hoc habere, ut nihil sit in iis tam magnum, quod non possit æquari, imò & superari, multiplicatione alterius in determinata quantitate minoris. Cum enim omne finitum ablatione finiti in determinata quantitate tandem con-

*Mechanica
hypotheser.*

summatur; si secundum talem ablationem à majore fiat augmentum minoris, evidenter constat posse ipsum æquari majori, & tandem illud excedere.

Supponit II. Tantundem esse, saltem non minus valere, in ordine ad motum perficiendum, virtutem motivam ut unum successivè applicare ad movendum per spatium quinque palmorum v.g. correspondenter uni palmo post alium, atque successivè applicare quinque virtutes ut unum, unam post aliam, ita ut singulæ pro singulis palmis moveant. Cum enim factò motu per primum palmum, virtus ut unum supersit potens pro sequenti palmo præstare quidquid potest quælibet alia ipsi æqualis (alioquin non essent potestate æquales) tantundem modo dicto erit, eam quæ motum effecit per primum palmum, pergere ulterius ad movendum per secundum, atque loco illius aliam substituere æqualem ad movendum per secundum, & sic deinceps. Quare vis movens successivè per spatium quinque palmorum, in ordine ad sic movendum æquivalet quinque virtutibus, quarum una post aliam applicentur, singulæ ad movendum per spatium unius palmi. Ex hac suppositione deducit Zucchiùs hanc consequentiam. *Virtus ergo, quæ continuè movet, secundum divisibilitatem motus in ordine ad partes spatii, æquivalet aliis virtutibus sibi aequalibus, quæ successivè applicentur, ad movendum una post aliam, singula pro singulis dictarum partium; & ita virtus continuè movens æquivalenter replicatur in partibus spatii, ad efficiendum in iis talem motum.*

Supponit III. Si ad sustinendum, movendumque aliquod pondus, aut ad vincendam aliquam resistantiam, sufficiat virtus ut quinque v.g. perinde esse, in medio apto, v.g. aëre, applicare solum unum quod habeat virtutem ut quinque, atque applicare quinque quæ singulæ habeant virtutem ut unum. Ex hoc inferit, si ad movendum aliquid requiratur virtus ut quinque, & hæc suppleri possit per quinque moventia in quorum singulis sit virtus ut unum, posse etiam suppleri per applicationem minus habentis virtutem ut unum, quinquies replicatam, si secundum illam sic replicatam possit æquivalere illis quinque.

Supponit IV. In omnibus motibus qui eodem tempore sunt, unus tamè velocior est altero, quòd licet singulæ partes velocioris

sint una post aliam, & nunquam pro duratione uni correspondente existat alia, si inter se comparentur, tamen comparata ad partes tardioris in data proportionem, semper retinent simul dictam proportionem excessus in velocitate, quia respectu tardioris totius, & cujuslibet partis signabilis illius, semper est major velocitas secundum datam proportionem in altero. Dato igitur motu in quintupla proportionem velociori respectu alterius tardioris; sicut totus respectu totius, ita partes unius ad partes alterius, pro æquali mensura temporis signabiles, habent excessum suum velocitatis ut quinque ad unum. Esto igitur in motu velociori sit omnium partium suarum successio unius post aliam, ut nequeant inter se duratione penetrari respectu tamen motus tardioris in dicta proportionem dici potest, rationem talis excessus, ut sic, non habere successionem, sed simul esse.

His suppositis, P. Zucchius hisce verbis argumentando explicat mentem suam de Universali & omnibus Machinis immediato principio motionum mechanicarum. *Collige ex his, quod quia secundum dictam proportionem virtus ut unum, v. g. in motu velociori ut quinque applicatur ad movendum pro tanto spatio, quod in quolibet signabili sui se habet ut quinque ad unum respectu spatij, in quo correspondenter sit sic tardior motus; æquivalet ipsa virtus ut unum pro toto spatio in tali proportionem excedenti movens, quinque motoribus sibi æquivalentibus, qui successivè unus post alium singuli pro tanto talis spatij applicarentur ad movendum.* Nicolaus Zucchi differtur ad assignandam causam physicam actionum per machinas virium potentia. Hæc est major propositio argumenti, sequitur minor, & conclusio: *Sed quinque motores ut unum, respectu ponderis ut quatuor v. g. dum retinerent pro quocunq; signabili temporis in dicto motu velociori ad illud datam proportionem ut quinque ad quatuor, superarent illud; Ergo etiam virtus ut unum, quæ pro quocunq; signabili in motu secundum datam proportionem velociori, æquivalet illis quinque, prævalet respectu ponderis ut quatuor.*

In ista igitur (prosequitur Zucchius) connexionem virtutis minoris cum alio ipsam simpliciter excedente, secundum quam sic applicantur, ut si moveantur, necessario pro eodem tempore motus minoris sit major respectu motus excedentis in eadē, vel etiam in majori proportionem, quàm sit excessus illius simpliciter accepti supra minorem, consistit totum artificium Machinæ ut sic, quæ assumitur ad adiumentum virtutis minoris ad

aquivalendum, vel praevalendum potentiori; quia cum hac connexionem minus potest aequivalere majori, & ita causare consentiam, vel etiam illud superare, & sic movere vincendo resistentiam illius: Licet enim absolute sit minus; in tali tamen applicatione in ordine ad actum secundum, qui juxta eam natusest sequi secundum talem proportionem, vel aequat, vel excedit; & augmentum virtutis per Machinam est à replicatione ipsius in motu velociori, secundum quam aequales multiplicibus, quae sic multiplicia vel compensant, vel excedunt id, quod ipsis minus multiplicibus praevaleret; quia talis replicatio vel aequivalentia, licet in ipso motu virtutis minoris habeat successionem, qua repugnat coexistentia partium signabilium in illa; respectu tamen motus tardioris secundum datam proportionem, qui ex connexionem per Machinam, natusest correspondenter sequi in excedente ipsam, habet ut coexistat secundum illam proportionem simul cuicunque signabili illius, & ita pro quocunque signabili talia motus sic tardioris possit aequivalere excedenti, vel illud superare. Haecenus Zucchius, qui Sect. 6. sequente discurrendo per singulas Machinas, ostendit potentiam celerius moveri quam pondus, secundum saepe indicatam proportionem; & ex tali majori velocitate motus arguit replicationem potentiae.

*Examina-
tur.*

Est P. Zucchius Vir doctissimus, ut omnibus, qui eum noverunt, constat, ideoque omnino mihi persuadeo, vim aliquam latere in praedicto ejus discursu, quae melius ipsi, quam aliis perspecta sit, eumque convincat ad opinionem suam, quam multis ante annis breviter typis Parisiensibus proposuerat Orbi Litterato, & ab eo tempore multorum opinionum, objectionum, difficultates (quas in Mechanica suo loco supra citato solvere nititur) audiverat, adhuc mordicus defendendam. Ego ut verum fatear, saepe eam Panormi in Sicilia legi, & cum P. Carolo La Faille, de quo supra, contuli; saepe Romae legi, cum Auctore ipso, aliisque doctis Viris de ea disserui; nunquam tamen perspicere potui, cur, & quomodo, ex eo quod potentia exigua & pondus magnum ita applicantur Machinae, ut dum utrumque movetur simul, potentia moveatur velocius pondere in eadem, aut majore proportionem, in qua se habet pondus ad potentiam, replicetur in motu potentia, vel aequivaleat pluribus potentiis sibi aequalibus; nec cur, & quomodo, tamen si concedatur in motu ita repli-

cari potentiam, possit inchoare motum. Nam (omitto alia) ut potentia ut unum inchoet motum quo moveat per Machinam pondus paulo minus quam quinque, debet æquivalere aut uni potentiæ ut quinque, aut quinque potentiis ut unum, simul existentibus & applicatis: Sed facta applicatione per Machinam potentiæ ut unum, & ponderis paulo minoris quam quinque, antequam incipiat motus, potentia neque æquivalet uni potentiæ ut quinque, neque potentiis ut unum simul existentibus & applicatis, quia ex Zucchii opinione in motu sit replicatio potentiæ ut unum æquivalentis quinque potentiis ut unum, non quidem simul existentibus & applicatis, sed quarum una existat & applicetur post aliam, alioquin tres primæ Suppositiones Zucchii non sunt ad rem; Ergo non potest potentia ut unum, motum inchoare, & movere pondus.

Conatur solvere hoc argumentum Zucchius, & ait, necessario potentiam, factâ prædicta applicatione ipsius & ponderis per Machinam, inchoaturam motum, alioquin vel pondus elevabit potentiam, vel sistet: quorum utrumque impossibile est, ut ibidem probat. Respondeo experientia constare, inchoari motum: nego tamen ideo inchoari, quod potentia illa applicata una cum pondere in motu replicetur, ut vult Zucchius. Alia ergo adsignanda est causa cur potentia ita applicata æquivalet majori potentiæ, & cur ejus vires per talem applicationem juventur.

CAPUT QUARTUM.

Pauli Casati sententia proponitur.

P Paulus Casatus in tota sua Mechanica bene ostendit, in omnium quinque Machinarum usu potentiam velocius moveri quam pondus cum sæpe jam dicto excessu; & ulterius Inquiri causam, cur ex eo quod potentia & pondus applicentur ita, ut dicta ratione moveantur, dum moventur, sequatur augmentum virium in debili potentia. Post multa præmissa tandem concludit in hunc modum. *Unicum ergo & generale principium motus machinalis est major ratio intensiōis impetus in motore, ad intensiōem impetus cui resistit mobile, quam sit ratio gravitatis mobilis ad gravitatem vel potentiam motoris. Sic ponamus datum pondus mobile, ad hoc ut movea-*

Pauli casati sententia de principio motus machinae.

tur tantâ velocitate, ut una hora percurrat descendendo unum miliare,
 requirere ut singulis momentis temporis producantur in illo dua parti-
 cula impetus à sua insita gravitate: igitur ut moveatur sursum hac ve-
 locitate, singulis momentis resistit duabus particulis impetus: ponamus
 autem illud constare ex 50. partibus materia quarum 4. tantum sint in
 minore corpore motore; igitur illud resistit 100. partibus impetus, ac
 proinde debet in minore posse esse impetus major quàm 100. quæ est gra-
 vitas resistitiva; quotiescunq; autem intensio impetus in levio-
 re corpore ad intensiorem impetus in graviore potest esse major quàm ut 2. ad 2. est
 vis motiva major quàm resistitiva, adeoq; sequitur motus, quoties ratio
 intensi-
 onis impetus à motore producibilis, ad intensi-
 onem impetus cui mobile resistit, major est ratione gravitatis mobilis ad potenti-
 am mo-
 ventis. Quoniam verò ista habitudo impetuum innotescit ex velocitate
 potentia, & tarditate ponderis; ideo totum artificium Machinarum,
 quibus gravius pondus à minori movetur, in hoc consistit, quod poten-
 tia non habet impedimentum quo minus velociter moveatur, dum pon-
 dus tarde movetur, ita ut sit major ratio velocitatis illius ad huius tar-
 ditatem, quàm sit huius gravitas ad illius gravitatem. Quare proportio
 illa reciproca major motuum, & gravitatum, non est principium causa-
 tivum motus machinalis, sed tantum est indicium principii, nimirum
 impetus, qui in motore est talis, ut vincat mobilis resistantiam. Quia ve-
 ro illud principium semper conjungitur cum hoc indicio, & isti motus
 sunt effectus illius impetus, ideo sufficit ostendere, in omnibus Machinis
 militare hoc principium, quod scilicet major sit ratio velocitatis poten-
 tia ad tarditatem ponderis, quàm sit gravitatis huius ad illius vires: eo
 enim ipso sequitur, impetum, cui resistit mobile in motu tanta veloci-
 tatis, esse minorem eo quem potentia potest producere. Hinc vides, perpetuâ
 servari justitiam inter potentiam, pondus, ac motum, ut quo magis crescit
 pondus, eò magis minuatur ejus motus; eadem enim potentia tardius mo-
 vere potest gravia aequali tempore per datum spatium, quàm levia: quare
 ut datum moveatur, vel augenda est potentia, vel minuenda pon-
 deris velocitas. Si potentia viribus abundat, pondus movebitur velo-
 cius; sic virtus est modica, pondus tardius movebitur, servata pari pote-
 tia velocitate. Sic ut solus moveas Machinâ pondus, ad quod sine Ma-
 china movendum opus est 20. hominibus, fac talem Machinam, in qua tu
 movearis vigecuplo velocius quàm pondus; tunc enim pondus suo motu
 resistit

resistit viginti vicibus minus, quàm resisteret motui aquè veloci sine Machina Hactenus Casatus; qui videtur velle, quòd ideo, quando potentia & pondus ita applicantur Machinæ, ut motus potentix superet motum ponderis in dicta sæpius ratione, potentia possit vincere resistantiam ponderis, quia quò moveri debet per majus spatium, & consequenter velocius, eò majorem impetum debet habere in se; & eo majorem potest communicare ponderi, & sic magis diminuere ejus resistantiam. Aliud certè ex scriptis ejus elicere non possum, nec aliud ex ipsius ore, cùm Romæ de ea re cum ipso disserterem. Cui hoc unicum oppono, quòd prius debet esse impetus quàm motus; hic autem non prius habetur impetus quàm motus, quandoquidem per motum acquiritur impetus.

CONCLUSIO.

EGo hæc brevissimè statuo. I. Experientia patet manifesta, non solum in veste, & in iis Machinis quæ sine controversia ad vectem reducuntur, sed universaliter in omnibus, nunquam sequi motum, quo minor potentia moveat majus pondus, nisi potentia & pondus ita applicantur, ut posito quòd moveantur, motus potentix ad motum ponderis habeat majorem rationem quàm pondus ad potentiam: item, quotiescunque fit talis applicatio, toties sequi motum. Signum ergo est, potentix vires per talem dispositionem augeri, & vicissim ponderis resistantiam diminui. Bene ergo, & universaliter asseritur, dictam applicationem potentix & ponderis, esse unicum, universale, & omnibus Machinis commune principium & causam, augendi vires potentix, & resistantiam ponderis minuendi. II. Cùm effectus ex tali dispositione secutus, sit effectus physicus: debet utique habere causam physicam: talis autem non potest esse sola & nuda dispositio potentix & ponderis, cum hæc sola dispositio non sit activa physicè: sequitur ergo ad talem dispositionem aliquid aliud, vel in potestria, vel in pondere, vel in utroque, quod habeat rationem causæ physicæ, resultare. Quid verò hoc sit, malo fateri ingenuè me ignorare, quàm multis verbis, & dubiis ambagibus Lectorem fatigare. Atque hic finis esto Magiæ nostræ Mechanicæ, nunc ad alia pergamus.

Mechanicæ principium universale ad augendas vires potentia per machinas nascitur.

Partis III. Lib. II. Magia Mech.
 MONITIO AD LECTOREM.

Benevole Lector, in Mechanica nostra Hydraulico-pneumatica Par. 1. Classe 2. in fine Prolusionis, in qua de motus perpetui arte procurandi impossibilitate egimus, promissimus nos melius & accuratius questionem de motus perpetui possibilitate aut impossibilitate ponderaturos in Magia nostra Mechanica, argumentis desumptis ex Philosophia, Centrobaryca, Statica, & Mechanica; at quoniam videmus librum hunc in majorem excrevisse molem quam putaveramus, abstinere cogimur, & ad Mechanicam nostram universalem, seu Thaumaturgum Mechanicum differre, quod brevibus hic pro dignitate explicare non possumus. Infrà itamen in Magia Hydrotechnica, & IV. Parte hujus Opera in Magia Magnetica, asseremus in medium, & excusimus nonnulla aliorum perpetui motus, ut existimant, inventa. Eadem de causa omittimus Machinas aquaticas Tractorias, quas in Proloquio ad Lectorem Mechanica nostra Hydraulico-pneumatica promissimus hoc loco daturos, reservamusque eidem prædicto Operi. Vale Lector, & promissi solutionem cum favore expecta, si vitam DEVS ac vires dederit. De Machina Augusta, quam promissimus in eadem Mechanica nostra Par. 1. Classe 2. Machina 1. dicemus aliquid infrà lib. 6. Synagm. 2. Machina 6.



LIBER TERTIUS.

DE MAGIA THAUMATURGA,

Sive

De admirabili quarundam Machinarum fabrica,
usu, viribus, & effectibus.

PROOEMIUM.

OMnes quidem Mathematica disciplina, quae non
solam theoriam spectant, sed cum theoria praxin
conjungunt, thaumaturga, hoc est, miraculorum
operatrices appellari merito possunt; *Mechanica tamen,* Mechanica est Thau-
maturga. quae de hactenus, jure meritissimo. Fiac enim Naturam non
juvat modo, ac perficit, ut aë, seu viacientissime etiam vin-
cit, dum per Machinas, quas ingeniosissime excogitat, nul-
lam non debiliorem virtutem confirmat ac promouet, nul-
lam non potentiozem sistit ac superat, nullum non corporibus
motum, progressionem, gyrationem inducit; audax nimirum
ac potentissima virum Natura in corporibus non tam con-
templatrix, quam arbitra. Hinc tam mirabilia ab omni ævo
à Mechanicis Mathematicis excogitata opera, à Scriptori-
bus antiquis ac recentioribus celebrata, à multis nostrum va-
riis in locis visa, quorum nonnulla in 1. Parte lib. 1. cap. 6. re-
censuimus, ut vitrea illa, eaque artificiosissima Archimedis
ad Mundi exemplar architectata sphaera; Archite lignea
per aërem volitans columba; Regiomontani artificialis aquila

*Ejus opera
mirabilia.*

Carolo Quinto Imperatori Norimbergam adventanti obviam volitans; musca ferrea ibidem è manu artificis sui evolans, & corvivas circumvolans, tandemque velut defatigata in sui Domini manum rediens; poculum argenteum puellari formâ constructum, & vinoplenum per mensam, ad quemcunque jussum fuerat, progrediens; statua puellari item formâ citharam pulsans, & ad numeros saltans. Talis etiam est Machina illa artificiosissima, quam ibidem dixi Norimbergæ me vidisse, exhibentem omnium artificum statuas exercentium artes suas, & alia illa, quam Parisiis se vidisse asserit Monantholius in Præfatione ad Mechanicas Aristotelis quæstiones; & cui similem multi in variis Germaniæ Civitatibus, quæstus causa circumductam, se vidisse testantur. Talia præterea sunt varia horologia quorum loc. cit. memini; ut est illud, quod in Scania vel Scandia Danici Regni Provincia (vulgò *Schonen* /) extare dicitur in urbe *Lundæ*, Laurentianum dictum. Situm id esse referunt in inferiori templi parte, ubi tabula parieti affixa visitur circulis aliquot variorum colorum distincta. In hac per certos ejus rei indices, & annus, & mensis, ac septimana, dies quoque singuli, ac horæ, liquidissimè monstrantur, eo etiam indicato qui festus celebrari solet: item quis luminarium Solis ac Lune motus, quæque horum in Zodiaco loca diebus singulis, & inter se habitudines. Atque hæc quidem foris. Intus autem machinis quibusdam ad id artefactis fit, ut quoties signum datur publice horæ elapse, supra tabulam ipsam duo concurrant simulacra (equites dixeris cataphractos) quæ tot sese ictibus petunt, quot signa dat campana major in turri suspensa, quæ horam indicat.

Quod

Horologiū
veteratum
artificiosissimum in
Scania.

Quod verò magis mirandum, in hujus tabula medio velut in throno collocatum est simulacrum Virginis DEIPARAE sinu tenentis Infantem IESUM. Ad latera huic ostia duo, ante pedes velut theatrum semicirculi formâ, arcu hujus spectatoribus obverso. Intus machina cum simulacris trium Magorum Regum, quorum singulis singuli famuli additi. Machinâ motâ ad ejus, cui hoc negotium datum, arbitrium, prodeunt simulacra. Ante alios velut caduceator minitabundus, gladio vibrato pulsat ostium sinistrum. Eo aperto, proceditur, buccinis simul duabus sonantibus, quas inflare videntur buccinatorum simulacra. Qui primus est Magorum, magnifico prodit per theatrum incessu. Ad Virginis MARIAE simulacrum ubi ventum est, reverenter ad hanc versus inclinat se Magus, velut adorabundus, moxque conversus progreditur. Faciunt idem reliqui Magi, secundus, & tertius. Famuli horum immoti proedunt, nullâ editâ reverentiæ significatione. Horum postremus, iterum receptus ad suos, ostium dextrum claudit, ita quidem, ut clarior quidam sonus eo occluso ad aures spectantium perveniat, ita in I. Damiæ Tabula Atlantis majoris. Similium Horologiorum à diversis opificibus factorum in Italia, mentionem facit Bern. Saccus in Historia Ticinensi. Similia passim nunc, & longè ingeniosiora fiunt in forma exigua & portatili. Nonnulla vidi in Sicilia, & Romæ, allata è Germania. Imnumera hoc loco afferre possem, in quibus Mechanicorum divinum elucet ingenium, sed omitto, nè Procæmii limites excedam.

CAPUT PRIMUM.

*De Machinis quæ constant rotis ac tympanis dentatis**Rota dentata.*

A B his incipio, quoniam admirabiles sunt, & mirabilium ferè omnium, quæ per Mechanicam exhibentur, causæ. Quod agnovit etiam *Aristoteles* initio suarum Mechanicarum Questionum, ubi cum inter alia circuli mirabilia numerasset, quod motibus contrariis cietur, id explicat exemplo plurium dentatarum rotularum, sibi contiguarum, & dentibus sibi mutuò implicatarum, quatum una si ab extrinseca vi moveatur in partem unam, altera in contrariam convertitur, ut patet in tribus appositis rotulis AB, CD & EF, quarum prima AB si moveatur ita, ut A feratur versus G, indeq; versus B; secunda CD movetur necessario motu contrario, ita ut D feratur versus H, indeq; versus C; tertia denique EF iterum contrario secundæ motu cietur, ita ut E progrediatur versus I, indeque versus F. Idem contrariorum motuû ordo servatur, si plures implexæ sibi mutuò sunt rotulæ, aut circuli. Hac arte, ut *Aristoteles* etiam insinuat, antiqui Deorum suorum statuas concinnabant, rotis intus absconditis, ut dum occultâ unius versatione ceteræ moverentur, variique statuarum motus inde orirentur, imperitæ plebi imponeretur, miraculo ascribenti, quod naturaliter fieri ignorabat. Tali etiam arte sine dubio constructæ erant *Dædali* statuæ adeo celebratæ, quæ ut *Plato* asserit in *Menone*, nisi ligatæ aufugiebant, & vago quodam sinuosoque impetu ferebantur in fugam Eodemque modo constructæ fuerunt omnes illæ Machinæ, quarum in *Proœmio* mentionem feci. Hæc igitur dentatorum orbium seu rotarum implicatio fundamentum est earum Machinarum, quas hoc Capite adducemus.

*Vide Icon-sim X. Fig. 1.**Rotis dentatis miras præstari possunt.**Dædali statua.*


MACHINA I.


Glossocomum Heronis & Pappi Alexandrinorum, quodatum pondus datâ potentiâ movetur.

Glossocomum Heronis, & Pappi.

P Appus Alexandrinus lib. 8. Collectionum Mathematicarum Propositione 10. ait Heronem Alexandrinum in eo libro, qui inscribitur *βαρύκεν*, docuisse per appositionem tympanorum dentato-

rum





rum *Datum pondus movere datâ potentiâ* diametro tympani ad diametrum axis proportionem habente eandem quam quinq; ad unum, & pondus motum posuisse esse talentorum mille, potentiam vero moventem talentorum quinque. Ad hujus inationem Pappus idem docet efficere operâ eorundem tympanorum dentatorum habentium ad axes suos proportionem duplam, & pondus ponit talentorum centum sexaginta pro mille, & potentiam ipsum moventem talentorum quatuor pro quinque. Et hanc Machinam ipse cum Herone appellat Glossocomum. Sic autem procedit. Ad numero ipsiusmet Pappi verba, paucis meis interjectis diverso charactere.

Sic, inquit, dictum ab ipso Herone Glossocomum ABCD, & in eo ad longos & parallelos parietes sit axis EF, quæ expedite vertitur; huius autem axi insertum sit tympanum dentatum radis quasi dentibus GH, habens diametrum duplâ diametri axis EF juxta tempora: sit enim axis ille quadratus circa medium, ad tantam longitudinem, quanta est tympani crassitudo, in quem intè inferatur; rotundus autem quodammodo, vel diminutus ex utrisq; partibus seu lateribus tympani.

Vide Iconismi X. Fig. II.

Si igitur ad pondus, quod attrahitur, alligati funes (qui aria vocantur) per quoddâ foramen vel potius per sectionem latam in pariete CB ingredientibus, circa axem EF, ex utraq; parte tympani GH circumvolvuntur, vertaturque GH tympanum; & hoc simul vertet insertum axem, qui circa extrema movetur in digitis arcibus, & pixidibus similiter arcibus, & positis in dictis parietibus ABCD: Convoluti autem funes ex pondere, quod vocatur ægrius, pondus ipsum movebunt. Sed ut moveatur tympanum GH, oportebit adhibere potentiam talentorum octoginta, quod diameter tympani diametri axis sit dupla. Et paulò post. Quoniam igitur non habemus datam potentiam talentorum octoginta, sed talentorum quatuor; fiat alius axis KL, qui ponatur parallelus ipsi EF, habeatq; insertum tympanum dentatum MN, ita ut ejus dentes dentibus tympani GH congruant; Hoc autem fiet, si sit ut diameter tympani GH ad tympani MN diameterum, ita multitudo dentium GH ad multitudinem dentium MN; quod quidem quâ ratione fiat, ex sequentibus manifestum erit. Datum est igitur etiam tympanum MN. Sed eidem axi KL insertum sit aliud tympanum XO, diameter habens duplam diametri tympani MN. Quomobrem volenti movere per tympanum XO, necesse erit adhibere potentiam

Nota
Lector,
in delineatione
schematis
non esse
servatam
proportionem
partium.

Ejus con-
structio.

potentiam quadraginta talentorum, cum octoginta talenta talentorum quadraginta dupla sint. Rursus tympano XO dentato adiaceat aliud tympanum dentatum PR, alii axi insertum atque eidem axi inferatur aliud tympanum ST, habens diametrum similiter duplam diametri tympani PR, cujus dentes dentibus tympani MN non implentur. Ergo potentia movens pondus per tympanum ST, talentorum viginti pondus attrahet; erat autem data potentia quatuor talentorum; necesse est igitur rursus aliud tympanum dentatum Y ϕ tympano ST dentato coaptare; & axi tympani Y ϕ inferere tympanum x ψ dentatum, cujus diameter ad diametrum Y ϕ eam habeat proportionem, quā duo ad unum. Ergo potentia quæ per tympanum x ψ pondus movet, erit talentorum decem. Rursus tympano Y ϕ accommodabitur aliud tympanum dentatum $\alpha\beta$, & ipsius axi inferemus tympanum $\alpha\beta$ dentatum dentibus obliquis, cujus diameter ad diametrum $\alpha\beta$ proportionem habeat eandem, quam decem talenta ad talenta quatuor potentie data.

Ejus usus.

His igitur constructis si intelligamus glossocomum ABCD in sublimi collocatum, ita ut dimoveri non possit, & ex axe quidem EF pondus appendamus, ex tympano autem $\alpha\beta$ potentiam attrahentem quatuor talenta; neutram in parte inclinatio fiet (dummodo axes facile versantur, & tympanorum appositio exquisitè congruat) sed veluti in quadam libra quatuor talentorum potentia centum sexaginta talentis aequiponderabit. Si igitur uni ipsorum parvum aliquod pondus addatur, deorsum verget, præponderabis ex ea parte, ad quam additio facta fuerit. Si enim v. g. potentia quatuor talentorum addatur pondus unius mine, exuperabis ea, & pondus centum sexaginta talentorum attrahet. Sed pro additione coaptetur tympano $\alpha\beta$ cochlea $\omega\alpha$, habens helicem obliquis dentibus ipsius congruentem. Hoc autem quomodo fieri oporteat, scriptum est ab Herone in Mechanicis, & nos in iis quæ sequuntur, manifestius exponemus. Itaq; vertetur cochlea expedite circa tornos existentes in foraminibus rotundis, quorum alter excedat in exteriorem partem glossocomi juxta parietem OD, & excessus quadratus accipias ansâ $\tau\theta$, per quam apprehendentes & verientes cochleam, versemus etiam tympanum $\alpha\beta$, & una tympanum $\alpha\beta$ ipsi junctum; ergo & appositum ei tympanum x ψ vertetur, & huic junctum Y ϕ ; appositum ipsi ST, & rursus junctum PR; appositum XO, itemq; junctum MN; & appositum GH; quare & ipsi junctus axis EF; circa quæ convolentes ex pondere funes,

funes, pondus ipsum movebimus: nam ipsum quidem moveri perspicue constat, cum addita sit altera potentia anse, describens circulum, cujus perimenter major est perimetro cochlea. Demonstratum enim est in Libro Archimedis mei Συμμιδ est, de Libra, & in Mechanicis Philonis, & Heronis, circulos majores exuperare minores, quando circa idem centrum conversio eorum fiat. Hæc igitur sunt quæ contemplationem mechanicam maxime continent. Hactenus Pappus, & satis clare, ut aliâ explicatione vix indigeant. Nihilominus aliqua circa dictum Instrumentum notemus.

ANNOTATIO I.

Explicantur melius vires Glosocomi.

IN descripta hætenus Machina Pappus assumpsit proportionem duplicatam tympani GH ad axem EF, & reliquorum sequentium tympanorum majorum sibi invicem appositorum ad tympana minora sibi adjuncta, etiam proportionem duplicatam, tympani ultimi majoris $\alpha\beta$ ad tympanum minus $\iota\zeta$, proportionem duplicatam sesquialteram, qualis est decem ad quatuor. Poterat autem assumere quamcunque aliam proportionem, sicuti aliam assumpsit Hero, etiam nos in sequenti Machina adhibebimus. Itaque quia pondus ex E, est talentorum 160. ad illud sustinendum à potentia in F applicata, requiritur potentia aequalis ponderi, quia ut ex dictis de Axe in peritrochio constat, Eb F est vectis primi generis, in quo ut distantia Eb ad distantiam Fb, ita potentia F ad pondus E. At quoniam b H duplicata est ipsius Eb, sufficit in H potentia subduplicata ponderis, nempe talentorum 80, ac proinde in H sentitur resistentia ut 80. Rursus quoniam Hc est aequalis ipsi c N, & c b est duplicata ipsi Hc, ideo potentia in N sentiet pondus 80. talentorum, in O vero applicata sentiet pondus 40. talentorum, Similem ob causam potentia in A sentiet pondus 40. talentorum, at in T 20. talentorum. Sic etiam o sentiet pondus 20. talentorum, at \downarrow in ι 10. talentorum. Ac demum in Z sentiet pondus 10. talentorum, sed in extremitate ultimi tympani, hoc est, in cochlea $\alpha\tau$, seu in ansa r δ , sentiet pondus 4. talentorum. Potentia igitur paulo major quàm 4. talentorum, movebit pondus 160. talentorum applicatum in E.

In idem recidit si dicas, pondus 160. talentorum esse duplo levius in H, nempe solum 80. talentorum; & in O quadruplo levius, nempe 40. talentorum; & in T octuplo levius, nempe talentorum 20; & in \downarrow sex-

Eius vires
Vide Iconismi X.
Fig. II.

decuplo levius, nempe 10. talentorum, & denique in cochlea a Γ quadragies levius, nempe 4. talentorum. Est & hoc verum. Potentia in H sustinet duplum sui, in O quadruplum, in T octuplum, in \downarrow sexdecuplum, in cochlea denique quadragecuplum sui. Quoniam igitur potentia est ut quatuor, & huius quadragecuplum sunt 160; sustinebit potentia ut 4. pondus ut 160.

Quomodo
augmentur.

Si tympana majora & minora continentur in eadem dupla, aut in quacunque alia proportionem, poterit deveniri ad minorem & minorem sine fine potentiam, qua datum pondus sustinere ac movere queat. Vides igitur quantarum virium sit praesens Machina. Quidam putant, Archimedem non aliam, quam hac Machinam, ingentem illam navim movisse, de qua supra in praecedentibus duobus Libris mentionem fecimus in Proxiis. Notandum tamen, quo plures sunt rota seu tympana, & quo magis facilitatur motus, seu quo magis minuitur potentia respectu ponderis dati, eò tardior futurum motum ponderis, quia quo velocius movetur potentia, eò tardius movetur pondus, juxta principium nostrum Universale motionum Mechanicarum, de quo Libro praecedente.

ANNOTATIO II.

Indicatur theoria Glossocomi,

Glossocomi
theoria.

P Lacet quod notavit acute P. Marius Bettinus Apiario 4. Progym. 2. Proposit. 4. Scholio I. circa praesentem Machinam, nimirum in ea ab E usque ad a seu extremum tympani a β , esse vel \bar{e} quater infra factum, si-ve quasi compositum ex quinq; minoribus vel \bar{e} bus, qui ad extrema, in quibus connectuntur faciunt angulos, & contrario obducuntur, ac moventur alternis sursum ac deorsum secundum extremitates suas, quoniam alternatim habent hypomochlia infernè, ac superne, uti apparet in praesenti figura si singas, EH, HO, OT, τ \downarrow , \downarrow a. esse quinq; vel \bar{e} s, habentes hypomochlia in b, c, d, e, f, alternis inferne ac superne, & in prioribus quatuor distantias majores esse duplas minorum, in ultimo vero duplam sesquialteram, seu ut 10. ad 4. prout in Glossocomo sunt distantia bH, cO, dT, e \downarrow , fa, ad distantias Eb, Hc, Od, Te, \downarrow f. Si enim ab extremo E praesentis Figura penderet pondus 160. talentorum, ab extremo a applicata potentia 4. talentorum dum potentia deprimit extremum a, ascendit extremum \downarrow , iterum descendit extremum T, ascendit extremum O, descendit extremum H, ascendit extremum E, & simul cum ipso ascendie pondus:

Vide Iconismi X.
Fig. III.

pondus: ac proinde posita proportionione distantiarum prædicta, potentia ut quatuor in H sentiet dimidium ponderis, in O quartam partem, in T octavam, in Q decimam sextam, in a quadragesimam, id est, non nisi quatuor talenta sentiet.

Ex quo etiam patet, quanta sit differentia quoad vires inter unum vectem continuum, & inter plures minores extremis suis connexos. ^{Vellum infra flexum} Nam ut uno vecte continuo potentia ut quatuor sustineret pondus ut 160. ^{vires.} deberet fieri vectis, cujus distantia major haberet partes quadraginta æquales distantie Eb; cum tamen in præsentī vecte infra flexo omnes distantia majores contineant tantum partes decem cum dimidia æquales parti Eb. Vide quæ dicimus infra Cap. 3. Machina I.

ANNOTATIO III.

Qualis debeat esse proportio inter numerum dentium, & magnitudinem diametrorum tympanorum sibi invicem apponendorum, & quomodo se habeant inter se velocitates eorum; quomodo item construenda cochlea habens helicem obliquis dentibus tympani dati congruentem, & quomodo formandi obliqui dentes in tympano; docet accuratè Pappus lib. 8 Propositi. 20. 21. 23 & 25. quem vide.

MACHINA II.

Glossocomon nostrum, quo talenti potentiâ movetur Terraqua, si aurea foret.

Magna fuit semper Mechanicorum audacia, magna vis, ^{Mechanica potentia.} tantusque in tam parvo numero animus, nihil ut in hoc Orbe Terrarum sit tam grave, firmum ac validum, quod eorum Machinas expertum non sit. Et certè si vel ipsum Terraqueū globum è sede sua eruere possunt, quid eorum effugiet conatum? Possè autem id fieri vecte, axe in pèritrochio, trochlea, & cochlea; superiori libro ostensum fuit brevissimè. Nunc fusius ac solidius demonstrabo, eundem Terraqueum globum, etiamsi aureus foret, Glossocomo illi, quem descripsi paulò ante, simillimo, non plus quam viginti quatuor rotis majoribus instructo, dimoveri è loco suo, & in altum attolli posse, idque ab ea solùm potentia quæ talentum unicum, hoc est, centum & viginti quinque libras nostrates ponderat.

^{Glossocomo Terraqua moveri potest, etiamsi aurea foret.}

Hoc ut demonstremus, Terræ magnitudinem & gravitatem cognitam habere debemus, uti patet ex suprâ dictis præcedenti Libro Syntagm. 2. in Auctario; hanc autem si quis novit, is solus est, qui eam formavit, libravit, suoque in centro fixit DEUS. Ita prorsus est; neque nos à geometria petimus, quod à DEO discendum est. Geometricam ergo Terram, ut suprâ, nobis hic iterum fingemus, eamque nobis ad dimovendum proponemus, talemque, qualis ipsa formari potuit, videlicet auream, non multo minorem eâ, quam DEUS ex terra & aqua composuit: hanc enim qui Glossocomo nostro movebit, movebit profecto terream, seu ex terra & aqua compositam quam incolimus, eò quòd nihil repectum adhuc auro gravius. Primò ergo Terræ aureæ magnitudinem statuamus: tum auri pondus eidem assignabimus: & denique rotas ac tympana expediemus, quibus unius talenti potentia molem illam universam sic moveat liberè, ut nè talentum quidem movere se putet.

De ambitu Terræ aureæ.

*Terræ amb-
ita ambi-
tum,*

ET ambitum quidem Terræ, seu circumferentiam circuli ejus maximi, non eam pono quam suprâ, sed varietatis gratiâ quam multi Astronomi & Geographi statuunt, nimirum milliariorum Italicorum octodecim millium nongentorum, vel passuum geometricorum octodecim millionum & nongentorum millium.

Ambitus Terræ	Milliariorum Italicorum	18900
	Passuum geometricorum	1890000

Atque hinc accuratâ satis, eâque trinâ multiplicatione colligo, cubum qui ex circumferentiâ circuli maximi Terræ in lineam rectam extensa constituitur, tot necessario fore passuum cubicorum, quot in hoc sequenti numero continentur unitates, nempe sex milleni, septingenti, & quinquaginta unus milliones millionum, millionum, & insuper ducenta & sexaginta novem millia millionum millionum.

| Cubus ambitus Terræ in passibus cubicis |

A | 6751, 269000, 000000, 000000.

Dependere Terræ aureæ.

PONDUS verò auri huic cubo debitum eruemus facillimè, si ^{Terræ aureæ pondus.} unum vel alterum supponamus, quòd hic pluribus confirmare non licet: videlicet rationem gravitatis auri quàm ad aquam habet, & aquæ gravitatem quam pendit passus cubicus. Quæ quidem gravitas ex Amphora Romana antiqua nullo negotio colligitur. Teste enim *Fannio* antiquo Grammatico, *Villalpando*, & ^{Amphora Romana quot libras aqua pendat.} aliis recentioribus, Amphora Romana antiqua pendit aquæ libras 80. & si cubica sit, latus ipsius quodlibet, hoc est, longitudo, latitudo, & altitudo est pes Romanus antiquus, quorum quinque constituunt passum geometricum, uti docuimus in Pantometro Kircheriano Lib. I. Par. 2. cap. 3. Cubus igitur unius passus geometrici dubio procul continebit 125. amphoras, eò quod hic numerus, 125. producat ex cubica seu trina multiplicatione numeri 5. & si idem numerus 125. ducatur in 80. libras unius amphoræ, procreabitur necessario gravitas aquæ unius passus cubici librarum 10000. præcisè. Rationem verò, quam auri gravitas ad gravitatem aquæ habet, suppono eam, quam observavit *Marinus Ghetaldus*, in suo Archimede promoti, vel eam quam numerus 19. habet ad unitatem, ita ut quantitati unius libræ aquæ, novendecim libræ auri respondeant. Quare cum unus passus cubicus pendat decem millia librarum aquæ: rectè omnino concludemus, eundem passum cubicum aureum esse librarum 190000. seu talentorum 15 20. tribuendo uni talento libras 125. facta enim divisione hujus numeri, 190000. in 125. quotiens est 1520. Inspice sequentem laterculum.

Amphora Romana continet libras aquæ				-- -- -- 80
Passus cubicus aquæ	{ continet	Amphoras aquæ	-- -- --	125
		Libras aquæ	-- -- --	10000
Passus cubicus auri		Libras auri	-- -- --	190000
		Talenta auri	-- -- --	1520

Si autem per hunc ultimum numerum, 1520. multiplicemus numerum A suprà positum, inueniemus hunc numerum B.

[Cubus aureus ambitus Terræ in talentis.]

[B 10, 261928. 880000, 000000, 000000.]

Ettot talentorum auri erit cubus ambitus Terræ. Ex quo ipsum Terræ globum aureum beneficio aureæ regulæ, quam Trium vocant, sic postremo loco deduco. Primò enim certum est, proportionem cubi circumferentiæ circuli maximi ad soliditatem sphæræ, in omnibus omnino sphæris esse eandem, eò quòd omnes sphæræ sint similes, & circumferentiæ circulorum maximorum sint instar laterum homologorum. Deinde certus sum, hanc proportionem nec minorem esse proportionem numeri C ad numerum E, nec maiorem proportionem numeri D ad eundem numerum F. Et denique ex ratione-

[C | 59, 217626, 406536, 151713, 006945]

[D | 59, 217626, 406536, 151713, 006946]

[E | 1, 000000, 000000, 000000, 000000.]

gulæ Trium patet, quando sunt quatuor numeri proportionales, & tres eorum dantur, dati etiam quartum: Atqui tres numeri, nimirum C vel D, E, & B, dantur, estque ut C vel D ad E, ita B cubus circumferentiæ ad soliditatem terræ. Ipsa igitur Terra dabitur, si numerus B multiplicetur per E, & summa dividatur per C, producet enim Terra F major vera, eaque nè unica quidem libra differet à minore vera; quæ quidem produceretur, si eadem summa divideretur per numerum D.

[Globus Terræ aureum talentorum]

[F | 173291, 796762, 514927, 915797.]

De rotis seu tympanis necessariis ad movendam Terram auream.

Habemus igitur, quod primo & secundo loco statuere oportuit, Terræ nimirum magnitudinem, ejusque gravitatem, si aurea foret. Nunc quod reliquum est, aggrediamur, & rotas seu tympana explicemus, quibus talenti potentia moveantur talenta numeri F. Neque ego hic chordas texuero, neque rotas materiam, locumque Machinæ præscripsero ex quo suspendatur; hæc enim ut aliena aliis procuranda relinquo; illud tantum prosequar, quod Geometram, vel potius Mechanicum, ex geometria & arithmetica petere convenit; quam videlicet proportionem habere debeant rotæ, ut pereas datum pondus F datâ talenti unius potentia moveatur. Atque huc spectant duæ illæ Propositiones *Archimedis* sexta & septima Libri I. *Æquiponderantium*, quas explicavimus ac demonstravimus libro præcedente Syntagm. I. Cap. 4. Proposit. 5 & 6. ubi cum Archimede ostendimus, magnitudines, sive commensurabiles, sive incommensurabiles, æquiponderare, si ex distantis suspendantur eandem permutatim seu reciproce proportionem habentibus, ut gravitates. Hoc est, si v.g. gravitas magnitudinis A dupla sit ad gravitatem magnitudinis B, eademque suspendantur ex quibusvis distantis EC, ED, & ED ad EC habeat quoque permutatim proportionem duplam, ostendimus inquam, centrum gravitatis magnitudinum A & B esse in puncto E, seu quod idem est, easdem magnitudines manere, & æquiponderare, si linea CD suspendatur vel sustineatur ab aliquo fulcramento in puncto E. Ex hac verò demonstratione dependent ferè omnia illa, quæ in vecte, axe in peritrochio, trochlea, aliisque similibus instrumentis ac machinis ad ponderum & potentiarum proportionem pertinent, ut toto præcedente libro vidimus. Si enim v.g. vectis AB, ad fulcumentum C, ita dividatur, ut AC decupla sit ipsius CB, potentia applicata ad A poterit decuplum potentia vel ponderis applicati in æquali distantia ponderis B, hoc est, æquiponderabit ponderis B. Si autem A C est paulò major, quàm B, potentia A præponderabit ponderi B. Item si sint duæ rotæ, AA, & BB, circa idem centrum C, ita ut unâ motâ & altera moveatur; sitque

Terram auream quos rotæ & tympanis moveri possint per glossæcomum.

Vide Iconismi X. Fig. I V.

Vide Iconismi X. Fig. V.

Vide Iconismi X. Fig. V I.

fitque semidiameter AC iterum decupla semidiametri CB: erit ut prius potentia ad A, subdecupla potentia vel ponderis appensa ad B, hoc est, potentia unius talenti ad A sustinebit decem ad B appensa.

Atque tales sunt rotæ quas in Glossocomo nostro assumimus ad movendam Terram auream. Omnes enim majores rotæ, quas in præcedenti Machina vocavimus tympana majora, ponimus habere decuplam proportionem ad suos axes, & ad suas minores & concentricas rotas, quas minora tympana ibidem appellavimus; quamvis in Figura, ob loci angustiam, hæc decupla proportio non sit servata. Omnes etiam ferè rotas, tam majores, quam minores, fecimus inter se respective ferè æquales, primis aliquot exceptis: & eo ordine, quem Figura monstrat, disposuimus, quia utrumque ad declarandum intentum nostrum commodum videbatur. Machina autem ipsa certum ordinem rotarum minimè postulat, sed illum tantum requirit, ut axes suis tympanis infixi, validi sint, & iis firmiter cohareant, beneficio dentium (quales solum in XXIV. rota majore, & in XXIII. minore expressimus) majora tympana à minoribus proximis & sibi adpositis libere moveantur. Magnitudinem vero eam esse oportet, quæ sustinere pondus possit: ideoque ultimam, quæ totum pondus sustinet, convenit esse maximam; primam, à qua per adjunctam cochleam, aut aliter, motus incipit, minimam. Dico igitur iterum, viginti quatuor rotis pauid ante expositis tantum, potentia unius talenti Terram auream ponderis F moveri posse. Quod etsi incredibile videatur, verissimum tamè esse vel inde constabit, quòd eadem potentia eodem numero rotarum sustinere queat numerum talentorum E; qui numerum Faureæ Terræ attributum, superat toto numero H.


E	1,000000,000000,000000,000000
---	-------------------------------

F	173291,796762,514927,915797
---	-----------------------------

H	826708,203237,485072,084203
---	-----------------------------

Sustinere autem posse, ita probo. Tympanum L, seu XXIV. decuplum est, ex hypothesi, sui Axis M: potentia igitur applicata ad circum-





Cubus ambitus Terræ aureæ in
talentis.

10, 26, 928, 880000, 000000, 000000.

Gravitas Terræ aureæ
talentis

17329, 1738762, 514927, 915797

Ambitus Terræ

Milliar Ital. 18900

Pagruū geom 18900000

Cubus ambitus Terræ in pagruū cubitis

6751, 269000, 000000, 000000

Gravitas Terræ maior au.
rea in talentis.

100000, 000000, 000000, 000000



circumferentiam tympani L sustinebit, *per ea, qua libro precedente,*
& proxime ex Archimede attulimus, decuplum pondus ad circum-
ferentiam axis M: talis autem est potentia talentorum numeri G
intra XXIV tympanum L scripti, ad talenta numeri E circa au-
ream Terram scripti; Ergo potentia G ad circumferentiam tym-
pani L sustinebit talenta E suspenſa axe M. Imo eadem potentia
G, applicata etiam ad circumferentiam tympani minoris seu axis
O, sustinebit eadem talenta E, ex eodem axe M, beneficio tym-
pani L, cui per dentes inferitur: Sunt enim duo illa tympana, L,
& O, sicut duæ rotæ, CAD, EBF, dentibus sibi mutuo innexæ,
quorum centra A & B; in quibus si ex C pendeat talentum K
deorsum nitens; certum est, si ex puncto D rotæ minoris majori
innexæ pendeat aliud talentum G similiter deorsum nitens, futu-
rum æquilibrium inter duo talenta K & G, quia rota major CAD
est instar vectis æqualium brachiorum CA & DA, è cujus
puncto D si penderet talentum G, sine dubio sustineret in æqui-
librio talentum K; perinde autem est, si ex D dependeat ta-
lentum G, si ex E, eò quòd dentes utriusque rotæ sunt sibi
mutuo ad D & E innexæ. Si jam talentum G, seu potentia ipsi æ-
qualis, transferretur in F, aut in L, & sursum niteretur, adhuc su-
stineret pondus talenti K, quia potentia non minus potest in F,
quam in E, cùm brachia EB, FB, sint æqualia. Quod autem fieret
in his duabus rotis CAD, EBF, sit in duobus tympanis L & O, ut
consideranti patet. Quare dubium esse non debet, quin etiam
potentia G, æque sustineat pondus E, tum in circumferentia tym-
pani L majoris, tum in circumferentia tympani O minoris. Et
hoc ipsum tenendum est de reliquis tympanis quæ sequuntur, &
se mutuo movere intelliguntur, ita ut idem possit potentia appli-
cata ad circumferentiam tympani majoris, & ad circumferen-
tiam tympani minoris, à quo majus impellitur.

Vide Ico-
nismi XI.
Fig. VII.

Vide Ico-
nismi XI.

Imo etiam illud, paulo ante ex decupla proportionem tympani
L ad axem M intulimus, in reliquis tympanis majoribus respec-
tu minorum suorum inferri debet, in quibus eadem proportio
supponitur; ut etiam manifeste apparet in numeris, quos singulis
rotis majoribus adscripsimus. Primæ enim rotæ R assignavimus
numerus seu potentiam unius talenti, secundæ numerum 10, tertiæ

Vide Ico-
nismi XI.

100 &c. ita ut primus numerus sit 1. secundus præter unitatem obtineat unam cyphram, tertius duas, quartus tres, penultimus in rota N viginti duas, ultimus circa rotam L vigintitres. Hac enim ratione non solum potentia cujuslibet rotæ sequentis decupla est potentia rotæ antecedentis, sed etiam pondus E, quod 14 cyphris cum unitate exprimitur, decuplum erit potentia G. Quoniam igitur potentia tympani L, hoc est, tympani O ipsi L annexi, sustinet decuplum pondus ad axem M, ut diximus, videlicet talenta E; similiter potentia applicata ad circumferentiam tympani N decuplum ponderis sive potentia applicata ad circumferentiam tympani O; potentia N poterit potentiam L: sed hæc sustinet pondus E ex M, ergo & potentia N, quæ est subdecupla potentia, & subdecupla ponderis E, sustinebit idem pondus E beneficio tympanorum O & L, & axis M. Eandemque ob causam reliqua subsequencia tympana, usque ad tympanum R, sustinebunt idem pondus E. Et quia pondus E ut minimum quinques majus est pondere F, & hoc auri cum sit, majus est vero pondere globi ex Terra & Aqua compositi; dubitari nullam ratione debet, quin potentia unius talenti in R, non tantum sustinere, sed trahere etiam, & in altum tollere possit auream Terram ponderis F, si quidem chordæ & rotæ tanto ponderi pares existerent. Quod si impares chordæ fuerint, demonstratum tamen relinquitur, unius talenti potentiam frangere posse, quidquid Terram sustinere non potest.

De tempore, quo ultima rota L semel convertitur.

POSUIMUS tympana minora esse subdecupla tympanorum majorum, quibus apposita, & dentibus suis innexa sunt. Quoniam igitur primum tympanum minus R est subdecuplum secundi tympani majoris S; in una integra revolutione minoris tympani R (& consequenter etiam majoris ipsi minori concentrici) vertetur utriusque secundi tympani S $\frac{1}{10}$ tantum. Item quia secundum minus tympanum S est subdecuplum tertii tympani majoris T; in una integra conversione primi tympani R & in conversione unius decimæ partis tympani secundi S, convertetur $\frac{1}{100}$ tympani tertii T, & $\frac{1}{1000}$ quarti tympani, & $\frac{1}{10000}$ quinti, & ita.

deinceps, prout numeri in singulis tympanis scripti indicant: iidem enim numeri, quos pro potentiis adscripsimus singulis tympanis, denominant etiam partem quæ vertitur, dum prima rota semel vertitur. Et quia numerus tympani vigesimi quarti est 100000, 000000, 000000, 000000, nempe 23 cyphræ, & unitas: in conversione una integra primi tympani R, convertetur ex ultimo tympano L, pars ab hoc numero denominata; ac proinde ut hoc idem ultimum tympanum convertatur totum semel, necesse erit primum converti toties, quot in dicto numero sunt unitates.

Jam vero si in uno horæ quadrante ponamus primam rotam R converti 10000, hoc est, decies millies, in quatuor quadrantibus; hoc est, in una hora convertetur 40000, hoc est, quadragies millies, & in uno die naturali 24 horarum 960000, hoc est, nongenties & sexagies millies; in anno vero, seu in 365 diebus convertetur 350400000, qui numerus facit trecentos & quinquaginta milliones, & in super quadringenta millia. Et quia non est verisimile, unico quadrante posse converti rotam R decies millies; minus verisimile erit, in uno anno converti 350400000, multoque minus verisimile, posse converti 1000, 000000, ita ut certum sit, in uno anno non posse fieri tot conversiones, quot in hoc proxime antecedente numero sunt unitates. Nihilominus ponamus fieri tot.

Quoniam igitur in una conversione ultimæ rotæ L, prima rota R debet converti 100000, 000000, 000000, 000000, & in uno anno non possunt fieri plures quam 1000, 000000; si ex priori numero auferantur tot cyphræ, quot in hoc posteriore continentur, reliquus numerus erit quotiens divisionis illius majoris per istum minorem, hoc est, reliquus numerus 100, 000000, 000000 indicabit, quot anni requirantur ad unicam integram revolutionem ultimæ rotæ L, nempe centum milliones milliorum annorum.

Quod autem rota prima R non possit spatio unius quadrantis converti decies millies, sic probo. Si enim id fieri posset, commodissime fieret per aliquam rotam maximam applicatam ad tympanum primæ rotæ, qualis est hic rota V, applicata ad rotam

R, cujus circumferentiam volo esse centum passuum, circumferentiam verò tympani R volo esse unius passus tantum, seu quinque pedum, qualis ferè esse deberet in Glossocomo nostro rota prima R. Quo posito, proculdubio in una conversione rotæ V, verteretur rota R centies, & in centum conversionibus rotæ V, verteretur rota R centies centies, hoc est, 10000. seu decies millies. Itaque si rota R ponatur converti decies millies in uno quadrante, mediante rotâ V, oportebit rotam V converti ab uno intus collocato, & rotam ambulando calcante, ut fieri solet, prout supra diximus, cum de Axe in peritrochio ageremus. Perambulabit igitur homo iste in singulis revolutionibus centum passus, atque adeo in centum revolutionibus, hoc est, in uno quadrante horæ, progredietur decem millia passuum, sive decem milliaria Italica; quot nē velocissimus quidem equus percurreret. Signum ergo est, in uno quadrante non posse converti rotam R decies millies, servando unius talenti potentiam in R. Fieri quidem potest, ut intra rotam V paulò antè positam figeretur alia rota Y, cujus circumferentiam multo citius homo percurreret, & simul circumduceret rotam V; Verùm tunc ad movendum rotam R requireretur potentia major uno talento, in ea videlicet proportionē, quam diameter rotæ Y habet ad diametrum rotæ V. Si igitur per rotam Y non potest intra quadrantem moveri in gyrum decies millies rota R, multo minus poterit per cochleam adjunctam cum manubrio, aut per aliud artificium, ut melius patebit ex sequentibus.

MACHINA III

Glossocomum alia forma constructum.

*Glossocomi
alia forma,
Vide Ico
nismi XII.
Fig. I.*

Glossocomum, seu Pancratium (sic aliqui appellant) dum adhibetur ad pondera elevanda, ordinariè non construitur eâ formâ, quam duabus præcedentibus Machinis exhibuimus, sed quam præfens exhibet Figura. Tignis nimirum AB & CD, inferuntur quotquot lubet, aut necessarii judicantur axes EF, HI, MN, QR, tympanis suis, seu dentatis rotis, majoribus ac minoribus, & sibi mutuo ritè implexis, instructi, uti Figura monstrat. Infimo axi QR adjunctus est cylinder T, cui circumvolvitur funis; & funi adnectitur pondus V. Supremo axi EF additur ansa, seu

Fig. II.




Fig. III.



Fig. I.




Fig. IV.





Fig. V.





feu manubrium curvum EXY, cujus beneficio circumducitur axis cum suo tympanulo G, hoc dentibus suis apprehendens tympanum L, circumducit ipsum, una cum axe HI, & tympanulo K: hoc iterum dentibus suis arripiens tympanum P, circumvolvitur ipsum, ejusque axem MN, & tympanulum O, hoc denique iterum dentibus suis admordens tympanum S, convertit ipsum, una cum suo axe QR, & cylindro T, quo cylindro circumvoluto, circumvolvitur ipsi simul funis, & attrahitur pondus tui alligatum. Motus itaque in hac Machina incipit à tympanulo G, beneficio manubrij curvi EXY, quod manu hominis circumducitur. Vis Machinæ pendet à proportionē majorum ac minorum tympanorum inter se, & à ratione numeri dentium eorundem. Quod ut melius appareat, ponamus tympana majora esse duodecupla tympanorum minorum, & rationem dentium eorum esse eandem quæ diametrorum, hoc est, duodecuplam, ideoque tympana majora habere dentes 96. minora verò habere dentes 8. Hoc supposito, dico, potentiam 50. librarum applicatam ad manubrium EXY, posse præsentī Machinæ sustinere pondus V. 86400. librarum, dummodo sola absque instrumento possit sustinere 50. libras. Nam, quia tympanulum G est subduodecuplum tympani L, & G debet converti duodecies integrè, antequàm L convertatur semel integrè, eò quòd etiam numerus dentium tympanuli G sit subduodecuplus numeri dentium tympani L, ideo potentia 50. librarum applicata ad XY manubrij, cujus radius EX, æqualis est semidiametro tympanuli G, potest sustinere 600. libras pendentes ex axe HI, nempe duodecuplum sui. Iterum, quia tympanulum K est subduodecuplum tympani P, & propter duodecuplam rationem dentium, G debet converti centies quadragies quater, (144.) dum P convertitur semel; eadem potentia 50. librarum applicata ad XY, potest sustinere 7200. libras appensas ex axe MN, nempe duodecuplum librarum 600. Rursus, quoniam tympanulum O est subduodecuplum tympani S, & propter duodecuplam rationem dentium, G debet converti millies septingenties & vigesies octies (1728.) antequàm S convertatur semel; eadem potentia 50. librarum, applicata ad XY, potest sustinere 86400. libras appensas ex axe QR, nempe duodecuplum librarum 7200.

In idem recidit, si inferius incipias computum, & ascendendo dicas potentiam 50, librarum applicatam axi M N, & per manubrium curvum convertendo dictum axem, simulque tympanulum O, & rotam S, posse sustinere, (propter dictam duodecuplam proportionem diametrorum, & dentium) libras 600. suspensas ex axe Q R, & applicatam axi H I, eumque convertentem cum tympanulo K, & tympano P, reliquisque infra se, posse sustinere libras 7200. & denique applicatam axi E F; eumque per manubrium convertentem una cum tympanulo G, & rotâ L, reliquisque omnibus infra se, posse sustinere libras 86400.

*Quomodo
augere pos-
sint vires
eiusdem.*

Hæc omnia intelligenda sunt, considerando præcisè potentiam & pondus, & excludendo resistantiam materiæ in Machina, & ponderis funium. Cæterum in praxi etiam horum habenda est ratio, ut monui Libro superiore Syntagm. I. Cap. ultimo, in fine. Si jam applicetur potentia paulò major quàm 50. poterit etiam elevare pondus 86400. librarum. Quare cum unus homo possit libere sustinere plus quàm 50. libras, poterit commodè dictum pondus per dictam Machinam elevare.

*Machinis
quo magis
juvatur po-
tentia, eò
tardius
movetur
pondus.*

Si plures axes, & plures rotæ adhiberentur vel supra superiorem, vel infra inferiorem axem, posset unus homo unico digito movere dictum, & quodcunque aliud pondus; imò & Orbem terrarum, non secus ac Glossocomo nostro præcedente. Sed in praxi frustra multiplicantur plures rotæ & axes, quàm adhibuimus in hac præsentis Machina, quia nulla materia suppetit nobis ad axes, rotas, & funes conficiendos, qui ferre possint pondera quæ sex aut septem axibus ac rotis sustentari & attrahi possunt.

Notandum tamen est, in hac Machina, ut in aliis mechanicis potentiis seu machinis, quò gravius pondus attollitur exiguâ potentia, hoc est, quò magis juvatur potentia, & facilitatur motus ponderis, eò majus tempus infumi in pondere movendo, eoque minus iter seu spatium conficere pondus. Nam semper spatium moti ponderis ad spatium motæ potentiæ erit, ut potentia ad pondus. Quare si in præsentis Machina circumferentia tympani T est unius pedis, & in una integra conversione ipsius funis circumductio unius tantum pedis est; dum manubrium E X Y convertitur 1728. pondus V ascendet perpendiculariter solum ad spatium unius

unius pedis. Quapropter si minutum secundum in qualibet manubrii conventione infumeretur, hora ferè dimidia (nimirum min. pri. 28. sec. 48. Requiritur ad V elevandum per spatium pedale. Ut ergo celerius per similem Machinam elevetur pondus, minor numerus dentium indendus est rotis, efficiendumque ut tympanula sint tympanorum subdupla, aut subtripla: sed tunc aut minuendum est pondus, aut augenda potentia, cæteris paribus.

Valer in hac Machina modo explicata disposita idem, quod suprà in Machina I. diximus, ex Bettino de multiplicatione vectium infractorum primi generis; Nam tympana majora & minora præsentis Machinæ constituunt tres vectes infractos AC, CE, EG, quorum hypomochlia alternis infernè & supernè constituta sunt, B, D, F, & majores distantia ad minores habent rationem duodecuplam, ut 12. ad 1. eandem videlicet, quam habent diametri majorum tympanorum Machinæ ad diametros tympanorum minorum. Qui quidem tres vectes dictâ ratione disposita ita in se invicem agunt, ut cum potentia premit punctum G, punctum E attollatur; quod fieri nequit nisi depresso brachio CD, quod propterea necessario deprimit brachium CB & attollit brachium BA, atque adeo pondus L.

Quærit *Mersennus* in Mechanicis Phænomenis Proposit. II. ubi describit præsentem Machinam, num vectis HK, ejusdem cum tribus vectibus infractis AC, CE, EG, longitudinis (cujus nimirum brachium KI est 36. partium, & distantia HI unius, sicut tres distantia HB, ED, GF, simul sumptæ sunt 36. partium, & distantia AB unius) sit eadem potentia, hoc est, num eadem potentia premit in G, & in K, eodem modo pondus L, & pondus M, æqualia inter se, sustineat, aut attollat in altum. Respondet meritò quod non. Nam, uti ex dictis de Vecte in Libro præcedente constat, potentia unius libræ in R applicata, non potest sustinere nisi 36. libras; & applicata in G, potest sustinere libras 1782. Patet, quia applicata in C, sustinet 12. libras; applicata in E, sustinet duodecies 12, nempe 144. applicata denique in G, sustinet duodecies 144. nempe 17. nempe 1728.

Huic Machinæ similem fuisse quidam putant Machinam Archimedis, quam *Charistion* appellabat, & quâ putabat se posse movere

*Glossæ mi
hujus thes-
auri.*

*Vide Ico-
nismi XI L.
Fig. II.*

*Vectium
infractorum
vires.*

*Charistion
Archimede-
m.*

movere Terram, si ubi confisteret, Machinamque figeret, haberet. Figuram Charistii Archimedei, utputatur, exhibet Jacobus Belfon in suo de Instrumentis Libro.

MACHINA IV.

Pancratiium infinitæ potentia Simonis Stevini.

*Pancratiū
Stevini.*

Simon Stevinus lib. 3. Staticæ Proposit. 10. præscribit sequentem Machinam, qua quodlibet pondus quavis potentia moveri potest, si rotæ multiplicentur; eamque valde commendat, quoniam simplicissima est, & materia firmiore, minoribusque impensis parabilis, quàm præcedentes, eundem tamen effectum præstat. Ipsa Stevini verba recito.

Constructio Pancratiū.

*Ejus constructio.
Vide Iconismi XII.
Fig. III.*

Sumito trabem *AB*, soliditate & magnitudine operi instituto, & effectibus mechanicis congruente. Efformato deinde tympanum ferreum *C*, per ambitum dentatum, cujus diameter sit, dicis gratia, digitorum trium, inq; ambitu dentes sex. Per centrum transidetur axis ferreus *CD*, ad terminos *C* & *D* quadrangulus, scapus autem intermedius rotundus esto. Hinc tympana *E*, v. g. dentibus octodecim, *F* dentibus sex, traiciantur eodem axe *EF*, qui similis sit antecedenti *CD*, terminis videlicet quadrangulis scapum seretem claudentibus. Huic *EF* effingantur similes axes *GH*, *IK*, ut tympana *G*, *K*, ambiantur dentibus sex, *HI*, octodecim. Et quia tympana superiora plus ponderis sustinebunt ut possent intelligitur; etiam firmiora majoraque deformantur; atque ideo cum axes ordinabuntur parallela, *H* quidem mordicus implicabitur ipsi *F*, distabit autem à tympano *K*; item *G* implicabitur tympano *I*, non autem tympano *E*; quod ipsum partium quoque dispositio postulat.

Fiat deinde manubrium *LMN*, cavo quadrangulo, cui quadrangula axium capita *D*, *F*, *H*, *K*, exacte congruant; sitque flexura *ML* pedem longa, scapus autem *MN* fiat longitudine mox paulo infra definienda. Denique in trabe *AB* transversim quatuor foramina terebrentur, eadem inter se distantia qua axes, ut tympanorum dentes commode inter se implicari, & mutuo sese impellere possint, cujusmodi hic sunt, *O*, *P*, *Q*, *R*; quibus axes *IK*, *GH*, *EF*, *CD*, inserti congruant, axium autem scapi teretes inter duos tympanos intermediū longitudine sua trabis crassitiem æquens

aquens, quadrati autem istius axium termini K, H, F, D, tres, aut summum quatuor digitos extra tympanos promineant. His ita deformatis, detracto tympano I, axem IK inferito in foramen. O: similiter GH in P, EF in Q, CD in R. Affigantur deinde cuique axi sua tympana dentesque tympani F in fronte mordicus impliciti dentibus H ipsum impellunt: similiter in tergo ut C impellat tympanum E, & G ipsum I: formaque perfecti Pancratii (sic enim instrumentum hoc à sua efficiencia appellare liceat) erit qualem in subiecta figura expressimus. Haec enus constructio Pancratii ex Stevino: sequitur nunc usus ex eodem.

Usus, aliaque accidentia Pancratii.

Pancratii constructi usum declaraturus Stevinus, docet quatione ipso in succulam transformato, ejus adjumento naves *Ejus usus. Vide Iconismi XII. Fig. IV.* trans aggeres septaque seu aquarum obices traducantur. Eadem autem, & potiori ratione adhiberi potest ad onera in altum sustollenda, ut patebit. Sic ergo discutrit. *Esto Pancration AB; tympana dentata K, H, F, in fronte trabis, I, G, E, C, in tergo; LMN manubrium, seu ut Pappus in Mechanicis loquitur λαβή; axis autem cui funis ductarius obvolvitur, S, crassitie sesquipedaliper trabem trajectus emineat capitulo quadrato, cui affigatur dentatum tympanum T, diametri bipedalis, per ambitum 36. dentibus distinctum; atque asteriscus hic minimum tam amplius formandus ex S, ne rotatus ejus ab I tympano impediatur. Denique summitas aggeris V superet imam carinam navis X aqua innatantis, pedibus quatuor, hoc est, ut perpendicularis à summo aggere demissa in planum horizonti parallelum per imam carinam actū, sit pedum quatuor. Jam ut navis trans aggerem traducatur, circumducto manubrium LMN, Oportebit igitur scapum MN tanta longitudine construi, ut omnes quorum opera opus erit, cōmode hinc inde consistant*

Ratio versationum manubrii ad axem.

Prosequitur Stevinus. *Quia manubrium LMN ter rotatum, semel circumagitur tympanum F; at novies, semel in orbem agit H; & vigies septies, tympanum K; hinc centies & sexagies bis circumductum, convertet ipsum T, hoc est, axem S. Eodemque modo manubrium LMN affixum ad F, id tympanum quinquagies quater circumducendum erit, ut axis S semel convertatur: ad H, decies octies; ad K, sexies,*

*T*antum toties in orbem vertitur, quoties ipsemet axis *S*. Cum autem manubrium altius inferes quam in *D*, verbi gratia in *K*, nè inferiora tympana, quæ difficultatem operi inducunt, una convertere sit opus, proximè inferius, quod in exposito casu est *G* loco suo depelles, nè dentes ejus dentibus amplius implicantur, atque ita inferior *Machina* pars universa immota consistet.

Ratio potentia manubriam versantis ad pondus tractum.

*Ejus poten-
tia.*

Explicat posthæc *Stevinus* rationem seu proportionem inter potentiam & pondus, quæ est navis *X*, tali pacto. Cum flexura *L* *Mex* hypothesi pedem longa, sextupla sit asterisci *C*; etiam potentia qua *Cagit* in *E*, æquivalens potentia impellentis manubrium *L* *M*, erit ut 8. ad 1. eodemque modo propter efficientem *H* in *F*, ut 24. ad 1. atque deinceps ab *I* in *G*, ut 72. ad 1. denique à *T* in *K* ut 216. ad 1. Sed orbiculus *T* æquivalens axi *S*, (æquivalere dixi, revera enim diameter axis *S* est sesquipedalis, Tautem bipedalis ex hypothesi, sed quia dentes asterisci *T* sextupli sunt ipsius *K*, etiam diameter sextuplum poterit diametri *K*, quæ propterea erit 3. digitorum, & qui ad *T* digitorum 18. si ve sesquipedalis, quemadmodum diameter axis *S*) quare pondus ab axe *S* rectè descendens eandem habebit rationem ad pondus situ sibi æquipondium seu potentiam æquivalentem in *MN*, quam 216. ad 1. Ratiocinium hoc ab axe *S* descendendo deorsum inire licebit, eodem modo quo sursum ascendendo nunc nobis institutum fuit. Ex hoc infert, si *MN* tantâ versetur potentia, quanta est 25. librarum, descendendo, istam potentiam æquivalere 5400. libris, (quia 216. multiplicata per 25. hanc summam efficiunt) ab axe *S* recta deorsum tendentibus. Quoniam verò eadem potentia facilius trahit pondus per planum inclinatum, quam perpendiculariter sursum, ponamus navem *X* esse sextuplam ponderis ab axe *S* recta demissi; erit itaque navis 32400. librarum, tracta à potentia 25. librarum per manubrium *MN*, hoc est, ab homine versante manubrium cum conatu æquivalente 25. libris. Sed jam plures homines applicentur eidem manubrio, quanti ponderis navem trahere poterunt? Poterit etiam, si opus sit, *Pancratium* geminari, atque alterum opposito scapo seu trabi *T* inseri, quale ipsi *A* *B* insertum vides, atque ita ipsos versantes bipertiri, ne tanta hominum manus mutua opera inturbentur, inquit *Stevinus*.

Qu

Qui etiam advertit, tympana dentata quæ in Pancratiis explicato eadem serie sursum collocata sunt, etiam transversè, & etiam bina binis juncta disponi posse, prout operis commoditas, concinnitasque exiget. Alia quæ in commendationem hujus sui Pancratiis subjungit, lege apud ipsum loc. cit. ubi etiam probat, si institueretur Pancratiis 30. orbiculis axiculisque, cujus maximus asteriscus minimi esset decuplus, flexura verò manubrij minimi asterisci semidiametro, & Succula S minimo asterisco æqualis foret; pondus toto Orbe terrarum longè majus attolli posse à minima potentia.

Ad terrarum orbem elevandum,

ANNOTATIO I.

EX hæcenus dictis in quatuor precedentibus Machinis patet, in tympanis seu rotis dentatis, non secus ac in cæteris Instrumentis & Machinis, pondus ad potentiam qua sustinetur, eandem habere proportionem, quam spatium potentia moventis ad spatium ponderis mori, ideoque proportio potentia ad pondus habetur, si sciatur quoties circumducatur potentia, hoc est, rota cui applicata est potentia antequam semel circumducatur pondus, hoc est, rota cum axe cui applicatum est pondus. Si itaque habeatur proportio inter pondus & potentiam sustententem pondus, si vel augeatur potentia, vel minuaturs pondus, habebitur etiam potentia movens pondus.

Proportio inter potentiam & pondus in machinis dentatis.

ANNOTATIO II.

Patet præterea ex iisdem hæcenus dictis, proportionem potentia (seu sustententis, si sustinet, seu moventis, si movet) ad pondus esse compositam ex rationibus semidiametrorum majorum rotarum ad semidiametros minorum, eidem axi infixorum. Exempla habes in omnibus quatuor prædictis Machinis.

MACHINA V.

Pancratiis aurigarum.

Glossocomorum seu Pancratiis hæcenus explicatorum Pancratiis compendium est Instrumentum illud, quo utuntur aurigæ ad sublevandos currus onustos, & præponderare intra molliores vias subsidentes; victores ad vasa vinaria; architecti ad ingentia pondera,

Pancratiis aurigarum.

pondera, atque adeo domos ligneas integras relevandas, & ad alia multa per suppositum Instrumentum attollenda. Germani id vocant, ein Winde/ Galli cric: Itali nescio quo nomine appellent, fortassis quia ejus usum ignorant. Ego certè 22. annorum spatio, quibus in Sicilia & Italia habitavi variis locis, non nisi unum vidi Romæ, quod Eminentissimus quidam Cardinalis è Polonia, ubi Legati Apostolici officio functus erat, secum tanquam rem raram attulerat Fabrica ejus hæc est.

Vide Iconismi XII.
Fig. V.
Ejus constructio & usus.

Fiunt ex chalybe durissimo ac fortissimo tres rotæ, duæ minores A & C, & una major B. Rotula A habet exempli gratia quatuor dentes in circuitu, & totidè rotula C, cujus diametri etiam prioris diametro æqualis est. Rota B habet (ut proportio servetur) dentes sexdecim, & unum communem axem cum rotula C. Tandem fit ex eodem chalybe firmissimum & inflexibile prisma dentatum D E. Omnia hæc ligneæ capsæ, ferro in circuitu bene munitæ, & superius apertæ, includuntur, ita ut dentes rotulæ A apprehendant dentes rotulæ B: & dentes rotulæ C apprehendant dentes prismatis D E. Axis rotulæ A prominet extra latus capsæ, & annexum habet manubrium curvum AFGH. Quod manubrium manu unâ aut utraque apprehensum in GH, si circumducatur, convertitur simul rotula A firmiter & immobiliter axi annexa: hæc circumducit retam B & C: & rotæ C dentes occurrentes dentibus prismatis D E, sursum illud movent tamdiu, donec dens ultimus prope E sit è regione rotulæ C. Si jam curvatura D è capite culpræ, aut curvatura E è latere capsæ prominens, supponatur currui, dolio, domui alterivè oneri, & agitur manubrium in gyrum, ascendit prisma, & è capsâ egrediens pellit sursum pondus cui supposita est curvatura alterutra: si idem manubrium in contrariam partem agitur in gyrum, descendit prisma D E, & intra capsam suam iterum absconditur.

Ejus virtus:

Hæc est constructio, & usus. Virtus dependet ex proportionem majoris inæqualitatis motus potentia supra motum ponderis. Nam si potentia manubrio GH applicata, potense est movere paulo plus quàm libram unam, aut decem aut centum &c. sine Instrumento, poterit per hanc Machinam elevate pondus tam multipulum librarum uni, decem, centum &c. quàm multiplex est ejus motus ad motum ponderis.

ponderis. Ponatur igitur manubrii curvatura FG quadrupla semidiametri rotulæ A, ergo potentia movebitur quadruplo velocius quàm rotula A, quia quadruplo majus spatium conficit potentia, quàm A rotula. Et quia rotula A habet quatuor tantum dentes, & rota B sexdecim; ut rota B, & ipsi annexa rotula C, semel vertatur, debet rotula A verti quater. Et quia etiam semidiameter rotæ B quadrupla est semidiametri rotulæ C; movebitur illa quadruplo velocius quàm hæc, & consequenter quàm prisma DE, & pondus ipsi suppositum. Potentia ergo movetur sexdecuplo velocius quàm pondus, ac proinde se habet ad pondus ut 16. ad 1. Potentia ergo paulo major quàm libræ 1. potest per hanc Machinam elevare libras 16. & paulo major quàm librarum 10. libras 160. & paulo major quàm librarum 100. libras 1600.

ANNO TATIO.

S i pondus attollendum esset nimis magnum respectu potentia, vel si meretur nè chalybeum prisma DE disrumpere; possit juvari potentia, & ipsa Machina, adhibito vecte secundi generis, habente in altero extremo fulcrum, in altero potentiam. Si enim extremo vectis, cui potentia sursum pellens applicari solet, supponatur curvatura D, aut E, alterum verò vectis extremum innitatur terræ, aut alicui rei solida, & pars vectis propinquior huic extremo supponatur pondus, & agitur manubrium; fiet ratio composita ex ratione vectis, & ratione hujus Machina prædictæ. Quare si distantia potentia in vecte, id est, curvaturæ D aut E, à fulcro sit ad distantiam ponderis ab eodem fulcro, ut 5. ad 1. jam eadem vis poteris quintuplo plus, atq; adeo quæ antea erat ut 100. ad 1600. jam erit ut 100. ad 8000. Atq; hic modus juvandi potentiam, aut ipsam Machinam, valde bene notandus est, quia sæpe magno usui potest esse.

*Quomodo
augeri pos-
sint ejus vi-
res.*

MACHINA IV.

Memnonia statua tonans, & harmonice cantans.

D E Memnonia Statua, citharæ sonum ad orientem Solem apud Thebas Ægyptias olim edente, & quâ id ratione nunc etiam per solam inclusi aëris rarefactionē fieri queat, fusè egimus in Mechanica nostra Hydraulico-pneumatica Par. 2. Classer. cap. 3. Machina 9. ex P. Athanasio Kirchero to. 2. Oedipi Ægyptiaci

*Memnonia
statua to-
nans.*

par. 2. Classe 8. cap. 3 §. 1. Pragmatia I. Diximus præterea loc. cit. & in hujus operis Par. 2. lib. 6. Syntag. 7. Pragmatia 4. Annotatione 5. alium modum sed valde operosum; Memnoniam statuat horrendum tonantem, cantantem, & tantum non loquentem fabricandi, tradidisse olim in Problemate quodam publicè demonstrato in Aula Collegii Romani, & typis edito, P. Lauretum Laurum. Quem modum quoniam ultimo loco citato promisi me hoc loco traditurum, fidem nunc solvam; sit enim per rotas & tympana dentata. Ipsamet Auctoris verba recitabo, adjunctis solum literis aliquot, ubi opus fuerit ad majorem declarationem: & deinde quid ego circa Machinam illam sentiam, subjungam. Sic ergo disturrit.

Vide Iconismi XIII. Fig. I. *Ejus constructio.*
Erigatur, ut in I. Figura, axis buxeus AB, bene dolatus, chalybeis cuspidibus acuminatus, & super puncta agrè consistens. Prægrandis rota CD medio axi infigatur, cavis ventorum receptaculis circumcincta, quibus impulsæ velocissimè circumvolvetur, & validum sese exhibebit reliquorum motuum principium. Nè tamen quis existimet, tenuissimo nos ingentem molem imponere fundamento; similibus rotis, simplicis oris habitu, vel uncia pondere circumactis, attrahi se vidisse testatur Joannes de Guevara in 2. parte Mechanica q. 18. trecentorum quinquaginta axium pondus, & hominem super insidentem, nec arcanum aliud adhibebatur machinamentum, quàm trochlea, scytala, & axis in parvo peritrochio, ut cernere est in I. I. Figura. Si tamen motorem adhuc optaremus vehementiorem, possemus pro arbitratu multiplicare rotas hujusmodi, & cetera quæ hic sunt posita, ut modum indicent, non ut rem actu ipso exequantur. Sit etiam axi AB infixum turgidum tympanum & striatum EF, cui dentata rota FI correspondeat, & ad motum ipsius moveatur. Ut autem perspecta sit proportio, qua intercedere debet inter axes, minora tympana striata, & dentatas rotas; primo quidem supponendum ex Pappo lib. 8. Mathematicarum Collection. eam proportionem esse inter circulum & circulum, quæ inter diametrum & diametrum. Propono deinde ex Guido Ubaldo lib. 1. Probl. Astronom. Probl. 4. quonam pacto constitui, & ordinari debeant, ut unum tympanum sexagies velocius alio moveatur, nullo facto augmento potentia, aut multiplicatione virtutis. Sit, ut in Fig. III. dentatum tympanum AB, quod moveat tympanulum striatum superpositum CD, cum quo habeat proportionem unius ad duodecim.

Vide Iconismi XIII. Fig. III. *Rota dentata quomodo ordi-*

Fig: II.





Fig: I.





Dum tympanum *AB* movebitur semel, & unicam conficiat revolutionem; *CD* faciet duodecim. Sit tympanulo *CD* infixus axis *EF*, & in axe aliud tympanum dentatum *GH*, quod moveat aliud tympanulum striatum *IK*, & habeat cum illo proportionem unius ad quinque. Dum *GH* volvetur semel, *IK* volvetur quinquies. Ex his autem sequitur, quod dum semel circumvolvetur *AB*, *IK* circumvolvetur sexagies. Et ita pro arbitratu procedere quis posset ulterius, excitando semper motus velociores & velociores. Ad motum igitur dendata rosa *FI*, quam constituimus in *I*. Figura, movebitur axis *G*; & in eo aliud dentatum tympanum *H*; quod aliud dentatum tympanum *K* secum rapiet; & hoc contrariis inflexuris compaginos axes *LM* circumvolvens, motu suo folles *PP*. attollet, & deprimet, atque adeo ventum validum procreabit. Densabitur aer in caveis *SS* circumpositis, & percurrere tentabit in vocales tubos *TT*, si vel minimus aperiatur aditus. Ne tamen debacchetur effractus, sed ad aliquam humanam vocis articulationem inflectatur; tympanis striatis & dentatis *V*, *X*, circumvolvenda est harmonica rosa *QR*, quam in suis hydraulicis exhibuit olim Salomon de Caus, & deinde alii ex illo. Sunt autem in hac rosa disponendi afferculi *b, b, b*, prominentes, juxta proportionem Diapason, Diatesaron, Diapente, & aliorum intervallorum harmonicorum, qui dum rosa *QR* circumvolvetur, ad numerum impingentes in pendulos afferes *YZ*, ad ora usque vacalium tuborum *TT* protensos, illos parumper attollant, & veluti magistra manu ad melos excitandum attemperent. Ne tamen stridulus & sonorus omnino concentus sit, atque adeo organum exhibeatur simpliciter harmonicum; gula Memnionis, & fauces, striis sunt exasperanda, uti non rectè, sed post varias reflexiones emittatur inflexus, & articulatus sonus. Præterea quia ad formationem consonantium comprimenda aliquando sunt labia, attollenda & deprimenda lingua, protrahendaque, coarctanda vel dilatanda fauces, aliæque hujusmodi requiruntur; præstar. hæc utcumque possunt ligneolis, hedinis pellibus, bubalino corio, aliisque hujusmodi filo ferreo alligatis, qua similiter ad motum rose harmonice *QR* diversimode moverentur, & modum aliquem stupidi gusturi imponderent. Addi etiam possent alia rosa *NO*, qua fila illa circumextensa artificiosè pertraherent. Et hæc solum sufficiat indicasse. Sed primus ille spiritus, qui excavatas scytalas prima rosa *CD* tam vehementer impelli, unde nam evocatur? Nascitur domi, vel extero educitur

nanda, ut una vertatur aliam citius.

Memnionis statu carians,

educitur ab antro? Hoc omnino supererat explicandum. Recurrendum hic arbitror ad parabolas hyperbolas, ellipses, aliaque hujusmodi, qua conos coarctant radiorum, & mesalla ipsa eliquant, nedum sicca aromata Soli oblata facillimè incendiant. Constituendus igitur esse Memnon, ut luminosa pyramides incendiaria acmina dirigerent ad basim, & aërem rarefacerent, & aromata incenderent & aquas cogerent subsilire. Cum autem ex dictis minima vis sufficiat, non est quod hinc detrimentum aliquod timeamus.

Hæc est Machina à Laureto Lauro data; hic modus quo putat fieri posse ut Memnonis statua à Sole irridiata, non solum salutationem illam, χαῖρι ὤλι, ὤλι χαῖρι, harmonice concinat, aut tenues philomelæ instar gracilescat in modos; sed tonare, & fulminare cum Pericle possit; ideo tam validam Steropum, Brontium, Pyragmonum operam adhibet, ut Vulcaniam & Æoliā obtineat efficaciorē. Ego imprimis tanto molimine ad tantulam rem exhibendam non puto opus esse, præsertim cū ejus usus nullus sit nisi Sole lucente, & valide lucente. Deinde cū juxta hanc dispositionem rotarum cylindrus phonotædicus sive harmonicus QR celerrime verti debeat, celerrimarum notarum erit musica. Demum qua arte efficere velit ut statua Memnonis ingeminet χαῖρι ὤλι, ὤλι χαῖρι, & ut articulate quasi loquatur, non video; nihil enim ad rem faciunt ligneola, hedinx pelles, bubula coria, aliaque hujusmodi ferreo filo alligata.

CAPUT SECUNDUM.

De variis Machinis per rotas dentatas, obiter indicatis.

*Machina
varia per
rotas den-
tatas.*

INnumeras alias Machinas, ingeniosas & utiles, per dentatas rotas aut tympana constructas, quas aut vidi ipse, aut insinuatās ab aliis audiui, legive, explicare hoc loco possem, earumque indicare artificium, examinare vires, proportionem inter potentiam & pondus per eas movendum expendere; sed ut sumptibus parcam in tot Figuris æri incidendis, omittere cogor. Nonnullas tamen, quas curiosus Lector apud alios legere poterit, indicare non gravabor.

MACHINA I.

Machine seu Instrumenta quibus iter & locorum distantia mensurantur.

COMMUNE & notissimum est Instrumentum quoddam circulari forma constructum, & duabus tantum modò rotulis dē- *Machine quibus iter & locorum distantia mensurantur.*
tatis intus instructum quo ad zonam iter pedestre agentis alligato, si funiculi, cujus extremitas una Instrumento annexa est, extremitas altera infra genu ambulantis alligetur, & inter ambulandum ad passus singulos, trahatur; rotulæ circumaguntur, & per appositos in exteriori superficie indices ad singulos passus intra *Primum.*
divisos minutatim circulos, indicatur numerus omnium passuū, quos quis interambulandum ad alia intentus. & nihil de mensura itineris cogitans, confecit. Utuntur eo nonnulli in agrorum, pratorum, hortorum, aliorumque locorum circuitu dimetiendo.

Alterius ejusdem generis Instrumenti, sed longè ingeniosioris, & simul operosioris, meminit *Amselmus Boëtius* de Boodt in sua *Secundum.*
Gemmarum & lapidum historia; & ex ipso *P. Athanasius Kircherus* lib. 2. de Arte Magnetica Pat. 2. cap. 2. Problem. 3. quod Imperatori Rudolpho II olim oblatum fuerat, & tandem in manus ejusdem Kircheri venit, Neapoli allatum à quodam Siculo, qui emerat ipsum ab aurifabro, qui ex ipso Imperatoris cubiculo, nescio quâ ratione, id ipsum acceperat. Eo Instrumento, sanè ingeniosissimo, quatuor dentatis rotis, ac magneticâ. pinnâ, & filo ferreo intus absconditis instructo, & ad zonam ac genu, ut præcedens, alligato, iter agens, vel civitatem locum vè alium circumiens: in charta intus abscondita notatas postea invenit, absque ullâ numeratione aut operatione alia, omnium locorum à se obitorum distantias, situm ad Mundi plagas, figuram, totamque ichnographiam. Lege Kircherum loc. cit. ubi id diligenter & accurate, quantum in re obscura & intricata fieri potest, describit.

Suprà citatus Boëtius, recte Kirchero loc. cit. meminit alterius *Tertium.*
Instrumenti elegantioris, & commodioris, ab Imperatore Rudolpho II. inventi, quod nulla translatione indiget, quia Mappam ipsam in plano chartaceo, aspiciente eo qui iter facit, describit. In superiori enim sui parte vitrum habet pellucidum, sub quo

tota Mappa suis punctis notatur ab orbiculo sub charta latitante, quam cum alio illi adjuncto agitatur in hanc vel illam partem magnes.

Quartum.

Vitruvius lib. 10. de Architectura cap. 14. docet, quâ ratione rhedâ vel navi vestî, peractum iter dimetiamur, & sciamus quot millia passuum itineris fecerimus, atque eam rationem fuisse summâ solettiâ à majoribus traditam asserit. Totum negotium peragitur per rotas dentatas certo numero & modo intra rhedam ac navim dispositas. Lege ipsum. Verba sunt admodum obscura, nec à Philandro aut Barbaro explicantur, nisi obiter & per paucis. Frustra ea adduxero & explicavero sine diagrammate; quod tamen, ut sumptibus parco, omitto.

Quintum.

Romæ apud quandam Artificem Germanum, Summi Pontificis horologiarium, vidi rotam ligneam unicam cum manubrio item ligneo, quò Instrumentum arreptum instar monotrochii à Geometra agitabatur per viam, & in aliis adjunctis ferreis rotulis ac circulis per indices notabatur passuum numerus; singulæ enim rotæ versationes certum numerum pedum signabant in divisis circulis, quacunque tandem ratione Geometra incederet, hoc est, seu magnos passus faceret inter ambulandum, seu parvos. Simplicissimum est Instrumentum, & meo judicio omnibus prædictis commodius, ad exactam itinerum mensuram de loco in locum inveniendam.

MACHINA II.

*Quadriga sine hominum aut jumentorum trahentium
ope per vias agitata.*

*Quadriga
ope rotarū
dentatarū
agitata.*

*Norimber-
gæ.*

Vir Amplissimus D. Georgius Philippus Harstorfferus in Deliciis Physico-Mathematicis to. 2. Par. 10. quæst. 11. narrat. Opificem quendam Norimbergæ, nomine Joannem Hautsh, quadrigam fecisse, quæ sine equis antrorsum & retrorsum progrediebatur, multosque opus vehementer suspexisse, velut rem artificiosissimam, se tamen statim viso curru dixisse artifice, intus prope rotas posteriores & altiores dispositas esse binas rotulas dentatas, ac sibi invicem, ipsisque rotis quadrigæ implicatas, quæ rotæ dentatæ ubi à puero intra currum abscondito circumagebantur, propelleban-

pellebantur posteriores rotæ, & iis propulsis etiam anteriores. Figuram vide apud ipsum.

Narravit mihi non ita pridem Amplissimus Dominus Michael Schaupp, hujus urbis Consul, vectum se esse una cum aliis quatuor Francofurti ad Moenum in rheda, quam vir quidam, ut videba-
Francofurti.
 tur, simplex, Bingenſis ex Moguntina Dioeceli, construxerat simili arte. Admittebat is in rhedam viros tres, quatuor, & amplius, & una sola manu agitabat ipsam per rotas & tympana dentata intus abscondita, tantâ facilitate ac velocitate, ut Francofurto Hôchstam usque (oppidum est ad Mœnum duabus horis Francofurto distans) quatuor viris & prædicto Amplissimo Consule onustam duxerit ac reduxerit exiguo temporis spatio, horæ scilicet vix unius cum dimidia.

Non eadem facilitate ac velocitate agitatus fuisset currus ille ingens, quem Romæ pictor quidam Belga promittebat. Duxit is die quodam P. Athanasium Kircherum & me ad ædes suas, & ostensis sclopetis, brevioris uno, altero mediocris longitudinis, septem fistulis, quatum una post alteram pro libitu explodi poterat, instructis, & à se, ut agebat, constructis, addidit, excogitasse se machinam seu castellum ligneum rotis instar currus agitabile sine equis, capax centum hominum quinis senisvè moschettis instructorum, & insuper diversorum tormentorum bellicorum; velleque se, si alluberet, ejus rei experimentum coram exhibere. Cùm annuissimus, traham adduxit exiguam, ex tabulis compactam, & quatuor ligneis orbiculis instructam; quam mox ut conscendit, atrepto manubrio agitare cœpit rotarum artificium intus latens, tanto conamine ac labore, ut copiosissimo sudore maderet, & tamen vix ad aliquot passus in pavimento planissimo a lateribus strato machinulam promovere, multo minùs vertere & retroagere, nisi cum ingenti difficultate, poterat. Risimus hominis simplicitatem, & proposita ob oculos rei difficultate, seu potiùs vanitate, abivimus. Ille nihilominus Melitam profectus est, operam suam Equitibus Melitenſibus contra Turcas promissurus; ubi & diem suum obiisse nuntiatum mihi postea fuit.

Roma.

Sphæra, aliæque Machinæ, siderum motus varios exhibentes.

*Sphæra Astro-
nômica,
siderum mo-
tum exhi-
bentes.*

Prima.

Hieronymus Cardanus lib. 17. Subtilit. quem de artibus, artifi-
cionisque rebus inscribit, meminit cujusdam sphæræ cœle-
stis mirabilis artificii, olim à Gulielmo Zelandino fabricatæ: quam
cùm dissolutam, & in tenebris per incuriam marcescentem repe-
risset Cardanus, in lucem revocavit, & Janello Turriano Crêmo-
nensi, viro admodum industrio, in integrum restituendam tradi-
dit. Cujus exemplo aliam deinde Janellus *Carolo Quinto Casari ita*
construxit, ut in ea & temporum momenta, & partes signorum singulas
videas, & octavi Orbis tardissimum motum intuearis. Divisiones quoq;
orbis signorum varias, quas domos vocant; hasque æquales, & ina-
quales, & quod majus est, universi orbis partibus inservientes (ut hac
verè Machina Orbem universum referat) inspicere licet. Omitto pro-
gressus regressusq; singulorum errantium siderum, latitudines, altitudi-
nesq; aliæ; innumera; ut prorsus res non minus famâ, quâ fide major sit.

Secunda.

Habet P. Kircherus in Museo suo Sphæram armillarem ingen-
ter ex ferro inaurato, constructam olim Romæ à Domino Greu-
ter Germano Chalcographo, hæredum verò incuriâ penitus dis-
solutam, & magnâ ex parte destructam, ab ipso verò Kirchero in-
stauratam, non sine labore ac sumptu. Monstrat ea rotularum plu-
rimarum sibi mutuo implexarum artificio motum primi Mobilis,
Solis, ac Lunæ, cum omnibus Lunæ phasibus.

Tertia.

Sphæræ paulo antè ex Cardano descriptæ meminit etiam Ber-
nar. Saccus lib. 7. Ticinensis Histor. dicens eam dominante in
Transpadanis Joanne Galeatio Vicecomite fabricatâ, sed aucto-
rem ignorari: collocatamq; in arce vel Castello Papiæ: ibi defuncto
Principè tam mirabile opus despectum jacuisse, circulis etiam à
suo loco sublatis. Circa annum postea vigesimum nonum præce-
dentis sæculi, quo Carolus V. Imperialem Coronam Bononiæ su-
scipit, allatam Imperatori fuisse incompositam, situq; ac rubigine
defædatam, eumque Machinam admiratum, curari tanti opetis
instaurationem, fabris undique evocatis, jussisse. Quibus circa
opificii restitutionem frustra laborantibus, unum accessisse Joan-
nem Cremonensem, cognomento Janellum, aspectu informem, sed

sed ingenio clarum; quod tantum opus specularus, refici posse Machinam dixit, sed nec quidquam profuturam, ferris rubigine attritis, exesisque, nisi novum Instrumentum ad illius vetusti similitudinem ac Symmetriam componeretur. Aggressum itaque opus, sive priorem artificem imitando, atque æmulando, sive exequando, diuturno labore opificium absolvisse. Quod deferri in Hispaniam Imperator voluit, magistro Janello simul deducto.

Jovius de alia artificiosissima Sphæra, à Ferdinando I. Imperatore ad Solymannum Constantinopolim per Legatos missa, in hunc modum scribit. *Legati Ferdinandi I. Imperatoris, ad Solymannum, Constantinopolitanum Casarem, tulere munera, excelsum Germanico more ex auro poculum lectissimis exornatum gemmis, eruditæque in super admirationis argenteam Machinam, in qua non horarum modo spatia, sed errantium etiam siderum motus, menstruique Solis ac Luna coitus, exactissimaratione monstrabantur; intus scilicet dentatis rotis certisque ponderibus, admirabili momento, vel in multum avum minutissimas temporum mensuras dispensantibus; cum inter celeres tardosque orbis, in tam vario inæqualique polorum ordine, audaci quadam suppremi motoris æmulatione, conjuncta congruerent. Ea à peritissimis Astronomis excogitata perfectaque, Maximiliani I. Caesaris fuisse dicebatur; cujus ingenium nobiliter semper studio, nec deterrente unquam sumptu, rara atque admiranda concupivit. Illata ergo illa Machina, succollantibus duodecim servis, Solymanni animum, & barbarorum oculos admiratione complevit. Adduxerant enim Artificem, qui solutis Machina fibulis interiora admirabili ratione circumacta rependeret. Is libellum quoque detulerat, attrita vel luxata Machina remedia continens, et adentemque præcepta, quibus tot orbium cursus nunquam interitura ratione regeretur. Ita Jovius.*

Saporem Persarum Regem referunt, Cardano teste loco paulo antè cit, sphæram Mundanæ sphæræ æmulam tam grandem è vitro construï fecisse, ut in ejus centro sederet, tanquam in Terræ sphærule, spectantem sub pedibus etiam astra, exorientiaque ac occidentia sidera, ut sic mortalis cum esset, supra tamen omnem mortalitatis factum & expectationem esse videretur. *Escerè*, subjungit Cardanus, quid majus & divinius sub hominis sensibus cadere possit, etiam Regi universum orbem possidenti quàm quòd possit quàm terras,

& maria possides, etiam cælum & astra, Dei domicilium habere videatur? Barbarè ergo Moscovitarum ille Princeps, cui cùm Christianus Rex Daniæ, pacem pro Livonia impetrare cupiens, misisset argenteum αὐτόματος, cœlestium motuum, affabre atq; artificiosè factum, cum aliis muneribus, cætera quidem munera Moscovita accepit, αὐτόματος vero, cùm didicisset cœlestium motuum organum esse, contumeliosè derisum Dano remisit, inquit, ipsum de cœlo stulte sollicitum esse, cum de terra inter ipsos armis cettaretur.

MACHINA IV.

Archimedea Sphæra, ejusque artificium examinatum.

Sphæra
Archimedis.

SÆpe jam in præcedentibus mentionem fecimus sphæræ Archimedææ, sapissime Auctores varii ejus meminere, & summis laudibus ad cælum usque extulère, utpote quæ Mundum universum, Mundiq; partes saltè præcipuas, cum vario cœlorum ac siderum motu, ob oculos clare poneret. Et certe non vulgare fuisse ejus artificium oportet, cùm ipsemet Archimedes, summus & subtilissimus Mathematicus, quinq; solus suis temporibus varia & natura, & intelligentia usus est ad omnia perscrutanda, Pappo Alexandrino teste in Proœmio libro 8. ex Gemino Mathematico, librū de ea sphæra scripsisse credatur, ut ex Carpo Antiocheni colligi videtur, qui Pappo citato in loco teste, dicit, Archimedem Syracusanum unum duntaxat librum mechanicum composuisse de Spharopæia, hoc est de Sphæra constructione. Ejusdem Archimedææ sphæram meminisse Cicero lib. 2. de Natura Deor. & lib. 1. Tuscul. qq. his verbis. Nam cum Archimedes Luna, Solis, quinq; Errantium motus in sphæram alligavit; effecit idem quod ille, qui in Timæo mundum ædificavit, Platonis Deus, ut tarditate & celeritate dissimillimos motus una regeret conversio. Quod si in hoc mundo fieri sine Deo nō potest, nec in sphæra quidem eosdē motus Archimedes sine divino ingenio potuisset imitari. Hæc Cicero; qui utinam aut alius quispiam, ejusdem sphæræ materiam ex quā composita fuit, & modum quo fuit constructa, & in tam varios motus concitata, explicasset, aut temporis iniquitas Archimedis librum de ejus compositione nobis non invidisset. profecto in tāta perplexitate non hæteremus, ut non nisi conjecturis rei veritatē indagare cogeremur. Scimus Possidonium, Tullio teste, cujus verba

verba postea referemus, similem aliam effecisse sphaeram, sed nec hujus artificium ac compositionem scimus. Quare non ingratus rem me facturum Lectori curioso existimo, si quid varii Auctores de Archimedis sphaera sentiunt, in medium proferam. Quod & Kircherus facit l. 2. Artis Magneticæ Par. 4. c. 1. Prælius. 2.

Duo ergo quæri possunt circa Archimedis sphaeram, materia, ex qua confecta, modus quo in motum concitata, Vitream fuisse, ^{Materia ejus vitrea fuit.} plerique Auctores, qui mentionem illius faciunt, arbitrantur. His consentit Claudianus Poëta, asserens præterea spiritum intus inclusum eam concitasse in motum. Verba Claudiani sunt.

Juppiter in parvo cum cerneret athera vitro,

Risit, & ad superos talia dicta dedit.

Hucine mortalis progressa potentia cura?

Jam meus in fragili luditur orbe labor.

Jurapoli, rerumque fidem, legesq; deorum,

Ecce Syracusius transulit arte senex.

Inclusus variis famulatur spiritus astris,

Et vivum certis motibus urget opus.

Percurrit proprium mentis Signifer annum,

Et simulata novo Cynthia mense redit.

Jamque suum volvens audax industria mundum

Gaudet, & humana sidera mente regis.

Quid falso in fontem tonitru Salmonca miror,

Amula Nature parva reperta manus.

Quærit Cardanus l. 17. Subtilit. cur Archimedis sphaera ex vitro ^{Cura vi-} fuerit facta, cum tamen nunc similes sphaerae non ex vitro, sed ex metallo fiant? Respondet, causam fuisse, quoniam cum esset amula verè cæli, includebantur minores orbes majoribus: quamobrem qui intuserant, & sidera, spectari non potuissent, nisi omnes ex materia perspicua constati fuisset. Nunc autem qui hujusmodi moles faciunt, ex metallo efficiunt, quia vitri fragilitatem timent. Kircherus tamen loco supra citato putat, extremam solum superficiem sphaerae fuisse vitream, ut tota interior cælestium corporum in suos circulos divisorum anatomia melius videri atque distingui posset. Et hujusmodi sphaeras duas testatur se vidisse Parisiis Petrus Rames, unam è Siculis, alteram è Germanicis spoliis ereptam.

Interna
ajus consti-
tutio.

Spiritu in-
tus incluso
an fuerit
agitata.

At qualis fuit interna sphæræ illius constitutio? quæ ratio motus? Cardanus probabile putat, positâ opinione suâ de materia sphæræ, eam ponderibus non fuisse agitaram, sed spiritu intus incluso. Nam, inquit, *includi vix poterant, & inclusam motum perennem non habuissent, & operis pulchritudinem fœdassent; externis vero motis orbibus ex uno lateretantum, vim vitro gravem attulissent.* Quamobrem facilius fuit hac Archimedi spiritu agitare, tum maxime quod orbibus unum tantum motum addiderat, omnesque circa idem centrum collocabat, ut Calippus & Eudoxus; ipsam vero Terram, exiguam sphaerulam, multiplici motu agitabat in medio, nescio quibus artificiis. Quam opinionem secutus est Nicolaus Copernicus aetate nostra. An vero ad unguem, non satis constat, cum incertum sit, an Archimedes Luna orbem, ut Copernicus, cum elementis ipsis circumvolvi voluerit. Manifestum est igitur, duabus de causis Archimedi facilius fuisse molem hanc vitream facere, ac spiritu absque nixu alio agitare, quàm nostris temporibus ab his qui placita Ptolemai sequuntur. Quod de spiritu retulit Cardanus, insinuare videtur Claudianus his versibus:

Inclusus variis famulatur spiritus astris,

Et vivum certis motibus urget opus.

Spiritu autem agitari potuisse prædictam sphæram, confirmat Cardanus his verbis. *Sed quod hac Machina spiritu agipotuerit, magna admiratione haud dignum existimo, considerantibus nobis quanta vi globulos expellant machina, illa quæ in Germania sunt; cum tamen aeris impetu solum id agant.* Loquitur de sclopetis pneumaticis, de quibus egimus in Mechanica nostra Par. 2. Classe I. cap. 2. Machina 13. & 14.

Addit tamen Cardanus, aliter forsan per spiritum intellexisse Claudianum vim abditam, quâ absconditis ex arte vinculis, seu rotarum denticulis, machina sponte ac spiritu quodam moveri poterat videris ideoque putat, pro spiritu non aerem, sed rotarum sese mordentium artificium, velut animâ, intelligi posse. *Et certè,* inquit Kircherus, *sphæram hac viâ constructam, præter quam quod Cicero innuit, ipsum Archimedis ingenium, quod in cyclicorum, admiranda staticorum natura indaganda continuo occupabatur, suadet. Cum enim cæli siderumq; (quo eum Livius nomine compellat, spectator assiduus,*
circulâ

circuli rotarumque miracula comperiret, eaq; admirandarum prorsum motionum in Mechanicis principia esse subtili indagine cognosceret; verisimile est, eum ad circuituum cælestium corporum exemplar rotas quoque, rotarumq; circuitus artificiales singulari industriâ adinvenisse, illisque sphaeram in circulos cælestes divisam animasse. Quod si ita est, audet Kircherus dicere, Sphæram Archimedæam dictâ arte constructam vix aut nè vix quidem cum modernorum Artificum similibus operibus comparari posse: cum ea sit horum industria atque peritia, ut non solum primi mobilis, sed & secundorum mobilium, Planetarum dico, singulos motus, stationes, retrogradationes, directiones, declinationes, latitudines, aliasque passionés & phænomena, quin & seu octavæ sphæræ ex Ptolemaicorum, seu Terræ, ex Copernicorum placitis, varios motus, usque ad ipsas eclypsium demonstrationes, una cum aliis phasibus, in sphæris metallicis (haud dubium quin & in vitreis, si vellent) ad Naturæ exemplar fabricatis, ita clarè distinctè, minutim, & ad vivum repræsentent, nihil ut majus & artificiosius in rebus humanis fieri posse humanâ industriâ videatur, uti ex enumeratis hætenus Machinis, aliisque passim in Germania, Belgio, & Francia obviis manifeste constat. Archimedis tamen sphæra, si prædicto artificio fuit constructa, quia sæculo adhuc rudi & talium rerum insolente constructa fuit, mirum non est in tantam omnes tum temporis admirationem rapuisse, & tot laudibus atque encomiis Historicorum fuisse celebratam.

Aliam viam Archimedes inivisse, à duabus prædictis distinctam, nimirum per artem pneumaticam & hydraulicam simul; alii existimant Kircherò teste. Sed cum omnia pneumatico-hydraulica artificia, aut metu vacui, aut rarefactione & condensatione, aut compressione, aut naturali motu ac lapsu, efficiantur, ut ex Mechanica nostra Hydraulico pneumatica constat, non video quâ ratione dictis modis tam constantes & ordinatas cælestium motuum leges imitari potuerit, ut bene etiam Kircherus advertit. Idem dicendum est de Mercurio, si quis putaret, sphæram Archimedis motu Mercurii intrus inclusi fuisse motam. Scio, aqua & Mercurio, aërisq; alteratione, perpetuos motus variis rationibus adumbrari posse, uti ex eadē Mechanica nostra constat, præsertim

*An hydrae.
lico-pneum-
matico ar-
tificio.*

tota Classe 2. Partis 2. at hi omnes motus inconstantes sunt & exigui temporis; unde eâ viâ confectum Instrumentum admodum mancum fuisset & imperfectum; *quod de Archimedis operibus dicatur*, inquit Kircherus.

An magnético, aliove sympathico motu.

Nec verisimile est, Archimedem sphæram suam arte magnetica, aut alio sympathico motu animasse. Licet enim ea ratione id fieri possit, & modum præscribat Kircherus in arte sua Magnetica loco citato, id efficiendi nullum tamen vestigium apud Auctores extat, ex quo colligatur, Archimedem dictam artem calluisse, alioquin Scriptores Græci, qui suorum opera tam magnifice de prædicare solent, id minime reticuisissent. Nulla porro arte, quam sympathica vitream, ad Archimedis imitationem, sphæram, cælestes omnes motus repræsentantem constanter, confici posse existimat Kircherus, & innuit *Drebellius* in Epistola ad Regem Angliæ, in qua ait, posse se *construere globum perpetuo secundum cursum atheris singulis viginti quatuor horis semel circumrotabilem, aut toties amplius, quoties tibi visum fuerit, ita ut vel mille annis ne semel fallat ostendentem annos, menses, dies, horas, cursum Solis, Luna, omniumq; Planetarum, & stellarum, quarum motus hominibus notus*. Vanâ tamen *Debellii* jactationē hanc esse, autumat Kircherus, & merito.

Auctoris sententia.

Hactenus quid alii de Archimedis sphæra tam memorabili sentiant, dixi, nunc quid ego sentiam, brevissime indicabo. *Primo* ergo puto, eam nequaquam spiritu seu aere incluso fuisse motam, quoniam aliter fieri non potuisset nisi aut aeris alteratione, aut violenta compressione; quarum prima inconstans est & valde irregularis, uti ex dictis in Mechanica lo. cir. Machina 3. constat, secunda vero non nisi exigui temporis esse potest, uti constat ex multis Machinis in eadem Mechanica Par. 2. Classe 1. cap. 2. allatis. Idem judicium esto de aqua & Mercurio. Si enim alterutro similis Machina construi posset, certe nostro hoc & superiore sæculo, quibus tanta florere ingenia, tam multorum in perpetuo motu per aquam & Mercurium inveniendō defudavit industria, uti citato loco Classe II. vidimus, eam qui ipsam si non construxisset, saltem construere attentasset. *Secundo* puto, nec magnetico, aliōve sympathico motu eam fuisse compositam, propter rationem paulo ante dictam. *Tertio* denique existimo, rotarum arti-

artificium intra Terræ globulum, non diaphanum, ut reliquam sphæram, sed opacum, uti oportebat, absconditum fuisse: nec eam totam sphæram, excepto Terræ globulo vitream, fuisse motam, sphæram, excepto Terræ globulo vitream, fuisse motam, sed solum dictum globulum circa solem velut circa centrum suum, non sine adjunctis aliis seu vitreis, seu alterius materiæ armillis: nec rotarum motum fuisse perpetuum, sed ponderibus attractis aut pinnis chalybeis denuò convolutis, fuisse subinde reintegratum, uti in automatis nostratibus fieri a solet. Rationem conjecturæ meæ habeo, quoniam juxta Archimedis systema non totus vitreus globus, sed sola Terra circa solem multiplici motu gyri debet: & hoc efficere non fuit supra Archimedis ingenium, cum nostri Artifices simili arte globos non solum in orbem, sed recto etiam motu sursum, deorsum, & ad latera torquere consueverint. Nec crediderim, tam perfectum fuisse opus quàm ab Auctoribus deprædicatur, cum certo mihi constet, multa similia valde imperfecta fuisse aliis, etiam doctis viris, exhibita, qui quod causam ignorarent, & nihil unquam simile viderant, summis eam laudibus deinde deprædicarunt.

MACHINA V.

Archita columba lignea volans, & Regiomontani aquila.

Quod Architas Pythagoricus fecisse traditur, & admirabile, & non *Archita columba lignea volans.* vanum videri debes, inquit Aulus Gellius lib. 10. Noct. Attic. nam & plerique Græcorum nobilium, & Phavorinus Philosophus Memoriarum veterum exequentiſſimus, affirmatiſſime scripserunt, simulacrum columbæ à ligno ab Archita ratione quadam & disciplina Mechanica factum, volasse. Ita erat scilicet libramentiſſimum, & aurâ spiritus inclusâ atq; occultâ concitum, Verba Phavorini apud Majolum Colloq. 23. hæc sunt. Architas Tarentinus Philosophus pariter ac Mechanicus vir columbam ligneam fecit volantem, quasi unguâ subdidisset, præterea non exurgebat. Duo tam prodigiosi volatus principia indicat Gellius, ut notavi etiam in Mechanica Par. 2. Clas. I. c. 3. Machina 10. inclusum scilicet aërem & partium libramentum. Ut tamēn utrumque conferre aliquid ad volatum concedimus, ita neutrum, etiam alteri junctum, sufficere constanter alserimus. Neque enim sola aëris inclusione atque addensatione folles in altum

Quomodo fuerit constructa.

emittuntur, nisi validus suspellentis accedat impulsus, nec ullum partium libramenteum seu æquilibrium innatæ contrahitur lignei corporis gravitati, nè pondere prævalente deprimatur, ut etiam citato loco notavimus. Aliquid igitur ulterius requiritur, quod hætenus inexplicatum ab Auctoribus fuisse, plerique dolent, & conqueruntur. Idem de Regiomontani Aquila dicendum est, quam Carolo V. Cæsari Norimbergam adventanti obviam extra Urbis portam volasse, & cum eodem ingrediente Urbem revolasse, plurimi asserunt, & nos ex ipsis l. Par. hujus Operis lib. 1. cap. 6. at quaid arte factum, nullus, quod sciam, memoriæ tradidit.

Ex Porta.

Ioannes Baptista Porta lib. 20. Magiæ Natural. cap. 10. postquam docuisset modum exhibendi draconem volatantem, construendo ex subtilioribus arundinum paxillis sceletum draconis, & chartâ vel subtili lino contextum ventis committendo, alligato lat longo funiculo, prout passim pueros facitare videmus apud nos, & idem apud Chineses certo vento spirante facitare in China eosdem alseruit mihi P. Martinus Martini; subjungit. Hinc auspicari poterit ingeniosus principia, quonam pacto & homo volare possit, ingentibus alis cubito & pectori deligatis; eos autem à pueritia paulatim jacitare assuescat, loco semper sublimiori. Quod si quispiam id mirum putabit, aspiciat ea quæ Architam Pythagoricum commentum esse atque fecisse tradunt. Pleriq; enim nobilium Græcorum, & Phavorinus Philosophus Memoriarum veterum exquentissimus, affirmatissimè scripserunt, simulacrum Columbæ è ligno ab Archita ratione quadam disciplinaque mechanica factum volasse; ita erat scilicet libramentis suspensum, & aura spiritus inclusa atque occulta concitum. Videtur itaq; velle, Architam simili arte, quâ volatantem draconem exhibent pueri, & hominem volare posse existimat, etiam Architæ columbam volasse. Idem utiq; diceret de Regiomontani Aquila. Et ad hominis quidẽ volatum quod attinet, nemini suaserim cum dicta methodo attemptare. scimus enim quanto cum impetu dracones, dum vel maxime prospero alarum remigio auras sulcare videntur, in terram decidunt, ut nec ulla arte casus impediri à quantumvis peritis possit. Ad Architæ verò columbam quod attinet, non admodum incredibile alicui videri posset, volatum simili arte fuisse exhibitum

Porta sententia de columba lignea volasse.

si spiritus ope fuit exhibitus. Innuere id videtur Phavorinus his verbis: *quæ si nunquam subsedisset, præterea non exurgebat.* Et certè qui Græcorum ingenia novit, sua plenis buccis deprædicantium, & mirum in modum exaggerantium, haud difficulter credet quod à Porta innuitur. Exhibuit fortassis dicta methodo Architas volantem columbam; & quia res nova erat, & antea invisâ, fama de columba lignea emanavit, quæ deinde Scribentium exaggeratione mirum in modum fuit aucta. Nec id mirum videri cuiquam debet. Certissimo mihi constat, iis qui nominis aliquam famam in rebus mirabilibus, & communem hominum captum excedentibus efficiendis consecuti sunt, multa affingi quæ nunquam præstiterunt; multa aliter narrari quàm facta sunt; multa in immensum augeri, etiam ab iis qui coràm rem, quam non intelligebant, spectarunt. Ex multis hoc unum accipe exemplum. P. Athanasius Kircherus, præter alia multa, monstrare solebat in Musco suo columbam Architæ volantem, vel potius in aëre libratis alis tremulam ac nutabundam hærentem, idque artificio magnetico, sed adeo occulto, ut spectantium nullus id adverteret. Mox sparsum fuit Kircherum scire artem volandi, narratumque die quodam in congressu familiari quorundam nobilium Romanorum. Additum, rescivisse id summum Pontificem *Urbanum VIII.* tunc temporis viventem, ac cersitoq; Kircherum voluisse rem tam inauditam coram & solum spectare in conclavi Pontificio. Quam cum exhibuisset Kircherus, obstupuisse Pontificem, & Auctori severissime prohibuisse, nè cuiquam mortalium eam proderet. Fidem adhibere narrationi alii, alii ut crederent, adduci non poterāt. Unus ergo illorum Kircherum accessit, & per Dei hominumque fidē rogavit, fateretur num vera essent quæ narrabantur: non cupere se scire artem, quam nosset prodi non posse, sed num eam sciret interrogare. Risit Kircherus, & falsum esse quod narratum fuisset ajebat, nec tamen alterum à concepta opinione abducere poterat, affirmantem non tantum non prodere artem, sed nec fateri eam se scire fas esse Kircherum, Pontificis præcepto obstante.

Quæ dixi hætenus, mera conjectura est, iisque non assentior, alius enim assurrexisse Architæ ingenium credo, quamvis nec

*Kircherus
creditur ab
aliquibus
scire artem
volandi.*

*Ex Lauro
Lauro.*

citatus cap. præcedente Machinâ ultimâ, putat posse inclusum aërem intra columbam promovere partium libramentum, & volatum procurari, si lignæ columbæ corpus, instar Ulyssis navis, constrictos ventos, hoc est, densatum aërem conclusum gesserit in utro, & alæ expādantur plumæ, vel lignæ, velorum instar; si enim machina sit benè librata, & impetu aliquo impresso committatur vento seu aëri, columbam feliciter evolaturam putat. Ego puto, evolaturam quidem hac arte columbam, sed tam in ascensu, quàm descensu, ac si vertigine agigaretur, mirabiles gyros exhibituram. Duo alia prodigiosi volatus principia præscribit idem, ut loco citato in Mechanica etiam notavi; alterum tenue & incertum, validum alterum & securum, ut ipse putat. *Ovorum gallinaceorum cortices, inquit, matutino rore repleti, & bene occlusi, si Solis radiis exponantur, arcanis nodis astolluntur in sublime, & extasim aliquamdiu patiuntur. Quid si majorum olorum ova, vel folles tenui pelle confusi, repleantur nitro, purissimo sulphure, hydrargyro, aliisque hujusmodi, quæ vi caloris rarefiant, & exterius vestiantur in speciem aliquam columbarum; volatum fortè aliquem simularent. Si ligneam & ponderosam velimus machinam impellere ad volandum, adhibeamus ignem. Si timeatur incendium, columba vestiatur asbestino, stannei inserantur tubi, ut innocenter ignis foveatur in sinu. Ad impediendum stridorem, & exspiramentum favillarum, pyrius pulvis auripigmento deliniatur, & butyro imminuatur halinitrum, guttur formetur, ut pro stridore referat gemitum columbarum, ut in tauro olim infauste nimium docuit Perillus. Ita addere aliquid possumus, quod in Archite opere videbatur defuisse, quod scilicet columba non exurgeret, cum resedisset: conjungi enim facile posset tubi, ut alter post alterum accenderetur, & intervalla interponerentur pro arbitratu, ut viva omnino columba videretur. Credat qui volet; ego potius capram saltantem, quàm vivam columbam apparituram existimo.*

Columba
lignæ vo-
lans non
potest fieri
perrotas
dentatas
totius ab-
sconditas.

Sed num perrotas dentatas intra columbæ corpus absconditas, & ponderibus aut chalybeis pinnis circumactas, ut in horologiis contingit, exhiberi volatus columbæ, & aquilæ etiam, potest? Non puto, quia rotarum implicatio, & per pondera aut pinnas agitatio, tribuere quidem gravi corpori potest motum, at minimè efficere ut in aëre hæreat suspensum, aut volanti simile pro-

movea-

moveatur. Nimirum grave corpus sustentante se indiget, ut & rotæ motum tribuentes. Idem sentit *Cardanus* lib. 12. Variarum rerum cap. 58. ubi ait: *Quæ enim solet, an columbam ligneam, qualem Architam Tarentinum ex Gellio alibi narravimus fabricasse, facere liceat, scilicet quæ sponte volet, ubi tamen quieverit, immota maneat. Nam imagines statuasque ambulantes super mensam, rotarum abditarum vi, aliquoties vidimus. Volantem etiam avem, sed funi insitam; per se, nondum. Ergo quæ se sponte elevet, vix fieri potest, quoniam firma oportet esse vincula quæ moveant, atque ideo graviora quàm ut agi propriis possint viribus. Mota verò ab initio & impulsæ, & maxime vento flante secundo, ob alarum magnitudinem, & vim rotarum quæ illas agat, nihil prohibet. Convenias igitur levitas corporis, alarum magnitudo, & robur rotarum, atque venti auxilium &c. fietque ut columba evolet certo ordine, incertâ autem ignis vi &c. sic enim & sponte se elevabit, & alas movebit, sed statim desinet, quoniam ignis non manet, & materiam citra pondus suppeditare non licet. Hæc Cardanus.*

ANNOTATIO.

M*Achins hæc, quia per rotas dentatas non animatur, huc non pertinet; volui tamen hic referre, quia existimare quis poterat prædicto artificio institui posse, quod ego negavi.*

MACHINA IV.

Dædali statua, Apollonii tripodes, aliaque similia.

INter Dædali opera, multorum scriptis celebrata, refert *Plato* in *Menone* sive *Dialogo de Virtute*, aliique ex ipso, ligneas cum statuas confecisse eâ arte, ut nisi ligarentur, aufugerent. *Platonis* verba sunt: *Quia Dædali statuis animum non advertisti, quod etiam hæc, si quidem ligatæ non fuerint, aufugiunt, & fugitiva fiunt; si verò ligatæ, manent.* Idem insinuat in *Enthyphrone*. Eundem Dædalum asserit *Aristoteles* lib. 1. de *Anima* cap. 3. ex *Philippo Comico*, fecisse ligneam *Venerem* automatam. *Qui quidem perinde, inquit Aristoteles, atque Philippus Comicus dicit. Ille namque Dædalum ait ligneam Venerem confecisse, quæ motu movebatur argenti vivi, quod in illam infudit.* Simile quid refert *Aristoteles* lib. 1. *Politici*. cap. 9. ex *Homero* de tripodibus à Dædalo & *Vulcano* factis. *Quemadmo-*

vulcani tripodes autem dum

*dum Dædali, aut Vulcani tripodes, quos inquit Poëta, sponte sua diu-
num prodiiſſe incertamen.* Apud Philoſtratum etiam in vita Apol-
lonii Tyranci legimus, tripodes aureos in Iarchæ Gymno-
ſophiſtæ convivio ſcriptos motiſſe, & aureos pincernas con-
vivis operam ſuam præſtiſſe. *Eufebius* ex Palæphato refert, Dæ-
dalum primum omnium pedes ſtatuarum à ſe invicem ſeparaf-
ſe, aliis conjunctim eos fabricantibus, eâque ratione ſtatuas ad
motum habiles feciſſe.

*Dædali ſta-
tua quomo-
do in motū
conſtituta.*

Dædali Venerem ligneam argento vivo infuſo motam fuiſſe,
ſentit Philippus apud Ariſtotelem, ut vidimus. Idem de aliis ejus-
dem Dædali ſtatuſ ſentit Scaliger apud Salianum in Anſalibus
Anno Gedeonis ultimo, circa quem exiſtiment floruiſſe Dæda-
lum. Credibilius eſt, arcano & iatus latente rotarum artificio fuiſ-
ſe motas: Neq; hoc admodum difficile eſt, neque præteritis ſæcu-
lis infrequens, noſtro autem ſæculo eſt pænè vulgare. Quæ in I.
Parte hujus Operis lib. I. cap. 6. retulimus de lupi circumambu-
lantis & pulſantis tympanum ſtatua, de poculo argenteo per men-
ſam progrediente ad quem juſſum fuerat; de ſtatuſ puellari formâ
pulſantibus citharam, ſe inclinantibus, erigentibus, manūm por-
rigentibus, ſuper menſam ſaltantibus; non alio niſi dicto rotarum
artificio exhibebantur. Simili artificio conſtructa erat ſtatua Fer-
dinandi III. Cæſaris, quæ, ut audio dum hæc ſcribo, Viennæ in Cæ-
ſarea Galeria, ut vocant, aſſervabatur. Referebat ea Cæſarem ſe-
dentem, & de ſede ſurgentem, ita ad vivum, ut nonnulli decepti
coram ea venerabundi procumberent in genua. Scimus nonnul-
los lucri cauſâ circumferre ſtatuas, quas in varios habitus veſtiūt,
& in omnem motum movent, adeo dextrè & occultè, ut vix à vi-
vis diſcernantur à ſpectantibus. Ejusdem ſine dubio artis erat ſta-
tua illa de qua Heſtor Boëthius, qui refert, cū Chennetus Rex
Anglorum Cruthlintum Fenellæ filium occidiſſet, tum etiam
Malcolmum Duſſum Regem & affinem Fenellæ; illam mirâ arte
fabricari juſſiſſe ſtatuum, in cujus manu pomum aureum gemmis
nobilioribus refertum erat; quod cū Rex à Fenella poſt ali-
quot annos invitata tetigiſſet, multis jaculis è ſtatua crumpenti-
bus conſoſſus interiit.

*Statua Fer-
dinandi III
Cæſaris af-
ſervata in
Anglia.*

*Statua lo-
quens Al-
berti Ma-
gno.*

Hoc eodem rotarum & libramentorum artificio putat *Majolus*
Colloq. 23. conſtructam fuiſſe ab Alberto Magno ſtatuum loquen-

tem articulate, cujus loco etiam citato, & in II. Parte lib. 3. Syntagm. 3. in Proœmio meminimus. Verba Majoli sunt. *Similique industria ferunt Albertum Magnum, statuam hominis formæ, construxisse, quæ cum libramentis quibusdam, rotis, acque aliis machinis intus latentibus peritissimè compositis, linguam quadam ratione & disciplina moventibus articulata verba pronuntiaret. Hanc statuam cum S. Thomas Aquinas studiosè ab Alberto missus in cubiculum, ubi latebat, audisset verba adeo articulati pronuntiare, perterrefactus baculo machinam contrivis; ac postea interrogatus, cum respondisset se statuam confregisse, respondit Albertus: Opus triginta annorum destruxisti. Quid alii de illa re sentiant, diximus loco proximè citato.*

MACHINA VII.

Horologia rotata, eorumque artificium leviter indicatum.

SÆpe jam mentionem fecimus horologiorum rotatorum, quæ videlicet libramentis quibusdam, & rotis variis variè implexis ac motis, horas indicant non oculis tantum indicis circa horariam rotam gyratione, sed auribus etiam æris campani pulsu, quin & digitis secretiore puncturâ. I. Parte hujus Operis lib. 1. cap. 6. memini cujusdam horologioli annulo instar gemmæ inclusi, & Carolo V. Cæsari quondam oblato, quod horaria spatia non foris modo indiculo, sed intus etiam horariis punctationibus digito gestantis impressis dispensabat. Erat nimirum in annuli funda seu pala horologiolum, parvis libramentis & machinulis ita aptatum, ut secretiore obsequio digitum toties leviter perstringeret, quoties ad unam quamlibet horam perstreperet ictu malleoli cætera horologia. Aliorum quæ indice & pulsu horas indicant, horarumque partes, & è collo suspensa, aut sacciperio inclusa, circumferuntur, & vix nucis aut amygdali magnitudinem excedunt, frequentissimus est nunc totâ pænè Europâ usus. Majorum tantus numerus est, ut nullum sit in plerisq; Europæ regnis ac provinciis oppidum, ac nè pagus quidem, in quo non audiantur ac spectentur. Nec ex ferro solum, aut chalybe, sed è ligno etiam, & quidem mollissimo fabricantur. Rariorum etiam, & quæ præter horas, cælorum etiam motus, stellarum cursus, planetarum phasces ac passionem varias, calendaria & ephemerides exactissimè ac perpetuo

*Horologia
rotata.*

*Horologi
rotatum in
annulo Ca-
roli V.*

*Horologia
notata mi-
rantur
Chinenses.*

ostendant, non exiguus est variis in urbibus numerus. Aliqua recensui in hujus Libri Proœmio, & in I. Parte lib. I. cap. 6. Alia legeret, qui volet, apud *Majolum* Colloquio 23. apud *Laurentium Baycrlnck* in Theatro Vitæ Hum. V. *Horologia*, & V. *Mechanica*, & aliis in locis. Merito ergo Chineses, alioquin ingeniosissimi, & artifices eximii, cum primum horarias hujusmodi machinulas, à Lusitanis & Evangelii præconibus regno suo illatas vidissent, obstupuerunt. Lege quæ scribit *P. Nicolaus Trigantius* lib. 4. *Historiæ Sinensis* cap. 12. & lib. 2. cap. 12.

Artificium quod attinet, etsi notissimum est artificibus, describi tamen pro dignitate, & proponi ob oculos clare non potest sine multis verbis, & multorum schematum cœcervatione. In alium ergo locum hujus rei tractationem differam, nempe in *Mechanicam* nostram *Universalem*, si non prius pertractetur (quod opto) à *P. Athanasio Kircher* in suo *Thaumaturgo Mechanico*, quem in Catalogo librorum à se edendorum promittit. Interim legi potest *Cardanus* lib. 9. de *Varietate rerum* cap. 47. & lib. de *Proportion*. ubi aliquid de horologiorum artificio attingit. Aliud autem qui idem argumentum versaverit hætenus, nullum scio.

MACHINA VIII.

Planetologium Reitæ obiter indicatum.

*Planetologium
Reitæ.*

P Antonius Maria de Reita Capuccinus, Vir religiosus & doctus, mihi quæ familiariter notus, in capite ultimo libri 4. *Oculi Enoch & Eliæ*, proponit artificiosissimam simul ac facillimam Machinam, quam *Planetologium* appellat, quod sit quasi Planetarum omnium horologium, utpote omnium veros mediosque motus, stationes, retrocessiones, & directiones, sine epicyclis & æquantibus, paucis rotulis, cochleis, & trochleolis, exactissimè ac jucundissimè monstret. Totam Machinæ fabricam, rotarum, cochlearum, ac trochlearum proportionem, dentium numerum, aliaque ad fabricam pertinentia, describit accuratissimè, non verbis tantum, sed schematicè etiam à semetipso delineato. Etenim quis de successu rei dubitet, si præscripta servetur symmetria & proportio, ait se propriis manibus quondam *Coloniæ Agrippinæ* ex ligno solummodo simile planetologium fabricasse, rudi

tantum Minervâ, coque tamen exacte omnium erronum motus exiuisse. Addit, rotam totius Machinæ primam & primum motorem, aquæ aut arenæ modicæ lapsu convertibilem, tam facile verti, ut levissimus oris stutus aut halitus sufficiat ad illam cum omnibus subsequenter rotis, cochleis, & trochleis debitâ proportionem ad invicem fabrefactis, in gyrum vertendam. Asserit præterea, præter Planetarum motus addi posse plurima alia, interque ea motum cæli stellati, mediante globo crystallino seu vitreo, in omnes constellationum figuras ope adamantis, vel auro exterius distincto, intus verò præcisè ad mediætatem usque liquore destillato viridi, aut alterius caloris impleto. Hic enim globus si ad altitudinem poli elevatus erectusque ita disponeretur, ut spatio 24. horarum semel ab ortu ad occasum ope Planetologii converteretur; totius firmamenti stellati typum jucundissimum exhiberet, videreque singulis minutis temporis, supra aquæ internæ (in revolutione semper suum situm horizonti parallelum retinentis, & consequenter horizontem repræsentantis planam superficiem sese alias & alias stellas attollens. Quod res facillimum sit, hætenus tamen à nemine practicari vidit. Machinæ schema integrum, unâ cum accuratâ ejus explicatione, libenter apposuissem, sed sumptibus parcendum fuit. Lege ergo Auctorem ipsum.

CAPUT TERTIUM.

De variis & artificiosis Machinis, tam simplicibus, quàm compositis.

MACHINA I.

Vestres breves multiplicati, & vires potentie in immensum augentes.

EX dictis de veste libro præcedente Syntag. 2. constat, quod vestes breves multiplicati. major est distantia potentie ab hypomochlio, & quò minor distantia ponderis ab eodem, in usu vestis, eò magis juvari atque augeri potentiam ad pondus movendum adeo ut datâ quacunq; minimâ potentia, & dato quocunq; maximo pondere, possit arithmetico ratiocinio reperiri vestis longitudo, ad datum pondus

datâ potentiâ movendum. Quanquam semper quò major est distantia potentiz supra distantiam ponderis, eò tardior futurus sit motus ponderis, & velocior motus potentiz. Potest contingere, ut si vecte urendum sit ad magnum aliquod pondus exiguâ potentiâ movendum, nimis longus debeat esse vectis, qui proinde aut propter flexibilitatem & rupturæ periculum, aut propter nimiam gravitatem, aut deniq; propter nimiam longitudinem ac molem, minùs commodus foret. Videndum igitur an multiplicatis brevibus vectibus intentum effectum tunc consequi possimus.

Primus Modus.



*Primus
modus.*

Vide Ico
nis. XIV.
Fig. I.

MUltis modis id fieri posse existimo. Primus est ille, quem indicavimus suprâ capite I. Machina I. circa theoriam Glosfocomi Pappi ex Bettino, per multiplicationem vectium sic. Sit primus vectis AB, habens centrum motus seu hypomochlium in C. In hoc vecte motus in A ad motum in B, est ut AC ad CB, ut ex dictis lo. cit. de vecte patet cap. I. Proposit. 5. Sit deinde secundus vectis DE, fulcrum habens in F, sed sursum; eritque rursus motus in D ad motum in E, ut DF ad FE: at D movetur equaliter cum ipso B; ergo motus in A ad motum in E habebit rationem compositam ex rationibus AC ad CB, & DF ad FE. Sit præterea tertius vectis GH, habens fulcrum in I; eritque motus in G, æqualis motui ipsius E, ad motum in H, ut est GI ad IH: ergo motus in A ad motum in H habebit rationem compositam ex rationibus AC ad CB, & DF ad FE, GI ad IH. Sunt vero momenta potentiz ad momenta ponderis, ut sunt motus, prout constat ex universali nostro principio machinalium motuum, de quolib. 2. Syntagm. I. cap. 5. & Syntagm. 6. Sit autem prima ratio AC ad CB, ut 2. ad 1. secunda vero ratio DF ad FE sit ut 3. ad 1, tertia denique ratio GI ad IH, sit ut 6. ad 1, ratio composita erit ut 36. ad 1, quam habes, si 3. ducas in 2, ut fiant 6, & 6 ducas in 6. ut fiant 36. Ut igitur potentia ut 1, movere posset per vectem pondus ut 36, deberet fieri vectis, cujus major distantia ad minorem esset major quàm 36 ad 1. At si disponantur tres vectes dicto modo, sufficit ut distantia ab A usq; ad I sit undecim partium, æqualium parti IH. Quare si essent tres vectes, quorum singulorum brachia longiora essent ad breviora,

ut

Fig. II



Partus III

Iconismus XIV.

Fig. I




Fig. IV.




Fig. V.




Fig. VII.




Fig. XII.




Fig. XIII.




Fig. XIV.




Fig. XI.




Fig. IX.




Fig. X.




Fig. VIII.





ut 12 ad 1; foret inotus & momentum potentiz in A, ad motum & momentum ponderis in H, ut 1728 ad 1, uti ex dictis loco cit. de Glossocomopatet. Quid fiet, si addatur quintus, sextus, & plures vectes? Vides igitur, quantum juvari possit potentia per breves vectes multiplicatos. Unde fit igitur ut tanta sit vectium disjunctorum potentia? Nempe, ut bene notat *Mersennus* in *Phænomenis Mechanicis* Proposit. II. quòd se invicem multiplicent, & primus vectis cujus potentia in A ut 1, sustinere potest pondus in B ut 12, non solum addat vires novas ut 12 vecti secundo DE, ut sint 24, sed eas in 144, uti 12 in 12 multiplicata, convertat; rursusq; terit vires cubet, & convertat in 1728, ut 144 multiplicata per 12.

Secundus Modus.

QUod si præcedens vectium dispositio nimis in longum protraheretur, ac proinde locum alicubi non inveniret sufficientem, ob spatii angustiam; possent disponi in transversum, prout in Figura apparet. Dumenim A premitur deorsum supra fulcrum suum C, attollitur B; & dum B attollitur & movetur infra fulcrum E, deprimitur D; simulque, dum D deprimitur, & movetur supra centrum seu fulcrum G, attollitur F cum pondere appenso, aut superposito. Erit igitur ut antea, momentum potentiz in A ad resistentiam ponderis in F, composita ex rationibus AC ad CB, & BE ad ED, DG ad GF.

Vide Iconif. XIV. Fig. 11.

ANNOTATIO.

HÆC vectium dispositio fieri potest in plano horizontali, præcedens in verticali: Quod autem de tribus vectibus diximus, applicari potest duobus, quatuor, aut pluribus; eadem si quidem est ratio.

Tertius Modus.

COntingere potest, ut non sit commodum spatiū pro aliquo vecte constituendo in uno loco, propter longitudinē vectis; & tunc potest vectis ille in duas dividi partes, quæ uni cylindro adnectantur circa suum axem mobili. Sit in A extremo vectis CA pondus movendū & ut majora acquirantur potentiz momenta, adhibendus sit alius vectis, qui applicetur in C, & spatium commodum

Tertius Modus.

Vide Iconif. XIV. Fig. 11.

Vide Iconis. XIV.
Fig. III.

non sit ut ibi totus vectis constituatur, neque producendo C D ulterius deorsum, neque sursum, neque etiam in directum ipsius AB, propter loci angustiam. Assumatur cylinder BE tantæ longitudinis, quanta opus est ut inveniatur commodum spatium, cujus pars F sit intra locum angustum, pars verò E extra; eique infigatur pars vectis minoris C D; deinde in altero extremo, ubicunque commodum fuerit, reliqua pars vectis infigatur, sive sit SO, sive SH. Quo facto, aucta erit potentia quantum oportebat. Ut enim SO, vel HO, ad DC, ita motus potentia in O aut H ad motum C; motus autem C ad motum A, est ut C B ad B A; igitur motus O ad motum A est in ratione composita ex rationibus OS ad DC, & C B ad B A.

Quomodo vecte augeri possit vis stateræ, dicemus libro sequente in Magia Statica.

MACHINA II.

Vectis cum cochlea immanium virium.

*Vectis cum
cochlea in
gentium
virium.*

Fieri aliquando non potest, ut sufficientem vectis longitudinem adhibere possis, propter loci angustiam, ut antea etiam dixi; nec est operæ pretium vectes breves multiplicare, quia non nisi ad exiguam altitudinem pondus per eos attolli potest. In hoc & similibus casibus cochleam possumus mirum in modum vectis non admodum longi momenta augere, dummodo firmus ac validus sit & ponderilevando proportionalis.

Vide Iconis. XIV.
Fig. IV.

Sit enim vectis AB, habens in C hypomochlion, in A annulum ferreum, in B uncum etiam ferreum, cui funibus aut catenis adnectatur pondus D. Paretur cochlea GHI, cum sua matrice OS, habente in Muncum ferreum, qui annulo A infigatur. Tandem circa cochleæ basim infigantur scythalæ aut vectes duo aut quatuor, EF. His si circumducatur cochlea GHI, trahet ea conversa matricem OS inconversam, & cum ea alligatum vectem AB; qui depressus in A, elevatur in B, & unà cum eo pondus D. Hujus Machinæ ingentes sunt vires. Nam momentum potentia scythalis EF applicata ad resistentiam ponderis, habet rationem compositam ex rationibus distantia A C ad distantiam CB, & peripheria descriptæ ab F ad distantiam spirarum cochleæ, juxta dicta supra

lib. 7. Syntagm. 6. cap. 2. Sit igitur, gratiâ exempli, A C ad CB, ut 4. ad 1. longitudo autem scytalæ seu vectis EF sit decupla distantie spirarum: ergo quoniam partium semidiametrum EF est decem, earum peripheria circuli ab F descripti est 62. cum $\frac{2}{3}$. Igitur motus potentie in F ad motum extremi est, ut 62. cum $\frac{2}{3}$ ad 1. motus autem A ad motum ponderis in B, est ut 4. ad 1. igitur motus potentie ad motum ponderis erit, ut 251 $\frac{2}{3}$. ad 1. Eo itaque conatu, quo sine machina possent moveri libræ 25. potentia elevabit libras 6275. circiter.

ANNOTATIO.

CARDANUS lib. 17. de Subtilis. & HARSTOFFERUS in Deliciis Mathem. par. 10. quæst. 10. proponunt similem Machinam, sed alia forma, nempe ut cochlea GHI transeat per foramen circa extremum A vectis factum, & in cochleam fæmininam efformatum. Quo in casu impossibile est ut vectis pars AC descendat sine periculo rupturæ: nam cum vectis AB in eorum dispositione semper debeat eundem angulum facere cum cochlea GHI, nempe rectum; vel totus vectis AB descendere debet, vel si solum brachium AC descendit, diffindatur necesse est cochlea fæminina A, quia angulum obliquum cum cochlea CHI non potest efficere dictum brachium, ob rigiditatem suam. Aliter etiam uterque calculum instituit ac nos, ad inveniendam proportionem potentie ad pondus; an rectè, judicent alii.

Vide eandem Fig. præced.

MACHINA III.

Kircheriana Machinula ex pluribus complicata, quâ minimo digito talenti pondus elevatur.

IN MUSEO Collegii nostri Romani, à P. Athanasio Kircherò erecto, præfens visitur Machinula, composita ex Vecte, Vite seu Cochlea perpetua aut infinita, Axe in peritrochio, & Trochlea. Manubrium siquidem AB, insertum cylindro BC, unâ cum semidiametro dicti cylindri BC, habet rationem vectis primi generis, cujus hypomochlium seu fulcrum est in axe cylindri, potentia in A, pondus in superficie cylindri. Vel si mavis, manubrium AB unâ cum cylindro BC, est Succula, quam suprâ lib. 2. Syntagm. 3. cap. 2. reduximus ad vectem primi generis. Helices D E cylindro

Kircheriana Machinula composita ex pluribus. Vide Iconismi XV. Fig. V.

*Cochlea
perpetua.*

BC circumpositæ, constituunt Vitem seu Cochleam perpetuam, siue infinitam, ut appellant, quoniam spiræ illæ ita admittunt dentes rotæ EF, ut quot ejus convolutione propelluntur versus dexteram v. g. totidem successivè à parte sinistra admittantur denuo propellendi versus eandem dexteram. Et quoniam perpetuo ac sine ullo fine, quàm diu circumvertetur cylindrus, helices aliquos rotæ dentes admittunt, aliquos propellunt; merito perpetua & infinita cochlea seu vitis appellatur. Rota dentata EF, inserta axi seu cylindro horizonti parallelo, cujus unum extremum est G, & supra què conversum circumvolvitur funis ductarius; constituit Axem in petittochio, quem loco proximè citato cap. 1. descripsimus, & explicavimus. Et quia funis ductarius KM non alligatur immediatè ponderi L, uti fieri potest ac solet, sed circumducitur rotulis intra capsas H & I absconditis, & capsæ I alligatur pondus L; ideo HI constituit Trochleam, quam ob numerum quatuor orbiculorum appellavimus suprâ libro præcedente Syntagm. 4. Tetraspaston.

*Kircheriana
Machina
vitis.*

Ingentes sunt vires hujus Machinæ. Illi, quæ in Museo Kircheriano haberetur, alligatum est saxum instar molæ, talenti pondus habens, nempe 125. libras, & quidem funiculis valde tenuibus; quod tamen pondus vel parvulus digitus unius etiam pueri applicatus extremitati A manubrii AB, & in gyrum motus, attollit in altum. Et licet cessetur à motu, pondus tamen non recidit, sed ex funiculis suis suspensum manet, etiamsi nec fulcrum supponatur ponderi, nec manubrium manu teneatur, aut alligetur. Imò non subsidit pondus, nisi manubrium in contrariam partem vertatur. Rem totam ego millies monstravi, & alios, etiam puerulos, facitare idem jussi, magno omnium stupore. Causa tantarum virium est, quòd motus potentiæ moventis ad motum ponderis habet rationem compositam ex rationibus trochleæ ad pondus annexum, semidiametri tympani seu rotæ dentatæ EF ad semidiametrum axis G, & denique peripheriæ circuli à manubrio AB descripti ad distantiam spirarum cochleæ inter se.

ANNOTATIO I.

*Cochlea
infinita potest
augere vi.*

Cochlea infinita potest etiam augere vires cochleæ prementis, aut elevantis, quas descripsimus libro præcedente Syntag. 6. cap. 1. si nimirum

loco *uictis*, quo cochlea premens, aut elevans, converti solet, apponatur
 tympanum dentatum, quod à cochlea infinita moveatur: tunc enim ra-
 tio motus potentia ad motum ponderis componitur ex rationibus peri-
 pherie tympani ad distantiam spirarum sua cochlea, & peripherie cir-
 culi à manubrio cochlea infinita descripti ad distantiam spirarum ejus-
 dem cochlea infinita.

Ipsa præterea cochlea infinita ita multiplicari possunt, ut ferè in im-
 mensum crescant momenta potentia, si nimirum consiituantur plures
 cylindri cum tympanis prout in Glossocomo à nobis suprà cap. 1. Machina
 3. descripto fieri solet, & circa cylindros tympanorum describantur co-
 chlea infinita, præterquàm circa cylindrum ultimi tympani, cui funis
 circumducitur debet. Tunc enim momentum potentia componitur ex om-
 nibus rationibus peripheria tympani ad distantiam spirarum sua co-
 chlea, & præterea ex ratione semidiametri ultimi tympani ad semidia-
 metrum sui cylindri sibi infixi, cui funis circumducitur, ut dixi.

ANNOTATIO II.

Possè præterea ope cochlea infinita aliquis sursum ascendere, si intra
 corbem aut capsam disponat transversum cylindrum, cui funis in lo-
 co superiore alicubi alligatus circumducitur possit, & cochlea infinita cir-
 cumagatur cylindrus: tunc enim quia cylindrus funem dependentem
 colligit, & id cui supernè alligatus est, cedere sive descendere nequit, ne-
 cessario capsam homine sibi insidente ascendere debet. Hac ratione vidi
 in aliquibus locis ascendere, & in quavis altitudine ad libitum subsiste-
 re, quæ pulveres ex altissimorum templorum interioribus parietibus, &
 statuis alto loco collocatis excutebant. Habet enim hoc commodi infi-
 nita cochlea in dicto instrumento, ut motus sibi ad libitum queat sine
 recidendi periculo. Eadem ratione ait Harstorfferius tom. 1. suarum De-
 liciarum Mathem. par. 10. quæst. 10. metallorum fossores corbis suis
 onustis insidentes ascendere è puteis suis possunt. Modum vide apud
 ipsum.

ANNOTATIO III.

Modum construendi cochleam, cujus belices obliquis dentibus tym-
 pani seu rota dentata congruant, habes apud Pappum Alexan-
 dirnum lib. 8. Collection. Mathematic. Proposition. 24.

ANNOTATIO IV.

Alia Instrumenta quibus aliquis seipsum trahere sursum potest, leges apud Cardanum lib. 17. de Subtilit. inter quæ facillimum & simplicissimum est trochlea simplex, seu Monospastus primi generis. Modus est qui sequitur.

MACHINA IV.

Trochlea simplex, qua quisq; seipsum sursum attrahere potest.

*Trochlea
quæ quis
seipsum at-
trahere po-
test sursum.
Vide Ico-
nis. XIV.
Fig. VI.*

Sit trochlea seu Monospastus primi generis AB, cum unico orbiculo CD, & uncino E, quo trochlea supernè alicubi suspendatur. Orbiculo circumvolvatur funis sufficientis longitudinis FCDG, habens annexum transversum baculum IK, & pondus H aliquantò levius corpore tuo volentis ascendere. Constitutus igitur in F, trahere ad te funem FC &c. ut descendat baculus IK, & ascendat pondus H. Deinde insidens baculo, manibus apprehendere funem HG, & trahere deorsum; descendet pondus H, & tu cum baculo ascēdes facillimè, quāmdiu deorsum trahes funem HGD. Cū descendere volueris, id sponte facies, cū corpus tuum gravius sit quā pondus H. Nè tamen rapim & præcipitanter descendas, manibus tene funem DHG, eumque paulatim laxa.

MACHINA V.

Machinamentum Dantiscanum, quo mons extra Urbem situs, translatus fuit in urbem,

*Machina
Dantiscana,
ad montem
facile trans-
ferendum.*

DAntiscum nobile est ad mare Balticum, & Vistulæ ostium emporium, longèq; nobilius fidelitate erga Regem suum in hoc ultimo Polono-suecico bello redditum. Ejus Urbis Magistratus cū ante annos aliquot montē urbi vicinum amovere veller, quodd munitioni loci officeret, Hollandus quidam; patriā Harlemensis, Adam Wibe nomine, insignis Architectus, facili industriā, & exiguis sumptibus, montem ad Urbem ipsam pro aggeribus exstruendis transtulit. Rem totam brevissime describit *Harsdorfferus* in Deliciis suis Mathemat. tom. 1. par. 10. q. 32. par. 7. q. 5. eandemque nuper à doctissimo quodam Lithuano oculato teste accepi. Primò igitur in monte trabem horizontaliter crexit, ab equo versatilem intra fulcrum suum, habentemque in capite

totam horizonti parallelam. Aliam huic similem trabem cum rota erexit in urbis propugnaculo, quæ terra ex monte transferenda erat. Utrique rotæ in circuitu excavatæ, uti in trochlearum rotulis fieri solet, circumposuit funem longissimum ac valissimum. Ex fune suspendit centenas aliquot urnulas seu sportulas vimineas, non plus uno pede inter sese distantes, nec majori spatio intra funem ex funiculis suis pedalibus pendentes. Et nè pondus urnularum deprimeret nimium funem duabus rotis circumductum, alias frequentes trabes cum rotulis horizonti parallelis, & in circuitu excavatis disposuit inter primam & secundam primo nominatam rotam, quæ cavitatibus suis funem extensum exciperent. Trabem cum rota monti implantatam circumducebat equus unus, & trabem propugnaculo implantatam cum rota sua alius equus; quo fiebat ut & funis cum sportulis suis ageretur in gyrum, & sportulæ quæ in monte erant, promoverentur in urbem, & quæ in urbe, in montem, perpetuâ vicissitudine ac successione. In monte dispositi erant viri tres, qui sportulas vacuas abeuntes implebant; in propugnaculo alii tres, qui sportulas venientes evertabant & evacuabant. In retim funis, qui sportulas habebat appensas intra rotarum ac rotularum cavitates sustentatus ibat in orbem, una videlicet medietas à monte in urbem, altera medietas ab urbe in montem; sicque fiebat ut brevi tempore, & exiguis laboribus atque impensis mons complanaretur & impleretur propugnaculum, aggeresque exstruerentur. Schema vide apud Harstorfferum, quod nos, ut sumptibus parcamus, omittimus; puto enim quemlibet facile ex descriptione nostra totum artificium intelligere.

CAPUT QVARTUM.

De Machinis Veterum, quibus immania pondera terrâ & aquâ vehebant aut trahabant.

Ægyptios antiquos, florente adhuc eorum regno, à diluvio nimirum ad Cambyſis usque tempora, quo declinare cœpit, ac deinde Græcos & Romanos deniq; omnes Mundi nationes ac populos, qui tunc, & subsequenſibus temporibus floruerunt excelsisse uti ingenio, scientiâ, divitiis, ita & ædificiorum aliarumque

*Machina
veterum
ad magna
pondera
trahenda,
& elevan-
da.*

fabricarum splendore ac magnificentiâ, testantur tam frequentes apud eos & tam insolentes pyramidum moles, tot sana ac delubra magnificentissima, tam vasti labyrinthi, tam superba Regum sepulchra, tam alti & immanes colossi, tam immensæ altitudinis ex uno & durissimo lapide erecti Obelisci, tam splendida & maxima simul theatra, thermæ, aquæ ductus, aliæque similia, de quibus in Magia Architectonica fusiùs agemus Hæc autem sine machinis summâ arte & ingenio constructis perfici non potuisse, nemo est qui non videt. Operæ ergo pretium esset, & Magiæ Thaumaturgæ maximè consentaneum, accuratè Veterum Mechanicam & Machinas hoc loco tractare. At quia id sine magno temporis & pecuniarum dispendio in figuris incidendis fieri non potest, contenti erimus pauca quædam ex variis Auctoribus delibare. Ad duo porrò genera omnes Machinas veterum reducimus: primo ad eas, quibus immania pondera de loco ad locum trahebantur, aut vehabantur; secundò ad eas, quibus eadem in altum elevabantur.

MACHINA I.

Scytala Aristotelis, quâ veteres terrâ ingentes saxorum moles vehabant.

*Scytala
Aristotelis.*

Aristoteles in Quæstionib. Mechanicis quæst. 11. aut 12. mentionem facit Scytalæ, quâ Antiqui utebantur ad ingentia onera devehenda: quærit enim, cur onera faciliùs gestentur scytalis, quàm curribus, cùm tamen currus magnas habeant rotas, scytalæ autem parvas. Videndum igitur, quid scytalæ apud Veteres, deinde quise earum usus.

*Scytala si-
gnificata
varia.*

*Scytala
Laconica.*

Σκυτάλη, scytala, inter alia, significat primò baculum oblongum ac teretem, cujus ususerat in Axe in peritrochio, Succula, & Ergata, ut suprà vidimus lib. 2. Syntag. 3. Et in hac significatione non agimus hic de Scytalis. Secundò, significat quoddam genus Epistolæ, quam scytalam Laconiam dicebant, eò quod Lacones seu Lacædemonii eâ utebantur ad communicanda secreta Imperatoribus suis ad bellum profectis, in hunc modum. Duos aut plures faciebant bacillos teretes æqualis crassitie, unumquodque tradebant Imperatori abeunti, reliquos apud se retinebant. Significaturi dein de secretum absenti, chartam instar Zonæ strictam & longam

circa unum bacillorum, hoc est, circa scytalam spiratim convolvebant, & in ea scribebant, ita ut versus scripturæ circa scytalæ (surculum alii vocant) longitudinem ducerentur; Ex quo fiebat, ut per juncturas chartæ seu membranæ procederent litteræ ac verba. Membranam hanc ex scytala revolutam & aliter complicatam, mittebant Imperatori; resolutio autem membranæ litteras ac verba trunca ac mutila reddebat, cum partim continerentur circa juncturas, partim ultra, eæque partes quæ simul fuerant scriptæ, & continuatæ, post resolutionem erant ab invicem valde dissitæ. Imperator autem, secreti conscius, eandem membranam scytalæ suæ priori omnino simili & equali, eodem modo quo prius fuerat, circumponebat, sicq; juncturæ priores redibant, quæ litteras ac verba mutila & imperfecta in integrum restituebant, ut facile legi possent. Ita *Blancanus* in *Quæst. 9. Mechanica Aristotelis*. Vide *Gellium* lib. 17. cap. 9. Neq; in hac significatione de scytala hic agimus. *Tercio*, scytala significat lignum crassum, oblongum, ac teres, sive ut *Geometræ* vocant, cylindrum seu columnam rotundâ. His ut dicemus, utebantur veteres ad ingentia onera de loco in locum vehenda. Sed tunc in earum extremitatibus relinquebant margines duos aliquantulum prominentes, ceu binas rotas, cum ipsis tamen scytalis seu cylindris continuos & immobiliter connexos, ut cum ipsis convolutis simul convolverentur, non tanquã rotæ circa axem. Hujus scytalæ hanc accipe Figuram. Colligitur hoc ex *Aristotele*, quæst. 11. aut 12. *Mechanica*, ubi, ut paulo antè dixi, quærit, cur onera faciliùs gestentur scytalis, quàm curribus, cum tamen currus magnas habeant rotas, scytalæ autem pusillas: respondetque id accidere, quia in curribus onus impositum premit axem, & axis rotas, & sic rotarum volutatio difficilis redditur; at in scytalis id non contingit. Ex quo sequitur, scytalarum rotas non fuisse volutatas circa ipsas scytalas velut circa axem. Moderni nostri *Architecti* & *lapidæ*, qui scytalis utuntur, nullas relinquunt rotas in extremitatibus, sed secundùm totam longitudinem æqualiter rotundas reddunt.

Vide Iconif. XIV.
Fig. VI.

Quæritur nunc, quomodo Veteres fuerint usi scytalis ad onera portanda. *Bancanus* citatû *Aristotelis* locum explicans, existimat eos binas scytalas in vicè æqui distantes, & aliquantulum semotas,

*Traha ve-
hiculi ge-
nue.*

invicem sic disposuisse, ut efficerent Instrumentum vectorium currus instans; additque, & fortè veteres utebantur his scythalis eo modo, quonunc Architectores utuntur duobus illis lignis longis ac rotundis, quæ vulgò dicuntur Ruccioli. Traham intelligit Blancanus, quod, ut Kircherus testatur tom. 2 Oedipi Classe 8. cap. 2. §. 2. erat vehiculi genus, constans duobus ingentibus trabibus parallelis, quæ radiis transversis firmiter connectebantur, & infernè laminæ ferreæ per politis inductæ erant, cornibus aliquantulum incurvatis & repandis. His superimponebant ingentia saxa, & sic ingenti hominum aut jumentorum multitudine rudentibus applicatâ, ad destinatum locum deducebant. Huic interpretationi non assentior, quia non congruit menti & verbis Aristotelis, qui supponit scythalas habuisse rotas pulillas, ut ex textu patet. Dubium tamen non est, antiquos trahâ huiusmodi fuisse usos, in devehendis oneribus, uti ex Philone Byzantino docet Kircherus loco cit.

*Ex Monan-
tholio.*

Manantholius eundem Aristotelis locum explicans, ait, scythalam esse lignum ferrumvè cylindricum oblongum, in extremis rotulas habens, intra annulos currui affixos versatiles, ut est figura AB (quam ibi apponit) quæ Scythala mota jugo rotæ annexo, contra quàm in curribus, in quibus non rotæ, sed currui adnectitur, omnibus suis partibus movetur duobus motibus simul, circum circa, & antrosum; quod causa est ut levius vertatur, quàm rotæ in currui, ut cuius axis procedendo tantum antrosum moveatur, non autem circum circa vertatur: unde fit ut axis etiam premat magis, & veluti rotam affigat plano, sicque remoretur; contra in scythala rotæ, dummodo majores sint quàm ut terrâ obruantur, à subiecta planitie infernè ipsam circumferentiam atterente impelluntur: supernè etiam ab onere cylindrum premente. Ob has itaque causas scythala commodior erit & expeditior ad onera comvehenda, licet minores quàm currus habeas rotas. Addit ibidem Monantholius, scythalam posse esse illud curriculi genus, quod Galli vocant *Trasneau*, Itali *Strascino*, Latini traham. Ex qua inconstantia colligo, eum nescivisse quid Scythala Aristotelica fuerit.

Alii dicunt, Kircheri teste in citato Oedipi loco, veteres scythalis tabulas ligneas politas & leves instravisse, & onere imponunto vehiculis ad stationem desideratam eas versasse. Addit, hoc non intelligendum de magni spatii itinere, quia fuisset valde incom-

modi.

moda, perpetua illa scytalarum agitatio, tabularumque iis superinjectarum ferè in singulos quindecim passus mutatio. In parvo tamen spatio oneri devolvendo non exiguum usum præstare potuisse.

Ego ut meam sententiam exponam, ipsum Aristotelis locum adduco ex *Nicolas Leonicensi* interpretatione, quâ cum ferè prorsus convenit interpretatio Monantholii. *Cur super scytalas facilius portantur onera, quàm suprà currus, cum tamen ij magnas habeant rotas, illa verò pusillæ? An quoniam in scytalis nulla est offensatio, in curribus autem axis est, ad quem offendant? De super enim illum premunt, & à lateribus. Quod autem est in scytalis, ad isthæc duo movetur, & infernè substrato spatio & onere superimposito. In utrisque enim iis revolvitur locus circulus, & motus impellitur.* Ita Leonicensus. Monantholius sic habet. *Cur onera facilius gestantur scytalis, quàm curribus etiam magnas rotas habentibus, cum ipse parvas habeant? An quia onera in scytalis ad nihil offendant, in curribus verò habent axem, ad quem offendant? Superne enim premunt ipsum, & in obliquum. In scytalis verò ad hæc duo moventur, & inferne scilicet substrato spatio, & onere superimposito. In utrisque enim his locis revolvitur circulus, & concitatus impellitur.*

*Aristotelis
sententia
de scytalis.*

Ex his hæc statuo. I. Scytalas fuisse ligneos cylindros, seu columnas rotundas, habentes in extremitatibus adnexas & immobiliter coagmentatas rotulas, velut extantes ac prominentes quosdam margines, uti suprà ex Blancano. Ratio est, quia Aristoteles meminit rotarum in scytalis, & ait eas non premi à scytalis, sicuti rotæ currum premuntur ab axibus, & præterea insinuat scytalas unâ cum ipsis rotis moveri antrorsum, & in circulum simul. II. Puto super plures hujusmodi scytalas inter se æquales, fuisse stratas tabulas inter se connexas, quæ scytalas tantum, & non scytalarum rotas premebant; tabularo deinde fuisse superimpositum onus; ac tandem complanatâ viâ scytalas ac rotas fuisse vestibus seu sudibus propulsas, eo prorsus modo, quo nunc à nostris Architectis propelluntur subinde scytalæ non rotæ cum tabularo & onere superimposito. Moveor, quia hac ratione scytalæ unâ cum rotis moventur in gyrum & antrorsum, & nullus mihi commodior modus occurrit. Nec verò tam lentè promovetur

*Anthonii
sententia
de scytalis.*

hac ratione onus, ut aliquis putare posset, & mutatio illa scytalarum præponderat aliis incommodis in aliis modis promovendi pondera. Si quis melius quid suggesserit, cum grati animi testificatione acceptabo. Certè in hodiernum adhuc diem Architecti nostri scytalis sine rotis promovent hac ratione pondera ingentia, per longa viarum spatia; & vidi ego Panormi ingentes columnas marmoreas eodem artificio adductas.

MACHINA II.

Ingeniosa Ctesiphontis & Methagenis ratio ad gravia onera ducenda.

*Machina
Ctesiphon-
tis ad gra-
via onera
ducenda.*

DEscribit eam *Vitruvius* lib. 10. cap. 6. his verbis. Non est alienum etiam Ctesiphontis ingeniosam inventionem exponere. Is enim scapos columnarum ex lapicidinibus cum deportare vellet Ephesum ad Diana sanum, propter magnitudinem onerum, & viarum campestrem mollitudinem, non coisus carris, nè rota devorarentur, sic est conatus. De materia trientali scapos quatuor, duos transversarios interpositos duobus longis, quanta longitudo scapi fuerat, complectit & compegit, & ferreos chodaces, uti subsudes, in capitibus scaporum implumbavit, & armillas in materia ad chodaces circumdandos infixit, stembaculis ligneis capitibus religavit. Chodaces autem in armillis inclusi, liberam habuerunt versationem tantam, ut cum boves ducerent subjuncti, scapi versando in chodacibus & armillis sine fine volverentur. Cum autem scapos omnes ita vexissent, & instarent epistyliorum vectura: filius Ctesiphontis Methagenes transtulit eam rationem de scaporum vectura etiam in epistyliorum deductione. Fecit enim rotas circiter pedum duodenum, & epistyliorum capita in medias rotas, eadem ratione, cum chodacibus & armillis inclusi. Ita cum trientes à bubus ducerentur, in armillis inclusi chodaces versabant rotas. Epistylia verò inclusa ut axes in rotis, eadem ratione qua scapi, sine mora ad opus pervenerunt. Exemplar autem erit ejus, quemadmodum in palestris cylindri exaquant ambulationes. Neque hoc potuisset fieri, nisi primum propinquitas esset: non enim plus sunt ab lapicidinibus ad sanum, quam millia passuum octo, nec ullus est clivus, sed perpetuum campus.

*machina
methagenis
ad onera
ducenda.*

*Vitruvii
locus expli-
catur.*

Hæc *Vitruvius*. Quæ *Philander*, *Barbarus*, & alii valde jejune explicant, dicentes clara esse. Per scapos quatuor de materia trientali,

orientali, intelligunt scapos, crassitudinis quatuor pollicum. Per ferreos *chodaces*, ferreas rotundas parte exteriori subscudiculas, in extremis scaporum, vel axium capitibus implumbatas, adactas, & per quas in *armillis* (quo nomine accipiunt ferreos annulos, & veluti umbilicos in arctariis, aut transversariis) scapi, aut axes, etiam torni versantur. Aliud nihil addunt Interpretes. Vitruvius ait, exemplar hujus rei esse cylindros, quibus in palæstris exæquantur ambulationes. Scimus autem, cylindrorum capitibus seu capitum centris infigi chodaces ferreos, & chodacibus infigi armillas seu annulos ferreos, & annulis adnecti funes & jugum, & in tractione ab hominibus aut jumentis factâ circumrotari perpetuò cylindrum, & pondere suo premere atque coarctare substratam terram, aut arenam. Eodem ergo modo scapi columnarum à bobus tracti in casu proposito volvebantur. Incluserat nimirum Ctesiphon scapos singulos quatuor scapis ferreis trientalibus, duobus super columnę longitudinem extensis, & duobus transversis super columnę capita, qui duos priores utrimque complecterentur atque constingerent Per hos transversarios scapos, & simul per columnarum centra, adegit ferreos chodaces; hisce chodacibus inseruit armillas ferreas seu annulos; In extremitatibus chodacum fecit subscudes, nè annuli exciderent; iisdem extremitatibus alligavit funes, funibus juga, jugis boves; qui dum traherent, columna una cum chodacibus intra annulos versabatur, & ad locum destinatum volvebatur. Hęc mea est sententia. Kircherus in Oedipo suo tom. 2. Classe 8. c. 2. §. 2. citans Vitruvium, ait, Ctesiphontem singulis columnis jam factis axes æneos (quos chodaces cum Vitruvio nos appellavimus) columnarum axibus correspondentes implumbasse, deinde ingentibus rotis axes dictos indidisse, & sic tandem onus rotarum ope ad arbitrium architecti devolutum fuisset. Quod est omnino contra mentem Vitruvii, qui exemplo cylindri terram complanantis volutione suâ rem explicat. Adhibuit quidem Methagenes rotas, pro peristylliis devehendis, quoniam inæqualis crassitiei erat eorum ambitus; sed ipsa peristyllia simul cum rotis & chodacibus intra annulos seu armillas in gyrum versabantur, non secus ac antea columnę, nisi quòd terram non attingerent & premerent, sicut columnę eam premebant.

ANNOTATIO.

*Machina
Paconii
irrita.*

Vitruvius citato cap. 6. Libri 10. mentionem facit alterius modi magna pondera transvehendi, quem Paconius excogitaverat; sed irrito effectū. Nostrā, inquit, memoriā, cūm colossici Apollinis in fano basis esset à vetustate diffracta, & metuentes nè caderet e casta-
tua, & frangeretur; locaverunt ex iisdem lapicidinis basim excidendam. Conduxit quidem Paconius. Hæc autem basis erat longa pedes duodecim, lata pedes octo, alta pedes sex. Quam Paconius, gloriā fretus, non uti Methagenes apportavit, sed eādē ratione alio genere constituit Machinam facere. Rotas enim circiter pedum quindecim fecit, & his rotis capita lapidis inclusit: deinde circa lapidem fusos sextantales ab rota ad rotam, ad circumnum compegit, ita uti fusus à fuso non distaret pedem unum. Deinde circa fusos funem involvit, & bubus junctis funem ducebat; ita cūm explicaretur,olvebat rotas. Sed non poterat ad lineam viā rectā ducere, sed exibat in unam vel alteram partem. Ita necesse erat rursus retroducere. Sic Paconius ducendo & reducendo pecuniam contrivit, ut ad solvendum non esset. *Per fusos sextantales intelligit, Philandro & Barbaro interpretibus, crassas duos pollices regulas, à rota ad rotam per universum ambitum, ut æquo inter se spatio distarent, ductas, & affixas; quas ideo fusos appellat Vitruvius, quòd ut è fuso muliebri, cūm trahitur involutum filum, effundi videtur, & vertitur fusus; ita involutus circum has regulas funis cūm traheretur, explicabatur, exolvebaturque & effundebatur, atque eo pacto versabatur machina, sed non semper eādē lineā rectā, quoniam non semper è medio fusorum, sed nunc ad dexteram, mox ad sinistram eorum funis explicabatur, non secus ac filum è fuso muliebri.*

MACHINA III.

Chemmin Ægyptii ratio ingentes saxorum moles terra vehendi.

*Machina
Chemmin
Ægyptii ad
opera de-
vehenda.*

Chemmin Ægyptius, antiquissimus ultra tempora Pythagoræ in Ægypto Architectus, admirabilium operum fabricator, ex quo sua pleraq; acceperunt Hero Alexandrinus, Philo Byzantinus, & Pappus Alexandrinus, Kircherò teste in Oedipo to. 2. Classe 8. cap. 2. §. 1. in trahendis vehendisq; longo spatio saxis immani-
bus parasse dicitur duas scytalas seu cylindros ponderi vehendo propor-

strato super eos facto ex solidissimis arboribus, ita tamen ut cylindros non attingerent. & hisce saxa firmiter compacta imposuisse, & eas cum cylindrorum axibus funibus adjunctis, magna hominum multitudinis adiutus locum per coacervatorum aggerem veluti montes quendam pertraxisse: & ne in via quidpiam impedimenti occurreret, omnes lacunas & inequalities semitarum, per quas saxa devehenda erant prius lapidibus, arenâ, terrestribusq; molibus oppletas fuisse. Hoc eadem artificis Ctesiphontem, & Methagenem filium ejus, in columnis Ephesino templo destinatis advehendis usum esse, Vitruvius tradit. Hæc Kircherus. Ctesiphontis & Methagenis artificium jam antea ex Vitruvio vidimus: quod certè longè diversum est ab hoc quod Kircherus Chemmino attribuit; in quo nō video, quomodo super duas scytalas stratum ex arboribus fecerit, quod tamen scytalas non attigerit. Nisi fortassis velit, scytalarum rotas non attigisse, sed solum reliquum scytalarum inter rotas utrasq; interjectum. Credibilis est, plures scytalas fuisse strato facto ex arboribus & tabulis firmissimis successivè subjectas, eo modo quæ Machina I. explicavimus.

MACHINA IV.

Pappi Alexandrini Chelone.

Pappus Alexandrinus lib. 8. Collect. Mathemat. in fine, agens de his quæ in solo per machinas ducuntur, commendat machinam quam chelonem vocat, cujus formam & usum sic describit ex tertio Heronis libro. *Qua igitur in solo ducuntur, ut inquit Hero, in chelonis ducuntur. Chelone autem machina est ex quatuor lignis compacta, quorum extrema sunt resima. His onera imponunt, & ad earum extrema sive polyspasta, sive funium capita religantur: hæc autem vel manu trahuntur, vel in ergatas referuntur: quibus circumactis, chelone in solo trahitur suppositis scytalis, vel sanidibus. Si enim parvum sit onus, scytalis: si magnum sanidibus uti oportet, propterea quod hæc non facile trahuntur, scytala enim conversa periculum subeunt, cum onus impetum susceperit. Aliqui vero neq; sanidibus utuntur, sed rotas solidis chelonis adhibentes agunt. Machinae schema reperies apud Pappum loco citato, & paulo distinctius apud Kircherum lo. cit. in præcedenti Machina § IV. tit Polyspastus Ægyptiacus, in qua HDD est machina imposita scytalis R E, axibus suis R R intrapolos,*

*Chelone,
& ejus
usus.*

*Obelisci
forma.*

aut si placet, intra rotas adjunctas versatilibus. IK est polyspastus, seu quaternæ trochleæ, quarum binæ utrimque duobus manganis seu loculamentis I & K insertæ sunt. Horum unum K alligatum est firmissimæ trabi V in tetram defixæ, alterum I alligatum est funibus HLH machinæ, cui impositum est onus. Trochleis circumductus est funis, cujus extremitas S alligata est cylindro ergatæ NOPQ, cujus vertex NQ si vel ab hominibus, vel à jumentis circumducuntur, convolvitur funis circa cylindrum ergatæ, loculamentum I appropinquat loculamento K, & machina unà cum onere imposito attrahitur versus V. Quantæ sint vires hujus machinæ, patet ex dictis superiore libro de Ergata, & Trochlea. Vidi Romæ simili artificio trahi per subjectam ad D. Petri in Vaticano arcam ab unico equo ergatæ applicato ingentem columnam lapideam. Hoc solum incommodum habet hæc Machina, quòd si per longum spatium trahendum est onus, subinde mutare oportet stationem trabis V & ergatæ. Hujus machinæ ope putat Kircherus templum illud prodigiosum, cujus Herodotus, & ex ipso Kircherus mentionem facit loc. cit. cap. I. §. 2. ad destinatum locum fuisse tractum. Erat id ex integro & solido saxo, fuitq; trium annorum spatio, ope duorum millium hominum, ex urbe Elephantina Saim usq; viginti dierum itinere distante advectum. Fufius de illo agemus in Magia Architecto. Figuram non appono, ut sumptibus parcam.

*Ejusdem
vires*

MACHINA V.

Satyri Architecti industria in Obeliscis terrâ devehendis.

*Obeliscus
Nabuchani
Alexandria*

PTolemæus Philadelphus, *Plinio* teste lib. 36. cap. 9. statuit Alexandriæ Obeliscum ex uno & solidissimo lapide 80. cubitorum altitudinis, Regis Nectabis, aut ut Kircherus eum appellat, Nectanabi jussu ex rupe Thebaica olim excisum; magisque laboratum fuit in eo devehendo, statuendoq; inquit Plinius, quàm in exscindendo. Satyrus Architectus, ut aliqui apud Pliniû volunt, aut Phœnix quidã Callixeno teste apud eundẽ; eum devexit hac ratione. Fossam profundissimam, sub ipso Obelisco in terrâ prostrato initium ducentem, ad ipsum usq; Nilû effecerunt, quæ deinde aquis repleta, non tam fossam, quàm flumen ingens referebat. In hac fossa duas naves in latitudinem patulas, atq; amplissimas ordinaverunt, easq; lapidibus ex eadem rupe excisis in tantum oneraverunt,

*Quomodo
eius trans-
latus.*

ut pondus lapidum Obelisci pondere duplo majus esset. Conne-
xas deinde firmiter naves, inter se parallelas, & quantum satis erat
distantes, sub ipsum Obeliscum extremitatibus suis in ripis utrim-
que dependentem remis subegerunt, subeuntesque paulatim lapi-
dum exoneratione alleviarunt, donec tandem intra aquam assur-
gentes Obeliscum exciperent, & exceptum per fossam in Nilum,
ex Nilo Alexandriam deducerent. Schema totius Machinæ vide
apud Kircherum in Obelisco Pamphilio fol. 90. Ratio patebit ex
dicendis infra in Magia Hydrostatica. Simili industriâ haud dubiè
à majoribus per traditionem acceptâ, reliquos ex posteris in aliis
Obeliscis, magnisque molibus devehendis, usos fuisse, non incon-
gruè coniicit Kircherus. Alexandriâ autem, & aliis ex locis Ægy-
pti, iidem Obelisci postmodum, Romanorum Imperatorum jussu
Romam advecti sunt navibus ingentibus, in eum usum fabricatis,
uti ex Plinio, Ammiano, Marcellino, & aliis constat.

ANNOTATIO.

In omnibus modis hæcenus enumeratis interveniebat etiam usus ve-
ctis, de quo libro superiore Syntagm. 2. Stat vectes enim, inquit Pap-
pus, de Vecte agens in extremo libro 8. *Collectio, Mathemat.* quidam Vectis usus
in magnis
ponderibus
movendis.
magna pondera movere, quoniam primùm à terra attollere oportet,
ansas autem non habebant, quòd omnes partes basis ipsius
ponderis solo incumberent; paulum suffodientes, & ligni longi
extremitatem subiicientes sub onus, adducebant ex altera extre-
mitate, supponētes ligno prope ipsum pondus lapidem, qui hypo-
mochlium appellatur. Cumq; illis visus esset hic motus valde faci-
lis, existimaverunt fieri posse, ut hoc pacto magna pondera move-
rentur.

CAPUT QUINTUM.

*De Machinis Veterum quibus Pondera ingentia in
altum attollebant.*

DEiis fusè tractat *Vitruvius* lib. 10. cap. 2. 4. & 5. quorum aliæ in Machina
veterum
quibus pon-
dera in al-
tum attol-
lebant.
pondetibus non adeo magnis, aliæ in majoribus & colossico-
teris, ut *Vitruvius* loquitur, ponderibus in altum attrahendis ad-
hibebantur. Ex his unam solam exponam, addamque alteram ex
Kircheri, reliquæ apud *Vitruvium* legi possunt.

MACHINA I.

Trochlea cum tignis & succula, seu ergata.

*Trochlea
cum tignis
& succula,
apud Vi-
truvium.*

Prima Machina Vitruviana est Trochlea, tignis alligata, & succula aut ergata adjuncta. Eam sic describit Vitruvius. *Tigna tria ad onerum magnitudinem ratione seu proportionem expediuntur, & à capite fibula conjuncta* (aut etiam fune, ut inferius divaricari possint,) *& in imo divaricata eriguntur: funibus in capitibus collocatis, & ita item circa dispositis, erecta retinentur. Alligatur in summo Trochlea, quam etiam nonnulli rechamum dicunt. In trochleam induntur orbiculi duo, per axiculos versationes habentes; per cujus orbiculum summum trajicitur ductarius funis, deinde demittitur, & traducitur circa orbiculi imum, Trochlea inferioris, refertur autem ad orbiculum imum trochlea superioris, & ita descendit ad inferiorem, & in foramine ejus caput funis alligatur. Altera pars funis refertur inter imas machinae partes. In quadris autem tignorum posterioribus, quo loci sunt divaricata, figuntur cheloniam, in qua conjiciuntur succularum capita, ut faciliter axes versentur. Ea succula proximè capita habent foramina bina, ita temperata, ut vestes in ea convenire possint. Ad rechamum autem imum ferrei forcipes religantur, quorum dentes in saxa forata accommodantur. Cum autem funis habet caput ad succulam religatum, & vestes ducentes eam versant; funis se involvendo circa succulam extenditur, & ita sublevat onera ad altitudinem & operum collocações; Quæ de tignis superius fibulâ (aut fune) colligatis, & inferius divaricatis, & per funes capitibus alligatos atque extentos firmatis, habet Vitruvius, clara sunt, & passim in usu à nostratibus etiam Architectis. Trochlearum constructio & usus, patet ex dictis libro superiori Syntagm. 4. de Trochlea. Succulæ forma & usus, patet ex dictis eodem libro Syntagm. 3. de Axe in peritrochio. Cheloniam, in quæ conjiciuntur Succularum capita, sunt fulcra erecta, in quorum foramina induntur succularum extremi axes, ut intra ea verut intra annulos aut armillas vertantur. Reliqua, si quæ obscura sunt, intelligentur ex dicendis postea ex Kircherò, & ex schemate ibidem apponendo. Forcipibus ferreis ad saxa utrumque non nihil excavata apprehendenda, utuntur passim etiamnum nostri, maximè in Italia, ubi sæpe vidi ingentes lapides hujusmodi forcipibus*

*Cheloniam
quid sint.*

pibos apprehensos attolli in altum ope trochlearum & ergatæ, aut fuculæ, ab uno aut altero homine. Si leviora pondera sunt sublevanda, non est opus fuculâ, aut ergatâ, sed alterum funis extremum manibus apprehensum trahitur vel deorsum, vel sursum; prout dispositi sunt orbiculi trochlearum, juxta dicta loco cit. de Trochlea. Illa cujus mentio fit in hac Machina à Vitruvio, est Triplastus primi generis.

MACHINA II.

Polyspastus Ægyptiacus ad onera in altum trahenda.

Hanc Machinam describit Kircherus loco sæpe citato Oedipi, apud quem eam vide.

CAPUT QUINTUM.

De Machinis quibus erectus fuit Obeliscus Vaticanus Romæ, jussu Sixti V. P. M.

Quam infano gloriæ studio, & quam immensis impendiis, *Obelisci Ægyptiorum.* Ægyptiorum Reges antiqui altissimos olim, & ex uno eodemque durissimo excisos lapide Obeliscos crexerint in Ægypto variis in locis; quanta deinde divitiarum ostentatione ac jactura Romanorum Imperatores, Ægyptum spoliantes, eorum maximam partem Romam transferri, & ibidem ad nominis sui gloriam perpetuandam erigi curarint; quam barbaro furore Gothi in Romanæ Urbis devastatione eos in terram prostraverint, confregerint, & vastatæ Urbis ruinis sepeliverint, quàm denique ingenti animo & ausu Sixtus V. Pont. Max. eorum quatuor maximos, in æternum Urbis & nominis sui decus, erigi curaverit, fusè scribunt Auctores varii, Herodotus, Plinius, Ammianus, Galestinus, Bargæus, Mercatus, ac novissimè P. Athanasius Kircherus in Obelisco Pamphilio, & in Oedipo Ægyptiaco to. 3. ubi omnium quotquot Romæ, Constantinopoli, Memphis, & alibi supersunt, & quorum notitia ad ipsum pervenit, descriptionem, ac interpretationem novam, & hucusque intentatam, juxta sensum physicum, tropologicum, mysticum, historicum, politicum, magicum; medicum, mathematicum, cabalisticum, hermeticum, sophicum, theoso-

*Obeliscus
Vaticanus*

theosophicumque, ex omni Orientalium doctrina ac sapientia demonstratam offert. Quibus porro Machinis olim in Ægypto ac Romæ deductæ tantæ moles & erectæ fuerint, vix præter conjecturam, exceptis pauculis illis quæ in præcedentibus insinuavimus, quidquam habemus. Quæ vero arte quibusq; instrumentis ac machinis Romæ quatuor illi præterito sæculo *Sixti V.* ætate, translati de loco in locum, & reerecti fuerint, depingit ac describit accurate in erectione Vaticanæ Obelisci (qui solus ex omnibus integer permanerat post Gothicam vastationem) ejusdem erector Dominicus Fontana ex pago Miliagri Novocomensis & *Sixti V.* Architectus, calamo ac scalprio, sermone Italico, & typis æri incisis, primò quidem compendiosius in duobus solis foliis majoribus invicem adglutinati, fusi, deinde in pluribus foliis. Ex hoc igitur Auctore, simulque ex Arhanasio Kirchero to. 3. Oedipi, Synagm. II. cap. 2. breviter totam rei historiam & artificium ob oculos animosq; Lectoris ponere decrevi. Quod autem mirandum maxime videtur, in tanta molis versatione, tractatione, dejectione, & erectione, aliæ machinæ non sunt adhibitæ, quàm trochleæ & ergatæ. Ut vel hinc colligas, quanta earum sit virtus ac potentia.

Obelisci Historia.

*A quo in
Ægypto
reclus, &
Romam
translatus.*

Obeliscus Vaticanus, sic dictus à campo Vaticano, in quo est, fuit olim in Ægypto à Moncoreo Rege (alii Nuncoreum, alii aliter appellant) Sesostris seu Sesostridis Regis filio & successore regni, erectus deinde Romam à Cajo Caligula Casare advectus, & in Circo Vaticano à se constructo, erectus, atque Augusto & Tiberio Imperatoribus, cognatis & antecessoribus suis, dedicatus. Hic in Gothica vastatione cum à barbaria, sive ob molis vastitatem ac firmitatem sive aliam ob causam, in terram ut alii omnes, quotquot tunc Roma erant, dejectus in frustra diffractus non fuisset, mansit ad *Sixti V. Pont. Max.* ætatem usq; terra semisepultus, retro templum S. Petri in Vaticano. Complures ante *Sixtum Pontifices* desiderarunt quidem, ut eructus, & sede sua avulsus in alium illustriorem locum transferretur; sed qui rem tentaret, inventus est nullus, omnibus vel operis duritiae, vel sumptuum magnitudine, vel architectorum peritorum penuria deterritis. Tandem *Sixtus V.*

æterna memoria dignissimus Pontifex, & ad ardua quaque, splendideq;
 felicitate consummatus natus, Anno præteriti sæculi, MD LXX XVI. Pon-
 tificatus sui II. eum à sede sua avulsam, collocavit in area Vaticana, è re-
 gione portæ majoris & phrontisteris Basilicæ S. Petri, operâ Domini Fon-
 tane Architecti, de quo paulo antè. Est hic post Lateranensem Obeliscum,
 omnium qui visi sunt in hunc diem, siue Roma, siue in Ægypto, maxi-
 mus, ex uno integro lapide, quod marmoris est genus, varii coloribus
 guttatim veluti aspersum, duritie propè indomabile, & porphyretico mi-
 nimè cedens, ob idque à Grecis πυροπεικίλον, ab Italici granito rosso di-
 citur, à Latinis verò Thebaica petra, quoddè saxifodina Thebis vicina sis-
 crutum. Rarus omnino est, & nullus hieroglyphicè notus, ut alii plerique
 ornatus; ideo fortassis, quoddè Rex Moncoreus, qui eum excindi atque eri-
 gi curaverat, & post erectionem hieroglyphico apparatu cohonestare de-
 creverat, morie præventus, aut alius implicatus negotiis, id perficere non
 potuit. A primo suo erectore fuit Soli consecratus, à Cajo Caligula Impe-
 ratoribus Augusto & Tiberio dicatus, à Pontifice denique divino cultui,
 & sanctissima Crucis honori (cujus nunc signum ex ære inaurato in sum-
 mo ejus fastigio rutilat) additus.

Magnitudo & pondus Obelisci.

Tanta est huius Obelisci moles, & altitudo, ut nunquam trium an-
 norum spatium quavis ferè hebdomade sine admiratione cum aspice-
 re potuerim. Est solus Obeliscus, absque sustentaculo basi subiectis, & absq;
 cruce alisque ornamentis summo ejus fastigio impositus, à base usque ad
 pyramidis initium, altus palmos Romanos 107½, pyramidum verò est al-
 tum palmos 6. adeoque totius Obelisci altitudo, à base usque ad pyramidis
 summitatem, est palmorum 113½. Basis inferioris duo latera sunt lata pal-
 mos 12. reliqua duo palmos 13. Kircherò teste, Fontana verò dat cuilibet
 lateri pal. 12 m. 5.) Superiora verò latera ad pyramidem sunt singu-
 la ferè palmorum 8. eodem Kircherò teste, Fontana verò sunt pal. 8. m. 5.
 Ex qua patet basin infimam non esse quadratam, sed parallelogrammam.
 ex symmetria Kircheri. Totam hanc molem sustentabant, cum adhuc
 retro Basilicam S. Petri semisepulta stabat, præter fundamentum pro-
 fundissimum & firmissimum, quatuor abaci sibi mutuo superpositi.
 Primus abacus fundamento immediatè impositus, erat ex marmore can-
 dido, altus palmos 4½. sequebatur hunc ex pyrite Thebaico (ex quo &

ipse Obeliscus, ut diximus) sustentaculum altum palmos $4\frac{1}{2}$: hoc substituebatur alteri abaco 13 palmis alto, circumdato cimario 4 palmorum altitudinis, ex eodem pyrite: hic denique excipiebat ultimum 11. palmorum abacum: post quem super quatuor astragalos ex are inaurato $1\frac{1}{2}$ palmorum, tandem erectus erat Obeliscus 13 $\frac{1}{2}$ palmorum. Erat itaque tota altitudo Obelisci, à plano horizontali usque ad verticem, quem pila inaurata ornabat, 151 $\frac{1}{2}$ palmis altus.

Ejusdem
sustentaculi
novum.

Nunc idem Obeliscus, ejusdemq; ut antea altitudinis, sustinetur extra fundamentum tribus sustentaculis seu abacis, & in vertice pyramidi gestat tres montes, & supra montes stellam, quæ sunt Pontificis Sixti V. insignia) & supra stellam ex are inaurato crucem. Primus abacus fundamento immediate impositus, ex marmore candido est altus palmos $4\frac{1}{2}$ secundus abacus palmos 13, cui coronis imposita est alta palmos 4: tertius abacus altus est palmos 11 $\frac{1}{2}$: super hunc impositi sunt quatuor leones arei, qui suffulciunt obeliscum, spatiumq; interjectum est palmorum $4\frac{1}{2}$ altitudinis. Tota ergo hæc abacorum structura, à pavimento usque ad basin Obelisci, est palmorum 37 $\frac{1}{2}$: totus vero Obeliscus à pavimento usque ad ultimum pyramidi punctum, altus est palmos 150 $\frac{1}{2}$. Huic altitudini accedit altitudo Crucis cum montibus & stella, palmorum 26. unde tota altitudo à pavimento usque ad ultimum punctum Crucis, est palmorum 176 $\frac{1}{2}$. Kircherus habet 178 $\frac{1}{2}$.

Soliditas
ejus.

Soliditas solius Obelisci, à basi ejus usque ad pyramidion inclusive, est ex Fontana calculo, palmorum cubicorum 1118. Pondus unius palmi cubici, est librarum 86, unde pondus totius Obelisci est librarum 956 148.

Evulsio Obelisci è loco vetere.

Evulsio è
loco vetere.

Hæc tanta altitudinis & ponderis moles ut è loco vetere ad locum novum, ante Basilicam D. Petri in Vaticano electum, transferretur, ibidemque erigeretur, nullis sumptibus parcendum ratus Pontifex, animavit Architectum Fontanam, ac serio huic negotio incumbere jussit, asserens, si decies centena aureorum millia in sumptus non sufficerent, totidem alia se daturum, aut quotquot opus forent, dummodo quod desiderabat, executioni mandaretur. Quibus verbis animatus Fontana, serio cogitare cepit, quæ industria, quibusque machinis, Obeliscum primum à sede sua avelleret, deinde in terram reclinaret, ad locum destinatum, mille pedibus ab antiquo distantem traheret, tandemque ibidem
recri-

etrigeret. Cum autem nullas machinas commodiores hac operi judicasset, quam trochleas & ergatas, de earum potentia & numero necessarium statueret caput; quod tamen non poterat, quin prius Obelisci, & eorum quæ Obelisco in avulsione, transvectione, erectioneque necessario adesse debebant, pondus cognitum haberet atque perspectum. Quia pondus ut indagaret, simulq; avulsioni sese accingeret: sic processit.

Primo, Obeliscum detexit, terra circum egesta, ut locum haberet ad machinas per circuitum disponendas cum operariis & equis necessariis.

Secundo, castellum ligneum Obelisco altius, quod Obelisco & armando, & avellendo, & reerigendo serviret, circumdificavit hoc ingenio. Hinc & inde ex duobus oppositis Obelisci lateribus fundavit octo validissimas columnas ligneas, quatuor scilicet ab utroque latere, (Figuram, ut sumptibus parcam, omitto; eam vide apud Kircherum l. c. cit.) inter sese æquidistantes, et tamen proportionem, ut media duæ ex utroq; latere distantia sua æ se invicem adequarent Obelisci latitudinem ea in parte, ubi latissimus est. Singula columna habebant latitudinem quatuor palmorum, altitudinem tantam, ut fundata superarent altitudinem Obelisci sex palmis. Quoniam verò tanta latitudinis & altitudinis trabes non suppetebant, singula columna compacta erant ex quatuor trabibus, ferreis retinaculis, funibus cannabinis strictissime colligata, ut ad omnes pendens postmodum ex iis Obelisci sustinendum forent sufficientes. Quia tamen solis hisce columnis architectus non fidebat, quaternas utrumque firmissimis aliis trabibus transversis colligavit; & insuper in summitate octo columnarum alias quatuor trabes ordinavit, quæ binas ex utraq; parte columnas correspondentes arctè commissura connectebant, quarum officium erat, Obeliscum pendentem sustinere. Et ut tota hac machina adhuc majus robur acquireret, & contra omnem casus aut inflexionis periculum firmaretur, columna singula utrimque aliis trabibus veluti arietibus quibusdam admotis fulciabantur, & hæterum cum columnis connectebantur aliis transversis trabibus. Tota hac machina erat validissimis clavibus ferreis, & plurimis retinaculis à capite ad calcem religata, funibusque undequaque contracta. Clavi vero retinaculis ita erant infixi, ut eximi iterum sine trabium sauciatione possent & structura tota, ubi opus foret, dissolvi, iterumque componi. Erat in medio tota machina per viam ut in ipsam Obeliscus libere stare ac pendere posset. Atque hæc est castelli structura.

Castellum
circa Obeliscum.

ATMAINTA
OJMI.

Tertiò, constructo castello circa Obeliscum, armare atq; munire capis contra omnem lationem, hac ratione. Duodecim longissimis ac robustissimis ferreis perticis eum circumdedit, quarum tres à singulis lateribus in longum Obelisci protendebantur. Hisce transversim alia ferrea cingula crassissima singulari industria circum circa uncia ferreis, & validis resinaculis, qua longioribus perticis annexa erant eo fine, nè cingula loco dimoveri possent, arte inseruit. Ferrea autem pertica non uno continuo constabant ferro, sed ex multis frustis invicem commissis erant compacta. Et nè Obeliscus ferrea hac armatura cinctus quidquam deirimenti acciperet, dum tractaretur, infra ferream hanc vestem indusio è storiis contexto erat involutus. Armatura hac undecum trochleis, funibus, tabulis, altisque Obelisco adjunctis, pertingebat ferè ad 50000. librarum pondus: qua addita ponderi Obelisci 956148. librarum constituebant pondus librarum 1006148. Statuit itaque Architectus, requiri ad minimum 40. ergatas cum suis trochleis, quarum singula à duobus agitantur equis; quoniam experientia didicerat, singulas ergatas potentiam habere quasi 33000. librarum.

Fundam.
tum no-
vum Obe-
lisci.

Quartò, antequam Obelisci avulsionem aggredieretur, fundamentum & abacum praparavit pro nova ejusdem erectione ante S. Petri Ecclesiam. Fundamentum igitur solidissimum fecit quadratum, cujus unum latus triplum erat lateris obelisci; nempe palmorum 36. In medio hujus quadrati fundamenti, extra profundum ad planitiem deducti, positus fuit abacus; supra hac basis quadrata cum omnibus ad Obeliscum suetudinem necessariis, ejus altitudinis, quam supra definivimus.

Agger cui
Obeliscus
fuit trocli-
notus.

Quintò, stratum praparavit à primo Obelisci situ usq; ad locum Obelisco erigendo praparatum. Ergatis agger ex aggesta terra, utrimque trabibus tabulisque ligneis firmiter, ne cedere posset, constructus, & ita dispositus, ut semper altiori & altiori ductus usq; ad basin, cui Obeliscus insidere debebat, extolleretur.

Levans Obe-
liscus, seu tra-
ba ejusdem.

Sextò, lectum praparavit Obelisco jacenti, & de loco ad locum trahendo, accommodatum; quierat ex quatuor ingentibus arboribus altisque transversis trabibus in formam craticule insertis, scyialisque subius dispositis concinnatus; cui Obeliscus impositus, ergatarum ope per prædictum aggerem ad constitutum locum deolveretur.

Septimò Hisce omnibus praparatis, Obelisci avulsionem est aggressus in hunc modum. Ergatas 40. locis opportunis dispositas firmissimè plania-

plantavit, nè loco dimoversi possent. Deinde trochleas 40. singulas duobus orbiculis instructas, in superioribus castelli trabibus suspendit: totidem ad singula ferrea Obelisci, ex ea parte, quæ columnas respiciebat, unico orbiculo instructas appendit, totidemq; alias, unico itidem orbiculo instructas, in radice castelli disposuit. Hisce tribus trochlearum ordinibus rite dispositis, suos singulis rudentes attribuit, in hunc modum. Rudentes ad capita trochlearum Obelisci alligabantur, indeque ad trochlearum castelli orbiculos superiores ascendebant, iterumq; descendebant ad orbiculos trochlearum Obelisci, & iterum ad trochlearum castelli orbiculos inferiores ascendebant, tandemque descendebant, ad trochleas radices, indeque ad ergatas derivabantur. Habebant ergata quatuor vetes longos, quibus ope partim hominum, partim equorum machina in gyrum ducta, rudentes trochleis circumplicatos trahebant, & obeliscum alligatum paulatim in altum elevabant. Nè verò in opere tanti momenti ergata in equali motu agerentur, ad sonum tubæ omnes ad machinam agendam commonebantur; & ad campana castello affixa pulsam, agitationem inceptā unā omnes sistebant. Quod si una ex ergatis, fune lenescente, non laborare deprehendebatur, omnibus reliquis quiescentibus hac sola, donec alius aequitensum rudentem nancisceretur, agisabatur. Omnia ad nutum Praefectorum, quorum singuli singulis ergatis praeerant, fiebant, qui ad sonum tubæ aut campanæ moniti molitionem per homines & equos urgebant. Primo impetu ferrea quadam lamina, quæ machinam Obeliscum ambientem religabat, dirupta est; sed hac unius horæ spatio restituta, decem deum impulsibus duos palmos ac dimidium in altum Obeliscus elevatur. Ne tamen tanta mole pendente sinistrum quid accideret, cunei statim ac ligna valida, quibus inniteretur, supposita, & abactis, quibus antea insistebat, remoti.

Deposito, transvectio, & nova erectio Obelisci.

HÆc prima ad avellendum molitio acerrima cum feliciter successisset, magnum ad reliquas aggrediendas adjecit animum. Itaq; ergata, trabes, funes ductarii, ceteraq; ut conveniebat, mutata, atq; in diversam formam disposita, & ima pars Obelisci pendens quatuor ergatarum viribus, quæ à tergo movebantur, ceteris quæ à fronte erant, funes remittentibus, trabis paulatim capis, & apex leniter demitti, sufficiens inter im trabibus obeliscum, quæ cum ipso reclinante simul

Evulso Obelisci à latere, co vesore, quomodo peracta.

Obelisci supra lectum suum.

Transit
his ejusd.

pedes eam reclinabantur; donec tandem famosissima moles omnino integra, ac sine ulla jactura humi superstratum ac lectum suum decubuit, ingenti omnium gaudio & applausu. Atque hac secunda molitio fuit. Postea mutatis iterum, aliterque dispositis ergatis, Trochleis, ac funibus ductariis, per præparatum antea tumulum sex ergatarum viribus trahi captus fuit Obeliscus unâ cum lecto suo scyialis imposito. Et quia huic spectaculo intererat ipse summus Pontifex, suæque præsentia operarum moras instigabat; citius quàm sperabatur in destinatum locum pertractus fuit. Fuitque hac tertia molitio. Postquam ad aliquot dies, nè funes nimio calore conflagrarent ob motum, & aeris eo tempore astum, cessatum est. Interim castellum dissolutum, & denuo circa nova fundamenta & sustentacula edificatum fuit. Tandem ultimo die Aprilis Anni 1586. invocato primum divini Numinis auxilio, erigendo Obelisco initium datum fuit, adhibitis ergatis 40. equis 80. & amplius, hominibus 900. partim præfectis, partim fabris, & ergatarum aliarumque machinarum impulsoribus. Trochlea eodem modo ut antea erant disposita. Post multas tandem ergatarum circumvolutiones (648. numerat Kircherus) moles supra quatuor leones basi obelisci prius implumbatos, ad architecti directionem & arbitrium, eo situ, quem hodie cum admiratione intuemur, fuit constituta. Atque hac ultima fuit molitio. Postquam 26. die mensis prædicti, gloriosissimo huic triumpho delectâ à Pontifice, factò prius per Episcopum Amerinum ad D. Petri altare Missa sacrificio, & circa Obeliscum frequenti supplicatione peractâ, & Cruce ex are inaurato benedictâ, tradita ea fuit Diacono sacris adhuc vestibus induto, ab eoque in Obelisci fastigio collocata. Quo temporis momento cuncta tormentorum bellicorum genera, quæ in S. Angeli arce erant, festivos & continuos edidere bombos.

Erectio ejus
nova.

Atque hic est modus, quo Obeliscus Vaticanus, ac cæteri deinceps Romæ, in Urbis ornamentum æternum, à Sixto V. immortalis memoria Pontifice, ac deinde ab Innocentio X. fuerunt erecti. Nullius tamen difficilior fuit erectio, quàm Vaticani, quia hic integer, reliqui omnes diffracti in frustra fuerunt. Inscriptiones Obelisci, & alia huc pertinentia, vide apud Kircherum loco supra citato.

Magia Thaumaturga.
ANNOTATIO.

287

De avulsione & reerectione columnæ marmoreæ
Constantinopolitane.

Haud absimili ferè modo, quo Obeliscum Vaticanum à sede sua pri-
stina demissum, & in nova erectum diximus, vidit Constantino-
poli Petrus Gyllius Gallus, refertque in Topographia urbis Byzantina
lib. 2. cap. 9. avelli à machinatoribus Byzantinis columnam ingentem
marmoream à sedibus suis, sitam in dorso vallis Constantinopolitane, &
alio in loco erigi. Nam circa columnam, aliquo tamen interposito
spatio, trabes ingentes crebras in quadrum dispositas, in solo defi-
xas, columna ipsa excelsiores, crexerunt, paribus intervallis inter
se distantes: supra trabes imposuerunt transversa tigna, omnia in-
ter se firmissimè revincta, ex quibus trochleas creberrimas appen-
derunt, per quas trajecerunt validos funes, ab imo columnæ scapo
ad summum surgentes, ad columnam strictissimè alligatos densis
funibus, ut se contingerent, & transversis rectos veluti tramis sta-
mina secantibus, formam textilis operis repræsentantibus, extra
quadraturam trabium similitudinem turris quadratæ gerentium.
Ergatæ utrimque multæ in terram defixæ erant, versatæ à multitu-
dine robustissimorum juvenum, funes ipsos validos, quibus co-
lumnæ cingebatur, trahentium tam diu, quoad columnam à sedi-
bus subtraxerunt, deinde sensim detrahentes in terram dejece-
runt, & curribus impositam firmissimis, quos rotæ crassissimis fer-
reis cinctæ sustinebant, traduxerunt incolumen in collem tertium
ad Solimanni Regis ædem ornandam.

CAPUT SEXTUM.

*Machina Ferdinandeæ, jussu Ferdinandi III. Caesaris con-
structa, Augusta, pro Chinenſi Missionē
Societatis IESV.*

Jam sæpe in præcedentibus mentionem fecimus Machinæ cu-
jusdam, quam Anno 1655. Augustæ Vindellicorum fieri curavit
Augustissimus Imperator Ferdinandus III. deputavitque pro mis-
sione Chinenſi Patrum Societatis nostræ, qui inibi Evangelii lu-
cem spargunt, offerendam suo nomine Vastissimi illius regni
Monarchæ.

Monarchæ. Eam hic paucis describere placet, nullo tamen schemate appposito, ad sumptus evitandos.

In tres partes divisa est Machina, quatum infima continet artificium harmoniæ automatæ atque autophoniæ variæ; media conclave catoptricum, & columnas varias ad Perspectivæ regulas dispositas; suprema denique Horologium Chinenſe sphæramque Astronomicam, cœli motum & stellarum cursum exhibentem. Structura machinæ ex Architecturæ præceptis elaborata affabre est, insigni symmetria, eboreque & testudinum cortice exornata. Prima pars, quæ musicam autophonam continet, & undecim diversas cantilenas exhibet fistulis, tibis, clavicymbalis, harpibus, tympanis, aliisque instrumentis, Machinæ abacum constituit. In catoptrico conclave, quod supra abacum est, apparet David Rex, harpa instructus, quam ad horologii sonum digitis in suavissimam melodiam concitat. Hujus conclavis parietes speculares disponi possunt in varios situs singulari artificio vectium foras prominentium ad eum modum, quo in organis pneumaticis prominent registra, ut vocant. Dictum conclave in parte anteriore habet duas portas; eburneam alteram, quâ totum conclave claudi atque operiri potest; alterum crystallinam seu specularem, cujus obductu res quælibet intus dispositæ augeri catoptrico, seu potius dioptrico incremento possunt. Supra conclave hoc, est Chinenſe horologium, cujus index & sonus duodecim distinguunt horas, quarum quælibet duabus nostratibus æquivalet. Quoties horariæ sphære index tangit punctum novæ horæ, David harpam personat velut prælusurus horæ sono; mox horæ indicatæ pulsus auditur, simulque Angelus Davidi supereminens tripudianti similis toties in gyrum se vertit, quot horæ pulsus fuerunt auditi. Supra horologium, altiori loco, visitur Sphæra Astronomica, ad elevationem poli Chinenſis accommodata; quæ 24. horarum nostratium spacio convertitur. Sphære adjunctus est Zodiacus, cujus eclipticam percurrens Sol, indicat cœlestis Solis quovis tempore ortum & occasum, altitudinem supra horizontem, locumque in cœli Zodiaco. Addita est pyxidula magnetica, ut vocant, ad sphæram astronomicè situandam. Hæc in genere. Sequitur nunc accuratior partium & artificiorum enumeratio.

Harmonia automata Machine.

Organum, ut dixi, Machinæ abacum seu basim occupat, vanis
registris adornatum, ad quorum tactum seu attractum nunc *Ejus har-*
organi pneumatici, nunc clavicymbali, nunc harpæ aut triorbæ, *monia au-*
nunc tympani auditur sonus. Undecim habet registra organum, *tomata.*
ut supra dicebam, pro undecim diversis diversorum instrumen-
torum cantilenis, ac prima quidem duo registra pro tympanis
sunt, reliqua novem pro aliis sonis. Pulsatur organum, quoties, ut
dixi, horarius index horæ unius spatium percurrit, ac præterea
quoties libitum fuerit, modo ab artificii conscio laxetur in so-
num, vel separatim singulorum instrumentorum, vel duorum plu-
riam vel simul. Artificium automati atque autophôni hujus orga-
ni & aliorum instrumentorum, non est absimile illi, quod fusè ex
Kirchero descripsimus in Mechanica nostra Hydraulico-pneu-
matica part. 2. Classe 3. Machina I. & seqq. & iterum in hujus
Operis Par. 2. lib. 6. Syntag. 5 & 6. nisi quod hîc cylindrus phono-
tæcticus chalybeis pinnis circumagitur.

Perspectiva Catoptrica Machine.

Supra abacum harmoniæ autophônæ deputatum occurrit con- *Ejus per-*
clave catoptricum, ut supra dicebam; cujus porta ubi aperitur, *spectiva*
concamerata occurrit aula, cujus fornicem eburneum susten- *Catoptri-*
tat duodecim speculares parietes, dodecagonum cavum effor- *ca.*
mantes, ornati columnis, floribus, auro atq; argento. Pavimen-
tum quoq; eburneum est, tessellis è testudinum cortice variega-
tum. Vide quæ diximus Parte I hujus Operis lib. 6. Syntagm. I. c. 2.
de catoptrico Theatro, perspectiva, gazophylacio, aliisq; similibus
artificiis. Habet hoc conclave registra sua instar organi, ut dixi-
mus suprâ, quorum ope parietes & columnæ in varios situs statui,
& in varias perspectivas possunt mutari. David Rex suum habet lo-
cum stabilem; quanquam ejus loco statua quæcunq; alia collocari
queat, aut alia quævis figura. Parietes speculares ita disponi pos-
sunt, ut inter tot specula una sola statua prædictæ imago appareat
item ut post statuam duellantium formæ represententur. Si an-
te conclave speculari apertum disponantur, supra petistylîi

coronidem figuræ variæ ex cera, aut serico; apparebunt in speculis horti, sylvæ, urbes, regiones, aliaque similia. Vide quæ diximus loco proximè citato de cista catoptrica. Si crystallinum aut speculari ostium obvertitur statux intus erectæ, apparebit ea ad aliquot passus remota non minor viri staturâ.

Quæ ad Sphæram astronomicam, & horologium pertinent, sufficienter explicata sunt suprà. Multa alia quæ de Machinæ directione dici possent, omitto. Quæcunque dixi, habui ex ore P. Alberti Curtii è Societate nostra, operis directore dum Augustæ construeretur, pridie quàm Monachium ex Italia appulisset post absolutam Machinam, quæ inde Viennam missa fuerat.

CONCLUSIO LIBRI.

ET lubens, & invitus calamum cohibeo, & ab infinitis aliis quæ dicenda erant, abstinco: lubens, nè in molem nimiam crescat liber, & ut sumptibus parcam in tot figuris æri incidendis, sine quibus tamen Mechanica, præsertim Thaumaturga, nec potest tractari, nec debet: invitus, quia fidem quam variis in locis obligavi, promittendo multa quæ huc spectant, solvere nequeo.

Solvam tamen: Si Deo placuerit, & si ab alio doctiore ac feliciore calamo non præveniar, in Mechanica Universali, seu Thaumaturgo Mechanico. Nunc ad staticam pergamus.

LIBER QVARTVS. DE MAGIA STATICA,

Sive

De occultiore ponderandi ratione, etiam sine
ponderatoriis Instrumentis.

PROOEMIUM.

Staticam plerique cum Mechanica confundunt. *Statica quid sit.*
Ego sejungo, & Mechanicam gravium mo-
vendorum, Staticam eorundem ponderandorum
scientiam appello. Certè cum aliud sit, gravia movere ex arte,
efficereque ut exigua potentia magno aequiponderet, aut etiam
præponderet ponderi; aliud gravium pondus explorare, &
notum facere; alia pro utroque constituenda est seu Ars, seu
Scientia. Si quis tamen à sua decedere sententia non volet,
per me licet, si modo quid ego staticam nuncupem, intelligat.
Magia itaque Statica aliud non erit, quàm occultior ponde- *Magia Statica quid.*
randi ratio, tamper ponderatoria Instrumenta, quàm sine il-
lis. Nec mirum videri debet, staticam seu ponderandi ratio-
nem in Magia nostra universali locum reperire, cum apud
ipsum rerum omnium conditorem DEUM vel in prima
Mundi molitione locum invenerit, ut qui omnia in Nume-
ro, Pondere, & Mensura creavit. De ejus præstantia &
necessitate qui plura volet, legat Præfationem Partis 9. tom I.
Deliciarum Mathematicarum. Georgii Philippi Harsdorfferi No-

rimbergensis Patritii. Nos rem ipsam aggredimur, & more nostro theoriam cum praxi conjungentes, tradimus primò Statica Elementa, secundò Statica seu Ponderatoria Instrumenta, tertio staticas Praxes. Erimus breviores in hoc, quàm in tribus precedentibus libris, quoniam multa quæ huc etiam spectant, inibi sunt tradita. Si vulgaria quædam afferemus, lucem ea præferent minus vulgaribus.

SYNTAGMA PRIMUM.

De Staticæ Magiæ Elementis.

Statica
Elementa.

HÆc alia non sunt, quàm ipsiusmet Staticæ, & complectuntur definitiones seu terminorum explanationes, Axiomata, & Postulata seu Hypotheses.

CAPUT PRIMUM.

Definitiones Staticæ,

Sive

Terminorum in statica usitatorum explicatio.

DEFINITIO I.

Ponderare
quid sit.

Stica est ponderandi scientia. Ponderare autem est gravium pondera seu gravitates in nota ponderum mensura explorare: Quemadmodum verò Mechanica, quæ gravium movendorum est scientia, non solum gravia corpora movet, sed etiam Instrumenta præscribit, quibus moveantur, & gravitatum rationes, ac cum potentiis motricibus proportionem scrutatur; sic à Statica alienum non erit, ponderandi Instrumenta præscribere, & ponderum rationes affectionesque varias considerare. Quid porro sit grave, quid gravitas, per quam lineam seu viam ad gravium centrum tendant gravia, aliaque similia; jam in præcedentibus explicatum fuit.

DEFINITIO II.

Corpora ejusdem aut æqualis ponderis, seu gravitatis sunt, quæ in eodem medio aequali nisu deorsum tendunt, sublatis impedimentis. *Æquiponderantia corpora quid sint,*
Hæc lib. 2. Syntag. I. Cap. I. Definit. 9. appellavimus æquiponderantia, & distinximus ab æquilibribus corporibus. Aliqui ejusdem aut æqualis ponderis corpora appellant, quæ in eodem medio descendendo, æquali tempore æquale spatium conficiunt. Non placet, quia plumbea librili lamina & sphaera, æqualis sunt ponderis, nec tamen per aquam descendendo conficiunt æquali tempore æquale spatium, ut experientiâ constat. Idem sine dubio in aëre contingit, licet minus sensibiliter. Verum erit quod dicunt, si cætera omnia sint paria, etiam figura corporum. Eadem corpora æqualis ponderis aliqui vocant corpora æqualis potentia, quia pondus seu gravitas corporum est potentia eorumquæ deorsum moventur.

ANNOTATIO.

Corpora æqualis ponderis possunt esse diverse molis, si diversa sint speciei, ut patet in libra plumbi & libra lana, quæ, æqualis sunt ponderis, sed inæqualis molis. Imò ejusdem speciei æquiponderantia corpora possunt esse inæqualis molis, quoniam nec omnes aquæ, nec omne aurum, argentum, oleum, aliæque similia, mole æqualia sunt etiam pondere æqualia. Sed de hac re alibi.

COROLLARIUM.

EX dictis patet, quid sint corpora inæqualis ponderis seu gravitatis, seu inæqualis potentia,

DEFINITIO III.

Corpora specie ponderosiora seu graviora sunt, quæ sub minori mole æquiponderant aut præponderant aliis majoris molis. Sic plumbum dicitur ponderosius in specie sua quàm cera, aut lana, quia minor massa plumbi est æqualis, imò majoris ponderis, quàm major massa ceræ, aut lanæ. *Graviora specie quæ sunt.*

DEFINITIO IV.

Corpus notum seu dati ponderis aut gravitatis est, cujus ponderositas certo numero exprimitur. Ut cum dicimus corpus sex librarum, *Gravitas nota corporis quid sit,*
duo.

duorum centenariorum &c. Hæc dicuntur etiam definitæ ponderositatis, seu gravitatis. Ex quæ patet, quid sit data seu definita gravitas datum seu definitum pondus.

DEFINITIO V.

Aequilibria quæ sunt.

Corpora æquilibria sunt, quæ suspensa ex diversis libra, statera, vel Etis, &c. brachiis faciunt æquilibrium, hoc est, constituunt scapum libra &c. horizonti parallelum. Differunt, ergo æquiponderantia, & æquilibria corpora, quia æquiponderantia possunt esse non æquilibria, si nimirum ex diversis à centro Instrumenti ponderatorii distantis suspendantur.

DEFINITIO VI.

Pondus elevans quid sit.

Pondus elevans dicitur, quidquid est causa ponderis ex ponderatorio Instrumento suspensi in altum elevati. Tale non solum est corpus aliud ponderosum, sed impetus etiam, & quidquid impetum Instrumento ponderatorio imprimit, ut suis locis videbimus.

CAPUT SECUNDUM.

Axiomata Statica, seu Communes Notiones.

Statica Axiomata.

Huc pertinent tria Axiomata Mechanica, quæ suprà lib. 2. Syntagm. I. cap. 2. attulimus; quæ vide.

CAPUT TERTIUM.

Postulata Statica, seu Hypotheses.

Statica postulata.

Nonnulla ex Postulatis Mechanicis loco proximè citato cap. 3. allatis & explicatis, ad Staticam etiam pertinent. Quare explicatio eorum, si quæ hic repetentur, inde est petenda.

POSTULATUM I.

Æqualia pondera aequali utrimque brachio ponderatorii Instrumenti appensa sunt in æquilibrio. Quia nulla est ratio cur unum alteri præponderet, cum æquiponderantia esse supponantur.

POSTU-

POSTULATUM II.

In aequalia pondera aequali hinc inde brachio appensa, non æquiponderant, sed gravius præponderat. Si enim æqualia dicto modo suspensa æquiponderant, necesse est in æqualia non æquiponderare.

POSTULATUM III.

Æqualia pondera in aequali distantia suspensa, non æquiponderant, sed præponderat suspensum ex majori distantia. Explicatum est loc. cit. Postulato 2.

POSTULATUM IV.

Si ponderum ex quibuscunque distantis æquiponderantium alteri addiciatur aliquid, non æquiponderant amplius, sed præponderat id cui adjectum est aliud. Explicatum est ibidem Postulato 3. Similiter, Si gravium ex quibuscunque distantis æquiponderantium alteri dematur aliquid, æquilibriū perdunt. & præponderat id cui nihil est oblatum. Explicatum est ibidem Postulato 4.

POSTULATUM V.

Si pondera ex quibusdam distantis æquiponderant, etiam ipsi æqualia, seu revera, seu secundum proportionem, ex iisdem æquiponderant. Explicatum est cit. loc. Postulato 5. quoad distantias æquales; sed eadem est ratio quoad quascunque.

POSTULATUM VI.

In aequalia pondera in aequalibus brachiis librata faciunt æquilibriū, si sit eadem proportio brachiorum, quæ ponderum, permutando. Explicatum & demonstratum est fusè lib. 2. Syntagm. I. cap. 4. Proposit. 5. Multa alia eodem capite explicata huc referri possunt tanquam Postulata, aut Hypotheses, ideo nolo esse longior.

SYNTAGMA SECUNDUM.

De Instrumentis Staticis seu Ponderatoriis.

Duosunt præcipue statica seu ponderatoria Instrumenta, Libra, & Statera. Utriusque fermam, usum, & proprietates trademus.

Ponderatoria
in
mensura duo.

Partis III. Lib. IV.
CAPUT PRIMUM.

De Libra, ejusque forma, differentiis, fabrica, & proprietatibus.

HÆc omnia hoc capite breviter quidem, at, quantum fieri poterit, clare explicare conabimur

PROPOSITIO I.

De natura & forma libræ ordinariæ.

Libra quid.

Libra est organum seu Instrumentum, ad examinandam corporum gravitatem aptum, assumpto alio notæ gravitatis corpore: si enim motum pondus uni lanci impositum, & corpus examinandum alteri lanci commissum, in æquilibrio constituunt libram, tunc arguitur eorum æqualitas secundum gravitatem, si libræ brachia sint æqualia; si vero non constituunt in æquilibrio, sed una lanx magis deprimitur quàm altera; æqualitas arguitur. Sed hæc paulò post melius explicabuntur. Et hanc vocamus ordinariam.

*Libra forma.
Vide Fig.
VIII. Icon.
tab. XIV.*

Forma libræ ordinariæ, quoad substantiam saltem (variis enim modis, pro artificum libitu formari solent) est, qualem monstrat apposita Figura: in qua AB vocatur librile, jugum, & scapus libræ; AC & BC brachia, librilia, radii; C centrum; CE lingula, trutina, examen, argumentum; CF ansa, spatium, angina; G & H lances; AI & BK pendula, funiculi. Lingula CE connexa est scapo immobiliter ad angulos rectos. Ansa CF sustinetur axiculo trajecto per centrum C, & per foramina ansæ utrimq; centro correspondentia. Bilances G & H, cum pendulis AI, & BK, solent esse æqualis ponderis; & præterea pendula æqualis longitudinis. Brachia AC, BC, æqualis solent esse longitudinis, crassitiei, & gravitatis. F est annulus, quo vel manibus apprehenditur, vel è clavo suspenditur totum instrumentum in ejus usu.

*Libra forma
in septem.*

Septem ergo ad libram ordinariam requiruntur, nimirum scapus seu jugum, lingula seu trutina, centrum in iugo, lances, pendula, ansa, & axiculus per centrum & ansam trajectus, quem diximus appellari aginam.

PRO-

PROPOSITIO II.

De æquilibrio libræ ordinariæ.

Diximus, tunc argui æqualitatem inter pondus notum & ignotum diversis libræ lancibus impositum, quando libram constituunt in æquilibrio, si libræ brachia sunt æqualia. Explicandum ergo, quid requiratur, ut libra dicatur constituta in æquilibrio.

Dico itaque quando brachia, & pendula, & lances libræ ordinariæ sunt æqualia quoad longitudinem, gravitatem, tunc libram in æquilibrio esse constitutam (hoc est, tam jugum libræ, quàm lances ex jugo suspensas, esse parallelas horizonti) quando lingula jugo ad angulos rectos affixa, stat immota intra ansam, in neutram partem propendens. Ratio est, quia ut ex dictis Lib. I. de Magia Centrobaryca constat, grave suspensum liberè, non quiescit, nisi linea directionis transeat per centrum gravitatis corporis suspensi, simulq; per punctum suspensionis; quando ergo liberè suspensum quiescit, signum est, lineam directionis transire per dicta puncta.

Libra æquilibrium quoddam.

Quando itaque in libra sunt omnia æqualia, brachia, pendula, lances, & consequenter vacua suspensa liberè stat in æquilibrio; si & onerata in æquilibrio stat, signum est pondera imposita utrimque esse inter se æqualia, quia linea directionis per centrum gravitatis totius compositi ex libra & ponderibus impositis transiens, dividit totum compositum grave in duas æqualiter graves partes, ut ex dictis lib. I. patet. Rectè ergo diximus, tunc argui æqualitatem inter pondus notum & ignotum lancibus impositum, quando libram in æquilibrio constituunt.

ANNOTATIO.

ORigo & genesis libra debetur duabus illis propositionibus, quas concedi nobis postulavimus Syntagm. precedente, cap. 3. Postulato I. & 2. *Libra ordinaria fabricam docet* Casimirus Siemienvicz & Ezechius Lichuanus in *Arte magna Artilleria* parte I. lib. I. c. 2. sed valde operoso modo, qui nescio an unquam ab artificibus servetur. Brevius ac planius idem docet ante ipsum Simon Stevinus lib. 3. *Statica* propositi. 2.

Partis III. Lib. IV.
PROPOSITIO III.

Cur, & quando libra ab æquilibrio dimota, ad illud redeat;

Sive

De tribus speciebus seu differentiis libræ.

*Libra tres
species seu
differentia.*

JAm diximus, libram, ut & alia gravia liberè suspensa, non quiescere, nisi punctum suspensionis (quod etiam centrum motus appellari potest, quia brachiorum extremitates motu suo describunt circa illud velut centrum circulos, aut circularum arcus) & centrum gravitatis sint in eadem linea directionis. Quoniam verò hæc duo puncta seu centra tripliciter se possunt habere, ideo triplex species seu differentia librarum oritur, diversas proprietates habentium.

Prima species libræ.

*Vide Fig.
IX. Iconis.
XIV.*

*Libra à po-
tentialissimo
remota
quando non
vedeat ad
illum.*

Primò enim potest punctum suspensionis coincidere cum puncto seu centro gravitatis, ut quando centrum gravitatis scapi A B est in puncto medio C, & ex eodem puncto C suspenditur scapus ex axiculo, aut fune, per foramen in C factum trajecto. Et in hoc casu, si librile AB dimoveatur à situ AB horizonti parallelo, & constituatur in situ DE, non redit ad parallelissimum cum horizonte, sed manet in eodem situ. Ratio est, quia cum brachium CE tantundem ponderet, quantum CD, non est ratio cur DC descendat, & sursum trahat CE. Addi potest & hæc ratio, quòd ut librile DE rediret ad situm AB, deberet vis descendendi ex D in A major esse, quàm repugnantia ascendendi ex E in B; quod tamen non contingit in hoc casu, quia brachia CD, CE, supponuatur esse æqualia quoad gravitatem, ac proinde & resistentia unius est æqualis virtuti motivæ alterius, hoc est. quantum inclinat. Dad motum deorsum, tantum repugnat E motui sursum. Præterea in hoc casu eadem est ratio ac in vecte; nam axiculus in puncto suspensionis C, habet rationem hypomochlii, & brachia æqualia utrimque sunt distantia vectis ab hypomochlio: in vecte autem ut potentia seu pondus uni extremo applicatum moveat aliud alteri extremo applicatum, debet vel unum prævalere alteri in pondere, vel si æqualia sunt, debet esse major proportio distantiarum, &

confe-

confequenter motuum futurorum, quàm ponderum reciproce uti ex dictis de Veſte lib. 2. Syntagm 2. conſtat: hic autem & pondera ſunt æqualia & diſtantiæ ab hypomochlio æquales, & motus, ut conſideranti patet.

ANNOTATIO.

Qua diximus hic, intelligi debent de ſolo ſcapo ſeu librili habente in medio punctum ſuſpenſionis coincidens cum puncto ſeu centro gravitatis: nam ſi ex ſcapo ſuſpenſa ſunt lances, ſemper redit ad parallelum. Cauſam poſtea aperiemus.

Secunda ſpecies libræ.

Secundo poteſt punctum ſuſpenſionis eſſe ſupra centrum gravitatis, ut ſi in libra MN centrum gravitatis ſit O, punctum vero ſuſpenſionis, per quod axiculus ſeu agina tranſit, & libram ſuſtinet, ſit in P ſupra O. Et in hoc caſu ſi libra dimoveatur à parallelismo cum horizonte. hoc eſt à ſitu MN, & ponatur in ſitu IK. ſive à pondere. ſive ab impetu: ceſſante impetu, aut pondere remoto, redit ad ſitum MN. Ratio eſt, quia quando eſt in ſitu MN, linea directionis PQ tranſit per centrum gravitatis O, & per punctum ſuſpenſionis P, at quando eſt in ſitu IK, centrum gravitatis non manet in linea directionis PQ, ſed transfertur in R, ideoq; pars IPQ major & gravior eſt, quàm pars K P Q. neceſſario ergo illa debet deſcendere, hæc aſcendere, ceſſante vi extrinſecâ, donec punctum R reducatur iterum ad punctum O, & quieſcat in linea directionis PQ

Vide Fig. X. Iconſ. XIV.

ANNOTATIO.

Quod diximus, intelligi debes & de ſolo librili, & multo magis de librili cum lancibus annexis; nam tunc centrum gravitatis totius compoſiti non eſt in O, ſed infra O. Ex quo patet ratio illius quod in præcedente Annotatione advertimus, quia quâto librili adjuncta ſunt lances, centrū gravitatis totius compoſiti non eſt in medio librilis, ſed infra.

COROLLARIUM.

Colligitur hinc, cur omnes libræ quibus communiter utimur, ſi ponderibus impoſitis dimotæ fuerunt à parallelismo, ſubla-

*remota, cur
semper ad
eum redeat.*
tis ponderibus redeant ad eundem, quia nimirum licet centrum suspensionis & axiculus seu agina sit in medio scapi, & coincidat cum centro gravitatis scapi, non tamen coincidit cum centro gravitatis totius compositi ex librili & lancibus, sed hoc semper est inferius illo. Atque hoc bene notandum est.

Tertia species librae.

Vide Fig.
XI. Iconis.
XIV.

Tertio, potest punctum suspensionis esse infra centrum gravitatis, ut si in libra EF centrum gravitatis sit in G, punctum vero suspensionis sit infra in A. Et in hoc casu, si libra dimoveatur à parallelismo horizontis, & propter impetum aut pondus acquirat situm CD, non redit ad parallelismum. Ratio est, quia in hoc situ centrum gravitatis G migrat in M, extra lineam directionis RS, & pars RAD major & gravior est quam pars RAC; non potest autem ascendere major, & descendere minor, ac proinde non potest libra redire ad parallelismum, ablato pondere,

ANNOTATIO.

Sed anm ablato pondere, aut impetu cessante, manet libra in situ CD? Respondeo I. si de solo librili aut scapo CD sermo est, non manet, sed pars gravior RAD movetur deorsum, donec centrum gravitatis M sit in S: tunc enim quiescit, quia centrum gravitatis S, & punctum suspensionis A, sunt tunc in eadem linea directionis RAS. Respondeo II. Si librili adjuncta sunt lances, fieri potest ut ablato pondere, aut impetu cessante, maneat in eodem situ CD, quia fieri potest ut centrum gravitatis totius compositi sit in linea directionis RAS, infra punctum suspensionis; quo casu necessario debet quiescere. Quod si centrum gravitatis totius compositi est extra lineam directionis, sive ad dexteram, sive ad sinistram; movebitur unum brachium sursum, alterum deorsum, donec sit in linea directionis, & manebit in tali situ.

MONITIO AD LECTOREM.

*Aristoteles
questio de
libra.*

Aristoteles in Mechanicis qq. quest. 3. quarit, Cur, si in libra sursum fuerit spatium seu agina, & pondus depresserit libram, earursum ascendat, hoc est, ad aequilibrium redeat, si verò spatium fuerit deorsum, non redeat sursum, sed maneat. Eandem questionem, unà cum alia, cur si spatium

spatum est in medio libra, ea retineat quemcunque situm datum, fuso disputant Jordanus de ponderibus, Cardanus lib. 1. de subtilis. Tartalea in Scientia nova Italicè conscripta, Guidubaldus in Mechanica sua tract. de libra, Keplerus in Astronomia Optica ad Proposit. 20. capituli 1. Mercennus in Phenomenis Mechanicis Proposit. 1. Joannes Baptista Benedictus in Mathematicis speculat. quest. de hacre, Aristotelis Commentatores Blancanus, Piccolomineus, Monantholius, Baldus, & alii. Hi Auctores miris modis inter se digladiantur in explicando Aristotele, & salvando phanomeno. Alii dicunt, sextum gracum esse corruptum, latinum verò corruptissimum; alii Aristotelem errasse, & contra sensum locutum; alii Aristotelis solutionem dissimulant; alii non candide producant in medium. Plerique etiam sales construunt libras pro questionis solutione, quales in usu non sunt, qualesque fortassis nec Aristoteles, nec ipsi unquam viderunt: constituunt enim centrum motus librae in extremitate lingula supra aut infra scapum perpendiculariter erecta. Ego constituo centrum motus librae nunc in medio, nunc supra, nunc infra medium scapi secundum longitudinem, hoc est, in centro gravitatis, aut supra, infra vè illud, & phænomenorum eandem reddo rationem quam illi, ac præterea ostendo quomodo, aliquando saltem, maneat libra in secundo Aristotelis casu, dimota ab aequilibrio, & remoto pondere. De primo autem casu à nobis & aliis posito, nihil habet Aristoteles. Non vacat, nec opera pretium est, Aristotelis locum afferre, & examinare. Hoc solum dico, Aristotelem loqui in casu, quando spatium seu ansa librae est supra aut infra libram, citati autem auctores plerique in diagrammatis suis non spatium, sed solum lingulam collocant supra aut infra libram, & centrum motus constituunt in extremitate lingulae, ut dixi.

CAPUT SECUNDUM.

De Statera, ejusque forma, usu, & proprietatibus.

AD parva pondera examinanda, in quibus vel grani differentia observatur, utimur communiter librâ, ad majora verò, in quibus exigua differentia exigui est momenti, staterâ utimur. De hac igitur non nihil agendum.

PROPOSITIO I.

De Statera communi.

*Statera
communis
quid sit.
Vide Fig.
XII Ico-
nif. XIV.*

STatera communis, quâ nunc utimur, est quasi libra inæqualium brachiorum. Ejus forma est, qualem præfens Figura representat. Partes ejus sunt quatuor, AB scapus, seu teres, seu intra, quatuor, & quætorque artifici placuerit, latera efformatus, CD ansa seu spatium, scapum inæqualiter dividens, eique affixum non secus ac in libra; BE harpago, seu uncus, seu etiam lanx; F pondus seu æquipondium, appendiculum vè, scapo appensum, & huc atque illuc mobile, unde & cursor appellatur. Itali Romanum vocant pondus hoc mobile, nescio quâ de causâ; alij sacôma, vel antisacôma. Centrum stateræ est, ubi ansa est, per cujus foramina & centrum stateræ transit axiculus. Immediatè supra centrum, intra ansam, erigi potest perpendiculariter trutina; quamvis id in majoribus stateris fieri non soleat. Scapi longitudo major dividitur in partes varias, æquales minori longitudini; & quælibet illarum subdividitur iterum. De modo faciendi divisiones postea aliquid dicemus.

*Statera
usus.*

Ufus Stateræ frequentissimus est in Sicilia, & rota Italia. Consistit in eo. Unco BE appenditur res cujus pondus inquiritur, aut si ibidem loco unci est lanx, imponitur lanci: deinde pondus F movetur versus ansam, & ab illâ removetur, donec scapus in æquilibrium sit. Numerus sub quo pendet sacôma F, indicat pondus rei unco BE appensæ; quod quidem ad sacôma se habet semper reciproçè seu permutatim, ut distantia à sacomate usque ad ansam, ad distantiam ab unco ad ansam. Ratio desumitur ex dictis lib. 2. Syntagm. 1. & 2. eadem nimirum quæ in vecte, quia statera, cum libra sit inæqualium brachiorum, idem est ac vectis, in qua axis per centrum transiens est hypomochlium. Stateram Germani vocant, ein *Schnellwaag*/Itali *la statera*, Siculi *la sstata*, Galli Ro-
maine, & Crochet, ob uncum appensum. Sacôma F debet esse notæ ac determinatæ gravitatis, v. g. unius libræ. Quod pondus si sub numero 1. facit æquilibrium cum mercibus appensis, pendunt hæc unam libram; si sub numero 2, duas, si sub numero 3, tres; si sub 4. quatuor libras pendunt. Quò autem longius erit majus brachium supra minus, eò majori ponderi in unco appensi æquivalere potest idem sacôma, atq; adeo ad eò majora pondera ponderanda adhiberi potest statera.

Magia Statica.
ANNOTATIO. I.

303

Fabricam perfectissimam Statera docet Stevinus lib. 3. Statica Pro-
posit. 5. Rivius, Joannes Bureo peculiari tractatu, & supra citatus bica.
Casimirus lo. cit. Utilior porro est libra, quam Statera, ad parva pon-
dera, in quibus minima differentia magni est momenti, examinanda; Libra &
Statera
comparatio.
quia vix sperare potest. Statera fabrica adeo sedulum & accuratum arti-
ficis studium, qui longioris brachii divisiones ea diligentia & accuratio-
ne efficiat, ut paucorum granorum infra drachmam differentiam ex-
hibeat. Illud tamen incommodum habet libra praestatera, quod alia atq;
alia nota pondera habere debeamus, ut eorum additione ac detractio-
ne demum exploremus, notamque faciamus ignotam gravitatem; Statera
autem, cum sit libra quaedam infinita brachiorum inequalium (potest
enim brachium longius magis ac magis in infinitum produci, vel bra-
chium brevius magis magisque decurtari) unico pondere plurium cor-
porum inaequales gravitates investigamus.

ANNOTATIO II.

Solent praeterea in statera scapo fieri duae trutinae, una sursum, altera
deorsum tendens; & duo unci, unus similiter sursum, alter deorsum
tendens, & tam latus scapi sursum respiciens, quam latus deorsum ten-
dens dividi solet in certas ac determinatas partes, sed differentes inter
se, uno nimirum latere majores, in altero minores. Et majores quidem
divisiones, cum trutina & uncino suo, serviunt pro majoribus ponderi-
bus explorandis; minores vero pro minoribus.

PROPOSITIO II.

De Statera antiquorum, num ea fuerit diversa
à nostra.

Pro Josephus Blancanus in locis Aristotelis quaest. 20. Mechan. ex-
istimat, stateram antiquorum fuisse longè diversam à nostra, Statera an-
tiquorum quo-
modo
idque putat se colligere ex textu Aristotelis lo. cit. Verba Aristo-
teles, ex interpretatione Nicolai Leonicensi, haec sunt.

Cur Statera, quae carnes ponderantur, parvo appendiculo magna pon-
derat onera, cum alioqui tota, dimidiata existat libra? Ubi enim onus im-
ponitur, solum suspenditur lanx; in altera vero parte sola est statera. An
quia simul libram & veltrem ipsam contingit esse stateram? Aristotelis
locum de
Statera.
Libram
quidem

quidem, ubi spartorum quodcunque sit centrum: in altera enim parte lancem, in altera autem pro lance aequipondii appendiculum habet, quod libra incumbit, cui si quis alteram apponeret lancem, & illi pondus imponeret. Manifestum enim, quod tantumdem trahit ponderis ei, quod in altera jacet lance. Quomodo autem si una libra multa sint librae sic altae in sunt sparta multa in ejusmodi libra: quorum unusquisque, quod intrinsecus est ad appendiculum, statera est dimidium: & omnino istuc libra est, unam quidem habens lancem, in qua pondus appenditur; alteram verò ubi in statera aequipondium. Quamobrem appendiculum ad alteram sui partem est statera. Hujusmodi autem existens multa sunt librae, totque, quot fuerint sparta. Semper autem quod lanci propinquius est spartum, appesoque oneri majus trahit pondus, quoniam sit quidem omnis statera existens, pondus verò, id quod lanci inest, &c.

Vide Fig.
XIII. Ico.
nis. XIV.

Blancani
sententia de
Statera an-
tiquorum.

Ex hoc Aristotelis loco colligit Blancanus. stateram antiquorum de qua Aristoteles loquitur, fuisse hastam oblongam AB, ex cujus altero extremo B penderit appendiculum, ex altero verò lanx, in qua merces ponderandæ ponebantur, æqualis ponderis cum appendiculo; in medio verò paribus intervallis plures fuisse trutinas, & ex singulis modo hac, modo illâ, prout pondus emptoris postulabat, suspensam fuisse, atque interim tantum mercis lanci impositum, donec aequipondio æquaretur: singulas autem trutinas ad aliquod determinatum pondus trutinandum fuisse constitutas, v. g. unam ad sex libras, alteram ad octo &c. singulisque notam fuisse insculptam, ut nosceretur quæ cui ponderi esset destinata. Quod quâ ratione fieri possit, declarat his verbis: Ponamus aequipondium esse 12. librarum; dico, quod trutina C dabit in lance pondus mercis 12 librarum, si ex ea fiat æquilibrium, est enim ut AC ad CB, ita permutatim aequipondium 12 ad mercem: sed AC ipsi CB est æqualis, ergo etiam aequipondium 12 erit mercis æquale, hoc est, utrumque erit 12 librarum. Similiter si fieret æquilibrium ex trutina D, esset ut AD 3, ad DB 9, ita 12. ad 36. Tandem trutina E æquilibrante, esset ut AE 9, ad EB 3, ita 12 ad 4. Si igitur trutina C notetur 12 numero, trutina D numero 36, trutina E numero 4, & idem de cæteris: statim facili erit quodlibet pondus per hujusmodi stateram exhibere: Unde videas, contrario ab illis modo in nostris stateris aequipondium totâ hastam percurrere, in illis vero manente aequipondio trutinâ quodammodo per hastam moveri. Ita Blancanus.

Ali-

Aliquam, fateor, habuit Blancanus occasionem hanc statera antiquorum comminiscendi ex Aristotele, quoniam is multorum spartorum in una statera meminit. Voluit tamen fortassè Aristoteles esse in eadem statera plura sparta eo modo, quo in nostra sunt plerumque duo, unum pro majoribus, alterum pro minoribus divisionibus, atque ideo unum propius, alterum remotius à lance. Fortassis etiam voluit, esse plura solum virtute, nimirum unum quod discurreret per scapum inter lancem & æquipondium fixum. Et in hoc casu non fuisset diversa statera à nostra, quoad rem ipsam, quia perinde est, siue spartum accedat & recedat ab æquipondio, siue æquipondium à sparto.

*Aristotelis
sententia
de eadem.*

Sed quidquid sit de Aristotelis mente, contra Blancanum hæc habeo I. Falsum est, trutinam C dare in lance A pondus mercis duodecim librarum, si ex ea fiat æquilibrium quia, cum æquipondium ponatur duodecim librarum, & lanx æqualis ponderis cum æquipondio; sola lanx faciet æquilibrium cum æquipondio. Falsum etiam est, trutinam D dare pondus mercium 36 librarum, quia lanx cum mercibus dat tunc 36 libras, ideoq; merces sola dabunt solum 24 libras libras. Similiter, & eadem de causâ, falsum est tertium exemplum. II. Statera prout à Blancano fingitur, fuisset magna ex parte inutilis. Nam si æquipondii gravitas æqualis est gravitati nudæ lancis, in nullo sparto inter C & B potest fieri æquilibrium, quia merx lanci imposita unâ cum lance semper constituit majus pondus quàm æquipondium, & præterea ex majori brachio dependet. Melius ergo fuisset, si lanx ad sacoma habuisset minorem aliquam rationem, & non æqualem, ut sic additâ merce potuisset fieri æquilibrium etiam ex spartis inter C & B. III. In hujusmodi Statera non fuisset habita ratio ponderis ipsius scapi, sed solius ponderis lancis & sacomatis, perinde ac si scapus lineæ esset carens omni gravitate; quod omnino falsum est in usu, prout experientia quotidiana docet. Deinde momentû brachiorum semper fuisset mutatum, propter spartorum mutationem; aliud enim momentum habet brachium DB, aliud dCB, aliud EB &c.

*Blancani
error circa
stateram
antiquorum*

Longe ergo commodior est statera nostra, in qua utimur unico sparto manente ad eandem partem & æquipondio jugû percurrente; sic enim momentum brachii longioris idem semper manet.

*Statera
nostra
commodior
est quâ
statera
Bl*

Vide Fig.
XII. Ico-
nif. XIV.

Et si momentum brachii minoris una cum uncino seu lance æquale fuerit momento brachii longioris, tunc fiet exquisitissima statera. Si enim in superiori fig. pondus unci E, cui adnectendæ sunt merces, unà cum momento brachii minoris DB, æqualia fuerint momento brachii longioris AD, ita ut dempto æquipondio F, statera AB, suspensa ex trutina CD, maneat in æquilibrio; tunc exactissimè fieri poterit divisio brachii longioris in partes æquales distantie DB. & istæ iterum in minores particulas subdividi. Assumpto enim F sacomate noti & dati ponderis, v.g. unciarum octo, ex distantia Ds æquiponderabit unciis octo mercis ex E appensæ; æqualia enim pondera ex æqualibus distantiiis æquiponderant, *per Postulatum I. cap. 3. Syntagm. I.* ex alia autem parte supponitur DB æquiponderare brachio AD; æquiponderantibus autem si æquiponderantia addantur, tota erunt æquiponderantia, *per Axioma III. Mechanicum libri 2.* Idem dicendum in quacunque alia remotione sacomatis: Ut enim se habent distantie reciproce sumptæ, ita etiam sacoma ad pondus, *per Proposit. V. capitis 4. Syntagm. I. lib. 2. præcedentis.*

Statera est
multiplex
libra.

Ex quo patet, in statera tot esse libras, quot sunt puncta ad quæ potest constitui æquipondium. Quod si alia æquipondia dupla, tripla, aut in alia qualibet ratione habeas, illa etiam exhibebunt æquilibrio cum duplo, triplo, aut alterius rationis pondere ad pondus, cui æquiponderat in eadem distantia æquipondium F unciarum octo.

CONSECTARIUM.

Libra ox-
alior quàm
statera; ac
hac utilior,
quàm illa.

Libra itaque stateræ comparata videtur minùs exposita deceptioni, propter æqualitatem brachiorum, & lancium, quam artifices facilius assequuntur, quàm proportionem brachiorum stateræ, computatis momentis ipsorum brachiorum. Statera autem utilior est quàm libra, spectatâ ponderum multitudine, quæ unico æquipondio possunt per stateram examinari.

SYNTAGMA TERTIUM.

De variis & occultis ponderandi rationibus, etiam
sine ponderatoriis Instrumentis.

PAucas ex multis ponderandi rationes seu pragmatias rari-
ores & occultiores afferemus; quarum nonnullæ licet
satis sint notæ, quia tamen causa ignoratur, rare meritò & oc-
cultæ appellari debent. Ex allatis porrò exemplis ingeniosus
Lect̃or occasionem sumet plura inveniendi.

PRAGMATIA I.

Magna pondera communi & mediocri Statera examinare.

SÆpe contingit ut ingens pondus, v. g. campana, tormentum
bellicum majus, & similia sint ponderanda, nec tamen apta Sta-
tera adsit, nec alius communiter modus sciatur id præstandi, nisi
ut trabem ex alia trabe suspendamus, & alteri extremo pondus
examinandum alligemus, alteri verò plura minora pondera notæ
gravitatis adnectamus, donec æquilibrium factò, & singulorum mi-
norum gravium ponderibus in unam summam reductis, quæ sita
propositi ponderis gravitas innotescat. Modum hic præscribimus,
quo possimus per communes & mediocres stateras, quibus ad alia
communiter utimur, ingentium gravium pondus cognoscere,
desumptum ex Mechanica manuscripta P. Pauli Calati, insignis
Mathematici, Philosophi, ac Theologi, & dum hæc scribo, in Ro-
mano Collegio Societatis nostræ Theologiæ Professoris.

Detur igitur ingentis ponderis dolium A, cujus gravitas sit exa-
minanda per stateram communem FG. Accipiatur tigillus pon-
deri ferendo proportionatus DE, in cujus extremo D sit uncus,
cui adnectatur dolium A, & assumatur valde parva distantia DL,
sitque L punctum ex quo tigillus suspendatur, ac fiat DL ad LE,
ut v. g. 1. ad 20 alius item tigillus MH sumatur, & in eo prope pun-
ctum M, quod respondeat puncto E prioris tigilli, infigatur axis
in I, circa quem converti possit, sitque MI ad IH, ut 1. ad 10. v. g.
demum stateræ uncus H subiiciatur extremo H tigilli MH, &

Statera
mediocri
ponderare
magna pon-
dera.

Vide Fig.
XIV. Ico-
nismi XIV.

æquipondum à sparto B paulatim removeatur, donec fiat æquilibrium, v.g. in puncto G notâ librarum 12. Dico, dolium ponderare in tali casu libras bis mille quadringentas. Probat. Quia si punctum G deberet moveri deorsum, descenderet duodecuplo velocius, quàm F, hoc est, quàm H ascenderet; H verò decuplo velocius ascenderet, quàm M, hoc est, quàm E descenderet; at E vigecuplo velocius descenderet, quàm D, hoc est, quàm A ascenderet: ergo velocitas motus ipsius G ad motum A esset, ut 2400. ad 1. Cum igitur fiat consistentia, & æquilibrium, necessario erit ut momentum ipsius G ad momentum ipsius A, ita pondus A ad pondus G. Quòd si æquipondum G magis à sparto removeatur jam præponderabit, & attollet magis pondus A, ac proinde jam majus pondus eadem Statera examinari poterit.

ANNOTATIO.

Hæc est praxis. Ingeniosus Staticus eam multis modis facilitare poterit. Equipondum in Statera FG supponitur esse tantum unius libræ. Quòd si majoris ponderis fuerit, quantum pondus examinari hac arte poterit? Procurandum tamen, ut omnia sint proportionata ponderi ferendo. In summa in eunda debet haberi ratio impedimentorum, quæ motum trabium circa axes suos reddunt difficilem; uti & funium alligatorum. Loco axium adhiberi possunt funes ex quibus tigilli suspenduntur. Praxis hæc non est absimilis illi quam attulimus libro superiore de vectibus infractis.

PRAGMATIA II.

Aliter communi Statera examinare magna pondera.

*Aliter idem
efficere.*

ALiter communi statera simplici, sine tigillis adjunctis, uti possumus ad magna pondera examinanda, dummodo jugum Stateræ sit satis forte ad pondus appensum sustinendum, & reliqua sint eidem proportionata. Modus ex eodem P. Paulo Casato hic est.

Vide Fig.
XII. lco.
nis, XIV.

Sit communis Statera suprà posita AB, cujus ansa CD, & æquipondum in extremo A (ubi plus potest quàm in ullo alio loco) possit solum 8. libras sustentare. Sit datum pondus G, & notum sit præter propter quàm multipulum sit respectu totius ponderis ab æqui-

æquipondio in B sustentabilis; quod supposuimus esse 8. librarum. Accipiat pondus aliud, quod ad æquipondium habeat eandem rationem, sed unitate multiplicatam. Ut si notum sit, pondus G datum esse ferè sexduplum ponderis ab æquilibrio sustentabilis, accipiat pondus æquipondii quintuplum, & in extremo A appendatur. deinde æquipondium adducatur ad illud jugi punctum, ubi sit æquilibrium. Nam si ratio ponderis in A ad æquipondium ducatur in numerum librarum à statera examinabilium (ut si in casu posito ducantur 5. per 8. fiunt 40.) & producto addatur numerus librarum quas æquipondium notat, & sint v. g. 7. tota ponderis G gravitas librarum 47. innotescet.

ANNOTATIO.

Ratio hujus Pragmatia est, quia pondus in extremo A potest quiescere plus quàm æquipondium; ac proinde potest 40. æquipondium verò ad notam numeri 7. promotum potest septem libras; ergo simul cum pondere appenso in A potest 47. Quòd si in nullo puncto collocato æquipondio fieret æquilibrium, sed pondus G præponderaret; deberet assumi majus pondus, quod ad æquipondium haberet majorem rationem, quia signum esset etiam pondus G ad pondus à tota Statera sustentabile habere majorem, quàm assumpta fuerat, rationem.

PRAGMATIA III.

Fallacias libræ dolosa, quæ tamen justæ videatur, detegere.

Multis modis contingere potest, ut libra aliqua sit fallax, quæ tamen justissima alioquin appareat, & nullam fraudis suspicionem ingerat: Nam

I. Aristoteles quæst. 1. Mechanica meminit doli quo utebantur vendentes purpuram, & alias res pretiosas, in quibus modica mercis quantitas emptori subtrahita magnum inferebat damnum. Hi enim utebantur libræ quæ non omnino æqualibus constabat brachiis, ita tamen constructa erat, ut hæc inæqualitas non se ingereret oculis. Constat autem ex antè dictis, mercem ex longiori brachio pendentem habere plus momenti ad æquibrandum majus pondus ex minore brachio. Ut autem lateret dolus, scapum seu jugum libræ ex ligno ita construiebant, ut non esset

Libra dolosa quæ modis possit esse. Primum rationis, inæqualitatis brachiorum

secundum gravitatem uniforme, quamvis secundum molem non appareret diversitas, sciebant nimirum, ejusdem ligni partes nodosas, aut radici arboris propiores, utpote densiores, magis ponderare. quàm reliquas partes à radice remotiores, & nodis carentes: ideo partem illam graviorem brachio breviori deputabant, levio- rem verò longiori, ut eâ ratione jugum in æquilibrio maneret, etiamsi ansa non esset in medio. Vel si materia jugi uniformis erat, breviori brachio aliquid plumbi infundebant, ut materiæ gravitate supplente momentum, quod deerat ratione situs, appareret æquilibrium lancium & jugi in nuda & vacua libra.

*Secundo ra-
tione ina-
qualitatis
funiculorū.*

II. Etiam si libra habeat brachia exactissimè æqualia, & trutinam perpendicularem, & lances æqualis gravitatis, & funiculorum pondera æqualia: si habeat tamen funiculum alterum altero longiorem, incumbatque plano horizontali impositis æqualibus ponderibus: non apparebit æquilibrium, si punctum suspensionis fuerit in centro gravitatis, vel infra, sed videbitur præponderare ad illam partem, quæ habuerit breviorẽ funiculum. Ratio est, quia cum libram attollimus, & brevior funiculus jam extensus est, longior adhuc languescit, ac proinde pondus lanci impositum adhuc non resistit sursum trahenti, donec funiculus sit extensus: quare libra ex hac parte ascendit sine resistantia, & ex alia breviorẽ funiculum habente, invenit resistantiam: pars igitur, quæ sine resistantia est, ascendit, reliqua adhuc mœnente; extenso verò utroque funiculo, attollitur utraque lanx, sed quia omnia ex hypothesi sunt æqualia quoad pondus, vel remanent in eodem situ, si centrum gravitatis congruat puncto suspensionis; vel pars inclinata ulterius descendit, si spatium sit infra positum, quia tunc plus quàm dimidia pars jugi est extralinearẽ directionis, ex ea parte qua demissus est brachium. Hinc pondera lancibus imposita, apparent inæqualia, quamvis revera æqualia sint, & sæpe fit ut moneatur aurex tanquam justo leviores reiiciantur, quamvis revera sint justî ponderis, quia libræ quibus earum gravitas examinatur, peccant hac funiculorum inæqualitate, etiamsi libra in aëre suspensa appareat justissima. Quòd si libra hujusmodi haberet spatium supra centrum gravitatis, ab initio imposita pondera non apparent æqualia, quia unum brachium esset demissius altero, sed demum

demum libra se ad æquilibrium restitueret, si verè omnia, quoad pondus, sint æqualia, ut hypothesis vult, quia linea directionis debet totum compositum ex jugo, funiculis, lancibus, & ponderibus, æqualiter quoad gravitatem dividere; quod in jugo non fieret, si unum brachium esset ac maneret demissius altero.

III. Si libra sit exactissimè facta, & omnia planè sint æqualia in pondere, & longitudine, incumbat tamen plano non horizontali; imposita pondera æqualia non constituent æquilibrium, sed videbitur præponderare lanx quæ incumbebat parti depressiori plani. Extentis enim funiculis, æqualibus libræ, jugum est parallelum plano cui incumbunt pondera; & linea directionis, quæ secundum aginæ seu jugi longitudinem cadit ad horizontem perpendicularis, sicut cum subjecto plano, ita cum jugo facit angulos inæquales; trutina autem est ad jugum perpendicularis: cum ergo linea directionis versus partem plani depressiorem, faciat angulum majorem recto, ad illam quoque partem trutinæ inclinatur, igitur sublatâ librâ in altum, vel manebit in eodem situ non æquilibri, vel ulterius ad eandem partem inclinabitur, prout spatium seu punctum suspensionis habuerit in centro gravitatis jugi, vel infra. Quod si illud habuerit supra, constituent se in æquilibrio ipsa pondera æqualia. Ratio eadem est quæ antea, & pendet ex dictis suprâ de triplici specie libræ, & ex Magia Centrobatica.

Tertio ratione plani inclinasi cui incumbunt lances

IV. Alia fallacia fieri potest ope magnetis, si lances libræ sint ferreæ & infra tabulam cui lances incumbunt, abscondatur magnes magnarum virium, eique incumbat lanx cum mercibus: magnes enim vires suas etiam per tabulæ spissitudinem exerens, trahet ad se lancem ferream; unde licet merx fuerit minor quàm pondus oppositum, videbitur tamen illo major, quia lancem suam magis deprimere videbitur, quàm pondus. Si emendæ sint merces, & imponatur lanx cum pondere magneti abscondito, apparebunt merces leviores pondere, etiam si æquales sint, ideoque augendæ erunt ut æquales appareant, & lancem cum pondere elevent.

Quarto, si per magnetem.

Alterius libræ fallacis descriptionem ac delineationem vidi Romæ inter Adversaria P. Athanasii Kircheri. missam ex Germania ab insigni Mathematico, adhuc dum hæc scribo superstitie; sed

Libra fallax alia.

sed non recorder bene artificii: hoc solum scio, quod libra suspendatur infra tabulatum seu tectum alicujus conclavis, & supra tabulatum disponuntur trochleæ, funes verò, ex quibus lances dependent, occultè transeunt per brachia libræ excavata, & per trutinam, pertinguntque usque ad trochleas, quibus implicantur tali pacto, ut licet vacua libra videatur stare perfecte in æquilibrio, imposito tamen uni lancium pondere, alteri æqualis ponderis mercibus, lanx cum pondere minùs deprimatur, quàm lanx cum mercibus, ideoque hæ graviores videantur, ac diminui debeant, ut libra æquilibrium acquirat.

*Librarum
fallacia
quomodo
detegantur.*

Omnes porro hæ fraudes, & si quæ sunt aliæ, deteges factâ ponderum in lancibus permutatione: si enim illud quod prius æquilibre erat in dextera lance, adhuc in sinistra lance positum, servet æquilibrium; signum est libram exactam esse: quòd si contingat, ut ex hac lancium permutatione eadem pondera nunc quidem æqualia, nunc verò inæqualia appareant; manifestum est libram esse dolosam & injustam.

ANNOTATIO.

Ex his patet, non licere brachiorum libra inæqualitatem quoad longitudinem, compensare funiculorum aut lancium inæqualitate quoad gravitatem ad procurandum libræ vacuæ æquilibrium. Posset quidem contingere, brachiorum æqualium secundum longitudinem non esse æqualem gravitatem; & nunc posset lancium inæqualitas quoad gravitatem compensare brachiorum gravitatem, ut fieret æquilibrium; sed melius & securius est, si omnia sint æqualia inter se, brachia brachiis, lances lancibus, funiculi funiculis.

Aliis.

Dolus libræ habentis inæqualia quoad longitudinem brachia, ultra modum jam traditum per ponderum permutationem, deprehendi etiam potest circino, mensurando utriusque brachii distantiam à centro motus libræ. Hujus doli, præter Aristotelem, meminit Leurechon, Schvven-terus, Rivius, Cardanus, Baldus, Monantholius, Harstorfferus, Mer-sennus, & alii multi.

PRAGMATIA IV.

Paucis ponderibus seu sacomatis magna gravitatis corpora ponderare.

Nota

NOta satis est hæc Pragmatica, & multi Auctores ejus meminerunt, ut P. Leurechon, Schvventerus, Ens, Daniel Mogling l. Parte Mechanicæ post Propositionem 13. Rivii, & alii. Fit hoc, eligendo pondera seu sacomata excedentia se mutuo in proportionem dupla, & in proportionem tripla; sed compendiosius per hæc, quàm per illa. Utriusque dabimus exemplum.

*Ponderare
magna p̄-
dora paucis
ponderibus.*

I. Fiant pauca pondera, excedentia se in tripli proportionem, quorum primum sit libræ 1, secundum 3 librarum, tertium 9, quartum 27, quintum 81, sextum 243 &c. poterunt iis ponderari corpora tot librarum, quot unitatum est summa collecta ex additione numerorum qui dicta pondera exprimunt. Sic tribus ponderibus librarum 1, 3, 9, quorum summa est 13, possum ponderare 13 libras; quatuor ponderibus 1, 3, 9, 27, quorum summa est 40, possum ponderare 40 libras; quinque ponderibus 1, 3, 9, 27, 81, quorum summa est 121, ponderare possum 121 libras; sex ponderibus 1, 3, 9, 27, 81, 243, quorum summa est 364, ponderare possum 364 libras. Eadem ratione ulterius progredi possum. Praxis consistit in hoc. Si unam libram mercium volo, impono uni lanci pondus unius libræ, alteri lanci merces; & æquilibrium dat mihi unam libram. Si duas volo libras, impono uni lanci pondus 3 librarum, alteri pondus libræ, & huic addo merces donec æquilibrium fiat. Tres mercis libras dat pondus 3 librarum; quatuor mercis libras, pondus 3 & 1; pro quinque libris impono uni lanci 9, alteri 3 & 1, & hisce addo merces donec æquilibrium fiat. Sic si volo merces librarum 21, impono uni lanci pondera 27 & 3, alteri 9, & huic addo merces donec æquilibrium fiat. Si 20 libras volo, impono uni lanci 27 & 3, alteri 9 & 1, cum mercibus superadditis; & sic de reliquis.

*Praxis p̄-
ma.*

II. Fiant pauca pondera excedentia se mutuo in proportionem dupla, sic: 1. 2. 4. 8. 16. 32. 64. &c. poterit horum tribus, quatuor, quinque &c. ponderare tot libras, quot exprimit summa ponderum addita. Sic quatuor ponderibus ponderabis libras 15, quinque ponderibus libras 31, sex ponderibus libras 63; &c. Praxis non est diversa à præcedente: nam unam & duas libras dabunt pondera 1 & 2, singulatim; tres libras dabunt 1 & 2 simul; quinque libras pondera 1 & 4 &c.

*Secunda
praxis.*

ANNOTATIO.

*Pondera in
dupla pro-
portione se
excedentia,
permiffa in
Verbis.*

Quod diximus de libris, intelligi debet de unciiis, semiunciiis, seu lon-
tonibus, granis, & quibuscunque ponderibus qua in usu sunt.
Simon Jacobus Coburgensis in *Arithmetica* sua aliter progreditur in
ponderibus adsignandis: utrum bene, an malè, non vacat nunc exami-
nare. Qui librum non habet, legat Schvventerum in *Deliciis Mathe-*
mat Part 9. quæst. 11. quiesciam notas, & benè, facilius esse, & magis ad
captum vulgi, habere pondera in dupla solum proportionem se excedentia,
quàm in tripla, quia in prima praxi manent omnia pondera in una lance,
& facillè potest eorum summa iniri; in secunda verò praxi sæpe in utra-
que lance collocantur pondera que debent à se invicem subtrahi, ideoque
facillè in fraudem induci possunt simpliciores & calculandi artis ignari.
Merito ergo pondera per triplam proportionem progredientia sunt in
civitatibus prohibita, pondera verò per duplam progredientia propor-
tionem permiffa.

PRAGMATIA V.

Uno pondere notæ gravitatis idem quod antea peragere.

*Ponderare
magna on-
era uno pon-
dere.*

UNo etiam pondere notæ gravitatis, v.g. unâ librâ (& eadem est
ratio de unciiis, semiunciiis, & aliis notæ gravitatis ponderibus
minoribus aut majoribus) mensurare possumus quotlibet libras,
etiam in infinitum excrecentes; v.g. pondere unius libræ ponde-
rare possum integrum cumulum salis, alteriusvè rei, extrahendo
ex eo quotquot libuerit libras. Nam si unam volo libram, pono in
una lance pondus, in altera sale, donec æquilibrium fiat: si duas
libras, pono in una lance pondus & sale unius libræ, & in altera
lance habebò duas libras salis; si tres libras, pono in una lance pon-
dus & duas libras salis; si quatuor libras, pono pondus & tres li-
bras; si quinque libras, pono pondus & quatuor libras salis; & sic in
infinitum. Si novem libras alis volo, aut decem, pono in una lan-
ce quatuor & quinque libras salis antea inventas aut quinque &
quatuor & unam &c. Res facilis est, nec indiget majori explica-
tione.

ANNOTATIO.

U Sum ponderum pharmacopolarum, ubi quatuordecim parvis ponderibus ab uno grano usque ad 23040. granaponderanda, hoc est, usque ad quatuor libras pharmacopolarum progredi possumus, vide apud Danielem Mogling. 1. Parte Mechanica post Proposit. 13. Rivii, ubi in tabula proponis dictorum ponderum usum, docetque quæ & quot pondera sola in una lance, quæ & quot in altera cum mercibus sint collocanda, proposito quocunque numero granorum, drachmarum, unciarum, librarum, usque ad libras quatuor.

PRAGMATIA VI.

Quanti ponderis sit percussio pugni, mallei, securis, aut alterius cujuslibet rei, explorare librâ.

P Joannes Leurechon Lotharingus, qui auctor est Recreationum Mathematicarum Gallico Idiomate editarum, ut etiam alibi notavi, Problem. 3. & ex ipso Daniel Schrvventerus in Deliciis Mathematicis Par. 9. quæst. 18. Gaspar Ens in Thaumaturgo Mathematico Problem. 3. & alii referunt ex Julio Scaligero, Exercitatione 331. in Cardanum, Mathematicum Maximiliani Imperatoris quodam die proposuisse eandem quæstionem, & promississe solutionem. Apud Scaligerum loc. cit. reperio hæc verba. *Alemini præceptorem meum Joannem Jucundum &c. apud Maximilianum Casarem multa præclaraproficientem. Id inter cætera, quot pondo proportionem haberet pugnus hominis forientis cum seipso non feriente comparatus. Sed & hæc, & alia tunc ille demonstrabat: quæ fortuna sævitia postea interiere.* Hæc tantum Scaliger in hanc rem.

Quæstionem solvit P. Leurechon his verbis. *Prenez une balance & laissez poser le poing, le marteau ou la bache, dessus un plat, ou sur un bras de la balance, & mettez dans l'autre bassin autant de poids, qu'il en faut, pour contrepeser; puis surchargeant sousiours le bassin, & frapant dessus l'autre côté: vous pourrez experimenter combien chascun coup pourra faire lever de poids, & consequemment combien il vaut pesant.* Hæc Gaspar Ens paraphrastice sic interpretatur & explicat *Primo, in balancis cratere uno malleum, aut aliud quidpiam aptum ad impetum efficiendum nasum colloca: & hoc facto, lances in fulcro subterpositos*

quiescentes effice. Secundo, sublato malleo, vel alio, cujus impetum vis ponderare, de sua lance, certus jam esto alteram lancem, etsi quiescat in fulcro, tanto tamen esse altera graviores, quantum est pondus inibi relictum jam malleo sublato, ferito extremum antennæ in ea parte bilancis, ex qua malleus sublatus fuit. Si impetus mallei efficit ut pondus oppositi crateris subsultet, gravior est ictus quam pondus oppositum, itaque ponderi eidem tot pondotam diu adito, donec ponderum auctorum gravitas, mallei vel pugni percutientis (percuSSIONI) adaquetur, hoc est, donec pervenias ad id pondus, quod millei aut pugni percussione attollat: atque sic mallei vel pugni percutientis pondus cognoscas.

ANNOTATIO.

HAc methodo invenitur quidem aliquo modo pondus seu momentū percussione mallei, securis, alteriusvè instrumenti, quia explorari prius potest pondus solius instrumenti, & deinde pondus seu momentum percussione; at nequaquam invenitur pondus seu momentum pugni, aut brachii percutientis, quia horum pondus separatim non potest haberi. Potest tamen haberi differentia inter pugnum simpliciter deprimentem primum, deinde cum impetu & percussione deprimentem lancem vacuum bilanci, cujus lance opposita onerata est. Potest etiam eadem arte explorari differentia virium duorum aut plurium hominum conantium deprimere lancem vacuum, sive simplici conatu, sive adhibita percussione. Dixi, aliquo modo, quia qui percutit, nec semper eodem conatu, nec cum eadem velocitate, nec cum equali elevatione brachii percutit; quæ tamen omnia percussione ab eodem factam valde variant.

PRAGMATIA VII.

Fumus ex quolibet corpore combusto exhalantem ponderare secundum aliquos.

*Ponderare
fumum.*

PROblema hoc proponit paulo antè citatus *Leurechon Problem.* 13. & ex ipso *Schvventurus* loc. cit. quart. 20. & *Gasspar Ens* loco etiam cit. *Problem.* 13. qui distinctius illud in hunc modum solvit. *Cognosce rei ante combustionem pondus, tunc ipsam exure, & cineres post combustionem remanentes lance explora, inventumque in iis pondus ex totius corporis ante combustionem cognito pondere subducas, residuum erit fumi ponderositas. Virbi gratia, sæni pondus 500. librarum fuit;*

fuit. cinerum remanentium post ejus combustionem, 50. tum 50. ex 500. subtrahere, & remanebunt 450. qui est numerus librarum, quem fumo assignabis.

ANNOTATIO.

Non fumi pondus, sed cinerum & rei combustæ differentia quoad *Refillitur.*
gravitatem hac ratione invenitur. Quis credat, fumum ex fano
500. librarum combusto ponderare libras 450. Fumus est quidem corpus,
& gravitatem habet; at rarus est, & calidus, & utroque ex capite levissi-
mus. Sed nunquid tota materia fumi, excepta illa qua sub cinerum forma
latet, est sub forma fumi? Ita sanè, sed alias habet dispositiones quàm an-
tea, ideoque aliam gravitatem ac levitatem, quoniam materia ex se nec
levius est, nec gravior, sed ratione dispositionum seu accidentium. Aliam
praxim ex Cusano offeremus infra Pragmatia 12. in Annotatione.

PRAGMATIA VIII.

Magnetis vim attractivam ad libram expendere.

Multi modum ad id faciendum præscribunt, at primus om-
nium quod sciam (post Nicolaum Cusanum, quem postea
citabo) Joannes Baptista Porta lib. 7. Magiæ Natural. cap. 19. his ver-
bis. *Magnetis frustum in lancem ponimus, in alteram tantundem pon-*
deris alterius rei, ut aequè pendeant lances: mox ferrum supra tabulam
jacens accommodamus, ut magneti in lance appposito hæreat, & secundum
eorum omnia puncta usque perfectissimè cohæreant. In alteram lancem are-
nam paulatim iniicis, idque donec lanx à ferro separetur. Sic arena pon-
dus expendendo, quasitam magneticam vim habebimus. Possumus &
ferrum in lance affixum accommodare ad magnetem in terra jacentem.
Ita Porta & Harstofferus tom. 1. Deliciarum Mathematicar. par. 9.
quæst. 23. Gaspar Ens Problem. 110. & alii.

*Magnetis
vim attra-
ctivam pon-
dere.*

Idem paulo aliter efficere docet P. Athanasius Kircherus lib. 2. *Aliter ex P.*
de Magnete Par. 1. ubi de Statica magnetica proposit. 10. his ver- *Kirchero.*
bis. *Magnetem in lancem alicujus libræ ex ære confectæ disponas, ut*
polus borealis magnetis foramini in medio lancis relicto exactè respon-
deat. Deinde ponatur in alteram lancem tantundem ponderis alterius
rei, ita ut utraq. lanx stet in æquilibrio perfectè. Quo factò, accipe obelum
isobalyceum, quem unâ extremitate filo alligabis alicui in fra lancē tabula,

& in altero extremo obelum opponas polo magnetis, ita ut se mutuo tangant, & in hoc tactu nullam vim à filo, cui ferrum alligatum est, patiantur, neque filum etiam laxum sit, sed extensum sine ulla violentia, quæ omnia te ipsa docebit experientia: si enim plus aquo sensum esses, jam multum ea extensione attractioni decederes; si vero nimis laxum, jam quoque majus vero incrementum susciperes vis attractiva: ita igitur ferro alligatum sis filum, ut nec tensum, nec laxum sis, sed medium teneas. His igitur ita constitutis, in alteram lancem paulatim tantum arenam iniicies, donec ea præponderando ferrum magneti adimat. Quo factò, arenam injectam pondera, & pondus arena vim attractivam magnetis quasitam manifestabis. Non intelligo causam, cur obeli alligati una extremitas magneti applicari debeat ita, ut filum nec nimis sit laxum, nec nimis tensum. Imo puto hoc potius impedire accuratam virtutis attractivæ & integram inventionem: Nam quo perfectius applicatur ferrum magneti, eo perfectius id ad se trahit, & apud se retinere nititur; quo vero imperfectius applicatur, eò trahit ac tenet imperfectius; atque adeo in primo casu integra virtus reperitur per ponderationem, in secundo vero non nisi inadæquata & imperfecta. Itaque melius est, medio judicio, si magnetis polus, magnete lanci perforatæ imposito, contingat immediatè ferrum validum, & quod à magnete non possit elevari, sed tantum magnetem ad se allicere, & allectum retinere queat.

ANNOTATIO.

*Aliter ex
Cusano.*

A *Liter procedi jubet Nicolaus Cusanus Cardinalis in Dialogo de Staticis experimentis, his verbis.* Puto quod virtus magnetis ponderaretur, si posito in libra ferro in una parte, & magnete in alia, usque ad æquilibrium, deinde amoto magnete, tanti ponderis alio gravi in locum ejus posito, magnes supra ferrum teneretur, ita quòd ferrum in bilance eo sursum ad magnetem moveretur; quo moto extra æqualitatem, in alia parte pondus aggravaretur, quo usque ferrum ad æqualitatem rediret, magnete immoto remanente: puto quòd per hoc pondus retrahens virtus magnetis proportionaliter ponderata dici posset. Similiter etiam virtus diamantis venaretur ex hoc, quod magnetem prohibere dicitur
nè

nè ferrum attrahat; aliæ aliorum lapidum virtutes suo modo, atque etiam ex diversitate magnitudinis corporis, cum in majori corpore sit major virtus. Si bilanx una cum ferro, & altera cum arena v.g. stant in æquilibrio, & posito supra bilancem ferro onustam magnese, bilanx una cum ferro attrahitur sursum; utique altera bilanx cum arena descendit. Ut itaque bilances ad æquilibrio redeant, debes descendere ferro onusta, & à magnese descenda, & altera debes ascendere: in bilancem ergo ferro onustam, & detentam à magnese, debes imponi pondus donec abstrahatur à magnese detinente, & descendens redeat ad æquilibrio cum altera. Utique hoc vult dicere Cusanus, alioquin errat. In idem recidis, si magnes applicetur infra lancem ferro onustam (lance prius perforata) ut ea attrahatur à magnete & descendat; altera vero ascendat; & deinde alteri sursum elata tantum ponderis, v.g. arena iniiciatur, donec descendat, & lancem cum ferro à magnese abstrahat: quantum enim eris pondus super additum, tanta erunt vires magnetis.

CONSECTARIUM I.

Quantò plus trahat polus magnetis borealis, quàm Australis, staticè explorare.

DOcet id Kircherus, & sequitur ex dictis. Si enim poli borealis vi uno aut altero ex prædictis modo exploratâ, verso magnete exploretur eisdem etiam modis vis poli australis (qui debiliior est quàm borealis) differentia inter duas arenas, aliavè pondera, quibus utraque virtus explorata fuit, manifestabit differentiam inter utriusque poli virtutem. Debet autem in hac secunda ponderatione non supponi magneti idem ferrum, quod antea suppositum fuerat; quia cum hoc imbiberit virtutem à polo boreali sibi communicatam, non jam trahetur, sed repelletur à polo australi.

Magnetis poli borealis virtutis ab australi discernere pondere.

CONSECTARIUM II.

Quantum magnes vitiatum sit, staticè cognoscere.

Sequitur præterea, quâ ratione deprehēdamus, uter de duobus magnetibus mole æqualibus maiorem habeat vim attractivâ; si ex eadem vena sunt eruti, uter sit vitiatum, seu ratione hetero-

Magnetis vitium perdere explorare.

geneæ.

generæ materiæ admistæ, seu alio ex capite. Et licet hoc etiam fieri possit sine prædicto statico artificio, per solam applicationem ad ferrum æqualis molis attrahendum: non tamen potest fieri, quantum unus præ altero sit vitiat, nisi per explorationem staticam virtutis utriusque.

CONSECTARIUM III.

Magnes armatus quanto plus trahet eodem inermem, explorare staticè.

Magnes armatus quâto plus trahet, ponderis explorare.

Constat ex Magneticis, & dicemus in quarta Parte hujus Operis in Magia Magnetica, magnetem ferro aut chalybe armatum, majores habere vires attractivas, quàm inermem. Quanto ergo majores sint vires illius, quàm hujus, uno ex prædictis modis explorari potest: Nam differentia ponderum quæ utriusque virtutem indicant, dabunt etiam differentiam virtutum.

PRAGMATIA IX.

Libra sphymica celeritatem & tarditatem pulsuum absque errore explorare.

Libra sphymica.

Anterior, Celebris Medicus Parisiensis, in Medicina sua Statica describit instrumentum quoddam, quod ab effectu sphymicum seu sphymaticum appellat, quo certo & infallibiliter pulsuum celeritas & tarditas deprehendi potest, & colligendum naturalis sit, & sanitatis index, necnè, & num, ac quantum in eodem homine, seu sano, seu ægroto, diversis temporibus varietur. Idem Instrumentum describit, ejusque usum explicat, atq; demonstrat mathematicè, doctissimus vir *Marcus Marci*, Medicus Pragensis in Bohemia, libro què de proportionibus motus, seu Regulam sphymicam intitulat, Proposit. 41. his verbis. *Regula hæc nullo apparatu, sed hac arte simplici confit, sive ex ligno sive ex qualibet alia materia. Hjus longitudo AB unius cubiti, aut ad placitum, quo enim major, eo plures differentias tarditatis indicabit: nam ad velocitatem summam indicandam qualibet magnitudo sufficit. Latitudo vero, quæ chordam seu filum capit cum numerorum notis eidem adscriptis. Filum porro eo modo, quo fidibus aptatur, parte superiore trochlea versatili convolutum, parte vero inferiore foramine transmissum, globulum habens*

Ejus constructio.

Vide Fig. I. lco. mif. XV.

Fig: 1.




Fig: III.



Fig: II



Fig: IV



Fig:

V.





Fig:



VI.

R

Fig: 3

VII.




Fig: VIII.





Fig: IX.





habens dependentem, quiescentem rectitudinem præstat & pondus. Tota longitudo regula, qua continetur inter foramen & trochleam, æqualiter secetur in partes quoscunque, v. g. sexaginta aut centum, quas trochlea laxata nodulus Q, globulo interea descendente, percurrit, suoque contactu quot ejusmodi segmenta contineat longitudo ejusdem fili cum suo globulo à foramine penduli, ostendit. Cum ergo per dictum instrumentum pulsus celeritatem indagare voles, Trochleam versando filum eousque laxa, dum globulus in E v. g. aut in G descendat: quem ex G, in quo naturaliter à motu quiescit, in I, vel O dimotum inde recurrere sinas: interea, dum globulus per arcum CD ultra citraque G excurrit, pluresque recursus facit, agitationem quidem arteria manu, motum vero perpendiculi visu explora, atque unum alteri compara. Quod si tardior arteria motus; perpendiculum Trochlea laxata producas; si celerior, contrahas. Equato demum utriusque motu, quanam sit celeritatis ratio, ex numerorum divisione, quem modulus cum filo depressus indicabit, facile cognoscet. Quin & quamlibet mutationem ad singula momenta ex collatione ad hujusmodi numeros facta conicies. Ubi ergo mensuram pulsus quam maxime naturalis hac via deprehendes, divisionis intervallum, quod modulus indicabit, diligenter nota; ad cuius motum reliquos pulsus comparando, illorum excessus & defectus facile obtinebis. Ostendit deinde mathematicæ, ex antea demonstratis à se, hujusmodi Regulam metiri celeritatem & tarditatem pulsum absque errore. Demonstrationem lege apud ipsum, quæ clara est, posito quod ejusdem perpendiculi cursus ac recursus omnes, etiam inæquales quoad spatium, sunt æquidistantes, seu æquales quoad durationem. Qua de re alibi.

ANNOTATIO I.

Vir doctissimus Nicolaus Cusanus Cardinalis, in eruditissimo Dialogo de staticis experimentis, diu ante præfatos Auctores, alius ^{Pulsus p. d. d. d. d.} modum præscripsit, ex pondere pulsum, sanguinis, urinae, respirationis, de stitu sanorum & aegrotantium dijudicandi. Nonne putas, inquit si aquam ex stricto faramine clepsydræ fluere in pelvim permitteres, quousque sani adolescentis pulsum centies sentires, & similiter ageres in adolescente infirmo, inter aquas illas ponderis

cadere differentias? Quis dubitat? ex pondere igitur aquarum ad diversitatem pulsum in juvene, senē, sano & infirmo perveniretur, & ita morbi veriore notitiā, cum aliud pondus in una infirmitate, aliud in alia, necessario eveniret. Unde perfectius fieret indicium ex experientiali pulsum tali differentiā & pondere urinæ, quā tactu venæ, & colore urinæ tantum. Adhuc si spiritum seu anhelitum per inspirationem & expirationem jam dictā ponderum aquæ habitudine attingeret, nonne adhuc præcisius indicium faceret? fateor certè. Si enim fluente aquā ex clepsydra centum numeraret expirationes in puero, & similiter in senē; non est possibile, aquas ejusdem ponderis evenire. Sic dico in aliis diversis ætatibus & complexionibus. Unde quando Medico constaret pondus expirationis sani, aut pueri, aut adolescentis & similiter ægrotantis variā infirmitate; indubiè tali experimento ad notitiā sanitatis & casus ab ipsa, atq; ad dosim remedium certius perveniret. Imo etiam ad conjecturas periodi. Si enim reperiret in sano adolescente pondus senis & decrepiti, coniceret illum certius moriturum, & tales faceret admirabiles conjecturas. Adhuc si in febribus per similem modum paroxysmos calidos & frigidos, per ponderum aquæ differentiam annotaret; nonne morbi efficaciam, ac remedii opportunitatem verius attingere posset? Indubiè posset: experiretur enim victoriam unius qualitatis supra aliam, caloris super frigus, aut è converso, & secundum repertam habitudinem medelas applicaret. *Hæc, & multa alia Cusanus; quæ tamen omnia facilius & rectius per dictum sphymicum instrumentum deprehendi possunt.*

ANNOTATIO II.

*Anhelitum
ponderare.*

AD praxin, anhelitum per pondera deprehendendi, præscriptam à Cusano quod attinet, non est illa contemnenda. Aliam, sed meo iudicio prorsus ineptam præscribit Sanctorius citato suo libro. Iubet enim accipere speculum, & ponderari; ac deinde ante os & nares teneri, ad halitum excipiendum; demum colligi guttas aquæ speculo post balitum exceptum adherentes, & similiter ponderari, uti & deinde speculum, cui adhuc aliquid de halitu adhæret. Sed quid post hæc omnia sedulus Statiscus sciet? quantum ponderet speculum, & quantum gutta ex aere partim

expirato, partim abexpirato ad speculum propulso; de halitu autem nihil. Deinde quando instituenda est hac operatio? hyeme, an aestate? in hypocausto calido, an extra? Equè ridicula sunt que docet idem Auctor de modo ponderandi quantitatem evaporationis è corpore humano.

PRAGMATIA X.

Aëris gravitatem librâ aut statera expendere.

Aërem esse simpliciter gravem, & tantum secundum quid levem scilicet respectu corporis levioris suprate, sive id æthera *Aër gravis est.* appellare lubet, sive putatum ignem, sive materiam cœlestem; vix est jam qui dubitet, propter varias & frequentes experientias accuratissime in hunc finem factas, ut aëris gravitas deprehenderetur. Quod adeo verum est, ut *P. Franciscus Mendoza* in Viridario suo Problema proponere audeat, num navigari in aëre queat; quod sequenti libro solvemus. Varii porto sunt modi, pondus aëris librâ, aut staterâ, aut aliis ponderatoriis Instrumentis explorandi. Aliquos retulimus in Mechanica nostra Hydraulico pneumatica Parte I. Protheoria 4. Cap. 6. **Proposit. I.** Nempe I. si vesica bovina prius flaccida, deinde bene inflata, ponderetur librâ. *P. Joannes Baptista Ricciolus* reperit differentiam duorum granorum inter eandem vesicam flaccidam & inflatam. II. Si ponderetur *Æolopila* primum aëre in statu suo naturali plena, & deinde calefacta & aëre rarissimo plena. *Marinus Mercennus* reperit inter utramque *Æolopilam* quatuor granorum differentiam. III. Si *Sclopetum* pneumatica, aliaque similia Instrumenta, primum aëre non constipato, deinde constipato plena ponderentur, utriusque similis differentia inter utraque reperietur. IV. *Galilæus Galilæi* usurpavit hunc modum in examinanda aeris gravitate. *Accepi, inquit, lagenam vitream satis amplam, cui os obduravi diligenter, præterquam quod inserui digitale coriaceum, cui juncta erat strictissime utris lusorii avimula; qua deinde, instrumento ad id apto maximam aeris quantitatem intrusi; & quia facile condensatur, due aut tres aeris lagena intrudentur præter eum aerem, quo primum plena erat.* V. *Joannes Chrysostomus Magnenus* in Democrito suo hanc præscribit artem. *Præparetur lagena vitrea cum avimula*

utris, & violenter intrudatur aqua absque aeris exitu, qui, ut irrumpens aqua locum det, necessario debet comprimi; & sanè poteris etiam plus dimidium aqua insufflari in lagenam. Quòd autem major sit aeris quantitas, quàm ut liberè medium lagena occupet, probatur, quia si exactè ponderetur cum arena granulis, servior erit, cum locus datus est aeri, quàm dum compressus erat ille aer. Eadem experientia fieri potest fonte illo Hydraulico-pneumatico, quem describinus loco citato parte 2. Classe I. cap. 2. Machina 8. & in Annotationibus ad eandem Machinam. VI. Alium modum ponderandi aërem vide apud Harstorfferum tom. 1. Deliciarum Mathemat. Par. 9. quæst. 14.

Sed omnibus hisce praxibus aëris gravitatem pondere deprehendendi, nulla est certior, & luculentior, adde etiam & ingeniosior, quàm illa quam fusè descripsimus in fine Mechanicæ nostræ citatæ in Experimento novo Magdeburgico, excogitata à Viro Amplissimo Ottone Gericke, Magdeburgensis Urbis Consule, & fautore meo singulari. In aliis enim omnibus ponderatur aer non in suo statu naturali, sed violento constitutus, nimirum aut vehementer compressus, aut vehementer rarefactus; in hoc verò aer in statu suo naturali constitutus ad libram examinatur. Lege quæ ibi diximus.

PRAGMATIA XI.

Aliter aërem ponderare, ex Cusano.

*Aërem ali-
ter pondo-
rare.*

Nicolaus Cusanus in citato paulo antè Dialogo, de Staticis Experimentis, ait: Si quis in libra magna, parte una appenderet multam lanam, & siccam, atque adunatam, & alia parte lapides usque ad æquilibrium in loco & aëre temperato; experiretur aëre ad humiditatem declinante pondus lana crescere, & aëre ad siccitatem tendente decrescere. Unde hie tali differentia aërem ponderaret atque verisimiles conjecturas de temporum mutatione faceret. Alias praxes paulo post subjungens, ait. Nonne si quis ex alta turri lapidem cadere sineret, fluente ex stricto foramine aqua in pelvim, aquam interim effluxam ponderando; & similiter ligno equalis magnitudinû cadente idem feceris, ex diversitate ponderum aqua ligni & lapidis, posset ad aëris pondus devenire? Respondet: Si quis in diversis aequalibus turribus & diversis temporibus hoc faceret, posset tandem ad conjecturam persingere.

Citus

Citius tamen ad aëris pondus pertingeres per figurarum varietatem in aequalitate gravitatis, ut si libram plumbi in figura sphaerica de turricadere sineres, aquam ex clepsydra colligendo, & deinde libram similis plumbo in figura lata emitterem similiter aquam colligendo; ex diversitate ponderum aquarum pondus aëris attingeretur. Experimur enim, aves extensis alis fixius manere, quia plus de aëre occupant, sicut & in aqua citius descendit grave compactum in sphaeram, quam in quadrum extensum.

ANNO TATIO.

TRes praxes praescribit his verbis Cusanus. Prima deprehenditur quidem aerem nunc graviores, nunc leviores esse, at nescitur quantum certa ac determinata aeris quantitas seu moles ponderet. Idem iudicium est de secunda praxi, qua immediate quidem diversis temporibus venit in cognitionem majoris aut minoris densitatis ac levitatis aeris, mediate verò in cognitionem majoris aut minoris ponderis, quoniam aer densior plus, rarior minus ponderat: at non scitur quantam tanta aut tanta aeris moles gravitatem habeat.

Ex tertia praxi quomodo aeris pondus colligatur, non video. Verum tamen est, Cusanum his praxibus suis nihil aliud velle, nisi diversorum locorum aut temporum aeris pondus, & consequenter densitatem aut raritatem deprehendere per ponderationem.

PRAGMATIA XII.

Adhuc aliter aërem ponderare, ex Cusano.

Pergit Cusanus loco cit. & sequentem aëris ponderandi praxin adsignat. Et forsè adhuc videtur facilius posse ponderari aer, ut si implerentur aequales folles aequaliter in diversis temporibus & locis: ex motu enim illorum aequalium follium per aquam altitudinem stillata aqua per clepsydram tempore motus, & ea ponderata, ex proportionem ponderis aquae ad aquam variorum locorum aut temporum, id agnoscere posses facile: secundum enim proportionem excessus ponderosioris aquae, esset excessus levitatis aeris illius folliis super aeris aqua minus ponderantis levitatem. Imò ponderata clepsydra, in ventoque pondere ejus unius libra, qua aere plena, obdurato cera superiore foramine, in fundo aqua sit detenta, si pondus librae fractis superpositum clepsydram

Aërem adhuc aliter ponderare.

*⁹*n fundo detinet, præcisè aër clausus bilibralis est levitatis. Sic potes scire aëris ad aërem, in diversis locis, temporibus, & regionibus, satis propinquè levitatum proportionem.

Quod hic ultimo loco dicit Cusanus, si pondus libræ præcisè superpositum clepsydræ in fundo detinet, præcisè aërem clausum bilibralis esse levitatis, omnino falsum est: solum enim colligitur, juxta dicenda libro sequente de Magia Hydro statica, totum compositum ex clepsydra aëre plena, & pondere libræ superposito, gravius esse, quàm aqua æqualis molis.

ANNOTATIO I.

Fumum ponderare.

*Fumum
ponderare.*

Simili ingenio putat Cusanus ponderari posse fumum per follem, si nimirum intra fumum compresso folle aërem expellamus, & aperiendo follem fumo repleamus, & ex eadem altitudine demittamus follem cum fumo, & follem cum aëre, & interim permittamus fluere clepsydræ, ac deinde aquam utriusque casu separatim durante ponderemus.

ANNOTATIO II.

Ignem ponderare.

*Ignem
ponderare.*

Posses & ex motu fumi, pergit Cusanus, stillatis aqueis clepsydræ guttis, ex motu ignis sursum, stillatis itidem aquæ clepsydræ guttis, levitatem ignis super fumum & aërem conjectare. *Que ideo hic adduco, ut curioso Lectori occasionem dem meliores praxes ad similia facienda excogitandi. Hoc tamen universaliter notandum, instrumentum sphymicum, quod supra ex Marco Marci descripsimus, & accuratè etiam describitur à P. Joanne Baptista Ricciolo in Alma-gesto suo Novo, & ab aliis multis, qui perpendiculum aut pondulum illud appellant, longè aptius esse ad similes experientias faciendas, quàm clepsydræ aquaticæ, aut arenariæ. Res experientia constat. Multa alia experimenta statica adducit Cusanus citato supra Dialogo, quæ vide apud ipsum.*

PRAGMATIA XIII.

Sine statico Instrumento deprehendere, quot salis uncias aut semiuncias contineat quavis aqua falsa.

PRaxin docet *Daniel Schvventerus* in Deliciis Mathematicis Salis quantitatem in aquis falsis reperire.
 Par. 9. quæst. 30. Ex ligno duro & ponderoso fiat bacillus teres mediocris crassitie, longitudinis verò pedalis aut bipedalis circiter, sitque versus unam extremitatem crassior quàm versus alteram. Fundo seu basi partis crassioris nonnihil excavatæ infundatur parum plumbi, ut dum aquæ immittitur bacillus, perpendiculariter erectus hæreat, & non procumbat in latus. Accipitur deinde vas aquâ plenum, eique iniicitur salis semiuncia; & dum liquefactus omnino est sal, & toti aquæ perfectè commixtus; bacillus erectus immittitur intra aquam, & notatur quòusque mergatur, & mersionis terminus notatur lineâ per bacilli circuitum factâ, & adscribitur numerus 1. Iniicitur deinde eidem aquæ alia salis semiuncia, & dum perfectè ut antea liquefactus est sal, immittitur iterum bacillus perpendiculariter erectus. Et quia aqua jam gravior est quàm antea, minus profundè quàm antea subsidit bacillus. Notatur igitur circulari lineâ, ut antea, terminus immersionis, & adscribitur numerus 2. Eodem modo successivè iniicitur intra eandem aquam tertia, quarta, quinta, & quotquot libuerit semiuncie salis, bacillusque immergitur, & lineis ac numeris notatur ut antea. Et quia aqua ex majori salis copia injecta semper fit gravior, semper minus & minus descendit bacillus. Oblatâ jam quacunque aquâ falsâ, si experiri lubet quot salis uncias aut semiuncias contineat, immittitur bacillus, præparatus perpendiculariter erectus; qui descensu suo usque ad certum circulum, & numerum adscriptum, momento temporis indicat quantum sit falsa aqua. Eodem ergo Instrumento deprehendi potest, quæ aqua magis, quæ minus sit falsa. Accuratiorem descriptionem ex Cæbeo dabo libro sequenti de Hydrostatica Magia, ad quam propriè spectat.

Partis III. Lib. IV.
PRAGMATIA XIV.

*Ponderatione eligere arcam auro refertam, relictâ caque
plumbo, vel alio metallo plena est, tametsi utraq; ejusdem sit
forma, magnitudinis, ac ponderis.*

P Joannes Leurechon, de quo suprà Pragm. VI. Libro ibi citato
Problem. 44. & ex ipso Daniel Schvventerus in Deliciis Ma-
themat. Par. 9. quæst. 22. & Gaspar Ens in Thaumaturgo Mathem.
Problem. 47. solvere nituntur Problema. At quoniam Ens vertit
illud ex Gallico solum paraphrasticè, & non omnino ad mentem
Auctoris; placet ipsa Gallica verba adducere, & de verbo ad
verbum interpretari, ut Lector sincerius judicium de mente Au-
ctoris formare queat. Omissis itaque præambulis, hæc habet Leu-
rechon.

*Arcam au-
ri præ arca
plumbipõ
dura eligere.
Vide Fig.
II. Ico-
nif. XV.*

L'experience, & la raison nous monstre, que deux corps metalliques
de mesme forme, & egale pesanteur, ne sont pas d'egale grandeur;
& que l'or, estans le plus pesant de tous les metaux, occupe moins de
place; d'où il s'ensuyt, que mesme pesanteur de plomb occupe plus de
lieu. Soit donc que qu'on presente deux globes, ou coffres de bois, ou au-
tre matiere semblable, & egaux, dans l'un desquels, & au milieu il y
ait un autre globe, ou corps de plon, pesant 12 liures (comme) & au mi-
lieu de l'autre un globe, ou semblable corps d'or, pesant 12 liures (com-
me B,) le tout fait en sorte, que la boete, & le contenu d'un costé, soit
egal, & de mesme pesanteur à la boete, & contenu de l'autre. Pour sçavoir
auquel des deux est l'or, prenez un instrument en forme de compas cro-
chu, & pincez avec les pointes d'iceluy une partie du coffre, comme
vous voyez en D: puis fichez dans le mesme coffre, au milieu des deux
pointes du compas, une aiguille, ou autre chose semblable de cer-
taine grandeur, comme EK; au bout de laquelle mettez un poids G, tel-
lement, qu'il soit en equilibrio, & qu'il contre-balance, en forme de pezon
le premier coffre suspendu en l'air sur les pointes du compas. Faites tout le
mesme en l'autre coffre. Or tandis que le compas ne comprend rien des
metaux enfermez, vous verrez, qu'il ne se trouvera aucune difference
entre les distances du poids, suspendu à l'aiguille de l'un & d'un coffre. Mais
advanceant le compas, & prenant plus avant avec les pointes, il se pour-
ra faire, que vous compreniez aussi partie du metal, enfermé, ou bien
le

le poinctes seront, instement sur l'extremitee del'or, comme par exemple en D; & posons que le poids G soit en equilibrium avec tout le reste: il est certain qu'en l'autre coffre, où & sera le plomb, les poinctes estant de mesme ouverture, & autant avancées, comme au poinct F; comprendront une partie du plomb, à cause qu'il occupe plus grande place que l'or, & celle partie de plomb entre F & N, aydera au poids H, & diminuera de l'autre costé C; qui sera cause, que pour rendre H en equilibrium C, la distance NI ne sera si grande que EK, parce qu'en ces deux balances, le poids B, qui est tout l'or, est plus pesant d'un costé du centre, & des poinctes qui supportent la balance, que le poids C, qui n'est qu'une partie du plomb. Pourtant il faudra que le contrepoids G soit le plus reculé d'autre costé que le contre poids H. Et par cette pratique nous concluons, que là, où sera la plus petite distance entre le contre-poids & le coffre, là dedans sera le plomb, & en l'autre l'or.

Hæc ad verbum vere ita verto, interserendo nonnulla explanationis gratia diverso charactere. *Experientia, & ratio ostendit nobis, quod duo corpora metallica ejusdem formæ, & æqualis ponderis, non sint æqualis magnitudinis; & quod aurum, utpote gravissimum omnium metallorū, occupet minus loci, unde sequitur quod æquale pondus plumbi plus loci occupet. Offerantur ergo duo globi concavi, aut cistæ ex ligno, aut alterius similis materia, & inter se æquales, intra quarum unam, & quidem in medio, sit alius globus, aut corpus plumbeum librarum 12. (velut C;) & in medio alterius sit globus aut simile priori corpus aureum librarum etiam 12 (velut B) omniaque sint ita facta, ut cistæ, & contentum intra cistam, sint ab uno latere æqualia; & ejusdem ponderis cum cistæ & contento alterius, hoc est, ut cistæ cum eo quod intus est medietas anterior, superior, dextera, sit æqualis medietati posteriori, inferiori, sinistra. Verbo, centrum gravitatis totius compositi ex cistis & globis inclusis, sit in medio cistarum. Ad cognoscendum igitur, intra quam duarum sit aurum, accipe instrumentum formatum ad instar circini introsum incurvati (tastatorem vulgo appellant) & punctis ejus extremis arripe partem cistæ, prout vides in T. Deinde insige eidem cistæ, medio loco inter binos circini puncta, acum, aliudve simile quid certæ ac determinatæ magnitudinis, ut EK, cujus extremitati appende pondus G, ita ut sit in æqui-*

Vide Fig.
II. Iconic.
XV.

librio, & æquiponderet, ad instar libræ, priori cista suspensa libere in aere punctis circini. Idem prorsus efficies circa alteram cistam. Jam quamdiu circinus nihil metalli inclusi comprehendit, videbis nullam inveniri differentiam inter distantias ponderis suspensi ex acutiusculis cistæ, quia utrumque pendet ab extremis punctis acuum aut stylorum *EK* & *NI*, & neutrum facit æquilibrium cum cistâ sua. At promovendo circinum magis versus puncta *B* & *C*, & apprehendendo cistas ulterius & magis versus medium earum cum circini punctis, poterit contingere ut comprehendas etiam partem metalli inclusi, aut ut puncta circini sint exactissime supra extremitatem auri, ut v.g. in *D*, & ponamus quod tunc pondus *G* sit in æquilibrio cum reliquo cistæ & auri inclusi; certum est, quod in altera cistâ, ubi erit plumbum, puncta circini æqualiter apersa, & tantundem promota versus cistæ medium, ut v.g. ad punctum *F*, comprehendent partem plumbi, cò quod hoc occupet majorem locum quàm aurum; & hac pars plumbi inter *F* & *N*, comprehensi augetur pondus *H*, addendo ipsi majus momentum, & diminuet alterius lateris *C* ponderitatem: quod causa erit, ut ad constituendum *H* pondus in æquilibrio cum *C* parte cistæ & metalli inclusi, distantia *NI* non sit tanta, quanta est distantia *EK*. Ideo in his duobus bilanciis, seu ponderationibus, pars seu pondus *B*, quod totum est aurum, gravius est à parte centri, & punctorum quæ sustinent balancem (quia intra illam partem *B*, à punctis suspensionis ad finem cistæ, reperitur centrum gravitatis auri) quàm pars seu pondus *C*, quod non est nisi una pars plumbi: propterea necesse erit ut sacoma seu contrapondus *G* sit magis remotum ab altero latere cistæ quàm sacoma seu contrapondus *H*. Et per hanc praxin concludimus, quod ibi seu in illa cistâ, ubi erit minor distantia inter sacoma & cistam, sit plumbum, & in altera aurum.

ANNOTATIONES.

Cista circino inorsum incurvato suspensa, debent habere libere, ut sacomata *G* & *H* ex acubus seu stylis suspensa, possint efficere cum reliquo pondere æquilibrium: punctis itaque circini ab utroque cistarum latere respondere debent cavitates quadam, intra quas huc atque illuc discurrere possint dicta puncta, donec desideratum æquilibrium inveniantur.

Melius meo iudicio, & facilius esset, si statim à principio cistis inclinatis metalla intus latentia ad unum latus devolverentur, ubi B & C v. g. & appositis lateribus insisterentur styli EK, & NI, appen- Aliter & facilius idem facere.
dere ab extremitate unius, v. g. ab extremitate K pondere G, circino apprehenderetur & elevaretur cista, tam diuque huc atque illuc versus alterutrum latus promoveretur, donec haberetur aequilibrium ponderis G cum cista; & deinde in aequali distantia inter duo latera alterius ciste applicaretur iterum circinus, & pondus H è stylo NI dependens tam diu huc atque illuc moveretur, donec similiter reperiretur aequilibrium. Tunc enim certum esset, aurum esse in illa cista, à qua magis remotum esset pondus in suo stylo.

Ratio explicata hactenus Pragmatica est, quia compositum ex cista, metallo incluso, stylo infixio, & appenso pondere, non potest habere aequilibrium à circino (posito quod circa curva circini crurata tanquam circa cardines hinc & inde infixos moveri libere possit) nisi puncta suspensionis in utroque latere inventa, & centrum gravitatis totius compositi, sint in eadem linea directionis tendente ad centrum mundi, ita ut si secundum illam lineam secaretur totum illud compositum, secaretur per centrum gravitatis ipsius. Quoniam igitur circinus in utraque cista dividit totum illud compositum in duas medietates aequaliter graves, & medietas illa, in qua pondus G è stylo EK appensum, est magis remotum à centro gravitatis, habet majus momentum ratione situs, quam medietas in qua pondus H è stylo NI appensum, est minus remotum; sequitur etiam alteram medietatem versus B habere majus momentum ratione gravitatis, quam medietas versus C; ac proinde cum cistarum medietates aequaliter ponderent, ut supponitur, infertur necessario majus pondus metalli esse intra medietatem B, quam intra medietatem C, atque adeo in medietate B vel esse totum metallum, & in medietate C solum partem; vel in medietate B esse majorem partem quam in medietate C. Si ergo in medietate B est plus metalli quam in medietate C, minus spatium occupat seu replet illud in tota cista, quam hoc; aurum ergo illud est, hoc plumbum.

Sch vventerius in sua interpretatione ostendit se intellexisse Problema propositum, Gaspar E. in sua paraphrastica interpretatione id non ostendit, meo saltem iudicio.

PRAGMATIA XV.

Vide Fig.
III. Ico-
nismi XV.

Duorum globorum ponderis aequalis, & metalli diversi (ut cupri & auri) positorum in oblonga pixide RG, ex puncto E suspensa, & per pondus H in aequilibrio constituta, uter examini DE propior sit, staticè explorare.

*Alia similis
pragmatia.*

PROblema hoc proponit idem P. Leurechon, & ex ipso Gaspar Ens, & bene; ideoque hujus solùm verba latina afferò. Sic ergo cum Leurechon solvit quæstionem Ens. *Duo isti globi in pixide conclusi, ad eam solummodò pixidis partem volvendi sunt, in qua pondus H appensum est, & pondus ad aliam partem, ubi prius erant globi, transferendum; eruntque globi in K, & pondus in N. Tunc si aureus globus, qui minor est, prius examini DE propior fuit, loco mutato longius distabit, ut videre est: atque propterea centrum gravitatis utriusque globi simul sumpti, magis à dicto examine, quàm prius elongabitur. Examine ergo semper medium tenente, pondus N augendum foret si aequilibrium conservandum. Unde colligitur, si in hac mutatione locorum pondus levius est, aureum globum nunc ab examine longius distare, priusque ad examen propius accessisse. Si verò per mutationem locorum pondus fieret gravius, contrarium evenire judicandum est.*

ANNOTATIO I.

HÆc praxis, in rigore Mathematico vera est, quia verum est quòd mutato loco globorum & aequipondii, & manente eodem examine DE, mutetur aequilibrium ideo, quia centrum gravitatis compositi ex duobus globis tantum, est nunc propius examini, nunc remotius ab illo. Quia igitur in presenti casu pixis cum examine habet rationem libræ aequalium brachiorum, ut supponitur, & ex una parte globi semel hinc, semel inde è brachiis suspensi (vel, quod perinde est, brachiis impositi) gravitant præcipue supra gravitatis suæ centrum, & secundum lineam è centro illo ad centrum terræ ductam tendunt deorsum, per Postulatum 14 cap. 3. Syntagm. 1. Lib. 2. præcedentis; ex altera verò parte eò magis gravitas idem grave, quò magis centrum gravitatis ipsius remotum est ab ansa libræ; sequitur Propositum.

ANNOTATIO II.

Questio hæc, ejusque solutio, visa est obscura Schruventero, ideoque ipse
alium excogitat casum, ac resolvit bene, ut sequitur.

PRAGMATIA XVI.

*Si duo globi, æqualis ponderis, sed diversa molis, ut ex auro
unus, alter ex cupro, intra duas similes & omnino quoad magnitudinem
& gravitatem æquales cistulas absconditi essent,
staticè explorare in quâ aureus globus
lateat.*

Pixides sint A B C D, & L H I G, in quarum prima sit globus cupreus P major, in secunda aureus S minor, quoad molem. Vide Fig. IX. Iconis XV.
Quæ ratur in utraque punctum medium E & M: infigantur clavi aut annuli; & suspendantur tuniculis E F, & M Q, promoveantur globi ad latera B C, & N I, quæ quia deorsum propendebant propter globorum pondus, suspendantur ex alteris lateribus ponderis L & K, donec cistulæ in æquilibrio sint, & bates D C, & G I, habeant horizonti parallelas. Dico, in illa cistula esse globum aureum, ex qua pender majus pondus æquilibrium causans, ut si pondus K majus est quàm pondus L, erit globus aureus in cistula L I. Ratio eadem est quæ antea. Nam quia globus cupreus P major est quàm globus aureus S, erit centrum gravitatis globi cuprei P propius ansæ E F, nempe in linea P N, centrum vero gravitatis globi aurei S remotius erit ab ansa M Q, nempe in linea S O: majus ergo momentum habet aureus globus quam cupreus, propter majorem ab ansa distantiam illius quàm hujus. Quoniam igitur pondus K majus est pondere L; erit etiam globus prope H I gravior globo prope B C; non ratione gravitatis absolutæ, secundum quam æquales esse ponuntur; sed ratione situs, hoc est, ratione distantie à linea suspensionis seu ab ansa. Tantum de Statica Magia, Nunc ad Hydrostaticam,



LIBER QUINTUS.

DE MAGIA HYDROSTATICA,

Sive

De mirabilibus phænomenis atque affectibus co-
rum, quæ librantur, veluntur, merguntur
in aquis.

PROOEMIUM.

*Hydrosta-
tica Magia
quid sit.*

ARstam liquida librandi, quam solida in liquido pon-
derandi, communinomine *Hydrostatica* appellatur,
Speciem loco generis sumendo, & aquæ vocabulo
quævis intelligendo liquida. Partes habet præcipuè duas;
quarum unam, quæ de gravibus aquæ innatantibus agit,
Barocolymbiam; alteram, quæ de iisdem in aqua merfis
tractat, *Barodysiam* vocant earum rerum Scriptores. Utra-
que sua habet elementa seu principia propria, de quibus ipse
etiam tractat *Archimedes* eo in libro, qui *περὶ τῶν ὀρυκτῶν*, hoc
est, de Insidentibus in humido inscribitur. Utraque innatan-
tium ac merforum causas, effectus, mensuram, aliaque phæ-
nomena considerat. Nos solum rariora quedam, & quæ
præxi potius concernunt, quàm theoriam, in medium hoc
loco proferemus. Quare meritò *Hydrostaticæ Magiæ* titu-
lo librum hunc cohonestamus. Quoniam verò dicendorum
mirabilium phænomenorum atque effectuum causas, ut aliàs
semper, explicare, aut insinuare saltem cupimus; pauca ex
multis,

multis, quæ principiorum vim hac in re habeant, afferemus. Ducem sequemur Archimedem, qui omnibus in hoc stadio palmam præripuit; nec negligemus Magistræ rerum experientiam, quâ sine vel Archimedes ipse frustra invenit cursum.

SYNTAGMA PRIMUM.

De Hydrostaticis Elementis seu Hypothesibus.

EX multis pauca, ut dixi, afferam, eaque solum, quæ Hydrostatica elementa. vel naturali lumine sunt nota; vel experientia irrefragabili evidentia, vel ab Archimede, aut à Simone Stevino, egregio Hydrostaticæ Scriptore, sunt evidenter probata. Vocentur autem Hypotheses. His unam aut alteram Definitionem interseremus.

HYPOTHESIS I.

OAtne humidum habet pondus. Docent hoc ipsimet sensus, Hypotheses hydrostaticæ. etiam loquendo de aëre, cum plus ponderent utres inflati quàm flaccidi; plus phialæ densæ, quàm raro aëre repletæ, eadem plus ante, quàm post extractum ex parte aërem, ut multis Humidum omne pondus habet. experientiis probavimus libro præcedente, & in Mechanica Hydroaulico-pneumatica, præsertim ubi explicavimus Experimentum novum Magdeburgicum. Humidi porrò nomine hic intelligimns, & in toto hoc libro, omne liquidum & permeabile ab alio corpore, etiam argentum vivum, æs, plumbum, & similia.

HYPOTHESIS II.

Non omnia humida sunt ejusdem gravitatis. Quod intellige de Humida non omnia sunt ejusdem gravitatis. humidis tam ejusdem, quàm diversæ speciei. Est enim aqua gravior vino, vinum gravius oleo: & aqua marina, & quælibet aliæ, gravior quàm dulcis; frigida ejusdem fontis aut fluvii gravior quàm calida. Idem judicium esto de aliis. Excessum aut defectum

defectum aliquorum liquidorum supra alia, vide apud Gheraldum in Archimede promotum, & apud alios.

HYPOTHESIS III

Solida cum liquidis comparata quoad gravitatem, & ipsa etiam liquida cum aliis liquidis, posita paritate molis, aut sunt ponderis æqualis inter se, aut ponderosiora, aut leviora. Sic unus aquæ cubus palmaris est æqualis ponderis cum alio cubo palmari ejusdem aquæ, unus autem cubus terræ aut lapidis gravior, & unus cubus ligni abiegni levior quàm aquæ cubus, uti experientia constat.

DEFINITIO I.

*Corpora
specie gra-
viora, &
specie levio-
ra quàm, a
qua quæ-
nam sint.*

Corpora porro gravia sive ejusdem sive diversæ speciei, quæ magnitudine & ponderis æquantur, vocabimus specie æquiponderantia; quæ magnitudine equalibus præponderant, specie graviora; quæ magnitudine equalibus pondere cedunt, specie leviora. Stevinus vocat hæc eadem, materia æquiponderantia, materia ponderosiora, & materia leviora. Iisdem vocabulis nos etiam aliquando utemur. Atque hæc vera sunt, sive solida comparentur cum solidis, sive liquida cum liquidis, sive cum solidis liquidis, & vicissim.

DEFINITIO II.

*Solidum
corpus.*

Solidum corpus est, cujus materia non est fluxa. Tale est aurum, argentum, æs, lapis, lignum, & similia. Argentum autem vivum, & æs ac plumbum liquefactum, liquida sunt.

HYPOTESIS IV.

*aquam lo-
cum in a-
qua datum
servat.*

Aqua data datum sibi intra aquam homogeneam locum servat. Demonstrat hoc Stevinus lib. 4. Staticæ Proposit. 1. quia alioquin daretur motus perpetuus: nam sicut ejusdem aquæ homogeneæ pars una expelleretur ab alia aqua circumassistente, sic etiam pars subsequens primæ, & pars subsequens secundæ, & sic in infinitum, cum non sit major ratio cur pars una potius servet locum

datum, quam alia. Quod diximus de aqua, de quo vis alio liquido homogeneo intelligi debet. Quod etiam in omnibus sequentibus intelligendum est.

HYPOTHESIS V.

Quando corpus aliquod solidum ponitur supra aquam, si corpus illud dat a paritate molis est gravius aqua, mergitur, & ad fundum usque descendit; si est levius, partim mergitur, partim aliqua sui parte eminet; si est aequae grave, descendit usque dum suprema ipsius superficies coequetur cum superficie aqua. In idem recidit, si dicas, solidum corpus specie seu materia levius quam aqua, non omnino mergi, sed eminere aliqua sui parte; specie vero seu materia gravius, ad fundum usque demergi, specie denique seu materia aequae grave, mergi quidem totum, sed non submergi. Patent haec experientia, & demonstrantur ab Archimede loco supra cit. proposit. 3. 4. & 7. Idem contingit, si solidum ponatur in aliis liquoribus. Verba Archimedis haec sunt, Propositio III. *Solidarum magnitudinum quae aequalem molem habentes aequae graves sunt atque humidum, in humidum consistens demissa, merguntur, ita ut ex humidi superficie nihil extet; non tamen adhuc deorsum ferentur.* Propositio IV. *Solidarum magnitudinum quacunque levior humido fuerit, demissa in humidum manens, non demergitur tota, sed aliqua pars ipsius ex humidi superficie extabit.* Propositio. VII. *Solida magnitudines humido graviores, demissa in humidum, ferentur deorsum, donec descendant.* Eadem demonstrat Stevinus loc. cit. Proposit. 2. & 3.

HYPOTHESIS VI.

Corpus solidum aequae grave ac aqua molis aequalis, datum in aqua locum servat. Demonstrat Stevinus loc. cit. Proposit. 4. & loquitur ex Hypothesi IV.

HYPOTHESIS VII.

Solidum corpus aqua levius, in aquam demissum, usque eo mergitur, donec sit intra aquam, quanta est moles aquae aequalem habentis gravitatem cum toto corpore. Demonstratur ab Archimede

loc. cit. Proposit. 5. qui his verbis eam proponit. *Solidarum magnitudinum quacunque levior humido fuerit, demissa in humidum, usque eò demergetur, ut tanta moles humidi, quanta est partis demersa, eandem quam tota magnitudo gravitatem habeat.* Idem vult dicere Stevinus loc. cit. Proposit. 5. ubi hanc format Propositionem. *Corpus solidum materie levioris quam aqua cui innatat, ponderitate aequali est tanta aqua mole, quanta sui parte demergitur.* Ex his fit, ut corpore solido sui parte notæ magnitudinis in aquam cognitæ ponderitatis immerso, totius solidi pondus inveniri possit, ut benè deducit ac demonstrat Stevinus loc. cit. Proposit. 6. Exempli gratia, si pars navis immersa sit 10000. pedum cubicorum, & pes aquæ cubus sit 70. librarum, si 10000. multiplicentur per 70. habebis libras 700000. pro pondere totius navis cum omnibus in navi contentis, vel illi innixis. Idem dicendum de reliquis ponderibus; & idem de reliquis humidis est intelligendum. Ex iisdem fit, si sumatur aqua æqualis magnitudine cum parte corporis solidi demersa, aquam illam æquè gravem esse ac totum corpus solidum aquæ ex parte immersum.

HYPOTHESIS VIII.

Corpus gravius in aqua levius est quam in aëre, pondere aquæ magnitudine sibi equalis. Prima pars pater experientia, secundam demonstrat Archimedes loc. cit. Proposit. 7. & Stevinus loc. cit. Proposit. 8. In idem recidit, si dicas, grave intra aquam tanto minus ponderare, quantum ponderat aqua cujus locum occupat. Exempli gratia, pes cubicus lapidis alicujus ponderet libras 22. & pes cubicus aquæ cui immersus est lapis, ponderet libras 20. ponderabit lapis intra aquam duas libras minus, hoc est, viginti libras tantum. Idem intelligendum est de solidis in aliis liquoribus. Hinc sequitur, lapidem illum descendere solum vi ponderis 20. librarum.

HYPOTHESIS IX.

Corpus solidum aqua levius, infra aquam vi demersum, fertur sursum tanta vi, quanto aqua molem habens corpori demerso æqualem, gravius est ipso corpore. Demonstrat Archimedes loc. cit. Proposit. 6. cujus

*Cujus hęc sunt verba, Solida magnitudines humido leviores in humi-
 da suspensa, sursum feruntur tanta vi, quanto humidum molem habens
 magnitudinis æqualem, gravitus est ipsa magnitudine. In idem recidit,
 si dicas, corpus solidum minus grave intra humidum magis grave
 vi detentum, si liberum demittatur, ascendere sursum vi ponde-
 ris, quo exceditur ab humido magis gravi. Exempli gratia, pes cu-
 bicus ligni ponderans quinque libras, detineatur vi intra aquam,
 cujus pes cubicus ponderet viginti libras, & demittetur liber,
 ascendet vi quindecim librarum quā gravitas ejus exceditur
 gravitate aquæ.*

*quanta vi
 feratur sur-
 sum*

HYPOTHESIS X.

*C*orpora gravia, sive solida, sive liquida, ejusdem rationis, seu homo-
 genea, habent se ad invicem in mole, sicut in pondere, & è contra-
 rio. Itaque si duo ejusdem ferri v. g. frustra sunt æqualia in mole,
 sunt etiam æqualia in pondere; & si in pondere sunt æqualia, sunt
 etiam æqualia in mole. Pater hoc naturali lumine, & demonstratur
 à Marino Ghetaldo in Archimede promotò Proposit. 2. & 3.

*Gravia ho-
 mogenea se
 habent in
 mole ut in
 pondere.*

SYNTAGMA SECUNDUM.

De Hydrostaticis Phænomenis, ac Pragmatiis.

*H*ydrostaticæ praxes hoc præ aliis Mathematicis habent, *Hydrosta-
 tica Prac-
 matia.*
 quòd omnes, aut ferè omnes ingeniosæ simul & mirabi-
 rabiles sunt, atque ad varios humanæ vitæ usus utiles. Optan-
 dum propterea vehementer ut magis excoleretur tam facun-
 dus Admirandorum Mathematicorum, seu maris Physico-
 Mathematicorum ager, præsertim hoc tempore, quo nec Ghe-
 taldi desunt, nec Stevini, nec (ausum dicere) Archimedes.
 Scio multa olim à viro doctissimo, & verò magno Geometra,
 P. Gregorio à S. I. inventio ad præsentem materiam pertinen-
 tia Præge fuisse conscripta; sed in tot Urbis cladibus ac dire-
 ptionibus perire omnia. Scio ibidem delitescere adhuc quæ in

*candem rem commentatus est insignis Mathematicus. Qua
utinam lucem aliquando viderent: uti & ea quæ alius Romæ
typis non ita pridem præparavit.*

PRAGMATIA I.

*Proposito quocunque corpore solido quod sit gravius aqua,
invenire gravitatem aquæ eidem in magnitudine
æqualis.*

*Pondus cu
juscunque
aqua inven
ire per
corpus a
qua gra
vius.*

SIt propositum quodcunque corpus solidum quod sit specie seu materia gravius aqua, hoc est, quod demergatur in aqua, cujuscunque sit materiæ, figuræ, & magnitudinis: oporteatque invenire quanta sit gravitas aquæ cujuscunque, æqualis magnitudinis cum corpore proposito. Explorabile (aut stativum) exactissimè dari corporis solidi pondus, idque in partibus quantum fieri potest minimis, nempe in unciiis, semiunciiis, drachmis, granis. (Sufficit autem explorare pondus partis quantumvis parvæ talis corporis solidi, ut infrà Pragmatia 5. dicitur.) Cognito pondere, suspende ipsum corpus crine equino ex una lance libræ; in altera verò lance colloca æquale omnino pondus, quod in aëre faciat cum ipso corpore æquilibrium. Corpus ita appensum ex lance, demitte in aquam illam, cujus gravitatem vis inquirere in paritate molis cum corpore solido, & ita tene ipsum suspensum, ut immergatur quidem penitus aquæ, sed fundum non attingat. Procurandum autem est, ut neque lancem cui appensum est corpus, neque aliam in qua sunt pondera, contingat aqua. Hoc corpus ita suspensum in aqua, erit levius in aqua, quàm erat extra aquam, *per Hypothesin VIII* & quidem tanto erit levius in aqua, quanta est gravitas aquæ magnitudine æqualis ipsi corpori solido, *per eandem Hypothesin VII*. Explora igitur iterum exactissimè in partibus minutissimis pondus ipsius in aqua, & vide quot partibus sit factum levius, sive quantum sit diminutum ipsius pondus. Dico, istam diminutionem ponderis dare gravitatem aquæ magnitudine æqualis ipsi corpori solido. Cum enim, *per dictam Hypothesin VII*, corpus aquæ gravius, fiat in aqua tanto levius præcise, quantum est pondus aquæ magnitudine æqualis corpori demerso, erit in aqua

positum pondus molis aquæ corpori demerso æqualis tot partium, quam partibus diminutum est pondus ejusdem corporis in aquam demersum, & quidem præcisè, & æqualitate omnino mathematica. Quare si corporis solidi propositi gravitas sit extra aquam ut 24. v. g. intra aquam verò ut 20. erit gravitas aquæ æqualis molis cum corpore solido ut 4.

ANNOTATIO I.

Eadem prorsus ratione explorabis pondus omnium aliorum liquorum, cum in omnibus sit par ratio, ut supra diximus.

ANNOTATIO II.

Dixi, corpus esse suspendendum è lance crine equino, quia fere æqualis ^{Crines æ-} gravitatis esse dicitur cum aqua, nihilque in ista ponderare. ^{quæ æqua-} Quid ^{lis ponderis} si corpus ponderandum fuerit ita grave, ut crine simplici sustineri non cum aqua. queas, appende ipsum pluribus simul junctis; & nè aliquid gravitatis crinium conjunctio addat corpori ponderando, pone in altera lance totidem aut ferè totidem crines.

ANNOTATIO III.

Quod si propositum fuerit aliquod corpus solidum magni ponderis, ita ut difficulter possit ponderari in aqua, & tamen nota sit gravitas corporis, quæ sit v. g. 4000. accipe parvum aliquod corpus ejusdem rationis, cujus gravitas sit v. g. 10. & quare modo jam dicto gravitatem aquæ magnitudine æqualis corpori parvo gravi ut 10. quæ sit v. g. ut 2. & dic per Regulam Auream: ut 10. ad 4000. ita 2. ad aliud: vel, quod idem est, ut 10. ad 2. ita 4000. ad aliud, & invenies 400. Gravitas igitur aquæ magnitudinem habentis æqualem corpori solido gravi ut 4000. erit 400. Ratio hujus rei fundatur in Hypothesi X. Quid faciendum, quando pondus solidi magni dati non est notum, nota tamen est magnitudo: dicitur infra in Pragmatica 8.

PRAGMATICA II.

Differentia inter gravitates aquarum quarumcunque invenire.

Invenit per præcedentem pragmaticam gravitate alicujus aquæ. ^{Aquarum} Inquire eadem prorsus ratione aliarum aquarum quarumcunque ^{differentias} ^{in aqua in-} ^{venire.}

gravitatem. Confer deinde ad invicem pondera aquarum inventarum, & scies quæ aquæ sint æqualis gravitatis, quæ majoris, quæ minoris, datâ paritate molis. Si enim pondus corporis in aquas diversas demerſi æqualiter diminuitur, habebunt aquæ illæ æquale pondus sub æquali magnitudine; ſi inæqualiter diminuitur, non habebunt æquale pondus, ſed illa erit gravior, in qua minuitur magis; illa vero levior, in qua minuitur minus. Et hæc praxis longe certior & accuratior eſt, quàm ſi diverſæ in eodem vaſe ponderarentur in aere.

ANNOTATIO.

Quod dixi de aquis collatis ad invicem, intelligendum eſt etiam I. de quibuscunque liquoribus ejusdem ſpeciei collatis ad invicem. II. de quibuscunque liquoribus diverſæ ſpeciei collatis inter ſe. Apud Ghetaldum extat tabella qua liquores diverſi inter ſe conferuntur: ſed huic ego non cenſeo ſidendum ſine ſcrupulo, quia non omnium locorum liquores ejusdem generis ſunt inter ſe æqualis ponderis.

PRAGMATIA III.

Mixtionem argenti in aurea corona, ad imitationem Archimedis invenire.

S. I.

Modus Archimedis ad inveniendam aquarum quantitatem &c.

Mixtionem
argenti in
aurea corona
invenire

Archimedes
des quomodo
deprehenderit
argentum
corona aurea
mixtâ.

Hiero (verba ſunt Vitruvii lib. 9. cap. 3.) Syracuſis auctus regia poteſtate, rebus bene geſtis, cum auream coronam votivam Diis immortalibus in quodam ſano conſtituiſſet ponendam, immenſi pretio locavit faciendam. & aurum ad ſacoma appendit redemptori. Is ad tempus opus manuſactum ſubtiliter regi approbavit, & ad ſacoma pondus corona viſus eſt præſtiſſe. Poſteaquam indicium eſt factum, dempto auro tantundem argenti in id coronarium opus admixtum eſſe; indignatus. Hiero ſe contemptum, neque inveniens quæ ratione id ſurtum deprehenderet, rogavit Archimedem ut in ſe ſumeret deco cogitationem. Tunc iſcum haberes ejus rei curam, caſu venit in Balneum, ibique cum in ſolum descenderet, animadvertit quantum corporis ſui in eo inſideret, tantum aqua extra ſolum effluere. Itaque cum ejus rei ratio nem

explicationis offendisset, non est moratus, sed exiliens gaudio motus de
fuit. & nudus vadens domum versus, significabat clara voce, invenisse
quod quæreretur: nam currens idem græce clamabat, *εὕρηκα, εὕρηκα.*
Tum vero ex eo inventionis ingressu duas dicitur fecisse massas aquo
pondere quo etiam fuerat corona, unam ex auro, alteram ex argento.
Cum ita fecisset, vas amplum ad summa labra implevit aqua, in quo de-
misit argenteam massam; cujus quanta magnitudo in vase depressa est,
tantum aquæ effluit. Ita exempta massa, quanto minus factum fuerat,
refudit, sextario mensus, ut eodem modo, quo prius fuerat, ad labra
aquaretur. Ita ex eo invenit, quantum ad certum pondus argenti certa
aqua mensura responderet. Cum id expertus esset, tum auream massam
similiter pleno vase demisit, & ea exempta, eadem ratione mensura ad-
dita, invenit ex aqua non tantum defluxisse, sed tantum minus, quan-
tum minus magno corpore eodem pondere auri massa esset, quam argen-
ti. Postea vero repleto vase, in eadem aqua corona demissa, invenit plus
aquæ defluxisse in coronam, quam in auream eodem pondere massam; &
ita ex eo quod plus deflexerat aquæ in coronam, quam in massa ratiocina-
tus, deprehendit argenti in auro mixtionem, & manifestum furtum
redemptoris. Hæc Vitruvius.

§. II.

Difficultas contra modum Archimedis.

Modus hic, quo Vitruvius ait usum Archimedes ad inve-
niendam illam aquæ mensuram, quæ ad certum pondus au-
ri, argenti, & coronæ responderet, non caret difficultate, & ma-
iori diligentia indiget, quam quæ ab hominibus adhiberi posset,
inquit *Atarinus Gbetaldus* in Archimede promotus Proposit. 17.
Impossibile enim esse videtur, exempta corona, vel aurea massa,
vel argentea, tantum aquæ refundere ad unguem, quantum ex vase
effluerat. Nam imprimis reposita aqua in vase, non possumus as-
sertim accipere vas esse plenum, nisi aqua incipiat effluere; sæpe au-
tem antequam effluere incipiat, colligitur in medio in cumulo: qui
cumulus cum aliquando frangatur pluribus in locis, aliquando
vero in uno tantum loco, fit ut aliquando plus aliquando minus de
cumulo illo effluat. Itaque vel plus aquæ additur eo quod defecit,
vel

*Difficultas
contra eum
modum.*

vel minus, nisi conjecturis agere velimus; at vero conjecturæ pro veritate non recipiuntur. Deinde exempta corona, vel aurea massa, vel argentea, eximitur etiam simul cum ipsa aliquantum aquæ quæ circû ipsam remanet; unde non tantum colligitur aquæ, quantum defecit in vase. Præterea per collectionem quæsitæ aquæ mensura inveniri non potest: æque enim impossibile est universam illam aquam colligere, quæ extra vas effluit, quando corona, vel aurea massa, vel argentea in ipso vase deprimitur: nam pars aquæ adhæret vasi illi ex quo effluit, pars vero vasi illi in quod influit.

Has, aliasque difficultates movent *Ghesaldus* loco cit. *Galileus* in Discursu circa hanc rem, *Joannes Baptista Hodierna*, *Siculus* in Annotat. circa dictum Discursum, *P. Nicolaus Cabaus* in lib. 2. Meteoror. *Aristot.* tex. 25. q. 5. & alii: qui propterea induci non possunt ut credant, *Archimedes* hac usum fuisse methodo ad auri fabri furtum patefaciendum. Negare tamen non possunt, prædictum modum esse ingeniosissimum, & speculative loquendo certissimum ad desideratas aquæ qualitates inveniendas. Addo ego, eundem modum non solum speculative, sed præctice etiam certissimum esse, illoque de facto *Archimedes* fuisse usum existimo, & omnes prædictas difficultates, pluresque alias prævidisse, & illas suo perspicacissimo ingenio præcavisse; quamvis nobis non constet quæ id effecerit via: non enim quia nescimus nos prædictos evitare scopulos, debemus aut fidem derogare *Vitreio* aliisque præstantissimis auctoribus id ipsum asserentibus, aut credere eosdem *Archimedes* evitare nequivisse. Fateor tamen, stantibus prædictis difficultatibus non posse sine sensibili errore in praxin deduci prædictum modum. Alla ergo inquirenda est via inveniendi præcisè aquas magnitudine æquales coronæ, aureæque & argenteæ massæ, unacum earundem aquarum gravitate, aut mensura.

§. III.

Aliorum modus.

Auctores paulo ante citati, & ante ipsos *Joannes Baptista Benedictus* Theoremate Arithmet. 126. asserunt sequentem modum, similem prorsus modo in Pragmatia 1. tradito. Accipiatur duæ massæ æqualis omnino ponderis cum corona, una æ

argento purissimo, altera ex auro purgatissimo. Tria hæc corpora, nempe corona, aurum, & argentum, singulatim crine equino suspensa ad bilancem demergantur in aquam ita, ut in aqua quidem pendeant, sed fundum non contingant, juxta dicta Pragmatia I. Et quia hæc tria corpora leviora sunt in aquâ, quàm extra aquam, juxta Hypothesin VIII; vide quantum quodlibet ex ipsis fiat levius in aquâ. Diminutio ponderis, quo leviora fiunt ista corpora in aquis, est per eandem Hypothesin VIII. pondus præcisissimum aquæ quæ æqualis est magnitudine singulis illis corporibus, quæque ab iisdem corporibus ejiceretur è vase exactissimè pleno in singulis immersionibus, si juxta modum à Vitruvio enarratum instituere-tur operatio. Sit A corona, B aurum, C argentum, æqualis om-nino ponderis, inæqualis tamen molis. Diminuatut corona in aqua libris 7. aurum libris 5. argentum li-bris 9. Erit ergo pondus aquæ, æqualis coronæ, li-brarum 7. æqualis auro librarum 5. & æqualis argen-to librarum 9.

A
B
C

Nec tamen necesse est accipere massam auri & argenti æqualis ponderis cum corona, sed adhiberi potest quantumvis exigua auri & argenti particula, juxta Annotationem III. Pragmatia I. Sit enim coronæ gravitas 100. librarum, & oporteat invenire gravita-tem aquæ magnitudinem habentis æqualem auro 100. etiam li-brarum. Accipiatut parva aliqua auri particula, cujus gravitas sit 10. librarum, (aut etiam quantumvis minor, & inveniatut gravitas aquæ magnitudine æqualis auro 10. librarum, sitque talis gravitas aquæ v g. 2. librarum: si dicas per regulam auream Arithmeticæ, ut 10. ad 2. ita 100 ad aliud, invenies gravitatem aquæ magnitudi-nem habentis æqualem auro 100. librarum, esse 20. librarum. Ea-dem ratione invenies ex particula exigua argenti gravitatem aquæ molem habentis æqualem argento 100 librarum.

Ingeniosissimus sanè est hic modus, nec Archimedes latere potuit, eoque ipsum de factò usum fuisse contendit Gahlæus & Cabrus. Ego crediderim, ipsum primo prius, deinde hoc poste-riore fuisse usum, Vitruvium verò solius prioris meminisse, utpote antiquioris, & ad captum vulgi accommodatioris.

*Etiam Ar-
chimedi
notum.*

§. IV.

*Quo ratiocinio Archimedes invenit, quantum argenti
esset auro mixtum.*

*Ratiocinium
ad inven-
niendum
argentum
auro mixtum
in corona.*

Vidimus modum quo Archimedes vel invenit, vel invenire potuit aquas magnitudine æquales coronæ, auro, & argento, & consequenter gravitates hujusmodi aquarum. At qua ratiocinandi methodo, quæve Arithmetica regula idem Archimedes ex cognitione dictarum gravitatum deprehendit, quantum præcisè argenti, quantumque auri permixtum erat coronæ? Hoc neque Vitruvius, neque ullus ex antiquis docet. Recentiores tamen varios excogitarunt modos, quibus verisimile est Archimedem fuisse usum. Alii enim utuntur Regula proportionum quam Regulam Trium communiter appellant, & apud Mathematicos Regulæ aureæ nomen meruit, ob immensam ejus utilitatem. Alii adhibent Regulam Falsi, alii Regulam Algebræ omnium ingeniosissimam, alii denique Alligationis Regulam, qua utuntur Arithmetici, quando res diversi pretii, magnitudinis, ponderis, reducere volunt ad pretium, magnitudinem, pondus medium inter extrema, ideoque Regulam Mixtorum vocant. Nonnullos modos referam.

§. V.

Ratiocinium per Regulam proportionum.

*Ratiocinium
per Regulam
Trium.*

INter alios qui proportionum Regulam adhibent, ad invenendam argenti & auri portionem in corona, sunt Joannes Baptista Benedictus, & Marinus Gheraldus.

Benedictus Theoremate Arithmet. 122. & 128. ita procedit. *Primo* assumit tria corpora æqualis omnino ponderis, nempe aurum purum, purum argentum, & coronam ex auro & argento mixtam. *Deinde* ex his tribus corporibus (quæ sunt necessario inæqualia in magnitudine) invenit tres aquas, tribus prædictis corporibus respondentes; quæ quidem aquæ sunt inæquales inter se, tam magnitudine, quam pondere, ut ratio exigit. *Tertio*, ex his tribus aquis colligit gravitates prædictis tribus corporibus debitas, si æqualia forent in mole, & consequenter inæqualia in pondere.

Qua

Qua autem ratione hujusmodi gravitates in veniantur vide apud ipsum. *Tandem* inventis tribus corporibus in mole æqualibus, at inæqualibus in pondere, accipit primo differentiam inter gravitatem puri auri & puri argenti; secundo gravitatem solius puri auri; tertio differentiam inter gravitatem puri auri & coronæ. Hæc tria disponit in Regula Trium sic, ut primum locum habeat differentia inter gravitatem puri auri & puri argenti, secundum locum gravitas solius puri argenti, tertium locum differentia gravitatum puri auri & coronæ; & facta operatione invenit gravitatem argenti quod est in corona, quam gravitatem deinde subtrahit à tota gravitate coronæ, & remanet gravitas auri quod est in eadem corona. Idem aurum quod est in corona, inveniret, si in Regula Trium poneret secundo loco gravitatem auri, tertio loco differentiam gravitatum puri argenti & coronæ.

Exemplum *Benedicti*, hoc est. Ponit pondus auri esse 234, argenti 156, coronæ 216. Detrahit nunc pondus argenti à pondere auri, & remanent 78, quod vocat primam differentiam. Detrahit etiam pondus coronæ à pondere auri, & remanent 18, quod vocat secundam differentiam. Ponit ergo in Regula Trium primo loco 78, secundo loco 156, tertio loco 18, & multiplicat secundum numerum per tertium, productum vero dividit per primum, & invenit 36 pro gravitate argenti quod est in corona. Detrahit tandem 63 ex 216, & remanent 180 pro gravitate auri quod est in corona. Sic ergo stabit exemplum.

*Exemplum
Benedicti
per Regulam
Trium.*

Pondus auri -- -- -- 234.

Pondus argenti -- -- -- 156.

Pondus coronæ -- -- -- 216:

Prima differentia -- -- -- 78

Secunda differentia -- -- -- 18

Ut 78. ad 156. ita 18. ad 36. gravit. argenti in corona.

Pondus coronæ -- 216.

Argentū in corona 36. subtracta, à pondere coronæ, relinquit

Residuum -- -- 180. pondus auri in corona.

Si poneret primo loco in Regula Trium 78, secundo loco gravitatem auri 234, tertio loco differentiam inter gravitatem argenti & coronæ, quæ est 60 inveniret 150 pro gravitate auri in corona,

quæ 180 si detraheret à gravitate coronæ 216, remanerent ut antea 36, pro gravitate argenti quod est corona. Reliqua una cum demonstratione hujus praxis, vide apud Auctorem loc. cit.

Ut vides, Benedictus procedit per ambages, utendo Regula Trium. Eadem Regula Trium utitur etiam *Ghetaldus* in Archimede promotò Proposit 18 & 19. sed via compendiosiore incedit in hunc modum. Primo accipit, vel intelligit tria corpora æquæ gravia, unum aureum, alterum argenteum, tertium mixtum ex auro & argento quod est corona. Deinde invenit tres aquas tribus prædictis corporibus in mole æquales, simulque invenit gravitates trium dictarum aquarum. Tertio, accipit primo differentiam inter gravitatem aquæ auri & aquæ argenti; secundo gravitatem communem trium corporum, seu gravitatem unius ex illis; tertio, differentiam inter gravitatem aquæ auri & aquæ coronæ. Has tres gravitates ita disponit in Regula Trium, ut primum locum obtineat differentia inter gravitates aquarum auro & argento debitatum, secundum locum gravitas communis trium corporum, tertium differentia inter gravitates aquarum auro & coronæ debitatum. Facta operatione, invenit gravitatem portionis argenti in corona; quam gravitatem subtrahit à tota gravitate coronæ, & remanet gravitas auri in eadem corona. Demonstrationem vide apud ipsum.

Si in Regula Trium ponat tertio loco differentiam inter gravitates aquarum auro & coronæ debitatum, invenit gravitatem portionis auri quæ est in corona; & subtracta gravitate portionis auri à gravitate totius coronæ, remanet gravitas portionis argenti in eadem corona.

Exemplum ponit *Ghetaldus* in numeris fractis hujusmodi. Sit coronæ gravitas 95 librarum, sicut & gravitas auri, atq; argenti. Sit præterea gravitas aquæ debitæ auro 5 librarum, gravitas aquæ debitæ argento 9 $\frac{1}{11}$ librarum, denique gravitas aquæ debitæ coronæ sit 6 librarum. Fiat ut differentia inter 5 & 9 $\frac{1}{11}$ quæ est 4 $\frac{10}{11}$, ad 95, ita differentia inter 5 & 6, quæ est 1, ad aliud, invenies 22 $\frac{1}{2}$ pro gravitate portionis argenti quod est in corona; qua deducta ex totali gravitate coronæ, reliquum est 72 $\frac{1}{2}$ pro gravitate portionis auri.

Vel si pro tertio proportionis termino sumatur differentia inter 6 & 9 $\frac{6}{11}$, quæ est 3 $\frac{3}{11}$; tunc quartus terminus 72 $\frac{9}{11}$ erit gravitas portionis auri; quæ si dematur ex totali gravitate coronæ, remanebunt 12 $\frac{1}{11}$ pro gravitate portionis argenti.

Exemplum aliud in numeris integris est hujusmodi. Gravitas communis auri, argenti, & coronæ sit 100, gravitas aquæ auri sit 5, aquæ argenti 10, & aquæ coronæ 7. Differentia ergo inter gravitatem aquæ auri & argenti erit 5, & differentia inter gravitatem aquæ auri & coronæ erit 2. Fiat ergo, ut 5 ad 100, ita 2 ad aliud; invenies 40 pro gravitate argenti in corona, remanebuntque 60 pro gravitate auri in eadem corona. Si fiat, ut 5 ad 100, ita 3, hoc est, differentia inter gravitatem aquæ argenti & coronæ ad illud; invenies 60 pro gravitate portionis auri, & 40 pro portione argenti in corona.

Exemplum aliud.

§. VI.

Ratiocinium per Regulam Falsi.

P *Christophorus Clavius* in Arithmet pract. cap. 23. quæst. 24. & *Gemma Frisius* etiam in Arithmet pract parte 3, capite de Regula Falsi, inquirunt quantitatem argenti admixti coronæ per Regulam Falsi duplicis positionis. Exemplum *Clavii* hoc est. Ponatur v.g. coronam illam fuisse 100 librarum (similiterque massam puri auri, & puri argenti; eâque impositâ in vase, effluxisse 65 libras aquæ; impositâ verò massâ puri auri effluxisse 60 libras aquæ; impositâ tandem massâ puri argenti, effluxisse 90 libras aquæ. Finge ergo primo, aurificem abstulisse 40 libras auri, totidemque libras argenti substituisse, ita ut in corona fuerint 60 libræ auri, & 40 libræ argenti. Vide jam, an corona ita confecta eiiciat 65 libras aquæ. Hoc autem scies per Regulam Trium bis institutam, dicendo primo; si 100 libræ auri eiiciunt 60 libras aquæ; 60 libræ auri quantum aquæ eiicient? dicendo secundo; si 100 libræ argenti eiiciunt 90 libras aquæ; 40 libræ argenti quantum aquæ eiicient? Invenies in utraque operatione 36 libras aquæ, quæ simul faciunt 72, ita ut corona inodo à te confecta effecta eiiciat 72 libras aquæ; debebat autem in rei veritate elicere tantum 65 libras. Aberrasti ergo à veritate per excessum numeri 7. Pone ergo numeros

Ratiocinium per Regulam Falsi.

primò confictos, unà cum hoc errore seu excessu 7. & cum dictione *plus* ante crucem, ut hic vides,

Finge *secundò*, aurificem surripuisse 30. libras auri, ac proinde in corona fuisse 70. libras auri, & 30 libras argenti. Vide ut antea, an corona ita confecta ejiciat 65. libras aquæ, dicendo primò: si 100. libræ auri expellant 60. libras aquæ, 70. libræ auri quantum aquæ expellent? dicendo secundò: si 100. libræ argenti ejiciunt 90. libras aquæ, 30. libræ argenti quantum aquæ ejicient? Invenies in priori operatione 42. libras aquæ, in posteriore verò 27. quæ simul efficiunt 69 libras aquæ, ita ut corona hoc modo à te conficta effecta expellat 69. libras aquæ, debebat autem expellere tantum 65. libras. Aberrasti ergo rursus à veritate per excessum numeri 4. Pone ergo numeros secunda vice confictos unà cum hoc errore seu excessu 4. & cum dictione *plus*, post crucem, ut hic vides.

Aur. 60.	X	70. Aur.
Arg. 40. plus		30. Arg. plus
7 3 4 Divisor.		

Operare jam per Regulam Falsi duplicis positionis tali pacto. Primò, quoniam in utraque falsa positione aberratum est à veritate per excessum, subtrahe minorem errorem à majore, nempe 4. à 7. & numerum 3. relictum serva pro Divisore. Secundo, multiplica numerum librarum argenti primò positum per secundum errorem, nempe 40 per 4. & numerum librarum argenti secundò positum per primum errorem, nempe 30. per 7. & invenies 160. & 210. Tertiò, productum minus detrahe ex producto majore, nempe 160. ex 210. & remanent 50. Quarto; residuum hunc numerum 50. divide per divisorem jam antea inventum, nempe per 3. & quotus inventus erit numerus librarum argenti in corona, nempe in casu posito $\frac{2}{3}$ 16. quæ si auferas à 100. remanent 83. libræ pro auro quod est in corona. Quod ut probes, dic: si 100. libræ auri ejiciunt 60. libras aquæ, quantum aquæ ejicient 83 $\frac{2}{3}$ libræ auri? Item, si 100 libræ argenti ejiciunt 90. libras aquæ, quantum aquæ ejicient 16 $\frac{2}{3}$ libræ argenti? Invenies pro priori operatione 50. libras aquæ, pro posteriori verò 15. libras aquæ, quæ simul conficiunt 65. libras aquæ, quas posuimus coronam ejecisse.

Magia Hydrostatica
PRAGMATIA IV.

351

*Quantum argenti sit auro mixtum, cognoscere, ex Porta:
item quantum auri sit in vase deaurato; & quantum aris in
moneta argentea.*

Johannes Baptista Porta li. 18. Magiæ Natur. cap. 8. aliam præscribit Porta præ-
xi ad ma-
tallorum
mixturam
invenien-
dam.
praxim, ad cognoscendam portionem argenti auro mixtam, &
universaliter ad quamcunque metallorum misturam deprehen-
dendam, quæ si vera esset, priori longè præstaret, propter facilita-
tem. *Habeas, inquit, exactissimam stateram, vel lances, in altera earum
quodvis metallum appone (cujus scilicet misturam indagas) in altera
tantundem ejusdem metalli, sed in sua specie purissimi; & cum lances in
aere æquilibres erunt, eas in vase aqua pleno impones, & sub aquam im-
merges circiter semipedem. Tunc mirabilis quadam res erit. Nam lances,
quæ in aere æquilibres erant, in aquis variabunt naturam, & inæquales
erunt; nam impurum metallum summa petit, sincerum ima. Cujus ratio
hæc est, quod aurum purum cum ea specie gravius est omni impuro auro,
quia purum aurum minorem locum occupat; ergo gravius pendet ex su-
periori ratione. Unde si scire voluerimus, quantum argentum in eo auro
sit, pone tantum auri puri in altera lance, quantum sufficit ut lances sub
aquis pares sint; aquas in aere sustollito, & pondus quod in aquis addi-
deras, erit missionis pondus.*

*Si scire velis, quantum auri fuerit in deauratione alicujus vasis; pone
vas in altera lance, & in altera tantum argenti purissimi, quantum suffi-
cit ut æquilibrent in aere lances: mox in aquis mergas, & vas descendet;
pone in altera lance tantum auri, quod sub aquis æquiponderet, extrahe,
& pondus erit auri deaurationis. Idemque de argento, ære, ferro, plumbo
albo, nigro ves facies.*

*Sed si scire quaris, utrum in numis matibus argento sit as admistum,
vel si pecunia ex superflua aris admistione adulterata sit; pone numisma
in altera lancium, & in altera tantundem argenti purissimi, & in aere
æquilibrans sub aquis merge; descendet numisma; adijunge tantum aris,
ut æquibres sit; extrahe, & adiunctum pondus erit mixtura. Hæc Por-
ta; circa quæ tamen sequentia noto.*

ANNOTATIO.

Examina-
tur.

Predicta praxis supponit, auro admixtum esse argentum, argento autem & ratio praxeos, si legitima est (quod postea examinabimus) pendet ex tribus. Primum est, quod aurum sit gravius argento, & argentum gravius aëre. Alterum, quod hinc sequitur, est, quod aurum & argentum aequalis ponderis eadem est ratio de argento & aëre non sunt aequalis molis, sed major est moles argenti, quam auri. Tertium, quod ex hoc secundo sequitur, est quod aurum ejusdem cum argento ponderis sed minoris molis, occupet minorem locum in aqua, quam argentum, hoc est, quod aurum excludat minus aquae, quam argentum ejusdem ponderis, quia utrumque excludit aquam suam molem aequalem. Ex his tribus, & simul ex Hypothesi 8. sequitur, quod si aurum & argentum aequalis molis lancibus imposita, faciant in aëre aequilibrium, & una cum lancibus demittantur intra aquam, non retineant aequilibrium, sed aurum magis subsidat in aqua, quam argentum aequalis ponderis: nam cum utrumque tanto minus pondaret in aqua, quantum est pondus aquae iisdem aequalis in mole, aquae autem moles aequalis argento major ac ponderosior sit, quam aquae moles aequalis auro, necessarium fieri debet levius argentum quam aurum, adeoque aurum magis quam argentum subsidere debet. Oportet tamen adhibere talem libram, cujus lances & pendula sint exactissime aequalia quoad materiam, pondus, longitudinem, & omnia alia; alioquin error contingere potest in ponderando tam extra, quam intra aquam. Hac eadem arte, si vera esset ac legitima, deprehendi posset facillime, & sine ulla Arithmetica calculo, an, & quantum argenti admixtum esset corona, alteri vè cui-cunque aureo vasi.

Falsa est.

Verum errat vehementer Porta in eo, quod existimet, pondus additum intra aquam lanci minus depresso, donec aequilibrium acquirat libra, esse pondus metalli admixti quod quaeritur. Verum quidem est, aurum, quia gravius est argento, magis subsidere intra aquam, quam argentum aequalis ponderis extra aquam, propter rationem paulo antè insinuatam, & ut argentum cum auro intra aquam obtineat aequilibrium, addi debere ipsi argento majus pondus, ac qui probat Porta, hoc pondus additum argento puro esse aequale ponderi argenti additi auro adulterato? cerè neque ex Hydrostatica, neque ex Philosophia, neque ex ulla alia scientia id constat. Imo si verum esset, sequeretur etiam

aurum purissimum esse argenio mistum. Sumatur enim purissimi auri massa quantivis ponderis, & alia ejusdem extra aquam ponderis ex argenio purissimo, & utraque lancibus imposita demittatur intra aquam modo à Porta præscripto, subsidet magis aurum cum lance sua, quam argentum cum sua: addatur huic lanci tantum auri, donec æquilibrii fiat alteri: ajo, vel pondus auri denuo additum esse pondus argenti auro purissimo misti, vel falsam esse Porta praxin, uti revera falsissima est, & experientia repugnans.

Potest quidem deprehendi per prædictam Porta praxin, utrum aurum, aliudve metallum adulteratum sit; & fortassis etiam, quod genus metalli levioris se admixtum habeat, si sciatur aliunde per experientiam propriam, aut alienam, proportio quam habent inter se gravitates metallorum extra & intra aquam (quas proportionales Ghetaudus & alii in tabulam redegerunt;) at quantum præcisè admixtum sit, sciri minimè potest.

PRAGMATIA V.

Mixturam metallorum quamcunque notam facere, & monetarum ligaturam explorare, ex ponderis diminutione in aqua.

PRaxis præcedente Pragmatiâ III. proposita, ad mixturam argenti in aurea corona cognoscendam, procedit præcipuè per pondus aquæ quam corpora demersa ejiciunt, aut ejicere debent: hæc quæ sequitur, procedit per diminutionem ponderis eorum. dem corporum intra aquam demersorum, estque universalis ad quamcunque mixturam quorumcunque metallorum, & etiam ad ligaturam, ut vocant, monetarum, nec speculativa tantum, sed practica, & sæpe in praxin redacta à P. Nicolao Cabao, qui eam tradidit loco suprà cit. nec aliud requiritur quàm accurata libra, aut statera, & aqua communis. Et sanè mirum est, ac proflus magicum, metallorum quorumcunque mixturam, & cujuscunque monetæ ligaturam, sine ullo lydio lapide adhibito, nullâ aquâ regiâ ac corrasivâ, nullo igne, nec monetam aut rem aliam artefactam dissolvendo, aut corrumpendo, aut radendo, sed solâ aquâ comuni, ex diversitate ponderis quod habet in aëre & aqua, tam exactè & sine errore, modo calculus arithmeticus, & ponderatio

Monetarum mixturam, notam carahydrostaticâ.

bene instituantur, deprehendi posse, idque, ut dixi, non speculative tantum, sed practice, & à quolibet qui calculare novit. Exemplum ponam primo in moneta, deinde in ære campano, quoniam in ipsis Cabæus praxin instituit: quare ipsiusmet Cabæi calculum, & totum procedendi modum retinebo.

*Modus pro-
cedendi ex
Cabæo.*

*Primum
exemplum.*

Sit igitur proposita moneta argentea, cujus ligaturam inquiris. Primum omnium inveniantur tria pondera omnino æqualia, ut vitentur difficultates numerorum: unum ex his ponderibus sit moneta ipsa; alterum sit argentum purissimum & probatum omni experimento, & dicitur in Italia *di copella*; tertium sit ex ære puro, quoniam hoc admiscere solet argento pro ligatura, ut suppono. Et hæc tria pondera sunt exactissime æqualia, ad majorem facilitatem, ut dixi, vel certe sit nota illorum magnitudo in partibus minutissimis similibus. Singula ex his ponderibus singulatim crine equino ad bilancem suspendantur, & aqua supposita in eam demersa pendeant. Et quia leviora sunt, dum in aqua dependent; graviora, dum in ære; vide quantum quodlibet ex iis fiat levius in aqua. Invenies, argentum purum fieri magis leve certis ac determinatis minutis partibus, v. g. 97, æs vero purum æquale argento fieri levius 105 ex iisdem ponderum partibus; monetam denique ipsam fieri leviolem in iisdem partibus 99. Hoc de facto invenit Cabæus in certa moneta, certis partibus, bilance exacta, opere exquisito. Scito igitur, hoc pondus quo leviora sunt metalla, ex Hypothési 8 esse pondus exactissimum aquæ quam eijcerent illa tria corpora, si in vas plenum aquæ immitterentur: est enim pondus aquæ quæ æqualis sit in magnitudine singulis illis corporibus: unde 97 est pondus aquæ æqualis argento, 105 est pondus aquæ æqualis æri, & 99 est pondus aquæ æqualis monetæ. Sumatur ergo hæc quantitas aqua pro aquæ ejecta ab illis tribus corporibus, atque hanc de facto invenit Cabæus in experimento suo, quando indagavit ligaturam monetæ sibi oblata. Quia ergo argentum solet ligari cum ære in partibus 12, ponantur partes illorum corporum 12 in singulis, ut inveniat ligatura, & adhibeatur Regula Algebræ cum Cabæo; quam ita clare ac facile proposuit ipse, ut ab omnibus percipi possit, dum modo communem numerandi & calculandi rationem satis notam habeant.

Fiat ergo per Regulam Auream, sit 12 argenti puri dant aque
 97. quantum aque dabit argentum purum quod est in moneta? *Ratiociniū*
 Et quia nescio quantum in moneta sit argenti, hoc enim est quod *per Regulā*
 inquirō;) dicam, illud argentum quod est in moneta, ex partibus *Algebra.*
 illis esse 12 partes, exceptis illis partibus quæ in eadem moneta
 sunt ex ære; quas æris partes quia similiter ignoro, dicam esse 1.
 Rad. & notabo hoc charactere 1. Rad.; quæ nota supponit mihi
 numerum partium æris existentis in moneta, quæcunque tandem
 sit. In moneta ergo sunt 12 partes argenti minus 1. Rad. æris. Et ad
 faciliorem descriptionem, numerum demendum notabo, more
 Algebristarum, virgula tali, —, sicut numerum addendum igno-
 tum notabo signo hoc, †. Dico ergo, si argenti puri 12, dant aquæ
 97; argentum monetæ 12 — 1. Rad. quid dabit? Multiplico secun-
 dum per tertium, & sient 1164 — 97 Rad., quæ numerus produ-
 ctus quia juxta Regulam Trium debet dividi per primum, loco
 divisionis subscribatur primus, sicut enim est ac si esset divisus; &
 habeo, ut 12, ad 97, ita 12 — 1. Rad. ad $\frac{1164}{97}$ Rad. & ista aqua
 quam eiecit argentum purum quod est in moneta, & quam-
 vis nesciam adhuc quanta sit ista aqua, est tamen hæc ipsissima,
 & postea sciatur determinate quanta sit.

Similiter ad inveniendum æs purum quod est in moneta, dico,
 si 12. puri æris dant aquæ 105; quid dabit æs quod est mixtum in
 moneta? Et quia nescio quantitatem istius æris, pro illa quanti-
 tate ignota suppono hanc notam, 1. R. hoc est unum numerum
 partium, quicunque tandem sit. Dicatur ergo ut antea, si 12 æris
 puri dant aquæ 105; 1. R. æris monetæ dabit $\frac{105}{12}$ R. quia tamen ne-
 scio quantum sit illud æs quod est in moneta, ideo neque scio quid
 significet iste numerus; interim tamen significat veram aquam à
 vero ære monetæ ejectam; sicut primus numerus ignotus signifi-
 cabat veram aquam à vero argento monetæ ejectam. Jungantur
 ergo isti duo numeri, $\frac{1164}{97}$ R. & $\frac{105}{12}$ R.; & quia in illo primo
 sunt minus illæ 97 R.; debent detrahi ex 105 R. ita fiet summa,
 $\frac{1164}{97} + \frac{105}{12}$ R.; & ista est aqua ejecta à vero ære, & à vero argento mo-
 netæ, & consequenter à tota moneta. Quia autem scio, aquam eje-
 ctam à tota moneta esse 99, consequenter scio, ipsos duos nume-
 ros, $\frac{1164}{97} + \frac{105}{12}$ R. 99. esse æquales: & quia ex his numeris alter est

integer, alter est fractio; ideo ex regula generali numerorum fractorum subijciendo integro unitatem, multiplico per crucem. $1164 \frac{1}{2} \text{ R.} \& 99$, fient $1164 \frac{1}{2} \text{ R.} \& 1188$, æquales. Jam si ab æqualibus æqualia auferas, quod remanet, erit æquale. Deme ergo ex primo, 1164, & totidem ex secundo, remanebunt ex una parte 8 R. ex altera 24, æquales; si 24 dividantur per 8, proveniunt 3, & consequenter 1 R., a qualis est 3. Ergo quando posuisti in moneta esse æris 1 R. posuisti esse 3, & cum posuisti argentum in eadem esse 12--1 R. posuisti esse 12 minus 3, hoc est, 9. Ergo in illa moneta sunt 9 argenti, & 3 æris, ex 12 partibus; quod erat inveniendum.

Ut autem constet hoc esse verum, præterquam quod ex ipsa operatione mihi videtur satis constare, sic ostendo cum Cabæo. Si 12 argenti dant 97, 9 dabit $72 \frac{9}{12}$ & si 12 æris dant 105, 3 dabit $26 \frac{1}{2}$; quæ duo si jungantur, fient 99, quæ est aqua ejusdæ à moneta.

Secundum Exemplum. Alterum exemplum ponit Cabæus in moneta Juliorum (moneta est Italiæ, æquivalens ferè medio capitulo monetæ nostræ) quam etiam examinavit. Invenit ergo primum omnium aquam ab argento puro objectam, similiter à puro ære, & à moneta, datâ paritate ponderum, modo supra explicato examinando singula corpora horum trium metallorum in aqua communi. Fuit autem aqua monetæ 495, argenti 489, æris 561. Dixit ergo: Si 12 argenti dat 489, monetæ 12--1. Rad. dabit $40 \frac{1}{2}$ R. Itē, si æs 12 dat 561, æs monetæ 1. Rad. dabit $56 \frac{1}{2}$ R., qui numeri juncti sunt $96 \frac{1}{2}$ Rad. æquales $96 \frac{1}{2}$, hoc est, $5868 \frac{1}{2}$ R., æquales 1940; demptis utrinque 5868, remanent 72 Rad. æquales 72; & sic in illa moneta ex 12 uncis, 11 sunt argenti, 1 æris. Fiat jam: si argenti 12 dant 489, 1 dabunt $40 \frac{1}{2}$, item, si æris 12 dant 561, 1 æris dabit $46 \frac{1}{2}$; quæ si jungantur, fient 495, hæc est aqua ipsa monetæ.

Tertium Exemplum. Tertium exemplum ponit Cabæus in quadam mixtura æris campani antiqui, ex ære & stanno compositi, quæ ipsi oblata fuerat. Posuit pro partibus metalli 60, & tales invenit aquas, & ex aquis talem mensuram, ut sequitur.

Æs.	60.	16 aquæ.
Stan.	60.	113 aquæ.
Mixt.	60.	142 aquæ.

Aëris 60. aquæ 146.1. ℞. $\frac{164}{60}$ ℞.

Stanni 60. aquæ 113. 1. ℞. $\frac{6780}{60} = 113$ ℞.

$\frac{6780}{60} + 33$ Rad. æqualia 142

$\frac{6780}{60} - 33$ ℞. æqualia 8520.

$\frac{33}{24}$ ℞. æqualia 1740.

1. ℞. 52 33.

In ære igitur illo campano mixto ex ære & stanno, ex 60 partibus illis mixtis, 52 $\frac{2}{3}$ erant ex ære, reliquæ ex stanno.

ANNOTATIO.

In omnibus his tribus exemplis potuit etiam adhiberi Regula Falsæ, ut ipsemet Cabaus advertit. Qui plura desiderat circa hanc praxin inventiendi metallorum mixtorum pondus, legat quæ habet P. Jacobus de Billy apud Merfennum in Phenomenis Hydraul: Propos. 51. & Rivaldus commentario in Archimedem pag. 534.

PRAGMATIA VI.

Ex gravitate auri cognoscere ejus qualitatem hydrostaticè, per aquam communem.

Aurum aliud dicitur purum, aliud non purum, sed aliis metallis mixtum. Aurum purum appellatur aurum 24. partium, & in Italia oro di ventiquattro caratti: aurum non purum appellatur aurum tot vel tot partium, pauciorum tamen quàm 24. Quæ quidem mixtio quoniam varia esse solet, ideo varia etiam est qualitas auri non puri (puri enim una tantum est qualitas, nempe 24 partium:) nam qualitas auri in quovis corpore proposito exprimitur partibus auri puri quæ sunt in ipso corpore, non in magnitudine, sed in gravitate sumptis, qualibus totum corpus constat 24: ita ut si corpus aliquod aureum sit 24 unciarum, quarum 20 sint aurum purum, 4 alterius metalli; aurum illud appelletur aurum 20 p. trium, sive di 20 caratti. Similiter si ex massa aliqua aurea, aureæve quocunque corpore, sumatur particula 24 unciarum,

& expurgetur, reductaque ad aurum purum amittat ex pristina gravitate 4. uncias, & remaneant solum 20. unciaë auri puri: dicitur massa illa aurum 20. partium, sive *di 20. caratti*: particula verò illa purgata, & ad aurum purum redacta, dicitur jam aurum 24. partium, antea verò erat aurum 20. partium, licet ipsius pondus fuerit 24. unciarum.

Aurum non purum cum solo argento & ære misceri solet.

Inter varias autem auri permixtiones, quibus cum aliis metallis alligari potest, eam retinere artifices, quam diuturna experientiaprehenderunt omnibus aliis esse commodiorem, & solius argenti & æris permixtione perficitur, ita tamen ut argenti & æris partes semper sint æquales in pondere. Quando ergo aurifices volunt producere miscendo aurum cujuscunque qualitatis, accipiunt tot partes auri puri, quot partium volunt esse aurum producendum, pauciores tamen partibus 24. & reliquas partes quæ defunt ad 24. explent argento & ære, sumendo ex utroque metallo partes æquales in gravitate; & aurum tali fatione permixtum denominant à partibus auri puri in mixtione assumpti.

Auri non puri mixtura quomodo exploratur ab aurificibus.

Quot portò partium sit aurum quodcunque propositum, ita explorant aurifices. Abscindunt ex toto auro particulam exiguam, cujus pondus sit 24. partium minutissimarum: expurgant deinde particulam illam; & si quidem pondus remanet idem quod erat antea, totum aurum est purum; si minuitur partibus 7. g. quatuor, est aurum 20. partium; si minuitur parte una, est aurum 23. partium &c. Similiter particula illa expurgata jam quidem est aurum purum, antea verò erat aurum 20. aut 23. partium &c.

Quomodo hydrostaticè explorari possit.

Hydrostaticè verò per ponderationem solam auri propositi in aqua communi, ejus qualitas exactissimè cognosci potest ex gravitate sic. Primò, ponderetur in aëre aurum propositum non purum, & accipiatur massa puri auri, item massa corporis mixti æqualiter ex argento & ære, quarum utraque sit æqualis omnino ponderis cum auro non puro proposito. Deinde tres hæ massæ separatim ponderentur in aqua, & inveniantur gravitates trium aquarum tribus prædictis massis æqualium in mole. Postea invenitur primò differentia inter gravitatem aquæ puri auri, & corporis ex argento & ære mixti; secundò differentia inter gravitatem aquæ auri non puri, & corporis ex argento & ære mixti. Tandem aquæ

aquæ puri auri, & aquæ mixti corporis ex argento & ære, ad gravitatem auri non puri propositi; ita differentia inter gravitatem aquæ auri non puri & aquæ mixti ex argento & ære, ad aliud; & quartus numerus indicabit partes auri puri in auro proposito; quæ reductæ ad partes vigesimas quartas, dabunt qualitatem auri.

Exemplum sic aurum non purum propositum unciarum, aliarum vè partium 24, in pondere, similiterque aurum purum, & mixtum ex argento & ære sit totidem unciarum, aut aliarum partium in pondere. Sit præterea aqua auri puri uncia 1, aqua auri non puri unciarum 2, aqua denique mixti ex argento & ære unciarum 3. Erit differentia inter primam & tertiam aquam 2, differentia verò inter secundam & tertiam aquam erit 3. Fiat ergo, ut 2 ad 24, ita 1 ad aliud; prodibit aurum 12 partium. Si prima aqua ponatur unciarum 2, secunda unciarum 3, tertia unciarum 5; fiatque, ut 3 ad 24, ita 2 ad aliud; prodibit aurum 16 partium. Si iterum prima aqua ponatur 2, secunda 3, tertia 6 unciarum; fiatque ut 4 ad 24, ita 3 ad aliud; prodibit aurum 18 partium.

*Exemplum
primum.*

ANNOTATIO.

Eadem qualitas auri cognita hætenus per Regulam Trium, agnoscitur etiam potest per Regulam Falsi, Regulam Alligationis, & Regulam Algebra. Sed non libet diutius immorari.

PRAGMATIA VII.

Differentiam ponderis inter corpora solida, quæ aquâ sunt graviora, invenire hydrostaticè per aquam.

Pertinaci labore, & obstinatâ industriâ possunt fortassis fieri ex ferro, ære, lapide &c. duo corpora sphaerica, cubica, alteriusvè materiæ, æqualia in mole, & pondera illorum conferti ad invicem; licet vix de æqualitate illorum certus esse possis unquam, vel de consimili figurâ, propterea quòd physica æqualitas, & quæ ab instrumentis physicis dependet, æqualitatem mathematicam (qualem inquirunt, qui solidorum differentiam ad efficiendas proportionum tabulas inquirunt, data paritate molis) minimè assequatur. Omisso igitur tali labore, expeditissimè cujuscunque corporis, quod in aqua mergatur, differentiam ponderis, data

data paritate molis, poteris invenire hydrostatico artificio, tali methodo.

*Hydrostatica
ad invenienda
differentia
ponderis
inter corpora
solida.*

Sume quocunque corpora, ferrum, æs, stannum, argentum &c. pura tamen in sua specie, cujuscunque sint figuræ, & balance exactissima adhibita fac, ut corpora ista sint inter se omnino æqualia pondere, quod non est impossibile, nec operosum, si nihil cures de figura. Pone autem pondus esse 100. v. g. unciarum, aut scrupulorum, aliarumvè minutissimarum partium, in quas libra distingui solet. Tum singula corpora ex crine equino suspensa, & in aquam demersa, iterum examina eadem libra intra aquam, & observa quantum minuatur uniuscujusque pondus, dum in aqua est: habebis enim per hoc, quanta sit cujusque corporis moles & magnitudo: erit enim imminutio illa ponderis, ut sæpe jam dictum fuit, mensura ponderis aquæ quæ æqualis sit in magnitudine demerso corpori, v. g. appensum aurum, antequam in aquam mergatur, sit 100. unciarum, tum per crinem demerso auro in aquam, & iterum appenso, non erit amplius 100. unciarum, sed v. g. 95. ex hoc colliges, aquam æqualem magnitudine & mole illi auro esse quinque unciarum. Appende iterum plumbum suspensum ex crine equino in aqua, & vide quantum ejus pondus imminuatur: antequam in aquam mergeretur, erat 100. unciarum; dum est sub aquis, erit v. g. 92. tantum: & ex hoc similiter colliges, quantitatem aquæ prorsus plumbo æqualem, nempe 8. unciarum. Ergo jam habebis duo illa corpora, aurum, & plumbum, cum sint æqualia in pondere, non esse æqualia in magnitudine & mole: nam aqua æqualis auro, est 5. unciarum, & aqua æqualis plumbo, est 8. unciarum; ergo quoad magnitudinem sunt ut 5. ad 8. dum sunt æqualia in pondere, quia aqua quæ mensurat utrumque, est ut 5. ad 8. Et idem obtinere poteris in quocunque corporibus solidis quæ in aqua mergi possunt. Et sicut quæ æqualia sunt pondere, sunt magnitudine ut 5. ad 8. ita quæ æqualia sunt magnitudine, erunt pondere pariter ut 5. ad 8. Et hæc est expeditissima ratio, quâ proportionem corporum in magnitudine & pondere poteris obtinere, nec aliam puto esse aut meliorem, aut magis accuratam quæ ad praxin deduci possit, ut Cabæus etiam fatetur in Meteoris loco supra cit.

ANNOTATIONES.

1. **N**on omnia metalla ejusdem speciei, nec fortassis aque pura, Non omnia aequalia pondere, sunt etiam aequalia mole; unde non licet ex metallo a-
uno metallo ferre judicium omnium ejusdem speciei. Discrimen tamen
est minutissimum nec nisi summa diligentia invenitur.

II. Fix datur aurum, aut argentum purum. Nam argentum ex cinea-
ritio seu copella, ut vocant Itali, non prodit usquequaque purum, nisi
bis, ter, quater, & amplius in cinerisio ponas. Quocunque enim facto
experimento, dum in cinerisio frigescit, resurgit sal plumbi ex ipso cine-
ritio, & putabitur perfectum argentum, cum erit undecim, duodecim
etc. tantum partium, & ex omnibus probatoribus vix unum aut alse-
rum invenies, qui det tibi argentum purum. Deinde nisi aqua experia-
ris, periculum est, ne aliquid auri habeas admixtum. Aurum etiam
vix purum invenies, in quo nihil penitus sit ligatura: certe aurei Veneti
non sunt usquequaque puri inquit Cabaeus.

PRAGMATIA VIII.

Pondus cujuscunque corporis quod in aqua demergitur, invenire per aquam, cognita corporis magnitudine

Sit corpus aliquod solidum ingens gravius aquâ æqualis magnitudinis, ut obeliscus, columna marmorea, aut simile quid, Pondus cu-
quod mensurari quidem possit mensurâ cubicâ, at non possit pon-
derati, eò quod suspendi nequeat è ponderatorio instrumento.
Dupliciter inveniri potest pondus talium corporum, priuò ex-
tra aquam, secundo per aquam.

Primus modus, at valde operosus, hic est. Fiat ex eadem, aut ex simili prorsus materia, ex qua constant hujusmodi corpora, cubus palmaris, aut uncialis, aut alterius determinatæ mensuræ, in qua nota est eorum magnitudo) eâ, quâ fieri potest, diligentia accurate quæstratus: deinde hujus cubi pondus exactissimâ libra aut statera exploretur: tandem numerus cuborum palmarium aut uncialium quos continet corpus propositum, multiplicetur per pondus cubi præparati, & summa resultans dat pondus totius corporis. Atque hac arte fuit inventum pondus obelisci Vaticani, de quo suprâ lib. 3. cap. 5.

Modus hic ingeniosus quidem est, ut dixi, at valde operosus, quia oblato quocunque corpore alterius materiæ, oportet facere novum cubum ex eadem aut simili materia cujus est corpus de novo oblatum, quod utique laboriosissimum est. Pretium ergo operæ fuerit, inquirere rationem, quâ semel habito ex quocunque metallo, vel saxo, perfectò cubo, possimus cujuslibet gravis corporis, cujus magnitudo sit nota, pondus reperire. Talis autem est, qui sequitur, omnino mirabilis, & ingeniosus.

*Item per a.
quam.*

Secundus igitur modus hic est. Fac ex quacunque materia quæ gravior sit aquâ, nempe ex ferro, plumbo, lapide &c. cubum perfectum palmarem (aut semipalmarem, aut etiam uncialem &c.) Hujus cubi pondus explora exactissimè in aëre, deinde in aqua, modo dicto supra Pragmatia I. & nota diligenter, quantum diminuat pondus ipsius in aqua. Diminutio ponderis in aqua dabit tibi pondus cubi aquei magnitudine æqualis solido tuo cubo. Sit v.g. solidus tuus cubus in aëre appensus 100. partium determinati ponderis, v.g. librarum, unciarum, drachmarum &c. in aqua verò 88. ita ut diminuat pondus ipsius in aqua 12. erit cubus aqueus æqualis cubo tuo solido, 12. Quotiescunque igitur habebis frustum aliquod cujuscunque solidi aquâ gravioris, cujus pondus extra aquam inventum diminuetur intra aquam 12. partibus ejusdem denominationis, quibus diminutus est tuus cubus solidus: certum est, aquam æqualem illi frusto esse etiam æqualem cubo aqueo, ac proinde & cubo tuo solido, ideoque certissimè concludes, frustum illud esse æquale, & mole & pondere, cubo.

Hoc posito, si solidi cujuscunque propositi, cujus notam habes magnitudinem in cubis, pondus explorare vis, excinde ex corpore illo, aut ex materia ejusdem rationis cum tali corpore, frustum aliquod cujuscunque figuræ; illudque imminuendo aut augendo paulatim eò redige, donec differentia ponderis ipsius, dum in aëre premitur, deinde in aqua appenditur, sit 12. partium. Hoc autem faciliè obtinebis per Regulam Trium, ubi semel exploraveris differentiam illius frusti, dum appenditur in aëre & in aqua: si enim invenias primâ vice in aëre v.g. 100. in aqua 80. ita ut differentia sit 20. si dicas, 20. oriuntur ex 100. in aëre, 12. ex quo oriuntur? statim habebis pondus in frusto extra aquam appenso requiritur ad hoc,

ut diminutio in aqua fiat 12. Inventa hac differentia, constat ex modo dictis, frustum illud, licet non sit cubicæ figuræ, esse tamen omnino æqualis magnitudinis cum cubo tuo solido. quia aquæ moles correspondens tam frusto, quàm cubo tuo, est æqualis cubo æquo. Multiplica jam numerum ponderis talis frusti in aere appensi cum numero cuborum quos in corpore ponderando repetisti, & habebis pondus totius corporis propositi, v. g. Si corpus propositum est 100. cuborum palmarium, & frustum est 20. librarum; multiplica 100. per 20. & invenies corpus propositum esse 2000 librarum.

PRAGMATIA IX.

Ex noto pondere alicujus solidi corporis aquâ gravioris, notam facere ipsius magnitudinem.

Si saxi alicujus ingentis nota gravitas, cujuscunque sit figuræ. Si ex ipso saxo, aut ex simili, frustum abscindas, & per dicta Pragmatia præcedente efficias, ut frustum hoc sit æquale in magnitudine tuo cubo solido, hoc est, ut pondus ipsius in aqua sit 12. partibus minus quàm in aere; & deinde pondus talis frusti examines in aere, inveniasque esse v. g. 66. librarum: si totum saxi pondus divides per 66. scies quot cubos æquales tuo contineat illud saxum.

Pondera corporis noto, invenire ipsius magnitudinem hydrostaticè.

PRAGMATIA X.

Datis duobus aut pluribus corporibus aquâ gravioribus, ejusdem aut diverse speciei, aequalibus in pondere, invenire utrum sint aequalia in mole.

Si duo corpora metallica, v. g. duæ monetæ, æquales in pondere, sed vel ex diverso metallo, vel ex diversa ligatura; vis scire num, & quantum una sit major altera. Appende singulas crine ad bilamem in aqua, & nota quantum diminuatur ipsarum pondus: si enim æqualiter diminuitur, sunt æquales in magnitudine, quia tanta erit utriusque moles, quanta moles aquæ ipsis æqualis, quas in calu posito æquales esse necesse est, uti ex dictis pragmatia 8. constat. Si verò inequaliter diminuitur utriusq; pondus in aqua, idæquales erunt in magnitudine; illaque erit major, cujus pondus

Pondera duorum corporum æquali cognito, invenire eorum magnitudinem.

magis diminuitur; nam signum est, hunc respondere molem majorem aquâ quàm alteri.

COROLLARIUM.

HAc arte poteris scire, *utrum moneta aliqua sit adulterata: nam adulterata major est quàm non adulterata. Suppono tamen te habere monetam non adulteratam, cum qua alteram compares.*

PRAGMATIA XI.

Invenire gravitatem cujuscunque aquæ, mediante corpore quod sit aquâ levius.

*Pondus cu-
juscunque
invenire
per corpus
aquâ le-
vius.*

SUprâ Pragmatia I. & II. docuimus, qua ratione cujuscunque aquæ gravitas, & gravitatis diversarum aquarum differentia, inveniri queat mediante solido corpore quod sit gravius aquâ; nunc docebimus, qua idem ratione fieri possit mediante corpore quod sit levius aqua.

Pone igitur corpus levius aqua, in diversis aquis, & nota quantum in qualibet mergatur: in qua enim plus mergitur, illa aqua levior est; in qua verò mergitur minus, illa aqua gravior est. Ratio patet ex dictis Hypothesi VII. cùm enim corpus aqua levius, in aquam demissum, eam in gravitate rationem habeat ad humidum æqualis molis, quam pars corporis demersa habet ad totum corpus; clarum est, humidum illud, in quod idem corpus minore sui parte immergitur, esse gravius altero humido, in quod majore sui parte immergitur. In quo erravit Mercennus in phænomenis Hydraulicis Proposit. 50. ubi contrarium dicit, utique calami lapsu, aut in considerantia. Itaque ex majori vel minori parte corporis demersi colligi potest, quanto gravior aut levior est aqua una quàm altera, uti ex Annotatione III. sequente constabit.

ANNOTATIO I.

*Item per
corpus aquâ
gravius ac
aquâ.*

Si globulo certo, vel melius cereocubo aut parallelepipedo addas tantum plumbi, ut in humido proposito nec supernatet, nec descendat, sed ubique in eo usque ad supremam superficiem mergatur; signum est tantum aquæ, quantum est aggregatum ex cera & plumbo, esse æqualis ponderis cum tali aggregato. Jam si in alio quovis humido positum tale ceræ corpus

corpus

corpus descenderit, id erit priorib; humido levius; si verò supernata veris, erit id gravius; si denique mergatur usque ad supremam solum superficiem, erit aquè grave.

PORISMA.

Itaque etiam mediante corpore aquè gravi ac aqua, inveniri potest aquarum diversarum gravitas.

ANNOTATIO II.

Eodem cereo corpore experiri poteris, eandem aquam modo gravio-rem esse, modo levio-rem, pro ambientis aeris frigore, aut calore. Imò videbis, si aqua frigida tepescat non nihil per manuum immissionem, cereum illud corpus descendere, cum antea non descenderes, quia aqua tepida levior est quàm frigida.

ANNOTATIO III.

Si quis cylindrum aliquem concavum aneuma, ut argenteum (lingnei enim aquam inbibunt) vel melius parallelepipedum ex eadem materia, construi curaret, ea symmetria cum aqua, ut in ea ad horizontem perpendiculariter erectus natus, & aliquasus parte supernatus; pars ejus immersa, vel emersa, doceret aqua, vel alterius humidi, cui imponeretur, gravitatem; si tamen semel quis illo instrumento exploraveris, quanta sis humidum aliquod gravitatis, vel ipsius instrumenti gravitatem in aere noverit. Nam si tota instrumenti longitudo dividatur crebris lineis per circuitum ductis, & basi parallelis, in partes aequales partium inter se distantes, & notetur usque ad quam lineam immergatur; certum est, humidum illud cui immersum est, aequale toti instrumento quoad molem, eam in gravitate rationem habere ad totum instrumentum, quam habet totum instrumentum ad partem sui mersam. Si igitur instrumenti pondus in aere est unius uncia v. g. & mergatur dimidia sui parte, aqua moles toti instrumento aequalis erit duarum unciarum; Si mergatur ad tertiam sui partem, aqua toti aequalis erit trium unciarum &c. Id tamen incommodi, ut bene notat Aterfennius, habet praedictum instrumentum, quòd vix ac ne vix quidem deprehendi possit ab oculo quantum vis acuto, cum aqua lineis extremis lineam instrumenti inscriptam, vel insculptam attingat, vel superet; quandoquidem in aqua & linea confinio idem ferè contingit quod in confinio luminis

Item per cylindricū corpus ad id paratum.

Cylindrus ad aquam gravitatem inveniendus.

Et umbra, in quo lumen ab umbra distinguitur agerrimè, cum aqua diaphana spissius instrumenti colorem induere videatur. Præstat igitur, ad liquidorum gravitatem accurate explorandam, uti modis ante præscriptis in hac, & in I. Pragmatia.

PRAGMATIA XII.

Quantum salis contineat qualibet aqua salsa, hydrostatico artificio cognoscere.

Salis quantum continet qualibet aqua salsa vaporat.

Vide F. g. V. Iconismi XV.

Libro præcedente Syntagm. 3. Pragmatiâ 13. descripsi modum idem efficiendi, dixique me cum olim in *Cabao* legisse. Cabæus ait, se eam praxin reperisse in libello germanice à Joanne Tholden de Sale scripto. Locus apud Cabæum est lib. 2. Meteor. tex. 26. quæst. 2.

Fiat tubus fistula gracilis AB ex ebore, aut vitro, in cujus extremo sit sphaerula D, prout in figura apposita apparet. Sit totum instrumentum longitudinis palmaris, aut paulo brevioris; & ut sphaera aliquanto crassior & major debet esse, ita fistula debet esse gracilis omnino & levis. Accipe deinde aquam puram omnino, in qua certo scias nihil penitus inesse salis (qualis est aqua per alembicum sublimata;) & in hanc aquam instrumentum tuum impone, & paulatim adjuuge ad sphaerulam inferiorem, ubi B, pondus aliquod, sive extra appendendo, sive intus infundendo, donec adjunctum pondus ita deorsum trahat sphaerulam extremam, ut solum summum fistulae orificium A emineat supra aquam; quod orificium claudere debes, ne aut injectum pondus, si fundo non adhæret, egredi possit; aut aqua ingredi, si casu invertatur, aut mergatur. Parato sic instrumento, ita ut quoties immittitur in aquam purissimam, demergatur usque ad extremum fere fistulae, jam nulla est necessitas explorandi pondus aut injectæ materiæ, aut adjunctæ (ut aliqui crediderunt aut totius instrumenti; sed cujuscunque sit ignoti ponderis, vel exigui, æque potest deservire. Post hæc sume vas plenum aqua purissima, in qua totum hoc instrumentum demergi possit, & consequenter profunditas hujus valis sit aliquantulum major quam longitudo instrumenti. Imple vas aquâ, ut prorsus scias exactissime pondus hujus aquæ; & in hac cognitione ponderis hujus aquæ exacta totam dili-

ingentiam collocare debes. Totum hoc pondus hujus aquæ divide in partes 1200; sic enim ista aqua cujuscunque sit ponderis, supponetur esse librarum 100; & una pars illarum 1200, erit uncia illarum librarum 100; idem enim est ac si divideres datam aquam in partes 100, & singulas partes in 12. uncias. Sume deinde sal bene præparatum, & exsiccatum, in quo scilicet nulla sit extranea humiditas quæ pondus illius proprium variet; & ex illo sic præparato, & in pulverem subtiliter redacto, exacte repone particulas unciales ad rationem tuæ aquæ, id est, divide particulas salis, quarum pondus sit æquale uni ex illis 1200 partibus aquæ.

Jam impone paratum instrumentum AB in purissimam illam aquam explorati ponderis, & fistula nota exacte ad quam usque partem demergatur, notando in fistula circulum C, ita ut deleri non possit: mox in aquam iniice unciam unam salis, hoc est, unam ex paratis particulis 200, & fac ut in aqua sal ille dissolvatur; videbis statim instrumentum assurgere, ita ut major jam pars fistulæ emineat ex aqua. Nota diligentissime in fistula signum partis eminentis ex aqua, ita ut deleri non possit. Aliam similiter unciam salis tui impone in aquam, ut dissolvatur; iterum magis assurget instrumentum, & major pars fistulæ eminebit ex aqua, & tu exacte pariter nota signum indelebile partis jam eminentis ex aqua. Mox tertiam imposito uncias salis in aquam quâ dissolutâ tertio assurget instrumentum, & major pars fistulæ eminebit; & tu eadem diligentiam nota partem eminentem, & sic deinceps procedito, quoad usque instrumentum sphaerulæ pondere erectum manebit, & non obliquabitur, aut sternetur super aquas. Et si quidem fistula erit teres, & æqualis crassitie, ad singulas uncias salis injectas æqualiter assurget.

Ubi eo devenieris, ut vel tota fistula emerferit ex aqua vel certe ut instrumentum non maneat amplius erectum, quia summitas fistulæ suo pondere ipsum obliquat; ut instrumentum producas, & usum longiorem habeas; para tibi pondus plumbeum, & uncinulo appende ad B, & paulatim pondus plumbeum imminuendo, pone instrumentum in tuam illam aquam, inquam hactenus salem injecisti, & fac ut pondus valeat ipsum detrahare in aqua illa salsa, ut mergatur præcisè usque ad C; iterum uncias salis adden-

addendo, non obstante adjecto pondere, affurgit per singulos gradus 1, 2, 3, 4 &c. Adde jam alterum pondus, quod in aquam bis salisam detrahat instrumentum usque ad C; & sic deinceps, & habebis instrumentum perfectum, quo dignoscere possis quantum salis sit in unaquaque aqua salsa, quocunq; sale sit salsa.

*Instrumenti
usum.*

Quotiescunque enim hoc instrumentum in aquam pones, statim ex fistula emergente ex aqua videbis quantum salis sit in singulis 100 libris aquæ illius: siue enim aqua sit in magna quantitate, siue in parva: etiamsi hoc instrumentum collocaveris in medio mari, siue in uno cyatho tantum, assurget pro ratione salis in aqua existentis: ut enim se habuit illa pars 1200 salis ad illam aquam, ita se habet cujuscunque ponderis sal ad similem aquæ partem, ut videmus contingere in omni exploratione minerarum, & exacte consideranti patebit. Si ergo custodias semel tibi elaboratum instrumentum AB, dummodo non varietur pondus illius quo primo instrumentum parasti; habebis quomodo statim cujusque falsi fontis abundantiam vel inopiam salis possis pronuntiare, & ita Principes non decipies, nec tibi blandieris, sed scies ex libris 100 aquæ datæ quantum salis extrahere possis.

Et quia consuevere sapienter, ubi aquam salisam exsiccare non possumus, illam motu, agitatione, dissectione, dissipatione, deflatione ventorum, quantum fieri potest, exsiccare, ut minore labore, minoreque lignorum dispendio igne absumatur; potest hoc eodem instrumento cognoscere, quantum jam aquæ in illo motu & agitatione consumptum sit, & quantum tibi profuerit tua industria, & poteris illam evidenter probare Principibus. Si enim aqua salsa deprehendatur habere, dum in fonte profilit, v g. 18. uncias salis, & post motum habeat 20, aut 30, videbis quid tibi profuerit agitatio.

Hoc instrumento, imo experimentis habemus, aquam marinā longe aliquando minus esse salisam, quā sint aquæ fontanæ.

Hoc eodem instrumento poteris dijudicare statim, quænam aqua potabilis sit levior: si enim instrumentum in tua aqua pura descendat usque ad C, in aliā vero aqua magis descendat; illa aliā aqua erit levior & purior quā tua aqua; si in aliā minùs descendat, illa erit gravior & impurior.

Ratio & causa hujus instrumenti hæc est. Res levior aquâ in specie, in aquam demergitur tantum, ut pars demersa sit æqualis ^{Instrumenti} parti aquæ quæ in pondere sit æqualis toti corpori aquis imposito, ^{si ratio jam causa.} hoc est, parti demersæ & parti non demersæ simul sumptis, per Hypothesin VII. quia ergo si aquæ puræ sal miscetur, totum illud corpus aquæ sit magis grave, datâ paritate molis, hinc fit, ut si ad constituendum corpus aquæ æquale in magnitudine tuo instrumento, ex aqua pura tantum aquæ requirebatur, ex aqua salis minor requiratur aqua; & quo magis salis, eo minor requiratur, utpote quæ gravior est, datâ paritate molis. Et hinc est quod instrumentum in aqua salis minus demergatur; æqualiter autem demergatur, siue aqua sit in magna quantitate, siue in parva, quia demergitur aquæ ratione sibi respondentis, ut dictum.

ANNOTATIO.

HÆc fere Cabaus, multis quidem verbis, ut solet, ac clarissime *tamen*. Liber germanicus quem citat, est *Haligraphia* Joannis Thölden Hessi, ubi par. 2. cap. 1. prædictum instrumentum describit, sed ita jejune, ut nec ipsum ejus usum intellexisse videatur.

PRAGMATIA XIII.

Super aquas lacuum ac fluminum ambulare, hydrostatica arte.

FIt hoc cingulorum pneumaticorum ope, quæ describit ^{Ambulare} *Schwencker* ex Francisco Rösler, par. 12. Deliciarum Mathematicarum q. 16. & *Mersennius* in Phænomenis Hydraulicis Proposit. 49. Coroll. 1. Parantur in hunc modum Ex corio bubalino aut taurino fit cingulum latum sesqui palmo circiter, aut amplius, longitudinis tantæ, ut lumbos circumdare, & claudi arte suis fibulis queat. Hinc & inde ab utraq; lumborum parte assuuntur cingulo duo ex canina pelle utres in vesicarum modum efformati, eâ arte, ut nec aqua penetrare, nec aër intus conclusus exire possit. Utriq; utri infigitur fistula lignea, cujus interius orificiû platismatio seu ventili, ut vocant, instruitur, exterius cunolo seu obturamento exemptili. Hæc fistulæ tantæ debent esse longitudinis, ut cingulo præcincti os ad orificia exteriora applicari, & inspirato aëre vesicæ

inflari queant. Hinc ita constructis, qui pneumatici cinguli ope supra aquas, vel potius intra aquas ambulare desiderat, eo lumbos præcingit; utres seu vesicas affutas inflat per fistulas, fistularumque orificia obturat; pedum soleis plumbea pondera certâ proportionē alligat, ut erectum in aquis corpus perseveret, nec depronetur in latus prævalente extantis corporis ac capitis pondere; & ut quamcunque in partem vertere se queat, talos pinnulis quibusdam ceu remis obarmat; sicque instructus flumina, lacus, aliasque quascunque aquas consistentes, & à fluctibus liberas, sine periculo tranat, anseris, anatis, cygni, mergi, aliusvè aquaticæ avis instar, adeo ut caput galeâ, bustum militari thorace munire, tormentarium pulverem, sclopetum, hastam gestare queat. Ratio desumitur ex dictis Hypothesi V. Cùm enim cingulum prædictum plures aeris pedes cubicos capiat, vixque reperiatur ullus qui duobus aquæ pedibus cubicis æquiponderet, Merfeno teste; fieri nequit ut illo cingulo nixus immergatur, nisi usque ad ipsum cingulum. Possunt præterea crura ocreis ad umbilicum usque pertingentibus contra aquæ humiditatem defendi. Apparatu hætenus descripto armatus nescio quis Daniæ Rex, unâ cum aulico quodam ad milliare integrum per lacum ambulavit, Schvventero teste.

ANNOTATIO I.

Possunt pneumatica hæc cingula fieri tantæ latitudinis, & utres ventosæ tantæ capacitatis, tantæque aeris mole onerari, ut aqueæ moles totum hominis pondus hujusmodi cingulo obarmati longè superet gravitate, ac proinde non solum hominem aquæ aliquo usque immersum ac veluti sedentem, sed etiam erectum & toto fere corpore extra aquas extantem teneat, seu jacere lubeat, seu sedere, seu ambulare. Possunt præterea eadem cingula seu utres eorum laminis ferreis vestiri, ut Sagittis vel Sclopetis resisterent.

ANNOTATIO II.

Schvventerus loco citato ex eodem Francisco Rösler docet modum præparandi ex corio thoracem ad modum campanæ efformatum, supra clausum, infra apertum, antiè fenestellis instructum, quo selectus quispiam, & pon-


& ponderibus plumbis certa proportionē libratius, in aquam se demittere, infra eam huc illuc ad libitum discurrere, legere, scribere, aliaque sine submersionis periculo peragere queat. Artificium vide apud ipsum.

PRAGMATIA XIV.

Naves, aliaque magni ponderis in mari aut fluminibus submersa extrahere, hydrostatico artificio.

Artificium describit Cardannus lib. 1. Subtilitatum appo-
 sitis. Fundamentum artificii latet in Hypothesi nostra 8. & 9.
 supra allatis. Verba Cardani hæc sunt. Cum naves freto merguntur,
 quas eruere consilium est, cymba onusta saxis per funes alligantur navi-
 gio submerso ab urinatoribus, sic ut funes quantum fieri potest tendan-
 tur; inde totidem cymbis vacuis lapides ex prioribus detracti excipiun-
 tur; quo fit ut alleviata cymba navigium submersum paululum ex pro-
 fundo secum trahant. Nam aer cymbas, qua pondere lapidum ferme mer-
 gebantur, cum aqua subesse nolit, in superficiem aqua attollit, unde navi-
 gium submersum ferme pro cymba altitudine superius trahit-
 tur. Trahasur igitur ex A in B; tunc cymba qua plena sunt lapi-
 dibus, illi navigio annectantur funibus, transfusisq; lapidi-
 bus navigium trahetur in C. Rursus priores cymba, in quas la-
 pides transfudisti, ne sententur tensis funibus navigio in C exi-
 stenti, trahensque deductis lapidibus ipsum in D, atq; perpetua
 transmutatione ad aqua superficiem tandem deducetur. Sed di-
 ces: plurimis cymbis opus erit ad erire memeducendam. Verum
 est. Sed ratio sic constat.

Naves sub-
 mergas ex-
 trahere.



Naves quæ,
 cum pondus
 ferre possint
 in aqua.

Qualibet navis aut cymba tantum ferre potest
 ponderis, quantum est pondus aqua quam continere potest. Velut si tri-
 mis capiat in flumine mille amphoras aqua, quarum pondus sit decem
 millium talentorum; erire illa in flumine decem millia talenta feret.

Quod si eadem in mari capiat, ut dixi, easdem mille amphoras, quarum
 pondus sit duodecim millium talentorum (nam aqua maris gravior est
 quam fluminis) eadem in mari duodecim millia talenta ponderis feret.
 Atque ea ratione manifestum est, cur navigia appellare soleamus à mensu-
 ra, ut navem mille vel quingentarum amphorarum: idem est ac si dicas,
 qua ferre potest mille aut quingenta ponderis talenta: nam qualis est capa-
 citas, ut dixi, navis ratione aqua, tantum est pondus quod ferre potest,

scilicet quantum est pondus aqua. Manifestum est igitur ex hoc, quod diversa pondera eadem navis in diversis aquis foret, quoniam & aquarum ipsarum diversa sunt pondera. Iuxta verò hanc rationem liquet pondera magnitudinem esse pro ratione impellentis aqua. Nam si, ut gratia exempli dicam, cymba viginti amphoras sustinet, hoc est, quia aer inclusus ab aqua amphoris viginti superius impellitur, ut a uilla, scilicet qua in navis contineretur, locum suum recipiat. Bellè igitur convenit hoc experimentum cum ratione qua superius dicta est, scilicet vesicam aere plenam ab aqua sursum pelli, quod vesica aqua locum occupet. Quare pondus pro magnitudine aqua quam vesica continere potest, in aere sustinebit, id est, ita vesica pondere super imposito ut ipsum pondus totum in aere sit, non in aqua. Verum pondus quod in aqua est, ut ad navigium eruendum rursus veniam) tantò levius redditur, quanto aqua ipsa gravior extiterit: unde paucioribus cymbis opus erit, quàm quæ pondus demersi navigii ferre possent. Duplici verò ratione navigia ex gravioribus aquis facilius extrahuntur, quàm ex levioribus, atq; ideo ex mari, quàm ex fluminibus, vel lacubus: altera, quod cyn. ba in mari plus sustinent ponderis; reliqua, quod navigium in ea aqua minus grave est. Oportet autem hanc ob causam animadvertere, cum, ut dictum est, navigium gravius reddatur in aqua superficie quia partim est in aere quàm in imo, ut quanto magis elevatur à cymbis, eo plures ac majores cymba alligentur, nè decepti hac ratione non solum denuo mergatur, sed & impetu.

Hactenus Cardanus, clarissimè, & optimè, ac plane ex hydrostaticis principiis. Solum addendū est, cymbas debere esse instructas polyspastis, aut ergatis, seu succulis, quibus funes alligari per vices, & tendi prout oportet, queant. Dubitavit autem aliquis, subjungit Cardanus, cur exoneratis cymbis B, impletis autem aliis qua per A significatur, non descendat navis qua elevata fuit ab A cymbis vacuis? Non enim plena possunt sustinere pondus. Causa est, quia satlis jam funibus equalibus cymbarum A & B, cum jam vacuum seu inane, vel aer, qui in cymbis continetur, potentior sit navis pondere, plus trahet inane cymbarum B, quàm remittat gravitas aucti ponderis cymbarum A. Itaque hac ratione perpetuò navis ascendet; hoc duntaxat observato, ut plenarum cymbarum funes eò sint vacuarum cymbarum funibus breviores, quanto pondus lapidum eas cymbas deprimis. Quod ut facilius ac citius fiat, debent omnino adhiberi machinæ tractoriæ quas dixi.

ANNOTATIO.

Ex dictis hac Pragmatia patet ratio illius methodi, qua libro 3. cap. 4. Machina 5. diximus satyrum Architectum obeliscos navibus impositos terra devexisse.

PRAGMATIA XV.

Navem sub aquis natantem fabricari, ex Mersenni phantasia.

Marinus Mersennus, ex Ordine Minimorum quem S. Francis de Paula vocant in Italia, vir adeo fuit doctus, ut cum aliquin moderato valde ac demisso fuerit animo, seque ac sua minimè laudare consueverit, dixerit tamen Romæ P. Arhanasio Kitchero, Amico suo intimo, putare se, nullam sibi quaestionem à quoquam in quavis materia proponi posse, quam non consideret se soluturum. Is inter alia multa præclare à se inventa, & libris commendata, in opusculis suis quæ *Cogitata physico-mathematica* appellat, libro 2. de arte navigandi, post Tractatum de Magnetis proprietatibus, subjungit modum construendi navem sub aquis natantem; qui tamen viris doctis adeò impossibilis, imò & ridiculus videtur, ut dubitari possit utrum serò loquatur; & ego Romæ aliquoties in congressu virorum doctorum audiui, cum rem aliquam ingeniosè quidem excogitatam, at factu difficilem aut impossibilem vellent significare, dicerent esse instar navis Mersenni. Quo ad impossibilitatem rei sum in eadem cum aliis sententia, ideo supervacaneum judicabam artificium ab ipso propositum hic adducere: at quoniam pauci fortassis dicta Opuscula habent, & nihilominus artificium scire desiderant, narrationem ejus totam in breve compendium contractam attexere non gravabor. Sic ergo discurrit.

Primò, supponit ex hydrostatica, navem ita posse onerari, ut sit proximè ejusdem cum aqua ponderis, stetque propterea in quovis aquæ loco, si aqua à superficie usque ad fundum sit ejusdem gravitatis. Et quia nimis est difficile, ita librare corpus aliquod in aqua, ut ubique sub ipsa maneat, & datum locum servet; supponit remotum motu & agitatione suppleri posse dictam æqualitatem.

*Ejus mase-
ria,*

Secundo, nil interesse ait, cujus sit materiae navis natatura sub aquis, cum semper levior futura sit quam ut immergi possit, etiamsi fuerit ænea, ob magnam æris inclusi molem. Quapropter subvertenda erit, variisque ponderibus deprimenda, donec sit ejusdem fere cum æquali aquæ mole gravitatis, & parvo negotio possit vel ad superiorem aquæ superficiem redire, vel fundum petere: Super quo fundo, si quando satis firmum & rectum fuerit, ait posse navem suppositis rotis curruum instar circumduci; cum autem fundum id non permittit, posse remis inter aquas moveri.

*Mare in
profundita-
te liberum
à fluctibus.*

Tertiò, ligneam navim ait forte commodiorem fore. Eam vero ita exacte claudi ex omni parte debere, ut aqua ingredi non queat, nisi forte guttatim; & tunc eam facile posse ex nave ejici. Porro neque fluxum & refluxum, neque tempestates huic navi timendas esse asserit, cum ex tres aut quatuor profunditatis sexpedas minime superent, ideoque tutos esse, ac in perpetua tranquillitate eos, qui distant à maris superficie sex, decem, & quæ deinceps sunt, sexapedis.

Hæc eadem quæ hætenus ex Merfennenno retulimus, insinuaverat idem jam antea in Phænomenis Hydraulicis Proposit. 49. Coroll. 2. Pergit, &

*Eius urina-
tores na-
vim divi-
gentes.*

Quartò, hujuscemodi urinatores supponit, qui navim comitentur, ut respirandi modum sub aquis per mensem integrum sciant, & sub nave degentes, illam quocunque necesse fuerit, dirigant, ad fundum pertrahant, aut è fundo ad quamlibet altitudinem erigant. *Cum enim*, inquit, *funem cui plumbi massa, vel anchora, aut aliud quodvis pondus alligatur, in fundum demittent, navis levior facta, versus aquæ superficiem, quantum placuerit, ascendet, descendetque irractione ponderis. Quod & fieri poterit contis, & remorum palmulis peculiari modo constructis & motis.*

Quoniam autem plurimæ difficultates occurrunt quibus obviam eundum, puta circa varias egestiones, & quæ unque nocent oculis, aut odoratui, ejicienda; item circa homines extra navem, quoties opus fuerit, emittendos, aliosque in eam admittendos; circa cibos etiam & advehendos, & coquendos, tormenta bellica in pisces majores explodenda, & alia hujusmodi; putat
his

his omnibus difficultatibus, omiſſis aliis modis, occurrī poſſe ut ſequitur. Et quidem egeſtiones ac ſordium ejectiones quod attinet, parentur, inquit, & effingantur coria, quæ nullam aquam admittant, quæque diverſis canalibus ad aquam pervenientibus adhibeantur, & comprimi, dilatarique poſſint. Cum enim ſordes expurgandæ ejiciendæque fuerint; ex canalibus, quorum epiſtomia reſerabuntur, in coria ad aliorum canalium modum efformata, in extremo prope aquam fortiter alligata, primum ejicientur; deinde clauſis epiſtomis canalium, ſolvetur illud corium extremum, ut ſordes in aquam decendant. Eandem ſordium ejectionem putat fieri poſſe doliis duplex aut triplex fundum habentibus, ſi delapſis ſordibus ad primum fundum, id auferatur, & iisdem delapſis ad ſecundum reſtituatur, & hoc ſecundo ablato ſordes in mare decendant.

Ad hominum è navi emiſſionem quod attinet, putat eam inſtitui poſſe per alios canales capacitatis unius doli: per hoc enim canales ſimiliter ingredi & egredi tot homines poſſe putat, quot neceſſarium fuerit; qui ad aquæ ſuperficiem aſcendentes, novos cibos, aquam, & alia ſecum advehant, & alia, ſi opus fuerit, revehant: ſtatim enim atque per epiſtomia canalium in coria prædictis ſimilia deſcendant, clauſis iterum epiſtomis poſt coriorum ſolutionem, nè quidem aqua gutta in navem ingredietur. Idem dicendum putat de doliis diverſorum fundorum. Quisque porro ingredietur velegredietur, veſte coriaceâ induendum aſſerit, & ea pondera cruribus ac aliis partibus corporis adhibenda, quæ vel in fundo corpus detineant, vel impediant nè velocitate nimia ſuperficiem aquæ petat, ob pericula navis occurrentis, & alia vitanda, nè caput illidatur, aut machina urinatoria frangatur.

Quod ad tormenta ſpectat, ſuis etiam coriis alliganda cenſet; ſic enim non poteris per fenestras aqua, neque per ora tormentorum, ut poſe clauſa ante exploſionem, ingredi: ſed cum poſt exploſionem aqua ſubito in illorum ora ingrediat: ad ſummum ejiciendum fuerit tantumdem aquæ, quantum tormenti concavo continetur. Corium vero fenestras tormentorum ita claudat, ut ſoras promoveri, & retrahi poſſint, ob corii mobilitatem & obedientiam; quod in retractione inverſetur in ſtar manica.

Quinto, licet navis pars inferior aperiretur, putat non poſſe

aquam

ignem, flammam, candellarum, & aquam ad respirandum conservat.

aquam in eam ascendere nisi ad paucorum pedum altitudinem, cum aer quo plena est navis, non possit cedere. Confirmat hoc exemplo vitrei schyphi, lagenæ, & aliorum vasorum inverforum in aquam, quæ suum aërem ita conservant, ut in eo, licet sub aquas profundissimas immerso, flammam nutrant. Addit, se multoties expertum, candelæ sebaceæ unius uncie flammam in laterna, cujus concavum $\frac{1}{4}$ pedis cubici, sub aquis mergam, 25 secundis, vel triente minuti horarii durare: quare si laternæ concavum fuerit unius pedis cubici, tantoque majore flammâ nutriatur, quanto major fuerit laterna; putat flammam sex minutis horariis duraturam; atque adeo vas decem pedes cubicos habens conservaturam flammam per integram horam. Ex quibus facile concludi posse ait, quanta debeat esse navis, ut quisque sua flamma vel igne datæ quantitatis utatur. Atque hac ratione, aperiendo videlicet in navis parte inferiore fenestras, licet fortassis sufficiens remedium inveniri queat ad fovendum in navi submarina ignem, ad coquendos cibos, & ad respirandum; asserit nihilominus se ex Pneumaticis tam facile effecturum ut ignis ad cibum coquendum, & flamma ad videndum nunquam desit, ut nave citius nemo possit construere, quam ut ei conservandæ sub aquis flammæ modum ostendat.

Quomodo a later foras ejicienda homines occidendo &c.

Urinator excellens.

In fine libri 4. Harmoniæ Monito V. asserit, jam in usu esse fenestram navium, quas *pontones* appellant, in fundo navis, per quam sordes in altum mare solent ejici; ideoque duplicibus illis fundis, vel doliis, de quibus paulo ante, minime opus esse in submarina nave, cum tot fenestræ in navis fundo, seu tot foramina fieri possint, quot ad omne sordium genus ejiciendum, vel ad homines extra navim mittendos, aut pisces, & alia quæpiam in eam admittenda necessaria fuerint: ac præterea fumum ignium, & candelarum variis artificii per illa foramina posse in mare dispelli haustrisque etiam aquam dulcem in fundo maris occurrentem, in navem trahi. Ibidem ait, egregium urinatorem Joannem Barriem ex urbe Pertusio tribus leucis ab Aquis Sextiis distante oriundum, invenisse artem qua facile in fundo quodlibet maris per sex aut plures horas respirare, ambulare, naves demersas extrahere, & quidvis aliud præstare valeat. Item laternam,

candela lumen, quādiu libuerit, conservantem, quæ diversis
usibus infra aquā adhibeatur, v. g. piscationi quorumlibet piscium.
Et cum alis urinatoribus nē quidem decem pedes cubici aeris ad
respirationem ad dimidiam horam sufficiant, eundem uno du-
taxat aut altero pede cubico ad sex horarum respirationem uti, &
laternam vulgariam magnitudinem vix superantem, ad flam-
mam sub aquis perpetuo conservandam adhibere.

Sexto, navem hanc suam submarinam asserit terrenum ambi-
tum, nemine ceterorum mortalium conscio, unius aut alterius
anni spatio conficere posse, eamque, si maris profundum non de-
sit, tantæ magnitudinis esse posse, ut unius anni victum centum
hominibus suppeditet. Sed cum multa loca possint occurrere mi-
nus profunda, satius iudicat minorum navium submarinarum
classen apparare, quarum aliæ panem, aliæ vinum, aliæ aquam
ferant.

*Navis, ve-
locitas, &
capacitas,*

Septimo, jubet plures urinatores habere domunculas seu castel-
la navibus extrinsecus adhaerentia, in quibus excubent, navium
incolas monituri de singulis quæ in fundo maris occurrerint, ut
quæ voluerit Architalassus, in naves inferantur, & novæ obser-
vationes scriptis committantur; v. g. num aliqui pisces lumen la-
ternarum quæ collocatæ fuerint in fundo maris, fugiant; an om-
nes ad illud accedant: quanto velocius suber, uter inflatus, aut
quodlibet aliud corpus aquā levius, ad superficiem aquæ supe-
riorem ascendat; quodnam corpus eadem in aqua velocitate
ascendat, quā plumbum in aqua, vel etiam in aere descendit;
quantum iter globus tormenti militaris in aqua percurrat, & alia
similia.

*Eiusdem
domuncula
pro urina-
toribus,*

Octavo, ait aquæ dulcis scaturiginem sæpius in fundo maris oc-
currere, quibus nautæ submarini feliciter uti, & eam in naves in-
strumentis hydraulicis attrahere possint. Motum autem aeris, sive
condensatione, sive quovis alio modo, puta ex lignorum com-
bustione, & in cineres conversione, ex nautarum in navim redi-
tu, & ex eadem exitu, ex aere inspirato extra navem emisso, ex
victuum transportatione & sordium ejectione, & ex mille aliis re-
bus oriundum, permittit uniuscujusque cogitationi.

*Aeris in eo
motu quo-
modo pro-
curandus.*

Nono, Ad navis figuram quod attinet, iudicat omnium optimam

*Figura
navis,*

fore, si piscium figuram æmuletur; puppim tamen ac proram ait posse in acumen æquale desinere, ut quocunque libuerit, navis agitari possit remis; quarum palmulas hac arte construere vult, ut in omnem partem converti, & statim acie sua, non latiori parte possint ad libitum aquam dividere, tum ut navim antrorsum & retrorsum, tum ut sursum ac deorsum moveas: hac enim ratione quaslibet obvias rupes & montes superare, vel ad eorum radices adnatare poteris. Remis adhiberi vult harpagones & uncinos majores, quorum attractione & impulsione navis ascendat aut descendat. Fundo etiam & lateribus navis affigi vult retia diversa, ad pisces occurrentes capiendos.

*Artes quæ
in ea exer-
eri possunt.*

Decimo, addit quod nulla fere sit ars, quæ non possit in ea navis exerceri, nullum opificium, quod non in ea peragi: in particulari vero ait, posse in ea tenuari metalla in stamina chalybeis plagulis, omnia molarum genera usurpari, furnis æneis vel ferreis panes coqui, libros in ipsa navi conscriptos excudi, & alia similia.

*Naviculæ
majori navi
adjunctæ.*

Undecimò, vult plures naviculas abiegnas, aut alterius ligni aquâ leviores majori navi alligari, quibus solutis aquæ superficiem prohibitu repetas, tum ut polorum altitudinem capias, tum ut cujuslibet occurrentis Insulæ incolæ agnoscas, & ea in majorem navem referas quæ detexeris, quæque ad victum aut voluptatem pertinent. Novis enim ponderibus navicula quæ suo pte nutu ascenderat, deprimetur, continuòque nautâ quispian è mari poterit egredi, prout opus fuerit, aut libuerit. Majores etiam naves non solum remis, sed etiam prædictis naviculis ad superiorem aquæ superficiem revocari posse existimat, ut lignis oneretur ad navim iterum demersam reficiendam intra ipsam aquam.

ANNOTATIO I.

De vanitate hujus navis Mersenniana.

*Navis Mer-
senniana
vanitas.*

Vides, Lector, quàm mira ac portentosa hic Auctor, & quantapre-
fidentia sibi promittat de nave sua submarina. Audierat, vel le-
gerat, naviculam à Cornelio Drebellio in Anglia constructam, quæ
sub aquis depressa natabat, ut ipsemet refert loco supra citato ex
Pha-

Phænomenis Hydraulicis, putabatque, si verum est quod de Drebelli navicula narratur, eundem successum habituram quantumvis magnam navem: quasi construeretur, & mari committi ab ipso Mersenno deberet, vercor ne responderet quod Rhodiensibus respondit Callias architectus, de quo Vitruvius in peroratione & calce Operis sui de Architectura, Erat Rhodiensibus Diognetus Rhodius architectus, & ei de publico quotannis certa merces pro arte tribuebatur ad honorem. Venit facta, quidam architectus ab Arado, nomine Callias, & acroasin fecit, exemplumque prosulis muri, & supra id machinam in carchesio versatili constituit, quâ helepolim ad mœnia accedentem corripuit, & transiit intra murum. Hoc exemplar Rhodii cum vidissent, admirati ademerunt Diogneto quod fuerat ei quotannis constitutum, & cum honorem ad Calliam transfulerunt. Interea Rex Demetrius Rhodum obsidet, & mœnibus admovent helepolim immanibus sumptibus, & summa industria ac labore fabrefactam, cujus altitudo erat pedum 125, latitudo pedum 60, & ita ciliciis & coriis crudis confirmata, ut posset pati plagam lapidis balistâ immiissi pondo 360, ipsa autem machina erat pondo 360000. Cum autem Callias rogaretur à Rhodiis, ut contra eam helepolim machinam pararet, & illam, uti pollicitus erat, transferret intra murum; negavit posse. Non enim, inquit, omnia eisdem rationibus agi possunt, sed sunt aliqua quæ exemplaribus non magnis, similiter magna facta habent effectus; alia autem exemplaria non possunt habere, sed per se constituuntur. Nonnulla vero sunt quæ in exemplaribus videntur verisimilia; cum autem crescere cœperunt, dilabuntur, ut etiam possumus hinc animum advertere: terebratur terebra foramen semidigitale, digitale, sesquidigitale; si eadem ratione voluerimus palmare facere, non habet explicationem; semipedale autem, majus vè, nè cogitandum quidem videtur omnino. Sic item quemadmodum in nonnullis parvis exemplaribus factum apparet, in non valde magnis fieri posse videtur: non tamen eodem modo in majoribus id consequi potest. Ita videlicet responderet Mersennus, parvam naviculam infra aquas librari, huc illuc pro libitu impelli, aërem & alia intromitti atque emitte, flammam in ea nutrire, aliisque multa perfici circa eam posse, circa majorem navim non posse. Sed irriti conatus exemplum proferamus.

Callia vana promissio Rhodii

Helepolis Demetrii.

ANONTATIO II.

De vanitate navis Roterodamensis.

Navis Ro-
terodamen-
sis.

Rome cum essim, missus fuit à Belgio ad P. Athanasium Kircherum forma navis æri incisa, quam construxisse dicebatur Rotterdami in Hollandia Gallus quidam ingeniosissimus, cujus nomen mihi excidit) Anno 1653; & paulo post ex eodem Belgio Romam appulere nobiles quidam, qui assercbant se navim vidisse. Longitudo ejus dicebatur esse pedum 72, altitudo pedum 12., & latitudo pedum 8. Ea promittebat auctor se velle destruere die uno naves hostiles centum, ita ut neque ab igne, neque à tormentorum globis, neque à tempestatibus, neque à balis quibuscunque sinisterioribus casibus pati quidquam posset, nisi Deus id modo peculiari permitteret. Et licet naves hostiles intra portum conclusa, probeque custodita forent, spondebat tamen eas à sua navì non fore securas, neque nihilominus sine impedimento cum ea accessurum. Et licet proditione quadam in manus hostium veniret (alioquin enim esse impossibile assercbat ut interciperetur) à nemine tamen praterquam à se solo eam dirigi posse, ideoque hosti prorsus inutilem futuram. Unde merito fulmen maris eam appellari posse dicebat. Tantam praterca velocitatem ejus futuram assercbat in mari, quanta vix avis ullius in aere; adeo ut intra diem unum ex Hollandia in Galliam navigari, indeque in Hollandiam renavigari, intra sex vero hebdomadas in Orientalem Indiam penetrari posset. Haccum legissem & audivissem Rome, ingens me desiderium incescit de navis eventu aliquid certius experiendi: assercbat enim Kircherus, impossibile esse ut successum haberet; & jam fama adventarat, eam mari commissam statim præ nimio pondere submersam fuisse. Quamprimum ergo Herbipolim appulli, ab amplissimo hujus urbis Consule, Domino Michaele Schaupp petivi, dignaretur per notos & familiares in Hollandia in id inquirere: quod & pro sua humanitate fecit, & Amsterodamo per litteras intellexit, navim nunquam fuisse mari commissam, uspoie ab omnibus inutilem ad promissos effectus consequendos asmatam. Venit paulo post navis Auctor huc ad Eminentissimum Principem nostrum, eique suam operam obtulit; & cum de variis machinamentis à se inventis magnifice se laudasset, nihil

nihil de navi sua dixit. Inter alia asseruit, construxisse se tubospicillum, quo Lunam non solum cavernosam, ut alii, sed alicubi prorsus diaphanam ac perviam deprehendisset, & per patentia foramina cælum ipsum ac stellas perspexisset. Risit Princeps hominis jactantiam, jussitque Collegium nostrum accederet, & cum viris doctis de inventionibus his tam egregiis conferret: at deprehensum se animadvertens, neque ad nos venit, neque ad Principem rediit. Atque hac de navibus phantasticis sufficiant. Navis Roterodamensis schema, quod penes me habeo, non appono, quia pretium opera non est. De navi sub marina Drebellii lege Harstorfferum in Deliciis Mathematic. Par. 3. quæst. 8.

PRAGMATIA XVI.

Maris profunditatem metiri Hydrostatica arte.

P Josephus Blancanus lib. 5. Sphæræ cap. 4. ex Leone Baptista Alberto, modum docet explorandi profunditatem maris absque bolide, qui tamen fallacissimus est, ut videbimus. Juber accipi globulum gallæ, aut suberis D, habentem infixam ansulam ferream C, & ex ansula appendi juber uncinum plumbeum ABF, cujus major sit pars BF, quàm AB, & unà cum globulo demitti ad fundum maris, & eodem momento verti clepsydræ; statim enim ac per F impinget in fundum maris, reclinabitur uncinus, & exibit ab ansula C, quare galla, aut suber revertetur sursum ad superficiem aquæ, utpote aquâ levius: quo reverso, sisti juber clepsydræ, & metiri tempus; deinde maris illius, in quod demissus erat globulus, profunditatem explorari bolide, quæ sit exempli gratiâ pedum 300. & tempus illud fuerit 10. minutorum unius horæ. His positis, ait, si ejusdem ponderis uncinus, & suber, in aliud mare ignotæ profunditatis demittatur, & tempus descensus simul ac ascensus numeretur per clepsydræ, aut aliâ ratione; sciri poterit illius profunditas absque bolide: nam ut 10. minuta ad pedes 300. ita tempus hoc secundum inventum ad quæsitam profunditatem.

Maris profunditatem metiri.

Vide Fig. VI. Iconismi XV.

Modus Leonis Baptiste Alberti.

Similem modum docet Cusanus in Dialogo de staticis Experimentis, his verbis: *Cum plumbo fieret (hoc est, inveniretur maris profunditas) formato ad instar Lune octo dierum, ita tamen,*

Et Nicolai Cusani.

quod cornu unum sit ponderosus, & aliud levius; & in leviori pomum, aut aliud leve tali instrumento appendatur, quod plumbo in fundo pomum trahente, & primo cum ponderosiori parte terram tangente, & se sic successivè inclinante, pomum de cornu liberatum sursum revertatur, habita scientia per simile plumbum & pomum in alia aqua nota profunditatis: nam ex diversitate ponderum aquæ ex clepsydra, à tempore projectionis plumbi, & reversionis pomi, in diversis aquis, scitur quæsitum.

*Sed uterque
falsus.*

Verùm, ut optimè advertit *Cabæus* lib. 2. Meteor. tex. 6. quæst. 15. & *Ricciolus* lib. 2. Almagesti cap. 5. num. 11. hic modus omnino fallax est: nam supponit, eandem esse profunditatis rationem ad profunditatem, quæ est temporis ad tempus prædictum, & præterea, aquas maris ubique ejusdem esse crassitie & densitatis; quorum utrumque falsum est. Nam certum est, non omnes aquas marinas esse ubique æquè salas, ac proinde nec æquè graves ac densas, quia magis salæ sunt magis graves ac densæ.

*Maris aqua
non ubique
æquè salæ;
Et in fundo
forsitiss
densiores*

Probabile etiam valde est, aquas maris circa fundum graviores ac densiores esse, quàm circa superficiem, quoniam expertissimus quidam Archicolymhetes apud Mersennum loco citato præcedente Pragmatia testatur, se cùm 60. aut 80. sexpedas in profundum descendisset, ulterius non potuisse descendere, donec novo pondere demergeretur, cumque super fundo ambulanti fossa profundior aqua plena occurrisset, in eam, utpote magis resistantem, non potuisse descendere: quod non possis explicare, inquit Mersennus, nisi aqua versus fundum gravior & gravior evadat. Certum præterea est, gravia ac levia ascendere ac descendere naturali suo motu velocius ac velocius versus finem, atque adeo difformiter. Fallax ergo est prædictus modus explorandi maris profunditatem, & alius est excogitandus.

*Modus ordi-
narius
per bolidem
etiam fallax
esse potest.*

Plerique bolide utuntur, pondere videlicet funi alligato, & intra mare demisso, donec fundum attingat, ex Spatio enim demer- si funis colligunt profunditatem maris. Sed & hic modus potest esse fallax, nisi certa adhibeatur cautela. Nam ut bene advertit *Cabæus* loc. cit. cum Leone Baptista Alberto, potest tanta esse maris profunditas, ut datâ bolide mēsurari non possit, etiam si funis non desit; si nimirum pondus dati plumbi aut ferri unâ cum fune

funis levius sit: quam moles aquæ æqualis moli funis & plumbi simul: tunc enim funis non trahetur deorsum perpendiculariter à fune, sed fluitabit huc illuc, & undulatum natabit. Appendendum ergo est funi tantum pondus, ut certus sis ad fundum usque perpendiculariter descendere, alioquin nunquam eris certus de profunditate maris. Quantum porro pondus hic & nunc appendendum sit, docet P. Ricciolus loc. cit. in hunc modum.

Esto superficies maris *MR*, & bolis *EGR*, cujus funis *EG* sit pedum mille; quaraturque pondus plumbi *GR*, idoneum ad retinendum funem *EG* in recto situ lineæ perpendicularis sub aqua. Accipe funem decem pedalem ejusdem speciei & crassitudinis, cujus est *EG*, & probè meda factum aqua marina illum pondera, sitque exempli ergo librarum 3. cui appende plumbum *GR* grave in aere libras $2\frac{1}{2}$, sed in aqua maris ponderatum sit librarum tantummodò 2. ut differentia sit selibra, & aggregatum ponderum in aere sit librarum $5\frac{1}{2}$. His notatis in scheda, demitte totum funem decem pedalem *EG*, cum plumbo illo *GK*, infra superficiem aqua marina *MR*, & statim expende utrumque, sitque pondus illorum simul libra unus, exempli gratia: subtracto igitur pondere libra unus, ab aggregato pondere illorum extra aquam, restant libra $4\frac{1}{2}$. tanti ergo ponderis est aqua profunditas illa, cujus moles æqualis est moli totius bolidis *EKG*: dempta autem selibra, quæ fuit differentia inter pondus plumbi, & pondus funis, à libris $4\frac{1}{2}$. restant libra 4. quæ competunt profunditati aqua æqualis soli funi *EG*, qui numerus vocetur argumentum profunditatis aqua. Quo argumento, sic reliquum problematis expedit. Multiplica per argumentum prædictum, nempe in nostro casu per 4. numerum pedum funis dati, qui erat millenarius, & fiunt 4000. quo diviso per 10. restant 400. Dic ergo, si pedes 10. talis funis pendent libras 3. ergo funis pedum 1000. pendet libras 300. quibus demptis à libris 400. restant libra 100. plumbo appendende funi mille pedum, ut rectè à deorsum trahatur: alioquin si pondus plumbi sit minus, & mare profundius mille pedibus, fluitabit funis obliquè, nec talis bolide explorari poteris profunditas maris. Hæc Ricciolus. Lege etiam Metiennum Phænomenis Hydraulicis propositis. 52.

Cautela adhibenda in bolide, ex Ricciolo. Vide Fig. VI L. Iconismi XV.

ANNOTATIO I.

Etiam hac regula, seu calculus ejus supponit aquam maris, cujuscunque profunditatis, ejusdem esse gravitatis versus fundum & versus
Riccioli cautulus videtur super-

^{esse sal-}
^{lue.} *superficiem: nam sicuti aqua moles aequalis funi decempedum, est versus superficiem, ubi sit prima ponderatio, quatuor librarum, ita putatur eandem molem aqua versus fundum esse similiter quatuor librarum, cum tamen probabile sit esse graviolem. Deinde posito quòd aqua per totum sit ejusdem gravitatis, non valet hic modus, nisi in casu quo profunditas minor est quàm longitudo dati funi: si enim major est profunditas, non poterit sciri quanta ea sit, sed solum quòd major sit quàm longitudo funis dati. Præterea non video, cur detracta differentia inter pondus funis trium librarum, & pondus plumbi duarum librarum cum dimidia, nempe sexlibra, residuum pondus quatuor librarum indices pondus aquae molis aequalis soli funi. Quid ergo faciendum, si in acre pondus funis est aequale ponderi plumbi appensi? Taceo alias difficultates contra hunc eundem modum occurrentes. Dicendum ergo, modum explorandi maris profunditatem per bolidem, ordinariè securum esse, quia ordinariè non est tanta profunditas ut pondus funi appensum non pertingat usque ad fundum, infallibiliter tamen non esse certum, propter rationem ex Cabao & Alberto adductam.*

ANNOTATIO II.

Similem modum affert Schwenterus in Deliciis Mathem. par. 13. q. ult. ex Christophoro Puchlero, & Rivio, qui propterea easdem patiuntur difficultates.

PRAGMATIA XVII.

Vitreas aviculas, aliasque cujuscunque formæ icunculas ex vitro in aqualibrare, sursumque ac deorsum pro libitu motitare.

PRaxin tradidimus in Mechanica Hydraulico Phneumatica Parte 2. Classe I. cap. 5. Machina 6. quam appellavimus *Hydro-technicum tubum, varia ludentis naturæ Spectacula exhibentem*. Præscripsimus autem duos modos.

PRIMUS MODUS.

PRIumum modum vocavimus *Experimentum Florentinum*, quia Florentiæ primum fuit inventum, quo globulus vitreus levissimus, intus cavus, habensque collum exiguo osculo pervium, tubo vitreo

Vitreo aqua pleno includitur, & tubus clauditur. Globulus enim *Experimentum*
 immittitur in aqua, subdit ad fundum usque tubi, ibique hæret *tum Florem.*
 immorus: tubi verò fundo aqua frigida immerso, & aqua non
 nisi trifecta, ascendit illico globulus & in suprema hæret super-
 ficie: calefacto tubo vel manuum, vel aqua, vel ignis calore, de-
 scendit iterum globulus, tanto magis minusvè, quo magis minus-
 vè fuerit aqua tubi calore alterata. Causam horum motuum glo-
 buli assignavimus ibi ex Hydrostaticis principiis, quia nimirum
 globulus unà cum aere & aqua inclusis, est nunc gravior, nunc le-
 vior, quam æqualis moles aqua.

SECUNDUS MODUS.

SECUNDUM modum appellavimus *Experimentum Romanum*,
 quia Romæ inventum, quo phialæ seu tubo vitreo angusti oris, *Experimentum Romanum.*
 quod pollice contegi queat, aqua penitus pleno, eijcitur prædi-
 ctus globulus, aut cuncula aliqua vitrea intus cava, & exiguo os-
 culo alicubi aperta. qui quidem globulus (aut incuncula) cum
 sit aere plenus, hæret circa tubi collum, pressa vero aqua pollice,
 descendit magis aut minus, iterumque ascendit, quo magis aut
 minus aqua premitur. Hujus etiam causam ex Hydrostatica peti-
 vimus, quia videlicet aqua pressa insinuat se se per osculum in
 globulum, eumque constituit nunc magis, nunc verominus gra-
 vem quam sit æqualis ipsi moles aqua.

Simile, vel potius idem cum Romano Experimento propo-
 nit Emanuel Magnan. in cursu suo Philosophico to. 4. c. 17. Propo-
 sit. 3. num. 8. ubi docet, qua ratione ex vitro formandus sit anser
 intra aquam doliolo vitreo inclusam natans, his verbis. *Experimentum*
tum Magnani de an-
sere vitreo
natante.
na flammam arte vitraria formatur è vitro globosa ampulla ciceris aut
 cerasi magnitudine, collo seu tubulo pratenui, ac non ad modum longo, ea
 Proportione qua solet in phialis majusculis, cum sola magnitudinis dif-
 ferentiâ. Nihilominus ad elegantiam operis potest artifex ampulla jam
 formata coaptare & annectere velut anseris caput, & alas & caudam,
 statamen, ut prædictus ampulla tubulus inferiorem teneat locum, &
 sit in anseris quasi loco pedum: quorum similitudinem facilius ob-
 tinebit, si eius orificio (quod tamen debet manere apertum) cir-
 cumponat, & ad ignem, ut dictum, lucerna coagulet particulas vitri

tot actantia molis, ut figura simul & pondere duplex obeant munus, nimirum anserini explicati pedis formam referant (quod est ad operis venustatem,) & praegravent eundem tubulum ad hoc ut in aqua, dum vitreus anser fluitabit, aut mergetur, locum inferiorem constanter teneat more pedum. Insuper debet tota hac machinula particulis vitri hinc inde in modum pinnarum, aut alias ad elegantiam dispositis ita onerari, ut cum aqua, cui imponitur, ad aequilibrium reducat, nempe ut non quidem sponte mergatur ad imum, sed quovis exiguo (velut duorum vel trium arena granulorum) addito pondere mergi queat. Sic instructus vitreus anser committitur aquae contentae capaciore alveo vitreae majuscula ampullae dolioli specie, ut videre potes in Fig. (hac enim forma visa est percommoda, quamvis & alia commoda sint) cujus ex latere positum orificium possit imposito pollice facile occludi; & sit omnino plenum aquae doliolum, ut pollex orificium occludens aquam tangat. Tunc verò si pollice aquam premas, subsidet ad imum anser; evadet autem in altum si paululum remittas pollicem: (cave tamen ne sic remittas, ut aqua possit effluere: & iterum si premas aquam, desilies illico anser: & quod magis mirere, si ad quantam tibi propositam premendi mensuram premas, digito constanter a eadem mensuram premente, perstabit anser immotus in medio aquae ad quodvis aptatum signum in linea perpendiculari, v. g. in A, vel in B, vel in C, ac descendet vel ascendet vè ad quod volueris, prout impaeto pollice vim adhibueris premendi majorem vel minorem: ita ut requiratur pressio vehementior, ut ad inferius punctum C, anser consistat, & levior, ut ad punctum superius A, medicis vero, ut ad umbilicum B.

Vide Fig.
VIII Ico.
nismi XV.

Causa Ex-
perimenti.

Hæc Magnan. Causam Experimenti eandem adsignat quam nos, nimirum quia pro varia pressione aquae anser assumit variam gravitatem, nunc majorem, nunc minorem, nunc æqualem aquae ejusdem cum ipso molis. Hoc autem quomodo contingat, ita ipse explicat, diverso modo à nostro, ut prima fronte apparet. *Aqua prementi pollicis cogitur concedere locum, quia non patitur condensari se pressu illo, & ideo querit alibi locum æqualem ei quem invadit atque occupat pollex premens: & cum non inveniat, propter parietes dolioli bene firmos atque invios, solum superest sub anseris pede tubulus apertus ampullula: cum enim tota anseris alvus, nempe ampullula, plena sit aere, & aer non diffculter patiat, dum aqua premitur à pollice,*

pollice. premitur aer ab aqua ad os tubuli instante, atque densatur, & ad locum angustiores redigitur intra dictam alvum, & partem loci totalis quam prius occupabat, permittit aqua sese per tubulum insinuanti, & sic intra anserem aqua admittitur plus minusvè, secundum quod plus minusvè premitur à pollice. Tunc autem quia moles vitrei anseris, prout præcise constat vitro & aere, minuitur, ut patet; adeoque minorem in aqua locum occupat: consequenter fit respectu ejus gravior, ex demonstratione ab Archimede lib. 1. de his vehuntur in aqua. At vero cum remittitur digitus, minuiturque eatenus vis premendi, aer præcedenti vehementiori pressu in alvo anseris præter naturam densatus, adeoque vim passus, arrepta facultate levioris pressus, laxat iterum sua spacia, & restituit se in pristinum locum excluditque ex eo aquam, & eatenus tota jam anseris moles, prout suo vitro & suo constat aere, locum occupat in aqua majorem, unde & fit respectu ejus levior. Diversitas apparens hujusmodi à nostro consistit in eo. Nos volumus, globulum seu anserem solo aëre plenum, superiorem aquæ locum petere, quia levior est quàm aquæ moles quam excludit: eundem globulum seu anserem aëre plenum & aquâ, descendere penitus, vel in dato per pressionem loco hære, quia gravior est, aut æquè gravis, quàm aquæ moles quam occupat: ideo autem esse graviolem nunc, quàm antea, quia antea solum aërem includebat, nunc unâ cum aëre includit aquam. Putamus itaque, aquam intra globulum contentam, addere ipsi globulo & aëri pondus. Magnan. verò vult, globulum seu anserem unâ cum aëre totam alvum occupante occupare majorem locum in aqua, hoc est, plus aquæ excludere, quàm globulum seu anserem unâ cum aëre intra alvum condensato; quod quidem verissimum est: ex quo infert, in primo casu leviolem esse aquâ quam tunc occupat & excludit, in secundo casu graviolem aquâ quam nunc occupat & excludit. Hoc secundum est verum, si aqua intra globulum recepta non addit illi pondus falsum, si addit, vel saltem non convincit, quia non constat tunc an gravitas sufficiens ad descensum sit à solo vitro & aere condensato, an simul etiam ab aqua inclusa.

TERTIUS MODUS.

*Experimentum
Augu-
stinum.*

Alium modum librandi anserem vitreum, aliasque aviculas, & iunculas quasunque, vidi Romæ apud quendam artificem Germanum, qui iunculas illas ad lampidis flammam elaborabat: & Augustæ apud Joannem Wisel, cujus memini suprà i. par. lib. 10. Syntagm. 1. cap. 3. Efformant hianserem, aut aliam avem, ex vitro, intus cavam, & aquâ leviolem, ac proinde eidem supernatantem: deinde globum aut ampullam vitream rotundam, aut cujuscunque alterius figuræ, replent ad duas aut tres partes aquâ lympidissimâ, & anseri injecto claudunt vitro liquefacto ad eandem lampadem. Hoc factò, quamcunque in partem verteris aut everteris ampullam, semper anser supernatat. Res non est magni artificij. Majoris esset, si ita effingeretur anser, additis aut detractis hinc inde particulis, ut æqualis esset gravitatis cum aqua ejusdem molis, & consequenter datum quemcunque locum in aqua servaret, & tamen semper erecto corpore intra aquam consisteret: Tunc enim si ampullæ aquâ penitus plenæ includeretur, semper in aqua natante conspiceretur. Quà verò ratione corpora aliqua possint dicta ratione in aqua librari, paulo post dicemus.

PRAGMATIA XVIII.

Quatuor humores intra spheram vitream ita librare, ut mundum elementarem referant.

*spheram
quatuor
Elemento-
rum vitra
formare.*

Elementorum ordinem naturalem hunc esse, à Deo rerum Authore in dictum, constat, ut terra, utpote gravissima, infimum & universi centro vicinissimum locum occupet: supra terram sit aqua, utpote terrâ levior, supra aquam aer, utpote adhuc levior aquâ: supra aerem denique putatus ignis, seu æther, omnium levissimus. Quatuor hæc elementa, eorumque ordinem, æmulantur nonnulli quatuor diversæ gravitatis seu levitatis humoribus, intra vitream spheram seu oblongam ampullam inclusi: qui licet inter se motu & agitatione confundantur, ac veluti in chaos redigantur, unusquisque tamen mox propriam sedem ac veluti spheram sibi debitam reperit. Hujusmodi ampullam cum aliquotibus suis vidi Romæ, non sine delectatione. Humores porro

pono quatuor, qui quatuor elementa quoad gravitatem ac levitatem, & consequenter quoad situm intra ampullam referunt, quibusque elementarem mundum aliqui æmulantur sunt sequentes.

Pro terra antimonium crudum, vel etiam colorem illum cæruleum, quem smaltum vulgò in Italia vocant, exactè deputatum, loco infimo ampullæ inferunt. Supra hunc, pro aqua spiritum curarii infundunt. Supra hunc pro aere infundunt spiritum vini tertio rectificatum, qui & colore aerem refert. Supremo denique loco, pro igne seu æthere affundunt oleum de been, ut vocant Chymici, quod colore, levitate ac subtilitate dictum elementum refert. Hi quatuor liquores ejus sunt naturæ, ut quomodocunque illos & quantumcunque permiscueris inter se agitatione, inversione, & confusione, singuli tamen ad proprias & à principio sibi attributas sedes, veluti ad sphaeras suas redeant. Lege Kircherum lib. 3. Magnetis par. 2. cap. 3. Experim. 5. ubi ait, posse similes quatuor liquores, quatuor elementorum veluti similes, ex una & eadem simplici substantia chymico magisterio extrahi, & se octo diversos liquores, quorum unus alterum continuâ serie transcendebat, ex diversis oleis & spiritibus fieri aliquando curasse, & iis octo cælorum orbitas retulisse, & in iisdem planetarum & fixarum stellarum corpora, magneticâ arte in orbem, ad exemplar Naturæ, rotasse.

*Liquores
quatuor
Elementa
referentes*

*Liquores
octo cælorum
referentes*

ANNOTATIO I.

Utrum hujusmodi liquores eâ arte preparari atque includi possint, ut unus alterum sphaerico complexu circumdet

Hoc facere se posse, assertit Cornelius Drebellius in Epistola de perpetui mobilis inventionem, ad Angliæ Regem, his verbis. Cæterum ut magis confirmem, me intelligere causam motus rerum sursum & deorsum, & quid terram & aquam immediè aeris portet: ita in vitro clauso terram in medio aquæ, aquam in medio aeris, atque aerem in medio ignis suspendo, ut unum elementum aliud ambiat, velut circulus alius alium: autè diverso, statuo aerem in medio aquæ instat globi, & aquam in medio terræ, ita invicem

*Liquores
plures an
possint so-
muno im-
cludere
@ hanc*

se amplectentes, ut aer hunc terrarum orbem. Atq; hoc modo altum humile, humile altum, leve grave, grave leve facio. Kircherus loc. cit. ait si de unico humore in medio alterius conglobato sermo sit, se non negare id fieri posse, & se certum quoddam olei genus scire, quod cui-dam aqua super affusum, in globum mox se, ut videlicet hoc sit singula olei partes à violentia corrosione aquae melius sese defendant, contrahit. Difficile tamen esse arbitratur, plures humores ita constituere, ut unus alterum sphaerice circumdet. In centro tamen terra & universi id fieri posse, imò necessario ita fieri debere existimas. Unde, ex Kirch. mente, si quis supra dictos quatuor liquores circa mundi centrum ita disponderet, ut in ipso centro collocaret antimonium, deinde affunderet spiritum tartari, tum spiritum vini, ac tandem oleum de been; antimonium conflueret in globulum Mundi concentricum, & circa hunc reliqui conglobarentur, tum quia ad loca decliviora sublati impedimentis (qua ibi nulla forent, ut supponitur,) confluerent, tum quia secundum omnes suas partes aequaliter à centro Mundi distare affectarent, prout humidorum natura requirit. Atque hac ipsa humidorum natura est causa, cur idem extra Mundi centrum in Terra superficie apud nos fieri non posse existimet Kircherus. Cum enim omne humidum consistens sphaericam habeat extimam superficiem, habentem idem centrum cum universo, ut Archimedes demonstrat in lib. de insidentibus humido; clarum est, si extra Mundi centrum, in Terra superficie, unus humor circumdaret alterum sphaerice, nullam habere extimam superficiem suam aequaliter à dicto centro distantem, quandoquidem superficies homisphaerii superioris magis distaret à centro, quam superficies homisphaerii inferioris, ut ibidem apostolice demonstrat Kircherus.

In centro
Terra id
fieri posse
putat Kir-
cherus.

Non vero
extra cen-
trum.

Contrari-
um sentit
Auctor.

Empirico-
rum signum
est.

Ego existimo, licet naturaliter fieri non possit ut plures humores se mutuo sphaerice circumdent, propter causam assignatam; arte tamen id fieri non repugnare, alioquin nec unum oleum intra aquam aliquam conglobari posset, quia non haberet extimam superficiem aequaliter undique à centro universi distantem. Sicut ergo arte fieri potest, ut oleum propter causam aliquam conglobetur intra certam aquam, ita etiam fieri potest ut hac ipsa aqua conglobetur intra aliam propter eandem aut similem causam. Quae vero arte id fecerit, aut facere voluerit Drebellius, nescio. Refert Kircherus ex Theatro chymico, Empiricos quosdam promittere, se posse magisterio quodam ad-

totum creationis Mundi opus ob oculos ponere simili arte, non tam certo quodam liquore vitream implendo sphaeram, eique infundendo oleum, quod ipsi benedictum appellant, & subito hac infusione ceu chaos quoddam causando moxque aliud oleum priori super affundendo. His enim factis, ajunt in momento chaos illud apparere, ceu divina voce percussum, in lucem assurgit, elementa in species suas discernuntur, puriore hujus molis parte in caelos, parte alia in planetas & lucidissima sidera abeunte, ita ut totum denique opus, ceu mixturam quidam, elementis, motu, luce, stellis, ceterisque mundi partibus mixturam perfecte referat. Hoc tamen Jacobundorum Empiricorum seu chymistarum merum figmentum esse arbitratur Kircherus; addens se olim Francofurti ad Manum hujus rei solum rudimentum quoddam apud insignem Medicum viderisse, qui dum affundebat liquorem liquori, è vestigio liquorem dilutum in quasdam seintillulas ceu stellulas abiisse, quae tamen non diu durarint; ceterum nullam liquorum conglotationem notare potuisse.

ANNOTATIO II.

Similem praxin diversos liquores eidem vitro infundendi, ut unus ^{Liquores} supernatet alteri, docet Daniel Schvventerus in *Deliciis Mathematicis* par. 13. quæst. 49. jubet accipi vitrum cylindricum, ei- ^{plures per-} que infundi primoloco lac ad altitudinem duorum circiter digito- ^{missos in} rum: super lac oleum, aut butyrum liquefactum supra hoc ponit segmen- ^{vitro in-} tum panis instar orbiculi rotundum; aequalis fere cum vitro diame- ^{cludero-} tri supra panem infundi cerevisiam; & supra hanc iterum oleum aut butyrum liquefactum, ac panis segmentum; super hoc vinum al-
bum, rubrum, spiritum vini, & alios liquores, ita tamen ut semper oleum aut liquefactum butyrum cum panis orbiculo intercedat. Res est maiorum sumptuum, nec magni laboris, non modica tamen admirationis pro inexpertis.

PRAGMATIA XIX.

Globulum solidum in medio liquore hydrostaticè
librarum suspendere.

EX Hypothesibus supra Syntagm. i. positis constat solida hu- ^{Globulum}
mido graviora descendere utque ad fundum, leviora partim ^{solidum in}
mergi

rimedio li
guore su
spendere.
difficile.

inergi, partim extorere extralupream superficiem; æquè gravia denique datum quemvis locum intrahum dum servare. Hoc postremum tamen verum sit, difficulter tamen solidum aliquod æqualis cum aqua gravitatis ita intra eam librari ac suspendi potest, ut diu datum locum serveat, & non vel ascendat, vel descendat penitus: nam vel minimus aquæ mucus hujusmodi solido accidens atque adhærens, id præponderare ac descendere facit; uti & qualibet vel levis aeris ambientis mutatio, & ex ea consequens aquæ alteratio aut calore, aut frigore, idem vel sursum trudit alleviatum, vel deorsum mergit aggravatum. Certe P. Kircherus indefesso studio, & pertinaci labore in hujusmodi librandi rationem olim incubuit, nihil tamen unquam stabile ac diu durabile efficere potuit, uti ipse fatetur lib. 2. Magnetis par. 1. Proposit. 8. Diu itaque cum in homogeneis humidis rem istam frustra tentasset, ad homogenea se convertit, & tandem incredibili mentis oblectatione sequentem modum invenit, & publici juris fecit loc. cit. Pragmatia 4. his verbis.

Qua arte
in facere
Kocher m

Aqua fontana, aut alio liquore à fece turbida, quam semper admixtam habes, per longam d. coctionem repurgato, sphaerā vitream ad medietatem impleto: huic alium quempium heterogeneum humorem, è vino, terrebinto, haccu been, vel simili materia alius incommisibili, dummodo ejusdem cū substrato humore coloris sit, arte chymica extractum, affunde. Ego spiritum tartari spiritui vini, cui misceri nescis, conjungere soleo. Vasi itaq; hujusmodi humoribus repleto, sphaerulam magneti factam immittes. Dico sphaerulam prius ad humores librasam, usq; ad medium sphaera seu vasis humoribus prædictis repleti descensuram, ibiq; constituram. Cum enim sphaera immissa humore superiore sit gravior, & levior inferiore; ergo infra descendet usq; ad superficiem inferiori, in hujus vero, utpote gravioris, superficie ipsa levior persistet; ergo globus consistet in medio, humido inferiore graviore, ne descendat levius, impediente; & gravitate sphaera, ne per levius se medium elevet, retardante.

Sphæcula sic stabit mediis immobilis undis.

Non secus ac medio Tellus immobilis orbe.

Quod spectaculum cum primum exhibuissem, dici vix potest, quam
tum admirationis, etiam illi, qui Philosophi haberi volunt, id peperit,
dum

non aperent, quæ tam stabiliter sphaera in centro suo librari posset. Cuius enim diversitatem humorum ex identitate coloris dignoscere non possent, hærebant, nec nisi manifestato mysterio rem concipere poterant; præsertim cum à suo centro amotam sphaerulam idem semper adeo constantè repetere viderent, ut nulla arte & industria ejus ad medium nusquam eludi posset. Quam quidem stabilitatem ea, quæ sequitur, ratione ei induces. Magnetem fundo, vel orificio vasis, humores prædictos, cum sphaerula magnete facta continentis ita adaptabis, ut poli magnetis horisontis aequidistant. Hoc peracto, trahetur sphaerula magnete facta à magnete jam memorato in medium vasis centrum, ut se poli magnetici facta à magnete jam memorato in medium vasis centrum, ut se poli magnetici corporis sphaerula inclusi, supra positi aut infra positi magnetis poli conforment, nec unquam hunc situm, quantum vis violentè à centro dimoveatur, relinquet. Hactenus Kircherus.

PRAGMATIA XX

Discumbentes illudere, ut pro vino aquam bibant.

PRaxin proponit Porta lib. 18. Magiæ Natural. cap. 2. in hunc sensum. Fiat schypus infundibili forma, habens patulum os superius, infra verò paulatim in pyramidem desinat, & angusto ori pilam vitream adnexam gerat. In hujusmodi schypum infundatur primo aqua, inspectante illo cui illudere vis, donec pila repleatur; deinde adjungatur paulatim vinum, donec replatur schypus; quod quoniam levius est aqua, ei non miscetur. Propina mox Amico; & vinum meracumbibes: porrige deinde amico & primo vinum merum, deinde dilutum, tandem puram aquam bibet. At si Amicus ad idem certamen te provocabit, & volet ut tu primo bibas; reple pilam cyathi vino, & aquam superaffunde, ipso etiam inspectante antequam bibas, cum variis colloquiis remotor; nam interim per angustum os inferius schypophi aqua paulatim descendet, & tantumdem vini ascendet; videbisque, si attendas, per aquam vinum ascendere, & aquam descendere per medium vini, & ima petere, pilamque replere. Ubi aquam descendisse noveris, vinumque ascendisse: bibe tu, & hauries vinum: porrige deinde schypum amico, & hauriet aquam dilutam, deinde puram.

Discumbentes illudere ut pro vino aquam bibant.

ANNOTATIO I.

UT hac fraude illudatur etiam iis, qui vinum diluere non consueverunt, necesse est scyphum cum pila inferius adjuncta non esse ex vitro, sed ex altra materia non pellucida: & præterea ut aqua ipsis non videntibus in primo casu infundatur. In secundo autem casu fraude locum apud ipsos vix inveniet, quoniam neminem provocabunt ad vinum dilutum sibi propinandum.

ANONTATIO II.

Ratio hujus praxi per se patet, quoniam aqua gravior est vino, ideoque illa inferiorem, hoc superiorem affectat locum. Ex quo etiam evenit, inquit Porta, ut non sine maximo bibentium incommodo, cum vinum ceraceis in vasculis, vel æneis, malè clausis puteo immergimus, refrigerandi causa, aqua gravior, per minimum spiraculum subiens, vinum egredi cogat, expellatque, parvoque temporis momento vas aqua repleatur, vinum evanescat, ut ne aqua tantillum vini respiciat: ob id os solertius claudatur. Experimentiam vidi sapius in Sicilia, adeo ut obeam causam putei aut cisterne fuerint destructæ, aquis vini sapore infectis. Merseñnus in sine phænomenorum Hydraulic Monito 2. ait, aquam vino infusam, cum fundum petere deberes, ut pote vino gravior, innatare neque posse sine artificio ad fundum precipitari, quod equidem miror. Ibidem asserit, olea fundum aqua petere.

ANNOTATIO III.

Vino aqua
an aqua vi-
num infun-
dendum.

Querunt nonnulli, utrum præitet aquam vino, an vinum aqua infundere. Germani nostri responderent, neutrum expedire. Porta tamen contra eos invectitur, qui bibentes prius aquam, postea vinum infundunt: nam quia vinum levius est, aqua gravior, vix misceri possunt: unde principio vinum meracius bibunt, mox dilutius, postremo aquam. In magnatum mensis vinum prius in cyatho porrigunt, aquam mox infundunt, ut sui ponderis aqua cum vino remissa descendat, & æqualem gustui saporem repræsenret. Jubez Theophrastus prius infundi vinum, mox aquam Idem ut fiat, suadet Cardanus lib. 5. subtilis. Itali, & maxime siculi, apud quos vinum generosius, in hac re non sunt scrupulosi, & plerumque infusus cyathos prius tribue

extrahe: inuenies phialam vino plenam, putabiturq; ab ignaro my-
sterii, aquam in vinum conuersam, *Porta lib. 18. Magia Natur. cap. 3.*

ANNOTATIO.

Quod de vino ascendente, & aqua descendente diximus, ait Scw en-
terus in *Deliciis suis part. 13. questione 34.* sentari posse vino rubro
& albo. Sed nisi unum sit altero notabiliter melius, vix succedet.

PRAGMATIA XXII.

*Aquam à vino separare ex principiis Hydrostaticis
aliisque modis.*

EX principiis hydrostaticis id fieri potest, & aliis etiam modis.
Aliquos hic referam, licet non omnes ad hydrostaticam perti-
neant. Iisdem potro modis experieris, num vino sit aqua permista.

PRIMUS MODUS.

*Aquam à
vino sepa-
rare quatuor
modis.* **I**oannes Baptista *Porta lib. 18. Magiæ Natural. cap. 3.* varios modos
affert experiendi, num vino permista sit aqua, & unum ab altero
separandi, quorum primus & secundus tantum ad hydrostaticen
spectat. Ac primus quidem idem est cum eo quem Pragmatia præ-
cedente tradidimus. Secundus ex iisdem principiis desumptus,
adeo intricatis verbis atque sententiis à *Porta* traditur, ut quid di-
cere velit, dispicere haud uideam. Ipsissima ejus verba adnumera-
bo, ut qui perspicacioris sunt ingenii, ejus mentem expiscentur.

*Porta locum
obscuro.*

Sic ergo ait: *Sit inferius vas vino repletum ex aqua misto, & volumus
aquam à vino separare. Sed oportet sit primo vas quod integre capias vi-
num, quod in subiecto vase remissum sit. Et si quantitas ignoretur, conti-
ciatur quantum esse possit, vel saltem minor. Inde prædictum vas aqua
compleatur, idq; supra vas invertatur, ubi vinum aqua remissum sit: &
summa pars in uersis vasis, summa ora inferioris liquoris libet, nè nec in-
gredi possit. Nam tunc illico aqua descendet, in subiectum vas & leuior
commixti pars ascendet, & aqua subsidet: & si totum vinum ascendet, vel
tantillum vini in aqua remanebit. Scito tandem aqua in puro vino
fuisse remissum: quod ex odore & sapore facile conici poteris, si bene ope-
ratus fueris. Tunc accipito vas majoris capacitatis ejusdem liquoris, &
ponatur in vas subiectum, quousque totum hauriet, unde ex proportionem
ascensu vini & aqua, scire facile quis poterit, quanta aqua portio in vino*

remissa

remissa sit. Sed commoditatis gratia phiala, qua aquam continebit, rotundi alvisit, & foramen non admodum magnum & subiectum vas quod vinum habeat, sit obstrictioris, ut rotundum superius aptius coniungi possit cum inferiori, ne aer intercedat. Sed quia interdum evenire solet ut pila superior, postquam omne vinum hauserit, nec replebit suam capacitatem, & nos aquam à vino separare voluerimus; pilam manibus capiendo obvolvamus, ut os cælum aspiciat; tunc illico vinum revolvetur, & veniet in superiorem partem: quod penicillo contacto, totum foras evocatur, ut postea dicetur. Tu sedulus inspicito: cum vinum hausisse vides, move penicillum, & remanet aqua pura. Hæc Porta loco cit. & lib. 3. Pneumaticorum cap. 4. Æstimo eum duo docere velle primo quâ ratione cognoscamus utrum vino admista sit aqua; quod sit, procurando per præcedentem pragmatiam, ut vinum ascendat, aqua descendat: secundo, si fortè cum vino ascendit etiam aqua, quomodo eam iterum à vino separare debeamus, modo scilicet postea melius explicando. Ad primum igitur quod attinet, jubet primo accipi phialam rotundi alvi, & angusti oris, & repleti aquâ purâ: secundo, impleri vas aliud stricti etiam oris vino illo, cui aquam admistam esse suspicamur: tertio, ponere phialam cum aqua inversam supra vas subiectum, ut os respondeat ori, & liquores se mutuo contingant, ita tamen ut aer per ora penetrare non possit. His enim factis, aqua ex phiala descendet, & vinum ex subiecto vase descendet. Ubi ex odore & sapore constiterit, totum vinum è subiecto vase ascendisse, & solam aquam relictam: videndum, num plus aquæ in subiecto sit vase, quàm fuerit antea in phiala superposita: hoc enim manifestum erit signum, excessum aquæ fuisse vino admistum. Quòd si cum vino ascendit etiam aliquid aquæ, quod deinde penicillo laneo separatur, etiam illud fuit vino admistum. Vides itaque in quo consistat hydrostaticum artificium. Nunc ad alia artificia pergamus.

SECUNDUS MODUS.

SEQUENTEM modum tradit idem Porta loc. cit. cap. 4. & diu antea etiam tradiderat cap. 13. libri 2. ex quatuor quos de Magia Naturali adhuc puer scripserat. Verba ejus prioris loco hæc sūt. Nos id præstabitur alio modo, non levitate & gravitate, ut diximus, sed tenuitate & densitate. Nā aqua humorū omnium subtilissima est, quia simplex est, vinum

autem cum color vitæ sit. & color ex missione eleutorum, corpulentum magis est. Ut igitur vinum ab aqua separemus, materiam hancamus paratam oportet foraminulentam seu porosam, ex qua formemus vas, in quod vinum cum aqua injectum foras exstillet: nam aqua foras elabitur per poros materiei, quod permixtum & corpulento reseratur. Et si ligna multa esse possunt, hedera optima erit, quia porosa, multisq; interpatet rimulis. Unde si ex eo cyssitium paratum habeas, id est, vas hederaceo ligno formetur scilicet viridi. & in eo vinum aquam mistum inicias; aqua brevi tempore foras exstillabit. Quod contrarium antiquos omnes & recentiores sensisse video; cum tum ratio, tum experientia reclamat. Ait enim Cato. Si volueris scire utrum vino aqua addita sit, necne; vasculum facito de materia hederacea; vinum quod putabis aquam habere, eodem mittito si habebit aquam, vinum effluet, aqua remanebit; nam non continet vinum vas hederaceum. Et Plinius ab eo. Hedera mira proditur natura ea experienda vina: si vas fiat ex ligno ejus, vina transfuere, ac remanere aquam, si qua fuerit mista. Unde, duplici errore uterque notandus eris, quod dicat ex hedera vi mira provenire, cum lignum foraminulentum id facere possit. Præterea dicit vinum foras effluere, & aquam remanere; quod contrarium evenit. Sed melius & probabilius Democritus sensit, qui non vase hederaceo usus est, sed quodam foraminulento. In eam, inquit, novam nondum imbutam infundunt & per biduum suspendunt: percolabit enim olla, si aqua fuerit admixta. Ad idem opus alio artificio usus est Democritus. Quidam sponsia nova, oleo imbuta, osculum vasis obturant & inclinant, & effluere sinunt si aquam habes, sola effluit aqua. Quo etiam experimento in oleo utitur. Sponsia enim foraminosa est, & satis aperta, & oleo imbuta impedit ne liquor foras exstillet tam facile. Ascriamus aliud addit. Alumen liquidum in dolium vini mittito, deinde sponsia oleo imbuta osculum obtura, & inclinato effluere finito: sola enim aqua effluet. Alumen enim constringit liquores ut modice permeent. Hæc omnia Porta. Locus ex Plinio citatus est l. 16. Natural. Hist. c. 35. & loquitur de hedera quæ smilax vocatur. Quod Porta docet de hederaceo vase, & de Alumine liquido in dolium injecto, adscribit Weckerus lib. 5. cap. 7. etiam Alexio Pedemontano: quod ergo tamen nullubi, apud eum in Italico exemplari invenio.

TERTIUS MODUS.

Penicillo li-
neo vel la-

Hunc etiam modum habet Porta loc. cit. cap 5. his verbis: *Fiat lineum vel potius lancum penicillum, vel ex gossipio, & dolis*

immerge quod aquam & vinum remissam habeat, & penicillum extra
 liquorem super nates, & ascendat supra, deinde cadit pendulum extra
 vas levior enim liquor ascendit per penicillum, & foras exstillabit. Sed
 ubi levius ascendit, attrahet quoque grave: ob id ubi color immutari
 videtur, remove vas: nam profluet alioquin etiam aqua. Clarum est
 enim, quodcum vinum sit levius, semper in superiorem vasis partem
 ascendit, & per penicillum effluet, cisi omnes oenopola contrarium di-
 cant, foras enim penicillo aquam effluere, & intus vinum remanere
 existimant. Quod Porta hic penicillum vocat, nos in Mechanica
 Hydraulico pneumatica par. 1. protheor. 1. c. 2. propriet. 8. appel-
 lavimus filtrum; nihilque aliud est, quam panni linci lacinia stri-
 cta longa, aut ex gossipio contortus funiculus instar ellychnii. Ubi
 etiam diximus, partem quæ extra vas pender, debere esse lon-
 giorē seu demissiorem quam liquoris in vase contenti suprema
 superficies: alioquin nihil ex vase effluet. Lege ibi dicta. Eun-
 dem modum docuerat antea Porta lib. 2. ex quatuor cap. 13. cum-
 que adscribit Weckerus loc. cit. Alexio Pedemontano: quem ta-
 men apud eum non invenio. Cardanus lib. 5. subtilit. hoc modo
 contrarium fieri docet his verbis. Quod si linteum vino aqua misto
 imponatur, promineatque extra urcem; aqua è vase tota ascendit per
 linteum sincerumque relinquit in calice vinum. Quo experimento pro-
 ditur lymphatum à puro: nec posset hoc fieri, si vinum & aqua misce-
 rentur. Ad quem locum Cardani Mastix Scaliger Exercit. 101. n. 4.
 ait: Cave vero, Cardane, ne amplius vinum lymphatum dicas: memini
 enim mihi præceptores meos, viros exactissima in benedicendo diligen-
 tia, ferulam minitari, si vinum amentia dissimularem, quod esses
 aqua temperatum. Nam meracum τομφοληπτοισδης efficit, dilutum vero
 sapientes. Soli indocti Grammatici vinum bibunt lymphaticum. At
 hoc parum ad rem. Quod Cardanus habet, docet etiam Schvvven-
 term in Deliciis Mathematicis par. 13. quæst. 15.

QUARTUS MODUS.

Possumus & alia ratione levitatis, inquit Porta lo. cit. cap. 7. vinum
 ab aqua separare, ratione distillationis. In distillatione enim levius
 primo ascendit, dein grave, dum maiore vi ignis non urgetur, & sic ra-
 tioni consentaneum est. Ut igitur liquor ascendat oportet prius in tenuēs
 vapores attenuari, & levius fieri. Vinū igitur, quia aqua tenuius, in stil-
 latorio vase ponemus in balneo aqua paulatim ascendit levissimus vini
 vapor,

Distillatio-
 ne vinum
 ab aqua se-
 parare.

vapor, & in subjectum vas prolabitur: videbis ergo in receptaculo aquam vitæ, recipies & ex quantitate illius argumentaberis proportionem aquæ vino remissa. Non videtur operæ pretium, tanto impendio rem experiri.

Q VINTUS MODUS.

*Congelatio-
ne vinum
ab aqua se-
parata.*

Eodem capite profequitur Porta, & ait: hoc artificio sciemus, quanta in dolio aqua remissa sit. Accipitur vini quantitas, & phiale indatur vitrea, & phialam in aquam frigidissimam expones, ut quid quid in phiala sit, congelietur, ut docuimus. Si vinum sincerum est, diffilius & tardius congelabitur: si aqua plusculum habuerit, citius conversetur. Ibi vinum congelatum erit, frangatur phiala suprapatinam; glacies paulatim liquefces; primo vinum, quia calidius; postremo aqua remanet congelata, separata à vino; quia tardius solvetur. Ex cuius proportionem consicies, quanta aqua pars in dolio coniecta sit. Hic modus potius servit ad cognoscendum, utrum vino admista sit aqua, quā quanta sit admista, & ad illam separandam. Lege etiam Mizaldū.

PRAGMATIA XXIII.

Utrum vinò admista sit aqua, cognoscere.

*Vino an ad-
mista sit a-
qua cogno-
scere.*

PRæter nonnullos modos ex præcedentibus, brevis ac facilis est sequens, quem tradit Porta loc. cit. cap. 6. his verbis. Pone vinum de quo dubitas utrum aquæ admistum sit, in vase aliquo, & in eopone malum, aut pyrum: si mergitur pomum, vinum erit impermistū si vero superfluitabit, vinum permistū erit, quia vino aqua levior est. Hæc Porta, addens Democritum contrarium falsò docuisse his verbis: *Malū quidam in vas iniiciunt; melius autem pyra sit vestigia, alii lotustam, alii cicadam, & si quidem innata verint hæc, purum est vinum: si vero merguntur, aquam habeat.* Contrarium utiq; verum est propter rationē à Porta assignatam, & ex Hydrostaticis principiis delumptam. Democriti errorem sequitur etiam Weckerus loc. cit. & Alexius Pedemontius Par. 2. secretorum fol. mihi 173. his verbis. *Aconoscere se il vino hà dentro aqua. Pliglia pere crude, & mondale, & tagliale per mezzo: over more: & gistale nel vino: & se nuotano di sopra dal vino, il vino è puro & netto: mà se scendono al basso, il vino è meschiato com aqua.* Hoc est, ad dignoscendum, utrum vinum habeat in se aquam. Accipe pyra cruda & decortica illa, & seca per medium, aut cerse mora: & contice illa intra vinum: & si quidem natant supra vinum,

*pariter sincerum est, si vero descendens ad fundum, vinum est mix-
tumque.*

PRAGMATIA XXIV.

Mustum an habeat admixtam aquam, deprehendere.

Experiendi modus idem est cum præcedenti. scilicet effectus con-
trarius: vinum enim purum & sincerum, quia defæcatum, te-
nue est. mustum vero quando recens, & nondum defæcatum,
crassum est & viscosum: ideo si in mustum mala vel pyra sylvestria
immergis, & mustum fuerit purum atque sincerum, supernata-
bunt: at si aquam habuerit admixtam, mergentur, & fundum pe-
tent, ita *Porta* ex Sotione nescio quo. Alium experiendi modum
habet *Weckerus* loco suprà citato ex *Georgio Valla Placentino*,
dicens: *Si voles experiri an musto remixta sit aqua, ovum imposito: si
statim descendit, aquosum est: sin contrà, purum.*

ANNOTATIO.

Occasione hujus Pragmatia querit *Porta*, in fine cap. 6. loco citato,
qua pars musti aqua diluit (aquatam vocant Itali) sit melior, supe-
riorne in dolio an inferior: respondetque superiorem esse meliorem infe-
riore, quia aqua cum tempore suscit & ad fundum descendit, vini par-
tes subtiliores ascendunt & supernatant: unde qui ex superiori dolii par-
te depromit aquatam illam minus aqua depromit, quam qui ex infério-
re parte haurit.

PRAGMATIA XXV.

Ut lignea statua supra aquam ambulet, efficere.

PUerorum hic lusus est, ac non injucundus, & hujus loci. Ligi-
num accipiunt teres & oblongū, rotundæ columellæ formam
habens, majus minusvè, prout statuæ quantitas & pondus requi-
runt. Hujus columellæ basi superiori imponunt firmiter atq; affi-
gunt statuam, columellam aquæ immergunt ad perpendiculum,
itaque librant appenso infrà lapidis aut plumbi pondere, donec
mergetur ad plantas usq; pedum statuæ suprapositæ. His factis, si
vexillo aut expanso velo instruxeris statuam lacui impositam, à
ventis quamvis in parte impelletur: si cuppæ aquâ plenæ impo-
nueris eandem, & vel in statuâ, vel in columella ferri frustū absce-
deris, applicato oeculæ a tera cuppæ magnetæ valido, atque

*Statua lig-
næ ut su-
pra aquam
ambulet ef-
ficere.*

circumducto, duces quocunque luerit statuam. Hac arte plura & iucunda hydromantica spectacula exhiberi possunt, ut iuuentularum digladiatio, hircorum cornibus se petentium congressus, & similia.

SYNTAGMA TERTIUM.

De selectioribus Hydrostatices Erotematibus.

Hydrostatica Erotemata.

Quæ ad praxin spectant, precedenti syntagmate expendimus: quæ ad theoriam, huc reservamus. Ex multis, pauca offeremus, lectori curioso fortassis nec ingrata, nec inutilia. Sic ergo

EROTEMA I.

Utrum navigari possit in aere.

Navigari in aere an possit.

Utrum, & quâ arte intra seu infra aquas navigari possit ex aliquorum mente, suprâ vidimus: Similem quæstionem de aere, *utrum parte aliqua sit navigabilis*, hoc est, utrum etiam intra ipsum navigari artificio aliquo possit, proponit *Franciscus Mendoza* in *Viridario* lib. 4. Problem. 47. aitque, propositum problemae ejus generis esse, ut vel ipsi pueri in consulto Magistro audeant sine hæsitatione illud decidere, ac respondere, fieri non posse ut navis ulla, aut agitata vento, aut impulsâ remis, aut utroque simul adjuncta beneficio, aerem non secus ac aquam scindat. *Primò*, quia si id fieri posset, jam dudum modus fuisset inventus. *Secundò*, quia quæcunque materies, ex qua fabricari potest navis (nisi fortè ignea sit, aut coelestis) est aere ipso naturâ suâ gravior; ergo ex ea constructa navis consistere nequaquam in aere potest, non solum onusta, sed nè vacua quidem. *Tertiò*, quia experientiâ constat, levissima quæque, etiam paleas, in aere sublatas decidere in terram; quanto ergo magis navis?

Relativa sententia argumens.

Affirmativa sententia argumens.

Problema hoc jam dudum tetigit *Albertus de Saxonia* lib. 3. phy. sic. quæst. 6. art. 2. conclus. 3. apud *Mendozam* loc. cit. Cum enim ostendisset, ignem esse aere subtiliorem, ratiorem, ac leviorum, ut conlectarium colligit, aerem, ubi igni contiguus est, (sive verus ille sit, sive putatus, hoc est, æther) navigabilem esse, uti aqua.

obest aëri contrigua. In hujus sententiæ gratiam ait Men-
doza, si quavis supra convexam aeris superficiem ponere tur, susti-
nendum in ipso aere, & impelli remis, nisi aliud obstar, posse.
Probat experientia, quâ videmus res naturâ suâ graviôres aquâ,
aere tamen plenas, aquæ innatare, quæ alioquin non repleta aere
facile demerguntur, ut patet in pelvi & quocunque alio aheneo
aut ferreo vase, quod dum aere repletur, extat in summa aqua,
nec demergitur; licet sit aquâ gravius natura sua. Ex hac expe-
rientia hujusmodi argumentum conficit Mendoza. *Vas areum ple-
num aere, aliter demergendum, in summa aqua sustentatur cum casit
naturaliter multo gravius; ergo navis lignea, aut cujuscunque alterius
materie, in summa aeris superficie constituta, & elementari igne reple-
ta, supra aerem sustinebitur, nec prius in ipso aere submergetur, quàm
navis gravitas superet levitatem ignis quo plenum est. Nec obstat ve-
hemens ignis natura, quæ ligna possit comburere, quia ille ignis ob suam
raritatem non habet efficaciam ad comburendum, ut ingenue fatentur
Philosophi, qui communis placito in concavo Luna ignem collocant.* Con-
firmat sententiam, quia ligna pleraque innatant aquæ, qua tamen
graviôra sunt secundum bonos Auctores, non alia de causâ quàm
quia poros habent, quibus aer recipitur, & ita levitate sua ligno-
rum gravitatem superat, ut ea non sinat demergi. Idem ergo con-
tingere poterit navi materia illa ignea plenæ.

Hæc Mendoza, nec improbabiliter, siue supra aerem ponatur
ignis elementum, siue, quod probabilius, æther, hoc est, defæca-
tissimus aer: sicut enim, licet lignum aliquod, ferrum, cuprum,
plumbum, & similia, sint aqua graviôra æqualis molis, ac proinde
per se solitariè sumpta mergantur in aqua, elaborata tamen in con-
cavam figuram, & repleta aere nostro impuro ac ponderoso, na-
tant supra aquâ, & apta sunt ut ex iis navis construatur, & aqua
sine merfionis periculo sulcetur; ita licet eadem corpora sint gra-
viôra in specie quam aer noster, elaborata tamen in cymbas, & re-
pleta materia illa levissima, natâre possunt in aere, & apta fieri ad
naviculas constituendas, eò quòd totum compositum ex navicula
illâ & æthere levius esse possit, quàm æqualis moles aeris nostri
impuri, etiam in suprema regione. Loquor semper cum Men-
doza de nave constituta in suprema superficie aeris immediatè

*Affirmati-
va senten-
tia probabi-
li.*

infra aethera, ut repleti aetherea illa materia possit. Quod autem apud hos prope terram, aut in media aeris regione prope aut supra nubes, & universim intra sphaeram aeris nostris feculentis & cralli, non possit institui similis navigatio, causa est, quia deest materia illa aetherea qua navis constructa repleatur. Si potentia aliqua plus quam humana impleretur vas aliquod ligneum, aut aeneum subtilissimae laminae materia illa, & in aere nostro constitueretur: dubium nullum esse debet, quin sine merfionis aut casus periculo ibidem sustentaretur, & non secus ac infra aut supra aquam naves nostrae, huc illucque propelli remis ac velis posset.

EROTEMA II.

Quae causa nubes in media aeris regione suspendit?

Nubes quo modo suspendantur in aere.

Ratio dubitandi est, quia nubium materia vapor est multa exhalatione permixtus & contaminatus, ut ex aquae pluviae & nivalis impuritate liquet, unde definiri solet *vapor exhalationi mixtus, circiter mediam aeris regionem, frigore citra congelationem densatus*, vapor autem essentialiter aqua est, aqua gravior est quam aer, nubes ergo aere gravior, quomodo in eo suspenditur.

Nubes quo modo suspendantur in aere.

Scaliger Exercit. 79. ubi de comete agit, vi quadam magnetica à sole suspendi credit, ut cometa à stellis. *Sustinet igitur, inquit, cum (Cometam) stella, ut ita dicam, parens ejus, quasi cum à sole nubes suspenduntur.* Sed hoc manifestè falsum est, quia sic nocte universa nubes reciderent in terram, desertae à Sole occidente, & ad antipodas properante, ubi dum existit, nequit hemisphaerii nostri nubes in aere sustentare, quia nequit illuminare, trahere, & suspensas tenere.

Nec à solo Dio.

Nec minus falsum est, quod Meuserus dicit apud *Fromondum* lib. 5. Meteor. cap. 5. art. 1. asserens à Deo suspendi, quia Deus tales effectus non solet sine causis secundis producere. Ipse *Fromondus* ait, & bene, non aliter nubes suspensio à sole, quam quia ab ipso rarefit humor, & levitatem ad scandendum, & in sublimi consistendum, accipit, à deoque easdem librationis leges, quibus graviora alia in medio liquido succumbunt levioribus, tenere nubes in aere. Probat exenplo omnium quae aqua veluntur ita ut suspensarent: lignum enim, & universa quae natant, ideo non merguntur, sed supersunt, quia minus ponderis obtinent quam habent in

Sed levitate sua.

paris molis in quo sustentantur, ut in Hypothesi V. diximus Nam hinc est ut calculus exiguus defluat in aqua fundam, non trabs ingens, infinito pæne illo ponderosior, quia calculus gravior est aquâ in cuius præcisè locum occupat, seu occuparet, trabs non item. Hinc etiam si humore, inæqualis ponderis, v.g. vinum & aquam in unum confundas, gravior semper subsidit, ut sæpe jam diximus, & docet experientia quotidiana. Si alibi ubique Natura servat hanc legem, nubes & aer ab ea ex lex non erit, ut loquitur Fromondus.

Sed nunquid densiores sunt nubes aere? solem enim nobis eripiunt: quod aer non facit: densitatem autem majorem sequitur major gravitas. Invalidum argumentum, alioquin probaret nubes ponderosiores esse tota aut magna saltem profunditate maris, quoniã urinatores infra aquas constituti solem vident, infra nubes constituti non vident. Opaciores sunt nubes aere, non densiores: opacitas enim in re qualibet à densitate distinguitur. Vitra & crystalla densissima sunt, non tamen opaca: cotta, pumices, suber, & plurima genera lignorum rariora, opaca sunt: gravitas autem non opacitatem sed densitatem sequitur. Nubes igitur plus opacitatis & caliginis, quam aer infimæ regionis, cui incumbunt habent: minus tamen densitatis, & gravitatis. Ratio est, quia aer inferior vaporibus densioribus, sed pellucidis, incrassatur & pinguescit, ut ita dicam: quidquid enim in nubibus, inquit Fromondus, rorulentum est, mollior redensatum, aut continuum, aut guttatim divisum in aerem subjectum, victo àquilibrio, tenuiter defluit, alta verò vaporum pars rarior, & seniores quodam modo filo contexta, caliginosis terræ & corporum mixtorum summa permixta, stat in sublimi pendula. Unde opacitas nubium præcipua non puro aque vapore, sed exhalationibus corporum gravium odororum confusis: quod ex nebula intelligi potest, quæ est sterilis & fumosa nubi porrio. hæc enim ad nos usq. delapsa, etiã è vicino insignem opacitatem & caliginem ostendit. Nubes autem quo longius ab oculo absistit, eo opacior & tenebrosior apparet. Lege Cabaum lib. 1. Meteoror. tex. 45. q. 13.

Nubes non sunt densiores aere, sed opaciores.

Densitas & opacitas distinguuntur.

Nebula quid sit.

EROTEMA III.

Utrum in aqua consistente partes superiores premant actum inferiores.

IN Mechanica nostra Hydraulico pneumatica par. 1. Prothecoria cap. 1. Propr. 5. id negavimus, propter has rationes: Primo, quia

Ecc 1 alioquin

an premant
infirmitates.

Negativa
sententia
argumenta

alioquin partes inferiores essent densiores superioribus, eo quod compressæ ac condensatæ essent. *Secundo*, quia urinatores infra aquam existentes non sentiunt pondus aquarum sibi incumbentium. *Tertio*, quia herbarum levissimarum in fundo aquarum crescentes, & in altum assurgentes, non sternuntur ab aqua super incumbente. *Quarto*, quia corpus grave fune alligatum, & intra aquam demersum, sustinetur à manu, & extrahitur, tantâ facilitate, quanta sustinetur & extraheretur, si nulla aqua ipsi incumberet, imo majori etiam facilitate, quoniam gravia minus ponderant intra quàm extra aquam. *Quinto* quia situla aqua plena, levior est intra aquam quàm extra, nec plus ponderat plena intra aquam, quàm vacua extra eam, imò minus, propter causam jam dictam; ergo aqua situle, quia intra aquam est, non gravitat, adeoquæ nec situlam, nec aquam situlae subiectam deorsum premit. Hæc in Mechanica. Adde nunc *Sexto*, quia crines equorum, qui ejusdem gravitatis cum aqua esse creduntur, servant quemcunque locum in aqua datum, nec deorsum deprimuntur ab aqua superincumbente. *Septimo*, quia alioquin omnes aquarum partes inferiores essent in perpetuo motu, & perpetuà à superioribus expellerentur, juxta dicta suprâ Hypothesi IV. *Ratio* porro à priori hujus sententiæ videtur esse, quia res non dicitur gravitare, nisi quatenus habet infra se corpus levius in specie.

Neque huic sententiæ videtur advertari *Archimedes* lib. 1. de Insidentibus in humido, supposit. 1. ubi ait, humidicam esse naturam, ut partibus ipsius æqualiter jacentibus, & continuatis inter se se, minus pressa à magis pressa expellatur; & unamquamque partem eius premi humido supra ipsam existente ad perpendiculum. ad sit enim *Archimedes*, si humidum sit descendens in aliquo aut ab alio aliquo pressum. Itaque quando humidum non descendens in aliquo, aut non est ab aliquo alio pressum, sed consistit in suo situ naturali, una pars non premit alterâ, ut lo. cit in Mechanica etiam dixi Propriet. IV. Lege etiam quæ dixi ibidem Coroll. Proposit. V.

Contrariam sententiam acriter & mordicus defendit *Emanuel Mignan*. to. 4. Cursus Philosophici c. 17. Proposit. 3. ubi post alia argumenta alibi allata, adducit duo experimenta, quæ putat omnino rem convincere. *Primum Experimentum* est. Phialâ vitream longi ac prætenuis colli thermometram (qualem descripsimus in Mechanica

Affirmativa
sententia
argumenta

Experimentum
Mag-
nani.
 Phiala Par. 2. Classe. 1. c. 3. Machina 3. aëre plenā, & summo tubuli vitaculo libero & ext. inte subaquam frigidam demersit ac demersam tenuit, donec aër intus conclusus induisset frigus quā ab ea aqua poterat recipere. Postquā satis refriguit (aut ipse) densius aër interior, condensatusq; alium externum, quantum opus fuit, admittit: globum phialæ in fundo aquæ manu sinistra tenens, & dextera orificium tubuli tegens, tubulum inclinavit: hic vero ut sub aqua esse cepit apertus, cepit etiam aquam admittere (nulla tamen aeris exclusa particula, ut constitit tum ex eo quod nulla apparuit bullula, tum ex eo quod postea contigit, ut videbimus) & quidem maiori & maiori copia, prout profundius sub aquam ore eius apertum descendebat: & cum ad duos sub aquam palmos pervenisset, apparuit aqua plenus fere usque ad medium, id est, sesqui palmo, ab aperto ore versus globum, qui totus cum residuo tubi sesqui palmo erat solo aëre plenus, mox autem paulatim elatus tubus residente globo ejecit quoque paulatim susceptam prius aquam, & totam expulerat cum ad summum ventum esset. Ex hoc experimento ita stabilire conatur sententiam suam. Tubus inclinatus, & infra aquam depressus, aquam non alia de causa admittit, retento ex parte aëre, nisi quia rarus aër fuit ab aqua incumbente depressus, ut patet ex eo, quod quando plus aquæ incumberebat tanto magis aër, ob majus aquæ pondus premens: recedebat, & è contra prout minuebatur aquæ incumbentis altitudo & pondus, eo magis pressus aër pristinum locū ac statum paulatim repetebat. Facta hac hypothese, dividit mente totam aquæ altitudinē in decem, gratia exempli; partes mole & gravitate invicem æquales, & sic argumentatur. Decima & infima pars plus premit aëre quam nona, quia plus recedit aer ad pressionem decimæ, quā nonæ & recessus major majoris pressionis est effectus, ergo decimæ pars non premit sola, sed premit etiam nona, quia decimæ solitudo acceptæ moles & gravitas non est major, quam nonæ, ut supponitur. Et quia etiam plus premit quam octava, ob eandem causam, dicendum etiam nonam non premere solam sed juvari ab octava & hanc a septima &c. usque ad primam, quæ juvet se. cum octava & anba tertiam, & tres simul quartam, atque ita deinceps. Hinc eadem infert, primam premere secundam, & hanc premere tertiam &c. usque ad nonam quæ premit decimam, &

Experimentum
Mag-
nani.

Argumentum
inde
sumptum
pro gravi-
tate aquæ
infra aquam.

hæc reliquarum novem simul sustinens pressiones, aerem sibi immediate subjectum premit una ex omnibus collecta pressione decem partium, sua nimirum propria partiali, & aliis novem partialibus in se derivatis atque collectis. Et hanc consequentiam quod una premit alteram sequentem, & hæc reliquas sequentes, putat esse optimam, quia nullo modo cogitabili potest premens ad premendum juvari ab alio, nisi eo simul premente: cum ergo decima pars premens immediate aerem, juvetur ab aliis novem ad magis premendum quam premere posset se solâ; consequens est ut illæ novem premant etiam ipsæ aerem & quia non premunt immediate (alioquin per saltum premerent, & daretur actio immediata indistans) ergo premunt solummodo mediate, nempe aliæ per alias, id est, nona per decimam, & octava, per utramque &c: ergo decima suscipit in se immediate pressionem nonæ, & nona octavæ &c. atque adeo una pars gravitat supra aliam.

Nec aliam putat esse causam, cur è dolio pleno infra aperto vinum eductum longius erumpat, quàm è non pleno; & cur fontium jactus in sublime eò altius vibrentur, quo aqua per tubum & fistulam subministrata è loco altiori derivatur, nisi quia quo altior est humor, eo magis premit & urget partes subiectas.

Confit mathæc alio simili experimento, quia si Mercurius (cujus gravitas est ad gravitatem aquæ ut 14. ad 1.) ponatur in uno crure siphonis retorti, & aqua in altero, premunt se mutuò. Nam si in uno crure ponatur Mercurius ad altitudinem unius palmi, in altero aqua ad altitudinē quatuordecim palmarum; aqua suspellicit Mercurium, donec fiat æquilibrium, & aquæ superficies suprema sit in eodem horizonte cum suprema superficie Mercurii: si autem stante æquilibrio, in uno crure ponatur Mercurius ad altitudinem majorem, assurgit aqua in altero crure, & perdit æquilibrium: eodem modo, si stante æquilibrio, in uno crure ponatur plus aquæ, assurgit in altero Mercurius, & perditur æquilibrium. Idem contingit, si sola aqua in utroque crure ponatur, sed in æqualis altitudinis: altior enim premit minus altam, & cogit assurgere, donec fiat æquilibrium.

Hoc est primum Experimentum Magnani: cui respondeo, in primo casu aquam premere aerem in tubo, quia est corpus levius,

*Experimentum
cum aliud
Magnani
simile prio-
ri.*

*Non con-
stat quod*

se, & natura aquæ exigit esse infra ipsum. A qua igitur in dicto casu non est consistens, hoc est, non est in situ suo naturali, quem ejus natura exigit. Nos autem loquimur de aqua consistente. Utrum autem tunc partes superiores aquæ premant inferiores sibi immediate subjectas, an verò tota columna aquea aeri incumbens per modum unius, sicuti tota columna marmorea decem palmorum altitudinis premit subjectam humum per modum unius, & non una pars alteram (alioquin inferiores essent magis compressæ ac densiores, & si verteretur columna, & partes quæ antea superiores erant, & minus pressæ, fierent inferiores; comprimerentur, etiam sensibilibiter, si sensibile esset pondus columnæ, quale est Obeliscorum Romanorum) hic non disputabo, quia nihil ad rem nostram facit: si enim premunt se mutuo partes, est, quia infra se habent corpus levius. Et licet dum non habent infra se corpus levius, retineant eandem gravitatem & aptitudinem ad pre-mendum; actu tamen non premunt, sed solum aptitudine, quia deest conditio ad actualem pressionem requisita, nempe corpus levius infra se. Et hoc est quod diximus in Corollario seu Porismate loci suprâ citati ex Mechanica nostra. In secundo etiam casu de Mercurio & aqua in siphone retorto, mirum non est, quòd gravius premit minus grave, tum quia hæc est natura gravium, tum quia minus grave potest cedere magis gravi, & cedendo vincit solum corpus levius se. Præterquam quod tunc, antequam fiat pressio actualis, humida illa non consistunt. Postquam verò ad statum consistentiæ devenit, cessat actualis pressio.

Alterum Experimentum desumit Magnan. ex ansero vitreo intra doliolum, aquâ plenum incluso, de quo suprâ Pragmatia 17. Nam anser, inquit, non potest immotus consistere in puncto A, quin in specie sit æquè gravis ac est aqua quæ circa punctum A residet: & similiter dic quoad alia puncta B & C. Et quia ubicunque gravitas anseris est æqualis gravitati aquæ, ibidem etiam gravitas aquæ est reciprocè æqualis gravitati anseris, consequenter major est aquæ gravitas in C quàm in B, & in B major quàm in A, quia gravior est anser in C quàm in B, & in B gravior quàm in A. Sed non est in C gravior ratione sui, seu singularium suarum partium

quam pre-
mit infra
aquam.

Experimen-
tum alie-
rum Mag-
nani. ad
probandam
aquam intra
anserem gra-
vitatem.

seorsum consideratarum, cum secundum se homogenea sit, & non habeat maiorem gravitatem in C, quàm in B, aut A; ergo ratione partium sibi incumbentium; ergo superiores premunt inferiores. *Uterius*, si orificio dolioli, de quo suprà loc. cit. applicetur fistula vitrea, aut arundo excavata, trium vel quatuor palmarum in longitudine, & ita ei jungatur, ut cum eam aquâ impleveris simul cum doliolo, possis ipsam ad placitum erigere atque inclinare (quod fiet, si segmen intestini veretrecini, alteriusvè similis, tres quatuorvè digitos longum, arcu ex una parte circumaliges osculo dolioli exterius, & ex altera parte fistulæ aut arundini & fluitante intra doliolum aquâ plenum anserere, erigatur arundo pariter aquâ plena, sive usque ad summum, sive saltem usque ad aliquem terminum qui sufficiat; statim subsidit anser, sicut subsidit ad pressionem pollicis; si verò arundo inclinetur usque ad horizontem, anser superiora petit; & eò magis vel minus subsidit aut assurgit, quo magis vel minus arundo elevatur. Ergo cum anser ideo subsidat, quòd aqua pressa intra alvum recipitur, & ibidem aerem comprimit; signum est aquam dolioli ab aqua arundinis premi, ergo aqua arundinis supra aquam dolioli gravitat, eamq; premit; ergo superiores partes aquæ premunt inferiores.

*Neque hoc
probat gra-
vitationem
aqua intra
aquam.*

Hoc est secundum Experimentum. Ad cuius primam partem *Respondeo*, partes inferiores aquæ in doliolo premi à superioribus, quia hæ à pollice premuntur; cessante autem pressione pollicis non premuntur amplius inferiores, quia superiores non amplius premuntur; cuius rei signum est, quòd pressione cessante statim anser superiora petit. Ad secundam vero partem *Respondeo*, etiam in illo casu premi inferiores dolioli partes à superioribus, quia hæ premuntur ab aqua fistulæ aut arundini inclusa, premit autem aqua fistulæ aquam dolioli, tum propter impetum quo crectâ fistulâ cadit supra illam, tum quia aqua fistulæ continuata cum aqua dolioli, non est in statu & situ suo naturali, sed est altior quàm aqua dolioli, ac proinde nititur deorsum ad loca decliviora, ut coarquet superficiem suam supremam cum suprema superficie aquæ dolioli; quâ coarquatione factâ, statim cessat pressio. Frustra ergo laboravit Magnan.

man quia nos loquimur de aqua consistente, & non pressa ab extrinseco.

Confirmo nostram sententiam, quia aqua vino superposita descendit, eo quod gravitat supra vinum, id est, deorsum nititur; ergo si partes superiores aquæ gravitant supra inferiores, id est deorsum nituntur, deberent descendere infra illos, & sic daretur perpetua circulatio.

EROTEMA IV.

Cur hominis corpus ad quantum vis magnam profunditatem immersum aqua, non sentit aqua supra posita pondus?

EXperientia est certa, causa non item. *Stevinus* lib. 8. staticæ *Aqua im-*
Proposit. 3. ait causam esse, quòd illo pressu aquæ superin- *mersus ho-*
cumbentis & ambientis nulla corporis humani pars luxetur, & *mo cur non*
hoc ideo, quia ex omni parte urgetur corpus æqualiter, ideo *sentit pon-*
que nulla pars ejus extra suum locum extendi potest. Sed non *us aqua*
satisfacit, quia si jaceat homo in fundo vasis alti & angusti, plus *incumben-*
aquæ habet supra se, quàm ad latera, si autem in amplo & parum *ti. Stevini*
alto vase jaceret, plus habet ad latera, quàm supra se; ergo si premi- *sententia*
tur ab aqua circumstante, non urgetur undique æqualiter; & ta- *non placet.*
men in neutro casu sentit onus aquæ.

Emanuel Magnan. loco cit. in præcedente Erotemate, ubi *Magnani*
loquitur de urinatoribus, responder illos, etiamsi premantur ab *sententia*
aqua superincumbente, non sentire tamen illud pondus, & eo *non placet.*
non sensibiliter aggravari, quia quantum sustinent aquæ superio-
ris, tantumdem ipsi sustinentur à sibi inferioribus, atque adeo si-
ne molestia totum sustinent quasi nihil sustinentes, quatenus to-
tum sustinent viribus non tam suis, quàm aquæ subjæctæ, æqua-
le ponderi sustentaculum subministrantis. Sed hoc minus satisfacit:
primo, quia etiam homo incumbens terræ, & pressus à terra
superposita sustentatur à substrata terra, & tamen sentit terram
superpositam. Secundo, si in fundo jaceat homo, & nullam
aquam infra se habeat, non sentit aquam superiorem, & tamen
non sustentatur ab inferiore.

Alii apud *Mersennum* in Phænomenis Hydraulicis Proposit: *aliarum*

sententia.
non placet. 49. ajunt, corpus hominis (vel aliud quodcunque immersum) aquæ tantam aquæ molem è loco suo pristino elicere, quanta est moles corporis sui; hanc autem aquam ejectam versus fundum premere, nè suam à centro distantiam immutet, & augeat; à quo fundo cum resilire cogatur, sursum nitens insidentis aquæ conatum repellit. Sed hoc adhuc minus satisfacit: esto enim aqua à corpore hominis immerso pulsa niteretur sursum, & repelleret conatum aquæ incumbentis; tamen hic nifus & hæc repulsio non duraret semper, sed solum tam diu, donec inrer ipsam reliquas aquæ partes fieret nova coæquatio & velut libramentum. Deinde si quis supra fundum vasis aut lacus vacui se collocaret, & paulatim aquâ vas illud aut lacus repleretur; adhuc non sentiret pondus aquæ incumbentis, & tamen nullam aquam expulisset quæ sursum tenderet.

Nostra sententia. Omisissis igitur aliorum placitis, ajo, genuinam causam cur hominis corpus infra aquam positi non sentiat pondus aquæ superincumbentis, esse, quia, ut præcedente Erotemate probavimus, aquæ consistentis partes superiores non premunt inferiores, nisi infra inferiores sit corpus levius in specie quàm aqua: quoniam igitur corpus humanum in specie gravius est quàm aqua, non premitur ab aqua incumbente, quoniam hæc non conatur esse infra corpus humanum. Quòd si in fundo vasis esset foramen apertum & infra foramen aer, & homo esset collocatus supra foramen, ita tamen ut effluxum aquæ non impediret; tunc sentiret supra se tantum pondus aquæ, quantum est pondus columnæ aqueæ, cujus basis esset foramen, altitudo perpendicularis à foramine usque ad supremam aquæ superficiem. Qui aliam hujus rei causam assignant, errant, & alios decipiunt.

EROTEMA V.

Cur glacies supernatat aquæ ex qua concrevit.

Glacies cur supernatat aqua **J**uxta hydrostatica principia respondendum est, ideo supernatante illi etiam aquæ, ex qua concrevit, quia datâ paritate molis levior est quàm aqua, hoc est, palmus cubicus glacies levior est, palmo cubico aquæ ex qua concrevit glacies illa. Si ulterius quaeritur, quare levior sit glacies quàm aqua æqualis molis; respon-

stent communiter, quia rara est, & plena poris & ea vitatulis aere plenīs. Si urgeatur; ergo aqua dum frigore concrevit, rarefit, & non condensatur, hærent, propter communem persuasionem Philosophorum, quòd calor rarefacit, frigus autem constringit & condensat.

Dico, contra communem persuasionem, aquam vehementi frigore & congelatione rarefieri, & non condensari. Probo *primò*, quia glacies supernatat aquæ ex qua concrevit; ergo levior est aquâ æqualis molis; ergo rarior quàm aqua. Probo consequentiā primam, quia si non levior, ergo vel æque gravis, vel gravior: si secundum, ergo mergitur, & petit fundum; si primum, ergo quemcumque datum in aqua locum servat, & detrusa non enatat. Probo secundam consequentiā, quia est major quàm antea erat aqua, ut patebit ex dicendis in quinto argumento. *Secundo*, quia vas vitreum, aut fictile, aquâ plenum, & clausum, si aqua congelet, diffingitur, uti frequenti experientia constat; utique non aliā de causā, nisi quia aqua rarefit, & majorem locum petit. *Tertio*, quia si vas fertius est quàm ut diffingi facile possit, aqua gelans in medio assurgit in clivum seu humorem, non aliā iterum de causā, nisi quia rarefescens perit plus spatii, quod quia intra vasis margines non invenit, supra illud quærit. *Quarto*, quia pilæ etiam lapideæ, aquâ plenæ, si aqua congelascit, aliquando rumpuntur: cujus rei alia causa assignari non potest, nisi quia suprema aquæ superficies jam concreta, impedit reliquam inclusam aquam, dum frigore rarefit, nè in altum assurgere queat, unde necesse est pilam diffingi. *Quinto*, aquam gelu non stringi, sed dilatari & augeri, adeoq; & rarefcere, probo duobus evidentibus experimentis. Primum fecit præteritâ hyeme Anni 1657, P. Atelchior Cornæus Collega meus. Globum vitreum, cui oblongum collum & strictum adhærebat, qualia sunt thermometra seu thomoscopia) aquâ ad aliquam usque colli partem replevit, cumque aquæ marginem filo circumligato diligenter signavit, & acri rigido, cum gelaret, exposuit, eo fine, ut experiretur num revera augeretur aqua, dum frigore cōgelat. Nec fellit expectatio. Quam primum enim ingruente gelu aqua gelavit, ad latitudinem digiti unius supra filum notatum assurrexit.

*Gelu aqua
congelata
inglucilem,
eam tava-
facit.*

*Experimen-
tum quo
probat
aquam con-
gelatam tra-
nscire.*

Experimentum aliud, idem probant.

Hocque experimentum non semel, sed quinquies & sexies repetitum, eodem prorsus semper eventu. Rem totam describit citatus Auctor in Curriculo Philosophiæ lib. 4. Physicorum Disput. 3. de Loco & vacuo, quæst. 4. sect. 2. & nos ex ipso, antequam liber impressus esset, in fine Mechanicæ nostræ hydraulico pneumaticæ §. 9. Experimenti Magdeburgici, Dub. 5. in fine. Alterum fuit factum in Italia Anno 1647. in ætate, in frigidando aquam amphoræ vitreæ inclusam per immissionem & agitationem convenientem intra preparatam in glaciem contusam. Quod dum fieret, primo aqua visa est ad minus spatium restringi, relicta parte colli quam ante inchoatam frigoris actionem occupabat; deinde verò progrediente ab ambiente frigido alteratione, cæpit dilatari, ut non solum spatium relictum repleret, sed exundaret, aliquot ejus partibus ex amphora defluentibus; cum assurgerent interim intra aquam majores bullæ, quæ ad superficiem accurrentes, postquam supernataissent, rumpebantur; crebrescant verò minutiores multæ, quarum extimæ, adhærentes passim amphoræ, spectabantur. Rem hanc describit *P. Nicolaus Zuechius* in Philosophia Nova de Machinis par. 4. Experiment. 4. aitque virum ingenio, eruditione, & libris impressis celebrem, qui id Romam perscripsit, adjecisse se apparentium in illo causas inquirentem eò devenisse, ut nec inventas, nec inveniendas arbitraretur.

Contrarium putant Cabani.

Ex his omnibus patet, in congelatione aquæ fieri rarefactionem: quod licet sit contra communem sensum, negari tamen non potest *P. Nicolaus Cabani* lib. 1. Meteor. text. 56. quæst. 1. fatetur ingenuè, dum in aqua fit congelatio, augeri corpus, & excrefcere, ac proinde in congelatione videri quod fiat rarefactio, idque suaderi ex eo, quod aqua congelata in vase ad sensum sursum excrefcat, etsi excrefcere non potest, vas ipsum toto impetu disrumpat, ex quacunque materia sit, nihilominus putat non recedendum à communi sensu, dicendumque congelationem etiam aquæ communis fieri per condensationem. Probat *primo*, ex communi sensu etiam non vulgari, qui putant glaciem esse quid magis densum quam sit aqua resoluta. *Secundo*, quia omnes aliæ concretiones humidorum quæ frigore sunt, ut olei, & similium, sunt densatione humidi, non rarefactione. *Tertio*, quia glacies durior est quam aqua;

aqua durities autem illa, ex communi sensu, inferte videtur densitate. Quare, denique, quia argumenta in contrarium adducta non convincunt glaciem fieri per rarefactionem totalem totius materię, esto aliquę partes in congelatione rarefiant. Sed sive tota materia rarefcat, sive aliquę tantum ejus partes, negari tamen non potest glaciem esse rariorem & majorem quàm erat aqua ante congelationem, aut quàm sit aqua post glaciem solutam. Valeat ergo communis persuasio, quia erronea, & respondeat ipse ad contraria argumenta, quia Philosophus.

Quę diximus hactenus de raritate glacię, confirmantur alia experientia, quam fecit eodem tempore P. Cornauus, de quo paulo antè. Accepit is glacię libras 14 $\frac{1}{2}$. ad bilancem accuratissimè expensas, easque ipsemet ad focum assidens, nè quis quidquam addideret aut demeret, observavit, donec paulatim liquatę in undam solverentur; quo factò, ad eandem bilancem sedulo & exactè expendit aquam, & reperit nè vel pilo uno plus minusvè ponderare. Ex hoc ita arguo. Glacies æqualis ponderis est cum aqua ex qua concrevit, & tamen posita intra aquam homogeneam non mergitur, nè quidem usque ad supremam superficiem suam, sed solum una pars mergitur, altera enatat; ergo levior est quàm æqualis moles aquę ipsi respondens; ergo aquę moles ipsi respondens, major est quàm aqua illa quę concrevit in glaciem; ergo & glacies ipsa major est quàm eadem aqua quę in glaciem concrevit; ergo rarefacta est illa aqua per frigus; ergo glacies rara est.

Experimentum primum probans glacię raritatem.

EROTEMA VI.

Cur corpora hominum viva merguntur, & post duos aut tres dies enatant?

Questionem proponit Cardanus lib. 8. varietat. cap. 44. ait. *Cadavera que, quòd enatent, causam esse flatum qui inter peritoneum & omentum gignitur, dum infra aquam jacent. Atque hoc ita esse, ostendit, inquit, tumor ille immensus ventris præ ceteris. Videtur autem & tota cutis inflari, sed & pectus; at hoc non sufficit: neque enim mergerentur contento Spiritu. Causa verò quarendæ est, cur adeo venter in tantam molem excreseat, flatum enim constat esse; flatus autem ex humido generatur, cum à calido dissolvitur; calidum autem ex putredine*

Cadavera cur enatent ex aqua.

dine; putredo verò, quoniam pingue multum aquæ mixtum est. Quoniam igitur inflatum & tumidum corpus majus est, quàm non tumidum, quale est vivum; majorem locum occupat in aqua cadaver, quàm corpus vivum: quâ quidem aquâ, quia gravius est corpus vivum, ideo mergitur; at quia levius est cadaver, ideo enatat. Lege *Henricum Salmoni* Comment. in pat. 2. Pancirolli tit. 11. pag. 242. ubi citat Rhodiginum, airq; virorum cadavera immerfa jacere supra aquam supina, & feminarum prona; quod quia mihi non constat, ideo ejus causam non inquirō.

EROTEMA VII.

Cur lamina plumbea, vel aurea, gravior aquâ æqualis molis, supernatat tamen aliquando aqua?

*Lamina
plumbea
cur super-
natet aqua.*

QUOD lamina plumbea, ærea, aurea, aut cujuscunque alterius materiæ aquâ æqualis molis gravior, supernatat et aquæ, si in concavam figuram instar naviculæ aut lancis efformetur, mirum non est, quoniam ex lamina illa concava, & aere intra concavitatem contento, componitur una moles, quæ levior est aquâ æqualis molis, corquatis ita inter se gravitate & levitate utriusque, ut quantum excedit lamina aquam in gravitate, tanto & amplius aqua excedat aerem in eadem gravitate. Atque hæc causa est, cur naves etiam multis mercibus onustæ non mergantur, quia videlicet totum compositum ex nave, mercibus, & aere cavitatem reliquam navis replente, levius est quam æqualis moles aquæ.

Mirum igitur, ut dicebam, non est, quod lamina concava aquæ imposita, licet in specie gravior per se sola, quàm aqua, data paritate molis, non mergatur. Magis mirum est, quod lamina planissima & levissima, etiam plumbea, aut aurea, ac proinde certissimo & sine ulla controversia gravior in specie quàm aqua, ita tamen aquæ, si optimè tersa & sicca cautè ac dexterè ei superponatur, incumbat, ut scaphulæ instar innatet aquæ, & huc atque illuc impellatur. Experientia visa est sæpe. Quæritur hujus rei causa. Plerique putant, figuram laminæ planam & minus aptam ad scindendam aquam, simulque aquæ resistentiam, ejus rei causam esse. At errant. Nam *primo*, si eadem lamina humore vel leviter imbuetur, aut in latus vel levissimè inclinetur, non natat amplius, sed fundum

*Figura lami-
nae, & a-
qua resistit.
quia, non est
causa hujus
rei.*

fundum petat non ergo figura, aut resistentia medi, natationis est causa *secunde*, eadem lamina, si infra aquam paululum demergatur. *levior* sit, quàm dum aquæ incumbit, & tamen nec figura erit, nec aquæ resistentia, impedire possunt quo minus ulterius descendat, & *fundum* petat; ergo neque dum gravior est, eadem figura, & medi resistentia, demersionem impediunt, sed alia adsupra debet causa. *Tertio*, quæ sunt ejusdem gravitatis cum aqua, non obstante figura, planâ & medi resistentia, merguntur usque ad supremam superficiem aquæ; ergo etiam quæ sunt graviora aquâ in specie, non obstante eâdem figura planâ, & medi resistentia, mergi debent ad fundum usq; prout natura eorum, quæ graviora sunt quàm aqua, exigit. *Quarto*, si ex cera, aut ex ligno in specie levior quàm aqua fiat conus aut pyramis, statim ex parte mergitur, sive secundum verticem aquæ imponatur, sive secundum basim quantumvis planam; ergo, &c. Hac ergo opinione rejectâ, ajo, causam, cur lamina bene tersa ac sicca, & dextere, ac sine majore in unam quàm alteram partem inclinatione, aquæ superposita, fundum non petat, esse, quia dum aquam scindit, & mergi incipit, aqua siccitatem fugiens, circum circa assurgit in aggerem, & quasi puteum constituit, cujus fundum lamina, parietes sunt aqua quod adeo clare intuentibus atq; observantibus rem quâ primû observasse dicunt Galileum) apparet, ut agger ille aquæus sit ter, quater, & amplius altior, quàm sit laminæ crassitudo. Puteus autem hic cùm plenus sit aere, constituitur ex lamina & aere intra aqueos parietes incluso corpus aquâ in specie levius; quod proinde mergi nequit, juxta Hypothesim V. suprâ positam.

Causa gignitima.

EROTEMA VIII.

Cur lamina plumbea plana aquis innatat?

IN Mechanica nostra Hydraulico pneumatica par. 2. Classe I. cap. 6. Machina 13. Experimentum adduximus à P. Athanasio Kircherio Romæ sæpe exhibitum; causam solum indicavimus, non explicavimus; quæ quoniam ex hydrostatica dependet, hic explicare lubet.

Lamina plumbea cur innatat aqua.

Experimentum hoc erat. Laminam plumbeam rotundam, optimè levigatam confecerat, & è centro ejus filum suspenderat,

Ggg

laminæ

laminæ deinde super imposuerat vas vitreum inversum, campanæ instar efformatum, cujus fundus sursum spectans perforatus erat exiguo foramine; per quod foramen traduxerat filum è centro laminæ suspensum. Totum hoc hydrostaticum systema, elamina & vitreo vase compositum, & è filo manu apprehenso suspensum, demittebat dexterimè intra vas aquâ plenum, ita ut erectum perpendiculariter insisteret supremæ aquæ superfici, neque in unam plus quàm in alteram inclinaret partem. Quo facto, filoque laxato, laminæ cum campana vitrea superposita supernatabat aquæ aliquamdiu, deinde paulatim sub intrante inter laminam & campanæ incumbentis labrum aquâ mergebatur, &mersa etiam jam magnâ ex parte aquis adhuc innatabat, nec fundum petebat antea quàm curiosorum desiderio fecisset satis.

Causa cur principio aquæ aliquamdiu supernatabat, erat, quia totum compositum ex lamina campana vitrea, aere incluso, erat levius, quàm æqualis moles aquæ; mox quia propter aquæ frigus densabatur aer intra campanam, aliumque admittebat aerem, augebatur pondus totius compositi paulatim, & paulatim mergi incipiebat, laminæ figurâ, & aquæ densitate impediens nê toto impetu mergeretur: opertâ deinde laminâ aquis, & occluso exitu aeri inter laminam & campanæ labrum, is non lentè egrediebatur è minuto foramine fundi superioribus, ideoque non nisi lentè minuebatur moles ex lamina, campana, & aere, quanto vero magis minuebatur aer, tanto gravius reddebatur reliquum compositum, quàm æqualis moles aquæ, ideo paulatim mergebatur, donec tandem excluso penitus aere fundum peteret. Lege solutionem sequentis erotematis.

EROTEMA IX.

Cur naves, & alia vasa concava, quæ aere plena supernant aquis, ingrediente aquâ merguntur.

Ratio dubitandi est, quia cum aqua intra aquam non gravitet, nullum videtur addi pondus navi & vasis per ingressum aquæ præsertim si aqua per fundum aut latus ingrediatur, & consequenter suprema superficies aquæ intra navim & vasa non sit altior, imò humilior, quam suprema superficies aquæ cui navis innatat.

Respon-

*Navis cur
merguntur
ingrediente
aqua.*

Respondeo, si sermo sit de vasis quorum matetia gravior est quam aqua æqualis molis, causam hanc esse. Dum vas concavum, & aere plenum, ex parte immersum est aquis, suprema aquæ ambientis extrinsecus superficies altior est, quam fundum vasis: aperto igitur foramine in latere, ingreditur aqua pondere suo tendens ad loca decliviora, nec cessat ingressus, donec aquæ internæ superficies coæquetur superfici ei aquæ externæ; aperto verò foramine in fundo, ingreditur eadem aqua æquilibrii amore, hoc est, ut habeat superficiem undique æqualiter a centro universi distantem. Interim minuitur moles ex vase & aere, quia minuitur aer ab aqua repulsus; & quia materia vasis gravior est quam aqua in specie, paulatim ad tantam diminutionem molis devenitur, ut vas cum residuo aeris gravius sit quam aqua æqualis molis: necessario ergo tunc mergi debet vas per Hypothesin nostram V.

Si vero sermo sit de vasis lignels, aut navibus ex ligno compactis, major difficultas est, si lignum sit levius aquâ æqualis molis; si enim aqua in vasa illa recepta, non gravitat intra aquam, ut supponitur communiter; quantumque minuatur moles ex ligneo vase & aere, semper manebit vas cum aere, & multo magis sine aere, levius in specie quam aqua. Quomodo ergo tandem demergitur, uti demonstrat experientia? Quid alii respondeant, nescio. Ego *Respondeo* primo, si vas ligneum (seu navis illa sit, seu alterius generis vas) habet fundum integrum, ita ut aqua infusa aliunde, ipsumque ad summum usque replens, non continetur cum aqua cui vas innatat; aqua illatam diu degravat vas, & unâ cum ipso deorsum tendit, quàm diu superficies suprema aquæ intra vas contentæ altior est, quàm superficies suprema aquæ cui vas innatat; & hoc non quia compositum ex aqua & vase gravius est quàm aqua æqualis molis, sed quia aqua non impedita tendit naturâ suâ ad loca decliviora: quoniam igitur in casu posito nullum est impedimentum quo minus tendat deorsum, eo quod aqua liquida cedat vasi innatanti; mirum non est, si deorsum tendat, nec cesset motus, donec superficies coæquantur. Factâ autem coæquatione superficialium, vel evertitur vas, & enatat; vel simul cum aqua contenta subsidit, & manet in fundo; subsidit

quidem, propter impetum in motu immersionis conceptum, manet verò in fundo, quia tunc vasis fundum sustinet tantum pondus, quantum est columnæ aquæ, cujus basis est vasis fundum, altitudo perpendiculum à fundo usque ad supremam aquæ superficiem. *Respondeo secundo*, si aqua ingreditur per fundum, aut per foramen lateris, quia tunc aqua externa continuatur cum interna, non cessat ingressus donec superficies utriusque coæquantur; & tunc quidem vel evertitur vas & enatat, vel sublidit & manet in fundo, propter causas paulo antè dictas.

EROTEMA X.

An verum sit quod aqua librilis possit sustinere ceram aut lignum centum & plurimum librarum?

Experimentum Cabani, probans aquam librilis sustinere ceram centum librarum.

P *Nicolaus Cabani* lib. 1. Meteororum tex. 46. quæst. 13. agens de vi & causa suspendente nubes in aere, ait, posse contingere ut lignum gravissimum 100. pondo stet supra aquam unius libræ, imò unius uncie, ut supra illam aquam modicissimam natet, nec toto suo illo pondere illam extrudat; ad quod probandum, adducit tale experimentum. *Sume vas fictile, vel ex alia simili materia, quod aquam continere possis, & sit intus lavigatum, & talis figura, ut in parte superiore semper magis dilatetur: deinde sume massam cera, quantum vas capit, etiamsi esset 100. librarum; liquatam ceram vasi infundes, quo repleto, & congelata, cera, modico calore tepesfacto vase, cera massam erue ex vase; jam enim illo calore modico cera vas relinquet; tum infunde in vas modicissimam aquam, puta libræ, & iterum congruè repone cera massam in vase, ut prius. Videbis 100. libras illas à libra aqua sustentari natantes, nec cera ad fundum vasis descendet, extrusa aqua, quamvis sit tanto illa gravior. Quod idem contingeret, si loco cera lignum solidum, & affabrè factum, quod vas expleret proxisis, super libræ aquæ infusam cautè imponeres; tam enim lignum, quam quodlibet ex illis corporibus, quæ solent aquis supernatare ab illa aquæ vel unica libra sustentaretur: nec enim attenditur quantitas aquæ quæ infra corpus est, re enim vera illa aqua non sustentat, quamvis communiter etiam illi, qui putant se doctiores, id existimant: non sustinetur ab aqua illa, quæ si illa debeat esse gravior corpore sustentato, & qui aliter sentit, non diversam habet opinionem, sed auctorem,*

& Ignorantiam rerum. recentim vera non gravitas illud corpus supra aquam sita suppositam, sed attenditur solum gravitas in specie, quod illud corpus sit ille, & data paritate molis sit levius aqua. Hæc Cabæus. Similia habet P. Joannes Leurechon in Recreatione. Mathematic. Problem. 88 num. 13 & ex ipso Schwenterius in Deliciis Methem. par. 1. quæst. 22. & Gaspar Ens in Thaumaturgo Mathem. Problem. 39. num. 13.

Quæritur, utrum hoc sit universaliter verum. *Respondeo*, ex Hypothesi VII. Suprà posita constare, *solidum corpus aqua levius, in aquam demissum, usque eò mergi. donec tanta pars sit intra aquam, quanta est moles aquæ æqualem habens gravitatem cum toto corpore.* Si ergo tanta est aquæ profunditas, ut possit immergi corpus ad dictam quantitatem, antequam fundum attingat, natabit, quantumvis modica sit aqua, & quantumvis magnum ac ponderosum sit corpus: si autem minor est aquæ profunditas, corpus petet fundum quantumvis magna sit aquæ copia, & latè diffusa. Hæc de causa naves aliquando in fluminibus latissimis fundo insident, quæ tamen in angustis fluviolis, sed profundioris aquæ, natant. Hinc etiam cubus ligneus cubitalis in lacu spatiosissimo, sed humilis aquæ, fundum tangit; in cuppis aquâ plenis natat. Hinc denique, ut alia taceam exempla, baculus decempalmaris altitudinis, demissus perpendiculariter erectus intra lacum aut fluvium, cujus aqua uno solum palmo est alta, fundum tangat; demissus verò eadem ratione intra dolium, cujus aqua sex aut octo palmis est alta, fundum non tangat sponte, sed supernatet.

Non est universaliter verum.

Naves cur fluminum vadis hærant.

EROTEMA XI.

Cur lignum majus aqua levius in specie, depressum infra aquam ascendit velocius, quam minus ejus rationis.

A Ccipe baculum trium palmorum in longitudine, levorem aquâ in specie, & divide in duas partes, quarum una sit duplicatius, detrude utramque partem infra aquam, & fuste in fundo detine; remoto deinde fuste relinque utramque eodem momento temporis liberam: videbis bipalmarem partem velocius

Lignum majus citius velocius ascendit ex aqua, quam tripalmum.

ascendere, & citius ad supremam superficiem aquæ pervenire, quam palmarem. Quæritur hujus rei causa.

Cardinalis *Cusanus* Dialogo de staticis Experimentis videtur velle, causam esse, quòd majus lignum intra aquam levius sit quàm minus. Sic enim ait. *Et accepto ligno levi, cujus pondus ut tria, & aqua ejusdem magnitudinis ut quinque, ipsum in duas divisit inæquales partes, quarum una habuit duplam magnitudinem, alia simplam: ambas in cuppam altam posuit, & cum fuisse tenuit, ac aquam superfudit, & fusteretracto ascenderunt ligna ad aqua superficiem, & majus lignum citius quam minus. Ecce tu vides diversitatem motus in idem sitæ proportionis ex eo evenire, quia in levibus lignis, in majori est plus levitatis.*

Respondendo, causam esse desumendam ex Hypothesi nostra IX. ubi ex Archimede diximus, *Corpus solidum aqua levius, infra aquam vi demersum, ferri sursum tanta vi, quantum aqua molem habens æqualem corpori demerso, gravior est ipso corpore.* Quoniam igitur vis aquæ molem habentis æqualem ligno minori, major est quamvis aquæ molem habentis æqualem ligno minori; patet ratio proportionis phænomeni.

EROTEMA XII.

Cur Insula quædam natant in aquis?

*Insula natantes va-
riæ in locis.*

Variis in maribus & lacubus Insulas reperiri natantes, res est omnino indubitata. Ut alias taceam, est in occidentali regione Scotiæ lacus multas continens Insulas habitatas; inter quas una flante vento agitur ut navis, & huc atque illuc natat, & ob id solum pascendis gregibus idonea, non habitationi. Aliæ sunt in agro Ferrariensi in Italia, in quibus cum casis armenta hominesq; aluntur, ut *Cabeus* Ferrariensis testatur loco mox citando. Memini etiam P. Athanasium Kircherum mihi narrare, in lacu quodam Italiæ (ni fallor, prope Tybur, Italicè nunc *Tivoli*) insiluisse se multis inspectantibus in hujusmodi Insulam natantem, & impetuli tori impresso à continente avulsam, in medium agitare lacum, cumque solliciti omnes essent de suo in continentem reditu, pallium expandisse ad modum veli, & feliciter ad littus navigasse.

Cum natæ.

Quæritur, quo pacto fluctuent hujusmodi Insulæ, & aquis innatant.

tenet Cardanus lib. i. varietat. cap. 7. loquens de Insula Scotiae paulisper hic commemorata. ait eam fluctuare, quod terra fungosa & levis sit, ac tenax, nec Insula fundo annexa: nam nisi fungosa terra esset nec tenax, motu dissiparetur, & nisi esset ab imo avulsa, moveri non posset. Gaspar Ens, in Thaumaturgo Mathematico Problem. 93. num. 14. ex P. Joanne Leurechon in Recreationibus Mathematicis Problem. 88. num. 14 & ex eodem Schwenkerus in iisdem Recreationibus par. 13. quæst. 23. ajunt, eas aut in modum navigii esse cavatas superius, ut aerem continere possint, & componere cum ipso molem leviorē aquæ æqualis molis; aut ex leviori & spongiosa terra constitutas, ut Cardanus dicebat: aut subterraneis concavitatibus denique, magnæque lignorum aquis submersorum vi abundare. *Cabæus* ^{Vnde oriatur.} lib. i. Meteor. tex. 69. quæst. i. ubi agit de exsiccatione paludum, ait, in paludibus arundines, papyros, juncos, & alias hujusmodi herbas aquatiles nasci, easque ita invicem conjungi, & complicari, ut postea, dum folia decidunt, & marcescunt, simul hæreant complicatæ in superficie aquæ & cum simul junctæ marcescunt, excepto semine, quasi iterum in illa superficie nasci, reviviscente anno, simul cum aliis herbis, & dum alia super alia decidunt folia, longo annorum decursu fieri plexum quandam radicum, herbarum, & foliorum, & arundinum, & quandam massam bene simul coagmentatam, quæ supernatet aquis, nec solum supernatet, sed sustineat etiam homines, & animalia, imò & armenta, & casas, nec solum herbas alere, sed & magnas arbores; & tantam fieri aliquando molem, ut ad aliquot milliaria excurrat; dumque aquæ intumescunt, eas moles, perinde ac si essent rates, elevari, & aquis immixtis deprimi, & partes aliquando aliquo accidente separari à toto, & ventorum flatu ductas per paludem navigare, & fortasse istiusmodi esse Insulas natantes, quæ variis in locis reperiuntur. Hæc Cabæus. Nec in paludibus solum, sed in mari etiam, & Oceano, ac multo magis in fluminibus similia fieri, quotidiana docet experientia. Vidi ego in mari Mediterraneo circa Siciliam, maxime Panormi & Drepani, loca prope portus & littora, ædibus ac templis magnificè constructis frequentia, ubi antea, Patrum memoriâ, mare fuerat, & utrobique in iisdem locis aquarum scaturigines nunc sunt. Drepani quidem in Patrum Capucinatorum horto aliquanto

aliquanto falfarum, Panormi vero dulciffimarum fimul ac faluberrimarum, è duabus venis largiffime erumpentium, ubi etiam inter varias Infcriptiones, ut ibi appellant, magnificis ædificiis fonti utrique circum ædificatis incifas, hos verfus me legiffè meminì, ab ingeniofo & celeberrimo apud Panormitanos Poeta veneto compofitos.

Surgunt in noftris miracula fœdibus, Hœfpes:

Terra, ubi pontus erat; Lympha, ubi dura fîlex.

In utroque loco alga marina vento & fluctibus ad scopulos temere adgefta, pontum in terram n. urârat. Imo duorum annorum fpatio, quibus Drepani habitavi, tantum algæ ad littus ingentibus faxis armatum fimul ac ornatum eiecìt, ut faxis lepultis, & mari exficcato, ad magnum fpatium intra mare fuprà fîccas & jam condensatas algas excurrere licuerit. Volui hæc referre, ut confirmarem probabile effè quod Cælius de ortu Infularum tantum retulit.

EROTEMA XIII.

Quid fentiendum de natatu minorum Mundi Systematum in majore.

*Planetarũ
natus in
cælo liqui-
do.*

Apud *Mersennum* in Phænomenis Hydraulicis Propofit. 48. in corollario, credunt nescio qui, liquidam totius Mundi materiam effè diverfæ denfitatis, atque adeo diverfi ponderis; & in ejus medio, juxta Copernicanorum opinionem, solem constitutum partes materiæ sibi viciniorez ita calefacere, & rarefacere ut tellus, & planetæ juxta proportionem fuarum denfitatum magis aut minus ad solem accedant, eo modo, quo varii globuli in phialam diverfis liquoribus plenam varia loca pro fuis denfitatibus occuparent. Si enim quinque v. g. liquores fumerentur ejus generis, ut unus effet gravior cæteris, & reliqui se invicem ordine fequerentur femper leviores (prout diximus fuprà in Pragmatia XVIII. præcedentis Syntagmatis, loquendo de quatuor liquoribus quatuor elementorum æmulis) & quinque globuli pararentur, atque ita librarentur ac temperarentur eorum pondera, ut fingulis liquoribus finguli innatarent; quantumvis illos liquores

liquores turbares, & globulos vi ad fundum detruderes, aut adduceres ad superiorem liquorum illorum superficiem; statim ad pristina loca suapte nutu restituerentur. Eodem modo philosophari nos posse judicat ille de Mundi materia liquida, & planetarum corporibus intra illam mersis, reditura nimirum omnia ad eundem ordinem in quo nunc sunt, etiam si susque deque omnia verterentur. Atque hanc natatûs cogitationem magno viro ita placuisse affirmat Merfennus, ut non solum inde concluderet planetarum circa solem loca, & motus, sed etiam (in sententia sua & Copernicanorum) majorem & minorem Telluris & eorundem planetarum ad solem accessum & recessum, & tam perigra, quàm apogea commodè satis per hunc modum explicari posse putârit. Cum enim, inquit, sol spatio 28. dierum suam circa proprium axem periodum absolvat, & reliquam circa se Mundi materiam liquidam usque ad Saturnum celerius aut tardius moveat, juxta diversas distantias; planetas in illis distantis occurrentes circa se movet eodem motu, quo materiam ibidem occurrentem; hoc est, Mercurium tribus mensibus, Venerem novem, tellurem, anno, Martem biennio, Jovem duodecim annis, & Saturnum annis triginta. Stellas verò fixas ab istius materiæ motibus eximit, quippe quæ forsitan nova systemata efficiant. Et ut probabilior rem faciat, unicuique planetæ suam propriam materiam liquidam tribuit ei tam arctè coherentem; ut nunquam ab eo divellatur, & ad eum undequaque vergens sphaeram efficiat, quæ solaris systematis liquidæ materiæ innatet, aut si mavis, subnatet, ac velut urinetur, ut in oceano urinatores: aerem verò terrenum cum vaporibus à sole ita rarefieri supponit, ut exitum è solaris materiæ sphaera quærens, & ad majus spatium contendens, montes & valles sibi occurrentes, quibus includitur, & impeditur, impellat, & toti terræ motum conferat, qui continuo crescens tandem ad diurnū perveniat, cujus fortè solius sit capax.

Hæc nescio quis apud Merfennum, qui ait se ea obiter tantum indicare voluisse, ut appareat corporum natationem ad scientias non esse inutilem, cum etiam possimus (*inquit ipse*) urinatores appellari, quorum vide licet terrena domus aëri, vel alteri Mundi liquido innatat; vel & cum nesciamus, an aliquo motu recto totus

Non vide
tur proba-
bile.

Mundus dextrorsum, vel sinistrorsum, suprà vel in frà moveatur, aut ipsi vacuo innatet, cùm nec experientia, neque ratio de ea re quidpiam certò & evidenter concludere valeat. Ego nolo hanc novam philosophandi rationem hoc loco examinare; erit fortassis locus aliquid dicendi in fràsuo loco in Magia Urano-logica. Interim hoc solùm dico, si per materiæ liquidæ, cui planetæ & terra innatant (quod non nego) majorem aut minorem à sole causatam raritatē motus fieret eorundē corporū, eū nō posse non esse valde irregularem, uti ex irregulari & inconstante aëris & vaporum circa Terram nostram alteratione constat. Præterquàm quòd non video, quomodo eā ratione Saturnus & Jupiter circa solem, & circa Saturnum & Jovem eorum comites eodem teinpore moveri queant, nisi & in hac nova Philosophia ad Intelligentias motrices recurrere velimus.

EROTEMA XIV.

*Quid sentiendum de doctrina Stevini proposit. X.
lib 4 & proposit. 2. lib. 5. staticæ.*

Stevini
theorema
hydrostatici-
um.

Simon Stevinus lib 4. staticæ, seu 1 Hydrostaticæ, proposit. 10. hoc proponit ac demonstrat Theorema: *Aqua fundo horizon-
ti parallelo tantum insidet pondus, quantum est aqueæ columna, cujus
basis fundo, altitudo perpendiculari ab aqua superficie summâ, adi-
mam demissa equalis sit.* Probat, quia non plùs premit fundum præ-
dictum, nec minùs, quam pondere dictæ columnæ aqueæ; ergo
tantum. Ex hac propositione deducit quinque consecutaria, quo-
rum ultimum deinde lib. 5. staticæ, seu lib 2 Hydrostaticæ, pro-
positione 2. conatur illustrare quinque exemplis, omnino mirabi-
libus; quorum primum hoc est. *Fundus AB fundo CD similis esto &
equalis itemque altitudo EF altitudini GH, sed pars IE insiciens subje-
ctæ aquæ KLB A minor sit, quàm pars ipsius GCD sibi respondens, pen-
datque aqua EAB 1. lib. GCD. 10. lib. sitque GCD cylindricus, is igitur
ipsius EAB erit decuplus; hujus tamen in fundum AB impressi esse tan-
tum asserimus, quantum sit totius GCD in fundum CD.* Hujus exempli
doctrina videtur omnino mirabilis, cùm ex ea sequatur, unam
libram aquæ super fundum vasis alicujus tantum gravitare posse,
quan-

Corollari-
um mirabi-
lex illud.

Vide Fig.
XI. Iconif.
m. XV.

quantum mille libræ, imò quantum totus Oceanus super fundum alterius vasis. Si enim vas fieri GCD Oceani capax, & aliud vas EAB unius tantum libræ capax, cujus tamen altitudo EF esset æqualis altitudini GH; & fundum AB æquale fundo CD; & utrumque vas aquâ impleretur, tam validè premeretur fundum AB a sua aqua, quàm validè fundum CD a sua. Memini, cum Panorimi in Sicilia in disputatione publica meus quidam in Mathematicis discipulus demonstraret, Terram non ad quamlibet novi ponderis ex parte una additionem, & inde secutam centri gravitatis mutationem, titubare, nec locum mutare, nisi fortassis accederet pondus hemisphærii Terraquei pondere non minus (ut suprâ libro 1. Syntagm. 1. capite 2. demonstravi;) memini inquam, virum doctissimum P. Joannem Carolum La Faille, Serenissimi Joannis ab Austria nunc Belgii Gubernatoris, tunc verò Siciliæ Proregis Mathematicum, opposuisse hoc Stevini Exemplum (uti & alterum de Libra, de quo mox) asseruisseque, summâ omnium admiratione, vel unam libram aquæ vasi prædictâ ratione efformati conclusam sufficere, ad globum Terraqueum loco suo dimovendum. Aderat disputationi illustrissimus Dominus Carolus Vintimiglia, Eques Pontormitanus nobilissimus, & eximius Mathematicus, & statim absolutâ disputatione fieri curavit duo vasa prædicto modo efformata, & me præsentem experimentum fecit, sed sine ullo effectu: manifestè enim deprehendimus, vas ABE cum aqua sua non gravare tantum manû, aut bilancem sustentantem, quantum eam gravabat vas GCD, unde conclusimus, nec fundum utriusque æqualiter premi ab aquis inclusis. Fatebatur ingenuè dictus P. La Faille, (quod etiam fatetur *Mersennus* lib. 1. Hydrostaticæ seu Artis navigandi Proposit. 13.) nos in bilanci-bus vel manibus non totum illud vasis pondus sentire, fundum tamen illo premi; sed non persuadebat, repugnante manifestâ experientiâ.

Ajo itaque, Propositionem, illam X. Stevini, prout ab ipso ibidem proponitur & explicatur, veram esse, & bene ab ipso pro-

bati, & confirmari etiam experientiâ; at falsû esse allatum exemplû

*Theorema
verum est,
sed falsum
corollarium;*

& ex propositione illanequaquam deduci, & insuper experientia manifesto repugnare. Legatur propositio apud ipsum, & cum ea conferantur exemplum.

Confirmare nititur Stevinus loco cit. libri 5. exemplum prædictum aliâ experientiâ, quam ibidem adducit, & nos ex ipso adduximus in MechanicaHydraulico-pneumatica parte 2. Classe I. cap. 6. Machinall. & appellavimus *Libram Hydrostaticam mirabilem*. Eandem experientiam in citata paulo antea disputatione afferebat P. La Faille. Experientia est verissima, & ab aliis sæpius probata; sed non est ad rem: nec enim fundum lancis libræ premit tam valide modica aqua, sed impetus ab aqua, cylindro ligneo impressus, & à cylindro in aquam & fundum lancis reflexus, ut ibidem nos explicavimus. Quòd si scivisset Stevinus, nunquam experientiam in exempli sui confirmationem adduxisset. Atque hic finis esto Magiæ Hydrostaticæ, nunc ad Hydrotechnicam pergamus.



LIBER SEXTUS.

DE MAGIA HYDROTECHNICA,

Sive

De abditis, admirandis, utilissimis, ac jucundissimis aquarum artificijs, ac spectaculis.

PROOEMIUM.

HYDROTECHNICA, hoc est ars aquaria seu aquatica, qua tam mira passim artificia, Spectacula tam jucunda, tam utilia, & hominum usui necessaria Inventa ubique excitari videmus, non minore gustu, quam fructu, ad tria præcipue capita revocari posse videtur, ad aquas nimirum vel è profundo hauriendas, vel deducendas per planiciem, vel educendas in altum per fistulas ac tubos, formandos in fontes, aliaque Hydraulica Technasinata, ut in Mechanica quoque Hydraulico-Pneumatica notavi Præloquio ad lectorem. Qua de causâ, ut ibidem docui, Machine aquaticæ triplicis sunt generis. Aliæ enim jumentorum, hominum, ponderum, ventorum, fluviorum ope, rotis varie inter se se implicatis, quin & sine rotis simplicissimo artificio, moventur, & aquas ad commemoratos paulo ante usus subministrant, cujusmodi sunt Tympana, Antliæ seu Ctesibicæ machine, cochleæ, tollenones, globulorum catenæ, haustorum rotæ, alisque similia, quæ

Hydrotechnia quid sit

Machine-rum aquaticarum tria genera.

passum multis in locis spectantur, & à variis Auctori-
bus graphice depinguntur, ac describuntur. Et hisce ma-
chinis eleuantur aqua ac sursum eleuantur, per vasa seu
hausta, vel tubos, & vasa vel sunt unica in singulis machi-
nis, vel multiplicata & simul invicem connexa in mo-
dum perpetuae vasorum catena, vel ita disposita, ut sub-
inde ex uno in aliud vas aqua effundatur, donec tandem
ad supremum locum perveniat. Aliæ solo aquarum la-
psu naturali fontes exhibent amenissimos, & omnis generis
hydraulica spectacula, seu ludicra ad oculorum oblecta-
mentum, seu serica ad hortorum domorumque privatos ac
publicos usus. Huc revoca machinas illas, quibus aqua-
rum libratio, seu ut nunc loquuntur, libellatio instituitur,
ad eas de loco uno in alterum per longissima etiam viarum
spatia, & montibus, collibus, vallibus, fluviiis, aliisque
obstaculis asperata atque discissa deducendas; quam artem
Hydragogiam Græci nos deductionem aquarum dicimus.
Aliæ denique Aquaticæ machinæ inclusivæ seu aeris vio-
lencia, ejusdemque, aut aquæ rarefactionis ope vel alterius
ab altero vehementi pressione ejulantur aquas in altum,
tubas ac tubas inflant, volucrum cantus exhibent, toni-
trua emulantur, aliæque tam mira præstant, atque
exotica, vix ut ab humano ingenio præstari posse credan-
tur.

De quibus
hoc libro
agendum.

De tertii generis machinis fusè atque ex fundamen-
tis legimus in *Mechanica Hydraulico-Pneumatica*, qui-
bus non nullas etiam primi & secundi generis interserui-
mus. De iisdem, & universim de omnibus aliis seu theo-
rema-

rematibus, seu problematibus, quæ ad Hydrotechniam quoquo modo spectant, hic iterum, utpote loco suo, fuisse ac distincte agendum, esset ac verò etiam à nobis ageretur, ni opus hoc in nimiam molem augeri timeremus. Ad tria ergo Syntagmata breviter coarctabo, quæ hoc libro proponam: in primo Hydragogiam seu libellandarum aquarum artem tradam: in secundo unam aut alteram tantum machinam ad primum machinarum genus spectantem, explicabo, quia novæ sunt, & apud alios non reperiuntur: in tertio denique paucas Machinas, solo naturali aquæ lapsu exhibitas, indicabo. Tertiū porro Machinarum generis fundamenta seu principia, in Mechanica tradita & explicata, in sequenti Libro ad incudem revocabo, illud præsertim, quod vim attractivam appellavi, & ad vacui metum retuli; videboque nun alio etiam modo explicari, aut aliam in causam referri queat prædicta attractiva vis. Adjungam unam aut alteram æqualem machinam in mechanica non explicatam. Atque hanc appellamus hoc loco Magiam Hydrotechnicam, quoniam quæcunque complectitur, à magicis & ingeniosis effectis non sunt aliena.

SYNTAGMA PRIMUM

De Hydragogia, seu aquarum libellatione.

Hydragogia
quid.Libellato-
res practici
aquarum.

HYDRAGOGIA seu aquarum perductio, iisque perducendis prævia libratio, seu libellatio, ut recentiores appellant, non tam facilis est, ut negligenda à mathematicis sit, solisque practicis libratoribus & Hydragogis, ut plurimum à geometris, relinquenda. Committunt enim hi non raro enormes in librationibus errores, sæpeque contingit, ut post ingentes sumptus à Principibus & Rebus-publicis factos, aquæ minime confluant quo derivanda erant. Quamvis non negem, aliquos subinde reperiri, qui litteris nullis instructi, nedum mathematicis præceptis imbuti, longa experientia edocti citissime & felicissime, hac in re præstent, quod vel Doctissimi Geometra longo tempore, vix præstarent. Vidi ego in Sicilia simplicissimum hominem, ac Idiotam prorsus, qui à parente aque simplici ac amuso instructus, campum ingentem chorobate pæne carie corrosa facillime librabat, & alveo facto exiguis sumptibus, per eum aquam felicissime deducebat, derivandas supra rotas molendini novi eo loco construendi. Ab utrisque ergo discendum est, & utrorumque præcepta audienda, ut illorum theoria cum horum praxi conjuncta feliciter res sortiatur exitum. Quoniam igitur ingeniosa est non minus, quam utilis, ac necessaria Hydragogia seu aquarum libratio, de ea hoc loco non nihil agere decrevi. Materiam eandem fusius pertractavi in Pantometro Kircheriano lib. 9. At quoniam dictum opusculum, in decem libellos digestum, lucem nondum vidit, ejus mora, cui jam dudum traditum suis sumptibus excudendum à quo vix tandem extorssi denuo

vel

vel alteri tradendum, vel cursui Mathematico inscrendum, ex parte saltem video nonnulla ex dicto libro 9. decerpta huc transferam, Lectori fortassis nec ingrata, & utilia.

CAPUT PRIMUM.

De Hypothesibus Hydragogicis.

ANtequam de ipsa libellandi seu librandi praxi tractemus, id *Hydragogi-
ca Hypo-
theses.* que tam ex communi Practicorum, quam singulari Mathematicorum sententiâ, ut majori cum fundamento & *εὐμενδοσέως* procedamus, præmittere luber varias libratorum hypotheses, quas in praxi velut indubitatas supponunt Practici, hoc est, Libratores Ordinarii & Ageometræ, imo & Geometræ etiam, casque breviter examinare, non contradicendi studio, sed veritatis inquirendæ amore. Easdem pœne verbis iisdem tradimus in Pantometro loc. citato c. 5.

SUPPOSITIO PRIMA.

Terra & Aqua Terra infusa accircumfusa, maribusque ac *Terra &
aquarum
da sum.* cubus præcipue comprehensa, unicum constituunt globum, uni-
ca atque continua superficie, licet montibus ac vallibus asperata, con-
tentum, quem ob id Terraqueum appellant recentiores. Conve-
niunt in hoc plerique Philosophi ac Mathematici, exploden-
tes, ac tantum non ridentes aliquos, quos inter Anaximander
statuebat Terram similem columnæ, Leucippus Cylindro, seu
tympano bellico, Cleantes cono seu turbini, Heraclitus sca-
phio, Democritus disco cavo, Anaximenes & Empedocles men-
sæ planæ ut ex Aristotele, Plutarcho, & Laertio refert P. Joannes Baptista Ricciolus tom. 1. Almagesti novi, lib. 2. c. 1. Argu-
menta pro Terraquei globi rotunditate vide apud Ricciolum &
sphæræ scriptores quos citat & apud nos in cursu Mathematico,
tract. de sphæra mundi.

SUPPOSITIO SECUNDA.

*Terraquei
globi cen-
trum est
centrum
gravium.*

Terra seu terraquei globi centrum est Centrum commune omni-
um gravium, quo videlicet omnia gravia (saltem sublunaria per
se tendunt appetitu naturali, ac per lineas rectas, & quidem nisi impe-
diantur, brevissimas, hoc est, directe & sine ambagibus ad dictum cen-
trum tendentes. Quia igitur aqua omnis est gravis, tendit appetitu in-
nato ad centrum terra, eoque fertur, nisi impediatur, per rectam ac bre-
vissimam lineam modo dicto. Admittuntur à plerisque, etiam ab his
qui terram non statuunt in medio universi, nisi ad sensum, &
nos etiam admisimus in Mechanica Hydraulico Pneumatica,
parte 1. Protheoria 4. cap. 2. supra libro 1. cap. 1. Proposit. 10.
Centri porro nomine hoc loco intelligimus centrum magnitu-
dinis, seu centrum medii: quod licet à centro gravitatis Terræ
differat, tam patum tamen in hoc rerum statu ab illo abest, ut
idem censeretur cum illo, saltem physice & ad sensum, possit. Vide
quæ diximus in Mechanica loco citato, & supra loco citato, pro-
positione II.

*Aqua ten-
dit ad cen-
trum Terra*

SUPPOSITIO TERTIA.

*Aqua fluit
ad loca de-
cliviora.*

Aqua suapte natura fluit, ablatis impedimentis, ad loca decli-
viora, hoc est, centro, Terra viciniora. Et quidem si rectus
ac perpendicularis pateat ipsi aditus, fluit eo per lineam rectam bre-
vissimam, nempe perpendicularem, & quæ directe ad centrum Ter-
ræ tendit: sin minus, fluit eò per lineam obliquam. Patet hoc ex-
perientia quotidiana, nec alia indiget probatione, ut diximus
etiam loco citato in Mechanica Propriet. 1. Notandum hic, lo-
ca decliviora non sumi hic in ordine ad Horizontem, sive Astro-
nomicum, sive Physicum, sed in ordine ad centrum univer-
si, quod est omnium infimum in mundo, diciturque absolute
& simpliciter infimum. Sed de hac re iterum in suppositione
quinta,

SUPPOSITIO QUARTA.

*Aqua con-
sistens a ju.*

Aque consistentis suprema superficies est aequilibrata, seu aequa-
litas. Indiget explicatione. Consistens aqua appellatur, quæ
litum

litum obtinet naturalem, ut explicavimus in Mechanica loco *per facies extrema & aequilibrata.*
 cit & passim insinuavimus in libro præcedente Situs autem seu positio naturalis aquæ est, ut ibidem diximus, quem sponte assumit aqua, tam in superficie superiore, quam in inferiore, & in lateribus, contenta quibuscunque receptaculis seu vasis. Ita que situs aquæ, quem habet intra vasa violenter constricta, non semper est aquæ naturalis, saltem quoad superficiem superiorein. Libratum seu æquilibratum sumi potest dupliciter. Primo pro eo, quod est horizonti parallelum seu æquidistans, prout sunt plana ad libellam constituta, hoc est quæ ex una parte non magis attolluntur aut deprimuntur quàm ex altera, sed instar librarum æqualium brachiorum ac ponderum consistunt velut in æquilibrio, unde & librata seu æquilibrata dicuntur. Et in hoc sensu talium est, aquæ consistentis & naturaliter quiescentis supremam superficiem esse æquilibratam, seu æque altam. Cum enim spherica sit, ut diximus in Mechanica loc. cit. propriet. 2. & demonstrat Archimedes, alique communiter non potest esse horizonti parallela, neque secundum omnes suas partes æquè alta, hoc est, æque supra horizontem elevata, ut manifestum est. Secundo sumi potest æquilibratum pro eo, quod æqualiter, secundum omnes suas partes, distat à centro Terræ. Et in hoc sensu verissimum est, aquæ consistentis supremam superficiem esse æquilibratam, secundum omnes suas partes æque altam, hoc est, æqualiter distantem à centro Terræ.

In vasis tamen, & exiguis receptaculis, uti & in lacubus non magnis, adeo exigua & insensibilis est sphericitas supremæ superficiei aquæ, ut sensus judicet esse planam, meritoque supponi possit esse talem, ut advertendum loco citato. Et de hisce aquis vera est prædicta Libratorum suppositio, quoad sensum, non quoad Mathematicam exactitudinem.

SUPPOSITIO QUINTA.













Aqua in plano librato non movetur, hoc est, non fluit, si natura sua relinquatur. Unde si aqua per planum aliquod movetur, non est planum ejusmodi libratum, sed de vexum & pendens; si vero aqua quiescit in plano, planum est libratum. *Aqua in plano librata non movetur.* Hæc etiam suppositio indiget

explicatione. Si enim plani librati nomine veniat superficies æqua liter secundum omnes partes suas distans à centro terræ. globi, hoc est, superficies spherica & dicto globo concentrica; vera est, quia tunc nulla pars plani illius est declivior quàm altera, ac proinde non est ratio, cur ad unam partem potius, quàm ad alteram partem fluat aqua in tali superficie extensa. Dico in tali superficie extensa, quia si aquæ origo sit elevata supra huiusmodi superficiem, potest per illam fluere, donec ipsi origini exequetur quoad distantiam à centro Terræ. Si verò plani librati nomine intelligatur planum horizonti parallelum (ejus modi sunt plana ad libellam constituta) suppositio absolute non est vera, quia tale planum non distat æqualiter secundum omnes suas partes à centro Terræ. Uti si Terra sit B C D, ejus centrum A, horizon intelligibilis C D, planum horizontale, simulque horizon sensibilis E B F: erunt puncta E & F remotiora à centro A quàm punctum contactus B, quod est omnium propinquissimum centro; quò verò magis receditur à puncto B, versus E, aut F, eò magis receditur à centro A, quòd eò longiores fiant lineæ rectæ à centro ad lineam E F ductæ, ut ex Euclidis elementis patet. Fluet ergo aqua per planum libratum, & quidem in casu hîc posito ab E aut F versus B.

Vide Figuram I.
Iconismi
XVI.

Quo sensu
sit verum.

Si tamen sensum spectemus, per plana horizontalia non magna, scilicet paucorum pedum, aut passuum, non movetur aqua motu sensibili. Esto enim E F planum seu linea horizontalis contingens superficiem Terræ in puncto B; erit, *per prop. 18 lib. 3. Elem. Euclidis*, angulus A B F rectus. Ponatur B F mille passuum geometricorum, sive unius miliaris Italici, & supponatur inter im semidiameter Terræ A B non major 30;6 miliarium (quem tamen Tycho ponit miliarium 3440, alij verò adhuc majorem,) erit A F miliarium 3036 $\frac{1}{8073}$. Et enim quadratum A B est miliarium 9217296, quadratum verò B F est unius miliaris, ac proinde duo quadrata A B, F B simul juncta sunt miliarium 9217297; quibus æquale est quadratū A F, *per 47 primis Euclidis*. Ergo recta A F, latus illius quadrati 9217297, est proximè miliarium 3036 $\frac{1}{8073}$; ut patebit calculanti. Quocirca punctū F erit altius seu remotius à centro Terræ, A particula sexies mille simâ septuagesimâ secundâ unius miliaris. Quæ quidem particula continet digitos tredecim, & quintam circiter digiti





digiti partem. Nam milliareunum (cùm contineat mille passus, & singuli passus quinque pedes, & singuli pedes quatuor palmos, & singuli palmi quatuor digitos) erit 80000 digitorum; quem numerum dividamus per 6072, exhibunt digiti $13\frac{1}{2}$ circiter, ut dicebam. Si igitur planum horizontale passuum mille tangens Terræ superficiem, non est ex illâ parte, quâ non tangit, altius quam digitis tredecim cum una quinta digiti parte; erit planum trium passuum, vix quadragesimâ parte unius digiti altius in unâ, quam in altera parte, in qua tangit Terræ sphericitatem: si autem eandem tangat in medio, vix octuagesima parte unius digiti elevatius erit in extremitatibus. Quare merito censeripotest sphericum, Terræque concentricum, ac proinde idem de tali plano dicendum est, diximus de plano Terræ concentrico, physice loquendo.

ANNOTATIO.

Quando dicimus aquam in plano Terræ concentrico non moveri, necfluere, si natura sua relinquatur; intelligendum est, si aqua inter planum illud sit inclusa: alioquin si libera est, effluet extra margines, tendens ad partes decliviores.

SUPPOSITIO SEXTA.

Si sit canalis non excedens in longitudine pedes circiter quinque, qualem ponit Vitruvius in suo Chorobate, de quo postea cujus erecta supra basem latera sunt aque alta in toto circuitu, immissaque aqua distet aequaliter à supremis labris laterum. libratuſ est hujusmodi canalis, hoc est, horisontis est parallelus: si vero una parte aqua propior est summo labro, quàm ex altera parte; non est libratuſ canalis, sed qua parte altior est aqua, depressior est canalis, ex altera vero parte est altior. Hęc suppositio secundum sensum, & ad usum librandi, vera est; secundum considerationem Mathematicam falsa est; quoniam suprema aquæ superficies in vasis etiam parvis spherica est, & non plana, ut supra diximus in suppositione 4. Est tamen differentia inter superficiem illam sphericam aquæ in casu posito de canali quinque pedibus longo, & inter superficiem libratam tam exigua,

Aqua in canali quâdo librata censetur.

Vide Figu-
ram II
Iconismi
XVI.

in rigore mathematico, ut cenferi poffit omnino indivifibilis. Efto enim fuperficies fphærica aquæ canali contentæ ADB, cujus centrum, itemque centrum Terræ, fit C; ductæque AB hori-
zonti parallela, quæ tangat fuperficiem Terræ in E, ducatur re-
cta CE, quæ producta cadat in D, ut differentia diftantiæ dua-
rum fuperficierum à centro Terræ fit DE, fit præterea majoris
evidentiæ gratia canalis EB quinque pedum, & ducatur CB.
Ponatur femidiameter Terræ milliarium Italicorum folummo-
do 3036, ut fuprà dicebam. Erit itaque eadem femidiameter pe-
dum 1180000, ac proinde quadratum ejus erit pedum quadra-
torum 13043240000. Cum vero EB fit quinque pedum, erit ejus
quadratum pedum 25 quadratorum. Quocirca quadratum rectæ
CB, fubtendentis angulum, rectum eft pedum quadratorum
130432400000025 per 47. primi Euclidis: cujus quadratilatus, nem-
pe CB, erit, fi radix quadrata extrahatur, pedum fimplicium
1180000 $\frac{25}{1180000}$, quæ minutia ad minimam denominationē
reducta, erit $\frac{1}{1180000}$ unius pedis. Et quoniam pes unus eft 16
digiti 1214500 dictarum particularum: finguli ergo digiti erunt ea-
rundem particularum 75906. circiter: tot enim proveniunt, fi
1214500 partiarum per 16. Si itaque fecetur digitus, nempe fexta
decima pars pedis, in partes 75906, una ex illis erit exceffus quo
BC major eft, quàm CE; ac proinde ED erit unius digiti pars fe-
ptuagies quinquies millefima, non gentefima, fexta.

SUPPOSITIO SEPTIMA.

Terpendu-
culum non
quiefcit ne-
que in linea
directionis.

Si filum cum perpendiculo ex aliqua ftabili re appendatur, non quiefcit
fuopre nutu, nifi cum fuerit in recta linea ab appenfionis puncto ad
centrum Terræ ducta. Explicatum ac demonftratum hoc fuit fuprà
lib. I. cap. 4. propofitione 2. quem locum vide, una cum fchemate
ibi citato. Atque hæc fuppositio abfolutè vera eft.

SUPPOSITIO OCTAVA.

regula lon-
ga quando
conjunctur
librata.

Si regula rectangula, feu longa, feu brevis dividatur bifariam lineâ
ad angulos rectos latera parallela fecante, atque à fupremo puncto li-
neæ ejusmodi fecantis filum cum perpendiculo appendatur, deinde fup-
que libere filum lineam ipsam fecantem occupet, eft regula illa librata.

Efto

Est regula rectangula, vel potius unum latus huiusmodi regulæ, Vide Fig. ABCD, quæ bifariam dividatur rectâ EF, secante ad angulos rectos utramque rectarum, ABCD, appendaturque ex puncto E^{XV} filum cum perpendicularo G, occupetque filum demissum rectam EF, & quiescat. Dicunt, regulam ABCD esse libratam; hoc est, horizonti parallelam. Quoniam enim per præcedentem suppositionem, filum cum perpendicularo EFG, non quiescit, nisi in linea transeunte punctum suspensionis E, & centrum Terræ. Si dictum filum EFG mente extendatur, cadet in ipsum centrum Terræ. Sit itaque dictum centrum H, ex quo si ad intervallum HG describatur circulus Terraque globo concentricus, faciet linea HGFE cum linea LM, dictum circulum tangente, adeoque ad Terræ horizontem parallela, angulos rectos HGM, HGL. per 18. lib. 3. Euclid. sed etiam cum lineis AB, CD, facit angulos rectos HFD, HFC &c. ut supponitur. Ergo, per 28 primi Euclid. rectæ AB, CD, parallelæ sunt rectæ LM & consequenter horizonti. Librata ergo est regula ABCD. Vera est absolute hæc suppositio. Et eadem est ratio, si ad latera ABCD, ducatur perpendicularis AC, & ex puncto A suspendatur filum cum perpendicularo, demittaturque ut liberè quiescat filum, & cadat præcisè supra lineam AB regulæ, ut mox dicetur.

SUPPOSITIO NONA.

Si fuerit regula, in qua dextremitates ducantur lineæ ad parallelam teræ recta, & ab ejusmodi rectarum & perpendicularium linearum summitatibus pendant fila cum perpendicularis, atque ita collocetur regula, ut fila libero perpendicularorum motu perpendiculares ipsas lineas occupent, erit regula librata. Sit ut antea regula ABCD, atque lineæ AC, BD, perpendiculares sint ad parallelas AB, CD, & ex punctis A & B appendantur fila cum perpendicularo G, occupentque fila libere pendentia perpendiculares AC, BD. Dicunt, regulam esse libratam. Hæc Hypothesis in rigore mathematico implicat, quia nunquā potest accidere, ut utrumque filum cum perpendicularo cadat præcisè supra lineas perpendiculares ACBD, in prædicto situ regulæ, sed vel supra unam solū, vel supra neutram. Est enim ut antea centrum Terræ H, è quo describatur circulus Terræ concentricus quem

Regula oblonga alio modo librata quando consueatur
Vide Fig. III Iconis. XVI.

quem tangat linea L Min puncto G, & huic lineæ LM æquidistant regulæ latera AB, CD; ducaturque recta GA per punctum contactus G, secans regulam in FE, & aliæ dux HA, HB, Erunt igitur per 18. lib. 3. *Euclid.* anguli HGM, HGL, &c, per 29. lib. 1, anguli, HEB, HEA recti, anguli vero HAE, HBE, acuti, per 17. *primi*. At fila cum perpendicularis ex punctis A & B suspensa, & libere demissa, cadere debent supra lineas AH, BH, per dicta suppositione 7. Eadem est ratio in quocunque situ regulæ, in quo recta HG secat ipsam intra rectas AC, BD. Neutrum ergo filum in hoc situ cadit supra perpendiculares AC, BD. Si regula ABCD. ita collocaretur, ut recta AC. esset in rectâ HG producta versus regulam, caderet quidem filum unum cum perpendicularo supra lineam AC, at alterum minime caderet supra lineam BD, propter rationem jam dictam. Eadem est ratio, si recta HG, transeat per rectam BD. Nunquam ergo poterit prædictum filum utrumque cadere supra utramque lineam, AC, BD Stamen sensum spectemus, vera est prædicta suppositio, & ad praxim sufficiens. Volo dicere, fila cum perpendicularis libera demissa in dicto situ regulæ tam parum aberrare à dictis lineis perpendicularibus AC, BD, ut censi merito possit, supra illas præcise cadere ac proinde concedi sine ullo errore potest, regulam esse libratam, si fila cadant supra prædictas lineas. Demonstratio enim non adodo, quia necessaria non est.

SUPPOSITIO DECIMA.

*Dioptrica
Instrumenta
ta qua.*

Qua per instrumentum Dioptricum libratum conspiciemus, ea sunt æque alta cum oculo, & inter se. Dioptrica Instrumenta (de quibus postea) sunt illa, per quæ visus transit restrictus, ut ita dicam, siue transeat restrictus per rimam, siue per canaliculum, siue per pynnacidia. Hæc suppositio, si loquatur de altitudine simpliciter & proprie accepta, quâ æque alta dicuntur illa, quæ à centro Terræ æque distant: altiora, quæ ab eodem magis distât: humiliora, quæ minus, falsa est. Sicut enim planum horizontale non est æque altum secundum omnes sui partes, ut vidimus suppositione quinta: ita quæ sunt in eadem linea visuali æqui librata, hoc est, plano horizontali æquidistante, non sunt omnia æque
alta

alta, seu æquè remota à centro Terræ; sed minus alta sunt, quæ sunt propinquiora oculo; magis alta, quæ sunt remotiora ab oculo. Omitto demonstrationem, quia ex dictis locis cit. intelligi potest. Si verò suppositio loquatur de altitudine: supra horizontem, sive sensibilem, sive rationalem; vera est, quia omnia puncta, quæ occurrunt visui per Dioptricum instrumentum libratum transpicienti, æqualiter distant ab eodem plano horizontali, secundum lineas rectas ei plano perpendiculares: cujusmodi sunt in loco citato puncta E, B, F, respectu horizontis CAD.

SUPPOSITIO UNDECIMA.

Qua puncta aequalibus perpendicularibus absunt à linea visus transcurrente per Dioptricum instrumentum aequilibratum, sunt æquè alta: & quæ inæqualiter absunt, in æqualiter sunt alta: scilicet altiora, quæ longioribus absunt perpendicularibus: minus verò alta, quæ absunt brevioribus. Sit Dioptricum instrumentum NO, linea visus per ipsum transiens ABCD, à qua æqualibus lineis perpendicularibus distent puncta E, F, G, H: longioribus I & L: brevioribus K & M. Dicunt puncta E, F, G, H, esse æquè alta: puncta K, M, altiora puncta I, L, depressiora. Hæc vera sunt in ordine ad horizontem falsa in ordine ad centrum Terræ, ut patet per se, & ex jam dictis.

Vide Fig.
IV. Iconisf.
XVI.

SUPPOSITIO DUODECIMA.

A Equales, inæqualesque distantia punctorum infra lineam visus aequilibratam, aut supra planum horizontale, rectè mensurantur perpendiculari filo. Ut in præcedenti figura E, F, G, H, infra lineam visus AD, aut supra horizontem, sive sensibilem, sive intelligibilem, rectè mensurantur filo cum perpendiculo appenso: & tunc dicuntur esse æquales, quando fila perpendiculorum à linea visus ad dicta puncta demissa sunt æqualia: tunc verò sunt majores, aut minores distantix, quando eadem fila sunt longiora, aut breviora. Hæc Hypothesis, geometricè & exactè loquendo, est falsa, quia fila cum perpendiculis demissa, non sunt perpendicularia ad horizontem, sed tendunt ad centrum Terræ, ut patet ex Suppositione septima, unde unum solum potest esse

Vide Fig.
IV. Iconisf.
XVI.

perpendiculare horizonti, illud nimirum, quod cadit in punctum contactus, in quo horizon sensibilis tangit Terræ superficiem sphericam. Non ergo recte sumuntur perpendiculi ope perpendiculares prædictæ in usu libellæ, si geometricè procedamus. Secundum sensum tamen nullus in ea re committitur error, etiam in linea librata unius milliarii, quoniam differentia inter perpendicularem quamcunque ex illa demissam ad horizontem, & inter perpendiculum tendens ad centrum Terræ, est omnino insensibilis, ut ex dictis colligitur, & facile demonstrari potest.

SUPPOSITIO DECIMA TERTIA.

*Libella quâ
do censetur
librata.*

Vide Fig.
V. Iconis.
XVI.

Si supra aliquam regulam longam aut supra planum, seu Instrumentum aliquod Dioptricum erigatur. Norma seu Libella ABC, & filum cum perpendiculo libere demissum cadat supra lineam CD; librata est regula, aut planum, aut Instrumentum: si cadat intra AD, aut intra BD; non est librata regula, aut planum, aut Instrumentum. Geometricè Suppositio vera est solum tunc quando punctum D Normæ congruit puncto contactus, quo regula aut planum tangit superficiem sphericam Terræ; in reliquis casibus falsa est. Practicè tamen loquendo, & in usu librandi, vera est in omni sensu, si regula, aut planum, aut Instrumentum libratum, non excedant longitudinem unius milliarii, ut patet ex dictis suppositione præcedenti. Sed de hac iterum agetur infra.

CAPUT SECUNDUM.

Quidnam sit libellatio, & quinam de illa scripserint.

*Libellatio
quid sit.*

*Hydragogia
quid sit.*

Libratio, seu mavis libellatio, nihil aliud est, quam descriptio seu designatio lineæ rectæ horizonti parallelæ, ut vel juxta illam planum aliquod dirigatur, atque libretur, vel utrum libratum sit cognoscatur, vel loca quælibet in eadem supra horizontem altitudine constituentur, constitutave dignoscantur. Hic est enim finis libellationis. Hydragogia vero seu aquarum libellatio atque perductio, est inquisitio atque inventio lineæ supra horizontem extensa, juxta quam aut alveos effodere, aut aquæ ductus, Canales, tubos, similesque aquarum meatus disponere debeant Hydragogi seu aquarum Perductores, ut per illos aqua de

de uno ad alium locum derivari atque deduci naturali fluxu possit.

De librationis non solum modo sed substantia quoque, dissident (quod in mathematicis rarum est) viri etiam docti, nedum ^{Hydragici scriptores.} vulgares libratores; præsertim si de aquarum librationibus sermo est, uti ex dicendis patebit. De Hydragogia porro, totaque libellandi ratione agunt (quantum quidem constare mihi potuit) Vitruvius lib. 8. cap. 6. & 7. ejusque commentatores, Guilielmus Philander, Cæsar Cæsarianus Architectus Mediolanensis Italico, sed protus barbaro idiomate, Daniel Barbarus Italico & Latino idiomate; Julius item Frontinus libello de aquæ ductibus: Plinius lib. 31. cap. 6. Leo Baptista Albertus lib. 10. Architect. cap. 7. Petrus Appianus in Quadrante suo Astronomico parte 3. proposit. 13. & in Horoscopo parte 3. problem. 13. Nicolaus Tartaglia lib. 3. scientiæ novæ Italico idiomate Proposit. 7. Christophorus Clavius lib. 3. Geometriæ practicæ Problem. ultimo; Adrianus Metius in Geometria practica part. 2. præcepto 6. in corollario; Levinus Hulsius tract. 1. mechanicorum instrumentorum cap. 49. & 50. Petrus Dionysius Veglia lib. 3. Geometr. pract. proposit. 26. Petrus Catanus in Geometr. pract. versus finem; Salamon Caus lib. 2. Hydraulicorum Problem. ultimo; Vincentius Scammozus parte 1. de Architect. cap. 26. & 27. Benedictus Castellus in libello singulari de mensura aquarum currentium; Athanasius Kircherus lib. 3. Lucis & umbræ par. 1. cap. 4. Joannes Antonius Maginus in libro de arte mensurandi parte penultima; Nicolaus Cabzus lib. 2. in meteora, Aristot. text. 6. quæst. 4. & alibi in eodem Opere; Joannes Baptista Ricciolus tom. 1. Almagesti novi lib. 2. cap. 4. numero 9. & 10. item cap. 13. num. 7. Joannes Baptista Porta lib. 3. spiritalium, capite ultimo. Hieronymus Cardanus in practica Arithematicæ & Geometriæ cap. 36. num. 45. ac novissime Scipio Claramontius in libello post humo de usu speculi pro libella.

CAPUT TERTIUM.

De libellaticis Instrumentis à Vitruvio enumeratis, videlicet Dioptra, Libra aquaria, & Chorobate.

Libratur aqua vel potius spatium per quod deducenda est aqua variis instrumentis, quorum tamen alia aliis sunt meliora, commodioraque. Vitruvius lib. 8. cap. 6. enumerat tria, Dioptram, libram aquariam, & Chorobatem; hunc tamen aliis præfert. *Libratur autem, inquit, dioptris, aut libris aquariis, aut chorobate; sed diligentius efficitur per chorobatem, quod Dioptra libraque salunt.* De singulis breviter ordine agemus.

DE DIOPTRA.

*Dioptra
quid sit.*

Dioptra ergo, præterquam quod est, teste Suida, μηχανικὸν τεχνήρημα, δι' ἧς οἱ γεωμέτραι ἀπειρήθην τὴν τῶν ἐπαλξίων ἐκ διαστήματος ἀναμέτρειν. *Instrumentum mechanicum, quo Geometrae ex intervallo explorant dimensionem propugnaculorum, turrium & universim quarumcunque distantiarum; significat etiam, inquit Philander Comment. in citatum Vitruvii locum. Instrumentum librandis aquis accommodatum. Quale tamen, & quomodo constructum sit hujusmodi instrumentum, non explicat, neque indicat, nisi quòd dicat, Dioptræ frequentem esse mentionem apud Ptolemaeum, Theonem, Proclum, ac etiam apud Plinium lib. 2. cap. 69. Quibus videtur innuere Dioptram Hyparchi, cujus illi meminerunt; quæ tamen nihil habet cum Libella Commune. Scipio Claromontus ait, Dioptram esse oblongam, rectamque Regulam, per quam transpicimus, sive quod intus sit uniformi ductu excavata secundum totam longitudinem, sive quod habeat pinnaculidiam appositam, per quæ transpicimus. Dicitur enim Dioptra ἀπὸ τοῦ διόπτειν, id est, ab inspiciendo, explorandoque; non vero ἀδύο πτεῖν, quòd sit Instrumentum habens duo foramina, ut inepte putat Caesar Casarianus Comment. in dictum Vitruvii c. 6. ubi etiam alias duas non minus ineptas hujus vocabuli etymologias affert. Recentiores tamen Mathematici Dioptras appellant in Pistrolabiis, Quadrantibus, Quadratis, similibusque uranometricis, Geometricisque Instrumentis, transversas ac mobiles diametros illas*

Etymologia.

(alhidadas vocant Arabes) quæ pendent ex illorum centrīs, & in quarum extremis erecta sunt pinnacidia perforata, per quæ fit prospectus in corpora cœlestia, aliavè objecta. Imo sola pinnacidia perforata, siue dictis diametris seu Regulis pensilibus affixa sint siue ipsorummet Instrumentorum lateribus, aut deorsis aliisque locis adhæreant. Dioptras nonnulli appellant. Ex his constat, quid sit apud Vitruvium Dioptra, omne videlicet Instrumentum quo visualis radius per foramina, pinnacidia, Canaliculos transmissus dirigatur in rectam lineam.

DE LIBRA AQUARIA.

Quid Vitruvius intelligat nomine Libræ æquariæ, si à Dioptricis instrumentis fuit diversa, comperire certo non licuit, quoniam Interpretes omnes silent, nisi quod *Jocundus* antiquus Vitruvii Commentator, eam explicet schemate singulari. *Scipio* vero *Claramontius* ait esse regulam longam AB, in uniformis canalīs modum excavatam, & supra fulcrum in E positum ita, ut circa axem M intra medium regulæ atque adeo infra centrum gravitatis, sit versatilis. Si enim canalīs impleatur aqua & vertatur Regula circa axem M, donec per se quiescat, ex neutra parte deorsum decidens, erit librata Regula, id est, instar libræ ad horizontem parallela: aqua enim hinc inde à centro æqualiter divisa erit, unde sibi mutuo æqui ponderabit, adeoq, habebit rationem libræ.

DE CHOROBATE.

Chorobates quid sit, & quomodo constructus, recitat *Vitru-* *Chorobates*
vius lib. 8. c. 6. his verbis. *Chorobates autem est Regula longa circiter pedum viginti. Ea habet ancones in capitibus extremis, aquali modo perfectos, inque Regula capitibus ad normam congruentatos: & inter Regulam & ancones à capitibus compacta transversaria, quæ habent lineas ad perpendicularum recte descriptas pendentiaque ex Regula perpendiculara, in singulis partibus singula; quæ cum regula fuerit collocata, eaque tangent æquè se pariter lineas descriptionis, indicant librata collocatorem. Sin autem ventus interpellaverit, & motionibus lineæ non potuerint certam significationem facere; tunc habeat in superiore parte Canalem longum pedes quinque; latum digitum; altum sesquidigitum, eoque aqua infundatur. Et si æqualiter aqua Canalis summa libra*

*Esse schema
genui-
nam.*

*Vide Fig.
VII. Iconis.
XVI.*

tangat, sciatur esse libratum &c. Ac licet ex hisce Vitruvii verbis satis clarè colligi possit, qua ratione chorobates constructus fuerit, tamen Scholiastæ Vitruvii tam diversis eam modis depingunt, ut nullus cum altero conveniat. Aliud enim schema ponit Casarianus, aliud Barbarus, aliud Jocundus, aliud Porta, aliud Claramontius, aliud alii. Genuinum schema inscruebat Vitruvius operi suo, sed id temporis injuria deperditum fuit. Ego puto compositum fuisse chorobatem, ut aparet in apposito diagrammate, in quo AB est regula longa pedes viginti; C & D sunt ancones, in capitibus extremis Regulæ, ad normam seu angulum rectum erecti, E, F, G, H, sunt transversaria inter Regulam & ancones, compacta à cardinibus seu clavis teretibus E, F, &c. EI, FL, GK, HM, sunt lineæ perpendiculares, & perpendicularia pendentia ex regula nempe singula in singulis transversariis, NO est canalis longus pedes quinque &c. in superiore parte chorobatis.

*Esse in
commoda.*

Habet chorobates hoc incommodi, quòd in ejus usu oporteat libellatorem deferre secum aquam per campos, ut Canalis NO identidem repleri de novo possit. At occurrì huic incommodo potest, si supra canalem NO, erigantur duo vitrei tubi PN, QO, & tam tubi, quàm canalis operiantur, ut aqua effluere non possit, dum circumfertur instrumentum. Si enim in dictis tubis fiant colore aliquo circuli, Regulæ AB paralleli, & æqualiter ab ipsis planitie distantes, & infusa per apertum tubulum BN aqua repleatur canalis NO ita, ut aqua pertingat ad coloratos circulos usque, iterumque claudatur tubulus, eadem aqua semper, vel longissimo saltem tempore, servire poterit.

CAPUT QVARTUM.

De aliis instrumentis libellaticis à variis Auctoribus usurpatis.

*Libellatica
instrumen-
ta varia.*

HAftenus de instrumentis libellaticis à Vitruvio enumeratis, nunc de aliis, à variis Auctoribus usurpatis, breviter aliquid dicendum, ejusmodi sunt quæ sequuntur.

DE QVADRANTE, QVADRATO,
ASTROLABIO, ET PLANIMETRO.

Nicolaus Tartaglia loco suprà citato utitur Quadrante Geometrico: Petrus Appianus locis item suprà citatis quadrante Astronomico, eadem forma qua prius elaborato; & horoscopio in Quadrantis formam effecto: Clavius Quadrato Geometrico stabili: Veglia & Maginus, Quadrante & Quadrato: Hulsius idem, uti & instrumento suo planimetro in semicirculi formam elaborato, quod describit ipse loco suprà citato. Metius semicirculo Astrolabii dorso inscripto, & mobili diametro cum Dioptra instructo, uti & Quadrante, atque Quadrato eidem Astrolabio, inscripto: Cataneus, Porta & alij chorobate: alii aliis instrumentis, quæ variis modis construi possunt.

Quomodo Quadrans & Quadratum construantur, sive in Astrolabio, sive extra illud constat plerisque, & passim in multis libris est obvium. Planimetrum Hulsii conficitur è duro ligno, aliave materia solida: ferè unius pollicis crassitie in forma semicirculi, magnitudine libita.

DE LIBELLA ORDINARIA.

Possumus etiam uti instrumento illo, quo omnes passim Architecti, Camentarii, Arcularii simileque utuntur Artifices, & à scriptoribus Italis Libella (vulgo *livella*) appellatur. Construitur ut apposita figura monstrat, ex asserculis, quorum alter CD perpendicularis est alteri AB: & ex centro C pendet filum cum pondere D, quod, ut liberius pendeat filum vel subintrat foramen in asserculo AB factum apud D, vel pendet infra dictum asserculum. Ut verò Libratoribus aquarum inservire possit hæc libella, debent lateri Regulæ AB insigi pinnacidia E & F, GH est regula longa, cujus suprà memini suppositione 13.

Libella ordinaria.

Vide Fig. VIII. Iconismi XVI.

DE REGULA OB LONGA.

Potest quoque adhiberi ad libellandum regula longa ac lata ABCD, in qua ad extremitates ducantur linea AC, BD, ad parallelà latera AB, CD, perpendiculares, ab ejusmodique rectarum ac perpendicularium linearum summitatibus A & B, pendeant

Regula oblonga.
Vide Fig. IX. Iconismi XVI.

fila

fila cum perpendicularis, AG , BG , atque ita collocetur instrumentum supra fulcrum aliquod, ut fila libero perpendicularum motu perpendiculares ipsas lineas AC , BD , occupent: erit enim tunc Regula librata, & horizonti parallela: Unde si Dioptras seu pinnacidia infigas Regulæ, & per ea dirigas radium visus'em; eritis quoque horizonti parallelus. Potest etiam in latere prædictæ Regulæ oblongæ duci per medium linea EF , perpendicularis lineis AB , CD , & in summitate E affigi filum cum perpendiculo EG , omiſſis perpendicularis AG , & BG . Si enim Regula collocatur ut dictum, & perpendiculum EG congruit exactè lineæ EF , erit similiter instrumentum libratum, seu horizonti parallelum, ac proinde & radius per Dioptras projectus, & linea secundum hunc radium ducta, erunt eidem horizonti paralleli.

DE VASE AQVARIO.

*Vide aqua-
rium.*

Solent nonnulli Hydragogi Romæ, aliisque in locis, ut ipse videt, & fateatur *Vincentius Scammozzius* parte 1. Architect. lib. 3. cap. 27. adhibere in librandis planis, per quæ aquas deducere cogitant, sequens artificium, & quidem optimo successu, Concham, aliudvè vas latiusculum superius, cujuscunque figuræ, & magnitudinis proportionatæ, aqua implent ad summum usque labrum. Deinde in duobus Diametraliter oppositis conchæ locis aquæ imponunt duo lignea trigona prisinata, qualia hic apposita Figura monstrat) ejusdem materiæ, ejusdemque omnino densitatis, ac ponderis, ita ut superficies $CDEF$ incumbat aquæ, angulus verò solidus AB , supra aquam emineat. Demum posito supra scamnum aliquod è terra non nihil elevatum vase, quiescenteque aqua cum prismatibus ligneis, dirigunt radium visualem versus locum, cujus altitudinem depressionemvè explorare volunt, ita ut prædictus radius radat exactissimè supremum utriusque prismatis angulum solidum AB : hoc enim factò, statim vident utrum locus ille, quo dirigitur radius, sit altior, aut humilior loco, è quo dirigitur. Ratio hujus rei est, quia aquæ suprema superficies semper, ubicunque & quomodocunque collocetur vas cujuscunque illud figuræ sit, æquilibratur, hoc est, parallela est horizonti, seu Astronomico, seu Physico, tamet si mathematicè loquendo sphericam affectet

Vide Fig.
X. Iconis
XV.

affectet figurā, ut Archimedes demonstrat, & sphaerae Mundi scriptores docent, ac nos etiam insinuavimus in Mechanica Hydraulico-pneumatica part. 1. Protheoria 4. cap. 1. Propriet. 2. & supra cap. 1. suppositione 4. Ergo radius visualis praedictam aquae superficiem vel potius solidos angulos AB, superficiei praedictae parallelus contingens ac radens, similiter est horizonti parallelus: ergo terminus ejusdem radii indicat, utrum locus alius sit hoc loco altior aut depressior, prout locus ille fuerit infra aut supra praedictum radii terminum. Haec tamen intelligenda sunt juxta sensum dictum supra cap. 1. suppositione 5.

Atque hoc instrumentum ego jure merito apellaverim Libram *Ejus praestantia.* aquariam seu aquaticam, quoniam aqua in eo contenta perfectissime libratur, & mediante illa librantur alia aqua, & maria quaecunque. Utuntur eo passim Hydragogi Romani, ut dicebam, & saepissime mihi asseruit P. Kircherus, nullum se unquam expertum fuisse magis exactum, magisque ad librandum aquas commodum: tametsi non nihil in commodum sit ut circumferatur.

Alii tamen aliter utuntur vase aquario. Vas enim poculi instar instrumento cuiusdam libellatico, praesertim Dioptrae capite *Alius ejus usus.* praecedenti ex Claramontio descriptae imponant, ac ferruminant, aut ligant, poculumque seu vas laborum aequè altorum undique statuunt: aliqui etiam intus circulum à summa vasis ora aequè distantem delineant. Deinde elevant deprimuntque tandem instrumentum libellaticum, quousque aqua poculo infusa undique, aut descriptum intus circulum, aut summa vasis labra aequaliter attingat: hoc enim facto, instrumentum libratum dicunt, & ad libellae usum constitutum. Transpiciunt tandem per Dioptram, aut instrumenti pinnacidia, & reliqua peragunt, ut dicemus infra suo loco. Sed prior usus facilius est.

Sunt qui pro pinnacidiiis, aut foramine, rimavè ad transpiciendum, in jam memorata oblonga Regula Dioptrica, utuntur aquae summitate seu suprema superficie in binis vitreis vasculis Regulæ antedictae, alterive, tabula aut asseri impositis. Cum enim aquae quiescentis suprema superficies semper sit librata (saltem ad sensum, & quantum spectat ad usum, licet revera sit sphaerica,

ut suprà diximus) linea visualis, ipsam in utroque vasculo æque alto contingens seu adens, est etiam librata.

DE LIBELLA EXTEMPORALI.

*Libella ex-
temporalis.*

Vide Fig.
XI Iconis.
XVI

Accidit nonnunquam, ut plani alicujus librandi, aut aquæ libellandæ occasione oblata, omni destituamur libellati co-instrumento. Quo casu extemporalem Libellam, ac velut *ἀντοσχίδιον* quoddam ita construes. Accipe Regulam AB, saltem ad sensum rectum, eique affige aliam Regulam CD, ad angulos sensuum iudicio rectos. In hujus Regulæ media planitie duc rectam lineam CD, & è puncto C suspende filum cum pondere, quod perpendiculi officium subeat. Hoc factò, colloca instrumentum erectum, ut hic vides, supra planum aliquod, quod sensuum iudicio sit æquilibratum; & in Regula CD nota lineam quam designat filum perpendiculi liberè pendens; quæ sit vel CD vel CE. Hoc etiam factò, verre instrumentum ita, ut A dextram, B sinistram respiciant, quæ antea contraria respiciebant loca; & perpendiculo liberè cadente, nota iterum lineam, quam perpendiculi filum designat quæ quidem erit vel CD, vel CF. Si filum in hoc secundo situ instrumenti cadit supra lineam CD, eandem videlicet supra quam ceciderat in primo situ; erit illa perpendicularis ad lineam AB, atque adeo parata erit Libella. Et si lateri regulæ AB infigas Dioptras, aut erigas aculeos G & H æqualis altitudinis; habebis Libellam extemporalem, librandis planis & aquis non inutilem.

DE LIBRA SEU BILANCE.

*Libra ad a-
quam librā-
das utilis.*

Libra seu Bilanx potest etiam servire pro Libella, illa præsertim, cujus centrum versionis est supra centrum gravitatis, modo suprà libro 4. explicato. Si enim libra sit exacta, & brachia, appendiculaque æqualia in mensurâ & pondere, & libra statuatur perfectè in æquilibrio, respiciaturque vel supra jugi dorsum, vel per pinnacidia, aut aculeos æqualis altitudinis jugo infixos; erit visionis linea librata, atque adeo libra pro libella deserviet. Eodem modo uti poterimus statera.

DE LIBELLA KIRCHERIANA ET
CLAVIANA.

Pulcherrimum est & ad quævis plana librandà commodum, multaque alia perficienda aptissimum; instrumentum illud, *Libella Kircheriana.* quod fusè describit & explicat *Athanasius Kircherus* lib. 3. Lucis & umbræ part. 1. c. 4. vocatque ob id Libellain. Idem instrumentum nos simplicius descripsimus in Pantometro Kircheriano, lib. 5. c. 4. lege alterutrum locum.

P. Christophorus Clavius lib. 3. Geomet. tract. Problem. 45. aliud affert instrumentum pro librationibus planorum, quando non sunt valde magna, per commodum; aitque illud excogitasse Joannem Ferrerium Hispanum, Nobilem Architectum, & Mathematicum. Constructionem vel usum lege apud ipsum loco citato, vel apud nos in Pantometro, loco item citato.

Inter omnia etiam libellatica instrumenta præclarissimum usum habet Pantometrum Kircherianum, uti multis proplematis ostendimus, ac demonstramus cit. libro 9. cap. 11. hic autem paucis explicare non possumus, ideoque omittere cogimur.

CAPUT QUINTUM.

De vulgari Libratorum praxi in librandis locorum distantis, ad perducendas aquas.

Exponam hoc capite praxim vulgarem ac ordinariam, quæ utuntur Libratores communiter omnes etiam ageometræ, in librandis duorum locorum distantis dum ab uno ad alterum perducere volunt aquã, ut sciant, uter illorũ sit altior, uter depressior.

Ut sciant igitur Libratores, utrum aqua è fontis origine, aliove ex loco, ad locum aliũ ut Urbem, Arcem, Hortum &c. duduci possit naturali cursu; primum omnium indagant, an originis locus altior sit, quàm locus in quem deducenda est aqua, hoc est, utrum locus iste sit magis supra eandem horizontalem lineam elevatus, quàm hic. Si enim inferior fuerit locus originis loco alio, aut in eodem horizontali plano cum illo, statim pronuntiant aquam naturã non deduci eò non posse. Si autem superior fuerit,

& planum inter utrumque locum interjectum potuerit habere sufficientem declivitatem, seu ut ipsi loquuntur, pendentiam; ajunt deduci posse. Videndum igitur est, quomodo ipsi explorent per Libellatica instrumenta, quis locus sit altior, quis humilior, quis æquæ altus. Sic ergo procedunt Libratores

Si è loco fontis seu scaturiginis aquæ conspicui potest locus, ad quem deducenda est aqua, collocant juxta fontis locum instrumentum Libellaticum, quodcunque illud sit, è terra elevatum, hoc est, vel imponunt illud alicui sustentaculo, vel suspendunt è perçicâ, vel manu tenent. Deinde illud æquilibrant aliquo ex modis supra dictis, nempe vel perpendiculis, vel aqua, vel Norma seu Libella vel aliter, judicant verò æquilibratum esse Instrumentum, cum linea, juxta quam dirigendus est visus, æquidistat secundum omnes suas partes horizonti instar Libræ æqualibus ponderibus librata. Hoc factò, in loco illo ad quem derivanda est aqua erigunt perpendiculariter signum conspicuum tantæ altitudinis, quanta est à loco Originis aquæ usque ad Dioptras instrumenti librati. Hoc etiam factò, transpiciunt vel per rimam, seu canalem instrumenti, vel per pinnacidia, vel per aquæ supremam superficiem, vel per dorsa triangulorum solidorum aquæ impositorum, prout diximus suprâ cap. 3. & 4. Et siquidem signum in loco ad quem deducenda est aqua, erectum occurrat in eadem linea visionis, pronuntiant illum locum esse æquæ altum, cum loco scaturiginis: si supra lineam visionis fuerit signum, ajunt locum esse altiorem: si infra, declivorem: solumque in hoc ultimo casu ajunt posse eò deduci aquam, si adsit sufficiens declivitas, de qua postea.

Vide Fig.
XII. loci.
alibi XVI.

Sit exempli gratia explotandum Quadrato, aut Quadrante, aliòve instrumento libellatico quocunq;, utrum ex loco A deduci possit aqua, ad locum B, aut M. Erigunt instrumentum in A, illudque librant, ita ut latus C D, in quo sunt Dioptræ, sit horizonti parallelum. Metiuntur deinde altitudinem C A, nempe distantiam loci oculi C à loco aquæ A. Post hæc in B, aut M, erigunt baculum, aut hastam B F, aut M F, quantævis altitudinis habentem signum aliquod conspicuum F, distans à B, aut M, quantum distat C instrumenti ab aqua A tandem per Dioptras seu pinnacidia C D transpiciunt, & dirigunt lineam visualem C D G, versus B, aut M. Et si quidem

si quidem linea visualis CDG, cadit supra signum F, ut sit apud locum B, ajunt, aquam ex A perducì posse ad B, si adsit sufficiens pendentia. Si verò linea visualis CDG, cadat in signum F, aut intra ipsum, ut sit apud locum M, ajunt aquam A non posse perducì ad locum M Ratio ipsorum est, quia in primo casu locus B est demissior, hoc est, centro terræ propinquior, quàm aqua A, & quidem tanto demissior, quanto magis F est infra lineam visualement CDG: in secundo vero casu locus M altior est, hoc est, à centro terræ remotior, quàm aqua A, & tanto altior quanto magis F est supralineam visualement CDG.

In idem recidit, si dicas, tunc locum A, in exemplo posito esse æqualis altitudinis cum loco B, aut M. si per latus CD instrumenti æquilibrati conspici potest signum F, tunc verò locum A esse altiore loco B, aut M, quando latus CD deprimendum est versus signum F, ut videatur, tunc denique locum A depressiorem esse loco B, aut M, quando latus CD elevandum est, versus signum F, ut videri possit.

Si è loco scaturiginis aquæ non possit videri locus, ad quem deducenda est aqua, quia interjectus est mons, sylva, aliudvè simile impedimentum; ut si ex loco B deducenda esset aqua ad locum M & interjectus esset Mons A, ita procedunt. In loco B collocant instrumentum supra suum sustentaculum, & æquibant. Et deinde in loco M perpendiculariter erigunt perticam cum signo F conspicuo, ut antea, tantum à terra distante, quantum distat à loco æque latus CD instrumenti. His factis, ex loco B dirigunt visum, per latus CD instrumenti, versus locum E, in monte, & notant signum aliquod G, ad quod terminatur linea visualis CDG. In loco deinde G, collocant instrumentum æquilibratum, ut latus CD correspondeat puncto G, & respiciunt versus K, notando aliud signum G, ad quod terminatur linea visus Post hæc collocant instrumentum in loco K, ut latus CD instrumenti æquilibrati correspondeat iterum puncto G, & respiciunt versus M. Si linea visualis cadit in signum F, locus M erit æquè altus cum loco B, si cadit supra aut infra F, erit locus M altior, prout antea dictum fuit.

Vide Fig.
XIII loco-
nis. XVI

Alii aliter procedunt in collocandis hastis seu perticis, & in instru-

mento hastæ applicato elevando, aut deprimendo, sed nulla fit mutatio in substantia rei.

Vide Fig.
XIV. Ico-
nif. XV L.

Si denique in loco ejusdem scaturiginis aquæ non potest videri locus, ad quem aqua deducenda est, propter nimiam distantiam etiamsi spatium interjectum sit planum, aut quasi planum, procedunt eodem ferè modo, quo jam diximus, quando mons est interjectus. Ut si è loco A perducenda est aqua ad locum B, distantem passibus 400. circiter. Dividunt distantiam in plures stationes, A, E, F, distantes à se invicem 100. aut 150. passibus; & in stationibus intermediis, ut in E & F, erigunt hastas cum signo conspicuo mobili, quod videlicet altiori aut depressiori loco hastarum affigi possit, ejusmodi signum est, v.g. charta alba, quæ cera molli possit affigi hastis. His factis, collocant instrumentum in A, prope scilicet locum aquæ elevatum à terra, seu à superficie aquæ, pedibus septem. Æquilibrant deinde instrumentum, & per Dioptras CD transpiciunt versus hastam E dirigendo in ipsam hastam radium seu lineam visualem E D G, & in puncto G jubent affigi chartam, quæ sit elevata supra terram pedes v.g. quinque, quantum scilicet elevatum est punctum terminans lineam visualem. Detrahunt quinque à septem, remaneat duo, pronuntiant ergo, locum E altiorem esse loco A pedibus duobus. Iterum collocant instrumentum in E, æquilibratum, & elevatum ut antea, pedes septem, & proiiciunt visum per Dioptras in signum hastæ F, elevatum supra terram pedes quatuor. Detrahunt 4. à 5. remanet 1. ajunt ergo, locum F esse altiorem loco E pede uno, & consequenter loco A pedibus tribus. Tandem collocant instrumentum in F, & dirigunt visum in hastam B, conspiciuntque signum elevatum è terra pedes 13. detrahunt 3. à 13. remanent 10. ajunt ergo locum B esse inferiorem loco F pedibus 10. ac proinde loco E pedibus 9. loco verò A pedibus 7.

Reliqui libellationem factam à loco fontis ad alterum, reperiunt ab altero loco ad locum fontis, ut videant num bene libraverint, quoniam modicus error in instrumento, est maximus in linea librata. Utrum rectè, nec nè agant, patebit ex capite sequenti.

COROLLARIUM.

Colligitur hunc, quomodo planum secundum eandem lineam horizontalem pluribus librationibus modo dicto inventam complanari possit, si nimirum spatium depressius repleatur terra aggesta, elatius egesta deprimatur.

CAPUT SEXTUM.

De praxi libellandi tradita à Patre Nicolao Cabæo.

P *Nicolaus Cabæus* lib. 1. in *Meteora Aristotelis* tex. 62. quæst. 2. & lib. 2. tex. 6. quæst. 3. in fine, & quæst. 4. per totum, mirum in modum exagitat vulgarem Libratorum praxim in librandis locorum distantis ad aquas deducendas, aitque illos non intelligere, quid sit Libella: nec cognoscere, quam lineam, seu quas lineas per libellationem designent, nec satis percipere, quid sit libellare. Ait dum dicunt, ad derivandas aquas ut feliciter & satis velociter fluant, satis esse, si singulis mille passibus inclinetur cursus, seu linea cadentiæ, per uncias quatuor, illos valde errare, & hanc assertionem luculentum satis ignorantis testimonium præbere. Si enim, inquit, libellatio unica fieret mille passuum, si fieri posset, & libella ex uno capite milliaris constitueretur, etiam si in altero extremo capite lineæ libellatæ sumeretur punctum sex imò & octo unciis infra punctum visum, aquam ex puncto Libellæ non motum iri ad punctum visum per talem lineam, sed potius à puncto viso ad Libellam cursuram. Monet proinde Principes & Rerum publicarum Gubernatores, ut videant diligenter, dum hujus modi Libellatores adhibent, quibus pecuniam fidunt.

Ipse autem Cabæus, ut suam exponat sententiam, ac praxim, supponit libellationem nihil aliud esse, quàm descriptionem seu designationem lineæ rectæ tangentis Terram seu circulum Terræ concentricum, in illo præcisè puncto, in quod cadit perpendiculum Libellæ. Totum enim artificium Libellæ & libellationis, inquit consistit in hoc, ut constituatur per ipsam lineam rectam Terram contingens, super quam si cadat perpendiculum in puncto contactus, filum perpendiculi faciat angulos rectos hinc & inde cum

Vide Fig.
V. Icon.
XVI.

cum illa linea. Ut si sit linea seu Regula EF super terram extensa; ea tunc dicetur constituta ad libellam, cum ita fuerit disposita, ut ipsi super imponatur libella CAB, perpendiculum CD, cadens super illam, facit angulos CDA, CDB, rectos. Quod quidem, ut ipse monet, & nos supra diximus cap. 1. supposit. 9 non fit nisi in puncto contactus.

Libellandi
praxis Ca.
bai.

Afferio
prima Ca.
bai.

Hoc alitque quæ apud ipsum leges, suppositis, ait *primo*, ubi unica libellatione exploramus loci alicujus altitudinem, vel declivitatem, non esse Libellam in uno loci illius extremo collocandam, & per rimulas, vel aliâ ratione, dirigendam lineam rectam ad aliam extremitatem. Rationem dat, quia loca quæ per talem libellationem inveniuntur in eadem linea æquilibrata, non sunt revera in eadem altitudine, hoc est, æqualiter remota à cetro terræ, sed altior à Libella remotus, quàm Libellæ proximus. Probat ratione mathematica, quam supra adduximus c. 1. supposit. 5. Ubi diximus, punctum F magis distare à centro terræ A, quàm punctum B. Ex quo infert Cabæus, ut duo loca per libellationem in eadem linea æquilibrata inventa, dici possint esse in eadem altitudine, debere Libellam collocari in medio inter duo illa loca, & dirigi visum ad utrumque locum: ad unum quidem ex una Libellæ extremitate, ad alterum verò ex altera: tunc enim si duo illa loca occurrant in eadem linea visuali, signum est, illa esse æque à centro terræ distantia. Sic si inter duo loca E & F ponatur Libella in puncto B, & uterq; occurrat visui in eadem linea EF: erit uterq; æque altus, hoc est, æqualiter distans à centro A. Et ratio est, quia cum linea EF sit tangens circulum descriptum ex A, & B ponatur punctum contactus, rectæq; BE, BF, ponantur æquales: erunt etiam rectæ AE, AF, æquales, per 18. *proposit. 3. Euclid. & proposit. 4. lib. 1.*

Vide Fig.
I. Iconif.
XV.

Si quis dicat, hanc esse speculationem mathematicam, ac proinde in physicâ praxi libellationis non attendendam, cum terræ superficies spherica, in qua libellatio fit, & linea tangens protenditur, adeo sit magna, ut elevatio lineæ tangentis post unum milliare non sit sensibilibiter altior, seu remotior à centro terræ quam in loco contactus: Respondet Cabæus, hoc omnino falsum esse. Si enim constituta Libella in B, fiat Libellatio spatii BE unius milliarii (si fieri potest) cum linea BE, sit linea recta, & super-

super fides' terræ circularis: si describatur circulus è centro terræ, cujus semidiameter sit AB, passuum 3500000, & linea BE sit passuum 1000; erit linea EG (ait Cabæus) pedis unius & unciarum decem circiter, hoc est, locus E erit altior loco B unciis 12. ac proinde aqua ex B non fluat ad E, sed potius ex E fluat ad B. Et ex quo Inferis, quàm parum sit fidendum vulgaribus Libratoribus. Addit, ex hujus rei ignoratione procedere, quod hujusmodi Libratores nunquam inveniant altitudinem, nec, ut ipsi loquuntur, claudant spatium & quod eo magis, errent, quo fuerint illa in re diligentiores Si enim, inquit, constituas Libellam primo in B, & dirigas lineam fiduciæ in E, ac deinde deferas Libellam in E. & convertas directionem ad B, nunquam, adhibitâ quacunque diligentia, revertetur directio ad B, sed supra B cadet, nempe in H: et si revertatur directio ex E ad B, signum est libellationem non fuisse legitime peractam.

Ait *Secundo* Cabæus, si pluribus libellationibus explorare velis regionem aliquam v. g. ABC; non esse explorandam, ut positâ Libella in A, dirigas $\frac{A}{\text{---}} \cdot \frac{B}{\text{---}} \frac{C}{\text{---}}$ visum ab A in B, & puncto B exacte notato, ibi colloques jam Libellam, & ex B invenias per illam Libellationem punctum C, & sic deinceps; sic enim non pergis in eadem altitudine, seu distantia à centro terræ, sed semper ascendis, & elevaris eo magis, quo longiores libellationes producis ab A ad B, & à B ad C. &c. ut patet ex dictis, & patebit melius ex dicendis sequenti Assertionem. Et quamvis procedas semper per puncta exactissime inventa; non tamen procedis per puncta æquidistantia à centro; quia, ut ostensum est, in prima libellatione magis distat B à centro Terræ quam A; & C adhuc magis quam B; & sic deinceps: & in magna longitudine valde sensibilis est ista elongatio à centro. Licet ergo non ita recedas pluribus libellationibus In eodem spatio repetitis, ac si unicâ solum totum spatium libellasse; tamen semper sequentia puncta magis ac magis remouentur à centro Terræ; & in longitudine multorum milliarum, recessus à centro Terræ erit non jam unciarum, pedum, & passuum, sed decem-pedarum. Et si repetas libellationem, incipiendo à fine versus principium, similiter operando ut prius: senties enorme discrimē.

Assertio secunda Cabæi.

Et hoc discrimen te docebit, utrum error in hujusmodi praxi sit sensibilis, nec ne.

*Ass-rio
tertia.*

Ait *tertio*, dum pluribus libellationibus exploratur regio aliqua, vel dirigitur planum ædificii magni; illis pluribus libellationibus non constitui unam rectam lineam, nec fieri plures lineas eidem horizonti parallelas, sed semper fieri lineas se mutuo secantes & produci polygonum, circa peripheriam Terræ. Ratio est, quia singulis libellationibus fit linea rangens circulum Terræ concentricum (non eundem, sed semper diversum, & quidem majorem); cujus lineæ extremitates, hinc & inde à Libella remotæ æqualiter, distant à centro Terræ æqualiter, & omnes se mutuo intersecant, ut apparet in appositâ Figurâ, in qua linea BF intersecat lineam FI, & linea FI lineam IK &c. Hinc si longam porticum (*Subjungit Cabæus*) construas, puta trecentarum aut quadringentarum decempedarum, & per exactissimam Libellationem singularum columnarum peristilia, seu capitella disponas, & primam columnam cum secunda exacte colles ad Libellam, & secundam cum tertia, & sic deinceps; non erunt omnia capitella in eadem recta linea, ita ut si oculus in uno capite constituas, & lineam visualement in directum projicias, sint omnia capitella in eadem recta linea visuali: hoc enim non erit, sed columnæ procedent quasi circulariter, capita elevando, & rectam lineam capitella excedent valde notabiliter, pro longitudine porticus. Hujus rei addit rationem Cabæus, quæ tamen omnino est falsa, & plane contraria iis, quæ hæcenus dixit. Dum ergo (*concludit Cabæus*) porticum aut fenestratum ædificium dirigere vis, ut omnia sint in linea recta; non per Libellam replicatis vicibus exacte adhibitam id consequeris, sed unica operatione in medio consistens, hoc habebis per radium visualement.

*Ass-rio
quarta.*

Ait *quarto*, si diversis continuatis libellationibus exacte explorare velis regionis alicujus, vel ædificii, æquilibrationem; hæc esse observanda. Primo, ut semper te cum Libella constituas exacte physice in medio inter extrema cujusque libellationis ut æqualiter distes ab utroque extremo. Secundo, ut si per lineam visualement punctum æquilibrationis investigas, distantia sint valde moderatæ in singulis operationibus, ut distincte punctum visum notare possis.

possis. Hæc autem distantia non deberet esse major quàm quadraginta aut quinquaginta decempedarum, quamvis acuto visu pelleas. Exemplum ponit tale. Sit explorandum aequilibrium duorum punctorum A & E. Sume primo spatium AI quinquaginta decempedarum, & erectis hastis AH IB KC, colloca libellam in S. Tum conversus ad hastam AH, nota exacte in hastâ punctum H, in quod collimat Libella seu oculus per Libellam transpiciens: & nota in charta ex una parte dextera v.g. distantiam, qua punctum H distat ab A. Converso deinde visu per Libellam ad hastam IB, & invento puncto B, nota in eadem charta ex parte sinistra distantiam, quâ punctum B distat à plano inferiori ad locum I. Sume deinde distantiam IK, si fieri potest, physice æqualem priori distantiæ AI, & erectâ aliâ hastâ KC, constitue Libellam in medio ubi F; & converso visu per Libellam versus hastam IB, nota punctum, in quod collimat Libella, seu oculus, sive sit punctum B, sive supra B; & in parte chartæ dexterâ, nota distantiam illius puncti visi à plano I. Converso deinde oculo in hastam KC, nota in eâ punctum C; & describe in parte chartæ sinistra distantiam puncti C visi à puncto K plani. Iterum sume distantiam KE, priori æqualem, & erectâ alia hasta DE, constitutaque Libella in medio, ubi G, dirige visum primo in hastam KC, deinde in hastam DE; & visi puncti distantiam à plano K nota in chartæ dextera parte, puncti vero visi distantiam à plano E, nota in chartæ parte sinistra. Eodem prorsus modo procede, si alia supersint spatia, usque ad terminum ultimum destinatum, notando semper distantias dexterarum in charta dextera, & distantias sinistras in charta sinistra. Finita tota libellatione, junge simul omnes distantias dexterarum, & summam inito; idemque fac cum sinistris distantibus; & deinde summam minorem subduc de majori, & residuum dabit tibi differentiam distantiarum à centro Terræ primi & ultimi, seu dextri & sinistri puncti A & E; quod enim habebit residuum distantiarum, erit demissius seu propius centro Terræ. Scergo stabit exemplum; ideoque locus E altior erit quàm locus A, quatuor pedibus verbi gratia.

Vide Fig.
XV. Iconif.
XVI.

Exemplum.	
Siniftra	Dextra
8	10
5	9
9	7
Sum. 22.	26.
Subtr.	22.
Differentia	4.

Ratio hujus praxi est, quia cū in prima libellatione fiat linea tangens Terram in puncto S, seu ipsi æquidistans, nempe linea B H, cujus extrema puncta H & B æqualiter distant à puncto contactus, ut supponimus: distabunt eadem duo puncta H & B æqualiter à centro Terræ, ut probavimus supra paulo

post initium hujus capitis in assertione prima Cabæi.

Cognita ergo utriusque puncti distantia à plano, hoc est, à punctis A & I, sciatur etiam utrum ex duobus punctis A & I, sit demissius, & utrum altius. Similiter propter eandem rationem sciatur per secundam, tertiam, & reliquas libellationes, quomodo se habeant inter se puncta I & K, K & E &c. quoad majorem vel minorem altitudinem, sive distantiam à centro Terræ. Et quamvis in secunda libellatione oculus non collimet in punctum B, hastæ BI, in quod collimaverat in prima libellatione, sed cadat suprâ, aut infra: hoc nihil refert, quia etiam punctum C in eadem secunda operatione cadit supra aut intra idem punctum B, cū æqualiter distet à centro Terræ cum puncto in hasta BI notato. Idem dicendum est de aliis operationibus. Subductis ergo rationibus distantiarum dexterarum & sinistrarum in charta notatarum, sciatur præcisa habitudo primi puncti ad ultimum.

CAPUT SEPTIMUM.

Examinatur sententia & praxis Cabæi in libellandis aquis.

Cubæi sententia circa libellandi praxin examinatur.

HÆc Cabæi sententia & praxis optima quidem est, si aliqua excipias in quibus errat: at non multum differt à praxi vulgarium Libellatorum, saltem peritiorum, & qui scriptis libris suas tradiderunt praxes. Paucis ergo illam examinabo, ut veritas elucescat, & quid tenendum sit, constet.

Vide Fig.
I Iconif.
XVI.

Asserit Cabæus in prima sua Assertionem, ut vidimus capite præcedenti, si Libella in puncto aliquo Terræ ritè disposita proiciatur linea horizontalis, v.g. in apposita Figura linea B F, eaque extendatur

datur in directum per unum milliare, seu mille passus: Punctum extremum F esse altius atque remotius à centro Terræ A, quàm punctum B, pede uno & uncias decem, posita Terræ semidiametro passuum 350000. seu milliariorum 350. adeoque vult lineam FG continere pedem unum & uncias decem, seu uncias 12. *Qua* ^{Ejus error detegitur.} in re enormiter hallucinatur contra Geometriam, ex cujus regulis dicta linea FG, non est nisi digitorum $11\frac{1}{7}$. seu unciarum $8\frac{1}{7}$. ac paulo etiam minor, quod sic ostendo. Triangulum ABG est rectangulum ad B, per 18. lib. 3. Euclid. ideoque quadratum AF æquale est, per 47. lib. 1. quadratis AB, BF. Latus AB, utpote semidiameter Terræ, est milliariorum 3500. & latus BF milliariis unius. Quadratum ergo lateris AB est milliariorum quadratorum 12250000. & quadratum lateris BF, est milliariis quadrati unius: ac proinde ambo quadrata simul, hoc est, quadratum lateris AG, est milliariorum quadratorum 12250001. Ex hoc numero si extrahas radicem quadratam, inuenies pro latere AF milliaria simplicia $3500\frac{1}{7000}$. paulo minus. Erit igitur recta AG, quæ æqualis est rectæ AB, milliariorum 3500. recta verò GF continebit $\frac{1}{7000}$. hoc est, unam septies millesimam partem unius milliariis: quam minutiam si reducas ad digitos, inuenies digitos $11\frac{1}{7}$. si ad uncias, inuenies uncias $8\frac{1}{7}$. Etenim unum milliare continet digitos 80000. qui si diuidantur per 7000. provenient $11\frac{1}{7}\frac{0000}{0000}$. seu $11\frac{1}{7}$. Iterum unum milliare continet uncias 60000. quæ si diuidantur per 7000. provenient $8\frac{1}{7}\frac{0000}{0000}$. seu $8\frac{1}{7}$.

Idem error Cabæi colligitur etiam ex dictis supra cap. 1. sup *Idem error detegitur.* posit. 5. Ubi diximus, & probavimus, si semidiametro Terræ tribuantur milliaria 3036. Latus AF fore milliariorum 3036 $\frac{1}{8000}$. ideoque rectam GF fore $\frac{1}{8000}$. unius milliariis, hoc est, digitorum $13\frac{1}{4}$. circiter seu unciarum $9\frac{1}{8}\frac{1}{8}\frac{1}{8}$. Quod si cum Tychone tribuamus semidiametro Terræ milliaria 3440. erit latus AF milliariorum 3440 $\frac{1}{8000}$. ideoque recta GF continebit $\frac{1}{8000}$. hoc est, unam sexies millesimam, octingentissimā, octogesimam unius milliariis partem, quæ minutia reducta ad digitos, facit digitos, $11\frac{1}{4}\frac{1}{4}\frac{1}{4}$. ad uncias reducta, facit uncias $8\frac{1}{4}\frac{1}{4}\frac{1}{4}$. Quæ omnia patebunt ritè calculanti, & radicem quadratam extrahenti. Idem Cabæi error

ostendi potest ex tabulis sinuum, tangentium, atque secantium; sed nolo esse longior.

*Libellatores
faciunt fra-
gmenta sta-
tionis.*

Esto igitur extremum punctum spatii unius milliarii altius sit primo puncto unciis, non viginti duabus ut Cabæus asserit, sed octo, vel novem, si unica libellatione res peragatur præc. c. tamen ac prudentiores Libellatores nunquam extendunt lineam æquibratam per unum milliare, si aquas deducere volunt; sed solum per 100. aut ad summum 150. passus, ut expressè præscribit *Cardanus* in *Aritmet. & Geomet. præc. cap. 65. num. 45.* Ubi agit de deducendis aquis: ait enim: *Dividenda autem est distantia inter loca, si magna sit, iterando operationem omnibus centum aut centum quinquaginta passibus.* Idem expressè advertit *Leo Baptista Albertus* libro 10. cap. 7. *Petrus Cataneus* in fine *Geometriæ practicæ*, ubi tractat de libellatione aquarum, & alii. Et ego vidi Libellatorem, qui chorobate librabat spatium omnino ferè planum, & circiter quatuor milliariorum; & tamen ad singulos 40. aut 50. passus instituebat novam operationem, dispositis per campum hastis, cum affixa charta, & adhibito socio, qui chartam ad nutum ipsius elevabat aut deprimebat; per quem deinde campum felicissimè deducebatur aqua, per fossam seu alveum factum. Si autem reperitis operationibus libellatur spatium unius milliarii, ultimum punctum non ita recedit à centro Terræ; & tanto minus recedit, quanto sæpius intra illud spatium reperitur operatio, ut etiam Cabæus fateatur, & patet ex dictis supra capite præcedente in secunda assertione Cabæi. Propter hanc autem qualemcunque elevationem linearum librarum, dant Libratores singulis mille passibus ut plurimum uncias quatuor declivitatis seu pendentiz, & ut experientia docet, aquas feliciter deducunt: Quod ergo præscribit Cabæus de repetendis libellationibus in spatio aliquo magno librando, jam ante semper fuit observatum à Libratoribus.

Quod asserit in Assertione tertia, verum est, si per repetitas libellationes exploretur magna aliqua regio multorum milliariorum: at quando dirigitur planum alicujus ædificii magni, est omnino falsum; nec nunquam fuit visum; Architectos aut Cementarios in dirigendo fenestrato artificio, ut omnes fenestræ sint in eadem linea recta, constituere Libellam in medio inter locum
fenestra.

fenestrarum, & radium visualem hinc atque inde per Libellæ Dioptas proiicere, & secundum illum radium fenestrarum altitudines constituere: sed omnes jactis fundamentis muri etiam longissimi, constituunt Libellam in una muri futuri extremitate, lineamque visualem, aut chordam juxta Libellam libratam extendunt usque ad alterum extremum, omnesque fenestras ad chordæ altitudinem construunt: quæ deinde omnes in eadem recta linea visuali apparent, sive ab hoc, sive ab illo extremo, aut in medio consistas, & radium visualem æquilibratum juxta unius fenestræ altitudinem projicias. Longitudo Aulae Accademicæ Collegii nostri Panormitani in Sicilia est, in palmis panormitanis, palmorum 122 $\frac{1}{2}$. latitudo 47 $\frac{1}{4}$. Aulae Collegii Romani longitudo est palmorum Romanorum 138. unciarum 7. Scrupulorum 3. latitudo palmorum 57 unciarum 3. Curritorium seu Ambulacrum supremum seu quintum collegii Romani à Septentrione ad Meridiem, deniptis muris, est longum palmos Romanos 550. meos passus 177. & quia 65. palmi Romani faciunt 48. pedes Romanos antiquos, (est enim pes Romanus antiquus ad palmum Romanum modernum, ut 65. ad 48.) longitudo prædicti curritorii erit pedum Romanorum antiquorum 406 $\frac{2}{3}$. in quibus continentur quinque pedes geometrici, seu passus geometricus, 81. (octuagies semel) & supersunt pes 1 $\frac{1}{4}$. unde constat dictam longitudinem esse plus quam unam partem duodecimam milliaris: toties enim continentur passus 81. in 1000. & supersunt 28. In his tamen omnibus locis aliisque multò longioribus, ut est Basilica vastissima & sumptuosissima S. Petri in Vaticano Romæ, Bibliotheca Vaticana ibidem & longissimum Ambulacrum ante dictam Bibliothecam, omnes fenestræ in eadem apparent linea visuali æquilibrata, ubicunque Libellam, & oculum applicaveris.

Aula Accademicæ Panormi & Rom. Societ. Jesu longitudo.

CAPUT OCTAVUM.

De alveorum atque Canalium, per quos aqua decurrit, necessaria declivitate, in perducendis aquis.

Hydrogogi, ut vidimus in præcedentibus, & supræ etiam cap. 1. supposit. 4. insinuavimus, asserunt, aquam per lineam horizon-

horizontalem, atque adeo per alveos & canales horizonti æquidistantes, non moveri atque decurrere naturali fluxu, sed requiri necessario aliquam declivitatem seu inclinationem, vel ut ipsi loquuntur, pendentiam. Quam quidem declivitatem alii apellant libramentum canalium & alveorum. Quæritur nunc, quanta debeat esse hujus declivitas, seu quanto debeat esse altior alveus versus locum, è quo deducitur aqua, quàm versus locum ad quem deducitur. Quæ in re diversa sunt Auctorum opiniones.

*Pendentia
necessaria
ad aquarum
cursum,
juxta Vari-
os Auctores.*

Vitruvius lib. 8. cap. 7. requirit pro millenis distantia pedibus, pedes quinque altitudinis ex una, declivitatibus ex alterâ parte, ait enim: *solumque rivi libramenta habeat fastigiata, nec minus in centenos pedes semipede.* Unde *Keplerus* in *Astronomia Optica* pag. 135. dixit, *Vitruvium* requirere in aquarum ductibus ducentessimam decursu spatii partem in libramento, hoc est, pedem integrum in ducentos pedes, seu semipedem in pedes centenos. *Andreas Palladius* libro 9. *Architect.* cap. 11. requirit quindecim pedes pro millenis pedibus: ait enim, de canalium structura loquens: *Si per planum veniat inter sexagenos aut centenos pedes, sensim reclinetur structura in sesquipedem, ut vim possit habere currendi.* At bene coniicit *Ricciolus* libro 2. *Almag.* Nov. c. 13. numero 7. legendum esse, *semipedem*: quomodo enim sensim curreret aqua si canalis in pedes centenos haberet declivitatem sesqui pedum, & in pedes millenos quindecim pedum seu trium passuum? esset enim intollerabilis ista rapiditas, imo præcipitancia aquarum, inquit *Ricciolus*. *Leo Baptista Albertus* libro 10. *Architect.* cap. 6. pro mille passuum distantia, non requirit plus quàm pedis unius declivitatem. Verba Alberti sunt: *his addunt Geometra &c. rectam lineam quæ Terra globum contigerit, si à puncto contactus, ad mille passus in longum producat, fore ut intervallum illud, quod inter eam, & maximum Terra ambitum sit, non plus denos excedat digitos: ea resulco aquario aquam non moveri, sed stagnari nisi in singulis octonis peractis stadiis (hoc est in singulis milliaribus) vado sit depressiore pedem integrum, quàm suis locus unde incisa ripa fuit.* Idem sentit *Daniel Barbarus* cotamen. in cap. citæ. *Vitruvii*, ubi Alberti verba refert, non tamen ut apud ipsum leguntur. Cum Alberto sentit etiam *Josephus Cereus* discursu 1. de modo elevandi aquas in altum, dicens, *Geometras asserere,*
dum

dum propter figuram iphæricam Terræ, quæ singulis milliaribus elevatur decem digitos circiter, tum propter libramentum ad motum aquarum, non minus quam ad motum cæterorum gravium necessarium, requiri singulis octonis stadiis, seu singulis milliaribus, ad minimum pedem unum declivitatis.

Minorem tamen declivitatem sufficere ait *Guilhelmus Philander*, & *Cæsar Cæsarianus* Comment. in suprâ dictum Vitruvii locum *Longe aliter*, inquit *Philander*, *nostra ætatis Libratores: nam in sexcentos pedes unum tantum pollicem deprimunt*. Unde Cæsarianus suspiciatur, locum Vitruvii requirentis semipedem in centum passus esse corruptum, cum multi moderni *inquit*) per longam distantiam non faciant libramentum, nisi unius uncix in centrum trabuchos, ut ipse appellat.

Hieronymus Cardanus in Arithmetica & Geometria præc. ca. 63. numero 15. post medium requirit pro mille passibus unam quartam partem unius passus, seu digitos 20. verba ejus sunt: *his cognitis debes scire, quod ad deducendam aquam, ut docet Leo Baptista Albertus, requiritur pro omni milliari, ut locus ad quem deducitur aqua, sit declivior decem digitis, & sunt $\frac{1}{4}$ unius passus; nam passus continet 80 digitos. Sed ad majorem securitatem dico, quod locus ad quem aqua debet deferri, debet esse $\frac{1}{4}$ passus pro milliari declivior loco à quo educitur. Si igitur sit deducendus per milliaria 20, oportebit quod locus à quo educitur, sit altior quinq; passibus saltem, quàm locus ad quem educitur*. Hæc Cardanus. Ex quibus etiam patet, ipsum non intellexisse Albertum. Idem tamen Cardanus lib. 1. subtilit. ait: in singulis millibus passuum locum à quo, altiore palmis esse debere loco ad quem, ut in decem millibus passuum decem palmis. Libro vero 1. Variet. c. 6. ait: *Illud etiam animadversione dignum est, aquam non fluere nisi humilior sit locus ad quem defluit. Antiqui hoc discrimen in centenos pedes, sesquipedem constituebant; nostra ætate subtiliore ratione, sed ad irrigandum solum opportuna, in singula spatia pedum 600 solum pollicem unum. Sed tunc aqua neque satis refrigeratur, propterea alterum decentius, reliquum generalius*.

Petrus Cataneus libro 2. Geometriæ præc. in fine, ubi de libellatione aquarum tractat, & alii communiter jam ajunt requiri quatuor unciarum (unica autem est duodecima pars pedis)

libramentum in singulis milliaribus, ut fiat motus aquarum physicus ac sensibilis ab uno loco ad alterum, ita ut si sit aqua stagnans. quæ debeat fieri fluens, vel fieri debeat aquæ ductus, in spatio unius cujusque milliaris, ita debet disponi aquæ ductus, ut quatuor uncii sit inferior, ac centro Terræ vicinior terminus ad quem, quàm à quo; & iterum in altero milliari subducendæ sunt ex libellatione quatuor uncie. Atque hoc est receptum communiter à Libratoribus, tanquam Axioma, ut testatur etiam Cabæus loco supra citato.

Nolo hic silentio præterire Auctores latinos interpretandi modum cujusdam scriptoris Itali. Is est Vincentius Scammozzi, qui cum in Opere suo Italico de Architectura parte 1. libro 3. cap. 27. dixisset, sufficere unum pedem cadentiæ pro singulis milliariis, seque hoc observasse in aliquibus aquæ ductibus antiquis, addit Cardanum tamen libro 1. de subtilit. & alios requirere unum passum mirarique se valde Vitruvium, quod lib. 8. de Architect. cap. 7. requirat 25. pedes Romanos cadentiæ pro singulis milliariis, cum tamen ipse observaverit fluvios Pollesinorum non habere nisi dimidium pedem cadentiæ, maximè si habeant aquam sequentem. Verba Italica Scammozzi sunt: *Nel condurt' acque d'sopra, d'sotto terra, è bisogno dare qualche poco di caduta, il che è a' sta un piede per ogni miglio, come habiamo osservato in alcuni acque dotti antichi; se bene il Cardano & altri vorrebbon darle un passo Anzi è d'amar vigliarsi non poco di Vitruvio, che voglia, che elle habbino di de caduta venticinque piedi di Romani per ogni miglio; enoi habbiamo osservato, i fiumi de Polisini, che vanno connezzo piede di caduta massime se hanno seguito di acqua.*

*Auctoritas
seruanda.*

Vides Quanta sit Auctorum diversitas circa declivitatem necessariam in aquæ ductibus, ut naturali cursu aquæ fluant de loco in locum. Ego existimo, credendum esse Practicis, qui communiter asserunt, requiri & sufficere quatuor uncias cadentiæ pro singulis milliaribus. Addo tamen, aquam è fonte ac fluvio derivaram facilius currere, cæteris paribus, quàm derivatam è lacu, alio vè loco ubi stagnavit. Hinc est, ut aliquando major declivitas requiratur, quàm Practici ordinariè requirant, aliquando verò minor sufficiat: nullam enim omnino requiri, nullus hætenus dixit.

Magia Hydrotechnica.
CAPUT NONUM.

467

De cautelis nonnullis in libellatione adhibendis.

Verissimum est, aquarum Libratores ingentia damna Principibus ac Rebus publicis inferre posse, si munere suo non re-
cte fungantur. Verissimum errari multis modis posse, etiam ab iis
qui instructi scientia, nullam omittunt diligentiam, ob negotii lu-
bricitatem. Verissimum denique, errorem parvum in principio,
maximum evadere posse in fine hujus negotij. Maxima ergo cum
cautela procedendum. Nonnullas hic indicabo.

CAUTELA I.

Dum per Dioptram libellatico Instrumento affixam (sive pinnacidia Cautela in libellatione aquarum servanda.
illa sint. sive canaliculus secundum instrumenti longitudinem ex-
cavatus, sive exstantes opices sive cylindruli, sive aliud quodcumque) vi-
sus dirigitur per signum aliquod: notari debet punctum signi quàm po-
test fieri minimum, sive circa medium signi visi, sive circa partem ejus
superiorem, sive inferiorem, Explico. Dum oculus applicatus Instru-
mento libellatico dirigit visum in chartam v.g. hastæ affixam: ob-
iicitur ipsi tota charta, quoniam totius illius chartæ radii seu spe-
cies visibiles perveniunt ad oculum per modum conij, cujus basis
est ipsa charta, vertex verò est in oculo; quare si in uno prospectu
per Dioptras notaretur supremum signum, in altero infimum, aut
medium, linea visualis in primo altior esset supra horizontem,
quàm in secundo.

CAUTELA II.

Si foraminibus utimur in Instrumento libellatico, procurandum ut fo-
ramina in utroque pinnacidio sint aqualia; & ut oculus in utroq; pro-
spectu aequè applicetur ad proximum sibi pinnacidium. Alioquin si fora-
men oculo proximum est magnum, alterum verò remotum ab
oculo est parvum, & radius visualis in uno prospectu caderet supe-
riorem partem foraminis magni, in altero inferiorem; esset in pri-
mo casu longè altior supra horizontem, quàm in secundo. Similis
cautela observanda est, etiam si non utamur foraminibus, sed vel
canaliculo, vel dorso prismatis trigoni, vel suprema superficie
aquæ vasi infusæ, aut similibus. Inspice appositam Figuram.

Vide Fig.
XVII. Ico-
n. sive XVI.

Partis III. Lib. VI.
CAUTELA III.

Instrumentum libellaticum sit quàm exactissimè libratum. Parva enim deviatio ab æquilibrata seu horizontali linea; magnum errorem inducere potest, præsertim si signum in quod collimatur, sit remotum ab Instrumento. Librantur autem, ut ex dictis constat, Instrumenta libellatica his potissimum modis. Primo, usu perpendiculi. Secundo, usu aquæ. Tertio usu normæ. Quarto, usu ponderum, seu ex æquali distantia brachiorum in Libra, seu ex inæquali in statera. Ubique autem, & quomodo cunque adhibetur perpendiculum, curandum est primo, ut pondus filo appensum sit adeo græve ut & filum perfectè extendat, & non facile à vento dimoveatur, deinde ut filum sit tenue, quò facile notari possit utrum cum linea perpendiculari Instrumenti congruat: demum ut tam linea perpendicularis, quàm filum sit quantum fieri potest longum, quo facile notari possit quævis minima deviatio.

*Libellatica
instrumenta
quæ modis
duobus libran-
tur.*

CAUTELA IV.

Instrumenta parva, in quibus aut canalis seu aqua plenus, seu perforatus, brevis est aut pinnacidiæ sunt sibi invicem valde vicina, fallaciora sunt, quàm magna, in quibus contrariæ conditiones observantur. Ratio est, quod radius visualis per foramina pinnacidiarum remotiorum, aut per canales perforatos longiores transiens, minus deviare potest à linea horizontali, etiam si negligentius agatur, quàm si transeat per foramina propinquiora, canales vè breviores, ut melius explicavimus in Pantom Kircher. libro 9. cap. 13. Docum. 3. & 4.

ANNOTATIO.

Hæc de Hydragogia 3. sufficiant; in qua quem usum habeat speculum planum (quod ante hac ignoratum fuit) explicavimus breviter ex Clar. montio in Pantometro Kircheriano lib. 9. cap. 12. Quæ res cum plius ingeni habeat, quàm utilitatis, fortassis etiam certitudinis; hic omissimus, præsertim cum sine schematicis explicari non possit.

SYNTAGMA SECUNDUM.

De novis nonnullis, aliisque ingeniosis machinis
ad aquam in altum elevandam.

AD primum *Machinarum aquaticarum* genus, in quibus *Hydrotechnicarum* ingenium elucet vel maxime, revocavimus supra in hujus libri Proœmio, illas *Machinas*, quibus per varia artificia, ac præcipue per varias rotarum implicationes aqua in altum attolluntur. Harum multas apud *Augustinum Ramellum*, *Georgium Agricola*m, *Jacobum Bessonum*, *Ioannem Branca*m, *Robertum à Fluctibus*, aliosque quos in Proœmio *Mechanicæ* nostræ *Hydraulico-Pneumaticæ* adduximus, reperiēs fuse & ingeniose descriptas. Nos omnibus omissis, ut sumptibus parcamus, novas quasdam primo loco in medium proferemus, easque ingeniosas, deinde circa unam aut alteram *Veterum* nova quadam annotabimus.

MACHINA I.

Insulense Molendinum & Antlia.

CUM Romæ degerem, narratum mihi fuit à quodam Religio-
lo è societate nostra Belgæ, Insulano, extare Insulis, in Colle-
gio nostro Machinam insignem & ingeniosam, à Fratre quodam
nostro in varios ejusdem Collegii usus fabricatam, præcipue ad
molendum frumentum, cribrandam farinam, attollendam aquam
in usum braxatoriar. Petivi ut scriberet ad dicti Collegii Patres,
machinæque delineationem ac descriptionem impetraret; quod
& fecit. Cùm enim dictus Frater, cognomento Masse, à quo id
petiverat, frustra rem tentasset; quidam è Collegii Patribus,
earum rerum peritissimus, Machinam totam delineavit, caracte-
ribus distinxit, & singularium partium nomina expressit, in eum,

*Insulense
molendi-
num &
antlia.*

*Partes
minores
sunt.*


qui sequitur modum. Tres autem præcipue sunt Machinæ partes, Molendinum, Cribrum, & Antlia. Partes Molendini notatæ sunt litteris latinis majusculis, partes Cribri litteris Græcis, & partes Antliæ numeris. Non servantur in delineatione rerum magnitudines, sed indicantur illæ in notis, quando necessarium videtur. In ctypo ad me misso adjuncti erant diversi colores; & nigro colore picta erant quæ ad molam, ligneo colore quæ ad cribrum, cæruleo quæ ad Antliam spectant. Omissus est & ædium prospectus, externus internusque, aliaque minutiora, ut partes ad Machinam necessariæ melius appareant.

PARTES AD MOLENDINUM SPE- CTANTES.

*Partes ad
molend. nū
spectantes.*

Vide Ico-
nismum
XVII

- | | |
|---|--|
| A | Rota aquaria, diametri 14 pedum. |
| B | Rota minor, diametri 8. pedum, cum dentibus 48. quæ eodem axe cum aquaria, medio pariete, rotatur. |
| C | Laterna seu Tympanum striatum diametri pedis, $1\frac{1}{2}$, cum baculis seu striis 12. Itaque ter circumvertitur laterna, dum rota B semel gyrum suum perficit. |
| D | Virga ferrea quadrangula, Palmaris crassitie, longitudinis 6 pedum, quæ est axis Laternæ C, & molarum E. |
| E | Molæ, inclusæ loculamento ligneo. |
| F | Receptaculum, ex quo leni agitatione, ut solet fieri in Molendinis, triticum in molas defluit. |
| G | Asser mobilis, cujus elevatione abundantius triticum in molas labitur. |
| H | Canalis, per quem ex granario triticum in receptaculum F. sensim confluit. |
| I | Foramen in angulo pavimenti granarii, ubi congeritur triticum quod sensim labitur per canalem H, in receptaculum F. |
| K | Receptaculum farinæ, altitudinis sex pedum, latitudinis 4. profunditatis 3. |
| L | Canalis per quem defluit farina. |
| M | Foramen, è quo farina in saccos educitur. |
| N | Figura representans extremitatem axis D, latentem in mola. |





mola superiori, qua extremitate sumitur initium motus cribri ut mox dicetur.

PARTES AD CRIBRUM SPE-
CTANTES.

- a. Virga ferrea, longitudinis 7. pedum.
- β. Extremitas inferior dictæ virgæ ferreæ bifida, ut applicata ad extremitatem N axis, eam acclè stringat, & cum eo axe vertatur. *Partes ad
cribrum
spectantes.*
- γ. Rotula diametri pedalis, cum dentibus 16.
- δ. Fertur recurvum, cum foramine in medio, cui inseritur virga α.
- ε. Rotula diametri pedalis, cum dentibus 16.
- ζ. Virga ferrea longitudinis 60 pedum.
- η. Sustentacula perforata, per quæ virga transit, & in rectitudine servatur.
- θ. Rotula diametri pedalis, cum dentibus 16.
- ι. Rota diametri pedis $1\frac{1}{2}$, cum dentibus 16, cujus axis est etiam axis cribri, & retro habet rotulam adhærentem cum dentibus 4. quibus agitur baculus ξ.
- κ. Triangulum extribus virgis ferreis; in superiore virga sunt commissuræ, ut virga ζ in anteriore posita desinat tangere dentis rotæ ι. quâ cribrum movetur.
- λ. Canalis, quo farina ex granario defluit.
- μ. Receptaculum farinæ.
- ν. Bacilli duo firmiter affixi ad latus armarii, quibus per funiculos alligatum est receptaculum μ.
- ξ. Bacillus mobiliter affixus lateri armarii, qui agitur per rotulam retro adhærentem majori rotæ ι, & sic provocat lapsum farinæ ex Receptaculo μ, cui alligatus est funiculo.
- ο. Armarium.
- π. Cribrum.

PARTES AD ANTLIAM SPECTANTES.

- I. Axis recurvus, cujus extremitas describit circulum duobus. *Partes ad
rum*

*Antliam
præstantes.*

- rum pedum, & jungitur virga 2, ita ut verti possit.
2. Pertica decem pedum, utrimque instructa virgis ferreis.
3. Cylindrus diametri pedis 1, longitudinis 6. pedum, cum duobus brachiis 4 & 5, ad lineam centralem in eo fixis.
4. Brachium longitudinis 3 pedum, cujus extremitati jungitur virga 2, ita ut in ea verti possit.
5. Brachium longitudinis pedum $3\frac{1}{2}$, cujus extremitati inferitur virga Antliæ 7, quam suo motu elevat, ac deprimit.
6. Manubrium cui inferi potest Virga antliæ 7 ut manu agitetur.
7. Virga Antliæ longitudinis 5. pedum.
8. Figura extremitatis virgæ antliæ 7. in qua est cylindrus palmaris longitudinis, sub quo inter lamellas ferreas aliquot particula spissi corii apprimuntur. Atque hæc omnia foraminibus quadratis in virgam eatenus quadratam inserta sunt.
9. } Assaria duo. 9 aperitur, 10 clauditur, cum elevatur antlia;
10. } è contra 9 clauditur, 10 aperitur, dum Virga antliæ 7 deprimitur, atque ita aqua sursum per canalem 11 protruditur.
11. Canalis, per quem aqua protruditur ab antlia in Receptaculum 14.
12. Foramen, quo aqua in receptaculum 14 illabitur.
13. Via, qua elabitur aqua, si superfluat.
14. Receptaculum aquæ in granario.
15. Canalis ad exhauriendam aquam è fundo.
16. Epistomium, cujus interior constitutio postea explicatur.
17. Figura tubi cui inferitur Epistomium. Est tubus palmaris habens in ambitu tria foramina, æqualibus spatiis inter se opposita.
18. Figura Epistomii, quod non est perforatum, sed excavatum ex una parte.
19. { Tubi varii, ad aquam Receptaculi 14 varie dispensendam.
20. {
21. {
22. {

E Pistomium 16. & 18. cum suo tubo 17. cui inseritur, est valde *Epistomium antlia Insulensis.* artificiosè fabricatum, & egregios habet usus. Nam ita facta est cavitas tubi 17. ut per convolutionem epistomii 16. clauso uno foramine, duobus aliis pateat via ad transmittendam aquam. Hinc si clausum sit foramen tubi 21. patebit via à tubo 22. in tubum 19. ideoque beneficio antliæ per canales 11. 22. & 19. aqua immediate defertur in vasa braxatoriæ. Item, cessante antliâ. Receptaculum 14. exonerari poterit in eadem vasa braxatoriæ, per tubos 15. 20. 19. Si clausum sit foramen respiciens tubum 19. nihil utile habetur, nisi quod exonerari poterit Receptaculum 14. in vasa braxatoriæ per tubos 15. 20. 19. Si clausum sit foramen tubi 22. patebit via à tubis 15. & 20. in tubum 21. non verò in tubum 19. quia orificium 19. est altius quàm summa altitudo tubi 21. Hoc itaque casu duo præcipua habentur: Primò, quòd aqua superfluens per viam 13. vel etiam ex fundo Receptaculi demissa per canales 15. & 20. deiciatur in tubum 21. ubi aquæ perduntur. Secundo, quòd aqua beneficio antliæ per canalem 11. protrusa, nec inveniens exitum per tubum 22. in Receptaculum 14. ascendat per foramen 12. Hoc paulo latius, quòd illa cochlea seu epistomium magni fiat. Multa minutiora, quæ ad praxim faciunt, ut consideranti patebit, operatum industriæ permittuntur; aliàs res nimis cresceret, & multitudine confunderetur. Hæc de Machina Insulensi.

ANNOTATIO.

Machina hujus delineationem, coloribus, characteribus, & numeris expressam, atque distinctam, totamque explicationem allatam, Romam misit à Collegio Insulensi 24. Februarii Anni 1655. P. Guilbelmus de Vendrille, acceptam ab uno à Patribus ejusdem Collegii, earum rerum peritissimo, ut supra dicebam.

MACHINA II.

*Romana situle automata, spontaneo atque perpetuo motu
aquam in altum assolientes*

IN Mechanica nostra Hydraulico-pneumatica parte 2. classe
2. Machina 10. & 11. duplex artificium dedimus, quorum
Ooo primum

primum appellavimus, *situlas automatas spontaneo atque perpetuo motu aquam haurientes*; alterum *Finugianam Industriam*, perpetuo motu *situla unica*, è puteis aquam hauriens; utrumque excogitatum, sed in praxim non reductum, ab Hieronymo Finugio, Viro in Machinariâ arte excellentissimo. Hic aliud simile artificium damus, non solum ingeniose excogitatum, sed etiam feliciter opere ipso exhibitum Romæ in conventu S. MARIE de Victoriâ Fratrum Carmelitarum Discalceatorum, à quodam ejusdem loci Religioso; quod quia motu suo perpetuo Fratrum quietem orationis tempore interdium, & somni noctu interturbabat, distructum deinde fuit. Machinam ruditer delineavit, satis clare descripsit Italico idiomate. Auctor ipse, à quo illam accepit D. Gegerius Crispinus, Sacerdos, Illyricus qui eandem mihi Romæ communicavit.


*Machina
partes &
schemata
tria.*


Duas situlas continet Machina, eodem ex fonte implendas, quarum una ascendit, altera descendit: illius aqua in usus domesticos cedit, hujus effunditur ac perit. Proportio utriusque quo ad motus velocitatem, & quo ad capacitatem; potest esse varia, pro locorum oportunitate aut probe neplacito Artificis. Potest enim ascendentis situlæ motus esse duplo, aut quadruplo, octuplo, aut quoties libuerit, velocior ac major quàm situlæ descendentis: at quanto major est motus ascendentis, & minor descendentis, eo minor aquæ quantitas attrahitur sursum, ac major effunditur deorsum. Nos cum Authore Machinæ proponemus hic tres combinationis modos: in primo ad duplo majus spatium ascendit una situla, quàm descendit altera; in secundo ad quadruplum; in tertio ad octuplum: at in primo duplo plus aqua deperditur, quàm attrahitur; in secundo quadruplo, in tertio octuplo. Schemata delineavit Auctor valde ruditer; nos ea emendavimus. Explicatio magna ex parte ipsiusmet Auctoris est, Italice conscripta, ut suprà diximus,

EXPLICATIO SCHEMATIS PRIMI.

*Schemata
primo ex
placito.*

IN primo schemate seu figura modus proponitur attollendi aquam ad spatium duplo majus, quàm sit spatium aquæ descendentes,





scendit, ita ut si situla una descendit spatio 50 palmorum, altera ascendat spatio palmorum 100. attamen si libræ v. g. 50. attoluntur, descendunt ac pereunt libræ 100. Schematis hujus explicatio commutis est reliquis etiam duobus sequentibus schematibus; quæ tamen præter hanc habebunt etiam suas peculiates explicationes. Itaque numeri, litteræ, & quæcunque alia hic apponuntur, in iis etiam apposita intelligantur. Multas habet partes Machina, & unius explicatio ab alterius explicatione pender. Tota itaque prius percurrenda est explicatio, deinde ad singulorum partium explicationem redeundum.

- A** Vas seu situla minor quæ ascendit Hæc plena minus ponderat, quàm plena situla M, quæ descendit, at vacua illi ponderat plus quàm hæc. Hinc fit, ut dum utraq; simul repletur ex vase S, situla M descendat, & pondere suo fursum trahat situlam A: è contratio verò, dum utraq; simul evacuetur, situla A descendit, & pondere suo trahit fursum situlam M.
- B** Platismatium (animellam seu animulam vocant Itali, Ventile seu valvulam nostri) alligatum vesti D funiculo. Vesti hic, circa axem C versatilis, dum sublata in altum situla impingit in trabem ZZ, aperit platismatium, & exitum præbet aquæ per canaliculum E intra vas X. Dictum platismatium B sit grandiusculum, quo citius evacuari possit situla, sit fundo non nihil excavato suppositum, nè evacuationem omnimodum impediat, sit pinguedine unctum, ut melius aquam cohibeat.
- C** Bacillus transversim situlæ coagmentatus, & vesti D innexus, cujus ideo axem paulo antè appellavimus.
- D** Vesti cum rotula seu trochleola d vertici annexa, cujus inferior extremitas funiculo alligata est platismatio B, eo fine, ut dum situla A ascendit versus trabem ZZ, in eandem impingit vesti, aperiatur platismatium, & aquæ exitum præbeat.
- E** Canaliculus seu tubulus, fundo situlæ coagmentatus, ita ut orificium platismatii foramini respondeat. Per eum evacuetur situla infra vas X orificium & cavitas ejus non sit minor platismatii foramine.

- F** Annuli ab utroque fitulæ latere, quibus inseruntur fila ferrea aut chordæ.
- G** GG; quæ fila aut chordæ sint quam firmissimè extenta ne fitula in itu ac reditu, ac præcipue dum vectis D in trabem ZZ, impingit, & platismatium laxat, deviet in latus.
- H** Trabecula cui dicta fila ferrea aut chordæ alligantur, quæ quidem chordæ descendere debent à trabe ZZ, usque ad trabeculam H, omnino perpendiculariter, & tanto spatio inter se distare, ut inserta fitulæ annulos non nisi levissime stringant, adeoq; fitula habere & sine violento affricu ascendat ac descendat.
- I.** Funis cui alligata est fitula A, transiens supra rotulam seu trochleam K, & infra trochleam L, indeque pertingens usque ad trochleam fictam Kc, cujus vertici allegatur ut apparet.
- K.** Trochlea trabi zz inserta. Magna ea sit oportet multis de causis, foramen vero in medio, & axis per foramen transiens, exigua sint, quantum fitulæ & aquæ pondus permittent.
- Kc.** Trochlea ficta, id est, non volubilis circa axem, sed immobilis, vel potius quarta pars trochleæ, debet æqualis esse semidiametri cum semidiametro trochleæ K, ideo, ut motus fitulæ M maneat uniformis, hoc est, semper in eodem perseveret perpendiculo (ut postea iterum dicetur) alioquin si variaret perpendiculum, funis fitulæ M raderet ac violenter fricaret foramen transversæ trabeculæ PP. aut annuli FF ejusdem fitulæ M raderent fila ferrea aut chordas GG annulis insertas, sicque liber ac facilis fitulæ motus impediretur.
- I.** Trochlea alia, quæ dum funem I utrimque detrahit, efficit ut ascensus fitulæ A sit duplo velocior, quàm descensus fitulæ M, adeoque ut illa duplo plus spatii eodem tempore percurrat, quàm hæc; qua de causa pondus fitulæ M aquâ plenâ duplo majus esse debet, quàm pondus fitulæ A plenæ. E contrario vero, fitula A, licet minor quàm fitula M, vacua majoris debet esse ponderis. Debet tamen excessus esse

esse mediocris, ac tantus præcise, quantum sufficit ut A vacua descendendo trahere queat M vacuum sursum.

- M. Vas seu situla major, quæ descensu suo trahit sursum alteram minorem A. Habet platismatium B, & canaliculum E in fundo, annulos FF in lateribus, fila ferrea seu chords GG, ut prior situla A; vestrutamen diversimode applicatus est.
- Nn. Vestis transversim situlæ M suprapositus, cujus extremitati *n* adnexus est baculus *n* pendulus. Hic baculus dum extremitate sua A, situlâ M descendente, terram tangit, elevatur vestis *n* N, aperiturque platismatium B, eodem tempore, quo aperitur platismatium situlæ A.
- Oo. Funes bini, suprà alligati situlæ M, intrâ trabeculæ Y, aut terræ, eo fine, ut nec M ascendat ultra limites suos, nec A descendat ultra suos.
1. 2. 3. Pondera plumbea, aut alterius materiæ, ad motus impetum frangendum; in descensu quidem, dum successive terræ incumbunt, & situlæ cui alligata sunt, pondus minuunt; in ascensu vero, dum successive è terra elevantur, & novum pondus eidem situlæ adjungant. Possunt esse plura aut pauciora, prout necessarium fuerit.
- P. Trabecula transversa paulo suprà situlam M, habens foramen in medio, per quod transit, & libere ac sine affricu descendit funis cui alligata est situla, usque ad nodum Q; qui nodus dum a J trabeculam P pervenit, motum situlæ M sistit impeditque nè descendendo allidatur terræ, nec A ascendendo trahi ZZ.
- Q. Nodus jam dictus. Innecti ei potest transversus bacillus, qui solvi facile ac variari queat, ubi necessarium fuerit.
- R. Nodus alius cum transverso bacillo, qui à priori nodo Q tantum distare debet, quantum est spatium descensus situlæ M usque ad terram fere J Hic nodus fungi potest officio funium Oo, si pondera 1. 2. 3 &c necessaria non forent.
- S. Vas recipiendæ aquæ è fonte derivatæ destinatum, habet platismatium & canaliculum in fundo, ut situlæ A & M. Canaliculus tamen ab utroque latere eicere debet aquam

& eodem ferè tempore implere simul situlam A & M, ideoque quia hæ situlæ sunt diversæ capacitatis, inæqualem aquæ quantitatem ejicere debent dicti duo canaliculi è vase S. Hoc non debet esse in medio inter duas situlas, sed retro post illas.

- T. Vectis, alligatus fune platismatio vasis S, ad id apetiendum. In vectice adjunctam habeat tabulam latiusculam f, ut baculus V. securè in eam impingat ac elevet.
- V. Baculus affixus firmiter lateri situlæ M, cum rotula seu trochleola in vectice. Hic baculus cum rotula sua elevat vectem T, aperitque platismatium vasis S, donec implevis situlis, descendat M situla, & cum ea baculus V, sicque demittatur vectis T, iterumque claudatur platismatium; usque dum evacuatis infra supraque situlis, revertatur M cum baculo V, elevetque denuo vectem T, & platismatium ut antea aperiat.
- X. Vas ad recipiendam aquam situlæ A. Tanto spatio debet esse infra trabem ZZ, ut dum vectis D impingit in trabem, canaliculus E intra ipsum exoneret aquam situlæ A.
- Y. Trabs, truncus, aut lapis, aliudvè quid simile, cui alligantur funes Oo.
- Z. Trabs cui insertæ aut affixæ sunt trochleæ K, & Ke. Affixam habeat ad rectos angulos tabulam b, in quam impingat rotula vectis D, & muro appropinquet, secumque trahat situlam A velut mutum, ut canaliculus E immineat vasi X. Quamvis aliter etiam fieri potest, ut idem canaliculus eidem vasi immineat.

ANNOTATIONES.

1. **A**mbæ situlae sufficientes sint capacitatis, & situla major M situlam capax, ut plus aqua recipiat quàm sufficiat ad praponderandum situla A: sic enim, ubi opus fuerit, adjuncta aqua superari poterunt difficultates & impedimenta orta ex affricu, rubigine, aliisque vitis rotularum seu trochlearum, aliarumque rerum, quæ vix unquam debitam perfectionem ab artificibus nanciscuntur. Machina illius, quam supra dixi constructam fuisse Roma in Conventu S. MARIE de victo-

ria, fitula minor plus quam unam integram aqua continebat: prius verò, dum minores adhibebantur fitulae, successum non habebat.

II. Trochlea K & L tanta sint magnitudinis, tantumque inter se distent, ut fitula A & M è funibus suis pendentes, non contingant se mutuo.

III. Tame si qualibet trochlea, per se loquendo, conditiones habeat perfecta aequalium brachiorum libræ, ita ut si utrimque equalia pendeant pondera ex equalibus funibus, adjuncta alterutri ponderi qualibet minima gravitas, illud deorsum trahat, in praxi tamen vix unquam id contingit: quod quidem, uti experientia constat, oritur ex trochlearum foramine & axe, affricu & pressione mutua impredientibus gyrationem. Expedit igitur ut tam foramen, quam axis, sint quantum fieri potest, minima, & quam maximè ac perfectissimè rotunda, sic enim minor pars cavitatis foraminis minorem axis partem continget ac premet. Lege quæ diximus suprâ lib. 2. Syntagm. 4. cap. 2. in analectis de Trochleis num. 4.

IV. Fitula A prius evacuari debet, quam fitula M, alioquin & proprio, & aquæ adhuc contenta pondere pręgravata, descendens cum nimio impetu. Platismatii ergo foramen, & canaliculi cavitates, ita temperanda sunt, ut id contingat.

V. Platismatia ejus sint materia, magnitudinis, & forma, ut aquam intra fitulam, antequam operiantur, omnino & perfectè cohibeant. Quæ in vasis ac fitulis Machina Romana suprâ dicta erant, palmarem longitudinem habebant, ac paulo etiam majorem, latusseminem verò semipalmarem. Materia erat plumbum, tam quoad lingulam, quam quoad tabulam seu lamellam, in qua foramen erat, & à lingula claudebatur; ac nè gutta quidem aquæ effluebat, cum tectum erat foramen. Eligio facta platismatia non adeo felicem successum habent.

VI. Trochlea L. tantam habeat diametrum, quanta est distantia inter Trochleam veram K & fictam Kc. Ex ea pendens fitula M, equali conatu trahit funem trochleis K & Kc implicatum. Quare dimidia pars hujus virtutis, atque conatus frustra esset, nisi compensaretur per id, quod duplo majori velocitate sursum traheret fitulam A, quam ipsa M descendit: quod tamen sine dicta trochlea non fieret, nisi pondus fitula M duplo majus esset pondere fitula A, quoniam tanta est resistentia unius librae v. g. ad motum sursum per duos palmos, quanta est inclinatio

inclinatio duarum librarum ad motum deorsum per unum palmum, tempore eodem.

VII. Funes *Oo*, cum adnexis ponderibus 1. 2. 3. &c. ideo precipue adhibentur, ut reprimant impetum descendenti *sisula A*. Etenim duabus de causis dicta *sisula* nimio impetu descendere potest. Prima generalis est, & communis omni motui naturali gravium descendantium, qui postquam incepit, & obstacula vicit, augetur in via eo magis, quo longius provehitur. Altera particularis est, & casui presenti propria, nempe quia dum *sisula A* pervenit usque ad trabem *ZZ*, totum pondus funis *l* (aut casena, sica adhibeatur) pendet ab altera Trochlea *K* parte, augetque pondus *sisula M*, dum verò utraque *sisula* evacuata est, & *sisula A*, utpote gravior quam *sisula M* una cum pondere funis, incipit descendere ac trahere secum funem *l*, accedit ipsi paulatim pondus dicti funis, & tantundem demitur *sisula M*, ac proinde quanto plus uni accedit, & alteri detrahitur, tanto magis crescere debet impetus ac velocitas descensus. Hunc autem impetum frangunt pondera funi *Oo* affixa, dum paulatim à terra elevantur. Tantam ergo necesse est esse gravitatem horum ponderum, quanta est gravitas funis *l*, qui cum *sisula A* descendit. Notandum tamen semper est, propter trochlearum dispositionem in hac machina, singulas libras funis *l*, tracti à *sisula A*, aequivalere duabus libris ejusdem funis tracti à *sisula M*.

VIII. Cavendum ne funes à pluvia, aut ab aqua, dum *sisula* impletur & evacuantur, madefiant, alio quin enim contraherentur, & debita mensura variaretur,

IX. Vectium *D* & *I* distantia à puncto *C*, & funiculo *T*, versus rotulam *d* & tabellum *f*, sit longè major quam altera ab iisdem punctis versus finem. Conducit hoc ad facilitandam apertionem plasmatorum: nam ut patet ex dictis lib. 2. Syntagmate 2. ubi de vecte, ejusque viribus egimus, si major vectium *D* & *T* distantia est quadruplo v. g. longior, quam minor distantia, etiamsi aqua plasmatis incumbens resisteret ut quatuor apertioni, tamen potentia paulo major quam ut unum sufficeret ad eam resistentiā superandam.

EXPLICATIO SCHEMATIS SECUNDI.

*Schematis
secundi
explicatio.*

SECUNDUM schema seu figura proponit modum elevandi aquam ad altitudinem quadruplo majorem, quam ex altera parte descendat,

descendat, ita ut si descendat hinc ad palmos 50. inde ascendat ad 200. palmos. Aqua tamen quæ attollitur in altum, ad aquam quæ descendit, atque effusa perit, proportionem habet reciprocam, ut si elewantur libræ 50. descendunt ac pereunt libræ 200. Vide Fig. II. Icon. n. 6. m. XVIII.

Quæcunque posita sunt in prima figura, intelligi debent etiam hic posita. Itaque explicatio illius figuræ communis est & huic, ut ibidem etiam diximus. Solum ergo quæ huic sunt propria ac peculiaria, remanent explicanda.

In hac ergo secunda figura, A est funis pendens è trochlea L, cujus funis unum extremum in præcedente modo alligatum erat situlæ M, & pari celeritate cum situla descendebat, at in hoc secundo modo ducitur funis infra trochleam B, dictumque extremum alligatur trabi Y. Hinc autem fit, ut situla M mota deorsum unius palmi spatio, sursum trahat quatuor palmos funis I, ideoque ascensus situlæ A quadruplo velocior est descensu situlæ M, quoniam singulis palmaribus spatiis descensus respondet quadrupla spatia ascensus.

Dicta trochlea K non est necessaria in trabe Y, quia perpendicularum funis a pendens à trochlea L, semper manet idem & invariatur. At in trabe Z Z necessaria est dicta trochlea ficta, quia funis I currens in trochlea K, per c, d, e, f, non trahitur atque extenditur recta versus trochleam I ab eodem semper puncto contactus, sed in principio motus à puncto c v. g. deinde à puncto d, post ab e, tandemque ab f, alio vè puncto infra f. Quæ variatio contactus si non fieret in fune deorsum ab altera parte tracto utique perpendicularis linea funis a variaretur, declinando semper magis magisque versus mutum ac trabem Y, impingeretque funis situlæ M in latus foraminis trabeculæ PP. Causa verò cur dicta perpendicularis linea funis a non variatur, est; quia pondus quod deorsum trahit trochleam L, facit ut funis a semper medius incedat intra aut infra duo puncta infima contactus funis I cum trochleis K & Ke, dum à pondere trahitur versus L, posito quod dictæ trochleæ sint æqualis magnitudinis. Quòd si inæquales essent trochleæ, aut abesset trochlea Ke, solumque variaretur successivè punctum contactus in trochlea K, necessario variaretur perpendicularum funis a, & declinaret

versus y, ut consideranti patet: & tanto major fieret variatio, quanto major foret trochlea K. In figura posita propter trochlearum parvitatem non potest notari dicta variatio, sicuti notatur in machina reipsa exhibita.

EXPLICATIO SCHEMATIS TERTII.

Vide Fig.
III. Iconi-
smi.
XVIII.

Tertium schema seu Figura modum repræsentat elevandiam quam situlæ A ad spatium octuplo majus, quam descendat situla M, ita ut si hæc descendit 50 palmos, illa ascendat palmos 400. Tanto tamen plus aquæ descendere ac perire debet per situlam M, & tanto minus per situlam A ascendere, quanto major est ascensus, quàm descensus, ita ut aquæ habeant proportionem permutatam seu reciprocam cum motibus sitularum.

*Schematis
tertiu expli-
catio.*

Explicabo breviter quæ sunt huic modo propria, reliqua enim quæ communia cum præcedentibus duobus modis sunt, jam explicata sunt. Funis P, qui in præcedente secundo modo, alligatus erat situlæ M, in hoc tertio modo transit infra trochleam N, & alligatur trabi M. Hinc autem fit, ut situla M descendens uno palmo, trahat mediante trochleâ N duos palmos funis P, & consequenter quatuor palmos funis a, mediante trochleâ B, & octo palmos funis I mediante trochleâ L. Suboctoplus ergo est descensus situlæ M, ad ascensum situlæ A. Si infra trochleam N adjungeretur alia, infra quam funis circum ductus alligaretur alteri trabi infra trabem M: uni palmo descensus situlæ M responderent 16 palmi ascensus situlæ A: etsi adhuc alia adjungeretur trochlea & trabs, pro uno palmo descensus haberentur palmi ascensus 32; si adhuc alia trochlea, palmi 64 haberentur: & sic in infinitum.

Hæc vera sunt, loquendo in rigore mathematico, & exclusis difficultatibus ortis ex imperfectione trochlearum, affricu funium, & similibus. Tamen si enim in rigore mathematico loquendo, & exclusis aliis impedimentis, situla A vacua paulo majoris ponderis quàm libræ unius, traheret situlam M vacuam octo librarum; nihilominus propter dictas ac similes difficultates non sufficit exiguus aliquis excessus in situla A, sed requiritur excessus notabilis. Notabiliter ergo pondus vacuæ situlæ A debet esse

esse plus quam suboctuplum respectu ponderis vacuæ situlæ M. Similiter tamen in rigore mathematico in situla M, sufficerent octo libræ aquæ, & paulo amplius, ad trahendum sursum unam libram aquæ in situla M: tamen propter eadem impedimenta requiritur notabilis aliquis excessus inter dictas aquas. Addendum ergo est situlæ M tantum aquæ supra octuplum, quantum experientia ipsa monstraverit necessarium esse. Sufficientis ergo capacitatis sit situla M. Et quia hoc pondus aquæ adjunctum situlæ M, amovibile est (effunditur enim tota aqua, postquam situla M descendit usque ad terram RR, & situla A ascendit usque ad trabem ZZ:) ideo nihil præjudicat continuitati motus reciproci ac perpetui sitularum: tamen enim situlæ M adderentur 100 libræ aquæ ultra debitam proportionem ab arte requisitam; postquam tamen utraque situla evacuata fuerit, A non debet prævalere nisi soli ponderi M.

MACHINA III.

Antlia Pragensis, perpetui motus idea.

*Antlia
Kirch: vian
na motus
perpetui
amula.*

ANte annos plures reperi Romæ in Museo P. Athanasii Kircheri, erectam in collegio Romano Societatis nostræ, Machinam Ctesibiam, seu Antliam, perpetui motus æmulam; quam & delineatam ac descriptam novæ Romanæ Artis Magneticæ editioni Anni 1654 inserui post caput 3. lib. 3. part. 2. Machinamento 5. Appendicis Hydraulicorum Machinamentorum. Eandem machinam adduxi in Mechanica Hydraulico-pneumatica par. 2. Class. 2. Machina 8. velut æmulam môtus perpetui; & in Annotatione addidi, me non dubitare, quin artificium sagacitate atque industriâ, ex Machinatorum Mathematicorum consilio, facilitari adeo possit motus rotæ & antliæ, ut exigua aquæ quantitas sufficiat ad motum illi imprimendum: unde si temporis tarditas compensaretur elevatione aquæ vel per plures tubos, vel per unum tubum capaciorem, judicavi posse fortassis tantum aquæ elevari continuo, quantum interim tempore eodem decedit. Quod si haberetur, asserui habitum iri motum perpetuum pure artificialem, tam diu quæ situm.


Dum adhuc sub prælo sudabat Mechanica, misit ad me Romæ *Antlia pra-*

gensis po-
rennis mo-
in idea.

P. Valentinus Stanfel Societatis nostræ sacerdos, P. Athanasii Kircheri in re litteraria socius, & meus in eodem officio successor, insignis Mathematicus, & ante hac Mathematicum in Universitatibus Pragensi & Julio montana Professor, similem Machinam à se olim excogitatam, & doctissimorum virorum publicæ disceptationi in Carolinæ Universitatis aulâ Pragæ propositam. Quâ quidem Machinâ putat exhiberi posse motum perpetuû, si vim artificii spectemus, & à materia abstrahamus; quia fieri posse existimat, ut tantum aquæ ascendat per antliam illius Machinæ, quantum defluit in rotam; ideoque vocat *ideam motus perpetui*; totumque negotium dependere ait à proportionem vectis primi generis, sive radiorum in vecte ad pondera proportionem, ex principiis Aristotelis & Archimedis, de quibus suprà lib. 2. Syntagm. 1. & 2. fuse tractatum fuit. Addit exhibuisse se eam aliàs multis, & neminem voluisse discursus vitium aut paralogismum sibi aperire; quare meum etiam iudicium exquirat. Eandem Machinam inseruit *Novæ, & ætæ ætiori de admirando fontium genio Philosophiæ* vir doctissimus *Jacobus Dobrzensus De Nigro Ponte*, Boëmo Pragensis, Philosophiæ ac Medicinæ Doctor, quam eodem tempore, quo ego Herbipoli Mechanicam Hydraulicam-Pneumaticam typis vulgavi, ipse Ferrariæ in Italia luci publicæ proponere cœpit; & antequam prælum elucetaretur opus integrum, desiderio ac petitioni meæ satis facturum, folia illa ad me misit in quibus dictæ Machinæ delineatio ac descriptio continetur. Quam quia dignissimam iudico, quæ locum inveniat in Magiâ Hydrotechnicâ eodem schemate, iisdemque verbis, quibus eam proponit, in medium proferre, meumque de eâ iudicium (quod P. Stanfel, ut dixi, & dictus *de nigro ponte* exquirere, pro humanitate & singulari modestiâ suâ sunt dignati interponere volui. Sic ergo habet *Jacobus de Nigro Ponte* parte 3. *Novæ & ætæ ætioris de Fontibus Philosophiæ* proposit. 15. pagina 113.

Non possum hic te silentio stylo prætereire, quo dudum ad eundem usas, amicorum candidissime, P. Valentinus Stanfel, cuius mihi à teneris annis, singularis primum favor, tum amicum, demum & amicitia, & singularis in immeritum propensio, fuit semper restatissima, prorsusque singularis, cui inquam disciplinarum Mathematicarum si





non prima, at pane prima & plurima lineamenta, nè dicam harum cogitationum ideas me debere, libenter fatebor. Licebit mihi proinde bona, fir modestissime, venia tua motus perennis abs te olim ingeniosissime tentati, ab aliis probati, & in Vniuersitatis aula publica luci & disputationi dati, fabricam huc inferere, non iis quidem omnino verbis quæ ad purpuram (Eminentissimos enim auscultatores & approbatores habuisti) non erubescerent, sed amici stylo, si non sat accurato, & ad vorum tuum, amica tamen dictione, & qua pondus habet amici manu. Rude item cuiusdem schema & ideam adfero, non qualem Pragensis Collegii parietina, & frequentissimus hospes demiratur, sed qualem & prasens occasio, & rudis artifex potuit adumbrare. Sic igitur habet.

Esto aqua receptaculum, seu vas cupreum ABC in formam parallelogrammi efformatum; in quo Columellus quatuor insistsens statinatur vas minus DE, superne patulum, inferne tubulo ab imo fundi prodeunte VT instructum. In CV. g. plantetur organum ctesibium, modiolò, embolo, & assariolo probe adornatum, ex quo infernè prodeat tubulus si vesiphon ad P. v. g. ad ferruminatus, ascendatque per medium fundi vasis DE in altum extra vas, puta P QRS, quemadmodum passim fieri solet. Tum in latere vasis DE, in clavo solide adhærente appendantur vectis, siue statera IK, habens hypomochlion in H; in cuius radiis, in proportionem infra describenda signatis, appendatur embolus O, & volubilis cum haustis suis rotæ axis L. Plantabitur autem rota in vase ABC sic, ut decidua per canalem VT aqua recto tramite in haustra defluere possit. Impletis demum vasis ABC, & DE, aqua, datoque motui principio; aqua per tubulum VT egressa, & in rota subiecta haustra decedens, eam in gyrum impellet, & consequenter axis L una in orbem circum actus radium statera KH sursum deorsum agat, nunc astollendo, nunc rursus deprimendo; atque ita embolus O pariter pressus & assurgens, aquam ex vase ABC hauriet, & in tubulum P QRS compulsam per ostiolum S in subiectum vas minus DE refundet; sic semel, sic semper: hac porro aqua per tubulum VT inferne exiliens, in rotam impinget, & jugem rotæ motum, unaque vectis seu statera agitationem causabit, unde perennem morum (quantum quidem ad vim artificii spectat,) prodire necessè est.

Ejus constructio.

Fide Fig. I. Iconismi XIX.

Per eam videtur posse exhiberi motus perpetuum.

& eodem ferè tempore implere simul situlam A & M, ideo que quia hæ situlæ sunt diversæ capacitatis, inæqualem aquæ quantitatem ejicere debent dicti duo canaliculi è vase S. Hoc non debet esse in medio inter duas situlas, sed retro post illas.

- T. Vectis, alligatus fune platismatio vasis S, ad id aperiendum. In vertice adjunctam habeat tabulam latiusculam f, ut baculus V. securè in eam impingat ac elevet.
- V. Baculus affixus firmiter lateri situlæ M, cum rotula seu trochleola in vertice. Hic baculus cum rotula sua elevat vectem T, aperitque platismatium vasis S, donec implevis situlis, descendat M situla, & cum ea baculus V, sicque demittatur vectis T, iterumque claudatur platismatium; usque dum evacuatis infra supraque situlis, revertatur M cum baculo V, elevetque denuo vectem T, & platismatium ut antea aperiat.
- X. Vas ad recipiendam aquam situlæ A. Tanto spatio debet esse infra trabem ZZ, ut dum vectis D impingit in trabem, canaliculus E intra ipsum exoneret aquam situlæ A.
- Y. Trabs, truncus, aut lapis, aliudvè quid simile, cui alligantur funes Oo.
- Z. Trabs cui insertæ aut affixæ sunt trochleæ K, & Ke. Affixam habeat ad rectos angulos tabulam b, in quam impingat rotula vectis D, & muro appropinquet, secumque trahat situlam A versus murum, ut canaliculus E immineat vasi X. Quamvis aliter etiam fieri potest, ut idem canaliculus eidem vasi immineat.

ANNOTATIONES.

1. **A**mbæ situlae sufficientes sint capacitatis, & situla major M situlam capax, ut plus aquæ recipiat quam sufficiat ad præponderandum situlæ A: sic enim, ubi opus fuerit, adjuncta aqua superari poterunt difficultates & impedimenta orta ex affricu, rubigine, aliisque vitis rotularum seu trochlearum, aliarumque rerum, quæ vix unquam debitam perfectionem ab artificibus nanciscuntur. Machina illius, quam supra dixi constructam fuisse Roma in Conventu S. MARIÆ de victoria,

ria, situla minor plus quam unam integram aquæ continebat; prius verò, dum minores adhibebantur situla, successum non habebat.

II. Trochlea K & L tanta sint magnitudinis, tantumque inter se distent, ut situla A & M è funibus suis pendentes, non contingant se mutuo.

III. Tamen si qualibet trochlea, per se loquendo, conditiones habeat perfecta equalium brachiorum libræ, ita ut si utrimque equalia pendeant pondera ex equalibus funibus, adjuncta alterutri ponderi qualibet minima gravitas, illud deorsum trahat, in praxi tamen vix unquam id contingit: quod quidem, uti experientia constat, oritur ex trochlearum foramine & axe, affricu & pressione mutua impredientibus gyrationem. Expedit igitur ut tam foramen, quam axis, sint quantum fieri potest, minima, & quam maximè ac perfectissimè rotunda, sic enim minor pars cavitatis foraminis minorem axis partem continget ac premet. Lege quæ diximus supra lib. 2. Syntagm. 4. cap. 2. in analectis de Trochleis num. 4.

IV. Situla A prius evacuari debet, quam situla M, aliouquin & proprio, & aquæ adhuc contenta pondere pręgravata, descendet cum nimio impetu. Platismatii ergo foramen, & canaliculi cavitates, ita temperanda sunt, ut id contingat.

V. Platismatia cuius sint materia, magnitudinis, & forma, ut aquam intra situlam, antequam operiantur, omnino & perfectè cohibeant. Quæ in vasis ac situlis Machine Romanae supra dictæ erant, palmarem longitudinem habebant, ac paulo etiam maiorem, latitudinem verò semipalmarem. Materia erat plumbum, tam quoad lingulam, quam quoad tabulam seu lamellam, in qua foramen erat, & à lingula claudabatur; ac nè gutta quidem aquæ effluebat, cum tectum erat foramen. Eligno facta platismatia non adeo felicem successum habent.

VI. Trochlea L. tantam habeat diametrum, quanta est distantia inter Trochleam veram K & fictam Kc. Ex ea pendens situla M, equali conatu trahit funem trochleis K & Kc implicatum. Quare dimidia pars huius virtutis, atque conatus frustra esset, nisi compensaretur per id, quod duplo maiori velocitate sursum traheret situlam A, quam ipsa M descendit: quod tamen sine dicta trochlea non fieret, nisi pondus situla M duplo majus esset pondere situla A, quoniam tanta est resistentia unius libræ v. g. ad motum sursum per duos palmos, quanta est inclinatio

inclinatio duarum librarum ad motum deorsum per unum palmum, tempore eodem.

VII. Funes Oo, cum aduexis ponderibus 1. 2. 3. &c. ideo præcipuè adhibentur, ut reprimant impetum descendentiæ situla A. Etenim duabus de causis dicta situla nimio impetu descendere potest. Prima generalis est, & communis omni motui naturali gravium descendentiũ, qui postquam incepit, & obstacula viscis augetur in via eo magis, quo longius provehitur. Altera particularis est, & casui præsentis propria, nempe quia dum situla A pervenit usque ad trabem ZZ, totum pondus funis l (aut catena, si ea adhibeatur) pendet ab altera Trochlea K parte, augetque pondus situlae M, dum verò utraque situla evacuata est, & situla A, utpote gravior quàm situla M, cum pondere funis, incipit descendere ac trahere secum funem l, accedit ipsi paulatim pondus dicti funis, & tandem demitur situla M, ac proinde quanto plus uni accedit, & alteri detrahitur, tanto magis crescere deberet impetus ac velocitas descensius. Hunc autem impetum frangunt pondera funi Oo affixa, dum paulatim è terra elevantur. Tantam ergo necesse est esse gravitatem horum ponderum, quanta est gravitas funis l, qui cum situla A descendit. Notandum tamen semper est, propter trochlearum dispositionem in hac machina, singulas libras funis l, tracti à situla A, æquivalere duabus libris ejusdem funis tracti à situla M.

VIII. Cavendum nè funes à pluvia, aut ab aqua, dum situla impletur & evacuantur, madescant; alio quin enim contraherentur, & debita mensura variaretur,

IX. Veltium D & I distantia à puncto C, & funiculo T, versus rotulam d & tabellum f, sit longè major quàm altera ab iisdem punctis versus finem. Conducit hoc ad facilitandam apertionem plasmatiorum: nam ut patet ex dictis lib. 2. Syntagmate 2. ubi de veltè, ejusque viribus egimus, si major veltium D & T distantia est quadruplo v. g. longior, quàm minor distantia; etsi aqua platismatis incumbens resisteret usque quatuor apertioni, tamen potentia paulo major quàm ut unum sufficeret ad eam resistentiam superandam.

EXPLICATIO SCHEMATIS SECUNDI.

SECUNDUM schema seu figura proponit modum elevandi aquam ad altitudinem quadruplo majorem, quàm ex altera parte descendat,

descendat, ita ut si descendat hinc ad palmos 50. inde ascendat ad 200. palmos. Aqua tamen quæ attollitur in altum, ad aquam quæ descendit, atque effusa perit, proportionem habet reciprocam, ut si eleventur libræ 50. descendunt ac pereunt libræ 200. Vide Fig. II. Icon. n. sm. XVIII.

Quæcunque posita sunt in prima figura, intelligi debent etiam hic posita. Itaque explicatio illius figuræ communis est & huic, ut ibidem etiam diximus. Solum ergo quæ huic sunt propria ac peculiariora, remanent explicanda.

In hac ergo secunda figura, A est funis pendens à trochlea L, cujus funis unum extremum in præcedente modo alligatum erat situlæ M, & pari celeritate cum situla descendebat, at in hoc secundo modo ducitur funis infra trochleam B, dictumque extremum alligatur trabi Y. Hinc autem fit, ut situla M mora deorsum unius palmi spatio, sursum trahat quatuor palmos funis I, ideoque ascensus situlæ A quadruplo velocior est descensu situlæ M, quoniam singulis palmaribus spatiis descensus respondent quadrupla spatia ascensus.

Dicta trochlea K non est necessaria in trabe Y, quia perpendicularum funis a pendens à trochlea L, semper manet idem & invariatur. At in trabe Z necessaria est dicta trochlea ficta, quia funis I currens in trochlea K, per c, d, e, f, non trahitur atque extenditur recta versus trochleam I ab eodem semper puncto contactus, sed in principio motus à puncto c v. g. deinde à puncto d, post ab e, tandemque ab f, aliòvè puncto infra f. Quæ variatio contactus si non fieret in fune deorsum ab altera parte tracto utique perpendicularis linea funis a variaretur, declinando semper magis magisque versus mutum ac trabem Y, impingeretque funis situlæ M in latus foraminis trabeculæ PP. Causa verò cur dicta perpendicularis linea funis a non variatur, est; quia pondus quod deorsum trahit trochleam L, facit ut funis a semper medius incedat intra aut infra duo puncta infima contactus funis I cum trochleis K & Kc, dum à pondere trahitur versus L, posito quod dictæ trochleæ sint æqualis magnitudinis. Quòd si inæquales essent trochleæ, aut abesset trochlea Kc, solumque variaretur successive punctum contactus in trochlea K, necessario variaretur perpendicularum funis a, & declinaret
Ppp
versus

versus y , ut consideranti patet; & tanto major fieret variatio, quanto major foret trochlea K. In figura posita propter trochlearum parvitatem non potest notari dicta variatio, sicuti notatur in machina reipsa exhibita.

EXPLICATIO SCHEMATIS TERTII.

Vide Fig.
III. Ico-
nismi.
XVIII.

Tertium schema seu Figura modum repræsentat elevandiam quam situla A ad spatium octuplo majus, quam descendat situla M, ita ut si hæc descendit 50 palmos, illa ascendat palmos 400. Tanto tamen plus aquæ descendere ac perire debet per situlam M, & tanto minus per situlam A ascendere, quanto major est ascensus, quàm descensus, ita ut aquæ habeant proportionem permutatam seu reciprocam cum motibus sitularum.

Schematis
tertii expli-
catio.

Explicabo breviter quæ sunt huic modo propria, reliqua enim quæ communia cum præcedentibus duobus modis sunt, jam explicata sunt. Funis P, qui in præcedente secundo modo, alligatus erat situlae M, in hoc tertio modo transit intra trochleam N, & alligatur trabi M. Hinc autem fit, ut situla M descendens uno palmo, trahat mediante trochleâ N duos palmos funis P, & consequenter quatuor palmos funis a, mediante trochleâ B, & octo palmos funis I mediante trochleâ L. Suboctoplus ergo est descensus situlae M, ad ascensum situlae A. Si infra trochleam N adjungeretur alia, infra quam funis circum ductus alligaretur alteri trabi infra trabem M: uni palmo descensus situlae M responderent 16 palmi ascensus situlae A: etsi adhuc alia adjungeretur trochlea & trabs, pro uno palmo descensus haberentur palmi ascensus 32; si adhuc alia trochlea, palmi 64 haberentur; & sic in infinitum.

Hæc vera sunt, loquendo in rigore mathematico, & exclusis difficultatibus ortis ex imperfectione trochlearum, affricu funium, & similibus. Tamen si enim in rigore mathematico loquendo, & exclusis aliis impedimentis, situla A vacua paulo majoris ponderis quàm libræ unius, traheret situlam M vacuum octo librarum; nihilominus propter dictas ac similes difficultates non sufficit exiguus aliquis excessus in situla A, sed requiritur excessus notabilis. Notabiliter ergo pondus vacuæ situlae A debet esse

esse plus quam suboctuplum respectu ponderis vacuæ situlæ M. Similiter tamen in rigore mathematico in situla M, sufficerent octo libræ aquæ, & paulo amplius, ad trahendum sursum unam libram aquæ in situla M; tamen propter eadem impedimenta requiritur notabilis aliquis excessus inter dictas aquas. Addendum ergo est situlæ M tantum aquæ supra octuplum, quantum experientia ipsa monstraverit necessarium esse. Sufficientis ergo capacitatis sit situla M. Et quia hoc pondus aquæ adjunctum situlæ M, amovibile est (effunditur enim tota aqua, postquam situla M descendit usque ad terram RR, & situla A ascendit usque ad trabem ZZ;) ideo nihil præjudicat continuitati motus reciproci ac perpetui sitularum; tamen si enim situlæ M adderentur 100 libræ aquæ ultra debitam proportionem ab arte requisitam; postquam tamen utraque situla evacuata fuerit, A non debet prævalere nisi soli ponderi M.


MACHINA III.

Antlia Pragensis, perpetui motus idea.

ANte annos plures reperi Romæ in Museo P. Athanasii Kircheri, erectam in collegio Romano Societatis nostræ, Machinam Cresibiam, seu Antliam, perpetui motus æmulam; quam & delineatam ac descriptam novæ Romanæ Artis Magneticæ editioni Anni 1654 inserui post caput 3. lib. 3. part. 2. Machinamento 5. Appendicis Hydraulicorum Machinamentorum. Eandem machinam adduxi in Mechanica Hydraulico-pneumatica par. 2. Class. 2. Machina 8. velut æmulam motus perpetui; & in Annotatione addidi, me non dubitare, quin artificium sagacitate atque industriâ, ex Machinatorum Mathematicorum consilio, facilitari adeo possit motus rotæ & antliæ, ut exigua aquæ quantitas sufficiat ad motum illi imprimendum: unde si temporis tarditas compensaretur elevatione aquæ vel per plures tubos, vel per unum tubum capaciore, judicavi posse fortassis tantum aquæ elevari continuò, quantum interim tempore eodem decidit. Quod si haberetur, asserui habitum iri motum perpetuum pure artificialem, tam diu quæsitum.

Dum adhuc sub prælo sudabat Mechanica, misit ad me Romæ *Antlia pra-*

*Antlia
Kircheriana
motus
perpetui
æmula.*



non prima, at pane prima & plurima lineamenta, nè dicam harum cogitationum ideas me debere, libenter fatebor. Licebit mihi proinde bona, Iir modestissime, venia tua motus perennis abs te olim ingeniosissime tentati, ab aliis probati, & in Vniuersitatis aula publica luci & disputationi dati, fabricam huc inferere, non iis quidem omnino verbis quæ ad purpuram (Eminentissimos enim auscultatores & approbatores habuisti) non erubescerent, sed amici stylo, si non sat accurato, & ad votum tuum, amica tamen dictione, & qua pondus habet amici manu. Rude item cuiusdem schema & ideam adfero, non qualem Pragensis Collegii parietina, & frequentissimus hospes demiratur, sed qualem & præsens occasio, & rudis artifex potuit adumbrare. Sic igitur habet.

Esse aqua receptaculum, seu vas cupreum ABC in formam parallelogrammi efformatum; in quo Columellus quatuor insistsens statuatur vas minus DE superne patulum, inferne tubulo ab imo fundi prodeunte VT instructum. In CV. g. plantetur organum ctesibium, modiolò, embolo, & assariolo probe adornatum, ex quo infernè prodeat tubulus siue siphon ad P. v. g. adferum ruminatus, ascendasque per medium fundi vasis DE in altum extra vas, puta P QRS, quemadmodum passim fieri solet. Tum in latere vasis DE, in clavo solide adharente appendantur veltis, siue statera LK, habens hypomochlion in H; in cuius radiis, in proportionem infra describenda signatis, appendatur embolus O, & volubilis cum haustis suis rotæ axis L. Plantabitur autem rota in vase ABC sic, ut decidua per caulem VT aqua recto tramite in haustra defluere possit. Impletis demum vasis ABC, & DE, aqua, datoque motui principio; aqua per tubulum VT egressa, & in rota subiecta haustra decidens, eam in gyrum impellet, & consequenter axis L una in orbem circum actus radium statera KH sursum deorsum agat, nunc astollendo, nunc rursus deprimendo; atque ita embolus O pariter pressus & assurgens, aquam ex vase ABC hauriet, & in tubulum P QRS compulsum per ostiolum S in subiectum vas minus DE refundet: sic semel, sic semper: hac porro aqua per tubulum VT inferne exiliens, in rotam impinget, & jugem rotæ motum (quantum quidem ad vim artificii spectat,) prodire necesse est.

Eius constructio.

Fide Fig. L. conitimi XIX.

Per eam videtur posse exhiberi motu perpetuum.

Quod verò obici possit, plus aqua ex VT defluere, quàm embolus per tubulum sursum educat, proindeque tandem motum substitutum defectu potentia rotam agentis, ingeniosè occurris difficultati huic Auctòr, & meo quidem iudicio, totum quod obici potest, Archimedeis fultus principis eludit, ostendens, minorem potentiam ratione prolongati vectis longè majus pondus attollere posse se ipsa. Sic enim discurrenit. Hic subiungit ex Auctore Machinæ principium mechanicum, in quo fundari asserit rationem, tantum aquæ evehendi per Antliam, quantum defluit in rotam antliæ agitatricem, estque illud quod nos supra libro 2. de Magia Mechanica, Syntagm. 1. cap. 4. proposuit. 5. & Syntagm. 2. proposuit. 3 & 4. fusè explicavimus ac demonstravimus ex Aristotele, Archimede, Guidubaldo, Guldino, Stevino, Herigonio, & aliis nimirum si potentia vectis applicata eandem ad applicatum pondus proportionem habet, quam distantia ponderis ab hypomochlio ad distantiam potentia ab eodem sit aequilibrium, seu quies, & potentia sustinet pondus. Si verò in vecte distantia potentia à fulcimento ad distantiam ponderis ab eodem, habueris majorem proportionem quàm pondus ad potentiam: potentia movet pondus. Lege quæ locis citatis diximus. Hoc principio præmissò tanquam verissimo, & apodixi Mathematica demonstrato, irrefragabilique experientia comprobato, ac proinde ab omnibus admissò, sic cum Auctore Machinæ concludit D. de Nigro Ponte. Fiat ergo major proportio radii seu distantia KO, (litteras adjungo claritatis gratia) ad distantiam IH in statua KHI, quàm sit ponderis ad pondus reciprocè; necesse est ab aqua modica, puta duarum librarum v.g. plus aqua semper attolli, hoc est, libras 100. v.g. atque ita semper restabit quod effluat per præfatam in Atachina tubulum VT, cum plus semper attrahatur, quàm effluat. Motum ergo perennem Hydrostatica nostra, quantum quidem ad vim consequentia à materia enim præscindimus,) invenit; quod erat faciendum. Post quæ verba, hæc alia subiungit. Ita ferè ille, non minus feliciter, quàm ingeniosè, mundus videat, utrum, quod ajunt, rem acutetigerit, tuleritque punctum: mihi hætenus Organicè non licuit rem experiri; faciam tamen majori otio præditus: hoc solum ajo, ex omnibus, quæ equidem videre potui, motuum perpetuorum ideis, hanc mihi præ omnibus probatam arrisisse.

Quod si ulterius urgeatur, verum esse, potentiam minorem elevare

elevare posse majorem, vi vectis seu stateræ, in casu tamen posito fieri non posse, ut minor aqua defluens è tubulo VT, attollat majorem aquam per tubum PQRS, cò quod dum aqua defluit per tubulum VT festino lapsu, aqua alia per antliam & dictum tubum PQR Svalde tardè ascendit in vas DE; ideoque non intunditur tantum intra dictum vas, quantum ex eodem interim effluit: cessabit ergo tandem motus rotæ NM; quia deficient aqua intra vas DE, & deficiente aqua cessabit lapsus ejusdem supra rotam. Quod si inquam ita urgeatur, respondet ex Auctore Machinæ D. de Nigro Ponte, compensari posse hanc tarditatem ascensus aquæ, *primo*, si tantum aquæ post interruptionem quamlibet factam evehatur simul in altum, quantum interim sine interruptione eodem tempore defluxit in rotam; hoc autem ut fiat, nulla est implicancia, quandoquidem hac Machina, quovis minimo aquæ pondere supra rotam labentis elevari pòtest quodvis maximum ejusdem aquæ pondus, per antliæ tubum, si fiat proportio major distantie majoris ad minorem in vecte seu statera I HK, quàm reciproce ponderis ad pondus aquæ. Hoc paulo post melius explicabitur in confirmatione. *Secundo*, si manente æquali fluxione ex VT, per plures minutos vectes, sive rotularum pluralitatem, acceleretur motus. *Tertio*, si loco antliæ adhibeantur Archimadæ helices seu cochleæ, (de quibus egimus in Mechanica loc. cit. supra Machina I.) per has enim minori difficultate, & majori copia attolli potest aqua eodem tempore, & ab eadem aqua in rotam defluente, quàm per antliam.

His tamen, aliisque similibus aliunde assumptis adjumentis, minimè opus esse ad sufficientem aquæ copiam evehendam, sed ipsam vel nudam Machinam sufficere, ipsemet confirmat D. de Nigro Ponte, ex viri cujusdam Illustrissimi, cujus nomen reticet, auctoritate, in hunc sensum. Aqua ex tubulo VT in rotam MN defluens, habeat tantum ponderis, ut rotæ vim impertiatur ad antliam agitandam, & decem v.g. libras aquæ per tubulum PQRS elevandas intra vas DE. Hoc posito, vel decem illæ libræ sufficiunt, ut dicatur tantum aquæ fuisse sublatum, quantum interim defluit in rotam, vel non sufficiunt: si primum, ergo jam habetur motus perpetuus per dictam Machinam, quia nunquam deficient aqua

aqua defluens in rotam nunquam antliæ agitatio, nunquam aquæ ascensus intra vas DE: si secundum, prolongetur ergo vectis brachium KH, & consequenter vas DE cum suo tubulo VT, & vas AB cum sua rota MN elongentur versus eandem partem vectis elongati, & vel coarctetur osculum Tubuli VT, ut minor aquæ copia defluat, vel laxetur capacitas tubi PQRS, ut major aqua ascendat; & hæc elongatio atque coarctatio laxatiove tam diu fiat, donec tot libræ præcisè ascendant eo tempore, quot libræ in rotam decidunt, eamque in gyrum agunt. Posse autem hæc fieri, ex dictis constat: nam quo magis elongatur brachium KH vectis, eò minor aquæ quantitas è tubulo VT defluens in rotam sufficit ad eam vertendam, & eandem quam antea aquam attollendam; & eò minor aquæ copia elevari potest per tubum PQRS, manente eadem fluxione aquæ, ut antea, supra rotam.

ANNOTATIONES ET HALLUCINATIONES CIRCA HANC MACHINAM.

*Est machi-
na valde
ingeniosa*

I. **M**achina hac ingeniosissima est, & ego nullam hæcenus vidi, legi, audiivi, quæ majorem probabilitatem præferat ad motum perpetuum pure artificialem (qualis quaritur) efficiendum, quàm hanc sistendo in theoria, & abstrahendo à materia, à qua Mathematici Machinatores præcindere semper debent, quoniam ea multis modis vitari, & mentis conceptui reluctari potest ac solet. Quare ad probandum fieri posse perennem motum artificialem, sufficit talem assignare Machinam, in qua mens nullum vitium artificii, nullum discursus paralogismum reperiat. Hujus conditionis utrum sit hæc Machina, paulo post videbimus.

*Si per eam
ascendit
santum a-
qua, quan-
tum descen-
dit, potest
fieri motus
perpetuus.*

II. Si per hanc Machinam tantum aqua potest ascendere per tubulum PQRS intra vas DE, quantum eodem tempore interim ex eodem vase DE defluit in rotam, eamque vertit in gyrum, sine dubio exhiberi per eam potest motus perpetuus quasitus, quantum ad theoriam spectat. Patet ex dictis, quia his positis, nunquam, speculative loquendo, deficiet descensus & ascensus aqua, nunquam gyratio rota, nunquam antliæ agitatio. Quod verò aqua cum tempore evaporet, aut mucum contrahat, quòd subs mucos aut rubigine obducti coarctentur, quòd rota & antliæ

axes vitium contrahant, & motum reddant difficiliorem non operis artificio, sed materia adscribendum est. Virum vero hac conditio impleri queat, jam discutiemus.

III. Ad tentandum ut per hanc Machinam tantum aqua in altum evehatur, quantum descendit eodem tempore, non debes attendi (immediate saltem,) ad proportionem ponderis inter aquam ascendentem & descendentem, sed ad proportionem ponderis inter aquam vertentem rotam, & embolum elevatum Ratio est, quia vertens suo pondere rotam est potentia applicata uni extremo vectis; aqua vero quae elevatur per pressionem emboli, non est pondus elevandum immediate à vecte. Dixi, immediate, quia remote saltem debes etiam attendi ad pondus aquae elevanda, ut postea videbimus.

Ut ascendat tantum quantum descendit, quid debeat considerari.

IV. Ad tentandum ut tantum aqua evehatur in altum, quantum eodem tempore defluit, non sufficit attendere ad proportionem ponderum aquae descendentis, & emboli elevati sed praeterea debet attendi ad capacitatem tubi P QRS, ut nec plus aqua capiat quam ab embolo suspelli possit, nec plus aut minus quam eodem tempore defluat. Possit enim tam laxus esse tubus ille, & tam altus, ut pondus ac pressio emboli non sufficeret ad illam suspellendam; pondere enim suo nititur aqua tubo illi inclusa deorsum, & obnuitur embolo prementi. Praeterea possit tam laxus aut angustus esse idem tubus, ut aut plus, aut minus succurrere caperes, ac sursum mitteres aqua, quam interim eodem tempore continue in rotam deflueret.

V. Non videtur repugnare, per hanc Machinam, tantum aqua ascendere aliquo determinato tempore, quantum interim eodem tempore descendit in rotam. Ponamus enim unam rota gyrationem integram ab aqua decidi a haustis excepta procuratam, & ad unam emboli elevationem ac depressionem requiri decem minuta horaria, & durante emboli pressione ascendere unam libram aqua, ac in fine depressionis & ultimi minuti erumpere ex osculo S; potest ita temperari capacitas osculi V, ut intra eadem decem minuta effluat praecise una libra aqua; nulla enim in hoc apparet repugnantia. Quod autem fit semel intra decem minuta temporis, potest fieri iterum, ac tertio, & quarto. Quod si perpetuò ita fieret, perpetuo tantum aqua ascenderes, ac proinde daretur motus perpetuus per hanc Machinam. Quia tamen non quavis aqua quantitas ex osculo V effluens supra rotam, nec quavis distantia rotae ab hypomachlio H,

Videtur ali-
quo tempo-
re posse a-
scendere per
eam tantum
aqua quan-
tum descen-

sufficit ad vertendam rotam, ut intra determinatum tempus determinata quantitas aqua suspellatur ab embolo, ideo hac ratio non convincit.

Videtur
non posse
semper as-
cendere tan-
tum quan-
tum descen-
dit.

VI. Dato etiam, quod aliquo determinato tempore possit ascendere per hanc Machinam tantum aqua: quantum interim descendit, videtur non posse per eandem longo tempore elevari tantum aqua, quantum interim eodem tempore descendit, ac proinde nec quantum ad vim artificii spectat & abstrahendo à materia, poterit per eam procurari motus perennis. Ratio est, quia rota non potest perficere integrum gyrum, sine saltu, ob impetum ab extrinseco receptum: nam postquam pondere aqua super eam labentis descendit per *N* usque ad *V*, secumque traxit deorsum hastam *LK*, & depressit brachium *KH*, elevavitque brachium *IH*, & appensum embolum *OX*, quàm primum ab *Y* ascendere incipit per *M*, embolus pondere suo decidit cum impetu intra modicum, eodemque impetu vertit rotam, & ejus axem ab *X* per *M*: durante autem hoc impetu rota impressa (non enim statim perit,) rota huc illuc aliquamdiu nutat circa axem suum, durante nutatione, non omnis aqua interim defluens excipitur haustis aqua obversis, sed pars aliqua decidit non excepta haustis: ut ergo iterum una libra effluat supra rotam, eamque iterum vertat (tantum enim supponimus requiri ad unam integram gyrationem) plus temporis requiritur quàm decem minuta, & consequenter antequàm perficiatur una integra gyratio, effluit ex tubulo *VT* plus quàm una libra: intra quod tamen totum tempus, solum una libra ascendit. Quod autem contingit semel, contingere potest iterum, ac tertio. Non ergo tantum aqua ascendere posse videtur, quantum descendit eodem tempore, saltem continue. Quia tamen fortassis ab arte procurari potest, per trochlearum dispositionem, vel alia ratione, ut embolus non descendat cum impetu & per saltum, sed uniformi motu, & consequenter ut & rota uniformi gyratione, sine saltu & nutatione convertatur: non convinci potest ex hoc capite, non posse tantum aqua ascendere, quantum descendit eodem tempore etiam continue, posito quòd semel aliquo tempore fieri possit.

VII. Sed quidquid sit de his, utrum nimirum ab arte procurari possit, ut vel aliquo determinato tempore, vel continue ascendat tantum aqua, quantum interim descendit, negari certe non posse videtur fieri facillime per hanc Machinam posse, ut plus aqua ascendat, quàm descendat. Nam manente eodem pondere aqua, & eadem laxitate tubi *PQRS*, potest
semper

Semper magis ac magis elongari brachium KH, quo magis autem hoc elongatur, eo minor aquæ copia supra rotam delapsa elevare potest embolum, & eandem aquam suspellere, quæ antea suspellebatur: coarctari ergo potest tubulum Vt iam diu, ut longe minus aquæ descendat, quàm ascendit, & nihil omnino aqua descendens vertat rotam, & agitet aneliam, ac sursum propellat aquam. Hoc factò, poterit pars aquæ superflue delabi aliunde intra vas AB, reliqua verò defluere supra rotam. Hoc autem casu nunquam deerit aqua in vase DE quæ in rotam defluat, quia supponimus minus defluere quàm ascendat, & superfluum aliunde defluere à moderatone, ut vas permaneat plenum. Adhuc ergo poterit exhiberi motus perpetuus hac Machina. Sed quia contra hoc eadem difficultas, quæ antea contra dicta Num. VI. mota fuit, millitat, neque hæc ratio convincit ac probat possibilitatem motus perpetui per hanc Machinam. Sed omisissis vilitationibus, nostram statuamus sententiam.

PER HANC MACHINAM NON POTEST EXHIBERI MOTUS PERPETUUS.

UT hoc probem, Præmitto I. embolum OX in hac Machina, quia pressione ac pondere suo sursum pellit aquam intra tubum P Q R S, non posse suspellere majus pondus aquæ, quàm sit pondus ipsius emboli, unà cum impetu ipsi adjuncto; imò nec æquale, sed solum minus. Ratio est, quia embolus & aqua tubi sunt in hoc casu velut duo pondera duobus libræ aut stateræ brachiis applicata, quorum utrumque deorsum suo pondere nititur, & alteri obnititur: ergo nec minus potest majori, nec æquale æquali prævalere, sed solum majus minori. Minus ergo debet esse pondus aquæ tubi, quàm emboli.

Per eam nō potest exhiberi motus perpetuus.

Præmitto II. Non totam aquam tubo P Q R S inclusam, unico emboli descensu ac pressione expelli extra osculum S, sed tantum solummodo quantum infra ab ambulo intruditur, illa unica pressione; quod autem intruditur, longè minoris est ponderis quàm ipse embolus, quandoquidem totum, quod in tubo continetur, minoris est ponderis quàm embolus, ut diximus supposit. I. alioquin minus pondus emboli pelleret sursum majus pondus aquæ, contra proximè dicta.

Præmitto III. Quo magis embolus supra fundum modiolis aquæ implantati elevatur, eo plus aquæ ingreditur intra modiolum, & eo ad maiorem altitudinem aqua ascendit intra ipsum modiolum, nempe usque ad fundum emboli; quo verò major est elevatio atque distantia fundi emboli à fundo modiolis, eo plus aquæ ab eodem intruditur intra tubum P Q R S, si Embolus usque ad modiolis fundum descendat, quia solum id quod in modio est, intruditur, & non amplius: è contrario, quo minor est illa elevatio & distantia & consequenter, quo minor descensus emboli, eo minus aquæ intruditur, quia solum id quod in modio est, intruditur & non amplius: quo autem minus infra intruditur, eo minus supra expellitur, quia per proximè dicta supposit. II. non potest expelli supra plus quàm F infra intruditur.

Præmitto IV. Dum aqua labitur supra rotam MN ex tubulo T V, rotæ pars superior non incipit descendere versus N, secumque deprimere hinc extremitatem K, inde elevare extremitatem I, & consequenter embolum, nisi tanta sit aqua in haustis rotæ, ut prævaleat ponderi emboli: & quia dum haustra plena prævalente pondere vertunt rotam, ac versus N descendunt, aqua paulatim effunditur, non potest continuari ascensus emboli, nisi continuo tantum sit aquæ in aliis atque aliis subsequentibus haustis, semper ut prævaleat ponderi emboli, idque tam diu durare debet, donec punctum L axis pervenerit ad Y. Ratio ex Mechanicis patet, quia quam diu durat resistentia emboli vincenda ab aqua labente supra rotam, tam diu durare debet potentia seu pondus aquæ vincens illam resistentiam; hæc autem durat, quam diu embolus ascendit, ergo & ille tam diu durare debet. Et nihilominus dum embolus descendit iterum, & punctum L axis movetur per M sursum, adhuc continuatur fluxus aquæ ex tubulo T V, tantâ copîâ, quantâ antea æquali tempore effluebat.

Præmitto V. & principaliter. Quo magis prolongatur brachium K H, & consequenter quo minor aquæ copia supra rotam desluens sufficit ad illam vertendam, & emboli resistentiam vincendam, eo minus elevatur embolus à fundo modiolis, ac proinde eo minor aquæ copia intruditur intra tubum P Q R S, per dicta supposit. III. & quod inde sequitur, eo minus aquæ effunditur
supra

supra ex osculo S. Patet ex dictis ac demonstratis supra lib. 2. Syntagm. 1. cap. 4. proposit. 7 & Syntagm. 2. cap. 1. proposit. 5. ubi hæc demonstravimus : *Gravium ex distantis suspensorum motus circa idem centrum, sunt ut distantia, quoad spatium, & velocitatem.* Item. *Si potenti pondus per vectem moveat, spatium potentie motæ ad spatium ponderis moti est, ut distantia potentie à fulcimento ad distantiam ponderis ab eodem.* Itaque si brachium K H est æquale brachio I H, extremum I cum embolo appenso tantum ascendit, quantum descendit extremum K : si verò brachium K H longius est, quàm brachium I K, minùs ascendit extremum I cum embolo, quàm descendat extremum K : & tanto minus ascendit I, quàm K, quanto longius est brachium K H quàm brachium I K : ut si illud est duplo, triplo, quadruplo &c. longius quàm hoc, extremum I duplo, triplo, quadruplo &c. minus ascendit, quàm extremum K.

His præmissis concludo. *Nunquam per hanc Machinam potest ascendere tantum aqua intra vas D E, quantum descendit eodem tempore intra vas A B, ideoque per eam motus perpetuus exhiberi non potest.* Sit enim primo distantia K H æqualis distantie I H. Ut rota incipiat verti, & embolus elevari, necesse est, ut pondus aquæ in rota sit majus pondere emboli, ut probavimus lib. 2. Syntagm. 2. cap. 1. proposit. 4. ut si pondus emboli est unius libræ, pondus aquæ debet esse majus, quàm libræ unius. Tribuamus tamen aquæ unam libram præcisè, & excessum tribuamus impetui, quo aqua in rotam ruit. Quoniam verò rota non perficit integrum gyrum in instanti, nec embolus in instanti ascendit ac descendit, sed in tempore, dividamus totum tempus unius integræ gyrationis rotæ in tres solum partes æquales inter se, & duas tribuamus ascensui, unam descensui emboli : certum est, in qualibet parte temporis illius æqualem aut ferè æqualem aquæ copiam delabi supra rotam. Si ergo aqua primo tempore delapsa debet esse æqualis ponderis cum embolo, aqua toto tempore delapsa erit tripla primæ, & pondus ejus triplum ponderis emboli, id est, trium librarum. Et quoniam aqua ab embolo extrusa ex osculo S, est longè minoris ponderis, quàm ipse embolus, ponamus eam esse solum duplo minoris ponderis, erit ergo subsexcupla aquæ in rotam toto illo tempore delapsæ, id est, dimidiæ libræ. Si igitur

distantia vectis IHK æquales sunt, pro tribus libris aquæ effluen-
 tis è vase DE, influit solum dimidia libra Sit *secundo* distantia KH
 dupla distantia IH: sufficiet dimidium prioris aquæ ad rotam
 vertendam, & embolum elevandum, nempe lib. $1\frac{1}{2}$, seu uncia
 18. At quoniam embolus dimidio minus elevatur quàm antea,
 per dicta Hypothesi VI. etiam dimidio minus aquæ ab eo extru-
 detur, nempe quarta pars libræ, seu uncia 3. Pro unciis igitur 18
 quæ descendunt, ascendunt solum 3. uncia. Sit *tertio* distantia KH
 quadruplo major, quàm distantia IH: sufficiet quarta pars trium
 librarum aquæ ad vertendam rotam, nempe 9. uncia. Quoniam
 vero emboli elevatio est sub quadrupla primæ, etiam aqua extru-
 sa erit sub quadrupla primæ, nempe quarta pars se libræ, seu uncia
 $1\frac{1}{2}$. Itaque pro 9. unciis quæ descendunt, ascendit uncia $1\frac{1}{2}$.

Simili ratione si ulterius progrediamur, & brachium KH elon-
 gemus, tubulumque TV coarctemus ad diminuendum fluxum
 aquæ, quantum libuerit: semper inveniemus plus effluere aquæ
 ex vase DE, quàm ascendat, eritque semper aqua descendens ad
 minimum sextupla aquæ ascendentis. Vitium ergo discursus, &
 paralogsismus ad probandam possibilitatem motus perpetui per
 dictam Machinam, in eo consistit, quod creditur, idem pondus
 & eandem copiam aquæ posse per hanc Machinam elevari mi-
 nore ac minore pondere & copiâ aquæ supra rotam labentis, ra-
 tione elongati vectis; quod tamen falsum est: solum enim verum
 est, idem pondus emboli posse elevari à minore & minore aquæ
 supra rotam labentis pondere, non idem pondus aquæ ab em-
 bolo expulsæ extra tubum PQR S. Hæc mea est sententia: si erra-
 vi, errorem dedoceri cupio. Poteram aliter & magis Mathema-
 tice rem demonstrare, sed quia ab omnibus etiam non Mathe-
 maticis intelligi volo, hac methodo uti malui.

ANNOTATIO.

Dum hæc scribo, litteras accipio Basilea à viro Humanissimo Jere-
 mia Mitz, quibus significat, Hollandum quendam Dortra censum,
 Dominum Calthof, Hydrotechniam novam excogitasse, qua, cum alio-
 quin in aliis hydraulicis machinamentis pondus totius aquæ tubis aut
 siphonibus contentæ, aut attrahere, aut propellere sursum oporteat,

idem

idem pondus tanta facilitate suspellitur, ac si terra solum pars totius aque suspelleretur, & quidem eadem velocitate, seu tempore eodem, quo alioquin per alias Machinas id efficitur. Addit, eandem Dominum Calthofin ultimas ad se datis litteris asserere, se aliud jam longe facilius ac melius reperisse Machinamentum, quo octava tantum pars ponderis aqua evehenda sentiatur, & intra horæ spatium urnas aqua triginta ad altitudinem quindecim pedum Geometricorum attolli posse, nolle tamen dictum Calthofartem suam cuiquam manifestare. Quæ si vera sunt, utique novæ sunt, & præclara, & aliorum technasmata hætenus reperta longe superant, nec desperandum fortassis de perpetuo mobili reperiendo, uti bene advertit suprâ dictus Dominus Jeremias. Attollere aquam, uti & alia pondera, sursum ea facilitate, ac si pars tertia solum aut octava, aut minor etiam attolleretur; novum non est: at eadem copia, eademque velocitate, ut alias, attollere, suspiciendum est, & qui artem reperit, habet quod glorietur, & quo bene de humano genere mereatur.

MACHINA IV.

Tubus triangularis Herigonii, motus perpetui æmulus.

Simon Stevinus lib. 1. staticæ proposuit. 19. proponit tale Theorema: Si triangulum horizonti est perpendicularare, & basis eadem horizonti parallela, reliquis autem lateribus globi singuli addantur æquilibres; erit quemadmodum trianguli latus dexterum ad sinistrum, ita sacoma globi sinistri ad antisacoma globi dexteri. Ut si sit planum triangulare CAB, erectum perpendiculariter supra horizontem, ita ut basis AB sit horizonti parallela, & latus AC sit duplum v. g. lateris CB utrique vero imponantur globi D & F æquilibres, colligati funiculo trochleæ C superposito, & globis addantur pondera, quæ deorsum eos trahant, & in æquilibrio teneant: erit pondus seu sacoma globi F, ad contrapondus seu antisacoma globi D, ut latus AC ad latus BC. Probat ac demonstrat hoc Stevinus ab absurdo seu impossibili, quia sequeretur alioquin posse fieri motum perpetuum globorum circa triangulum, prout fusi ibidem ostendit.

Ex quo sequitur, si globi lateribus impositi, & funiculo, ut dictum, colligati, non sunt æquilibres, sed pondera eorum eandem habent proportionem quam latera trianguli; eos fore sic æqui-

Vide Fig.
II. Iconid.
XIX.

Herigonii
substri-
angularis.
motus per-
petui æmu-
lus.

æquilibres: & si æquilibres situ sunt, eos eandem in pondere habere proportionem, quam latera trianguli.

Ex his Petrus Herigonius tom. 3. Cursus Mathem. tractat. de Mechanica proposit. 8. format hanc propositionem: *Si recta à vertice trianguli ad basin, ducta sit perpendicularis horizonti; pondera super lateribus trianguli habentia eandem proportionem quam latera, æquiponderant.* Demonstrat id primo Geometrice, deinde per reductionem ad impossibile physice, tali pacto. *Si pondera, habentia eandem proportionem, quam latera trianguli, non essent situ æquilibria; sequeretur fieri posse motum continuum circa triangulum: Atque hoc est absurdum, cum natura nihil suscipiat, quod non exequatur; igitur pondera habentia eandem proportionem quam latera trianguli, sunt situ æquilibria.* Motum autem continuum fieri posse, si pondera habentia eandem proportionem quam latera trianguli, non essent situ æquilibria, perspicuum fiet sic. Fingatur BC AEB esse tubum ejusdem crassitie, plenum aqua, vel alterius materia, cujus contactus non impediat ejus fluxum. Cum enim latus AB, ex Hypothesi, sit horizonti parallelum, aqua tubi AEB erit in æquilibrio, & gravitas aquæ tubi AC, ad gravitatem aquæ tubi CB, erit ut longitudo lateris AC ad longitudinem lateris CB, quod aqua sit corpus homogeneum, & tubi cavitas ponatur esse ejusdem amplitudinis. Jam si præsupponamus potentiam descensus aquæ unius lateris, exempli gratia lateris AC, esse majorem potentia descensus aquæ alterius lateris CB, aqua tubi AC descendet, & aqua tubi BC succedet in ejus locum, & sic tubus AC erit semper aqua plenus, majoremque potentiam descensus perpetuo habebit quam aqua tubi CB, ideoque motus erit continuus; quod est absurdum. Cum igitur aqua tubi non perpetuo moveatur, necesse est potentiam descensus aquæ tubi AC, esse æqualem potentia descensus aquæ tubi CB; quod erat demonstrandum. Hactenus Herigonius.

ANNOTATIO.

Argumentum à motus perpetui impossibilitate desumptum, nullam vim habere videtur in eorum sententia, qui possibilem cum judicant, stando in constructione Stevini: dicerent enim Adversarii, ex dicta constructione motum perennem probari, quantum est ex vi constructionis ac artificii, & abstrahendo à materia; non sequi autem de facto
valens

salem motum, ratione materia, quòd globorum pondus ac funis trochleam Cpremens, & axiculo apprimens, lateraque & angulos trianguli radens, impediatur motum omnem, ne dum perennem. Majorem fortassis vim habes in Herigonii constructione, in qua aqua fluxus non impeditur à materia. Ex eo tamen, quòd stante constructione & situ trianguli, ut ab Herigonio requiritur, aqua non moveatur, convinci non videtur, quòd pondera se habentia ut latera, equiponderent, nec in casu posito de aqua lateribus inclusa, nec in aliis casibus. Nam in aliis casibus, etiamsi pondera tribus imposita se habeant ut latera, si tamen basis AB non est horizontali parallela, sed elevatur versus B, & versus A deprimitur, pondera non manent aequilibra, sed moventur versus A: ac in casu Herigonii, quantumcunque elevatur B, & deprimatur A, imò etiamsi totum triangulum evertatur, ut C infra E supra statuat, nihilominus nullus sit motus aqua, sed qualibet pars aqua manet in eo loco triangularis tubi, quem à principio occupavit, posito quòd totus tubus sit exactè plenus. Quòd si non sit exactè plenus, quacunque ratione eam veritas, tamdiu tantum moveatur aqua, donec aequilibrium acquirat. Adde quòd etiamsi tubus A C esset centies capacior quàm tubus BC, nihilominus nullus sequitur motus aqua, & tamen pondera aquarum tunc non se habent ut latera. Quòd ergo in Herigonii constructione aqua quiescat, non est ex eo quòd aquarum pondera se habeant ut latera. Quòd ergo non moveatur aqua, quando plenus est tubus triangularis, ideo est, quia libera non est, sed tubo quasi vinculis confecta: quando autem plenus non est, fluit, donec utrimque in aequilibrio consistat, quia libera saltem ex parte est.

MACHINA V.

Cochleæ Archimedææ usus, & utilitas uberius explicata.

IN Mechanica Hydraulico-Pneumatica par. 2. class. 2. Machina *Archimedeæ cochleæ.* descripsimus & explicavimus nobilissimum illud ac facillimè instrumentum ad aquas in altiore loco vehendas, quòd ab Auctore Cochleam Archimedeam appellant. Hæc fit tubo metallico, circa cylindrum ligneum spiritaliter circumposito, prout in apposita ibidem Figura apparet. Si enim cylindri axis utrimque promineat, aut cylindri utrumque extremum polis instruitur, & poli annulis suis inferantur, ut converti faciliè intra illos possint; ac cylindrus ipse erigatur intra aquam non perpendiculariter,

sed ad horizontem inclinatus, ita tamen ut inferior extremitas tantum aquæ immergatur, superior extra aquam emineat, ac deinde vel hominum aut jumentorum ope, vel à præterlabente fluvio, vel aliâ quacunque ratione cylinder circumvolvatur; haurietur aqua per os interius tubi, & per superius effundetur: licet enim semper deorsum feratur aqua in partibus spirarum inferiorum horizontem respicientium; semper tamen ascendit, usque ad summum. Demonstrationem vide apud Cardanum, lib. 1. subtilit. & Matium Bettinum Apiario 4. Progymnas. 1. proposit. 11.

*De ea qui
scripserint.*

Vir doctissimus Guidubaldus à Monte dicitur librum scripsisse de hac Archimedis cochlea, & egregiis demonstrationibus totum Instrumentum illustrasse; qui liber quia posthumus erat, & ultimam manum ab Auctore suo non accepit, nactus est similis ingenii & Doctrinæ virum alium Alphonsum ab Isæo nobilem Parmensem, qui teste Nicolao Cabæo l. 11. Meteor. tex. 62. quæst. 3. totum opus correxit, ac perfecit, additis, & ubi opus erat, immutatis demonstrationibus; sed liber, quod sciam, lucem publicam non aspexit, licet aliquoties apud aliquos ejus mentio fiat. De eadem Archimedeâ Cochlea, ejusque compositione & utilitate, tres egregios Discursus Italico Idiomate scripsit Josephus Ceredus, Medicus Placentinus, ut in Præloquio ad Lectorem Mechanicæ narravi. Multa etiam citatis locis habent Cardanus, Bettinus, & Cabæus, ex quibus hæc noto ad praxim Instrumenti spectantia.

*Annotatio.
nos circa
vandem.*

Primo, non unico tantum tubo spiraliter circumposito cylindrum instrui posse, ut in Mechanica etiam dixi loco antea citato, sed duobus, tribus, ac pluribus. Dicti tubi possunt duotus modis circumponi. Primo, si circa cylindrum teretem describantur plures lineæ spirales parallelæ inter se, & tubi lineis spiratim delineatis superponantur, ac parvis asseribus circumpositis tegantur, inferiore tantummodo & superiore osculo, quantum satis judicabitur, prominente, ac deinde asserculi columnam formantes obducantur bitumine contra aquæ corrosionem ac penetrationem. *Secundo*, si circa cylindrum spiralibus lineis antea delineatum, cavitates facias secundum linearum ductum, & illis tubos in similes spiras contortos imponas, & deinde asserculis,

ut

ut dictum, contegas, & bitumine linias. Adverte hæc, quia quo levior est cylindrus cum tubo suo, eo facilius cæteris paribus, vertitur. Nec timendum propterea à fractura. Cum enim Machina non trahat aquam metu vacui, neque profundat vi compressionis, sed devehat & quasi naturali pondere promoveat eam, nullus infertur illi impetus, nulla concussio, aut alia violentia, nulla subsultatio partium; ideoque satis est ut pondus aquæ sustineant parietes tuborum. Et etiamsi modica aqua efflueret à fissuris tuborum, vitio aliquo factis, nihilominus reliqua aqua intus contenta ascendieret, & Machina usum haberet.

Quod porro asserit P. Christophorus Grünbergerus apud Bettinum loco citato proposit. 11. Scholio 3. & in Manuscriptis Notis quas penes me habeo, ut loco cit. Mechanicæ memini, scilicet si unus spiralis tubus totum cylindrum circumscribat, talem cochleam simplicem tantum aquæ effusuram, quantum plures, & aliquid amplius, eo quod plures spirales tubi ob crassitiem, debent in cylindro occupare plus loci, quàm crassities unius; minime verum existimo: tantum enim sequitur, quod plus aquæ capiat, non quod plus effundat, quia in singulis conversionibus tantum semel effundit aquam cochlea simplici tubo instructa, alia vero sæpius pro numero tuborum circumpositorum. Verba Grünbergeri in Manuscriptis Notis circa Archimedis Cochleam à Patre Mario Bettino descriptam loco suprâ citato, hæc sunt. *Id quod hic dicitur (unicum tubum minus aquæ effundere pluribus) verum est, si unicus canalis cylindro circumducatur, non occupans totam cylindri superficiem, hic enim dubio procul minus aqua effundet, quam plures. Si vero una spiræ cylindro circumscribatur, eaque tota superficies cylindrica contegatur; putarem dicendum, talem cochleam simplicem tantum aquæ effusuram, quantum plures, & aliquid amplius; plures enim spiræ, ob crassitiem, quæ care non possunt, debent in cylindro necessario plus loci occupare quàm crassities unius spiræ. Puto eum velle dicere, in uno canali modo dicto spiraliter circumducto plus aquæ contineri potest, quàm in pluribus sibi contiguis; & si utraque cochlea repleatur aqua, & circumvertatur, donec tota ex utraque effundatur, plus effusuram simplicem, quam compositam.*

Grünbergeri nota circa eandem examinatur.

Secundo noto, melius esse, ut spiræ circa cylindrum non sint adeo compressæ, sed per majora intervalla circa eum serpant: nam sic in æquali longitudine cochleæ aquam altius elevabunt, quia poterit cochlea erectior const. tui; nam satis est ut præcisè cochlea tantum inclinetur, quantum sufficit ut spiræ cadentes inferius cadant ad horizontem, ut sic aqua in iisdem cadere, ac descendendo ascendere queat. Quare ex hoc etiam capite præstat plures tubos eidem cylindro circumplicare, quàm unum solum, si majori copiâ vehenda est aqua. Quo autem magis erecta, seu inclinata minus est cochlea, (dummodo sufficienter inclinata sit, ut aqua in spiris cadere possit) eo facilius, cæteris paribus, intra cardines seu annulos suos vertitur, & eo minorem violentiam à potentiâ motrice patitur, quia non ita à pondere prægravante curvatur.

Tertio noto, quo crassior est cylindrus, eo perfectius esse Instrumentum, tum quia spiræ magis oblique cadere possunt: tum quia plures excipiet canales seu tubos, & majores: tum quia melius resistet incurvationi. Si diutissime duraturam cochleam construere desideras, compone eam ex laminis æreis subtilissimis & stanno ferrumina, vel aliâ arte, dummodo à nimia gravitate caveas. Si loco cylindri conum adhibeas, sed conum satis acutum, utilitatem majorem habebis; tum quia cochlea circa conum constructa potest constitui fere ad perpendiculum erecta, manentibus nihilominus spiris inferioribus sufficienter inclinatis, tum quia non faciet vitium curvatis, nam vix poterit curvari conus tam parum inclinatus. & in inferiori parte magis, quàm in superiore, crassus ac gravis. Præterea majorem aquæ copiam evehere potest conica, quàm cylindrica cochlea: possunt enim commodius in conica, quàm in cylindrica, spiræ inferiores fieri laxiores, ac proinde majorem aquæ copiam bibere, & ad superiores transmittere effundendam. Verum quidem est, quod si superiores spiræ angustiores sunt, quàm inferiores, imperum aliquem ac violentiam ab aqua ab inferioribus communicata eas pati unde sequitur difficultas aliqua in versione: sed utilitates aliæ hoc incommodum longe superant. Merito ergo Battinus loc. cit. proposuit. 11. Coroll. 3. Hiscæ tamen reclamât Grünbergerus

*Conicam
Cochleam
anteponit
cylindrica.*

in Manuscriptis Notis, ubi hæc reperio. Qui expertus est utriusque Cochleæ fabricam, credo non tanti emet cochleæ conicæ præstantiam quanti venditur. Primo præfertur conica, quia ob plures canales, plus aqua attollat. Sed pluralitas canalium communis est cono & cylindro. Deinde tam in cono quàm in cylindro, puto simplicem, eandem aquam effundere, ut dictum est annotatione proxime antecedenti. Secundo præfertur, eo quod conica altius attollat aquam. Sed quando una imponitur alteri, necesse est, ut receptaculum, unde haurit aquam alia cochleæ superior, sit profundius. Tertio, in conica, aqua primâ spiræ impellit aquam fortius insequentem. Ego quidem impulsus aliquem agnosco, sed non alium quàm in cylindro, ubi libramentum in altiori loco cochleæ non sit sine aliqua impulsione partium, sicut in cursu fluminis: quia tamen aqua quasi semper est librata, & partes aquæ non impellunt, nisi minus libratas, hoc est, superiores inferiores, sitque in hac parte par ratio utriusque cochleæ: puto huiusmodi impulsione non esse notabilem. Si tota aqua quam primo hausit primâ spiræ, tota effunderetur simul ultimâ gyratione cylindri, tunc indicium esset majoris impulsione: sed expertus sum in cono trium spirarum integrarum, in tertiâ revolutione non effundit totam (loquor de infusa, non hausta) sed opus esse aliis duabus gyrationibus, ut tota effundatur. Signum igitur est, in primâ & secundâ spirâ adhuc aliquid aquæ remansisse, dum tertiâ spirâ effundit suam, quæ tamen majoris est quantitatis quàm duarum sequentium. Caterum quando Cochleæ continue hauriret aquam, tunc procul dubio singulis gyrationibus effunderet eandem aquæ copiam, eamque fortassis majorem, quàm cochleæ cylindrica, cæteris paribus. Videt tamen desiniri vix posse, quæ sit ista quantitas. Quarto, conica se ipsam exhaurit, idque negatur cylindrica, sed fallè: si enim non sit aliunde impedimentum, etiam cylindrica necessario revolvisur: centrum enim gravitatis aquæ in omnibus spiris semper est ex altera parte plani per axem ad horizontem recti. Hæc Grünbergerus; ad quæ quid respondendum, ex jam dictis patet.

Conicæ cochleæ pluribus spiralibus circumvolutæ Auctorem se facit Alphonsus Ilæus, de quo supra, Bettino recte cit loc. Grünbergero tamen probabile videtur, Archimedem eam non ignorasse, sed tamen Cylindricam tantum propalasse, eamque maluisse, ut simpliciore ac parabiliorem.

Quarto, procurandum ut quàm minima pars cochleæ inferius aquæ quam haurire debet, immergatur, alioquin gravaretur inutiliter Instrumentum, & longè difficilior circumvolveretur; præterquam quòd minus aquæ educeretur: cum enim solum pars inferior spirarum, quæ horizontem respicit, sit illa quæ deorsum vergit, & in quam suo pondere illabatur aqua; pars superior quæ respicit cælum, debet esse plena aëre, ac proinde si sit in aqua submersa, non concipiet aërem liberè, sed tumultuabitur aër & aqua. Experientia hæc docebit, etiam ocularis, si tubum vitreum cylindro spiratim circumponas: videbis enim qua ratione aqua ingrediatur inferius per spiras; delabatur primum in conversione cylindri ad spiras inferiores; mox ascendat ad superiores, & locum faciat aëri. Modus ergo disponendi cochleam totam in flumine præterlabente (extante solum parte superiore) quam Cardanus proposuit lib. 1. subtilit. minus commodus est. Melius erit, si in aqua fiat rota cum dentibus, qui apprehendant strias seu paxillos inferiori cochleæ parti circumpositos, & aquæ aliquò usque immerfas, ut apparet in Figura apud Bettinum loc. cit. proposit. 10. & apud nos in Mechanica loco etiam citato Machina I.

MACHINA VI.

Augustana Hydrotechnica, qua aquæ in Turres sublata per urbem inde dispensantur.

*Augustana
Hydrotech-
nica.*

PER cochleam unam non potest elevari aqua, nisi ad medio-crem aliquam altitudinem, quoniam non nisi mediocris longitudinis esse potest Machina, nè pondere proprio & aquæ inclusæ curvetur, & inutilis reddatur. Per multiplicatas tamen cochleas ad magnam etiam altitudinem attolli potest, imò ad datam quamcunque, etiam in locis angustis, ut in turri. Tali arte olim Augustæ Vindelicorum (quæ urbs est Germanicæ nobilissima ac nitidissima) aqua è fluvio ad altissimam turrim elevabatur, indeque ad varia urbis loca dispensabatur in usus publicos ac privatos, constructis variis ac magnificis per fora & præcipuas plateas fontibus, Cardano ac Bettino testibus, qui artificium satis ac curatè depingunt ac describunt. At nunc longè alia ratione id efficitur, ut moa dicam, Cum enim Augustanam hydrotechniam, de qua multæ inaudie-

inaudieram & absens, & præsens, dum Anno 1655 illac transirem; huic loco inferere cuperem, utpote dignissimam quæ in multorum notitiam veniret, ut majori cum fundamento procederem, scripsi ad Virum Humanissimum ac Doctissimum Lucam Schröckium, Medicinæ Doctorem, ut pro sua humanitate, & in Republicam litterariam affectu, significare dignaretur non nihil de dicto artificio, ejusque auctore, simulque de aquæ origine, nomine, quantitate aliisque ad rem pertinentibus circumstantiis. Neque enim ego, dum præsens eram, ob temporis angustias, & negotia alia, artificio inspicere, & in dicta inquirere potui. Suscepit is perlubenter in se rei curam, & distentus negotiis aliis commisit partem negotii viro æquè humano, ac docto, Domino Emanueli Stenglino, qui accuratissimam totius rei historiam Germanico Idiomate exaratam, ad me mittendam ipsi tradidit. Ipsos igitur loquentes audiamus.

LITTERÆ EXCELLENTISSIMI DŌMINI
LUCÆ SCHRÖCKII, MEDICINÆ
DOCTORIS AUGUSTANI.

S Al. pl. & officia paratissima. Tardius scribo, Vir admodum Reverende, Clarissime, Humanissime, quàm aut expectatio Tua & aviditas ferebat, aut officium meum requirebat. Sed nolim negligentia nomine Reverende Tuæ dignitati suspectus teneri, cùm alia aliis subinde superveniant onera, & frequentia circa agros studia, qua me scripturientem saepe retrahunt; calamusque in vultu è manibus excutitur. Nè dicam de potiori tardioris hujus mei responsi causa, dū adventum libri Dobrzenskyani avidè expectarem, ut hoc comite tanto jucundius, & acceptius istud redderem, quod tamen necdum apparuit: unde benevolas Tuas feres solus pulsare, non penitus omnis urbanitatis stupidus videri voluissim, coactus fui. Negotium quod Reverenda Tua dignitas mihi commiserat, de inquirendo artificio, quo mediante aqua nostræ civitatis in sublime alta turris fastigium propellitur, atque ex inde per urbem latè & variè diffunditur, cura cordique mihi fuit, ut desiderio gratificarer, & accuratam Machinarum delineationem consequerer, est Ampli-
morum

*morum Dominorum Adilium provida nimis (pro meo quidem capto) sollicitudo, ad praevidendam artis propalationem, viam praelusit, quo minus hac in parte Tuam complere expectationem, meam verò inferviendi cupiditatem declarare potuerim. Reliquis forsàn satisfaciet quasi-
 is adjecta scheda Domini Stenglini, in nobili Mathematica scientia non mediocriter versati. Huic palmam apud nos praecepit Nobilissimus Dominus Koch à Gailenbach, Patritius Augustanus, quia studia sua, incognitus licet, attamen Reverenda Tua dignitatis, à me ipsi de prædicatione, amicus communis, si recipere placuerit, mecum futurus, officiosè per me deferre jussit. Eximius hic, reconditis in arte, & multiplici subtilique disciplina Mathematica apprimè exercitatus vir, modos demonstravit varios, quibus vel hic vel ille artifex usus fuisset ad extollendam altissimè aquam, præcipui sunt, quos describit Marius Bestinus Apiar.
 IV. Progymnasm. 1. Proposit 12. Marinus Mercennius Phenomen. Pneumat. proposit. 38. Joannes Jacobus Weckerus de Secretis lib. 12. pagina 475. ubi expressè de Machina Augustana, sed antiqua, agitur. Novissimè autem & elegantissimè de Hydraulico hoc artificio differere mihi visus est Joannes de Laet in Vitruvio Pollione de Architecturalib. 10. cap. 12. & 13. Ego, ut in aliis, sic præsertim in hoc scientiarum genere meam ingenuè profiteor tenuitatem, nè dicam ruditatem. Caterùm præterire nolo, quæ R. P. Do: Carolus Stengelius, quondam Abbatia Anhusana præfectus constitutus, in rerum Augustanarum Commentario (non per omnia sibi constante) de auctore & inventore nostræ aquariæ turris & Machinarum obiter notavit, dum cap. 57. pag. 232. hæc scribit. Eodem nimirum Cl^o CDXVI anno Augustæ constructa est Aquariæ turris, & Machinæ confectæ sunt, per Joannem Felber civem Ulmensem. Et porro. Is est aquæ ductus publicus, quo aqua salubris & limpidissima tanta copia ducitur per canales adeo capaces, ut in ipsum Castellum sive Receptaculum A per & Dama delata sint. Aqua singulari artificio in fastigium altæ turris propellitur, atque inde per minores canales recta mensura in loca publica, privatorum quoque, qui eam sibi compararunt, ædes dirigitur. Hæc ille. Ego vero præterea nihil, nisi ut suasor sim, si exactiorem hujus decantatio operis aquarii cognitionem nancisci velis, Præclarissime Domine, ipse ad nos excurras, & structuram universam limatiori judicio perpendas, oculisque intentis singula perlustres. Veni, non longa via est, & in hac urbe
 Augusta*

Augusta augusta & rara quadam cerne. Offero dexteram, & eam hospitalem; offero officia, quæ à candido pectore φιλαυδμοτιαν colente expectari possunt. Ierum dico, veni, vide, & vale, Augusta 11 d. Octobr. A. R. O. 1657

Reverenda Tuae Dignitatis

ET

Magna Celebritatis

Studiosissimus

LUCAS SCHROCK, Doctor.

Sequitur Narratio Domini Stenglini, in qua accuratissime recensentur loca omnia urbis per quæ transit aqua, & ad quæ derivatur; quæ tamen ut plurimum omitto, brevitatis causâ. Artificium quo aqua elevatur, obiter tantum indicatur. ob causam jam dictam, & mox iterum dicendam; qui tamen in Hydraulicis, & Hydrotechnicis versati sunt, facile rem intelligunt.

INSTRUCTIO CIRCA HYDROTECHNIAM AUGUSTANAM.

A Quo tempore Aquarium artificium Augustanæ urbis, & à *Augustana Hydrotechnia Narratio D. Stenglini.* quo inventum fuerit, in Chronico Marci Velseri videri potest. Origo ejus ad 200 circiter annos extenditur. Primis temporibus Machina erat extra urbem; sequentibus deinde intra eam translata fuit. Turres Aquariæ, in quibus aquæ in altum sublata colliguntur, quinque sunt, duæ nimirum ad portam rubram urbis, una in urbis medio ad plateam novam mediam, quarta ad Jacobi portam, quinta ad latum propugnaculum. Aqua appellatur Lycus fontanus seu fontium. Oritur ex diversis scaturiginibus, in prato cis Lycum infra *Hauß Stetten* nuncupatum, unâ horâ ab urbe. Unico alveo derivatur versus urbem, prope quam, ante superius cæmiterium, in duo divitur brachia quorum unum rotas vertit, alterum supra turres propellitur, magnâ celeritate, adeo ut diebus singulis, centenæ aliquot urnæ intra aliena in turribus disposita propellantur, indeque in diversa urbis loca deriventur, idque toto anno tam hyeme, quàm æstate, quoniam aquæ istæ fontanæ non facile congelant frigore. Quod si tamen contingat, ut machinæ unius operatio à glacie inferiore impediatur, aqua per aliam refunditur, nè cives, & qui aquam in ædibus habent,

SSS in

incommodum pati cogantur. Quæ etiam de causa Aquarii, quorum curæ commissa est custodia ac directio operis, interdiu ac noctu vigilare atque attendere tenentur. In prima turre duo sunt ahenæ. Ex primo deducuntur aquæ per ingentes tubos, viri crassitie, & 700. pedum longitudine, supra civitatis mœnia in superius ac medium pomerium. Inde descendit ante S. Annæ templum in plateam D Kreutzeri, unumquæ brachium pergit ad diversa fora, *quæ ibi nominat Stenglinus*. Diversa habet epistomia distributoria; interque ea unum quod solùm incendio aliquo exorto laxatur. Ex secundo ihenno derivatur aqua ad diversa iterum fora & plateas ab Auctore nominatas. Tertium ahenum secundæ turris, nec non turris tertiæ, quinta, eadem ratione per loca varia ibidem nominata distribuit aquas suas, ultra Machinas in quinque turribus dispositas, adhuc variis aliis locis ab Auctore recensitis, variæ rotæ aquariæ sunt.

Ad Machinas ipsas, quibus aqua in altum propellitur, quod attinet; triplicis sunt generis, quas facilius est delineare, quàm describere verbis: quia tamen publicæ sunt Machinæ, non ausus fuit sine Magistratus consensu eas delineare. Genus antiquissimum minimorum est sumptuum, consistit in rota dentata, quæ pistilla cum embolis elevat. Secundum genus consistit in parvis quibusdam rotis, quibus super inducta est catena ferrea, quæ pistilla alternatim sursum ac deorsum trahuntur. Tertium genus est omnium pretiosissimum, quoniam pistilla & emboli unâ cum modiolis (*Stüfel* hoc est, ocreas vocant Germani) è metallo sunt, uti & axis cum pinnulis suis, qui perpetuo circumvolvitur, & pinnulis suis alternatim pistilla elevat, ideoque hoc genus Machinæ præ cæteris durabile censetur. Hæc Dominus Stenglinus de Machina Augustana, non simplici & unius generis, ut multi putant, sed multiplici ac varia. Qui in Mechanicis versati sunt, intelligunt ejus mentem, qui secus, longiori discursu & Figuris indigent, quas ipse non submisit, nec mihi integrum est eas industria propria apponere.

ANNOTATIO.

De Machina Aquaria Herbipolensi.

Dum hac scribo Herbipoli, edificatur ad ripam Mœni præter laben-
 tis, ipsamque radicem montis altissimi, cui arx magnificentissima Herbipolensis machina aquaria.
 simul ac munitissima est imposita, molendinum, in quo præter molas mul-
 tiplices, variaque alia artificia jam pene perfecta construitur Machina
 Aquaria ad aquas fluvii, usque ad ipsam Arcis arcem elevandam, altitu-
 dine plus quam quingentorum pedum in perpendiculo. Elevabitur au-
 tem aqua ope Anellæ pressoriæ, cujus pistilla & embolos rota à fluvio in-
 ter angustias coarctato circumacta attollet ac deprimet, & aquam intra
 tubos plumbeos protrudet infra, supra extrudet, non ad necessitatem mo-
 do, sed etiam ad delicias, eructatam marmoreis leonum statuis intra
 concham, ac per hortum Arcis lateri orientali adhaerentem varie deri-
 vandam. Hactenus subministravit aquam Arci, primum fons ex alio
 monte (Vesfibera) plusquam quatuor passuum millibus distante, per ca-
 nales ac tubos, ad Arcis usque arcem derivatus, indeque per varios
 fontes diversis locis dispositos divisus, deinde puteus in media Arcis arcem
 intra rupem effossus, ad 408. pedum profunditatem. Extrahitur aqua
 duabus situlis, quarum una ascendit, altera descendit, fune circumvolu-
 to axi quem rota calcatoria, qualem supra lib. 2. Syntagm. 3. cap. 5. descri-
 psi, vertit à binis viris calcata, & intra horæ spatium non nisi dua extra-
 huntur situla, ac tres urnæ aquæ, singula enim sesqui urnæ sunt capaces.
 Jam alius non minoris profunditatis puteus extra arcem, ac intra cor-
 tinam, quæ septentrionem respicit, effoditur.

MACHINA VII.

Spiralis rota, motus perpetui æmula.

IN Mechanica nostra parte 2. classe 2. Machina 2. dedimus ex Spiralis ro-
ta motus
perpetui
æmula.
 Mario Bettino Apiario I V. progymnasmi. 1. proposit. 13. & 14.
 Machina, quam tubum spiralem in plano, aquam attollentem, & mo-
 tum perpetuum æmulantem appellavimus. Constat in eo Machina,
 ut plano circulari spiratim à circumferentia versus centrum cir-
 cumponatur tubus utrimque apertus, qui semper magis ac magis
 à circumferentia versus centrum dilatetur, ut maiorem aquæ co-
 piam continere queat. Hæc si ex axe per centrum transiente

erigatur verticaliter, ut facilè converti possit, aqua per os tubi ad circumferentiam infusa, serpet pondere suo per ipsum ad os usque centrale, indeque effundetur, vertendo interim rotam ipsam. Eadem hæc rota, si intra vas aqua plenum erigatur modo dicto, putat per eam exhiberi posse facillimè motum perpetuum, dum rotatione sua semper novam ac novam aquam hauriet, eandemque iterum in subiectum vas effundet iterum haurientdam.

Similem rotam, non uno tantùm, sed pluribus tubis spiralibus vestitam, proponit *P. Nicolai Cabæus* lib. 1. Meteoror. textu 62. quæst. 3. eamque miris effert laudibus, quia facillimam purat, & omnium ferè simplicissimam, ad aquam in altum sublevandam magna copia, licet non ad majorem altitudinem, quàm quæ est à rotæ circumferentia usque ad centrum, è quo hausta inferius aqua effundi debet. Et Quoniam non nova solùm, sed magni etiam artificii ipsi videtur Machina, & in credibili facilitate simul ac simplicitate attollere aquam, & in multis Archimedeam Cochleam superare; multis eam exponit, & demonstrat qua ratione construenda, qua industria tubi seu spiræ circumponendæ, ut magis semper ac magis versus centrum dilatentur, quomodo aqua per eam ascendit, dum descendit sola sua gravitate versus centrum, nullo impellente, nullo trahente, nullo evehente.

Eandem Machinam putat idem Cabæus aptissimam esse, si nulla alia, ad motum perpetuum efficiendum, eò quòd simplicissima est, & nullæ ferè in ea sunt fricationes, quandoquidem aqua dum defluit pondere suo per spiras, non fricatur, nec atteritur, & solum parsilla quæ demergitur, ut aquam hauriat è subiecto vase, aut lacu, cui implantari debet, fricatione aliqua motum non nihil rotat, quàm tamen facilè superari posse putat, adjuncta rota fistularia. Hanc tamen suam de motu perpetuo per eam efficiendo existimationem non explicat uberius, quia vellet prius exactius experiri, quàm fecerat, quod utrum deinde expertus fuerit, nescio.

*Per eam
motus per-
petuus exhi-
beri non
possit.*

Ego existimo, per hanc Machinam, maximè si construatur ut Cabæus præscribit, & pluribus spiris in centro coeuntibus tota vastiatur ac tegatur, multum aquæ, & magna facilitate, attolli

posse

posse ad supra indicatam altitudinem, si ab aliqua potentia extrinseca convertatur, ideoque commoda foret ad siccandas paludes, si ita iis implantaretur, ut suspensa è trabe perpendiculariter erecta posset semper magis ac magis deprimi, ut decrefcenti aquæ semper esset aliquò usque immersa, & nihilominus ut antea circa axem suum verteretur, ab adjuncta potentia. Motum tamen spontaneum etiam exigui temporis, nedum perpetuum, per eandem procurari posse, pernego, propterrationem in Mechanica loco citato contra Bettini Machinam allato: quamprimum enim aquæ inferius immersa, eam intra spiras suas admittit, & sibi permittitur, nec ab extrinseca potentia amplius impellitur in gyrum, immota persistet, propter causam inibi dictam, desumptam ex centrobaryca, & ex Mechanica. Experire, & videbis.

MACHINA VIII.

*Rota Blancani, aquam in altum ac in circulum
projiciens.*

P Nicolaus Cabani lib. 1. Meteoror. tex. 17. quæst. 8. ubi explicat, quomodo rotæ projiciant sibi adhærentia per motum circularem, & utrum si terra moveretur motu diurno vertiginis, gravia terræ superposita projicerentur, proponit illa occasione Machinam quandam, à præceptore suo in Mathematicis P. Josepho Blancano Zarmentii excogitatam ad hauriendam aquam, quoniam apta videtur ipsi ad difficultatem propositam enodandam. Quæ Machina tamen si parum fortassis utilis est ad aquam in altum attollendam, quia tamen ingeniosa est, & causa occulta, & fortassis ab aliis ingeniosioribus usum aliquem in Hydraulicis majorem potest nancisci, placuit eam hic proponere ipsis Cabani verbis, & sequitur.

In axe aptato ita, ut possit commodè circumvolvi, constituto perpendiculariter, apertum circulum parvum horizontaliter in parte inferiori, & similiter circulum in parte superiori longè majorem, pariter horizontaliter: Applicentur his rotis seu circulis fistula plumbea, aenea, vel ex simili materia, quæ fistula coeuntes in parva rota, in magna expandantur: demergatur in aquam Machina, ita ut extremitates inferiores suorum sint sub aqua. Si axis hujus rota vel Machina perpendiculariter

stantis velociter rotetur, rotantur & circuli, & insistentes tubi; & aqua per tubos ascendens in motu illo, & proicietur ex parte superiori, & projectio fiet spiritaliter &c.

Quæritur hujus rei causa. Ego existimo aliam non esse, nisi quia licet quando rota aliqua velociter rotatur, ea quæ adhærent rotæ, & ab ea separabilia sunt, proiciuntur extra rotæ circumferentiam, ut apparet manifeste in rotis curruum, quæ velociter motæ proiciunt limum à se extra circumferentiam; ita dum hæc Machina una cum aqua inferius fistulis inclusa velociter moveatur, aqua deberet proici extra ipsam rotam ad latera, si fistulæ versus exteriorem partem paterent: at quoniam via hæc conclusa est, sicut & via ad motum deorsum, ubi aqua est, solumque patet via sursum versus; ideo ascendit aqua, & alia nova, quæ continuo partes fistularum inferiores aquæ immerfas denuo implet, succedit, & superiorem expellit; expulsa autem in circulum spargitur, hoc est, arcum circuli, describit, quia imperum ad motum circularem conceperat, dum ad huc tubis seu fistulis continebatur.

MACHINA IX.

Hydracontiflerium Norimbergense ad extinguenda incendia.

Cum Anno 1655 Roma redire, & Norimbergam transiens, officii causa convenissem Prænobilem & Amplissimum virum Georgium Philippum Harstorferum, illius urbis tunc Patricium, postea Consulem; inter alia multa, quæ pro sua singulari humanitate in ea urbe mihi ostendit, duxit me ad ædes cujusdam opificis Joannis Hautsch nomine, ubi Machinam illam, cujus mentionem feci 1. part. lib. I. cap. 6. à dicto opifice confectam vidi. Idem opifex aliam Machinam prægrandem & insignem, cujus formam hic sub iocō à se etiam confectam mihi monstravit, quæ dicebat tantam se aquæ copiam, & ad tantam altitudinem ejaculari posse celeritate maximâ, ut quodcunque incendium in quantumvis alta domo exortum, in subjecto foro aut platea consistens, extinguere vellet. Ut quæ ipsa, quod alluerat, monstraret, confectum ultra triginta viros, ac juvenes qui in vicinis ædibus officia exercebant, convocat, Machinam

Norimbergensis Machina ad incendia extinguenda.

aquâ implet, viros applicat, & in momento fere aquam ad ædium altissimarum fenestras ac tecta spargit, tanta copia ut urnas cœlum depluere videretur. Jussit deinde spectatores ad alteram post ædes plateam concedere: ubi cum essent, eadem, ac majori etiam copia ac velocitate aquam supra tectum ad aliquot cubitorum altitudinem ejaculatur, & plateam cum adjunctis ædibus copiosissima pluvia perfundit. Ipse interim opifex Machinæ fistulam utrâque manu apprehensam dirigebat in quamcunque partem, & aquam ad quodcunque signum vel ut scopum ejaculabatur, machina inferiore immota manente.

Machinæ forma est quam figura monstrat. Duobus aut tribus ad summum equis celerrime ac facillime, quo postulat necessitas, trahi potest. Trasm, cui imposita est machina, est longa pedes 10. & lata pedes 4. Aquæ receptaculum 8 pedum habet longitudinem, 4 altitudinem, & 2 latitudinem. Duæ hastæ à 28 hominibus agitantur, extrahendo ac intrudendo. Aquea columna, quam fistula emittit, unciz unius Diametrum habet, & ad 80 pedum altitudinem ascendit. Machinam totam cum dicta partium symmetria curavit auctor in æs incidi, & per Germaniæ urbes spargi, promittens se, quotquot postulatæ fuerint, tolerabili pretio confecturum, ac modum edocturum emptores, quo ea inter diu ac noctu, hyeme ac æstate utendum.

Vide Fig.
VII. Icon.
nis XIX.

Artificium (quod Auctor proderetunc mihi noluit,) consistit sine dubio in antlia: intus enim in cista absconditi sunt modiolibini horizontaliter prostrati, habentes in fundis platismatia: quæ platismatia, dum extrahuntur hastæ cum embolis suis, aperiuntur, & aquâ modiolii implentur; dum vero hastæ intruduntur, platismatia clauduntur, & aqua pressa expellitur per alia foramina. platismatiis etiam suis instructa, intra fistulam modiolis coherentem, & vertebrae suas, ut inquamcunque partem dirigi possit, habentem.

ANNOTATIO.

HÆC Machina non est nova, nam ante hæc etiam in aliis urbibus fuit in usu, & ego ante annos quadraginta unam vidi in patria mea, quamvis longe hæc minorem. Embolorum haste possunt decurtari, & in-

Et inter eas disponi rota dentata, quæ dentibus suis apprehenderet utrimque hastarum dentes consimiles: si enim rota hac manubrio axi rota adjuncto alternatim verteretur ad dexteram & ad sinistram, alternatim extraheret atque intruderet hastas. Et pisset hac rota ab uno aut altero solum viro agitari. Aliud genus Machinæ ad incendia restinguenda vide apud Heronem c. 27. spirital. & aliud apud Jacobum Bessonium in Theatro Instrum. pag. 52.

SYNTAGMA TERTIUM.

De Machinis, quæ aquæ lapsu naturali suas exhibent operationes.

*Machina-
rum aqua
sistentium
varia ge-
nera.*

Preter Machinas Aquarias tractorias, de quibus præcedente syntagmate, reliquas omnes quæ aquas in altum attollunt, ad quatuor genera revocavimus in Mechanica nostra Hydraulico-Pneumatica. Quædam enim sunt attractione, ad vacuum vel fugiendum, vel replendum: Aliæ expulsionem, ad corporum penetrationem evitandam: Aliæ Rarefactionem, ad majorem locum occupandum: Aliæ denique fluxu naturali aquæ, æquilibrium affectantis, & ad originis suæ altitudinem tendentis. Lege Proæmium I. Partis Mechanicæ citatæ. Triumphorum generum Machinæ, quoniam vel omnes, vel pleræque non nisi aeris ope perficiuntur, potius Hydraulico-Pneumaticæ, vel Pneumatico-Hydraulicæ appellandæ sunt; solæ vero ultimæ hydraulicarum nomen merentur. De ultimis igitur solum hic aliquid dicemus, de reliquis in libro sequenti, qui de Magia Pneumatica erit, agemus.

CAPUT PRIMUM.

De variis aquæ naturaliter fluentis proprietatibus.

Quæ de fluxu aquæ naturali, quem quartum Hydro-Pneumaticarum machinarum principium constituimus in Mechanica

chanica nostra, breviter ibidem parte I. Protheoria 4. scriptimus, Iam in hoc loco explicare constitueramus. At nē Liber hic in inaniam excreſcat molem, abſtinere cogimur, & vel ad Philoſophiam Hydraulicam, vel ad Mechanicam univerſalem differre, quæ hic explicanda erant. Sufficiant ergo pro hoc capite, quæ citato loco Mechanicæ noſtræ tractata ſunt; quem vide.

CAPUT SECUNDUM

De Aſcenſu aquæ æquali deſcenſui.

Inter alias aquæ naturaliter fluentis proprietates loco proxime citato ex Mechanica recenſitas, octava proprietas hæc eſt. *Aqua naturaliter non aſcendit ad locum altioreſem ſua origine: imo nec ſiſit naturaliter ab uno ad alterum locum, niſi terminus à quo aſcendit, quàm terminus ad quem.* Utrumque patet experienciâ, & poſterior etiam ex dictis ſuprà Syntagm. 1. Addo nunc, aquam aliquando tantum aſcendere, quantum prius deſcendit. Patet id in tubis ſeu ſiphonibus recurvis atque inverſis, in quibus ſcilicet ambo crura ſurſum erecta ſunt: ſive enim crura æqualia ſint, ſive in æqualia, quoad longitudinem ſeu capacitatem: ſi alterutri aqua infunditur, deſcendit ea per id crus, & per alterum aſcendit, nec ceſſat unquam aſcenſus, donec ſuprema aquæ ſuperficies in utroque crure ſit quo ad ſenſum in æquilibrio, hoc eſt, in eadem recta linea horiſonti parallela, quamvis Mathematicè loquendo, non recta, ſed curva, & centro Mundi concentrica linea utraque ſuperficies terminetur. Vide quæ diximus in Mechanica part. 1. Protheoria 4. cap. 2. propoſit. 2. Idem contingit in vaſis conjugatis, quæ vaſa concordie aliqui appellant, & nihil aliud ſunt quàm duo vaſa inferne per tubum communicantia: ſive enim ea æqualia ſint, ſive inæqualia quoad altitudinem & amplitudinem; aqua tamen alterutri intufa, communicatur alteri per tubum conjungentem, nec quieſcit deſcendere hinc, & inde aſcendere, donec ſuperficies aquæ aſcendentis reſpondeat ad libellam ſuperficiæ aquæ deſcendentis. Ex quibus conſtat, ratio nem hujus rei, quod nimirum aſcenſus aquæ in hiſ & ſimilibus caſibus æqualis fiat deſcenſui, non eſſe petendam ab a quipondio ſeu ab æquilibrio in hoc ſenſu, quod aqua in uno vaſe ſeu crure tantum ponderet, quantum in altero (hoc enim manifeſte falſum eſt

Aqua aſcendit tantum, quantum deſcendit.

Vaſa conjugata ſeu concordia.

Aqua cur aſcendit tantum, quantum deſcendit.

in siphonibus & vasis conjugatis in æqualium crurium & vasorum quoad capacitatem) sed ex eo, quòd omnis aquæ continuæ superficies superna sphaerica est, & sphaeræ terraquæ concentrica; & hoc ideo, quia gravis ac fluida est aqua, ideoque ratione gravitatis suæ tendit ad loca decliviora, & centro Mundi viciniora; & si libere potest fluere, ratione fluiditatis, suæ ad decliviora loca tendit, quod tamen non fieret, si in uno crure aut vase altior maneret quàm in altero, ut consideranti patet.

Ex hac aquæ proprietate collegimus loco citato Mechanicæ, qua ratione aquam fontanam è vertice montis per dorsum ac vallem descendentem elevare possimus usque ad verticem alterius oppositi montis, modo hic mons non sit altior priore. Item quomodo ex latere unius montis derivare possimus aquam per vallem, ad latus alterius montis, dummodo terminus ad quem non sit altior quàm terminus à quo. Præterea qui cognosci queat, quantus sit liquor residuus intra dolium, foramine superiore clauso manente. Demum qua ratione implere possimus dolium per foramen infra factum. Lege ibidem dicta, nos ad finem hujus materię properamus.

CAPUT TERTIUM.

*De variis Fontibus ac Machinis lapsu aquæ naturali
institutis, obiter indicatis.*

PRÆTER Machinas plurimas in Mechanica nostra part. 1. class. 2. cap. 4. & alibi passim allatas, quæ lapsu naturali aquæ sunt, multas alias hic adducere possem quas ibi omisi: sed ut tempori & sumptibus parcam explicari enim pro dignitate sine multa schematum supellectile non possunt aliquas solum indico, apud alios legendas.

*Tympanum, seu Aquarium Automatum Maris
Bettini, & Francisci Eschinardi.*

P. Marius Bettinus è Societate JESU in fine Tom. 2. Ærarii Mathematici describit fusissimè simul ac clarissimè Horologium hydraulicum, quod à parte ejus præcipua Tympanum appellat.

*In eo, ut ipse ait, subtilissimis tot rotarum denticularum
compactio-*

*compactionibus & implexionibus sine ullis rotis, præsertim ferreis, aut
aliter arere sola aqua inclusa solida ac tenuis lamina tympano, & addi-
cto æquipondio, hora ostenduntur, atque etiam pulsantur, mirifica qui-
dem, atque ingeniosissima, simplicissima tamen arte. Addit, Strepitu
etiam carere, nec ærugini, ut rotata horologia, expositam esse
Machinam, nec majori cura egere quàm automata rotata & den-
tata, facile parari ac reparari: præter multa alia, quæ in ejus
commendationem enarrat. Auctor tamen Machinæ non est
Bettinus, nec, ut ipsemet fateatur, nupera est ejus inventio. Nam
præter unam quam Bononiæ in cubiculo suo habebat, vidit ali-
cubi alias, quæ adeo antiquitatem olebant, ut colores usu quasi
penitus oblitterati circa eos vix apparerent. Eodem tamen tem-
pore quo ætarium Bononiæ typis mandabatur, Romæ P. Fran-
ciscus Eschinardus ex eadem societate JESU de eadem Machina
multa conscripserat, typis proxime mandanda, quæ ipse non si-
ne diuturno labore atque experientia commentus erat, etiam
per artifices facienda curaverat. Quæ ne interciderent, cum eo-
dem Bettiniano Tympano iterum separatim paucis foliis reculo
edidit. In iis explicat nonnulla à se observata, & Machinæ usum
longè universaliorem, ac utiliorem facit, mirificeque ejus uti-
litatem commendat. Eadem mihi Romæ oretenus explicavit.
Sed ut quod sentio, edicam libere, machina nec tam simplex
est, nec tam facile parabilis, nec tam utilis; ut ab his duobus
Auctoribus prædicatur. Est insuper valde incerta, quia multis
vitiis obnoxia, cum ligna vix exiguo tempore permaneant in eo-
dem statu, sed cum tempore nunc atrescant nimium, nunc ni-
mium intumescant. Testis experientia est, quam duo viri docti,
& in Mechanicis peritissimi Romæ fecerunt, quorum unus cum
Machinam non paucis hebdomaribus in cubiculo asservatam
concinnaasset, & nunquam ad stabilem & æquabilem cursum re-
ducere potuisset, alteri desperabundus tradidit: qui cum non
minus laboris in ea concinnanda ac derigenda, sed frustra im-
pendisset, ut inutilem plane abjecit.*

Tympanum
æquarium
automata
Bettini

Fusum ex-
plicatum
ab Eschi-
nardo.

*Hydraulicum Horologium Nicolai Foresti.**Horologium
Hydraulicum
cū Foresti.*

Nicolai Foresti in Florilegio Mathematico tract. 7. sect. 11. aliud dat, & quidem facillimum, Hydraulicum Horologium, tale nimirum quale descripsimus nos in Mechanica Part. 2. Classe 1. cap. 4. Machina 13. & appellavimus *Hydraulicum Horolabium, facillimum*, nisi quòd addat Campanulam cum malleo. Vide ipsum.

*Vasa floribus immittendis perforata.**Vasa floribus
immittendis
perforata.*

Solent in Italia, Romæ præsertim, ubi hortorum ac florum cultura viget vel maximè, hortenses messores seu hortulani, flores, dum maturuerunt, decerptos artificiosè componere in fasciculos, ac floreas strues varias, varièq; effigiatas ea solertia, quam eleganter perferibit P. *Joannes Baptistæ Ferrarius* è Societate J. E. S. U. lib. 4. Floræ, seu florum culturæ, cap. 1. Hujusmodi moles operosas ac peramœnas, ne citra copiosi assiduique humoris opem faciliè ardescant, & mox elanguescentis atque dilabidæ floræ pulchritudinis ruinosa sepulcra, & brevia Mausolea fiant, sed ubivis locatæ, aquam petent, ac diutius durent, novo artificio & opportuna, & lepidam excogitavit Machinam P. Horatius Grassus ex eadem Societate nostra Mathematicus insignis, & adhuc, dum Romæ essem, in vivis, at nunc vitâ defunctus. Quo quidem invento in quamcunque figuram possunt vasa deformari ad aquam floreis struibus suppeditandam, quæ toto licet corpore perforato sint, nulla tamen ex parte aquam effundant. Machinam & schemate & verbis elegantissimè expressam vide apud Ferrarium loc. cit.

*Machina Hydraulico Catoptrica.**Machina
Hydraulico
catoptrica.*

Construe è speculis planis theatrum catoptricum eâ arte, quam tradidimus I Parte hujus operis lib. 6. part. 2. cap. 2. Proposit 9. aut 10. & 11. In medio fonticulum aliquem ex iis, quos in Mechanica descripsimus, statue, & videbis in speculis densissimam quasi fontium salientium sylvam. Ingeniosus artifex variè & eleganter combinare poterit multas alias hydraulicas Machinas cum catoptriciis.

Varie alie Machine.

Eodem aquæ naturalis lapsu machinula fieri potest, aquæ plu-
rimos rubei & albi vivi radios variè inter sese permixtos dif-
fundat circumquaque in orbem, si nimirum è duobus vasis duo
vini genera continentibus deriventur ac demittantur tubi, qui in-
ferius sibi invicem implexi crebris perforentur osculis ac tubulis.
Res est facilis, & pro artificis ingenio variè disponi potest. Hac
arte rota in Moguntini Archiepiscopi Insignibus concinnari pos-
set, ut vinum rubrum ex unis, album ex aliis rotæ radiis exprime-
retur.

*Machina
Hydrauli-
ca varia.*

Possent item eâ arte representari Melchisedech panem & vi-
num offerens Altissimo, ob victoriam Abrahami. Item Sanctus
Joannes Eleemosynarius, potum præbens pauperibus. Fontes
Salvatoris passim ita exhibentur, Crucifixi nimirum imago fun-
dens è quinque vulneribus sanguinem. Omitto alia.

Quæ ad Machinas ut attractiva & expulsiva
institutas pertinent, in sequenti libro
examinabuntur.





LIBER SEPTIMUS.

DE MAGIA AEROTECHNICA,

SIVE

*De rarioribus atque minabilioribus artificiis ac machinis
hydro-pneumaticis, aliisque effectibus aeris seu
spiritus ope exhibendis.*

PROOEMIUM.

*Aerotech-
nica Magia*

Aerotechnicam, seu magis, Pneumaticam Magiam
hoc loco illam appellamus *Artem*, qua aeris seu spi-
ritus ope tales producuntur effectus per varias & ar-
tificiose constructas machinas, quas non vulgus tantum &
omni doctrina d. stitutum hominum genus, sed summi etiam
Philosophi demirantur, dum causam ignorant Et certe vix
ulla in re major Naturæ majestas, major Artis elucet pom-
pa, quàm in Pneumaticis Experimentis, ut non immeritò
Magnum, si humano usui utilia, si admiranda, si eternitati
consecranda cum nominis fama immortalis, vestigare, ac in
lucem prodere querit, his insistere, hæc speculari, ac re ipsa ex-
hibere oporteat, ut in Pneumaticis suis Porta notavit. Hæc
ipsa Etesibio Alexandrino, qui, ut apud Vitruvium legimus,
multas Pneumaticas rationes adinvenit, hæc Heroni, qui
& sua, & aliorum inventa litteris consignavit, hæc Porta,
qui tres Pneumaticorum libros, & Magia Naturalis deci-
mum nonum de Pneumaticis Experimentis scripsit, tantam
apud

*Et in Exce-
lenta.*

apud Posteror laudem peperere. Similia non pauca inseruit. Partu tertia Speciminum Philosophiae Cartesiane Daniel Lipstorpins, ubi de aere, ejusque usu in Mechanicis agit, majorem apud doctos gratiam miturus, si rerum schemata apposuisse. Cum igitur tam mirabilia sint, quam jucunda, utilia, penè necessaria, pneumatica seu aerotechnica artificia atque inventa, nemini mirum videri debet, tametsi de iis nec breviter, nec negligenter, in Mechanica nostra hydraulico-pneumatica scripserimus, si hic iterum de iisdem agamus.

Quod cò facio libentius, quoniam post editum librum invenio longe aliam aliquos assignare causam earum Machinarum, quibus per Attractivam vim aquas attolli, ad vacuum vel fugiendum ex propria, vel ad replendum ex aliena sententia, dixi, quorum proinde opinionem hoc loco examinare non erit ab instituto alienum.

De ea cur
hic tractetur.

SYNTAGMA PRIMUM.

De Machinis & Experimentis pneumaticis, quæ
Vi Attractiva, ad vacuum fugiendum,
instituantur.

Primum è quatuor hydraulico pneumaticarum machinarum principis seu fundamentis, quæ in Proœmio Partis primæ Mechanicæ adnumeravimus, est vis attractiva, ad vacuum vel fugiendum, ut nos loquimur, vel replendum, ut Fiero Alexandrinus cum antiquis nonnullis philosophatur, qua vi Aqua, Elementum alioquin grave & motui sursum repugnans, in altum tamen attollitur tanta celeritate, ut sponte sua ascendere velut tripudiabunda videatur. Principium ipsum fusius explicavimus Par 1. dicti Operis, Protheoria 1.

Machina
qua vi at-
tractiva
instituitur.

ria I. ubi etiam experimenta ejus rei adduximus; Machinas vero quàm plurimas, in quibus vis eadem attractiva ob metum vacui, ut communiter docti loquuntur, clucet, tradidimus Parte 2. Classè 1. cap. 1. & alibi passim. Quæ ne actum agamus, hic repetere nolumus, nisi si quid circa nonnullas peculiariter notandum occurrerit. Nova ergo nonnulla in medium proferemus, simulque discutiemus, num aliter quàm nos explicavimus, dictarum ac similium machinarum causa ac fundamentum explicari queat. Quod ut fiat clarius ac facilius, præmittende breviter sunt rationes, quibus moti Peripatetici tam constanter asserunt, vacuum tam esse Naturæ contrarium & noxium, nullis ut humanis viribus induci in Mundum queat.

CAPUT PRIMUM.

Experimenta ex quibus vacui impossibilitatem deducunt Peripatetici, & vim Attractivam metu vacui stabiliunt.

Experimenta varia, ad vacui impossibilitatem demonstranda.

Vacuum quid sit.

Vacuum Peripatetici vocant *absentiam omnis corporis, aut æquivalentis corpori à loco*. Juxta hanc definitionem, si ab aliquo vase, conclavi, & loco quocunq; abesset omnis aer, & omne aliud corpus, & quidquid corpori æquivalet seu, vice corporis defungitur (cujusmodi sunt accidentia Eucharistiæ, quæ quia impenetrabilia sunt, in occupando loco corporis munere defunguntur; & esset Angelus, si in aliquo loco v. g. quem occuparet, sese impenetrabilem redderet) revera diceretur in eo esse vacuum juxta Peripateticos. Contra hæc si obiiciatur: *ergo vacuum esset in loco, quia ambiretur à loco, id est, à superficie corporis ambientis*; negant se sequi: Nam esse in loco (*ajunt*) non modo dicit superficiem realem corporis ambientis, verùm etiam aliquid reale quod ambiatur. Si iterum obiiciatur; *ergo esset locus sine locato, quia intra superficiem ambientem nihil esset*: iterum negant consequentiam; quia locus Aristotelicus (*ajunt*,) non dicit tantum superficiem, sed

sed etiam ambientem; in casu autem posito esset quidem ultima superficies corporis, sed non esset ambiens, quia nihil ambiret. Sed hæc Philosophis relinquamus.

EXPERIMENTA.

EXperimenta, ex quibus arguunt Philosophi otores vacui, Naturam id abhorrere, & viribus humanis. imo & Angelicis fieri non posse, sunt illa, quæ attulimus in Mechanica Par. 1. Protheoria 1. §. 3. aliaque similia; nempe.

I. Si cavæ fistulæ, utrimque perviæ, altera extremitas in aquam demergatur, alteri os applicetur, & exsugatur aer interior; aërem exsuctum sequitur aqua, & contra gravitatis leges sursum per fistulam ascendit. Similiter si recurvi siphonis crus unum vasi vinario per foramen superius immergas, ut vinum ingrediatur, & per alterum exsugas aerem; sequitur extracto aere vinum. Si fistulæ cavitas embolo repleta est, & ut antea extremitas una aquæ immergatur, ex altera embolus extrahatur; simul cum embolo ascendit per cavitatem aqua, & quivis alius liquor cui immergitur fistula.

Experimentum primum fistularum.

II. Folles contracti, obstructo foramine fistulæ, & ostiolo laterali seu platismatio, diduci & explicari non possunt, etiam magnâ vi adhibita; quæ si plus æquo augeatur, ipsi folles dirumpuntur.

Secundum, F. Uinum.

III. Duæ tabulæ perfecte planæ, & sibi invicem impositæ, nullâ vi divelli possunt, si ex medio æqualiter trahantur: & si superior ansa in medio extante apprehendatur, & elevetur; sequitur & inferior, nullo licet glutino aut clavo affixa. Sic etiam pileus ex loco plano elevari non potest, si limbus plano perfecte unde quaque adhæret, & pileus perpendiculariter trahitur.

Tertium, tabularum planarum.

IV. Embolus ex fistula sclopetaria, ocluso probe foramine igniario, non nisi magna vi tantulum educitur, & postea nulla vi ulterius educi potest; cessante autem vi extrahente, relabitur cum impetu intra fistulam.

Quartum, sclopetarium.

V. Si scyphus vitreus (aut quodcunque aliud vas, & cuiuscunque materiæ) aquæ immergatur, seu aqua, seu aëre plenus, & intra eam invertatur, inversoque situ extrahatur ex parte

Quintum, scyphi.

U u u

supra

supra supremam aquæ superficiem; sequitur simul aqua, & hæret suspensa intra siphypii cavitatem, elevata supra reliquæ aquæ superficiem supremam.

*Sextum, cu-
cubitula-
rum.*

VI. Cucurbitulæ, si prius ardenti cereo cavitæ earum admoveatur, & rarefacto aëre carnī leviter à chirurgo sauciata imponantur, ita ut nullus aër de novo subintrare ex ulla parte queat, frige factō paulatim aëre, & ad pristinam densitatem suam redeunte, & consequenter minus spatium intra cucurbitulas occupante, cutem cum carne sursum trahunt & sanguinem eliciunt.

*Siphynus
vini
gustus.*

VII Si vas fiat ex vitro, argilla, ferreis lamellis, aliave materiâ qualibet, & fundus minutis foraminolis instar cribri perforetur, superior vero pars in collum gracile desinat, & aquâ vas repleatur, orificiumque appresso claudatur, & perpendiculariter erectum teneatur nihil effluit aquæ: amoto autem pollice incipit fluere, & adimoto iterum desinit. Tale vas descripsimus in Mechanica Par. 2. Classe 1. cap. 6. Machina 2. & appellavimus *Cribrum Vestatum*. Similiter si dolii vinarii spiraculum superius claudas, & epistomium inferius aperias; nihil vini effluit. Si rectum aut torruosum siphunculum, è vitro, stanno aliave quacunque materia factum, aperto dolii vino pleni superiore spiraculo, & vino immergas usque dum repleatur; tum superius orificium pollice appresso claudas, & extrahas; nihil effluit, nisi remoto pollice aëri superius ingredienti viam facias.

*Octavum
Æolophila
vino.*

VIII. Si phialam cupream angustissimi osculi, qualem descripsimus loco cit. cap. 3. Machina 6. & *psilam Æoleam* seu *æoloxilam* vocavimus, ad ignem calefacias, ut rarefactus aer ex parte exspiret, ac deinde aquæ frigida immergas, ut residuum aeris condensetur, & ad minus spatium se contrahat; attrahitur per osculum aqua, quæ alioquin non ingrederetur, etiam phialâ aquæ immersa.

*Nonum,
vini
machina
vini hydro-
pneumati-
cæ.*

IX Huc pertinent omnes Machinæ quas in Mechanica nostra descripsimus par. 2. Classe 1. cap. 1. uti & Thermoscopium c. 3. Machina; & Lucerna Grünbergeriana c. 5. Machina 5. (quam alii Theodosii lucernam vocant,) & multæ aliæ sparsim toto illo opere expolitæ.

Ex his aliisque similibus experimentis, quæ certissima sunt, & millies exhibita, possuntque à quolibet quotidie fieri, deducuntur Peripatetici cum Aristotele, Naturam fugere vacuum. Ideo enim exsucto aëre ex fistula, & siphone recurvo, & educto embolo ex eadem, sequitur aqua, ne fistula & siphon remaneant vacui. Eadem de causa folles compressi non possunt explicari, obstructo ore, & platismatio, quia aër non potest ingredi ad replendam folium inanitatem, & impediendum vacuum.

*Vacuum
Naturæ fu-
git.*

Ideo duæ tabulæ planæ non possunt divelli, si ex medio trahantur æqualiter in contrarias partes per eandem rectam viam, quia si divellerentur, una tota simul recederet ab alia, & aër non posset occupare totum spatium inter utrumque medium simul, & impedire vacuum; nam spatium illud divisibile est, & aër non potest illud replere nisi ex latere per motum localem accedendo; qui tamen motus localis non potest fieri nisi per partes & successive. Idem vacui metus in aliis etiam allatis Experimentis elucet, ut consideranti patet, & explicatum à nobis est citatis ex Mechanica locis.

Finis porro propter quem, seu causa cur fugiat Natura vacuum, est, ut omnes universi partes sint unitæ, id est, vel continuæ, ut cælestes influxus per medium diffundi possint; quicum per lineas rectas diffundantur, & in vacuo recipi non possint, non pervenirent ad corpus infra vacuum collocatum.

*Causa huius
rei.*

Quo autem modo, quâ operâ, quo medio Natura vacuum fugiat, explicavimus in Mechanica Part I Protheoria 1. §. 4. nempe efficiendo ut ad recessum unius corporis è loco suo succedat aliud, vel aliud quoddam corpus, aut pars recedentis corporis, rareseat ac dilatetur, & locum impleat quem totum antea corpus implebat; vel denique rumpendo vas è quo corpus violenter extrahitur, ut aliud possit succedere.

*Modus ejus
dem rei.*

COROLLARIA.

Colligitur ex dictis I. Non posse naturaliter induci vacuum in Mundum à potentia corporea. Nam vacuum induci non potest, nisi corpus è loco educatur, in quem nullum aliud corpus succedat; sed hoc fieri à potentia corporea non potest, quia semper

*Vacuum
nec potest
dari natu-
raliter.*

vel trahitur aliud corpus à corpore recedente, ut aqua ab embolo, vel rarefcit ac dilatur aliquid, ut aer in eductione aliquali emboli è fistula fclopetaria, & in aliquali diductione folium, vel denique vafa rumpuntur, fi major vis adhibeatur quàm fufineri queat à corpore rarefcente.

Ne quidem ab angelo. Colligitur II. *Neque angelum poffe ita inducere vacuum, ut fit abfentiatum omnis corporis, tum alterius cujuscumque rei impenetrabilis,* fi fpectetur potentia pro ut fubefit providentiæ DEI ordinariæ, quâ Mundum ille gubernat, ejulque incolumitati profpicit: nam vacuum eft toti Naturæ inimicum, & magnam perturbationem in Mundo caufaret, quod ut fiat, divina providentia ordinaria non permittit. *Si autem fpectetur potentia Angeli fecundum fe præcifè, probabile eft eum poffe inducere vacuum,* quia non video, cur educendo corpus è loco non poffit impedire fucceffionem alterius.

Vacui fuga feu motus metaphorice docetur de Natura. Colligitur III. *Fugam feu Metum vacui dici tantum metaphoricè de Natura:* neque enim propriè Natura fugit, aut timet vacuum. Eft autem fuga, vel metus vacui in actu primo, vis illa, quâ Natura pollet ut vacuo refiftere poffit: quæ quidem vis non eft activa, fed merè & purè refiftens: in actu verò fecundo eft id, quo Natura actu refiftit vacuo, vel impedit vacuum, ut funt attractio, dilatio, difruptio, & fimilia.

Vacui refiftendo Naturam pati aliquam violentiam. Colligitur IV. *Naturam refiftendo vacuo pati aliquam violentiam:* dum nimirum gravia furfum trahuntur, dum corpora franguntur, dilatantur, feperantur, refolvuntur, quorum nihil fine violentia extrinsecus illata contingit. Poffunt autem ad quatuor capita reduci, quæcunque fufinet & patitur Natura vacuo refiftens, ut bene notavit P. Honoratus Fabrii in Appendice de vacuo Propofit. 31. Primò, corpus non unitum formaliter attrahitur, adducitur, exfugitur, elevatur, fecundo, corpus grave furfum libratur, v. g. aqua fuperior aëre. Tertio, corpus dilatatur, majoremque, quàm exigit, extensionem acquirit. Quarto, frangitur vas ex quo vis externa corpus educere tentat, quod in eo continetur, ut vacuum inducat. Porrò aliquando unum tantum iftorum fufinet Natura, aliquando duo tria, cuncta,

ut

ut notavit idem, & nos etiam in Mechanica Par. I. Protheor. 1. §. 4. Unum horum tamen aliquando cedit alteri: prius enim corpus attrahitur, elevatur, libratur, quàm dilatetur, & prius dilatatur, quàm frangatur. Hinc si magis resistat corpus tensioni, vel dilatationi, quàm elevationi, elevatur, sursumque libratur, sed non dilatatur: si verò major sit vis gravitationis, quàm resistentia, quâ dilatarî fugit, dilatatur. Nempe, ut Fabrii ait, resistentiæ vires comparari possunt cum viribus advertariis: nam illæ aliquando maiores sunt, aliquando æquales, aliquando minores. V. G. sit fistula aquæ plena, obstructo foramine supremo, in situ verticali, si aquæ pondus est modicum, eo quod modica sit altitudo fistulæ, aqua librata in cavitate fistulæ deorsum non descendit, quia major est resistentiæ vis: quâ dilatationi resistit, quàm gravitatio qua deorsum tendit, si vero fistula est valde alta, & vis gravitationis est maxima, aqua subsidit, ac deorsum labitur, unde sequitur dilatatio aliqua. Est igitur in aqua fistulæ aliqua gravitationis mensura ratione altitudinis fistulæ, infra quam resistentia prædicta superat gravitationis vires, & supra quam ab iisdem superatur. Omnis vis resistentiæ, quâ Natura impedit vacuum, resistit potentiæ motrici, vel intrinsecè, vel extrinsecè, primo nè corpus moveatur, secundo nè sursum attollatur, vel libretur, tertio nè dilatetur, quarto nè frangatur.

Nec semper eodè modo.

CONCLUSIO.

Rectè dicitur, Vim Attractivam metu vacui esse principium Machinarum Hydro-pneumaticarum.

Si enim vacui metu seu fuga sursum elewantur alia corpora gravia, ut vidimus, etiam aqua elevari potest eadem de causa: & ita de facto contingit in omnibus Machinis & Experimentis à nobis in Mechanica allatis, in quibus diximus aquam elevari metu vacui.

CAPUT SECUNDUM.

*Proponitur & examinatur aliorum sententia de principio
effectivo & impeditivo eorum motuum, qui vulgo dicuntur
fieri vel impediri à Natura formidante
vacuum.*

Quidam recentiores, inter quos est Arriaga, Emanuel Magnan, Daniel Lipstorpheus cum suo Cartesio, & alii, longe aliter explicant motus illos gravium corporum, adeoque & aquæ, fursum, quos Peripatetici metu vacui evenire dicunt, ut vidimus. Omnium fusissime, & magis methodicè rem tractat ex fundamentis, ut putat, Emanuel Magnan cap. 20. Philosophiæ Naturæ per totum; ubi ut suam mentem declaret, ac opinionem suam demonstret, sequentes format Propositiones, quas breviter examinare lubet.

PROPOSITIONES VARIÆ EMANUELIS MAGNANI EXAMINANTUR.

*Emanuelis
Magnani
propositiones
variae, &
falsæ.*

I. *Quatenus gravia proprio nature impetu affectant, & pro viribus nituntur ad commune centrum gravium se sistere, eatenus quoque affectant & nituntur implere locum omnem intra gravium sphaeram.* Verum est hoc, quia hoc ipso quòd nituntur ad centrum, nituntur etiam occupare locum sibi æqualem in centro, aut circa centrum, & eo ipso quòd deferuntur ad centrum, locum aliquem occupant. At ex hoc inferri non potest, gravia non occupare & implere locum in Universo, nisi quando & quia feruntur ad centrum, nam aqua & alia gravia dum ascendunt in Experimentis supra allatis, non tendunt ad centrum, & tamen locum occupant. Non est ergo ad rem prima Propositio.

II. *Dum gravia communi consensu nituntur ad centrum quàm proximè possunt accedere, & eatenus implere loca omnia quæ circa illud sunt intra propriam sphaeram, non propter locorum plenitudinem affecta ut centrum, sed contra: vel potius plenitudinem non nisi ex obliquo, centrum directè amant, & propriè solum amant.* Non probat aliter, nisi quòd sicut vacuum in ratione vacui non est malum Naturæ, ita nec plenitudo universi in ratione plenitudinis est bonum Naturæ,

Naturæ, ex quo concludit, eam non per se & directe intendi in motu gravium ad centrum. Sed fallum est antecedens, & illatio illegitima. Deinde dum ascendunt supra levia, ut locum repleant, non tendunt ad centrum, & tamen moventur ut locum impleant, atque adeo amore plenitudinis, non amore centri.

III. *Id quod in Natura vulgus vocat metum vacui, sapiens vocet metum absentia à centro propria gravitatis, aut potius amorem ac studium adharendi centro, vel certe accedendi ad illud quàm proxime licet.* Falsò vocari metum vacui metum absentia à centro, patet ex Corollario III. capitis præcedentis, & ex eo, quòd dum gravia moventur sursum ad vacuum impediendum, aut inanitatem replendam, non id fit metu absentia à centro propria gravitatis, seu amore adharendi illi, quia ab eo recedunt.

IV. *Motus omnes quicunque in gravibus vulgo dicuntur fieri vel impediri à Natura formidante vacuum. phrasi meliori, quæ nimirum sit philosophica, dicentur fieri vel impediri à Natura amante & querente centrum commune gravitatis.* Cur ergo gravia ascendunt, & à centro recedunt, quando imminet periculum inanitatis? Cur eadem gravia in sublimi librantur, & non descendunt versus proprium centrum infra levia, ut dum aqua hæret suspensa in fistula, vase cribrato, &c.

V. *Ad vacuum arcendum è tota gravium sphaera, quantum inde naturaliter solet arceri, sufficit eorundem gravitas.* At nunquid principium impeditivum vacui est illud idem, quod attrahit & detinet gravia supra levia? Hoc autem non est gravitas corporum attrahentium & suspenforum.

VI. *Frustra præter gravitatem queritur aliud motus effectivum aut impeditivum principium ad arcendum vacuum è tota non modo gravium, sed etiam universi Mundi sphaera, quantum inde naturaliter solet arceri.* Imò necessario aliud quæri & admitti debet, quia gravitas non juvat, sed impedit potius motum ad vacuum impediendam.

Vides, Lector, quàm aloga & falsa proferat hic Auctor, & non solum rationi, sed et sui etiam contraria, & tamen, ac si totam diremisset controversiam, & communem evertisset sententiam, ex iustis

jaculis hisce fundamentis nititur explicare aliter, ac alii, Experimentorum supra relatorum, aliorumque nonnullorum, phænomena, & dispellere quidquid apparentis (sic loquitur) rationis ex iis Peripatetici in scœnorem sui metus afferunt. Hoc ut faciat, proponit sequens.

EXPERIMENTUM AQVÆ ET MERCURII IN UNO, ET DUPLICI TUBO.

Vide Fig.
III Iconis.
XIX.
Experimen-
tum aquæ
& mercurii
in uno tubo

Si duo graviora fluida non commissibilia, & inaequalem habentia gravitatem in specie, ut sunt aqua & mercurius, mittas unum hinc, & alterum inde, in duo crura siphonis erecti, ac libere utrinque aperti. ABC, illa quidem initio, dum certatim nitentur ad gravium commune centrum accedere, pellent sese ac repellent alternis vibratiunculis paulatim minuendis, donec tandem conquiescant. Sed nimirum ita quiescent, ut suprema superficies gravioris minus à gravium centro distet, quàm suprema alterius, pro ratione inaequalitatis inter gravitates: vides namque mercurium in crure CB pressum ab aqua FD, recedere in crura BA, in eoque attolli supra horizontem GD usque in E, ita ut superficies ejus in D sit vicinior centro gravium, quàm sit in E: ac praterea suprema superficies ejusdem in E sit vicinior eidem centro, quàm sit aqua suprema superficies in F. Et id quidem patet experientia: ejus autem causa evidenter non est alia, quàm libramenti vis & necessitas, quod nimirum sit aqualis virtus, & momentum aequale gravitatis compositæ ex aqua FD, & mercurio DB, in crure CB, & gravitatis solius mercurii BE, in crure AB.

Vide Fig.
IV Iconis.
XIX.
Item in duplici tubo.

Eadem ratione si fuerint duo tubi, AB externus, latior, inferius clausus, & super apertus, & ID internus, gracilior, apertus utroque ore, mittaturque mercurius in externum usque ad signum v.g. EF, perspicuum est, fore ut non solum in externo tubo, sed etiam in interno, dictum altitudinis signum obtineat mercurius, quandoquidem ex illo in istum ingressus per infernum os, ut dixi, apertum, ascendit statim ad eundem dicti signi horizontem. At verò si aquam & super in exteriorum tubum fundas, quæ v.g. tres occupet in eo palmos altitudinis ab EF usque in AL: deprehendes, in externo quidem tubo mercurium descendisse aliquantulum, v.g. usque ad signum GH, sed è contra ascendisse in externo

externo usque v. g. in C, nempe ad tertium feretantum digitum supra prærem communem horizonsem EF, ita ut jam interioris tubuli mercurius maneat elevatus tota ea altitudine, quæ est inter GH, & C, trium ut dixi, digitorum, ubi trium palmorum est aqua altitudo CH. Idem porro cum proportionem eveniet, si loco mercurii ponas aquam, & aqua loco infundas oleum; vel si quosvis alios duos liquores adhibeas, dummodo non commiscibiles, & inaequalem habentes gravitatem in specie.

Hujus Experimenti atque effectus causam ait Magnanus esse pondus aquæ incumbentis, & mercurium in externo tubo AB prementis ab EF usque in GH; hoc ipso enim extrusus aliquantulum ab externo tubo mercurius, in interiorem subit, atque in eo ascendit, donec in C fiat æqualitas secundum libramentum interni mercurii IC cum externo GBH, & simul cum aqua HL. Ab aqua igitur mercurius interior supra GH usque in C elevatus tenetur, & non a solo externo mercurio: neque potest recurri ad metum vacui cum tubi sint supra aperti, & aërem libere admittant.

Hæc & multa alia in eam rem, congerit Magnan ibidem, & addit, similem effectum securum, si loco mercurii ponatur aqua, & loco aquæ oleum, aut aer, qui & ipse gravis est; dummodo adhibeantur cautelæ quas præscribit. Ex quibus deducit, mercurium in primo, & aquam in secundo casu ascendere intra tubum internum ID, non metu vacui, sed pondere aquæ aut aeris tubi externi. Sed hæc non sunt ad rem de qua agitur, sed solum serviunt ad explicandum effectum antliæ suæ quam paulo post describemus ex ipso: nemo enim unquam dixit, prædictos effectus evenire metu vacui; nisi quando ex fugitur aer ex tubo interno ID: tunc enim ascendit altius mercurius aut aqua intra dictum tubulum, quam antea vi aquæ prementis ascenderat: non vi aquæ prementis, quæ nunc major non est quam antea: ergo metu vacui, cujus periculum imminet aere expulso.

*Ex causa
causam
Magnan;
sententiæ*

*Quæ tamē
non sunt
ad rem.*

CAPUT TERTIUM.

*An aqua per antliam tractoriam elevetur vi prementis
aëris, an metu vacui.*

EX præmissis Experimento conatur Magnan loc. cit. Proposit.
§. assignare causam elevationis aquæ per antliam, aitque eam
non esse metum vacui, sed gravitatem aëris incumbentis aquæ
antliam circumstantis. In hunc autem discurrit modum.

Vide Fig.
V. Iconis.
XIX.
*Antlia tra-
ctoria Mag-
nani.*

Esto puteus AB 30. si vis, cubitorum altitudinis, in quo aqua sit
alta 20. cubitos v. g. usque in O, & puteus aliunde non recipiat
aliā aquam. In eo disponatur antlia, cujus tubus sit CD, ab imo
putei ad marginem superiorem continuus, cylindricus, bene
compactus, plumbeus aut ligneus. Adhibeatur etiam ferrea vir-
ga superius in E connexa idoneæ potentix, ut assolet, ac deor-
sum intra tubum dependens ad 20. ferè cubitos à putei fundo B,
seu ab infimo tubiore D, & ad extremitatem inferiorem virgæ
hujus copuletur, ut assolet, assarium I, & assario animula, ut vo-
cant, sive lingula, desuper coaptetur, aperibilis quidem cum indu-
cetur assarium intratubum, optimè verò claudenda cum educe-
tur, ut videlicet possit aqua subingredi intruso assario, & eodem
fursum reducto attolli. Vult autem struem hanc animulæ & assa-
rii poni in I. aliquantulum sub O, nempe sub aquæ putealis super-
ficie, quamvis bene noverit, construi sæpe antlias, quibus in
imo sit assarium, v. g. inter F & D, & alias quibus altius, v. g.
in P. propè os putei; sed nunc ad futurum discursum optat,
ut aqua in puteo sit sex v. g. digitis altior, quàm sit assarium in
tubo.

Hispositis, ait manifestum esse, aquam in puteo & in tubo ex
vi naturalis libramenti habere unum communem horizontem,
ob ejus liberum per aperibilem animulam subingressum; ideoque
id aquæ quod supra animulam est, sex digitis altius esse ipsa ani-
mula, & illud idem aquæ attolli posse ad alios sex digitos ab I. v. g.
in Q, si tantundem attollatur assarium, quod ita factum esse sup-
ponitur, ut nihil aquæ possit ejus defectu elabi. Si iterum de-
mittas assarium, alia mox aqua subingreditur, quæ juncta priori
elevatæ efficiet cum ea in tubo supra assarium altitudinem aquæ
duodecim

duo decim digitorum, quando quidem aqua antea elata intra tubum, non relabitur, dum assarium demittitur, & aperitur animula ad aliam captandam, quia assarium subito ruit, & repentino suo lapsu facit ut aqua inferior quasi occupata atque intercepta, non habeat otium recedendi atque evadendi per inferius ostium D, sed hæreat, & elata iterum animula conjungatur superiori, & tota simul sustineatur ab animula, suo & aquæ superincumbentis pondere clausa, donec tandem post frequentes elationes ac depressiones assarii perveniat usque ad supremum os tubi in C, indeque effundatur. Interim tamen dum aqua intra tubum elevatur atque educitur, subsidit aqua in puteo (quandoquidem aliunde alia non subministratur, ut positum fuit,) primum usque ad N, v. g. & deinde usque ad M. Quod dum fit, certum est aquam intra tubum non elevari ultra N & M, usque ad I, ubi assarium est, per libramentum, vi solius ponderis aquæ externæ putealis, sic enim vi libramenti solius proprii esset aqua in tubo altior quàm in puteo, ascendis ergo ex vi gravitatis aeris aquæ puteali incumbentis, & pondere suo eam deprimentis, & intra tubum ad dictam altitudinem intrudentis. Addit tamen Magnanus, aquam intra tubum non posse elevari vi ponderis aeris aquæ puteali incumbentis ad quamvis altitudinem, sed solum ad certam ac determinatam, nempe ex aliquorum observatione ad altitudinem 18. solum cubitorum. Præterea requirit, ut è tubo educatur aër, alioquin aqua intra eum non elevabitur. Ex his infert, carnem etiam intra cucurbitulas medicas ascendere ac intumescere vi aeris extrinseci prementis carnem circumstantem cucurbitulas. Idem diceret contingere, quando educitur embolus è fistula aquæ inferius immersa, & sequitur aqua intra fistulam post embolum ascendens.

Hanc ait Magnanus esse germanam, & omni prorsus excluso vacuum metu sufficientem, imò necessariam physicam causam elevationis aquæ per antliam, & carnis per cucurbitulas medicas, & putat se id demonstrasse. Ego verò ajo, hanc philosophandi rationem procedere ex præiudicio concepto contra metum vacui Peripateticorum, & minimè efficacem esse ad eum eliminandum. Nam *primo* aqua intra tubum non ascendit, nisi priùs educatur aër, quantumvis magna vis aeris aquæ puteali incumbat, eamque, ut

putat Magnus, premit, quàm primùm verò educitur aer, ascendit aqua intra tubum post aerem extractum & intra puteum subsidit aqua, & sequitur eam quæ per tubum ascendit. Si ergo quis dicat cum Peripateticis, aquam intra tubum sequi propter metum vacui, aerem extractum, & ideo subsidere aquam putealem, quæ cum priori continuatur, quomodo evincet Magnan contrarium? Dicet, quia aer premit aquam putealem, & cogit eam intra tubum ascendere. At de hoc disputatur, & negatur, donec probetur. Ait aerem aquæ puteali incumbentem, esse gravem, & actu gravitate, eamque deprimere. Sed hoc æquè facile negatur, atque asseritur. Secundo, dato, & non concesso, quòd gravitet aer incumbens aquæ puteali, is longè gravior ac ponderosior est quàm aer intra tubum interjectus inter assarium, aut embolum, & aquam subiectam; cur ergo non comprimit saltem aliquantulum aerem intra tubum, & aquam aliquantulum elevat? facile enim comprimi potest aer. Dicet, quia non potest deprimere aquam putealem, & nec consequenter elevare aquam intra tubum, eo quòd intra tubum continetur aer. Sed hoc ipsum est quod queritur: si enim majus est pondus aeris incumbentis aquæ puteali, quàm aeris incumbentis aquæ tubi, cur majoris ponderis aer non deprimat suam aquam, & elevando alteram comprimit aliquantulum minoris ponderis aerem? Nimirum, quia falsum est, quòd aer comprimat aquam cui incumbit. Tertio, si aer premit dorsum gestantis cucurbitulas, magis debet premere dorsum jacentis proni, quàm sedentis erecti, quia major aeris quantitas incumbit dorso jacentis, quàm sedentis, præsertim si in alto & angusto conclavi sit, cur ergo caro non magis intumescit intra cucurbitulas jacentis, quàm sedentis? Quarto, si educatur aer ex tubo, ascendit aqua cæteris paribus, ad æqualem altitudinem intra eum, sive magna & ad Lunæ concavum elevati aeris copia incumbat aquæ puteali, sive exigua, & non nisi ad tectum putei, aut domus in qua est puteus, signum ergo est, quòd non ascendat vi pressionis, sed alia de causa nempe propter metum vacui. Quinto, si embolus educitur è fistula, aqua vi attractionis ascendit, & non vi pulsionis extrinsecæ: nam embolus difficulter educitur, si fistula inferius est aquæ immersa, licet alioquin facile educatur quando est extra aquam, trahitur ergo ab embulo

bulo aqua, & non impellitur ab extrinseco, alioquin facilius deberet educi intrâ, quàm extra aquam, nam vis impellens aquam sursum intra tubum, impelleret etiam embolum sursum. *Sexto*, maxima compressio requiritur ad hoc, ut tota aqua putealis tubum circumstans deprimatur ita, ut subsidat, & elevetur intra tubum, si ergo in casu nostro intervenit talis compressio, & provenit ab aere: cur nos non sentimus talem compressionem? cur charta aut tela araneorum ori putei oppansa non rumpitur à pondere aeris prementis, cùm non solum aer qui intra puteum est, sed etiam ille qui supra est, premat ut Magnanus concedit?

Omitto plurima argumenta alia, quæ contra Magnani sententiam fieri possent, & concludo, aquam intra antliam tractoriam elevato assario, intraque fistulam educulo embolo, non elevari vi aeris prementis aquam externam, sed metu vacui. Multo minus caro intra cucurbitulas medicas elevatur vi aeris prementis carnem, sed ob vacui metum. Confirmo hæc omnia. Si fistulæ pars inferior sit immersa vasi angustissimo aqua pleno, & embolus educatur, adhuc sequitur aqua & ramen aqua circumstans non contingitur nisi à modico aere, ergo non elevatur tunc aqua vi aeris prementis, ergo nec in aliis casibus.

Aqua intra antliam elevatur, non vi aeris circumstantia sed metu vacui

CAPUT QVARTUM.

An hydrargyrus intra fistulam vitream suspensus hæreat metu vacui, an vi pressiois aeris circumstantis.

Hidrargyri seu argenti vivi intra vitream fistulam ad aliquam altitudinem suspensi Experimentum, non multis ab hinc annis sive in Italia, ut ego existimo, sive alibi, ut non nemo de se scribit repertum, & millies ab eo tempore ubi vis locorum à viris eximiiis repetitum, multorum ingenia excitavit & calamos, ut effectus tam mirabilis causam indagarent, & scriptis opiniones suas cõsignarent. Præcipui quos legi, sunt, P. Valerianus Magnanus Capucinus (qui & Experimenti primum auctorem, reclamantibus aliis, se facit,) Patres è Societate JESU, Athanasius Kircherus, Nicolaus Zucchius, Paulus Cosatus, Honoratus Fabrii. Patres è

Experimentum hydrargyri intra tubum suspensi.

Qui de eo scripserunt.

Minorem Ordine Marinus Mercennus, & Emanuel Magnan, Georgius Philippus Harstorfius Patrius Norimbergensis, Theologi Varlavienfes apud Valerianum Magnum D. De Robertuall apud eundem; David Lipstorpheus Lubecensis; Chytræus Professor Philosophiæ Lipsiæ; ac novissime P. Melchior Cornæus è Societate JESU in Curriculo Philosophiæ edito hoc eodem anno 1657. quo hæc scribo. Loca pleraque citavi in Mechanica Hydraulico pneumatica Par. 2. Classe 1. cap. 6. Machina 6. uti idem Experimentum breviter descripsi. Hos omnes in varias video distractos sententias: alii enim parum solliciti de causa suspensi hydrargyri, vacui possibilitatem inde deducunt; alii contra ejusdem impossibilitatem inde confirmant, ajuntque vacui metu seu fugâ suspensum teneri mercurium: alii inanem atque ridiculum hunc metum existimantes, vi aeris circum prementis & æquiponderantis eundem mercurium elevari, ac elevatum teneri pronuntiant. Præter hos Auctores sunt nonnulli, nescio an Philosophi nomine digni, qui & hoc, & omnia alia Experimenta reiiciunt. & à Philosophia proscribunt, quasi scholis penitus indigna sint. At quisquis ita sentit, Physicus non est; Physici enim munus proprium est, effectus sensibiles & naturales, hoc est, Experimenta & quotidiana Naturæ Phænomena, ad suas causas physicas reducere Turpe est viro in scholis & cathedris versato, ad minimum Experimentum ita hære, ut vel illud, non sine probro reiiciat, vel non sine pudore ejus causam occultam esse fateatur, vel eam afferat, quæ vel ipsi rei manifeste repugnat. Novi qui in Disputatione publica petitus argumeto à parallaxi; Cometarum sumpto, diceret eam esse Mathematicorum figmentum, non sine audientium offensione. Nec defuit sublimioris subscelii in Licæo Vir, qui è Mathematico quæreret, quid parallaxi nomine intelligerent Astronomi, adderetque animum sibi esse scripto libro ejus inanitatem ostendere, quo quid ineptius? Sed his omissis, quoniam de vi Attractiva Vacui metu, quod primum Hydro pneumaticarum Machinarum principium statuiamus, agimus, & eadem vi hydrargyri suspensionem in dicto Experimento fieri multorum est opinio, Experimenti historiam & varia phænomena primum breviter referemus, deinde aliorum

*Varia de eo
sententia*

*Experimenta omnia
quidem ex-
plodunt sed
perperam.*

sententias proponemus & examinabimus, tandem nostram aperiemus mentem, & aliis examinandam subiciemus.

§ I. Experimenti historia, & varia Phenomena.

Primo, Accipe vas fictile aut alius materiæ, oris ac fundi latiusculi, ut HI retineo (schema Magnani, qui omnium accuratissime rem pertractat) mercurio imple ad altitudinem quinque aut sex circiter digitorum transversorum v.g. usq; ad lineam LM, mercurioque aquam superaffunde, ad totidem digitorum altitudinem, aut minorem. Hoc tamen non est omnino necessarium, sed solum fit ad melius arcendum ingressum aeris intra fistulam, ut dicitur. Deinde accipe unam, duas, tres quatuor, aut quotlibuerit fistulas vitreas, diversæ longitudinis, capacitatis, figuræ, quarum extremitas una vel protuberet in spheram concavam ut apparet in DP; vel clausa sit hermetico sigillo, hoc est, vitro liquato, aut certe (quod sufficere ajunt) vesicæ suillæ seimento optime circumligato. Harum omnium brevissima CP debet esse ad minimum palmorum trium, & novem circiter digitorum (qualium in palmo uno continentur duodecim; reliquæ vero possunt habere palmos quatuor, quinque, sex, novem &c. ad placitum. Demum unam ex his fistulis, v. g. AN (quod de hoc dico, de reliquis etiam intelligi debet) cujus os A clausum, os N apertum est, in versam imple argento vivo ad summum usque & mox erto ore N firmiter applica digitum indicem, & claudes, nullo aere ibi permisso; iterumq; inverte, ut os A clausum sit sursum, os vero N apertum, & digito obturatum, sit deorsum. Ita perpendiculariter erectæ fistulæ os N, digito adhuc obstructis, immerge infra aquam, & sub eum, qui in catino est, mercurium demitte usq; ad fundum ZI: ac tunc amove digitum, & permitte fistulam ut ex parte quidem N fundo vasis insistat, ex altera vero parte consistat erecta perpendiculariter, sustentata vel manu, vel fulcro quopiam idoneo ad id ipsum disposito. Eodem modo procede cum aliis fistulis. Ad experimenti substantiam sufficit unica ex dictis fistulis, dummodo longior sit quàm CB: sed ad omnia Phenomena, quæ recensebam, visu percipienda, requiruntur plures cum dictis conditionibus, nempe aliæ aliis longiores, capacioresque, & diversarum formatum.

Vide Fig.
Ico. XI. K.
Experimenti
hydraguri
historia

Phænomena porto præcipua, quæ hæcenus à diversis, diversis locis ac temporibus, notata fuere, hæc præcipua sunt.

*Experimē
viajūdem
druerſa
Phænomena.*
I. Statim ac digitus ab inferiori fistularum ore amovetur, subsidit mercurius iis inclusus, & deserit superiores partes A, B, DE, effluitque per interiora ora N, O, Q, R, ut ad oculum patet, & auctus in subjecto catino mercurius indicat: non tamen totus è fistulis effluit, sed ad certum solum spatium descendit: quod cum attigit, assurgit iterum nonnihil, iterumque subsidit, ac tandem post aliquot vibrationes quiescit manente parte superiore fistularum vacua ab ipso, inferiore vero usque ad certam altitudinem plena eodem.

II. In omnibus fistulis cujuscunque longitudinis, capacitatis, & figuræ, dummodo breviores non sint tribus palmis & novem digitis, descendit mercurius, eodem tempore & loco, ad unum communem horizontem, hoc est, ad unum communem terminum, seu lineam, v.g. FG, ab inferioris mercurii horizonte LM intervallo trium palmorum Romanorum, & paulo amplius, ita ut tres palmi & paulo amplius cujusque fistulæ pleni maneant mercurio, ab S, ab T, ab X, id est, ab inferioris in catino positi mercurii communi horizonte usque ad supradictum pariter communem mercurii in fistulis penduli horizontem FG.

III. Si fistula aliqua intra catini mercurium erecta pertingat vertice suo solum usque ad communem superiorem reliquarum fistularum horizontem FG, qualis est fistula CP: ea nullatenus depletur: ne ullus ex ea mercurius effluit: effluit vero ex aliis, quæ horizontem FG, vertice superant, quantalibet fuerint magnitudinis aut longitudinis: & componit se constanter in omnibus ad unum eundemque communem horizontem: non quidem ita, ut nunquam, in nullo loco aut tempore, obtineat vel altiorem, vel inferiorem illo, quem semel in uno loco aut tēpore obtinuit: sed quod sibi relictus, & cæteris paribus, non nisi unum habeat in omnibus pariter fistulis, sive in linea FG, sive supra aut infra eam, habet enim aliquando infra eam, ut dicetur.

IV. Si aliqua ex dictis fistulis, altior tamen horizonte FG, v.g. fistula, AN, postquam mercurius ad certum terminum descendit, inclinetur, impletur illa paulatim iterum, sponte mercurio in eam

è subiecto vase regredientes eoque magis impletur, quo magis inclinatur, ita ut quando dicta fistula AN fuerit in AE N, attingens vertice AE horizontem FG sit jam omnino plena mercurio; quo & paulatim iterum depletur, dum iterum erigitur. Idem contingit in omnibus aliis, excepta fistula CP.

V. Statura seu altitudo mercurii in fistulis ex parte plenis, & ex parte evacuatis, major est in loco inferiore quàm superiore, maiorque in valle, quàm in monte. Experimentum fecit annis præteritis Gergoniæ in Gallia diligentissime, ut magno cum apparatu, coram præcipuis ejus Urbis hominibus (ut propterea fides sit indubitata) nobilis & accuratissimus Vir Pererius, ut testatur Magnanus & habetur in dicti Viri Epistola ad Paschalem ea de re Parisiis anno 1648 edita. Primo enim in horto Conventus Patrum Minimorum mercurium deprehendit in fistula altum pollices 26, & lineas 3½, supra horizontem LM externi positi in catino mercurii. Secundo, in alio loco montis supra dictum hortum elevato viginti septem circiter hexapedis, altum deprehendit mercurium pollices 26, & lineam unam: tertio, in alio loco, supra eundem hortum editiorem centum & quinquaginta circiter hexapedis, altum pollices 25. quarto demum in alio loco supra eundem hortum edito circiter quingentis hexapedis, nimirum in vertice montis, altum invenit mercurium tantum 23. pollicibus cum 2. lineis Similem mutationem altitudinis seu stature mercurii intra fistulas deprehendit Romæ, non quidem in diversis locis, sed diversis in eodem loco temporibus, Magnanus.

VI. Postquam è fistula erecta defluxit mercurius, & in suo horizonte FG quievit, si attollas fistulam sic erectam supra fundum catini, sic tamen, ut os ejus inferius apertum condatur adhuc sub ipso catini mercurio: mercurius qui in eadem fistula mansit quasi pendulus, non attollitur, sed suum constanter horizontem FG retinet, et fluente interim per inferius os patens aliqua mercurii quantitate. Et hoc quod dixi, semper contingit, quantumlibet à fundo catini attollatur fistula, dummodo os ejus inferius & patens lateat semper sub catini mercurio. Crescit itaque in his casibus spatium vacuum fistulæ supra mercurium, & spatium plenum usque ad os decrescit.

VII. Si supra mercurium catini nulla est aqua, & fistulam cum suo mercurio pendulo attollatur supra dictum mercurium, ita ut os ejus apertum extet in aere supra horizontem LM, mirabilis pugna & tumultus oritur inter mercurium & aerem: nititur enim exire mercurius, naturalem sibi sub aere leviori sedem requirens, sed obstat aer, qui & ipse pariter instat ad ostium apertum fistulae, requirens naturalem sibi locum, donec commisso veluti praelio uterque vincat: egreditur enim guttatim mercurius & viam facit ingredienti modico aeri, qui quidem non sitatim & placidè, sed bullatim & cum tumultu inter fistulae latus & mercurium pendulum ingreditur, novumque praelium auspicatus, mercurium occurrentem vi magna sursum trudit, allicitque cum strepitu ad fistulae cavum verticem, eumque nonnunquam diffringit, nec cessat talis lucta, donec totus egressus sit mercurius.

VIII. Si fistula est longior seu altior tribus palmis, & oris angusti, impletaque tota mercurio invertitur in aere, ore inferiore liberè aperto, elabitur placidè & absque lucta mercurius, donec altitudo ejus in fistula diminuatur usque ad tres palmos, tunc enim incipit pugna inter eum & aerem, ut antea, nec cessat donec totus effluerit mercurius.

IX. Si supra catini mercurium affusa est aqua ad aliqualem altitudinem, tunc quam primum fistulae os inferius extractum è mercurio catini, ingreditur limites aquae, similis lucta inter ipsam & mercurium fistulae inclusum oritur: ascendit enim cum impetu aqua, & mercurium pellit sursum, qui tamen pondere suo illorum descendit, & dum aqua fistulam subit, elabitur.

X. Quando affusa aqua supra mercurium catini, fistulae mercurio instructae insistent fundo catini, assurgit in eis mercurius supra solitum horizontem FG, eo altius, quo altior fuerit aqua supra horizontem LM.

XI. Si pannus calidissimus fistulae intra catinum erectae circumponatur ea parte, quae mercurio vacua est, mercurius qui pendulus in fistula quieverat prius ad horizontem FG, descendit aliquantulum infra eum, è contra vero ascendit, si apponatur pannus frigidus ex aqua aut nive.

XII. Si postquam in fistula erecta intra cabinum, quievit in ea
mercurius

mercurius ad solitum suum horizontem, v. g. F G. derelicta parte superiore fistulæ, extrahatur fistula è subjecto mercurio ita cautè ut digito ori ejus, antequam extrahatur, supposito caveatur ne aliquid mercurii penduli è fistula elabatur, sed maneat in ea præcisè id solum, quod erat inter duos horizontes LM. & F G, item ne aer irruat in fistulam, mercurius in fistula adhuc pendulus, & digito supposito innitens, eum vix gravat, si Zucchio credimus, id est, digitus vix sentit majus pondus quàm solius fistulæ, cum tamen, quando in superiore parte fistulæ est aer ab initio relictus, & infra eum solum tripalmaris mercurius aut quando in fistula est solum tripalmaris mercurius, & supra eum aer, mercurius gravitet supra digitum, utrum verò, quando in fistula est solum tripalmaris mercurius, & supra eum aer, mercurius gravit. Et supra digirum ait Magnan. se probè id examinasse, & nihil gravitationis potuisse deprehendere.

XIII. Si fistulam longiorem, instructam tripalmari mercurio intra eum pendulo, supposito prius ori ejus inferiori digito, ut dictum invertas, obstrueto semper manente ejus ore, ita ut mercurius ad fistulæ verticem deorsum fluat, sentitur adigi ac rapi violenter intra ipsam fistulam digitus, ita ut caro ejus introrapiatur sicut caro rapitur intra cucurbitulam medicam condensato intus aere antea rarefacto.

XIV. Si fistula dicto modo clausa digito, atque inversa, inclinetur, & mergatur sub aquam ad unum sive duos palmos, situ quasi horizontali, ita ut os ejus digito adhuc clausam aliquantulo altius sit quam oppositus vertex, ad hoc ut ad eum verticem quasi ad locum inferiorem totus colligatur mercurius, amoto digito, statim ingreditur aqua, & totam ad mercurium usque fistulam implet: & tunc quando antea subingressum fuerat aliquid aeris, erumpit ille statim in bullam unam aut plures, & manifestè per aquam evolat: si autem nihil aeris fuit ingressum, nihil erumpit.

XV. Si pisciculi cujusdam vesicula subtiliter ita comprimatur digitus, ut nihil retineat aeris intus, & mittatur in fistulam dum est plena mercurio absque aere, & fistula digito superposito claudatur, & invertatur, deponaturque in subjectum catini mercurium,

ut supra dictum: tunc antequam amoveatur digitus ab inversæ fistulæ ore, erumpit in altum vesicula, cedens gravitati mercurii majori in specie, ascenditque ad fistulæ verticem, ac tum amoto digito, ut mercurius de more subsidat usque ad horizontem FG , vel certè donec fistulæ majoris DP . superior globus D . vacuetur saltem usque ad medium, vesicula innatat residuo mercurio, & turgelcit quasi distenta ut prius erat.

XVI. Pendente mercurio in fistula, si ea vel levissimè perforetur in vertice, ut aerem recipiat, mox omnis mercurius in præceps ruit ac descendit.

*Experimentum
si dicti pri-
mum auctor
quis sit.*

Hoc est experimentum hydrargyri in fistula penduli, & hæc sunt ejus præcipua phenomena, non omnia quidem simul eodem tempore ab eodem observata, sed diversis temporibus à diversis. Ad primum ejus auctorem quod attinet, cum honorem sibi attribuit Valerianus Magnus, qui Anno 1647. Varšaniz in Polonia coram Serenissimo Rege ac Regina primum, deinde coram multis Theologis ex diversis Religionum Ordinibus ad id spectandum & examinandum à Rege vocatis experimentum exhibuit, & scripto postmodum libello vulgavit, sed à plerisque ei contradicitur, cum constet certò id jam ab Anno 1643. fuisse in Italia vulgatum, & eodem Anno Romæ ac Florentiæ celeberrimas inter eruditos de ea reviguisse controversias, teste D. de Roberval in Epist. ad Nobilem virum de Noyen, ubi ait, id Valerianum non potuisse ignorare, quippe qui circa eadem tempora in illis Regionibus degerebat, ut ipsemet sponte concedit. Sed nolim ego hujus controversiæ de primatu arbitri sedere: hoc solum dico, non repugnare plures eodem tempore rem eandem detexisse. Nunc quid de eo sentiant docti, videamus.

*§ 2 Quæ præcipue viri docti circa dictum experimentum
exagitant.*

*De eo quod
disputent
docti.*

Duo præcipue circa hoc experimentum quærent atque exagitant docti. Primo, quid sit in parte fistulæ vacua supra horizontem FG , postquam eo usque mercurius descendit, & jam pendulus in parte inferiore quiescit. Secundo, quid mercurium
dicta

dicta ratione suspensum teneat, ne penitus descendat, & effluat intra subiectum vas. Circa primum tres sunt potissimum sententiarum: alii enim volunt in ea parte esse vacuum alii, in ea esse aerem, aut ætherem extrinsecus advenientem, alii denique esse spiritus quosdam subtilis, à mercurio suspenso exhalatos. Circa secundum, tres itidem sententiæ sunt: alii enim putant, suspensum teneri à solo corpore intus incluso, metu vacui, alii, à solo aere extrinseco æquilibrato cum incluso mercurio, alii denique partim ab incluso illo corpore, metu vacui, partim ab æquipondio extrinseci aeris. Singula examinabimus.

Quid sit in parte fistulae vacua à mercurio.

§. 3. *In parte fistulae vacua à mercurio non est vacuum.*

Aliqui putant, esse revera vacuum in ea fistulae parte, excluso omni prorsus corpore: & quoniam in ea parte movetur sursum ac deorsum mercurius, aer & aqua intromissa, & lumen eam pervadit ut patet ad oculus, ajunt ibidem esse, *Locum sine locato, corpus motum successivè in vacuo & lux in nulli corpori inhærens.* Et hanc vocat Valerianus *Demonstrationem ocularem* horum trium, nempe *Loci sine locato* &c. Argumentum præcipuum hoc afferunt. Dum fistula mercurio prius omnino repleta, & digito oclusa, ita ut nihil aeris inter mercurium & digitum intercedat, invertitur, & os ejus inferius intra aquam & mercurium catini profundèmersum, aperitur remoto digito, nec aer, nec aqua per inferius os ingreditur, & per inclusum mercurium penetrans evadit usque ad superiorem fistulae partem à mercurio vacuum relictam, tum quia omnis aditus aeri & aquæ interclusus est, eo quod os inferius immersum est mercurio, tum quia nullæ apparent bullæ intra fistulam ascendentes, quæ tamen alias copiosè apparent, quando vel una guttula aeris aut aquæ intromittitur, uti patet ex Phænomeno 7. 8. & 9. nec assignari potest quod aliud corpus inibi sit, aut quæ via ingressum fuerit. Ergo revera vacuum ibi est.

Non est ibi vacuum.

Certissimum tamen est, vacuum ibi non esse. Primo, quia Natura id non permittit, ut patet ex dictis Cap. II. Secundo, quia potest assignari corpus quod ibidem sit, & mercuriū metu vacui suspensum teneat, ut parebit. Tertio, quia ex hoc ipso experimento contrarium prorsus probatur, scilicet Naturam fugere vacuum

& ad illud vitandum herere mercurium ita suspensum: nam si vacuum esset in fistula, & nullum corpus quod suspensum teneret mercurium; illico totus rueret deorsum, cum sit in statu violento, ut nemo egare potest, & nulla assignari possit alia causa eum suspendens, uti patebit ex confutatione opinionis dicentium eum ab extrinseco aëre æquilibrato teneri suspensum. Taceo quod in illa fistulæ parte sunt species visibiles, & lumen, quia candelam accensam, & quodlibet aliud illuminatum ex opposita parte collocatum, videmus per ipsam fistulam: ergo corpus aliquod adesse debet intra fistulam; quo recipiantur illæ species & lumen. Contrarium autem, nimirum esse in fistula illa lumen sine subiecto, asseri non debebat, nisi prius probaretur ibidem nullum esse subiectum; quod ex præsentis experimento non probatur.

§. IV. Nec in eadem fistula parte est aer, aut æther à foris admissus.

*Nec aer aut
æther à foris
admissus.*

Alii existimant esse intra vacuum à mercurio fistulæ partem aerem, aut ætherem (hoc est, subtilissimam aëris substantiam omnia facile pervadentem) vel per vitri poros admissum, vel per infernum os apertum furtive illapsum. Addunt, non posse mercurium in fistula plus loci deferere, quam possit ab aere aut æthere illo summe rarefacto impleri vibrationes porro mercurii, antequam quiescat, ideo contingere, quia is pondere suo deorsum fertur, & aerem seu ætherem illum summe extenuatum secum trahit, aer porro seu æther, quia ægre sustinet tantam extenuationem, retrahit se sursum, & secum rapit mercurium, donec tandem facta æqualitate inter vim mercurii deprimentis aerem, & vim aëris resistentem detractioni, cesset pugna.

Sed hanc sententiam valide, & meo iudicio efficaciter impugnatur P. Zucchius, & Magnan. Et quidem quod ad aerem aut ætherem per poros ingressum attinet, licet vitro pori non negarentur, & sponte concederetur posse per eos ætherem saltem penetrare; tamen in casu nostro manifeste falsum est id fieri. Nam si per poros subingreditur æther, fistulam implet à vertice usque ad horizontem FG. cur non ingreditur major copia, & violento inclusi ætheris summe attenuati statui succurrit, efficitque ut

mercurius penitus descendat? sicut enim potest replere partem fistulæ, ita potest replere totam. Deinde cur in omnibus fistulis, cujuscunque longitudinis & latitudinis, ingrediatur præcise tantum solummodo ætheris, ut repleat locum vacuum usque ad horizontem FG. An forte, quia quando mercurius ad eum terminum descendit, non habet amplius pondus, nec amplius deorsum nititur, ideoque natura in æthere illo extenuato non patitur amplius violentiam? minime gentium: nec enim credo, quod supra in Phænomeno 12. asseritur. Certe si ætheri aut aëri externo pateat vel per minimam rimulam aditus intra fistulam, illico mercurius omnis pondere suo delabitur; cur ergo si per poros eidem patet aditus, non defluit eodem suo pondere, sed hæret ad multos dies in eodem statu? Mea argumenta vide apud Zucchium & Magnanum.

Quod vero ad aerem per os infernum fistulæ admissum furtive pettinet, dum ab eo ore digitus intra mercurium catini amovebatur; gratis id fingi, patet ex eo, tum quod nullus aër digitum comitari potuit, quia, ut supponitur fistula fuit prorsus plena mercurio, tum etiam quod quando ex incuria, aut alia de causa, ingreditur vel minima aeris guttula per dictum infernum fistulæ os. id non potest fieri tam latenter, quin cernatur, ut patet ex Phænomeno 7. 8. & 9. Adde quod omni verisimilitudine caret, intra omnes fistulas quolibet tempore & loco, & à quovis instructas, tantum præcise aeris furtive ingredi, quantum sufficit ad replendum vacuum à vertice usque ad horizontem FG.

S. V. In superiore parte fistulæ & spiritibus à mercurio extractis.

QUam primum aliquid de hoc experimento in Sicilia ante Sed oss/spi-
decennium, sub finem nimirum Anni 1647. audiavi ab Illu-
strissimo Domino Carolo Vintimiglia, Equite Panormitano, qui sus à mor-
Valeriani libellum de illo Venetis excusum mihi ostendit: in eam
deveni opinionem, ut dicerem, spiritus seu halitus quosdam è
Mercurio defluente exhalari, qui sursum tendentes, vacuum à
mercurio partem fistulæ relictam replerent. Eandem sententiam
inveni postea in Philosophia Nova de Machinis P. Nicolai Zucchii,
quam

quam Anno 1649. Romæ edidit & ad me in Siciliam misit ; & præterea in Philosophia Fabryana, Appendice de vacuo. Eam etiamnum cum iisdem Auctoris tucor.

Hydrargyri corpora mutantur. Suppono autem I. ranquam certum, & experientia ac ratione comprobatum, mercurio, qui mixtum quoddam ex quatuor elementis est, inesse multum terræ & aquæ, parum ignis, & parum vel nihil aeris. Quod multâ terrâ constet, probat ejus summa gravitas inter omnia mineralia post aurum. Quod multa constet aquâ, vel ex ipso hydrargyri nomine intelligitur, & patet primo ex ejus liquiditate, quæ utique à multo humore est: deinde ex subtilitate, qua facile corpora permeat, atque adeo ipsum aurum & alia metalla solvit: utique ratione humoris, qui cum figuram omnem induere facile possit, per poros facile sese insinuat laxatque meatus, & viam sibi facit: demum ex eo quod sit facile exhalabilis, utique ob humorem, qui facile exhalatur. Quod modico igne constet, patet ex liquiditate: nam multus ignis, si cum multa terra conjunctus sit, duritiem corporibus conciliat, non liquiditatem. Quod denique nullo fere aere constet, patet ex eadem liquiditate: nam liquida, cum poris careant, etiam aëre carent.

Humor facile dilatatur & rarefit. Suppono II. similiter ut certum, & eadem experientia ac ratione confirmatum, humorē facile dilatari, rare fieri, extendi, resolvi. Nam cum aqua sit humida, ac proinde omnem omnino figuram induere possit, mirum non est, si facile rarefcat ac dilatetur: ubi rarefacta fuit, facile avolet. Patet hoc apertissime in spiritu vini, qui ubi vel agitatione rarefcat, tot spiritibus & halibus expiratis replet conclave, ut ii inflammari queant. Quare si aliquod corpus ad evitandum vacuum, dilatandum sit, constetque ex partibus diversis, quarum aliæ difficiliter dilatantur, & evaporant, v. g. ex partibus terreis & aqueis, ut in casu nostro mercurius: certum est, illas dilatari, quæ facilius dilatari possunt, nisi aliqua singularis ratio impediat.

His suppositis, sic formo argumentum. Pars illa fistulæ à mercurio deserta, non est vacua sed plena aliquo corpore, ut probavi §. III. Atqui corpus illud non est aer aut æther extrinsecus per poros intromissus, aut per os inferius ingressus, ut probavi §. IV. aliud

vero corpus præter mercuriales illos spiritus & halitus vapidos assignari non potest, ut discurrenti per omnia patebit; hi vero spiritus facillime è mercurio descendente extrahi queunt, & in altum ascendere, ut ex suppositis hoc §. V. allatis patet; ergo his plena est fistula illa pars. Octo alias rationes ad idem probandū affert Honoratus Fabrii in appendice de vacuo, quas vide apud ipsū. Objectiones cōtra hos spiritus mercuriales solvemus postea.

§. VI. Mercurius in parte fistula inferiore suspensus, non retinetur ab aere extrinseco æquilibrante.

Emanuel Magnan. & aliqui apud Zucchium, parum solliciti *Mercurius in fistula non tenetur suspensus ab aere extrinseco.* trum pars fistula supra horizontem FG, sit omni prorsus substantia corporeā vacua, aut subtilissimo aliquo corpore repleta, nec ne, & solum de causa mercurium infra horizontem FG. in fistula erectum ac suspensum tenente disputantes, existimant, veram, unicam, & adæquatam, ac fere evidentem illius rei causam esse aerem extrinsecum mercurio catini incumbentem, (seu immediate, seu mediante aquā superfusā) eumque pondere suo prementem, eaque ratione impredientem ne totus è fistula mercurius effluat & intra horizontem FG. descendat, sed præcise ad illum usque pertingat. Probat Magnanus id multis argumentis desumptis ex Phænomenis suprà allatis, quæ putat hanc solum sententiā positā salvari & explicari posse.

Ego vero contendo, vanam ac prorsus confictam esse hujusmodi aeris gravitationem ac pressionem, & inde secutam mercurii suspensionem, idque probo argumento unico & convincente, ex hydrostaticis seu barostaticis desumpto, in hunc modum. Columna seu statura mercurii tripalmaris altitudinis (quantam pono gratiā exempli ab horizonte L M. usque ad horizontem FG) cujus basis seu diameter major, plus ponderat, & majori nisu deorsum tendit, quam columna seu statura mercurii æqualis altitudinis, sed minoris basis seu diametri; quod nemo negare potest: ergo prior, ut maneat suspensa in fistula, & non descendat, indiget majori æquipondio, quam posterior, posito quod utraq; ab æquiponderante corpore extrinseco sustineantur; quod etiam nemo audet negare: ergo utraq; columna, eodem tempore eodem loco,

guum aerem & mercurium internum æquiponderare tam copioso aeri & mercurio externo. Contra est secundo, quia quando à principio impletur fistula ad medietatem tantum v. g. & altera medietas relinquitur aere plena, ac deinde obturato orificio patiente invertitur, & immergitur mercurio catini, ut mercurius inferiorem, aer superiorem occupet partem; tunc remoto digito descendit mercurius vel penitus, vel saltem infra horizontem FG, & tamen non plus ponderat quam antea, nisi quantum est pondus modici aeris ipsi incumbentis intra fistulam. Ergo quod maneat suspensus excluso omni aere, non est ab æquipondio aeris extrinseci, quod in utroque casu ejusdem est ponderis. Plura vide contra hanc sententiam in P. Nicolao Zucchio.

§. VII. *Idem mercurius in parte inferiore fistulae suspensus non sustentatur partim ab extrinseco aere æquilibrante, partim à metu vacui.*

P Melchior Cornaus, in sua de præsentis Experimento Diatriba ait, mercurium pendulum sustentari partim à metu vacui, partim ab æquipondio extrinseci aeris. Rationem assignat, quia neutrum caput per se solum sufficit ad illum effectum, nec phænomena ex uno solo salvari possunt; ergo utrumque concurrit, cum constet aliunde similes effectus ab alterutra causa aliquando pendere. At cum ex dictis præcedenti §. constat, extrinsecum aerem aut nullum, aut (si fortassis aliquod) non nisi levissimum Sacoma seu contra pondus addere mercurio intra fistulam suspensio dici non potest universaliter, & in omnibus phænomenis, dictam suspensionem esse partialiter etiam ab extrinseco aere æquiponderante. Cur enim pondus aeris extrinseci sine metu vacui nihil prorsus elevat, aut elevatum tenet mercurium intra fistulam, & cum metu vacui elevat semper ad eandem altitudinem in diversis tubis, cujuscunque sint altitudinis & capacitatis? Mihi certe omnino incredibile videtur, in omnibus casibus vim retentivam seu resistitivam ob metum vacui, & vim elativam seu sustentativam ob æquipondium aeris extrinseci, ita attemperati, & ita inter se quasi inuito cœdere conspirare, ut eandem sæper metam attingant, illa attrahendo, hanc suspellendo. Omitto alia

argumenta, quæ ex aliis phænomenis desumere possem, & pergo ad meam sententiam.

*§. VIII. Mercurius in fistula suspensus hæret metu
vacui tantum, quia nimirum spiritus mercuriales
resistunt vel deductioni, vel dilatationi.*

*Sed tantum
metu va-
cui.*

ET enim videmus effectum suspensionis, & probavimus eum ab extrinseca causa non provenire sed intrinsecam vim retentivam ac suspensivam assignari debere, aliunde verò scimus, similes effectus à metu vacui dependere, ut quando aqua in vase irrigatorio suspensa manet aut in fistula extracto embolo, aliaque similia contingunt quæ supra cap. i. enumeravimus, dicendum ergo, & in casu præsentis eundem effectum ab eadem causa pendere, præsertim cum omnia phænomena supra §. i. enarrata consentiant ut videmus. Suppono autem, vim illam spirituum resistitivam educationi ac dilatationi metu vacui, non esse infinitam, sed vinci posse à pondere mercurii deorsum nitentis. Quare quando major est gravitas mercurii quam vis retentiva seu suspensiva metu vacui, descendit mercurius usque ad certum terminum, donec nimirum pondus ejus ita minuatur, ut inrer ipsum & vim resistitivam metu vacui fiat æqualitas. Quando vero minus est pondus mercurii quam eadem vis resistitiva, aut ipsi æqualis, non descendit, sed hæret suspensus in fistula. Experientia porro docuit hæcenus, staturam seu columnam mercurii trium palmorum Romanorum & paulo amplius habere pondus æquale virtuti resistitivæ metu vacui, staturam vero majorem habere pondus majus. His positis, omnium Phænomenorum supra enarratorum causam assigno. Nam

*Phæno-
menon
omniū
supra enar-
ratorum
causa assi-
gnatur.*

I. In omnibus fistulis longioribus quam tribus palmis & novem digitis, descendit aliquo mercurius, & ascendit spiritus, quia major est gravitas ipsius quam vis resistitiva prædicta. Descendit autem usque ad certum terminum, ibique quiescit, quia cum ibi est æquatur pondus cum vi resistitiva spirituum. Non quiescit tamen nisi post nonnullas vibrationes sursum deorsumque factas intra & supra præfixum à natura terminum, qui est horizon F G. v. g. Infra quidem cum trahitur, quia in descensu imperum concipit, qui cum tripalmari & tridigitali mercurio junctus superat vim resisti-

resistitivam, sursum verò reducitur, quia pondere mercurii minuto prævalet vis resistitiva, & rapit eum sursum ultra terminum, facitque ut pondus ejus sit iterum auctum, ideoque iterum descendit, iterumque ascendit, semper tamen minus, ac minus donec æquatis viribus ponderis & resistentiæ, fiat consistentia & quies.

II. In omnibus fistulis, cujuscunque longitudinis & capacitatis, dummodo superent tres palmos & novem digitos, ideo descendit mercurius ad eundem semper terminum usq; , nimirum usque ad FG. v. g. eumque non superat, neque excessu, neque defectu in eodem tempore & loco, quia omnis altitudo mercurii supra illum terminum superat resistentiam quam habent spiritus mercurii ne educantur & dilatentur, omnis verò altitudo infra eum superatur à prædicta resistentia, altitudo verò usque ad illum terminum adæquat resistentiam.

III. Quod verò in diversis temporibus ac locis non omnium fistularum mercurius descendens attingat præcisè eundem terminum seu horizontem FG. quem aliis temporibus ac locis attingerat, sed aliquando in omnibus infra, aliquando supra consistat, causa est minor aut major quantitas subtilis humoris seu spiritus qui inest mercurio, & ex eo educitur: item magis vel minus alta immersio intra subiectum mercurium. Quod autem aliquando plus, aliquando minus spirituum insit, dubium esse non debet, quia ut alia mixta, ita & mercurius diversis temporibus & locis diversimode afficitur à circumstante aere & aliis ambientibus. Quod etiam pro majori aut minori immersione plus aut minus exhalet, causa est, quod non solum à mercurio intra fistulam suspenso, sed ab eo etiam qui affluxit infra, hujusmodi humor ac spiritus extrahuntur. Hinc totus ille mercurius qui descendit, est minus exhalabilis quam antea erat. Cur verò fistula, cujus vertex pertingit solum ad horizontem illum communem, ad quem usq; mercurius descendit, nullus effluat, jam diximus causâ esse, quod gravitas ejus non superat resistentiam spirituum qua educationi ac dilatationi suæ resistit. Dices, si vis resistitiva spirituum mercurii in omnibus fistulis sufficiens est ad suspendendû tres palmos mercurii, nec plus, nec minus, ergo in omnibus est eque dilatatus ac rarefactus, quod tamè incredibile videretur Respondco, id verissimum esse, nec aliter fieri

posse in eodem loco & tempore, posito quod omnibus fistulis infusus fuerit mercurius ejusdem qualitatis. Etenim in omnibus servatur eadem proportio. Nam si unus palmus mercurii descendens in vas subiectum, eam humoris ac spiritus prædicti copiam una cum incluso mercurio suppeditat, quæ necessaria est ad replendam cavitatem unius palmi in fistula, ergo duo palmi descendentes suppeditant, quantum satis est ad replendam cavitatem duorum palmarum, tres, trium &c. vides proportionem. Si igitur huiusmodi spiritus seu humor sufficiens est in prima fistula ad suspendendos tres palmos mercurii, etiam in reliquis fistulis sufficiens erit. Ecce salvatum phænomenum, quod insolubile videbatur. Dicam clarius. Sint tres fistulæ una quatuor, altera quinque, tertia sex palmarum, ex prima effluit unus palmus, & vacuus manet unus etiam palmus, ex secunda effluunt duo palmi, & vacui manent duo palmi, ex tertia denique effluunt tres palmi. & vacui manent tres palmi: sicut ergo in primo casu tres palmi manentes intus cum uno effluente, sufficit ad replendum unum palmum spiritibus, ita in secundo casu tres manentes & duo effluentes sufficiunt ad replendos duos palmos spiritibus, & ita in tertio casu tres minuentes & tres effluentes sufficiunt ad replendos tres palmos spiritibus.

IV. Phænomeni causa est, quod mercurius trium palmarum in fistula inclinata minus ponderet, hoc est, minus nitatur deorsum, quam in fistula erecta (ut patet in omnibus ponderibus jacentibus in planis inclinatis) & quidem quo magis inclinatur fistula, eo magis minuitur pondus tripalmaris mercurii; ideo vis resistiva dilatati spiritus, quæ antea æqualis erat ponderi mercurii, tunc semper magis ac magis fit superior ac fortior, ideoque remittendo à violenta dilatatione, & reducendo se ad minorem molem tandemque suæ origini se iterum commiscendo, trahit post se mercurium tripalmare jam victum, hic autem ne vacuum detur in fistula, secum trahit mercurium è vase supposito.

V. Phænomeni causa patet ex jam dictis: nam in diversis locis, propter aeris ambientis diversam constitutionem, diversimodè afficitur mercurius, & consequenter humor ac spiritus ejus, unde pondus trium palmarum mercurii suspensi, quod in loco inferiore æquabatur

æquabatur à resistantia spirituum, in superiore superat illam, & consequenter ad suspensionem requiritur minus pondus, hoc est, minor mercurii altitudo.

VI. Phænomeni causa est: quia dum elevatur fistula, statura mercurii intra horizontem catini LM, & horizontem FG, tantum crescit & elevatur supra FG, quantum elevatur fistula supra fundum catini. Cum igitur spiritus inclusi non possint suspendere plus mercurii, quam quantum est inter LM. & FG. necessario debet subsidere denuo, donec perveniat ad priorem horizontem FG. Ne tamen spiritus inclusi nimium dilatentur, ingrediuntur eodẽ tempore novi, & replent spatium à mercurio descendente relictum.

VII. Phænomeni causa patet ex ibi dictis: exoritur enim pugna, quia aer, ut pote levior mercurio, nititur ingredi, & laboranti Naturæ succurrere esseque supra mercurium se graviorem, mercurius vero, ut gravior aere, nititur egredi, & esse infra ipsum.

VIII. Phænomeni causa est, quia antequam evacuetur fistula usque ad tres palmos, pondus mercurii vincit resistitivam virtutem, & exhalat spiritus suos: postquam autem pervenit ad dictum terminum, æquata est gravitas cum resistantia, & tunc incipit pugna inter aerem & mercurium, ob causam antea dictam.

IX. Phænomeni causa eadem est quæ septimæ, quia scilicet mercurius nititur esse infra aquam.

X. Phænomeni causa fortassis est, quia sicut antea solum pondus mercurii fistulæ, qui erat inter superficiem supremam mercurii catini & inter horizontem FG, pugnat cum virtute resistitiva & deorsum nitebatur (nam reliquum quod est inter dictam superficiem & fundum Catini, non nititur deorsum) ita affusa aqua, solum pondus illius quod est inter supremam superficiem aquæ & horizontem FG. pugnat cum eadem virtute resistitiva, & deorsum nititur: & quoniam pondus hoc minus est quam antea erat (quia brevior facta est statura mercurii inter utrumq; limitem, aquæ scilicet & FG.) ideo vis resistitiva spirituum vincit, & sursum trahit mercurium, donec tantum fiat pondus ejus, quantum erat antea.

XI. Phænomeni causa est, quia tunc inclusi spiritus magis dilatantur aut contrahuntur, ideo vel expellunt, vel alliciunt mercurium.

XII. Phæ-

XII. Phænomeni causa est, quia licet ex una parte mercurius pondere suo deorsum tendat, ex altera tamen parte sursum trahitur à spiritibus inclusis, & suspensus tenetur: mirum ergo non est quod pondus ejus seu gravitatio supra digitum minuatur.

XIII. Phænomeni causa per se patet: quoniam enim spiritus intus inclusi, sunt violenter dilatati, rapiunt ad se quod possunt.

XIV. Phænomeni causa etiam facile patet: nam cum aqua si gravis, & spiritus levissimi, ac nimium dilatati cedunt hi aquæ ingredienti, & vel interim erumpunt, vel condensati resolvuntur in aquam vel mercurio iterum permiscuntur.

XV. Phænomenum expresse probat non esse in fistula vacuum, sed corpus aliquod rarum, quo vesicula repleatur.

XVI. Phænomenum probat, spiritus inclusos esse rarissimos & locum cedere aeri ipsi graviori ingredienti.

Hæc fusius deducere volui ut videas, sine sufficienti fundamento à Modernis recedi ab Aristotelica & Peripatetica doctrina de vacui impossibilitate; quæ sententia cum à tot jam sæculis in pacifica fuerit possessione, non erat sine evidenti ratione deferenda.

ANNOTATIO.

I. **Q**uod diximus §. III. precedente, Num. III. in omnibus fistulis cujusunque altitudinis & capacitatis, non plus, nec minus spirituum suppeditari, quam sufficiat & necessarium sit ad mercurium suspendendum; Honoratus Fabry in appendice sua de Vacuo Num. o. in hunc modum explicat Idem prorsus accidit experimentum, siue fistulæ basis sit major, siue sit minor, nempe ad eandem semper unius ulnæ altitudinem metu vacui, mercurius subsistit, nec infra illam descendit: quia licet aucta basi augeatur pondus; augetur etiā resistantia: nam perinde se habet fistula, cujus basis major est, atq; adeo ipsa fistula crassior, atq; si essent plures fistulæ minores, simul junctæ. Quod autem augeatur pondus in ea proportionem, in qua augetur resistantia: manifestum est: quia fistula duplo crassior altera, sitq; illa B. hæc C. utraq; ejusdem altitudinis: certe pondus mercurii, qui continetur in fistula B. est duplum ponderis fistulæ C. ut patet: sed duplum illud pondus, debet dilatare totum illi humorem contentum in cavitare, quæ superat superficiem mercurii, fistu.

fistulæ B subduplum vero, illum qui continetur in superiori cavitate alterius fistulæ C. est autem ille humor adhuc, ut cavitas ad cavitatem; sed cavitas superior fistulæ B. est dupla alterius; igitur humor ille duplus alterius, igitur resistentia dupla, ut patet: scilicet duplo plures partes eodem dilatationis gradu dilatæ. Igitur sive subtilior, sive crassior sit fistula, ad eandem unius ulnæ altitudinem, metu vacui, subsistit mercurius. Hæc Fabry.

CAPUT QVINTUM.

An aqua in tubo Bertiano suspensa hæreat metu vacui, an vi libramenti extrinseci aeris.

IN mechanica Hydraulico-pneumatica Par. 2. Classe 2. cap. 6. *Experimentum aqua intra tubum suspensa.*
 Machina b. descripsi breviter, & explicavi ex Kirchero & Zucchio, experimentum aliud, quo vacui possibilitatem aliqui stabilire conabantur; quod *Berti tubum vacuo vacuum* ibidem appellavi, ideo, quia à Gaspere Berto exhibitum inter alios fuit. Idem experimentum accuratissime descriptum inveni postea apud *Emanuel Magnanum* c. 20. Philosophiæ Naturæ proposit. 10. in qua descriptione licet discrepare non nihil à Kirchero & Zucchio videatur, revera tamen non discrepat, quia sæpius & variis modis exhibitum fuit experimentum à Berto: & quæ ego citato loco mechanicæ scripsi, non solum ex duorum dictorum Auctorum scriptis hausi, sed ore tenus etiam ab iisdem Romæ audiui, uti & à viro doctissimo Raphaele Magiotto Florentino, qui ipsemet, uti & Kircherus & Zucchius, interfuit dum experimentum à Berto exhibebatur; Magnanus verò nunquam spectavit coram experimentum à Berro exhibitum, sed solum ore tenus ab eodem narratum audivit, ut ipsemet fatetur. Nolo hic retexere historiam experimenti, quoniam apud multos extat. Solum ajo, quod suspensio aquæ intra dictum, non est propter libramentum extrinseci aeris, ut vult Magnanus, sed est propter metum vacui. Ratio est eadem quæ prioris experimenti. Et confirmatur ex eo, quod postquam descendisset aqua ex superiore parte tubi, & stetisset pēdula in inferiore, clausū fuit os inferius, & relicta Machina in eo statim tota nocte, & postero die reperiū fuit os clausū partē aquæ prius delapsæ & cuppa subiecta exceptæ, resorbuisse, utique quia

In illo aqua non suspenditur propter libramentum extrinseci aeris, sed propter metum vacui.

humores subtiles aquei inanitatem tubi replentes, nocturno frigore condensati ad minus spatium se contraxerant unde ne vacuum in tubo fieret, aqua violenter per subtilissimos meatus clausioris fuit resorpta. Nam incredibile est, aerem circumstantem nocturno frigore adeo fuisse redditum graviorem, ut aqua in cuppa contentam premeret tam valide ut etiam per clausum os tubi ingressum illa patefaceret. Argumentum contra aeris libramentum. quod § VI præcedentis capitis fecimus, huic Experimento accommoda.

In quantâ
altitudine
suspendi
possit
aqua.

Ad quantam porro altitudinem aqua intra tubum suspendi queat ac soleat metu vacui, vix potest geometricè definiri. Qui suspensionem illam fieri putant vi aeris prementis, ulnas seu cubitos decem & octo illi attribuunt. Idem asserunt nonnulli de suspensione metu vacui facta. *Honoratus Fabricii* in Appendice de vacuo Num. 24. statuit hanc regulam, eamque ait certissimam esse, nimirum altitudinem aquæ in hoc experimento, ad altitudinem mercurii in præcedente experimento esse, ut pondus seu gravitas mercurii, ad gravitatem aquæ, id est, prædictas altitudines esse, ut pondera permutando. Ideo si pondus mercurii ad pondus aquæ, datâ molis paritate, est ut 18. ad 1. erit altitudo mercurii ad altitudinem aquæ, ut 1. ad 18. Hoc si verum est, non tantum valet in aqua, sed in omni liquore. Unde altitudo auriliquati, erit omnium minima, tum altitudo hydrargyri paulo major, tum plumbi, aquæ, vini, olei, aeris, &c.

CAPITULUM SEXTUM.

Qua virtute ascendat aqua intra tubum, & phialam, in Experimento Magdeburgico.

Experimentum
Magdeburgicum
novum.

IN fine mechanicæ nostræ experimentum novum Magdeburgicum dedimus, in ventum non ante multos annos ab Amplissimo Domino Ottone Gericke, Magdeburgensis Reipublicæ Consule, in quo extracto primum aere per antliam pneumaticam vel è sola phiala, vel è tubo longissimo & phiala simul, si os inferius tubi aut phialæ aperitur intra aquam, ea tanto cum impetu irrumpit, ut fontis instar in altum exiliat & tanta copia, ut solam phialam penitus fere, tubum vero solum ad altitudinem fere 20. ulna-

ulnarum repleat: Quæsi loco citato, num extracto aere sit intra phialam aut tubum revera vacuum, an vero corpus aliquod summe rerefactum. Proposui utriusq; partis argumenta, & in Peripateticorum sententiam de non vacuo non obscure animum inclinaui. Quâ vero virtute aqua ascendat, & postquam ascendit, suspensa maneat, etsi leviter insinuaverim, minime tamen ibidem definiui. Hic ergo definiendû id est, quoniam huc propriè spectat.

Auctor experimenti in pluribus litteris ad me frequenter datis ait, ut ibidem etiam dixi, aquam per inferius tubi aut phialæ os apertum, aere prius extracto, ingredi, & intra tubum, dummodo sufficientis is longitudinis sit, ut 30. 40. aut plurium ulnarum, ascendere, & postquam ascendit, suspensam hæere, propter pondus aeris tubum aut phialam circumstantis, & aquæ, cui os infernum tubi aut phialæ immersum est, incumbentis, eamque intropellentis ad tantam altitudinem, si tubus ut dixi, sufficienter longus est, donec inter pondus aquæ intus contentæ, & pondus aeris foris aquæ incumbentis, fiat æquilibrium quoad pondera. Hanc autem altitudinem putat ipse, quantum ex iteratis operationibus colligere potuit, esse 20. circiter ulnatum. Magnus tamen diceret, ad 18. cubitorum altitudinem ascendere tantum, & non amplius, quia ad tantam altitudinem pondus aeris extrinseci eam elevare potest & non maiorem.

Ego vero propter difficultates allatas c. 4. præcedente §. VI. contra similem, vel potius eandem causam sustentantem mercurium intra fistulam, & propter alias mox afferendas, ajo, aquam vi attractivâ ingredi propter metum vacui, hoc est, aerem subtilissimum, & ad summam raritatem reductum, ac phialam implentem, & ad statum suum naturalem se reducere nitentem, attrahere ad se aquam, aperto inferiori osculo.

Difficultates autem contra allatam de pondere aeris premensis opinionem, sunt sequentes, præter allatas antea citato loco.

I. Quia, ut loco proximè citato dixi circa experimentum hydragryi & insinuavi in mechanica §. VII. circa hoc præsens experimentum Magdeburgicum, aqua in omnibus tubis, cujuscunq; capacitatis seu amplitudinis sint, & cujuscunq; longitudinis (dummodo excedant ulnas 20. ad quas aqua ascendere solet,

*Qua virtute ma-
nentis aqua
in eo suste-
ritur.*

*Non vi pre-
mensis aeris extrin-
seci id fit.*

ut ait Auctor experimenti) ad eandem semper altitudinem ascendit, si aer prius extractus fuit ut Auctor fatetur, Ergo non ascendit propter gravitatem aeris extrinsecæ aquæ incumbens tanquam propter æquipondium. Consequentiam probō, quia idem pondus non potest æquiponderare diversis ponderibus, aut se maioribus, aut se minoribus, sed tantum ponderi sibi æquali, v. g. pondus decem librarum non potest æquiponderare & libris sex & libris viginti, sed tantum libris decem, nisi per machinam aliter & aliter applicetur pondus decem librarum, ut ex mechanicis patet: sed columna aquea 20. ulnarum intra tubum gracilem suspensa, & alia columna aquea totidem ulnarum intra tubum amplum suspensa, sunt diversi ponderis, aer vero circumstans, & aquæ incumbens, est unius & ejusdem ponderis eodem tempore, ergo non potest eodem tempore attollere, tanquam æquipondium, utramque columnam. Alia ergo causa ascensionis & suspensionis assignanda est.

*Responsio
Auctoris ac-
curatior.*

Respondet Auctor Experimenti, uti loco cit. in mechanica dixi, posse eundem aerem attollere ad eandem altitudinem utramque columnam, quantumvis pondere differentem, idque probat à pari: si enim, inquit, è cuppa supra horizontem elevata ulnis v. g. 20. & aquis repleta, descendant duo inæqualis capacitatis tubi usque ad horizontem, indeque curvari ascendant iterum ad altitudinem majorem quam 20. ulnarum, aqua è cuppa in utrumque defluens, ascendit ad eandem præcisè in utroque altitudinem, tantam nimirum quanta est altitudo cuppæ, non obstante inæqualitate ponderis aquæ in tubis. Eodem ergo prorsus modo, inquit aer in certo pondere terræ & aquæ incumbens, ad eandem altitudinem in omnibus tubis aquam attollere debet. At hæc paritas non subsistit. Non enim aqua cuppæ aut tubi descendens, pondere suo elevat aquam tubi ascendens. Tametsi enim tubus descendens strictissimus sit, & modicissimæ aquæ capax, tubus vero ascendens sit capacissimus, & immensi ponderis, aquæ capax quantum nimirum toto Oceano includitur, adhuc tamen per hunc aqua ascendet ad altitudinem cuppæ. Alia ergo causa est, cur aqua ascendat ad altitudinem suæ originis, quam explicavimus in mechanica Part. I. Protheoria 4. cap. 1. At in casu præsentis, aqua in utroque tubo propellitur

pellicur sursum pondere aeris, tanquam æquipondio, ut ajunt ipsi, & nos impossibile esse probavimus. Nulla ergo est paritas.

II. Quia si ex tubo non extrahatur aer, & os ejus inferius immergatur aquæ, & superius os maneat apertum, non ingreditur aqua ad majorem altitudinem quam eam, ad quam pertingit aqua exterior, hoc est, superficies suprema aquæ in tubo est æque alta cum superficie suprema aquæ extra tubum, & tamen idem manet pondus aeris aquæ externæ incumbentis, ergo nihil facit ad elevationem aquæ intra tubum etiam evacuatum pondus aeris extrinseci. Probo consequentiam quia si aliquid faceret ad elevationem intra tubum vacuum, deberet etiam aliquid facere ad elevationem intra tubum plenum aere: tamen si enim non elevarer ad tantam altitudinem in pleno, sicut in vacuo, deberet tamen elevare ad aliquam, quia aer tubi potest egredi. Nec dicas, aerem tubo aperto incumbentem facere æquipondium cum aere externæ aquæ incumbentem: hoc enim falsum est, cum hic longè copiosior sit quam ille. Confirmo argumentum hoc experimento. Accipe vas cylindricum aqua plenum, & aquæ superpone operculum rotundum quod perfectè expleat capacitarem vasis, hoc est, sit æqualis diametri cum vasis inanitate, operculum hoc perfora in medio, & per foramen intrude fistulam utrimque apertam, & vase altiore, quæ tamen perfectè impleat foramen operculi. His factis, aqua intra fistulam ascendit ad tantam altitudinem, ad quam ascendit aqua extra fistulam, & non majorem, quantumcunq; aeris incumbat operculo. Deprimatur jam operculum, ut intra vas descendat, ascendet aqua intra fistulam, & effluet per os superius, non obstante aere superiore fistule partem vacuum antea replente, & hoc ideo, quia aqua premitur deorsum à pondere ipsi incumbente. Si ergo aer circumstans tanto pondere premit aquam, & etiam operculum aquæ vasis impositum, cur non propellit aquam intra fistulam sursum, ne hilum quidem.

III. Quia extracto prius aere è rubo, & aqua ad ulnas etiam 20. suspensa, si tubi pars superior in vertice, aut latere, modicissimo per foretur, ut aer solù statim ingredi queat, statim descendit aqua suspensa, & superficiem suam coæquat superfici ei aquæ externæ in vase, & tamen idem aer cum toto pondere suo adhuc incubit aquæ

externæ. Cur ergo si premit aquam externam, & sursum pellit atque suspendit intra tubum, cur inquam non sistit descensum, si non totaliter, saltem ex parte?

Plures occurrebant difficultates, quas omitto, ne longior sim, & ad alia pergo.

CAPUT SEPTIMUM.

*Vtrum aqua in vase irriguo suspensa maneat metu vacui,
an ut acris subtus prementis.*

*Ubi irrigui
hortense.*

HActenus aerem deorsum prementem fecerunt Neo-physiologi, quod tolerabile utcumque est: nunc eundem sursum prementem efficiunt, quod omnino intolerabile videtur. Ad stabilendam opinionem suam, inter alia in considerationem adducunt vas irriguum hortense, de quo supra cap. . Phænomenon VII. quod licet subtus cribri modo pertusum sit nulle foraminibus, si tamen os ulum superius pollice claudatur, & vas ad perpendicularum erectum teneatur, aut quo libuerit deportetur, ne guttula tamen aquæ, qua plenum est, vel omnino, vel aliquo usque effluit, nisi remoto pollice concedatur aeri ingressus. Causa hæc à Stagyrîtæ temporibus, ac fortassis etiam à primis Philosophiæ initis, retulerunt Philosophi in vacui metum, ne si subtus aqua effluat, supra aer non succedat, discontinuetur aqua à vasis parte superiore, & inanitatem inducat adeo naturæ odiosam, uti mille docent experimenta. Nam arridet hoc Magnano, qui sæpe citato cap. 20 Philosophiæ naturæ, Proposit. 11. inde probat ejus rei causam non esse vacui metum, quia si altitudo vasis hujus esset palmorum, v. g. 40. & aquis ad summum usque repleta, quantumvis obturatum esset superius spiraculum, eo casu nihilominus effluerent quatuor circiter aquæ palmi, reliqui vero 36. suspensi manerent (prout fit in fistula seu tubo longo, de quo cap. 5.) & tamen non minor vacui metus esset tunc, quam cum altitudo ejus solum unius esset palmi. Nimirum tolerabilius videtur huic Auctori, vacuum in tubi illius & vasis hujus longissimi parte superiore admittere, quam concedere determinatam & à natura præscriptam mensuram inter pondus aquæ deprimentis, & vim resistitivam descensui, quæ vis si superetur à pondere aquæ, hæc descendat,

*Qua de
causa in
suspensa
maneat
aqua.*

descendat, & partem à se relictam humoribus exhalatis repleat.

Sed audiamus quam ipse Magnanus causam assignet suspen-
sionis aquæ in vase irriguo ordinario. *Sumamus*, inquit, *illas tan-* *Magnani
opinio.*
tum aqua intus clausa partes quæ à fundo usque ad summum vasis directè
ad perpendicularum imminet singulis foraminulis, nam quidquid aquæ
præterea est in vase, sustinetur à paribus fundi solidis, ut putoper se
satis esse clarum. Imo rem ita supponamus, quasi unum tantum esset sub-
tus in eo vase foraminulum, quod enim de uno dicitur, dictum intelligi-
tur de reliquis, etiamsi foret 100000. cum evidenter sit ratio prorsus ea-
dem. Itaque isti assumpto foraminulo, si vis, orbiculari imminet aqua cy-
lindrus ejusdem diametri, sed altitudinis ex facta hypothesi palmaris,
quanta nimirum est altitudo vasis. Istum vero cylindrum, quamdiu sola
sua gravitate nititur ad descensum, sustinere potest aer circumpellens,
multo facilius quam cylindrum pariter aquenim, sed altum cubitos 18. in
fistula præcedentis propositionis (de qua cap. 5. præcedente egimus)
Et quamvis sit aliquod discrimen in eo, quod osculum dictæ fistulæ sit in-
tra dolium sub aquam demersum, propositum vero foraminulum, &
aqua in eo pendula, expositum sit immediatè aeri libero, tamen ob exi-
guum cylindri aquei palmaris pondus, nulla est ejus aque guttula, quæ vel
sola, vel adjuncta à reliquo cylindro, vincere possit aerem ad ostium ob-
sistentem, cum aer & aqua non consentiant ire filatim, sed guttatim ire
sentent, & ostium sit valde exiguum. Aliiter autem se res habet, quando
spiraculum superius reclusum est: tunc enim aer per illud infusus, &
dicto cylindro aqueo insistens, sive directè, sive ex obliquo, cum sit virtu-
te gravitandi equalis ei qui reflexè ad ostium subius obsistit eidem aque
lapsura, tantundem eam juvat ad lapsum, quantum ille obniti potest: unde
in eâ paritate, hinc obicis, inde juvaminis, prævalet aquæ pondus ratione
sui majus in specie, & elabitur aqua fluxu naturali suo. Hoc Magnanus.

Contra hanc philosophandi rationem hæc habeo I. Si aer etiam *Impugna-*
subtus collocatus obnititur cylindrulis aqueis ne effluat, quæro, *tur primo.*
an tantum impediunt fluxum, sicut impediret digitus foraminulis
appositus, an vero premendo ac pellendo aquam sursum. Primum
dici non potest, cum fluidus sit aer, & aqua sit ipso gravior in spe-
cie, seu data paritate molis, gravia autem posita supra humidum
levius in specie merguntur, ut quotidiana experientia docet in la-
pi de posito supra aquam. Nisi velis dicere lapidem non sola sua
gravitate

gravitate sed adjutum gravitate aeris incumbentis descendere; quod omnino stolidum esset asserere & à nemine hætenus asser-
tum. Imo contrarium omnibus asseritur & experientia compro-
batur, si lamina plumbea in cymbulam elaboretur, ut aerē intra se
capiat, minime jam descendere infra aquam, cum tamen tunc aer
non minus ipsi incumbat, quam antea cum plana esset. Si dicatur
secundum, & in fundo sint v. g. 100. foraminula, & 100. cylindruli
aquei ipsis superpositi, & pollice tecti, isti 100. cylindruli à 100. ae-
ris cylindris subtus positos deberent tanta vi sursum pelli, ut pollicē
impellerent, & manus non tantum sentiret pondus vasis & aquæ,
sed etiam impulsus aeris aquam pellentis sursum, quæ tamen
omnia sunt contra experientiam, rationem, & omnium homi-
num opinionem.

*Impugna-
tur fundo*

II. Si fundus vasis irrigui repandus sit, & intus incurvatus, & in-
sistat plano alicui, ita ut omni aeri aditus intercludatur ne fundū
subire possit, & solum relinquatur ille qui inter planum & cavum
fundum interjectus est; quam diu pollice occluditur os superius,
nihil effluit è fundo; incredibile autem omnino videtur exiguum
aerem inter planum & fundum interjectum impedire sua gravi-
tate effluxum tot cylindrulorum aqueorum. Ergo aer non est
causa sustentans ac suspendens aquam in vase illo.

*Impugna-
tur foris.*

III. Si fundus habet 100000. foraminula, supra ea premunt
deorsum 100000 cylindruli aquei, infra vero ea premunt sursum,
vel saltem obnituntur fluxui aquæ ex Magnani mente, 100000.
cylindruli aerei, & tamen si in ore superiore sit unum solum mi-
nimum foraminulum, per quod aereus cylindrus ingrediatur,
illico effluit ex omnibus fundi foraminulis aqua, nec quidquam
obistente aere subtus posito; incredibile autem videtur, unum
solum aereum cylindrum supra incumbentem aquæ, & paula-
tim ingredientem, supremamque superficiem aquæ operientem,
superare pondere suo, una cum pondere aquæ inclusæ (præfer-
tim cum vas exiguæ est altitudinis) pondus totius aeris subtus
expansæ, si is pondus habet majus quam aqua inclusa, & sursum
pellit aquam, aut obnititur aquæ fluxui. Omitto plura quæ
contra occurrunt, farinae sunt quæ habet idem Auctor de eva-
cuatione lagenæ, & elevatione laminæ alteri adhærentis, &
simil-

similia, quibus refutandis non lubet diutius immorari. Hoc solum dico, viam in philosophia tot annis à tot excellentibus ingeniis tritam, non esse deferendam, nisi vel ob manifestissimas & irrefragabiles experientias contrarias, vel ob evidentissimas rationes convincentes, vel denique ob erroris periculum in fide Catholica. Fuit ab omni ævo, & etiamnum est, omnis novitas periculosa.

CAPUT OCTAVUM.

Incycatho inverso vinum suspendere, metu vacui.

REm ludricam & inter compotantes in mensa facile exhibendam, describit Portalib. 3. Pneumaticæ cap. 7. Accipiat^{vinum suspendere in}ur cycathus vitreus cylindriciformis, capacitatis & altitudinis non modicæ & vino impleatur. Accipiat^{ur cycathus inverso, metu vacui.}ur præterea crater, cuius fundus sit planus, & labra parum alta, & eo inverso cooperiatur cycathus, ita ut fundus crateris inversi jaceat supra os aperti cycathi. His factis, pone manum supra craterem, cumque cycatho fortiter apprime, altera vero manu apprehende cycathum, & invertè utrumque simul summà velocitate ac dexterritate, & supra mensam colloca: eritque crater erectus, cycathus vero supra craterem inversus. Mox igitur per rimas inter crateris fundum & cycathi labrum erumpet vinum intra craterem, tamdiuque fluet, donec rimæ à vino circumobsideantur, & aeri ingressus in cycathum prohibearur; tum enim cessabit fluxus, & vinum intra cycathum hærebit suspensum metu vacui. Mox vero ut admoto ore quis sorbuerit vinum è cratere immoto manente: iterum discooperientur rimæ, iterumque patebit aditus aeri intra cycathum: fluet igitur ut antea vinum donec rimæ cooperiantur, & aeris ingressus cesset: tunc enim iterum cessabit fluxus vini, & residuum hærebit suspensum vacui metu. Hæc ratione omnes convivæ ex eodem cratere & scypho bibent, non sine cacchinnis.

Magnanus diceret, suspensionem vini intra cycathum non fieri metu vacui, sed pressione aeris circumstantis, quia nimirum aer vino crateris incumbens id premit, & descensum vini è cycatho prohibet. Sed cur epoto vino è cratere & discooperitis rimis, idem aer

crateri incumbens, non prohibet descensum vini & sch. plio, cum sit longe majus pondus aeris quam vini, ex Magnani teorema, qui concedit aerem suspendere posse cylindrum aquæ, & multo magis vini, quod levius est aquâ 18. cubitorum? Dicer, quia aer subingrediens, & ad summa penetrans vinoque cyathi superiori incumbens, id deprimit. Sed contra est I. quia prius quam aer penetravit ad summa, vinum affluit II. Tam parum aeris quod ingreditur, non potest prevalere contra pondus aeris externi longe copiosioris. Dicer, aerem illum exiguum se solo non posse prevalere contra aerem externum, posse tamen una cum vino cui incumbit. Contra est, si una cum vino potest prevalere, cur ergo quando post modicum vinum elapsum rimæ coopertæ sunt, non prevailere amplius, maxime quando in cyatho multum, extra cyathum vero parum est vini? Sed hæc sufficiant de Machinis & experimentis quæ sunt vi attractiva.

SYNTAGMA SECUNDUM.

De Machinis & Experimentis pneumaticis, quæ vi expulsiva insinuantur.

*Expulsiva
vis machi-
narum hy-
dro pneu-
maticarum.*

INter quatuor hydro-pneumaticarum machinarum principia, quæ in mechanica nostra adsignavimus, secundum erat vis expulsiva, ad corporum penetrationem fugiendam, quando nimirum aqua ab aere (aliove corpore) valide incumbente ac premente, aut hic ab illa, expellitur è loco suo, quoniam se mutuo penetrare nequeunt, nec ambo in eodem stabulare loco: tertium vero erat vis rarefactiva, ad majorem occupandum locum, quando nimirum vel aqua rarefacta erumpit è loco suo, aut aer rarefactus aquæ locum occupat & eam expellit. Hæc duo nunc in unum conjungemus, quia sive aer compressus, sive rarefactus fugat, quam, dicitur eam expellere, & fontem seu aliam machinam formare, vi expulsiva. Hujus generis machinas plurimas & secundas dedimus in mechanica Par. 2. Classe 1. cap. 2. & 3. & alibi etiam passim toto opere. Paucula igitur hic dicenda supersunt.

Magia Acrotechnica.

EXPERIMENTUM I.

563

Vas construere, & quo si quis bibat, faciem liquore spargat.

DO et Porta lib. 19. Magiæ Natural, cap. 5 in hunc modum. *Vas bibens faciem coni-
effingens*
Fiat vas ex stanno, vel argento, in forma urinalis, seu cylindricum: inde aliud vas effingito in formam infundibuli, vel pyramidis rotundæ: summa ora utriusque undique cohæreant, & glutinentur, nam oportet ut sint ejusdem latitudinis: conus distet à fundo urinalis digiti latitudine, & sit apertus. Infundatur ergo in vas aqua, & replebitur urinale usque ad foramen, coni replebiturque infundibulum usque ad summum & reliquum urinalis vacuum erit, quia non habet aer unde exeat. Cum igitur quis biberit, exhausta aqua usque ad foramen coni, ex compresso intus aere, extrudetur vi aqua, bibentis faciem madefaciet. Hæc Porta. Ratio jam insinuata fuit. Cum enim labra urinalis & labra coni adglutinata sint invicem, & unum quasi labrum efficiant, inde vero usque ad fundum abs se invicem distent, & aer inter utrumque interjectus sit, infusa aqua descendit per conum ad fundum urinalis, eoq; aperto operit etiam os verticis coni, & exitum intercludit aeri inter utrumq; vas interjecto, eumq; compressum dum ergo bibitur & vas inclinatur, ac foramen verticis coni discooperitur, aer inclusus, & adhuc ab aqua compressus, erumpit per dictum os coni, & aquæ pluviam spargit in faciem bibentis. Figuram non addo, quia facile intelligitur constructio. Subiicit his Porta descriptionem vasis quod in Mechanica dedimus Part. 2. Classe I. cap. 6. Machina 12 & Canopum Ægyptiacum, ubi Varrinarum plenum appellavimus.

EXPERIMENTUM II.

Ventum in cubiculo generare, ad refrigerandum æstate convivæ.

Fit ope Camerarum Æoliarum, quas descripsimus fuse in Mechanica Par. 2. Classe 3. Machina I. Pragmatica 1. 2. & 3. Si enim iuxta conclave convivantium constituatur hujusmodi Æolia camera, & tubus aerem intus ab aqua præcipitata generatum deferens, in conclave desinat, & ad libitum aperiri atque claudiqueat: poteris, ubi libuerit, aperto tubo tantum venti frigidi

intra conclave derivare ut conviva non tantum refrigerentur, sed frigore pane obrigescant. Idem simplicius fieri potest, si juxta conclave puteus sit, & in eum aqua derivetur, os putei claudatur, tubus è puteo intra conclave derivetur: nam aqua præcipitata intra puteum, aerem inde expellet, & per tubum intra conclave propellet. Est in Sicilia oppidum Sotëra nomine, montis dorso impositum, variis foraminibus pertusi, è foraminibus egreditur perpetuo frigidissimus ventus & in circumjectas ædes derivatur, ni foramina claudantur. Incolæ dum aquam & vinum refrigerare volunt, foramen unum aperiunt, & lagenam apponunt, moxque vinum brevi temporis spatio refrigeratur. Lege quæ recitat Schwenterus in Recreat Mathematic. Part. 12. quæst. 5. ex Hieronymo Megifero de horto cujusdam Nobilis Vicentini, in quo è conclavi quodam ventus quilibet desideratus, seu Eurus, seu Zephyrus, seu alius quivis, emittitur per tubos.

EXPERIMENTUM III.

Sclopetum pneumaticum construere.

*Sclopetum
pneumaticum.*

DUO pneumatica sclopera dedimus in Mechanica nostra Par. 2. Classe I. cap. 1. Machina 13. & 14. unum ex Kirchero, ex Merfeno alterum. Aliud extare apud *Lipstorpium* insinuavimus ibidem in Annota. 2. quod hic ex eodem apponere lubet, quoniam sine schemate appposito fieri potest. Si quis tamen minus assequetur ejus mëtem, legat quod nos citato loco verbis & schematicis proposuimus. Sic ergo habet citatus Auctor Par. 3. speciminis Philosophiæ Cartesianæ cap. 3. tit. *Mechanica tormenti aere onusti*.

Præparentur duo tubi ferrei, alter longitudine ex æquans tres pedes Rhinlandicos (quæ mensura Geodætis usitatissima est, & creditur, sed falso, eadem esse cum pede Romano antiquo) alter quarta pedis parte brevior. Primi capacitas sit æqualis capacitati vulgaris tormenti militaris, quali utuntur pedites adversus hostem educti: posterioris autem fistula minor sit, talis nempe, qualis debetur manualibus tormentis in pera circumgestari solitis. Minor autem rubulus ea sui extremitate, quæ interius reconditur intra majorem, sit probe clausus, sitque ad latus unum prope fundum mediocri foramine excavatus, quod pennula quadam cuprea corio confecta

fecta exactissimè claudi possit (*ad eum modum, quem postea explicabimus,*) ita ut nullo modo aeri exitus permittatur, nisi ab alia quadam fibula ab opposita parte intrusa referatur. Sit ergo ab opposita parte tenuis quædam & brevissima fistula, per quam fibula inferi debet quotiescunque sclopetum exoneratur. Cui quoque fistulæ inclinabit globus postea immissus, ne ipsam cavitatem incidens vim aeris erumpentis remoretur. Quibus diligenter observatis, minor tubulus majori inferatur, ita ut circa orificium, per quod globus immittitur, firmissimè compingantur, & coalescant, nec enim extrinsecus hanc machinam insipienti alter unquam judicare licebit, quam esse unum quendam continuum tubum per totam tormenti longitudinem protensum. In medio autem, & prope fundum, annulis duobus ab utraque parte connectantur latera horum tuborum, ut tanto firmitus minor tubulus in superiore *seu* *exteriore* recondatur. Hæc machina priore absoluta, notandum est, ideo relinqui spatium vacuum inter duos tubos, & ideo minorem in mediocri recondi, ut aer valde compressus, in hæc receptacula se colligere, & undique sclopetum ambire possit, usque dum vinctulis suis exoluti unaquæque particula debitum spatium reciperet. Atque hæc sit prima hujus mechanicæ pars.

Porro præparetur alius quidam tubulus prioribus capacior ex tenuiori lamina, longitudine unum pedem exæquans, in cujus interiori orificio accommodetur brevis quædam fistula incurvata, qualem superius descripsimus, munita cuprea penna & corio cavitate exactissimè claudente, & non nisi majori vi extrinsecus accedente aperienda. Prope hujus tubuli orificium extimum dimidia palma retrorsum perforetur exiguo quodam foramine, per quod sine mora novus aer subinde regreditur in locum à fugato aere priore derelictum. Et rursus prope ipsum orificium alio quodam exiguo foramine, per quod clavícula traducta operculum cum tubulo formare possit. Hisce ita præparatis, tubulus alteri longiori antea descripto, & ad unius palmi longitudinem supra interiorem tubulum prominenti adunetur, ita ut ambo coalescant, ut unum continuum tubum ad totam machinæ longitudinem exportectum constituent. Quo peracto, restat ut præsum, cujus violentia aer in cameram interiorem per fistulam incurvatam

*Antlia
pneumatica
ad onerandum
sclopetum
aere.*

protrudatur, adiciamus. Ejus autem constructio talis est. Ligatur lamina quædam ferrea unius pedis longitu-
 tudinem ex æquino, tota complanata præter unius digiti latitudinem, quæ superius rotunda efficitur, & capite insuper rotundo, ab utraque parte inciso, ut firmiter explicari possit exigua ferri laminæ ad id excavata, & pedibus ad terram defixa, quo melius & potentius prælum educatur, novusque subinde aer intrudatur. Ideo autem superior ter-
 restrius præli pars rotunda efficitur, ut aere ad satietatem in cameram internam intrulo, & magna vi prælo reluctante, paulatim influxum intra operculum recon-
 datur, solo ejus capite exterius emittente. Inferius lamina erit capitulo quodam ferreo cylindrico munita, cui primò rigidissimum corium, & huic rursus magis flexile oleo illitum superinducatur. quo tanto majori molimine omnia tubuli angustissima spatia à lateribus relictâ in educendo repleat, atque in protrudendo comprehendat, quod in primis necessarium est. Atque si ducto prælo novus aer per prædictum foramen in tubulo relictum se insinuat, & locum vacuum replet, intruso iterum intruditur aer, magno impetu se penetrans in fistulam incurvatam: quæ cum non valeat ipsi congruum receptaculum præbere, perumpit per pennulam in interius conclave, quæ pennula vice cessante protinus iterum resilit. Ut autem penna fortius aerem constringat, corio munitur farina made facta illito, quæ omnes angustissimos angulos replet instar limi vel spumæ maris. Sic igitur sæpius educendo & retrudendo prælum, tantam aeris molem in internam cameram promittes, quanta sufficiens erit ad notabilem satis effectum producendum.

Quemodo
 operetur
 cylindrus

Exoneraturus verò sclopetum, globulum per extrinsecum tubuli officium immittes, & fibula tenui fistula (de qua supra diximus, inserta pennam reserabis, quæ subito reclusa, aer uno impetu exitum querens omnem suam agitationem in globum transeat, eumque se violentissimè, & ad longius intervallum promittit, ita quidem, ut & lignum transverberare, & armentum occidere valeat suffragante nobis quotidiana experientia.

Ceterum ut ornatiores hæc machina, & ad quotidianos usus magis accommodata, circumvestitur scipione quodam pretiosissimo ex India vel Hispaniis deportato, intus excavato, & plurimis rimulis pleno, ita ut cum per eas, tum per exiguum foramen super-

rias in eo relictum, & tubuli foramini exactè respondens, novus semper aer sine mora ingrediatur. Ab utraq; autem extremitate aëneo operculo clausa est, nisi quod extra alteram parum promineat praeli seu trasilli: media sui parte est annulo quodam aëneo cloſta, cui fibulæ altera extremitas applicatur: & prope cum alio annulo, in quo foramen est, cui fibula brevis directè respondet, ita, ut fibula penſam referans ei poſtea applicetur Tantum de ipſa fabrica. Obscurius dicta, ex ſequentibus annotationibus ſient clariora, quas ipſemet Lipſtorpius apponit.

ANNOTATIONES.

I Pennas oportet eſſe preparatas ex cupro ter quaterve igne excocto, ac ſoties malleorum iſtibus complanato, eoque non celeriter, ſed lente refrigerato, quod contingit, ſi in oleum, vel alia pingua, non in aquam, aliosve liquores frigidos, mergatur. Etenim ſi celeriter refrigeretur cuprum, durum quidem & rigidum, at fragilius quoque evadit, ad quam fragilitatem evitandam propter crebram ejus aperturam & clauſuram hoc obſervari meretur.

II. Oportet quoque penna corium ſarinamadeſacta te illinire, & hoc iteratis vicibus per meſes anniſacere neceſſum erit, ut aerem fortius conſtringat, omneſq; rimulas praeludat, per quas aeri exitus pateret.

III. Praeli corium oleo aliquando irrigari debet, ut facilius inſectetur, ſequè in intrudendo ad conſtringendum aerem melius diſtendat.

IV. Miſſilia poſſunt eſſe cujuſcunque materia & figura, modo ſolida ſint, & quam proxime ad tubuli capacitatem accommodata, alioquin aer nequit omnem impetum in ea transferre, ſed à lateribus evolabit. Loco globorum poſſunt adhiberi tela, item globuli exigui plurimi ſimul denſiori papyro convoluti, ad petendas aviculas. Poterit etiam prius madeſacta papyrus intrudi, & poſt eam globuli iniici.

V. Si interior camera Aëolia, ſeu cavitās inter duos tubos dividatur in duas partes ſecundum longitudinem, lamina tenui perforata a exiguo foraminulo, poterit ex eodem tormento ſemel onerato ejaculari duos globos diverſo tempore. Reſcrata enim primo penna, erumpet aer medietatis poſterioris, eiſque, reſcrata iterum penna, ſuccedet aer medietatis anterioris, qui ſecundo reſcrata penna erumpet, ſed minus violente quam prima vice.

VI. Quæ de tubulo & praelo habet Auctor, obſcura ſunt. Tubulus hic debet

debet utiq. habere platismatium, quod ipse appellat pennam corio rectā, & debet accommodari orificio sclopeti, quando oneratur aere, & postquam oneratum est, eximi. Posset itaq. fieri modo haud absimili illi, quo docuimus loco supra cit. fabricandam syringem, cujus fabricam lege.

EXPERIMENTUM IV.

Aliter pneumaticum sclopetum fabricari.

*Sclopetum
pneumaticum
et alia.*

Alios duos modos pneumatica sclopeti fabricandi, præcedenti tamen, & iis quos loco citato in Mechanica attulimus, longe imperfectiores, habet Joannes Caramuel à Lobkowitz in Methesi Audaci Par. 2. pag. 81. quos & refert Lipstoriupius citato paulo ante loco.

PRIMUS MODUS.

Quæritur, inquit Caramuel, fortissimus Uter, & pareatur asser secundum longitudinem canali parallelogramma, rotunda secundum latitudinem, perforatus. In canalem per allelogrammam inferatur asserculus, ut foramini rotundo foramen rotundum respondeat, ipsique ponantur ligula, ut libere extrahi & intrudi possit. Alteri asseris rotundo foramini Virem firmissime applica, alteri tubum ferreum: Virem prælo aut pondere, ut tantum non rumpatur, comprime, educito asserculo, ita ut punctum Q (foramen est asserculi medium) foramini rotundo asseris majoris correspondeat. Sic membris organi dispositis, aerem ex nulla parte posse exspirare certum est. Tormentum ergo glante plumbea, tubo tamen aquali, muni, & aliquid chartæ, ut firmius hereat, superadde. Igitur cum volueris explodere, intrude asserculum, ut foramen foramini respondeat, & Æolus emittens compressus carcere ventos laxari desiderans, globum illum plumbeum, chartam adiunctam, & impedimenta quælibet esulminabit. Hic est primus modus, non minus ridiculus, quàm imperfectus, ut quilibet judicare potest.

SECUNDUS MODUS.

Alter modus hic est. Tubum cujuscunque longitudinis fieri precipimus, & in medio ac fine muniri clavibus, quales fieri solent in æneis aquæ ductibus. Clausa clavi C posteriori, & aperta B priori, Vire, aut quocunq. alio modo, aer protrudatur in cameram BC mediâ inter geminas

geminas claves, & cum violentia praeli aut ponderis aer fit condensatus, clavis Belaudatur. Ingeratur plumbeus, & ut firmitus maneat, charta pars aliqua adjungatur. Tormentum hoc debilius præcedente, ita tamen robustum, ut vel taurum occidat, poterit manibus geri, & commodissime tractari. Vbi claves posuimus, poterit si velis, valvulas substituere, quales sunt in anliis: aut assercalos, quales in organis. Nos tamen securiora præscripsimus. Hic est secundus modus. In priori modo utique clavis etiam addi debet tubo, ut immisso aere claudatur, & globulo ante clavem immisso referatur, ut acri exeunti via laxetur. Lege quæ Lipstorpheus circa utriusque machinæ imperfectiorem ac defectus multiplices bene notat.

ANNOTATIO.

Scribis ad me Basileæ Vir doctus, & in Mechanicis atque Hydraulicis versatissimus, Dominus Jeremias Mizius, Hollandum quendam Dortracensem nomine N. Calthosium, insignem esse hoc tempore sclopetorum pneumaticorum artificem. Idem ait, vidisse se nuper in nundinis Francofurtensibus sclopetum aliud ingeniosissimum, ab eodem Calthosio, ut ferebatur, confectum, in quo pulvis pyrius & globus plumbeus se ipsos in sclopetum ingerunt, manu solum unicum ferrum levissime circumvertendo, idque vel duodecies repeti posse. Sclopetum quæ successivè sex, octo, decem, & plures glandes plumbeas vi pulveris pycis eiciunt, jam panè vulgaris sunt.

EXPERIMENTUM V.

Sclopetum Hydro-pneumaticum construere.

Marti arina Æolum quoque subministrare, quod Vulcani antea munus erat, videmus in præcedentibus. Poterit & Tethys fortassis idem præstare. Modum suggerit Lipstorpheus loco supra cit. in fine, ubi jubet tormentum ita præparare, ut lamina quædam ænea validior & densior prope fundum transversim (hoc est, per ipsam tormenti fistulam transiens, eandemq; secans) adglutinetur, & firmiter cõsolidetur, relicto in ea tubulo quodam, cui clavis supra tormentum prominens accommodetur, exactissime foramen tubuli claudens, qualem in æneis aquæ ductibus fieri videmus. Aperto igitur hoc epistomio, aqua per tubum oblongum

*Sclopetum
Hydro
pneumati-
cum.*

intromittatur, aut ope siphonis intrudatur, ut aer in interiori camera tanto fortius constringatur. Oportet autem tormentum carere foramine, per quod pulvis pyrius accendi solet, aut si quod habet, debet diligentissimè claudi. Compresso itaque aere interiore, & aqua ei superinfusa, summo studio claudatur epistomium, siphone & tubulo oblongo iterum sublato. Ut autem fortius constringat epistomium, licebit clavem oleo vel limo illitam ei applicare. Præterea, ne violentia aeris & aquæ rarefactæ postea erumpentis extrudatur, poterit interius clavo quodam per ungulam quandam transversim impacto firmari. Quibus ita constructis, immittatur paululum papyri, eique globus tormentarius involvatur, proximè omnes tormenti angulos prope epistomium implens. Postea ignem suppone tormenti postremæ regioni, ita ut ignis omnes aquæ & aeris partes pervadat ac rarefaciat. Postquam igitur omnes horum particulas satis attenuatas & à calore agitas esse colliges, refera unico circumductu epistomium penitus & perfectè, & videbis globum non minori impetu erumpere, quam sinistrati pulveris vi fuisset ejectus.

EXPERIMENTUM VI.

Manuali sclopo Pilam eminus solo aere projicere.

Зелоритно
мануала
шотаве
яго.

PRaxin præscribit Portalib. 19. Magiæ Natural. cap. 5. in hunc sensum Habeas manuale tormentum excavatum, & insigniter intus levigatum, quod fiet, cylindro plumbeo & pulvere Smiri contrito per omnes partes ejus cavitatem perfricando. Accipe deinde bacillum cylindricum exactè complanatum undique, quem perfectissimè & sine transpiratione inclusi aeris foramen seu cavitatis anei tormenti capiat. Hunc oleo madefac totum (efficit enim oleum, ut nulla ex parte aer transpirare possit sua crassitie) & indito in os tormenti plumbeo globulo exactè bacillum (obturato prius foramine igniario) eumque unà cum globo ad ima detrude, ut aer vehementer comprimatur. Remove demum manum, & vi compressi aeris forasque erumpere volentis, ejaculabitur tormentum eminus plumbum cum bacillo. Hæc Porta, quæ utique ludus puerorum sunt, si cum aliis modis suprâ & in Mechanica enatratis comparentur. Lege sequentem Annotationem II.

ANNOTATIONES.

1. **A**liud sclopeti pneumatici genus habet Mercennus in *Phanom.* *Alia sclopeti*
Hydraul. *Proposit. 33. quod absque novi aeris immisione, vel in penem-*
prius immissi deperditione seu emissionem, quoties opus fuerit, aut libuerit,
explodere licet, & pilam ad scopum propositum emitte. *matica.*

11. In ejusdem Propositionis Corollario tradit sclopetum pneumaticum, cui syrinx ad instruendum aerem non adhibetur, uti in plerisque aliis fieri solet. Nam si fiat tubus hexapeda longitudine, cum helicibus concavis interioribus per totam tubi cavitatem, ut sit mater, in quam cylindrus seu bacillus cylindricus satis validus, & spiris convexis affectus ingreditur, & aliud tubi osculum, per quod pulvis pyrius accendi solet, perfecte obturetur, quam diu cylindrus quintripedalis in illum tubum valide intorquetur atque impellitur, aer in illo sextripedali tubo prius existens, ad unicum pedem compressione redigetur, & quintuplo quam antea, densior evadit, retinebitur ab epistomio extremum tubi osculum claudente, donec bacillus cylindricus iterum extrahatur, & pradicatum epistomium convertatur, tunc enim aer in interiori tubo conclusus per epistomii conversos erumpet, & pilam vel tubum ejaculabitur.

EXPERIMENTUM VII.

Draconem volentem per aera exhibere.

Aerotechniam claudam vulgari quidem, at non injucundo Experimento Draconis per aera volantis. Licet enim res sit pueris nostris in Europa, imò & in Chinenfi regno universo, uti à P. Martino Martini intellexi, notissima, ubi certis anni temporibus certo spirante vento pueri agminatim per plateas & campos discurrunt, & dracones suos vento committunt aera sulcaturos, ca- *Draco Vo-*
lans.
 tamen non rarò mirabiles in hominum animis concitavit motus, & ingeniosis ansam dare potest ad longè ingeniosiora & mirabiliora excogitanda. Fui ego in Urbe quadam, ubi non poterant verbi *Historia vi-*
dicula do-
dracone
volante.
 DEI præcones in suggestu implorare DEI misericordiam, imò nec misericordiae nomen exprimere, sine gravi populi offensione, & animorum à se alienatione tali, ut ad concionantem non redirent amplius. Causa hæc erat. Confecerant pueri draconem volentem, & noctu extra Urbem in loco editiori montis, cujus dorso,

Urbs imposita est, vento commiserant, ut urbi volando immineret. Videbant rem insolitam, & nunquam amplius visam, incolæ, & egressi domibus attoniti ingenua se provolvebant, maximoque ejulatu DEI misericordiam implorabant, donec errore suo cognito luctus in risum fuit conversus. Ab eo tempore vicinæ urbes omnes, imo regnum totum, cum primum aliquem ex urbis hujus incolis conspiciunt, cachinnis excipiunt, & *misericordia*, *misericordia* ingeminant: quo audito fremunt, & vindictam spirant, nec sine gravissima offensione id nomen, quacunque etiam occasione prolatum, auribus hauriunt, credentes in irrisionem & ignominiam eorum id efferri. Narrat etiam *P. Athanasius Kircherus* lib. 10. Lucis & Umbræ Par. 2. cap. 7. Experimento 4. eodem invento draconis volantis nonnullos è Patribus nostræ Societatis in India è maximis Barbarorum periculis ereptos. Detinebantur ii in carceribus, nec ullis precibus aut minis liberari ab iis, quorum intererat, poterant: cum non nemo callidior tale quodpiam stratagemata excogitavit. Minitabatur Barbaris, nisi Patres redderent, brevi portenta visuros, & manifestam DEI iram experturos: inde, cum Barbari nihilo magis emolliti essent, draconem contexit ex charta, modo mox dicendo, & ventri incidit has voces, gentis idiomate, IRA DEI: deinde in medio machinæ misturam ex sulphure, pice, ceraque collocavit, eâ industriâ, ut incensa machinam illuminaret, & simul dicta verba velut ignea præberet legenda. Vento demum commisit machinam: quam conspicientes Barbari, adeo fuerunt territi, jam jam irati Numinis vindictam metuentes, ut carcere de repente aperto liberos Patres dimiserint, rogantes ut Numinis iram precibus suis averterent. Interea machina flammis correpta in fumum abiit, suo quasi munere perfuncta, Barbaris eam avolasse credentibus.

Machinæ structuram describit *Porta* lib. 20. Magiæ Nat. cap. 10. & ex ipso *Weckerus*, *Schwenkerus*, *Kircherus*, *Harstofferus*, & alii: qui omnes, vulgaris licet sit, dignam tamen censuerunt quam referrent: quare & nobis idem facere licebit. Solam tamen simpliciorē structuram, quā pueros nostros uti video, referam: cujus & *Schwenkerus* meminit. Ad glutinant enim simul mulca

Alia histo-
rica de dra-
conibus.

multa folia chartæ invicem sibi imposita, ut robustior fiat machina, & vento impellenti resistat, plura aut pauciora, prout major aut minor futura est machina. Leves deinde arundinum, aut pinorum paxillos, viminumve segmenta in draconis sceleton efformant, eique chartam superinducunt, formatam in caput, alas, & caudam longissimum draconis, coloribus etiam additis, qui draconis colores sub vindes, ac flammeos exprimant. Alii tamen ventrem inferius apertum relinquunt, quo melius ventum concipere, & ab eo impelli queat. Demum paxillorum medio ac fortissimo funiculum longissimum alligant, & in glomum circa bacillum aliquem manu prehensum convolvunt; & conscensâ turri, aut monte, imo & in ipsa planitie, vento spirante in altum proiciunt, & funiculū paulatim laxant, dū is per aera à vento deferatur, non sine spectantium delectatione, & simpliciorū admiratione.

Porta (& ex ipso alii supra citati) accuratius sic describit artificium.

E subtilioribus arundinum paxillis quadrangulum constituitur, ut longitudo latitudini hemiolia seu sesquialteræ sit proportionis, diametri duæ ex oppositis partibus vel angulis immittantur, quarum intersecationi funiculus illigetur, & ejusdem quantitatis cum duobus aliis jungitur, è capitibus machinae provenientibus. Sic papyro, vel subtili lino obtegatur, ne quid grave in ea sit. Inde è turris, montis vel altioris losi fistigio, aequalibus & uniformibus ventis credenda; non validis, ne disrumpatur machina; nec levibus, nam si undique silebit aura, eam non sublimat, ventorumq; segnities irriūm facit laborem. Ipsa recto non incedit tramite, sed obliqua (quod efficit funis tractus è capite uno ex altero) longa cauda, quam è restibus effinget aquidistantibus, & papyris passim religatis. Sic levi tractu immissa, artificis manibus committenda, qui nec segniter, neque oscitanter, sed valide impellat, & sic carbasus aer appetit, ubi paululum fuerit elevatus (hic enim ex domorum anfractu disruptus est ventus) ut vix in manibus compefci, vel retineri queat. Laternam aliqui supralocant, ut cometa ut deatur, Scelopum alii charta & pyriopulvere involutum; & cum in aere quiescit, immittitur per restem accensus funiculus, annulo, vel lubrico aliquo, statimque velum petens, ignemori admovent, maximoque tonitru machina

huic Libro apponere, quoniam ob artificium rarum & exactissimum dignus est qui Magiam nostram Aërotechnicam exornet: at quoniam serius ad me venit, cum schemata omnia prototo hoc Opere jam disposita ac distributa, & Francofurtum incidenda fuerant transmissa; desiderio meo satisfacere non potui. Erit fortassis alibi locus ad eum in lucem publicam producendum.

Volebam hic de Magia Pyrotechnica agere, ad Mechanicæ complementum; at quoniam præterea prorsus Physica est, ad quartam hujus Operis partem, hoc est, ad Thaumaturgum Physicum eam remitto.





LIBER OCTAVUS.

DE MAGIA ARITHMETICA, SIVE

De nonnullis admirandis & maxime paradoxis Arithmetice Problematis.

PROOEMIUM.

QUacunque in *Arithmetica*, hoc est, numerorum scientia haecenus excogitata sunt, & libris commissa, aut summe utilia esse, aut admiranda maxime ac paradoxa, aut mysteriis plenissima, is solus ignorat, qui quae *Diophantus*, *Cardanus*, *Tartaglia*, *Buteo*, *Cusanus*, *Kircherus* in *Arithmetica Hieroglyphica*, *Bungus*, *Vieta*, *Guldinus*, *Widmannus*, *Grammateus*, *Frisius*, *Clavius* *Leuleni*, *Henischius*, *Stifelius*, *Stevinus*, *Tacquetius*, aliiq. innumeri & doctissimi viri praeclarissime scripsere, ignorat. Quare quot fere libros de *Arithmetica* conscriptos in manus sumpseris, tot de *Magia Arithmetica* commentarios reperiēs, quorum magna copia cum passim sit obvia, actum merito agere dixerer, si multa huc congererem. Quare omiſſis innumeris quae dicenda occurrunt, pauca quadam, sed maxime admiranda ac paradoxa *Problemata* afferam, non novo quidem artificio, novo tamen labore, ex progressionum ac combinationum penuario deprompta. His addam quae de pernicioſa non minus quam superſtitioſa ſigillorum planetariorum ſtructura qui-

dant

dam comminiscuntur, ut vanitate eorum perspecta eo habeantur loco ab omnibus, quo tam stolidi figmenta haberi merentur. Tandem curiosiora quædam, & minus obvia, ad divinariam maxime Arithmeticam spectantia quesita adnectam. Atque hec omnis Arithmeticæ Magiæ nomine hoc loco intelligo,

SYNTAGMA PRIMUM.

De Admirando progressionis geometricæ incremento, ad innumerabilem graduum gratiæ numerum
Magnæ Dei Matris Mariæ quoquo modo
æstimandum.

MULTI doctissimi viri hanc à Deo Beatissimæ Virgini Deiparæ Mariæ prærogativam esse datam statuunt, ut per singulos charitatis actus gratiam prius habitam duplicaret. Si ergo annos vitæ eidem tribuamus non plus 64. (quamvis multi non levibus adducti argumentis non minus 72 ei concedant) statuamusque in primo Immaculatæ Conceptionis sue instanti non nisi unum Sanctificantis gratiæ gradum à DEO infusum habuisse, & annis singulis vitæ totius quatuor tantum charitatis actus eliciuisse, in fine vitæ tot gratiæ gradus eam habuisse, & nunc in cælis tot gradus gloriæ (cujus semen gratia est) habere necesse est, ut omnem humanæ mentis capacitatem excedere merito videatur. Numerum hunc ut quoquo modo conciperem, & præfata de cumulo graduum gratiæ B. Mariæ Virg. apodixi mathematica ob oculos ponerem, indagavi prius, si singulis gradibus immenso illius cumuli, quem ex geometrica progressionis arcu erueram, singula papæ veris grana, quorum triginta quatuor secundum lineam

rectam disposita, & se se mutuo contingentia, digiti transversa latitudinem adequant, tribuerem, quot ea mundos nostro haud paulo majores replerent: Calculum longè post doctissimo viro P. Philippo Jobino, olim in hac Herbipolensi Universitate Matheseos Professori, ac meo antecessori, nunc Sacrae Theologiae in Moguntina Universitate Lectori, examinandum tradidi. Examinavit, approbavit, & longius ac feliciter proventus, ut rem eandem adhuc illustriorem redderet, sequens formavit Problema, quod & disputationi publicae virorum doctissimorum proposuit magne spei juvenis Maximilianus Habersack, Physices tunc & Matheseos Studiosus, nunc Societatis nostrae Religiosus. Quod cum non solum propositam à me questionem enodet, sed multa alia etiam vere admiranda, prorsusque paradoxa, verissima tamen, & evidentissimo ratiocinio stabilita contineat, dignissimum censui, quod, meo omisso, huc transferrem: est enim omnino magicum, hoc est, mirum simul ac jucundum.

Calculatio porrò arithmetica frequens & operosa in Problemate occurrens, ea diligentia, accuratatione, ac fidelitate est ab Auctore peracta, ut asserere certò ac sine hesitatione audeam, erratum in ea, quam mihi tradidit, non esse. Quare si error in typum irrepserit, eum certò scias Typographi esse. Omni tamen cura adhibita nè quis irrepat: Problema majoris distinctionis gratia in suos paragraphos distinguam, quaedam mutabo, quaedam omittam, quaedam de meo interferam, sed diverso charactere, in Annotationibus.

§. I. *Proponitur Problema, ad cumulum graduum gratiæ
Beate MARIÆ Virginis æstimandum.*

Dives, & in rebus gerendis apprime versatus, decies centena aureorum millia obtulit mercatori cuidam, hac lege, ut sibi sexaginta quatuor annorum spatio censum persolveret, prima quidem solutione aureum unum. post hæc elapso quovis trimestri spatio aliam solutionem in dupla semper prioris proportionem, quibus elapsis liber foret & à censu, & à decies centenorum millium restitutione. Hac oblatione facta, auri cupidus mercator, quasi tunc primum sibi fortunatus illuxisset dies, privata lucri ratiocinia animo volvens, & ad fallaces numerorum progressionem minimè attendens, extemplo consentit, fit contractus instrumentis publicis, sed ut varia est rerum fortuna, dives ille versipellis ante primum trimestre vita excedit, res in oblivionem devenit, alter interim sibi de thesauro obtento gratulatur. Præterlapsis tandem sexaginta quatuor annorum interstitiis, demortui successores veniunt in prædictæ obligationis cognitionem, se insinuant, exigunt, instant, tandemque ad minas devolvuntur: cum verò nullus superesset effugii locus, & de quantitate debiti non constaret, de communi consilio adeunt Arithmetico-geometram, propositæque quæstionis solutionem exposcunt. Præsentit animo Arithmetico-geometra difficultates, quærit latebras, sibi ait non constare pacti validitatem, hoc munus esse juris & Theologiæ Moralis peritorum. Urgent tamen quæstionis enodationem hæredes. Quare geometricarum progressionum doctrina suffultus, in chartam ordine septuaginta octo numeros describit, hisque testatur contineri totius obligationis & summæ rationem. Rogant ii, quid sibi numeri illi velint edisserat. Exprimit iste numerorum valorem, repetitis sæpius juxta rei exigentiam millionum vocibus. Conqueruntur de solutionis obscuritate, & magis se in tenebris nunc quàm antea versari palam profitentur, rogantque iterum, dignetur rem totam rudi Minervâ & crassiori depingere penicillo. Quare ut muneri suo, & petitioni illorum faceret latis, in sequentes lex prorupit Propositiones.

*Problema
ad aliam
materiam
applicatum
proponitur*

PROPOSITIONES SEX PROBLEMATIS.

I. Majore est numerus aureorum debitorum, quam universa Mundi machina usque ad Firmamenti convexitatem capax est granorum papaveris.

II. Licet decem milliones Mundorum existerent, neutiquam forent capaces tot numero granorum papaveris, quot aureorum est debitum.

III. Sint tot Mundi, quot globus terrestris capax est granorum papaveris adhuc omnes illi Mundi longe distabunt in capacitate granorum papaveris à numero aureorum debitorum.

IV. Numerus individuorum substantialium quæ à primordio Mundi huc usque fuerunt in orbe elementari à quibus non excipio atomos exiguus admodum reputandus est, cum numero aureorum debitorum comparatus.

V. Si ponamus Mundum duraturum aliis decem centenis millibus annorum: numerus individuorum substantialium producendorum in orbe elementari, junctis cum numero præteritorum & præsentium, longe distabit à numero aureorum solvendorum.

VI. Si probabili conjecturâ uti licet, ausim affirmare, nâmerum spirituum celestium, numero substantialium individuorum additum, adhuc fore inferiorem numero aureorum debitorum.

His propositionibus auditis, delusos se putantes consulentes discessere, & convitiis oneratum Arithmetico geometram deservire. Hujus causam agere in animo nobis est, demonstrareque quæstionis enodationem sex Propositionibus confirmatam, rudiorique calamo expressam, ad amussim veritati respondere.

A N N O T A T I O.

Inter explicandum dictas Propositiones, plures alie non minus paradoxæ interferuntur, ut quod plures sunt aurei debiti, quam gutta aque toto anno decendant de celo, tametsi diebus singulis tantum deflueret aqua quantum toto diluvii universalis tempore depluit, item quot anni requirantur ad dictum debitum successive extinguendum, quanta diametri debeat esse globus tot papaveris granorum capax, quot aureorum est

est debitum, an major sit aureorum debitorum numerus, quam cogitationum omnium hominum sub hac vita degentium, aliæque similia.

§. II Statuitur, aureorum debitorum summam completi
figuras arithmeticas septuaginta octo.

PRIMUM quod ab Arithmetico-geometra probatum fuit in solutione quaestionis sibi propositæ erat, septuaginta octo numeros seu figuras arithmeticas completi in se totam aureorum debitorum summam, quod mihi primo loco ostendendum est, ut pote fundamentum aliarum sex Propositionum. Hoc igitur sic eruitur. Primo, statuitur numerus solutionum faciendarum in proportionem geometrica dupla spatio annorum sexaginta quatuor, quibus se inceptor ad solvendum adstrinxerat: qui numerus habetur, si 4. solutionum numerus in tra annum quemlibet faciendarum ducatur in 64. nam productum 256. sunt solutionum faciendarum summa. Secundo, inquit numerum, qui contineat in se tot unitates, quot aurei solvendi 256. solutionibus, & hoc præsto ex geometricæ progressionis doctrina. Est autem progressio geometrica series plurium numerorum se in eadem proportionem superantium, ut apparet in his, 1. 2. 4. 8. 16. quilibet ex his habet proportionem duplam cum suo anteriore, hoc est, se habet ut 2 ad 1. Talem proportionem continent solutiones aureorum de quibus nunc est sermo. Dico itaque, numerum illum, qui in ordine obtinet, juxta progressionem geometricam in dupla proportionem, locum 297. completi in se summam aureorum solvendorum solutionibus 256. abjecto prius uno aureo: quod sic ostendo. In progressionem geometricam duplæ proportionis incipiente ab unitate, quilibet progressionis terminus continet totam summam progressionis antecedentis, & insuper unitatem, ut patet in his quinque numeris, 1. 2. 4. 8. 16. nam ultimus terminus 16. continet summam totius progressionis antecedentis, seu omnium terminorum antecedentium, nimirum 1. 2. 4. 8. & insuper unitatem, conficiunt enim illi quatuor numeri simul sumpti 15. Ratio est, quia sicut se habet 2. ad 1 numerum seu terminum priorem in progressionem proposita, ita 4. ad 2. & 1. suos anteriores terminos in eadem proportionem:

*Summa in
p. 61. m. 1. 1.
expressa
constat 78.
figura a
arithmetica.*

*Progressus
geometricus
quid sit.*

*Progressio-
nis geomet-
ricæ regula
universalis*

nam 4. est duplum ipsius 2; ergo continet ipsum 2. & insuper rationem ipsius 2 ad 1, quia bis complectitur 2; ergo sicut 2 continet terminum suum anteriorem, & insuper unitatem; ita 4. continet terminos suos anteriores, & unitatem. Hinc hæc regula universalis statui potest in progressionē geometricā duplæ proportionis, sive ab unitate incipiat, sive non: Sicut secundus terminus continet priorem, & præterea aliquam vel aliquot unitates; ita quilibet alius terminus continet suos anteriores, & insuper tot unitates, quot secundus terminus ultra primum complectitur. Exempli gratia, incipiat progressio duplæ proportionis a 4. quia secundus terminus, nimirum 8, continet priorem, & insuper 4. unitates; ita quilibet terminus in illa progressionē continebit anteriores, & insuper 4. unitates. Verbi gratiâ, tertius terminus 16, continet anteriores 4 & 8, quæ faciunt 12, & insuper 4. unitates: item 64, qui est quintus in ordine terminus, continet omnes anteriores, nimirum 4, 8, 16, 32, quæ simul efficiunt 60, & præterea 4, quæ simul cum 60 faciunt 64. ita de reliquis. Ergo ut ad nostrum institutum redeamus, numerus collocandus loco 257 in progressionē duplæ proportionis ab unitate incipiente, complectitur in se totam summam aureorum, quos in 256 solutionibus anterioribus exsolvere oportet, & unam unitatem, ideoque hac ablata, habetur numerus aureorum solvendorum 256 solutionibus.

*Progressio-
num omnium
nume-
rus quoties
invenitur*

Duo porro sunt modi ad inveniendum numerum seu terminum 257 in loco ponendum in serie continua progressionis geometricæ duplæ incipientis ab unitate. Primus est per duplicationem continuam totius seriei, sic: 1. 2. 4. 8. 16. 32. 64. 128 & ita ulterius usque ad 257 in duplicationem. Sed hic modus valde operosus est. Pro secundo & faciliore modo, suppono, in progressionē geometricā duplæ proportionis incipiente ab unitate, quilibet numerum seu terminum in se ductum procreare illum, qui collocandus est in loco tantum à se distante, quantum ipse distat ab unitate. Demonstrat hoc *Euclides* lib 9 Proposit. II. verbi causa in hac progressionē, 1, 2. 4. 8. 16. tertius terminus, 4, ductus in se, dat numerum collocandum quinto loco, nimirum 16, quia 4. distat ab unitate duobus locis; ergo & numerus productus 16. debet

bet distare à 4 duobus locis, ac proinde collocari debet quinto loco. Juxta hanc regulam construxi sequentem Tabellam, ad inveniendum numerum 257mo loco collocandum.

TABELLA progressionum juxta regulam datam usque ad locum 257um.

Locus. Numerus.

1.	1.
2.	2.
3.	4.
5.	16.
9.	256.
17.	65536.
33.	4294967296.
65.	18446744073709551616.
129.	340282366920938463463374607431769211456.
257.	1157920892337316195423570985008687907853269- 984665640564039457584007913129639- 936. Sunt figuræ septuaginta octo.

Vides in hac Tabella, quod quilibet numerus sit productus ex multiplicatione antecedentis in seipsum, & quod unicuique assignatus sit locus secundum regulam datam, v. g. numerus 65536 obtinet locum 17, quia producit ex ductu numeri 256 in seipsum, qui obtinet locum 9, tantum autem distat locu 17 à 9, quantum 9 ab unitate. Idem servatum est in aliis. Recte ergo invenimus numerum respondentem loco 257, qui quidem numerus tot continet unitates, quot solvendi sunt aurei juxta prædictam progressionem in 256 solutionibus: quod erat faciendum.

ANNOTATIO.

Ut autem facile cognoscas, quos figura Arithmetica debeant provenire ex multiplicatione cujuscunque numeri per alium numerum, sume hanc regulam infallibilem. Numerus proveniens ea multiplicatione unius numeri in alium, non potest continere plures figuras ordine positas, quàm contineat multiplicans & multiplicandus simul

simul, nec pauciores quàm uterque minus una: *V. G. si multiplicandus sit 99. & multiplicans similiter 99. non potest summa resultans continere plures figuras quàm quatuor, nempe 9801. item si multiplicandus sit 99. & multiplicans 10. non potest summa resultans continere pauciores figuras quàm tres, nempe 990.* Ratio desumitur à natura multiplicationis: nam multiplicatio numeri in numerum, ut eam definit Euclides lib. 7. Elem. Definit. 15. est inventio numeri, qui ad alterum multiplicantium eandem habet proportionem, quam alter multiplicantium ad unitatem, hoc est, productum ex multiplicatione debet continere toties multiplicantem, quoties multiplicans continet unitatem. Sic si 4. multiplicetur per 4. producitur 16. in quo 4. continentur quater, sicuti unitas in 4. continetur 4. Ex hoc sequitur quod diximus in regula prædicta: nam si productum continet plures figuras, quàm multiplicans & multiplicandus, continebit multiplicantem sæpius, quàm hic unitatem: si autem productum continet pauciores figuras quàm multiplicans & multiplicandus, una minus, continebit multiplicantem minus sæpe quàm hic unitatem. *Utrumque fufe probat Auctor Problematis, quod tamen brevitatæ causa omitto.* Hec regula cùm servata sit in omnibus multiplicationibus Tabula supraposita, ut consideranti patet, constat eas rite esse peractas, saltem quoad figurarum numerum in qualibet serie seu loco.

§. III. Stabilitur Propositio 1. scilicet, majorem esse numerum aureorum debitorum, quàm granorum papaveris, quæ intra Firmamenti convexitatem concludi possunt.

Diametrus mundi juxta Alphraganum.

CONSTITUTO ergo numero & solutionum, & aureorum debitorum, facile nunc est ostendere, Propositiones supra positæ veritati congruere. Suppono autem, duorum numerorum illum esse majorem, qui plures continet figuras ordine positas.

Prima igitur Propositio hæc fuit: *Majores sunt numerus aureorum debitorum, quàm universa Mundi machina usque ad firmamenti convexitatem capax est granorum papaveris.* Ad quod probandum, statuo diametrum Mundi à convexo ad convexum Firmamenti, seu à concavo ad concavum Emphyrei per centrum terræ, esse, juxta mentem Alphragani (quem nunc sequi lubet, ut quàm maximam

Mundi

Mundi capacitatem eligam, alii enim longè minorem statuunt, esse milliariorum Italicorum 323769887. Sumo deinde grana papaveris tam exigua, ut 40. juxta se posita in una linea recta, & se mutuo tangentia, expleant latitudinem digiti, adeo ut latitudo digiti geometrici contineat in se 40. diametros grani papaveris, quamvis revera longè pauciores contineat, ut supradixi. Tandem suppono ex *Euclid* lib. 12. Elem. Proposit. 18. Sphæras inter se esse in triplicata proportionem suarum diametrorum, hoc est, si una sphæra habet diametrum unius palmi, altera verò trium palmarum, illas duas sphæras se habere ad invicem in capacitate, sicut 1. ad 27. quæ est proportio triplicata unius ad tria, hoc est, ter ordine posita sic, 1. 3. 9. 27. nam tria ad unum habet proportionem triplam, uti & novem ad tria, & viginti septem ad novem.

Sphæra sum in triplicat proportionem diametrorum.

His præmissis, ita discurro. *Primo*, sphæra digitalis, hoc est, cujus diameter est latitudo unius digiti, ad granum papaveris, hoc est, ad Sphæram cujus diameter est latitudo unius grani papaveris, habet rationem triplicatam diametrorum prædictarum. Quoniam igitur diameter grani papaveris se habet ad diametrum sphære digitalis, ut 1. ad 40. habebunt istæ duæ sphære triplicatam proportionem prædictarum diametrorum, id est, si proportio 1. ad 40. triplicetur, sic: 1. 40. 1600. 64000. erit inter granum papaveris & sphæram digitalem proportio talis, qualis est inter 1. & 64000, ac proinde sphæra digitalis continebit grana papaveris 64000.

Sphæra digitalis quæ grana papaveris continens.

Secundo, sphæra palmaris, hoc est, cujus diameter est palmus, ad sphæram digitalem, habet rationem triplicatam diametrorum. Quoniam igitur diametri harum duarum sphærarum se habent ut 1. ad 4. (nam palmos continet quatuor digitus,) si hæc ratio triplicetur, sic: 1. 4. 16. 64. erit proportio inter sphæram digitalem & sphæram palmarem, qualis est inter 1. & 64. hoc est, sphæra palmaris continebit sphæram digitalem 64. vicibus. Et quia sphæra digitalis continet grana papaveris 64000. si hic numerus multiplicetur per 64. producentur 4096000. numerus nimirum granorum papaveris in palmari globo contentorum.

Sphæra in palmari.

Tertio, sphæra pedalis, hoc est, cujus diameter est unus pes,

Eccc

ad

*Et sphaera
pedalis.*

ad sphaeram palmarem habet rationem triplicatam diametrorum. Quoniam igitur diametri harum sphaerarum habent rationem praecedentem, nimirum 1. ad 4. (nam unus pes continet quatuor palmos) si haec ratio triplicetur ut antea, erit proportio inter has sphaeras ut 1. ad 64. hoc est, sphaera pedalis continebit sphaeram palmarem 64. vicibus. Et quia sphaera palmaris continet grana papaveris 4096000 si hic numerus multiplicetur per 64. producet-ur numerus granorum papaveris contentorum in sphaera pedali, nimirum 262144000.

*Et sphaera
cujus dia-
meter est
passus.*

Quarto, sphaera cujus diameter est passus, ad sphaeram pedalem habet rationem triplicatam diametrorum. Quoniam igitur diametri harum duarum sphaerarum habent rationem ut 1. ad 5. (nam passus continet quinque pedes,) si haec ratio triplicetur sic: 1. 5. 25. 125. reperietur proportio inter illas, qualis est inter 1. & 125. ac proinde sphaera unius passus continebit sphaeram unius pedis 125. vicibus, & si numerus granorum papaveris sphaerae pedalis multiplicetur per 125. proveniet numerus 327680000000. & tot grana papaveris continet sphaera unius passus geometrici in diametro.

*Et sphaera
unius mil-
liaris in
diametro,*

Quinto, sphaera unius passus ad sphaeram unius milliariae Italicæ, habet rationem triplicatam diametrorum. Quoniam igitur diametri harum sphaerarum habent rationem ut 1. ad 1000. (nam milliaria Italicum continet mille passus) si haec ratio triplicetur sic: 1. 1000. 1000000. 1000000000. erit inter sphaeram unius passus, & sphaeram mille passuum, proportio talis, qualis est inter primum & quartum numerum, hoc est, inter 1. & 1000000000. Si igitur hic numerus multiplicetur per numerum granorum papaveris in sphaera unius passus contentorum, nimirum per 327680000000. producet-ur numerus granorum papaveris contentorum in sphaera, cujus diameter est milliaria Italicum, nimirum 32768000000000000000. qui numerus continet viginti figuras arithmeticas ordine positas.

ANNOTATIO.

Endem hunc numerum granorum papaveris in sphaera milliaria re-
peries sine tot ambagibus sic. Quoniam diameter sphaerae digitalis ad
diametrum

diametrum sphaerae milliariae, habet rationem 1. ad 8000. (nam unum milliare Italicum continet digitos 80000.) & haec ratio triplicata dat hos numeros, 1. 80000. 6400000000. 51200000000000. propterea ratio primi numeri ad quartum est ratio seu proportio illarum sphaerarum, ac proinde sphaera milliaria continet tot sphaeras digitales, quos quartus numerus continet unitates. Et quia sphaera digitalis continet grana papaveris 64000. si quartus praedictus numerus per hunc multiplicetur, producentur ante a 3276800000000000000.

Sexto, hisce constitutis sic colligemus quot grana papaveris capi possint in universo usque ad convexum primi mobilis, seu ad concavum usque Empyreii. Diameter universi, juxta Alphraganum, est, ut supra dicebam, milliariorum Italicorum 323769887. qui numerus in se cubicè ductus, dat sphaeram universi continentem globos milliarios, 23939806430288029555947103. hic enim numerus (qui continet figuras viginti sex) habet triplicatam proportionem rationis diameterum sphaerae milliariae & sphaerae universi. Si itaque hunc numerum multiplicaveris per numerum granorum quae continentur in sphaera milliaria, nempe per 32768000000000000000. prodibit numerus granorum papaveris quorum universum capax est, nempe 11121395771076781524892746711040000000000000000. Quanto porro hic numerus minor sit numero aureorum debitorum, inde patet, quòd hic solum quadraginta sex figuras ordine positas continet, aureorum verò debitorum numerus sit septuaginta octo figurarum, ut vidimus in §. praecedente. Stat ergo prima Propositio.

Et sphaera
totius uni-
versi.

§. IV. *Stabilitur Propositio II. scilicet, licet decem milliones Mundorum existerent, neutiquam forent capaces tot granorum papaverum, quot aureorum est debitum.*

Gradum nunc facimus ad ostendendam veritatem secundae Propositionis, quae dicebat, licet decem mil'iones Mundorum existerent, neutiquam forent capaces tot numero granorum papaveris, quot aureorum est debitorum. Quod breviter ita ostendo. Si multiplices numerum paulo antè inventum, per decem milliones, hoc est, per 10000000. provenit numerus granorum

rum quæ in decem millibus Mundorum capi possunt. Hoc autem assequeris, si illi numero adjeceris septem cyfras: his vero adjectis, prodit numerus idem qui ante, auctus tantum septem cyfris, eritque summa constans figuris quinquaginta tribus ordine positis, multum distans à numero aureorum debitorum, utpote, ut dictum, constante figuris septuaginta octo.

§. V. *Stabilitur Propositio III. scilicet, si sint tot Mundi, quot globus terrestris capax est granorum papaveris; adhuc omnes illi Mundi longe distabunt in capacitate granorum papaveris à numero aureorum debitorum.*

Hujus Propositionis probatio paulo operosior quidem est quam aliarum, nihilo tamen certior. Fateor ingentem & vix conceptibilem granorum numerum procreari ex dicta hypothesi: si enim adeo magnus exoritur numerus granorum respectu unius tantum Mundi, ut videmus §. tertio; quis tandem proveniet ex capacitate tot innumerabilium Mundorum? ut constet igitur Propositionis veritas, inviendus est numerus, qui toties complectatur grana papaveris quæ in universo concludi possunt, quoties reperitur unitas in numero granorum ejusdem papaveris, quæ in globo terrestri capi possunt. Qui numerus inventus si minor fuerit numero aureorum debitorum, satisfactum erit Propositioni, Statuamus igitur cum recentioribus ex Clavio, diametrum Terraquei globi, ut 1. ad 6071: quæ ratio si triplicetur, invenietur quod globus Terraqueus contineat globos unius Italici milliari, 22375903:911: qui numerus si multiplicetur per numerum granorum papaveris quæ in globo milliario continentur, nempe per 32768000000000000000: proveniet numerus granorum papaveris quæ in globo Terraqueo contineri possunt, nimirum 73321380548116480000000000000000: qui quidem continet figuras ordine positas triginta & unam, & repræsentat tot Mundos, quot Propositio affirmat non sufficere ut in se comprehendere possint, tot grana papaveris, quot sunt aurei debiti. Quod si hunc ultimum numerum multiplicaveris per grana quæ con-

tineri

*Diameter
globi Ter-
raquei.*

*Guttula-
rum aqua
à calo deci-
dentium
numerus
vero major
statuatur.*

Quoad primum, statuo tantum aquæ intra anni spatium in toto Orbe decidere, quantum defacto in vastissimo Oceano continetur, adjunctis etiam fontium & fluminum aquis, ita ut si omnis illa aqua conservaretur, non minor esset ea quam nunc in se Terra continet intra maria, flumina, fontes, lacus &c. Seddemus tantam aquæ copiam intra annum decidere, quantus est totus Terraqueus globus ex terra, & omnibus aquis in ea contentis compactus. Imo demus tantum decidere aquæ, quanti sunt 100 Terraquei globi nostro æquales.

*Eandem
quantitas
vera minor*

Quoad secundum, pono guttulam aquæ non maiorem quam sit millesima pars grani papaveris supra recensiti: vis amplius? quàm sit millionesima: vis adhuc amplius? quàm sit mille millionesima pars grani papaveris, hoc est, tam exigua sit guttula quam statuo, ut unica guttula aquæ æqualis magnitudinis cum grano papaveris, in se contineat mille milliones partium. Minorem credo non concedent illi possibilem, qui admittunt minima physica. Jam hac semper suppositione servata & copiarum aquæ, & guttulæ magnitudinis, sic reperitur numerus guttularum sub tali hypothesi. Multiplicetur numerus granorum papaveris contentorum in globo Terraqueo per 1000000000, hoc est, per mille milliones; prodit numerus continens mille millionesimas partes grani papaveris, qui numerus mille millionesies plus continet, quàm sint grana papaveris in globo terrestri contenta, eritque numerus guttularum aquæ contentarum in globo Terraqueo in proportionem millemillionecupla cum uno grano papaveris. Cum numerus granorum papaveris in Terraqueo globo contentorum contineat solum 31. figuras ut supra vidimus §. præcedente; erit is per 1000000000, seu mille milliones multiplicatus figurarum 40 ordine positarum, utpote novem cyfris auctus, secundum mensuram multiplicantis. Ut tandem habeamus numerum continentem in se tot guttulas, quot in 100 Mundis capi possunt in proportionem mille millionesima ad granum papaveris, debet præcedens n. 40. figurarum multiplicari per 100. augebiturque multiplicandus duabus figuris & in tota summa erit 42 figurarum & in se continebit tot unitates, quot centum globi Terraquei in se capere possunt

sunt guttulas aquarum supranominata proportionem cum grano paveris. Est autem hic numerus : 7333 213 805481164800000000-000000000000000000. At quia numerus aureorum debitorum est 78 figurarum; patet quantum distet ab eo, qui est solum 42. figurarum. Constat ergo veritas Propositionis.

COROLLARIUM.

Colligitur ex his, majorem esse numerum aureorum debitorum, quam sint guttula aqua de cælo cadentes intra centum, imo intra mille annos, quia intra unum annum non cadunt tot guttulae, ut aequivalent uni integro globo Terraqueo, nos autem posuimus cadere tot guttulas, ut aequivalent centum talibus globis, & tamen numerus earum adhuc longe distat à numero aureorum debitorum. Imo intra milles mille annos non caderent tot guttulae, ut consideranti patet.

**§. III. Statuitur, numerum aureorum debitorum esse majorem numero guttularum aqua, si diebus singulis totius anni tanta decideret aqua, quanta toto diluvii anni versa-
tis tempore decidit.**

NEtamen quis mihi obiiciat, parcum me in determinanda aquarum copia extitisse, non pensitantem quanta sit terræ capacitas, ideo ut omnē scrupulum eximā, pono tantum aquæ in dies singulos per integri anni spatiū de cælo pluere quantum in cathylismo universalī, quando divina Justitia in ingratum hominū genus descendiit, super faciem terræ congregata fuit; sive hæc aqua ex vaporibus in secundam aeris regionem attractis, & in aquam conversis; sive è tumescenti Oceano in altum sublevato vi exhalatidnum in mare receptarum; sive è converso in aquam aere secus terram, subsequente alio virtute rarefactionis distento; sive ob guttas è supercælestibus aquis mandato DEI, ut ipsi vindicanti præsto essent, in terram decedentes, sive à quacunque alia causa provenerit: adhuc tamen omnis illa aqua non continet tot numero guttulas, servata proportione sæpius dicta, quot numeri sunt aurei debiti. Quod sic ostendo.

*Diluvii
aqua unde
orta.*

Quantæ fuerint aquæ diluvii, tractat *P. Cornelius à Lipide* in *Diluvii*
Comment. cap. 7. Genesis, ubi testatur, præclaros Romæ Ma- *aqua quan-
ta fuit.*
thematicos

chematicos computum ineuntes reperisse, quod non excedant proportionem ducentesimæ trigessimæ octavæ partis globi terrestris, seu Terraquei. Fundantur in sacris litteris, è quibus constat, aquas diluvii superasse altissimos montes quindecim cubitis. Ex quo deducunt, aquas fuisse elevatas supra terram ad summum ad 5000. passuum, summi siquidem montes vix in linea perpendiculari quatuor milliaria Italica eminent supra terræ superficiem. Ut ut sit (ego certè altissimis etiam in Orbe montibus non tantam attribuo altitudinem), ponamus tantum aquæ fuisse, quantus est totus globus Terraqueus, nimirum ducenties trigiesies octies plus, quàm revera fuerit juxta prædictorum Mathematicorum sententiam. Jam si numerum guttularum aquæ tenentium mil' emillionecuplam ad granum papaveris proportionem. quæ in globo Terraqueo contineri possunt, multiplicemus per 365. dies, quot nimirum annus numerat, prodit numerus quæsitus Ego, ut veritas magis pateat, multiplico dictum numerum per 1000. statuens annum unum constare mille diebus, provenient 43. figuræ ordine positæ, idem scilicet numerus qui supra adjecta una cyfrâ. Hic autem numerus longè inferior est, quàm aureorum debitorum, quod ostendendum erat.

§. VIII. Stabilitur Propositio IV. nimirum numerum individuorum substantialium, quæ à principio Mundi hucusque fuere in orbe elementari, exiguum esse cum numero aureorum debitorum comparatum.

GRadum nunc facio ad quartam Propositionem demonstrandam, qua asseritur, numerum aureorum debitorum in 256. solutionibus in dupla geometricæ progressionis proportionem faciendis, longè minorem esse, quam sit numerus individuorum substantialium præteritorum & præsentium, sub lunæ cælo existentium. Quare, ut Propositio fert, sermo est de individuis substantialibus, quæ & prima vocantur unde excluduntur accidentalialia individua, hoc est, quorum entitas est accidens, sive intentionalia sint, sive realia, eo quod de iis numerus aliquis probabilis ini-ri non possit.

In ipso autem limine duæ difficultates, & quidem non exiguæ considerationis, sese offerunt. Prima est, quod nullus determinatus individuorum actu existentium numerus, ne quidem probabiliter; statui possit, nisi plane arbitrarii esse velimus. Altera est, quod magis voluntarium, nimis vix dicere temerarium est, statuere aliquid de numero individuorum per generationem continuo de novo productorum. His tamen non obstantibus progredior, & ut via securiore procedam, statuo numerum utrorumque, qui omnium iudicio multo major censetur, quam revera sit ille pro quo assumitur.

Primum itaque dum sermo est de individuis substantialibus actu in orbe elementari sub concavo lunæ existentibus, hanc in considerationem, ut tot individua statuam, quot minutissima papaveris grana intra idem concavum lunæ contineri possunt; non quod tot esse credam, sed ut summa talis statuatur, quæ omnium calculo non sit minor, imo multum excedens: nam quis ambiget, multo pauciora esse individua substantialia actu quam grana papaveris sub concavo lunæ contineri possunt? Tamen si enim non diffitear, multa reperiri quæ minora sint grano papaveris, puta semina quædam piscium, maxime hæc, & aliorum minorum, & pleræque ex atomis; tamen si fiat comparatio cum iis quæ in magnitudine grana papaveris excedunt, reperiēs & plura esse, & in proportionem multū differre: nam quæ minora sunt granis papaveris, non sunt centies, imo nec decies minora, sed ad summum ter, aut quater; at vero excessus in majoribus est ingens, & horum majorum numerus est similiter ingens. Nam si globulus, cujus diameter est latitudo unius digiti, ex ætatis principiis supra §. 3. æquivaleret 64000. granis papaveris: quam quæso proportionem habebit annosa ac patula quercus, saxa prægrandia, elephantes, balenæ, alique immanis magnitudinis belluæ ad unum papaveris granum? certe pleraque individua summo excessu grana papaveris excedunt, pauca vero ab iisdem granis exceduntur, & quidem exiguo excessu. Stet ergo numerum positum pro individuis actu existentibus esse superabundantem, & longe majorē quā de facto sint omnia individua substantialia. Sed ut omnis cavillæ di præcludatur aditus, statuamus individua existentia esse millecupla proportionem cū grana

*Individua
ruri subst.
stantialium nu-
merus pa-
uissim.*

papaveris, hoc est, tot actu existere individua sustentia, ut cui-
libet grano papaveris eorum omnium quæ sub lunæ concavo con-
tineri possunt, correspondeat 1000. individua, vel, quod idem est,
tot individua esse statuamus, quot papaveris grana replere pos-
sunt mille vastitates tales, qualis sub concavo lunæ cernitur. Quod
si adhuc animus non quiescit, ponamus cuiuslibet granorum om-
nium intra mille prædictas vastitates contentorum correspon-
dere myriadem individuorum, hoc est, 10000. Tot ergo erunt in
hac suppositione individuorum actualium myriades, quot grana
papaveris sub concavo lunæ concludi possunt.

*Individuo-
rum sub
sustentia
præterito-
rum nume-
rum statu-
mur.*

Ad secundum quod spectat, nimirum ad individuorum substan-
tialium præteritorum numerum, pono tot quotidie à Mundi
principio fuisse producta sub lunæ concavo (quocunque modo,
sive per generationem, sive per continui divisionem, sive aliter)
quot paulo ante posui de facto nunc existere. Nullum fore existi-
mo, qui me parcum esse dicat in assignando huiusmodi individuo-
rum numero. Ne tamen ullo modo à quopiam avaritiæ coarguar,
ponam non tantum in dies, sed in singulas horas producta fuisse tot
individua, quot de facto nunc existere posui. Dubium nè cupiam
remanebit de sufficienti numero assignato pro individuis præteri-
tis, quocunque modo productis; adhuc liberaliorem me exhibe-
bo, & ponam tot individuorum myriades in singulis horæ minutis
producta esse à Mundi exordio usque huc, quot contineri possunt
in tota orbis elementaris vastitate minutissima papaveris grana.
Scio me nimis prodigum judicari in assignando numero indivi-
duorum tum existentium, tum eorum quæ generantur & intereunt
quotidie, attamen hæc liberalitas non mediocriter conducit ad
verum conceptum animis lectorum ingenerandum de ultimis
tribus ab Arithmetico-geometra assertis Propositionibus.

*Luna con-
cavi quot
granorum
papaveris
sphaera.*

His præsuppositis, ante omnia, juxta dicta superius §. 3. de tri-
plicata ratione quam habent sphaeræ suarum diametrorum, inve-
niendus est numerus granorum papaveris quæ continet sphaera
elementaris usque ad concavum lunæ, ut haberi possit numerus in-
dividuorum præsentium & præteritorum. Quod sic fiet. Diameter
concavi lunæ ex mente Alphragani, quem supra secuti sumus
quoad diametrum universi, est milliariorum Italicorum 241261.

diameter

diameter igitur sphaeræ milliariæ ad diametrum concavi lunæ est, ut 1. ad 241261. Si hæc proportio triplicetur, hoc est, si dicta diameter concavi lunæ in se cubicè ducatur, proveniet Sphaera concavi lunæ hæc, 14043047692262,81. continens figuras septendecim. Itaque tot sphaeras milliarias continet in se sphaera concavi lunæ, quot unitates continet prædictus numerus. Si jam prædictum numerum multiplices per numerum granorum correspondentium sphaeræ milliariæ, nimirum per 3276800000000000000. (quem numerum invenimus supra §. 3.) producit numerus granorum papaveris quæ in concavo lunæ contineri possunt, nimirum. 4601625867800602542080000000000000000. qui est triginta sex figurarum. Juxta nostram igitur hypothesein tot myriades individuorum præsentium sunt, quot prædictus numerus continet papaveris grana, seu unitates: quare si eum multiplices per myriadem, hoc est, per 10000. producit numerus individuorum præsentium juxta hypothesein nostram, qui est præcedens cum quatuor cyfris adjunctis ad dexteram, nimirum 46016258678006025420800000000000000000000000. continens quadraginta figuras.

Ut vero habeantur individua præterita, producta à Mundi principio hucusque per spatium 6000. annorum (tot enim pono effluxisse, quamvis revera nondum effluerint à Mundi creatione) per continuam rerum generationem, divisionem, ac mutationem, reducendus est annus in dies, hic in horas, & denique horæ in minuta, tribuendo cuilibet horæ minuta 60. proveniuntque pro uno anno minuta 5251960. Hæc multiplicata per 6000. annorum, dant minuta horaria à Mundi exordio hucusque, 3155760000. hæc ducta in numerum granorum papaveris contentorum ex hypothesi sub concavo lunæ, producant numerum quadraginta sex figurarum, quia multiplicans est decem figurarum, & multiplicandus triginta sex figurarum. Numerus hic est: 145216268485704294781943808000000000000000000000000. Qui quidem numerus repræsentat myriades individuorum hucusque spatio 6000. annorum in Mundo sublunari productorum. Si dictum numerum multiplices per myriadem, hoc est, per 10000. provenit numerus individuorum ex nostra hypothesi hucusque sub lunæ concavo productorum, qui quidem numerus continet quinquaginta

Minuta horaria unius anni.

§. X. *Stabilitur Propositio VI. nimirum, numerum spirituum celestium additum numero individuorum substantialium hactenus assignato, adhuc minorem esse numero aureorum debitorum.*

IN ultima Propositione asseriebatur, si probabili conjectura uti licet (licet autem, aliorum exemplo) dicendum numerum aureorum debitorum excedere numerum individuorum spiritualium & materialium substantialium hactenus assignatorum in duobus §. præcedentibus. Difficultas consistit in assignatione numeri spiritualium individuorum celestium, seu Angelorum: quem tamen assignasse me sufficienter existimavero, si longe majorem posuero quam alii omnes hactenus facere, neque enim hic inquiri numerum præcisè Angelorum, sed tantum qui non sit minor judicandus, quantumcunque cæteroquin excedat. Et quidem communis omnium est sensus, Angelos esse in maxima multitudine (si antiquiores Ethnicos excipias) juxta illud Daniel. 7. *Mil-
lies millium ministrabant ei, & decies centena milia assidebant ei.* Hinc somniasse illos dicendum est, qui Angelorum numerum restrinxerunt ad 100. vel 300. vel 600000. *Durandus & Magister* sententiarum volunt, pauciores esse Angelos beatos, quam sint homines ad finem Mundi usque futuri, fundati in illo, quod homines & Angeli sint futuri æquales numero in gloria: cum igitur major sit damnandorum hominum quam beatorum numerus, & minor Angelorum damnatorum quam beatorum, sequitur plures fore homines in gloria quam Angelos Eodem spectare videtur illud *S. August.* lib. 2. de civit. DEI cap. 10. *D. Anselmi, venerabilis Bedæ, & D. Bernardi,* vacuas Angelorum sedes ab hominibus esse implendas. *Opinio S. Anathysi* est, Angelos respectu hominum se habere, ut 99. ad 1. juxta parabolam illam de ove perditâ, Lucæ 15. *S. Thomas* docet indefinite substantias immateriales excedere materialium multitudinem, quod Thomistæ intelligunt de numero materialium rerum specificè, & non individualiter sumptorum. *P. Suarez* putat, satis probabile esse Angelos excedere numero individua corporalia, non quidem absoluta, sed ea quæ non omnino per accidens, sed aliquo modo per se distinguuntur: unde videtur velle, quod non sint tot Angeli, quot individua corporea simpliciter.

*Angelorum
= mundo.
maximo*

*Varia sen-
tentia de co-
rû numero.*

[illegible]

Tertia proportio fit, Ut Firmamentum quoad capacitatem ad globum Terraqueum, ita sit numerus Seraphinorum ad individua materialia. Quare non amplius est proportio inter diametros sed inter totum globum Firmamenti & reliquorum cælorum globos.

§. XI. *Infinuatur numerus innumerabilis graduum
gratia & gloria Beata MARIE Virgi-
nis Deiparæ.*

*Numerus
innarrabilis
graduum
gratia B. M.
Virginis.*

Quidquid hætenus ex Auctore Problematis attulimus, co-
collimat, ut aliquo saltem modo conicere valeamus ingen-
tem, & humano intellectui fere innumerabilem, imo & incon-
ceptibilem numerum gratiæ graduum, quibus sanctissima DEL ge-
nitrix MARIA dotata fuit in fine vitæ, & graduum gloriæ, quibus
nunc dotata est in cælis, si annis non plus quam 64 vixit, & in pri-
mo instanti suæ *Immaculata Conceptionis* sine originali peccato non
nisi unum gradum gratiæ habuit (habuit autem plurimos, ut po-
stea dicam) horisque singulis non nisi unum elicuit actum charita-
tis tali pacto, ut semper ex tota latitudine habitus (ita loquuntur
Theologi) fuerint operata, adeoque singulis actibus duplum præ-
cedentis gratiæ acquisiverit. Si enim annis 64 vivendo, quolibet
trimestri spatio non nisi unum eliciuisset actum cum prædictis cõ-
ditionibus, atque adeo tota vita sua solum 256 actus produxisset;
habuisset in fine vitæ tot gradus gratiæ, quot aureorum est debi-
tum de quo hætenus disputavimus. Quis autem dubitet, eam sin-
gulis, non dicam mensibus, hebdomadibus, ac diebus, sed horis, si
non etiam horarum minutis, unum saltem eliciuisse actum? quod si
verum est de horis, post horas non amplius quam 256, hoc est dies
solum 40 $\frac{2}{3}$ adæquavit totum numerum prædictum. Si autem de
minutis horarum est verum, post minuta 256, hoc est, post horas 4-
& minuta 16. eundem debiti numerum adæquavit. Nec unum ta-
men solum gratiæ gradum in prima sanctificatione fuisse datum
Virgini Deiparæ, nec plurimos tantum, sed plures quam ulli homi-
num vel Angelorum, indubitatum est apud Catholicos, quia ma-
gis à DEO dilecta, & ad majus officium, majoremque dignitatem
electa erat, quam ullus hominum, vel Angelorum. *Imo primum & ve-
rissimile est credere* (inquit P. Franciscus Suarez in 3. part. D. Thomæ
quæst. 27. disp. 4. sect. 1.) *gratiam virginis in prima sanctificatione in-
tensioris fuisse, quam supremam gratiam, in qua consummantur Angeli
& homines* Probat id Suarez ex D. Gregorio Papa lib. Regum c. 1. D.
Thom. 3. p. q. 27. art. 6. B. Laurentio Justin Scrim. de Nativit. Virgi.

*Gratia B.
Mariæ Vir-
ginis in pri-
mo instanti
conceptionis*

nis. *R. Petro Damiano.* Serm. de Annuntiat. *S. Vincentio Ferrer.* Serm. 1. de Nativit. *MARIÆ.* In eadem sententia sunt multi doctissimi Theologi. Quæ sententia si vera est, verumque quod per actum quemlibet charitatis aucta fuerit semper præcedens gratia secundum progressionem geometricam proportionis duplæ, quis concipiat aut ennutiet numerum?

Sed nos in prima hypothesei persistamus, demusque I. primam *MARIÆ* Virginis gratiam à DEO infusam fuisse solum ut unum, ^{Numerus} post primum, deinde auctum crevisse ut duo, ^{graduum} post secundum ut ^{gratia illius} quatuor, ^{confinuatur.} post tertium ut octo, & sic deinceps, semper progrediendo juxta proportionem duplam. Demus II. Eam vixisse annis 64. & singulis annis solum quatuor actus meritorios gratiæ eliciuisse, adeoque toto vitæ suæ spatio non nisi actus 256. Porro quæcunque in sequentibus assertionibus dicemus, asserit etiam Auctor problematis de debito aureorum.

Dico I. Quidquid de numero aureorum debitorum hætenus dictum fuit, dicendum etiam de numero graduum gratiæ quos habuit *MARIA* Deipara in fine vitæ, ac proinde lex in §. I. assignatæ, & in sequentibus probatæ propositiones, accommodari possunt hujusmodi numero.

Dico II. Si tot homines actu semper existerent, quot palmos quadratos convexa terraquei globi superficies continet, qui diebus & noctibus continuo sine cessatione loquerentur, idque per spatium decies centenorum millium millionum annorum, non tot verba proferrent, quot gradus gratiæ haberet *MARIA* Virgo in data hypothesei: ponamus enim, quemlibet hominem singulis horæ minutis proferre millionem verborum, seu millies mille verba; quod tamen omnino impossibile videtur esse. In vestigo primo, quot verba unus homo intra annum proferret, assignando cuilibet horæ minuto intra annum millionem verborum; sunt autem, ut vidimus supra §. VIII. intra annum minuta 525960: quæ si multiplico per 1000000, seu millionem, dant verba ab uno intra annum prolata, 525960000000. Deinde, hunc numerum multiplico per decies centena millia millionum, id est, per 1000000000000, proveniunt verba ab uno homine prolata toto tempore assignato, quæ sunt 5259600000000000000000000000000, summa nimirum complectens

re posuimus; proveniunt cogitationes unius hominis quas juxta suppositionem elicit in annis 1000000. si est in continuo exercitio. Numerus cogitationum qui producit ex prædicta multiplicatione, est triginta septem figurarum, ut sequitur: 604661760000-00000000 00000000 00000000. Hanc porro summam si multiplices per numerum hominum continuo saltem per successionem existentium in prædictis annis (qui licet ut supra vidimus, est figurarum tantum triginta & unius quot nimirum figurarum est summa granorum papaveris quæ in globo terraqueo contineri possunt, ponamus tamen esse figurarum triginta duarum, ut reductio fiat ad cyfras) proveniunt 60466176 cum sexaginta cyfris. numerus scilicet cogitationum omnium in decies centenis millibus annis existentium. Qui numerus cum tantum sit sexaginta octo figurarum, longe distat à numero graduum gratiæ MARIÆ Virginis secundum hypothesein factam, quia hic est 78. figurarum.

Dico IV. Si numerus omnium verborum & cogitationum hominū in duabus præcedentibus assertionibus repertus, addatur in unam summam adhuc minor erit hæc summa, quam numerus prædictorum graduum gratiæ. Nam si ponamus tot verba, quot cogitationes posuimus nimirum plura verba quam antea posuimus) & numerū cogitationum antea inventum duplicemus: proveniet numerus cogitationum & verborum simul, & tamen non erit major quam sexaginta novem figurarum, nimirum 1209323. 2. cum sexaginta cyfris: ideoque adhuc longe distabit à numero graduum gratiæ.

Dico V. Si essent tot scribæ, quot granorum papaveris capax est totus terraqueus globus, & quilibet scriberet unum tomum ingentem in folio majore, qui constaret milie paginis seu semifoliis *halbe Bögen* vocant Germani, *mezzo foglio* Itali) quælibet pagina contineret ab una parte ducentas lineas, totidemque ab altera parte, ac quælibet linea ducentas haberet litteras seu characteres, quilibet autem scriba diebus singulis absolveret unum tomum, & omnes simul scriberent centum millibus millionum dierum: pauciores formarēt characteres quā sint gradus gratiæ B. MARIÆ Virginis in hypothesei facta. Nā si quælibet pagina seu paginæ pars continet lineas 200, & quælibet linea characteres 200; continebit pagina ab una parte characteres 40000, ab utraque

vero parte 80000. qui numerus si ducatur in 2000. paginas, provenit numerus characterum contentorum in uno quoque tomo, nimirum 80000000. Ut verè sit facilior operatio, augeo hunc numerum, & pono quemlibet tomum continere 100000000. characterum. Multiplico hunc numerum per numerum scribarum, hoc est, per numerum granorum papaveris quorum capax est terraqueus globus, nimirum per 73321.80548119+800000000000000. quod fit adiaciendo huic numero octo cyfras ad dexteram, confurgitque numerus triginta novem figurarum. Demum hunc numerum 39. figurarum multiplico per centum mille millones, nempe per 100000000000. quod fit adiaciendo ipsi ad dexteram adhuc undecim cyfras, & resultat summa quinquaginta tantum figurarum. Quæ utique longè minor est quam summa graduum gratiæ, quæ est 78. figurarum.

*Numerum
graduum
gratiæ com-
putatur
summa arenu-
larum.*

Dico VI. Si ponamus totam universum usque ad Firmamenti convexum esse repletum minutissimis arenulæ granulis, quarum quælibet sit decies millesima pars unius grani papaveris, & singulis millenis millibus millionum annorum auferatur una arenula, singulis vero horæ minutis seponatur unus milio graduum è cumulo graduum gratiæ supradictæ B. Mariæ Virginis, citius exhaurietur cumulus arenularum, quam cumulus graduum gratiæ. Rem sic ostendo. Numerus granorum papaveris, quæ in universo capi possunt, est ex supra dictis, figurarum quadraginta sex: qui si multiplicetur per 10000. (quot nimirum arenulas ponimus uni grano papaveris respondere) resultat summa arenularum, complectens ordine quinquaginta figuras. Ego tamen, quia loco figurarum significativarum pono meras cyfras cum una unitate ad sinistram, attribui illi 51. figuras. Jam si ad unam arenulam auferendam requiruntur anni 1000000000000. hoc est, decies centies milleni millones, seu millies mille millones annorum, ergo ad decem arenulas auferendas requiritur decies tantum, quæ summa habetur, si adiaciatur una cyfra proximè præcedenti numero, ut fiat numerus 14. figurarum: ergo ad arenulas auferendas quarum summa constat 51. figuris ordine positis, requiritur numerus annorum continens 63. figuras ordine positas, ut patet ex sequenti Tabella. Quamvis autem summa arenularum solum contineat 50. ordi-

Tabella annorum, & graduum gratiæ.			
Gradus grat.	525960000000	0000000000	0000000000 0000000000
Anni resp.	1	0000000000	0000000000 0000000000
Residuū grad.	0000000000	0000000000	0000000000 000000 fig. 77.
Resid. annorū	0000000000	0000000000	0000000000 000000 fig. 66

Ex his Tabellis apparet primo, ut tot auferantur arenulæ, quot summa figurarum 51. ostendit, requiri tot annos, ut summa eorum contineat 63. figuras ordine positas. Quoniam verò arenæ, quæ capi possunt in universo, pauciores sunt quàm anni prædictæ summx, ideo intra illorum annorum spatium exhauriri potest rotus cumulus arenarum. Apparet secundo, ut è cumulo graduum gratiæ extrahantur tot gradus, ut summa eorum contineat 77. figuras ordine positas, requiri annos tot, ut eorum summa contineat 66. figuras ordine positas. Ex quo concluditur, longè citius exhauriri posse cumulum arenularum totum universum replentium, quàm cumulum graduum gratiæ supra positurum.

*Numero
graduum
gratiæ com-
paratur
cum grana
papaveris.*

Dico VII. Si singulis gradibus gratiæ, quos Beatissima Virgo Maria juxta superiorem hypothesein meruit actibus 256. tantum, responderent singula grana papaveris, tantus esset granorum numerus, ut ad illa capienda necessarii forent,

Concava Universi 10411650805410111440511834220031.

Concava Lunæ 1838513270.

Globi Terraquei 34531.

Globi habentes pro diametro milliare Ital. 290504343.

Globi habentes pro diametro passuum geom. 143066647.

Globi habentes pro diametro pedem geom. 92.

Globi habentes pro diametro palmum. 26.

Globi habentes pro diametro digitum. 14.

Globi habentes pro diametro granum hordei. 1.

Globi habentes pro diam. sex grana papav. 4.

Globi habentes pro diam. quatuor grana pap. 1.

Globi habentes pro diam. duo grana papav. 1.

Ratio

Ratio est, quia omnibus globis recensitis respondent grana papaveris ut sequitur, quæ omnia simul adæquant numerum graduum supradictis actibus acquisite. Nam grana papaveris respondent

Globis	{	1157908923731619542357098500868706183824757881213-
concaui	{	7439893684224000000000000000-
Universi	{	000.
Globis con-	{	846015021152667348760981340160000000000000000-
cavi Lunæ.	{	00.
Globis Tetraqueis.		2531860591707010170880000000000000000.
Globis diametri mill.		951924624114240000000000000000.
Globis diametri pass.		4688007888960000000.
Globis diametri ped.		24126248000.
Globis diametri palm.		106494000.
Globis diametri digiti.		896000.
Globo diam. grani hord.		1000.
Globis diam. sex papav.		864.
Globo diam. quatuor pap.		64.
Globo diam. duorum pap.		8.

Hæ summæ granorum papaveris sic colligantur in unum, efficiunt summam 78 figurarum æqualem quo ad numerum & valorem figurarum summæ graduum gratiæ MARIÆ, seu aureorum debitorum supra §. 2. positæ; quam hic iterum appono ut sequitur: 1157920823731619542357098500868790785326998466564056403945784007913129639936.

ANNOTATIO I.

Numerus globorum precedentium repertus est tali modo. Totus numerus graduum gratiæ, aut aureorum debitorum, qui est 78 figurarum, divisus fuit primo per numerum granorum papaveris uni globo mundiæ competentium: quotus enim dedit numerum globorum mundialis seu universi supra positum. Deinde quoniam post divisionem factam magna summa remansit, hæc iterum divisa fuit per numerum granorum papaveris concavo Lunæ competentium; & residuum iterum fuit divisum per numerum granorum subsequents globi, & sic deinceps, donec tota summa graduum gratiæ fuit exhausta.

*Numerus
globorum
precedentiū
quomodo sit
reperitur.*

ANNOTATIO II.

Globus u-
nus capax
granorum
precedentiū
quomodo re-
periatur.

Si inuestigare velis quantitatem unius globi capaxis tot numero granorum, quot graduum est cumulus gratiæ, aut quot aureorum est debitum; obtimebis id, si ex numero prædicto graduum aut aureorum extrahas radicem cubicam; dicta siquidem radix est diameter globi quæsiti. Ratio est, quia cum globi inter se seruent proportionem triplicatam diametrorum, ut supra §. 2. diximus ex Euclide lib. 12. Element. Proposit. 18. fit ut illa sit diameter dicti globi, qua continet tot partes æquales diametro grani papaveris, quot requiruntur ut per illas diameter multiplicata cubice, producat summam graduum, seu aureorum debitorum, nam resoluta talis diameter cubice in partes æquales diametro grani papaveris resolvitur in numerum graduum prædictorum, seu aureorum debitorum ex quo genita fuit. Quod licet valde operosum sit attenta magnitudine numeri: tamen id præstitit Auctor Problematis in gratiam curiosi Lectoris. Est autem radix extracta hac: 48740834812604276470692694-
 $\frac{888}{1000}$, scilicet figurarum viginti sex cum fractione. Erit itaque diameter globi quæsiti tot diametris grani papaveris æqualis, quot numerus præsens continet unitates.

ANNOTATIO III.

Ut autem conceptum dignum de magnitudine dictæ diametri, & consequenter globi correspondentis habeas, resolve illam in diametros Universi, Concavi Lune, Terraque &c. Quod ut Lectorem labore sublevaret, etiam præstitit Auctor Problematis. Statuit autem, juxta prædicta, longitudinem diametri Universi cum Alphrazano milliariorum Italicorum 323769887. seu diametrorum grani papaveris 1036063638400000; longitudinem concavi Lune milliariorum Italicorum 241261, seu diametrorum grani papaveris 772035000000, Terraque cum recentioribus nonnullis ex Clavio milliar. Ital. 60 $\frac{1}{2}$, seu diametrorum grani papaveris 19427200000. siue de cætero vera sit illa dimensio siue nō, quod fini nostro non officit. Quæ vero sit quantitas diametri grani papaveris, diximus supra, in ordine ad calculum, 10 juxta seposita respondere latitudini grani hordeacei, 40 digito, 160 palmo, 640 pedi, 3200 passui geometrico, 3200000 milliari Italico, seu mille passibus. Continet itaque diameter hæcenus reperta.

Universi	47044248061.
Concavi Lunæ	948.
Globi Terraquei.	29.
Globi milliar. Ital.	5803.
Globi unius pass.	91.
Diametros { Globi unius ped.	2.
Globi unius pal.	1.
Globi unius dig.	1.
Globi grani hord.	1.
Grani papaveris	4 $\frac{1}{10000}$

ANNOTATIO IV.

Globus porro diametro reperta correspondens capiet granapapaveris 11579208237316195423570985004293548312586184297563778375731637799620125981864 $\frac{47044248061}{10000000000000}$, & remanent grana 4394359540683400368076785663725946208393003658071 $\frac{4394359540683400368076785663725946208393003658071}{10000000000000}$: quæ dua summa unita constant numerum graduum gratiæ, seu aureorum debitorum.

Ad hoc residuum capiendum requiruntur plures quam 3000 globi habentes diametros equales diametris totius Universi, & tamen addita diametro reperta una millesima parte diametri grani papaveris, consurget diameter cujus globus capiet simul grana residua prædicta, & multo etiam plura.

ANNOTATIO V.

Qui globum augere cupit, addat diametro antea reperta fractiones fractionum, hoc est, partes partium diametri grani papaveris, ut diameter tota sit diametrorum grani papaveris 48740834812604276470692694 $\frac{11579208237316195423570985004293548312586184297563778375731637799620125981864}{10000000000000}$, Secunda fractio significat partes unius partium ex antecedentibus, & sic de reliquis: quæ omnia simul non faciunt $\frac{3}{4}$ unius diametri grani papaveris. Hujus diametri globus ita prope accedit ad globum capacem tot granorum papaveris, quot sunt gradus gratiæ à nobis positi, aut aurei debiti, ut si addatur tali diametro $\frac{1}{10000000000000}$ pars diametri grani papaveris hoc est, diameter globuli qui sit magnitudine equalis $\frac{1}{10000000000000}$ parti grani papaveris (denominator

Diameter
cui tot papaverum quot
aureorum
est debitum.

Hhhh 2 bujas

hujus fractionis continet triginta sex cyfras) conſurget diameter ver^o longior, & tamen tot remanebunt grana papaveris, ut ad illa capiend^a non ſufficiant 10000. globi habentes diametros concavi Lune, juxta quantitatē à nobis ſuprapoſitam: quod cupiam merito incredibile videbitur, cum pars addenda ſit tam exigua, ut vix mente concipi poſſit, & tamen res ita ſe habet. Poſſim diametrum repertam efficere majorem, per additionem aliarum fractionum, ſed neci per ſe obſcura obſcuritatem addam, hac ſufficiant.

Si quis mavult diametrum ſine fractionibus, hoc aſſequetur, ſi numeratores ſine denominatoribus annectat diametro, cujus numeri repræſentabunt decies centum mille millioneſimas partes diametri grani papaveris. Qua diameter reducitur ad majores terminos, ut ſupra fecimus.

Iam. alio
eodem pra-
eſſor.

Nè tamen quis putet, impoſſibile eſſe reperire diametrum, cujus globus capax ſit tot granorum papaveris, quot graduum eſt cumulus grana à nobis poſitus, aut quot aureorum eſt debitum, ita ut nè quidem unum integrum granum remaneas, ſi ex ſuprà relicto reſiduo granorum, præter tres fractiones quas nos extraximus, extrahas alias tredecim, quarum quilibet repræſentet milleſimas unius præcedentis, & inſuper aliam qua contineat decimas præcedentis, & habebit diametrum quaſitam: illius ſiquidem globus capax erit tot granorum, exceptis aliquot fragmentis unius grani denominatis à numero, cujus figura ſunt unitas cum 156. cyſſis. Eandem diametrum reperiet, qui volet, ſi ex numeris graduum aut aureorum cum 156. cyſſis extrahas radicem cubicam, dicta enim radix erit diameter quaſita, continebitque ordine figuras 78. qua repræſentabunt partes diametri grani papaveris denominatas ab unitate & quinquaginta duabus cyſſis.

ANNOTATIO VI.

AU porro poſſis reperiri diameter, cujus globus præciſè capiat tot grana papaveris, quot graduum grana eſt cumulus à nobis poſitus, ita ut nè quidem ullum fragmentum remaneat, etiam minutiffimum, non auſim affirmare de potentia humana. Nam cum reducerimus globi quantitatem ad ſalem magnitudinem, ut non niſi fragmenta unius grani remaneant, difficile videtur reperiri poſſe partem aliquam
qua

quæ adita diametro illius globi immensi, efficiat ut globus ratione illius ita crescat secundum aliquam partem, quæ capax sit illorum fragmentorum omnium, & tantis. Tentet id qui majori ingenio pollet.

ANNOTATIO VII.

SI velis invenire numerum graduum gratia & gloria, qui consurge- Numerus
graduum
gratie B.
Maria V.
in alia
hypothesi.
ret, si Diva Virgo Maria singulis annis toto tempore vite sue anno-
rum 64. eliciisset octo actus ex tota latitudine habitus, hoc facile obvi-
nebis, si numerum graduum jam antea habitum ducas in seipsum. pro-
ductum enim dabit quæsitum: nam juxta regulas datas supra §. 2. sum-
ma proveniens erit respondens loco seu termino 513. in progressionem geo-
metricam duplæ proportionis incipiente ab unitate, ac proinde dicta sum-
ma continebit summas omnium progressionum anteriorum cum una
unitate, nimirum summas progressionum 5:2. quot nimirum termini
consurgunt, si spatium 64. annorum singulis annis fierent octo progressio-
nes. Quoniam verò difficilis est illa multiplicatio, sufficit scire quod
juxta datam regulam summa proveniens sit futura ad minimum 155.
figurarum. Si igitur cum summa 155. figurarum velis instituire similes
quæstiones & comparationes, quas nos instituimus, scribe ordine unam
unitatem & 154. cyfras: licet enim hæc summa sit multo minor quam
vera summa, cum omnes figure significativæ omittantur, ea tamen abun-
de sufficiet ad intentum tuum, quia vix concipi potest, nedum exprimi,
quanta sit illa summa. Quod autem ex multiplicatione summa graduum
gratie antea reperorum in se, proveniat summa continens ad minus
155. ordine figuras, patet ex eo, quod multiplicans est 78. figurarum, &
totidem est multiplicandus, bis autem 78. faciunt 156. Sed quoniam pro-
ductum potest esse minus una figura, ideo diximus summam provenien-
tem ad minus continere 155. ordine positas figuras.

Aique hæc sufficiant de hoc problemate, quod Marianum appello, quo-
niam amor erga Mariam id excudit, cui amanda ac deprecanda uti-
nam tot mihi corda, tot ora forent, tot manus & calami scribentes, quos
graduum gratie est non solum cumulus à me positus, sed quem semina vix
in vita, & nunc fruitur æternum in gloria.

COROLLARIUM.

Ex dictis colligitur, admiranda omnia & maximè paradoxa problemata, quæ variis auctores antehac deduxerunt ex incremento maximo progressionis geometricæ, sicum hoc nostro comparentur, nequaquam amplius paradoxa & admiranda videri. Lege P. Clavius, & P. Tarquet in Arithmetica practica, ubi de progressionē geometricā agunt, aliosque complures Auctores, & verum esse quod diximus, re ipsa comperies.

SYNTAGMA SECUNDUM.

De incredibili idiomatum multiplicabilitate, ex utili viginti trium litterarum Alphabeti combinatione.

§. I. *Exempla & Paradoxa combinationis ac permutationis rerum.*

Combinati-
onum
exemplum.

Inter paradoxa innumera, quæ larga manu dives ac facunda subministrat Mathesis, non postremum sibi locum vindicare ea, quæ de rerum combinationibus ac permutationibus nascuntur, & semper mihi persuasum fuit, & sequentia non obscurè docent exempla. Lis quondam inter duodecim nobiles exorta viros de adeunda hæreditate. Indicitur dies, quo rem inter se placide componant, conveniunt, ultro citroque rem agitant, sed ut sæva est habendi cupido, post longam disceptationem scinduntur in diversa, alii arbitris rem dirimendam judicant, judicio alii forensi, alii Marte & gladio: alius tandem cæteris placidior pronuntiat rem componendam sanguine Bacchi in cyatho, erant enim omnes Germani. Unanimi itaque consensu decretum, illi adeundam esse hæreditatem satis cæteroqui opimam, qui cæteros toties convivio exciperet, quoties accumbendi mensæ ordinem mutare inter se possent, ita ut nunquam eodem ordine accumberent, ea tamen lege, ut si temporis successu ad id præstandum se imparem atque insufficientem deprehenderet, hæreditate ex æquo inter reliquos dividenda caderet. Unus cæteris audacior, & opulentior, at in rebus combinandis parum versatus, conditionem acceptat, ratus paucorum mensium, aut saltem annorum spatio obligationi se satisfacturum: verum ipse frustratum post annos

nos non paucos se videns, & expensas perdidit, & hereditate cecidit. Quot enim annos arbitraris, lector curiole, exigi ut tali debito satisfiat? tria forsitan, quatuorve lustra? quinque aut sex sæcula? Falleris vehementer: nam si in dies singulos symposita instituerentur, mille sæcula, hoc est, centies annorum millia neutiquam sufficerent, sed ut ajunt, Arithmetici, & postea ostendetur, requiruntur convivia 47900 600. hoc est, quadringentia & septuaginta novem milliones convivorum, ac insuper mille & sexcenta, anni vero plus quam 1,143. hoc est, plus quam annorum millena millia, trecenta & undecim millia, quadringenta & triginta quatuor.

P. Christophorus Clavius, Comment. in cap. 1. Sphæræ Joannis de Sacro Bosco, agens de combinationibus quatuor primarum qualitarum, digressionem facit pulcherrimam de rerum quarum cunque combinationibus ac permutationibus, & postquam per regulam à se traditam cognovisset omnes viginti trium litterarum Alphabeti conjunctiones, ait, si inquiratur per eandem regulam, quot modis litteræ uniuscujusque conjunctionis inter se commutari possint, haberi numerum omnium dictionum utilium & inutilium, dummodo in una dictione nulla littera bis, vel ter &c accipiat (sic enim multo adhuc plures dictiones fieri possent,) atque ea ratione viginti trium litterarum inter se asserit constitui permutationes 25852016738884976640000.

Alind combinationis exemplum.

At cum hoc pro una tantum conjunctione fecerit Clavius, ubi nimirum dictiones singulæ simul omnes 23. litteras adhibent, eadem autem litteræ longè aliter ac multifariè variari possint, sumendo illas primo singulas, deinde binas, tum ternas, post quaternas, quinas, senas, & sic deinceps, usque ad numerum vigesimum tertium, quem solum prosecutus est Clavius, ideo P. Paulus Guldinius lib. 4. de Centro gravit. cap. 5. à fine, indagat combinationes ac permutationes earundem litterarum, si prædictis modis sumantur. Ait igitur, quando singulæ tantum sumantur litteræ, clarum esse plures fieri non posse quam 23. diversas acceptationes: cum vero binæ pro una dictione conjunguntur, combinationes fieri vicies bis viginti tres, hoc est, numero 506. cum ternæ conjunguntur pro una dictione, fieri dictiones 10626. cumque omnes

Adhuc aliud exemplum.

*Combina-
tiones 13.
litterarum
Alphabeti.*

omnes combinationum modos percurrisset, productos omnes numeros in unam colligit summam, eamque ait esse, 70273067330330098091155, hoc est, septuaginta millium, ducentorum, & septuaginta trium millium millionum; sexaginta septem millium, trecentorum triginta millium millionum: trecentorum, triginta millium, nonaginta octo millionum; millium nonaginta & unius centum quinquaginta quinque dictio-num, quarum nulla sibi similem habeat, nullaque littera in eadem dictio-ne repeta-tur. Colligit deinde in unam summam litteras omnes illis dictio-nibus contentas, eamque ait esse 1546007491267262147905433, hoc est, unius millionis millionum millionum millionum; quin-gentorum quadraginta sex millium, septem millionum millio-num millionum; quadringentorum nonaginta & unius mille, du-centorum sexaginta septem millionum, ducentorum sexaginta duorum millium, centum quadraginta septem millionum, non-gentorum quinque millium, quadringentorum & triginta trium litterarum.

*Quot codi-
ces ingentes
replere pos-
sint.*

Hic porro tam immensus vocum litterarumque numerus ut a-liquomodo comprehendi possit, colligit litteras in codices, quo-rum quilibet contineat quingentas paginas, seu mille facies, in qua-libet verò facie sint centum versus seu lineæ, & in quavis linea cha-racteres 60. unde una facies suscipere potest centies sexaginta, id est, 6000 litteras, quæ ductæ in 1000 facies, producunt 6000000, id est, sex milliones litterarum unius codicis, per quas si nume-rum litterarum antea positum diviserimus, exibat numerus li-brorum illis litteris complendorum, videlicet 257667915211210357, id est, ducentorum quinquaginta septem millium, sexcento-rum sexaginta septem millionum, millionum nongentorum quin-decim millium, ducentorum undecim millionum, ducentorum decem millium, trecentorum quinquaginta septem, & ultra, quin-que milliones litterarum adhuc supersunt.

*Quot idem
bibliothecar*

Hos libros ut in Bibliothecas colligat, tam libri quam Biblio-thecæ magnitudinem primo describit, libri crassitie dat quadrat-tempedis Viennensis, latitudini tres quadrantes, longitudini sex-quipedem, Bibliothecam statuit quadratam undique id est, cubicam, cujus singula latera sint quadringentorum triginta duorum pedum

Vien-

Viennensium, quanta scilicet est altitudo maximæ turris, quos triginta duos pedes parietibus hinc & inde tribuit, utrobique videlicet sexdecim, totidemque in altum pro variis contignationibus, ita ut pro vacuo Bibliothecæ per dimensiones singulas, tam in altum, quam in latum, ac longum, quadringenti pedes cubici permaneant. His præmissis, libros in loculos collocat. Altitudo ducentos suscipit loculos, parietem unum ex quatuor implentes, sic enim cuilibet loculo duo pedes in altum obveniunt, libro sesqui pedem assumente, reliquum semipedem asser ac parvulum spatium occupant. Et quia liber unus quadrante pedis spissus est, idcirco tota longitudo unius loculi capit mille sexcentos libros, qui multiplicati in ducentos loculos, qui in altum exsurgunt, faciunt trecenta & viginti millia librorum, quo integro ducentorum loculorum ordini conveniunt. Distribuit deinde etiam loculos in latitudinem Bibliothecarum, quæ satis ampla est, una cum ambulatoriis tribuendo loculis in latitudine dodrantem pedis, ambulatoriis vero sex pedes cum dimidio, adeoque toti latitudini, quæ quadringentorum pedum est, centum loculorum ordines adsignat. Cum ergo unus ordo 320000. librorum habeat, centum ordines, atque adeo una integra Bibliotheca capiet 32000000. librorum: per quos divisus superior omnium librorum numerus, dat Bibliothecarum omnium numerum quæ ad libros locandos necessariæ sunt, nimirum 805212350. hoc est, octo millium ac quinquaginta duorum millionum, centum viginti duorum millium, trecentarum quinquaginta Bibliothecarum.

Ad has porro Bibliothecas capiendas, non sufficit una Provincia, nec unum regnum aut imperium, quantumvis vastissimum, nec Orbis Terraqueus antiquus, aut novus, imò nec tota in Orbe superficies terræ. Demus enim, Oceanum & maria cum cæteris aquis omnibus mediam Terraquei globi superficiem occupare, alteram vero medietatem, terrenæ superficiæ tribuamus. Hanc medietatem facit Guldinus pedum quadratorum 141371670000. hoc est mille quadringentorum tredecim millionum millium, septingentorum sedecim millium, & septingentorum millionum pedum quadratorum: jam superficies quam una Bibliotheca in terra occupat, est eorundem pedum quadratorum

Ad hanc Bibliotheca capiendas quorū provincia sine necessaria.

186624, hoc est, centum octoginta sex millium, sexcentorum, viginti quatuor, unde dimidia illa orbis superficies per hanc divisa, hunc reddet Bibliothecarum numerum, quæ dimidium orbem occupare possunt, 7175213799, qui adhuc multo minor est quam numerus Bibliothecarum necessariarum ad libros omnes capiendos, qui est 8052122350, quippe qui illum superat hoc Bibliothecarum numero, 476908351. pro quibus nullum in terrarum orbe locum habere possumus, nisi & maria occupare velimus.

*Libri omnes
quot terre-
marum superfi-
cies tegeret.*

Quod si dicti libri non in Bibliothecas & loculamenta disponentur, sed in terra alter juxta alterum collocarentur, ita, ut nullum prorsus spatium vacuum relinquerent; operirentne totam terraquei globi superficiem, sumpta etiam illa tanquam sicca quæ aquæ occupant? Guldinus pro triplici ratione, qua disponi in terra possunt libri, triplex dat responsum. Libri enim vel stare possunt erecti, vel longiori ac strictiori suæ superficiei incumbere, vel longiori ac latiori. Pro primo modo ait non solû unius terraquæ superficiei non satis esse, sed neq; septendecim sufficere, secundum modum duplo plures postulare, juxta tertium vero modum duos: supra centum terrarum globos, & eo amplius, libris istis legi ista posse, ut ne punctum quidem physicum ex terra appareat.

Quod jam scriptoribus opuserit, quantumque temporis ad scribendos illos libros necessarium? quantum chartæ requiretur? quot non dico terraquei globi, sed totius universi superficies convexas illa charta contegere licebit? vides igitur, quæ paradoxa ex 23 litterarum Alphabeti combinatione ac permutatione sequatur.

§. II Exempla & Paradoxa nova de combinatione vigintium litterarum Alphabeti, ad formanda diversâ idiomata.

Mira hæc, nemo negabit, at longe mirabiliora quæ sequuntur. Sunt in Alphabeto nostro latino septendecim consonantes, *b, c, d, f, g, h, k, l, m, n, p, q, r, s, t, x, z*. Sunt quinque vocales *a, e, i, o, u*: licet enim etiam *y* vocalis sit, ideoque revera sex sint vocales, quia tamen *y* nec apud nos nec apud alias nationes (quod sciam) nunc differt ab *i* in pronuntiatione, ideo omittimus in præsentî negotio & qui-

& quinario numero contenti sumus. Sunt denique diphthongi quinque *ae, au, ei, eu, oe*, tametsi enim pluribus modis combinari inter se vocales possint, ac etiam soleant apud varias nationes, pluresque effici diphthongi, nunc tamen quinarium numerum retine- relibet. Jam certum est, nec singulas consonantes, nec plures simul sumptas enuntiari posse ab ulla natione, sine vocalium aut diphthongorum consortio vel in principio vel in medio, vel in fine: Certum etiam est, in plerisque dictionibus, & apud plera- que nationes, aut singulas solum, aut binas consonantes cum vo- calibus ac diphthongis combinari, rarius tres, rarissime plures abs- que insigni asperitate verborum pronuntiatorum. Clavius & Gul- dinus indifferenter combinarunt 23, Alphabeti litteras vel omnes simul, vel binas, ternas, quaternas &c. nil solliciti utrum omnes combinationes aptæ essent ad constituendam dictionem quæ posset enuntiari, & revera major pars illarum, propter concursum consonantem sine vocalium ac diphthongorum intermixtione, e- nuntiari non potest. Longe ergo mirabilius erit, si ostendatur, easdem 23 litteras Alphabeti, restrictas ad certas conditiones (de quibus mox) & ita compositas inter se, ut enuntiari commode ac suaviter queant, tot nihilominus modis combinari posse, ut non solum omnes linguas seu idiomata quæ de facto in mundo sunt, constituent, sed longe ac fere infinites plura constituere queant, etiamsi multa millia millionum vocabulorum unicuique idiomatici attribuamus, & omnia verba ad certas conditiones mix- adsignandas restringamus. Rem totam ingeniose & clare osten- dit Auctor præcedentis problematis, à quo & hæc ex parte ac- cepi, ac mentem meam cum ipso sequentibus tribus paradoxis declarabo.

Combinati-
onē 23. litte-
rarum
Alphabeti
nova ex-
empla.

PARADOXUM I.

Idiomata inter se ex aquo diversa, quæ septendecim consonantium, combinatione
quinque vocalium & totidem diphthongorum combinatione orta sunt, omnium 23. lit-
terarum
& eriri possunt, superant numero omnes urbes, oppida, pagos & arces in
toto terrarum orbe existentes, etiamsi dimidium terrena superficiei, esset Alphabeti
paradoxa.
urbibus repletum, & etiamsi omnes dictiones restringantur ad sequen-
tes conditiones: primo, ut littera in omnibus sint numero pares, secundo,

ut eadem littera in omnibus semel tantum ponatur, tertio, ut consonantes cum vocalibus & diphthongis ita misceantur, ut dictiones omnes commode ac sine asperitate pronuntiari queant; quarto, ut nulla dictio excedat numerum viginti litterarum, qualis est hæc Constantinopolitanus; quinto, ut qualibet dictio differat ab alia non solum quantitate seu litterarum numero, aut quavis alia ratione, sed etiam litterarum transpositione.

PARADOXUM II.

Si verba impari litterarum numero expressa, sed cæteris conditionibus explicatis affecta, adiciantur prioribus verbis; idiomata quæ ex iis constitui possunt, excedunt numero omnes urbes, pagos, & arces in Mundo existentes, etiam si totus Orbis Terraqueus habitaretur, & urbibus plenus foret.

PARADOXUM III.

*Idiomata
pleraque
nostri Al-
phabets
Litteris
utuntur.*

Si qualibet consonans vel semel tantum in quolibet verbo ex prædictis gemineatur inter duas primas vocales aut diphthongos, plura constitui poterunt idiomata, quàm sint domus in toto Mundo, etiam si dimidia pars terrena superficiei Terraquei globi habitaretur, & unica urbs fores non adeo amplis domibus referta; ideoque qualibet hominum familia in Orbe terrarum de facto existentium poterit loqui idiomate proprio ab aliis differenti, hoc est, tot fieri poterunt idiomata inter se diversa, quot sunt familia in Mundo: constabunt tamen aliqua dictiones viginti & una littera, sed omnes reliquas conditiones habebunt.

Multæ nationes diversarum linguarum seu idiomatum, non alijs utuntur litteris ad efformanda verba, quam litteris Alphabeti nostri Latini, quamvis nonnulli diverso modo figurent illas, & diversimode pronuntient. Græci etiam, Hæbræi, Arabes, Chaldæi, Samaritani, & alij populi, etiam si litteris alio modo efformatis utantur; omnes tamen, aut saltem pleræque æquivalent nostris. Licet præterea quædam idiomata non habeant vocales, uti est Hebraicum, Chaldaicum, Arabicum, & alia similis, utuntur tamen punctis, aut alijs signis, quæ vocalibus nostris æqui pollent. Quare dici potest, omnia fere idiomata quæ de facto in Mundo sunt, etiam si tot millenis millionum vocabulis constent, constare solum ex combinatione paucularum consonantium, vocalium, & diphthogorum; quod certe mirum est.

At multo mirabilius est, ex earundem paucularum litterarum permixtione ac combinatione tot alia idiomata oriri posse, quor in prædictis tribus paradoxis expressimus. Quod tamen luce clarius ostendemus, ubi prius docuerimus, quot modis res quælibet propositæ permutari inter se possint, ac combinari.

§. III. *Traduntur regulæ ad inveniendas omnes permutationes possibiles, dato quocunque rerum numero.*

A Lii permutationis & combinationis voce promiscue utuntur; ego unam ab altera distinguo. Permutatio igitur rerum est, quando dato rerum numero quocunque, accipiuntur omnes simul, & ita miscentur ac varie disponuntur inter se, ut semper habeant alium ordinem, idque toties, quoties fieri potest. Ut si sint quatuor litteræ, *a, b, c, d*, & ita permisceantur ac disponantur, ut semper alio ordine se mutuo consequantur, v. g. *a, c, d, b*, vel *a, d, c, b*, &c. dicuntur inter se permutari. Combinatio vero rerum est, quando dato certo numero rerum, v. g. decem litterarum, *a, b, c, d, e, f, g, h, i, k*, accipiuntur earum binæ ternæ, quaternæ &c. & toties inter se componuntur in binarios, ternarios, quaternarios, &c. quoties possunt, ita ut omnes binarii, ternarii &c. sint inter se differentes vel simpliciter & secundum rem, vel saltem secundum ordinem rerum. Simpliciter & secundum rem diversæ combinationes sunt, quando in nulla sunt eædē dux, tres &c. res secundum ordinē diversæ sunt, quando res in aliquibus sunt quidem eædem, at ordo earum est diversus. Res melius intelligetur ex sequentibus. Tamen si vero ad demonstranda prædicta tria paradoxa de multiplicabilitate idiomatum, necessarium non sit scire quot modis 23 litteræ Alphabeti, & quorlibet aliæ res propositæ, possint inter se permutari, tamen ad intelligendum & examinandum paradoxum Clavii, placuit hic apponere etiam permutationum regulam; quæ duplex est: una quidem quando res permutandæ sunt inter se omnes diversæ; altera, quando aliquæ ex illis sunt similes, hoc est, bis, ter, aut sæpius ponuntur.

*Permutatio
& combinatio rerum
quomodo
differat.*

*Combinatio-
nes diversæ
secundum
rem, & se-
cundum or-
dinem.*

REGULA I. Quando omnes res permutandæ, sunt diversæ.

*Permuta-
tionis rerū
regula pri-
ma, quando
res omnes
sūt diversæ.*

Dato quocunque numero rerum permutandarum; scribantur in serie naturaliter numeri, ab unitate incipiendo, quot res sunt propositæ, & inter se invicem multiplicentur, ultima summa producta est numerus omnium permutationum possibilem. Inspice sequentem tabulam.

TABULA I.

Pro permutatione rerum inter se omnino diversarum.

1	1
2	2
6	3
24	4
120	5
720	6
5040	7
40320	8
362880	9
3628800	10
39916800	11
479001600	12
6227010800	13
87178291200	14
1307674368000	15
20922789888000	16
355687428096000	17
6402373705728000	18
121645100408832000	19
2432902008176640000	20
51090942071709440000	21
1124000727777607680000	22
25952016738884976640000	23
620448401743239439360000	24

Hæc tabula extat etiam apud P. Athanasium Kircherum lib. 8. Musurgix, sed in seriem 14. 15. & ultimam irrepsit error, quem ultimum transcripsit etiam P. Tacquet in Arit. lib. 5. c. 8. Probl. 1. Potest extendi in infinitum. Ex ea patet, duas res, v. g. duas litteras
ab, possc

a, b, posse inter se permutari bis, & non amplius: & ratio est, quia unaquæque potest occupare semel tantum primum locum sic, *a, b, b, a*. Tres res, ut tres litteræ *a, b, c*, possunt permutari sexies, quia qualibet earum occupante primum locum, reliquæ duæ possunt bis permutari sic, *abc, acb, bac, bca, cab, cba*. Quatuor res possunt viginti quatuor permutationes admittere, quia qualibet earum occupante primum locum, possunt reliquæ tres permutari sexies, ut vidimus Eadem est ratio de cæteris.

COROLLARIA.

Ex his colligitur I. in qualibet permutationum serie reperiri omnes res permutandas, sed non eodem ordine positas: nam alius est ordo *a, b*, alius *b, a*, item alius est ordo, *a, b, c*, alius *a, c, b*, alius *b, a, c* &c.

Colligitur II. Rectè à nobis assignatum esse supra §. I. numerum permutationum inter duodecim mensæ accumbentium.

Colligitur III. Rectè assignatum fuisse ibidem à P. Clavio numerum permutationum inter 23. litteras Alphabeti.

PARADOXUM.

Colligitur IV. Rectè dixisse P. Tacquet loc. cit. mille milliones scriptorum, mille annorum millionibus non posse scribere omnes 24. litterarum Alphabeti permutationes, licet singuli quotidie absolverent 40. paginas, quarum unaquæque contineret 40. diversos ordines litterarum 24. Nam, ut benè ostendit dictus Auctor, quoniam unus scriptor uno die scribit 40. paginas, quarum singule continent 40. ordines diversos litterarum viginti quatuor, si ducantur 40. in 40. fiunt diversi ordines 1600. quos uno die scribet scriptor unus. Ergo si demus anno dies 366. (hoc est, plures quàm ei debeantur) scribet scriptor unus anno uno ordines seu permutationes dictarum litterarum 585600. fit enim hic numerus ex 600. ductis in 366. Annis igitur 1000000000. hoc est, mille millionibus annorum, scribet unus permutationes 585600000000000. diversas apud Tacquet abundat una cyfra, hic enim numerus oritur ex 585600. ductis in 1000000000. Quare si mille annorum millionibus scriptor unus scribat permutationes seu ordines diversos prædictos, scriptorum mille milliones eodem tempore, videlicet mille annorum millionibus, scribent mutationes diversas 5856000000000000000000000000. hic enim numerus resulat, si

tas, si præcedens permutationum numerus multiplicetur per mille miliones. Hic autem ultimus numerus est minor quam numerus vigesimo quarto loco collocatus in præcedente tabella.

Secretum pro Anagrammatibus faciendis.

Anagram-
matum fa-
ciendum
Secretum.

Colligitur V. Quomodo reperiantur omnes permutationes possibiles litterarum in dato uno aut pluribus vocabulis, posito quod nulla littera plus quam semel ponatur. Quod est secretum facile & infallibile ad efficienda Anagrammata dato quovis vocabulo, aut vocabulis. Quid autem faciendum, quando eadem littera repetitur, mox dicitur.

Quod si in dato numero rerum permutandarum aliqua similes sunt, hoc est, una aut plures res ponuntur bis, ter, aut sapius, ut fit in nominibus *IESVS, MARIA, IGNATIUS*, in quorum prima littera S, in secundo littera A, in tertio littera I bis ponitur, permutationum numerus invenitur hac regulae: P. Athanasio Kircheri loc. cit. deprompta.

Regula II. Quando non omnes res permutanda sunt diversa, sed aliqua inter se similes.

Permuta-
tionum re-
gula secun-
da. quando
res aliqua
sunt simi-
les.

Numerus permutationum totius dividatur per numerum permutationum quas subire possunt res similes in toto contenta, quotiens dabitur numerum permutationum quasitum. Quinque igitur litterarum nominum illorum, *Iesus MARIA*, permutari possunt sexagies: nam quia quinque litterarum utriusque nominis (hæ enim sunt numerus totius) juxta præcedentem regulam permutari possunt 120. & inter illas quinque res sunt duæ similes, nempe S S, A A, numerus autem permutationis duarum rerum est 2. quia duæ res permutari possunt bis, ideo si dividantur 120. per 2. quotiens 60 indicat, quinque illas litteras in utroque nomine permutari posse sexagies. Item quia litterarum *IGNATIUS*, sunt 8. quarum si omnes essent diversæ, permutationes admitterent 40320. litterarum autem similes, seu eadem repetita, sunt 2. duæ autem res admittunt permutationes duas, ideo si 40320. dividantur per 2. quotiens 20160. dat omnes ordines diversos possibiles octo litterarum quibus prædicta vox constat. Eodem modo si nomen sit trium litterarum, & inter eas sint duæ similes, ut in nomine *ALA*, possunt ex

permutari

permutari tantum ter, A L A , L A A , A A L : nam tres res diversæ admittunt 6. permutationes , & 2 res diversæ duas, 6. autem divisa per 2, dant pro quoto 3. Iterum vox A M A R A quinque litterarum, trium similium , admittit tantum 20. permutationes : nam si numerus permutationum 120. quas quinque res diversæ admittunt, dividatur per numerum permutationum 6. quas tres diversæ res admittunt, quotus erit 20. Abstineo ab aliis exemplis , & loco omnium appono sequentem tabulam, desumptam ex P. Kircheri loc. cit. & correctam, ex qua statim videbis quoties res quotcunque, quarum aliquæ similes aut eædem sunt, permutari possint. Eam quilibet ulterius extendere poterit, si usum ejus, & modum quo constructa fuit (de quibus post tabulam) intelligat.



I.									
N rerū Permutatiōum	II. Permutatio rerū omnino diversarū.								
I	0	III. Permutatio rerū, in qui- bus 2. similes							
II	2	0	IV. Permutatio rerū, in qui- bus 3. similes						
III	6	3	0	V. Permutatio rerū, in qui- bus 4. similes					
IV	24	12	4	0	VI. Permutatio rerū, in qui- bus 5. similes				
V	120	60	20	5	0	VII. Permutatio rerū, in qui- bus 6. similes			
VI	720	360	120	25	6	0	VIII. Permutatio rerū, in qui- bus 7. similes		
VII	5040	2520	840	210	42	7	0	IX. Permutatio rerū, in qui- bus 8. similes	
VIII	40320	20160	6720	1663	336	56	8	0	X Permutatio rerū, in qui- bus 9. similes
IX	362880	181440	60480	15653	3024	504	72	9	0
X	3628800	1814400	604800	159530	30240	5040	720	90	10
N rerū similium.	I	II	III	IV	V	VI	VII	VIII	IX

U S U S T A B U L A E.

Hæc Tabula habet decem columnas, à sinistra versus dextram proportionaliter decrecentes in altitudine. In prima ad sinistram continetur numerus rerum permutandarum ab una ad decem tantum, qui volet, potest eam extendere in infinitum. sed tunc omnes reliquæ debent extendi, & cuilibet convenientes numeri inscribi. In secunda columna continetur numerus permutationum quas res permutandæ, si omnes diversæ forent, possunt admittere, & hæc nihil est aliud quàm præcedens Tabella 1. Tertia columna continet permutationes quas res admittunt, quando inter illas sunt duæ similes. Quarta, quando tres sunt similes. Quinta, quando quatuor &c. In calce columnarum est numerus rerum diversarum inter res permutandas propositas.

Uſus Tabulæ hic est. Si res permutandæ sunt octo, v.g. & inter illas sunt quatuor res similes seu eadem, quære in 1. columna ad sinistram VIII. & in calce columnarum quære IV. ascende dein à IV. ab VIII. verò ingredere dextrorsum, quadrangulum concursus dabit tibi 1663. tot ergo vicibus permutari possunt res octo, quarum quatuor sunt eadem. Sint iterum res permutandæ sex, & inter illas sint tres similes: quære VI. in columna sinistra, & III. in calce columnarum, & quadrangulum concursus, in quo invenies 120. indicat tot vicibus permutari posse res sex, quarum tres sunt similes. Eodem modo in aliis omnibus procede.

§. IV. Traduntur regulæ ad inveniendas omnes combinationes possibiles, dato quovis rerum numero.

Quid sit combinatio rerum, diximus §. præcedentis initio. Combinatio
est rerum
regula Querere igitur, quot dato rerum quocunque numero, v. g. decem litterarum, fieri ex illis possint combinationes, est querere, quot ex his decem litteris haberi possint diversi binarii litterarum, & quot diversi ternarii, quaternarii &c. idque vel simpliciter, ita ut nulla combinatio (id est, nullus binarius, ternarius &c.) rem eandem bis contineat, nullaque habeat omnes res easdem cum ulla altera, vel saltem secundum ordinem, ita ut in nulla sit idem ordo rerum qui antea fuerat. Ad inveniendas autem rerum

quotcunque propositarum combinationes, primum in ratione binarii, deinde ternarii, tum quaternarii, quinarii &c. tam secundum ordinem, quam secundum rem, has accipe regulas

Regula I ad inveniendas rerum quotcunque propositarum combinationes tam secundum rem, quam secundum ordinem diversas.

Regula prima.

Numerum rerum propositarum multiplica per numerum unitate minorem; & habebis numerum combinationum, cum res bina accipiuntur. Hunc combinationum numerum rursus multiplica per numerum unitate minorem, quam fuerit proxime pracedens multiplicans, & habebis numerum combinationum, cum res terna accipiuntur. Hunc etiam combinationum numerum multiplica iterum per numerum unitate minorem multiplicante eo, qui proxime pracessest & habebis numerum combinationum, cum res quaterna sumuntur. Eodem procede in reliquis, donec multiplicans ad unitatem descenderis, qua quoniam non multiplicat, ultimus numerus productus est iterandus. Tandem singulorum combinationum summas collige in unam summam, & habebis quarum omnium combinationum numerum.

Sint exempli gratia propositæ octo litteræ, *a, b, c, d, e, f, g, h*, & velis scire, quor combinationes admittant, si accipiantur primo binæ, deinde ternæ, ac demum quaternæ; seu quor contineant binarios, ternarios, & quaternarios. Multiplica 8. per 7. & productum 56. erit numerus omnium binariorum. Multiplica rursus 56 per 6. & productum 336 erit numerus omnium ternariorum. Iterum multiplica 336 per 5, & productum 1680. erit numerus quaternariorum. Ulterius multiplica 1680 per 4, & productum 6720 erit numerus omnium quinariorum. Multiplica jam 6720 per 3. & ductum 20160 erit numerus omnium senariorum. Hunc numerum denuo multiplica per 2. & productum 40320 erit numerus omnium septenariorum. Tandem hoc ultimum productum multiplica per 1, id est, iterum sume, & habebis numerum omnium octonariorum. Erunt itaque

Binarii	56	Sint iterum propositæ quatuor res, <i>v.</i>
Ternarii	336	<i>g.</i> quatuor primæ qualitates, caliditas
Quaternarii	1680	frigiditas, siccitas, humiditas, velisque,

Qui-

Quinarij
Senarij
Septenarij
Octonarij

6720 scire quoties possint conjungi in binari-
20160 os. ternarios, & quaternarios. Multipli-
40320 ca. 4 per tria, & habebis 12 binarios: hos
40320 multiplica per 2 & habebis 24 ternarios
— hos iterum multiplica per 1, & habebis

Summa 109592 24 quaternarios.

Ratio hujus rei est, quia si sint quatuor res, v.g. quatuor hæ lit-
teræ, *a, b, c, d*, (& eadem est ratio in aliis quocunque rebus) quali-
bet ex his potest conjungi cum qualibet aliarum trium, & sic re-
sultant duodecim combinationes in ratione binarii, ut in sequen-
ti exemplo vides: item quilibet binarius potest conjungi cum qua-
libet reliquarum rerum, & sic resultant 24 ternarii, item quilibet
ternarius conjungi potest cum residua re, & sic resultant etiam 24
quaternarii. Inspice sequens Schema.

*Combinationes quatuor litterarum, a, b, c, d, in binarios, ter-
narios, & quaternarios.*

Binarii 2.

*ab, ac, ad,
bc, bd, cd,
ba, ca, da,
cb, db, dc.*

Quaternarii 24.

*abcd, abdc, acdb,
acdb, adbc, adcb,
bcad, bcda, bdac,
bdca, cdab, cdba,
bacd, badc, cabd,
cadb, dacb, dacb,
cbad, cbda, dbac,
dbca, dcab, dcba,*

Ternarii 24.

*abc, abd, acb,
acd, bcb, ade,
bca, bcd, bda,
bdc, cda, cdb,
bac, bad, cab,
cad, dab, dac,
cba, cbd, dba,
dbc, dca, dcb*

Hac arte invenit P. Guldinus summam
omnium combinationum possibilem viginti
trium litterarum Alphabeti, includendo et-
iam numerum ipsarum litterarum singularem
acceptarum. Summam dedimus supra §. I.

Regula II ad inveniendas rerum quocunque propositarum combinationes, secundum rem et res.

*Regula
secunda.*

Sequentem regulam tradit *Petrus Herigonius* in cursu *Mathem.* tom. 2. tract. de *Arithmet.* cap. 15. & ex ipso *P. Andrea Tacquet* in *Arithm.* lib. 5. cap. 8. pro qua intelligenda, sciendum est, numerum rerum propositarum semper esse majorem, numero rerum simul combinandarum, v. g. sunt propositæ octo res, & combinandæ sunt duæ, tres, quatuor, quinque, sex, septem: numerus rerum simul combinandarum est vel 2, vel 3, vel 4, vel 5, vel 6, vel 7. His positis, regula hæc est: Dato numero rerum, & alio minore secundum quem res datae sunt combinandæ, instituantur duæ progressionēs arithmeticae per subtractionem unitatis à numeris datis, utraque tot terminorum, quot minor habet unitates: tum numerus genitus ex multiplicatione mutua terminorum majoris progressionis, dividatur per numerum productum ex multiplicatione mutua terminorum minoris progressionis. Quotiens erit quesitus combinationum numerus, Exempli gratia, sit numerus rerum *a*; combinandarum secundum numerum *b*, nimirum in ternarios. Institue duas progressionēs arithmeti-

$$\begin{array}{r|l} \frac{a}{3} \cdot 7 \cdot 6 & 3 \frac{e}{3} \cdot 6 \frac{f}{5} \cdot 6 \\ 2 \cdot 1 & 6 \end{array}$$
cas ut vides, per subtractionem unitatis, nimirum 3. 2. 1. 6. progrediendo ab 8, usque ad 7, & à 7, usque ad 6. *b*. *e*. item à 3, ad 2, & à 2 ad 1. Deinde multiplica in se invicem 8, 7, 6, produces numerum *e*: multiplica item in se invicem 3, 2, 1, produces numerum *f*. Tandem divide numerum *e* per numerum *f*; & quotus *f*. indicabit, in quot ternarios conjungi possint octo res, ita ut quilibet sit ab aliis diversus totaliter, id est, nullus contineat easdem tres res. Eadem arte invenes binarios 28. quaternarios 70, quinaros 56, senarios 28, septenarios 8, tandemque 8 unitates diversas. Exempla tu ipse formato, combinando octo litteras Alphabeti. Eadem est ratio in omnibus aliis. Vide *P. Tacquetium* loc. cit. ubi nonnulla huc spectantia notat.

Regula

Regula III. ad inveniendas combinationum quotcunque ejusdem speciei combinationes, partim secundum rem, partim secundum ordinem diversas.

Non solum res cum rebus combinari atque conjungi possunt, modo in præcedentibus dicto, sed etiam combinationes rerum cum combinationibus rerum, v.g. binarii cum binariis, ternarii cum ternariis &c. Quæri ergo ulterius potest, quoties omnes binarii quatuor rerum. v.g. combinari possint cum omnibus binariis trium. v.g. rerum, item quoties omnes ternarii earundem quatuor rerum combinari seu conjungi possint cum omnibus ternariis earundem trium rerum: & quidem ita, ut omnes combinationes sint diversæ partim secundum rem, & partim secundum ordinem. Loquor autem hic solum de combinationibus combinationum ejusdem speciei, & de combinationum combinationibus partim secundum rem, partim secundum ordinem diversis, quoniam ex solum ad rem nostram faciunt. Pro solutione sit hæc regula. *Numeri combinationum diversarum rerum ducantur in se, producti duplum est numerus omnium combinationum quaesitus.* Rem exemplo declaremus. Sint quatuor diversorum generum vina, Ibericum, Siculum, Franconicum, Rhenanum, suis poculis vitreis inclusa, sint item tres diversæ aquæ, cytrina, hyacinthina, naturalis, suis etiam vitreis vasculis inclusa: quaeritur, quoties binarii vinorum cum binariis aquarum, & quoties ternarii vinorum cum ternariis aquarum combinari seu conjungi possint, ita ut semper duo pocula vinorum sequantur duo pocula aquarum, aut vice versa. Binarii quatuor vinorum partim secundum rem & partim secundum ordinem diversi sunt 12, binarii vero trium aquarum sunt 6. ducatur igitur 6 in 12, producentur, 72. quorum duplum sunt 144. Dico, binarios vinorum cum binariis aquarum posse combinari centies & quadragies quater. Si loco vinorum accipias quatuor initiales litteras, *i, f, r,* & loco aquarum tres litteras initiales, *e, b, n,* poterunt binarii quatuor litterarum cum binariis trium litterarum totidem modis combinari, quot vina & aquæ. Eodem modo invenes numerum combinationum seu conjunctionum ternariorum vini & aquæ. Nec secus invenitur combinatio qua-

*Regula
tertia.*

ter-

quaternariorum, quinariorum &c. diversarū rerum. Ratio autem hujus regulæ est, quia quilibet binarius vinorum (& eadem est ratio in omnibus aliis rebus) potest conjungi cum omnibus binariis aquarum, semel ita, ut binarii vinorum præcedant, aquarum sequantur, & iterum ita, ut binarii aquarum præcedant, vinorum sequantur: cum ergo sint 12. binarii vinorum, & 6. binarii aquarum, si 12. multiplicentur per 6. resultant combinationes 72. in quibus præcedunt vina, & hi binariorum ordines si invertantur, ut aquarum binarii præcedant, resultant aliæ 72. combinationes, & in universum 144. Considera duo sequentia schemata, in quorum primo vina, in altero aquæ præcedant.

Vina præcedunt, aquæ sequuntur.

i. n	i. h	i. h	s. h	s. h	f. h	s. h	f. h	r. h	f. h	r. h	r. h
s. c	f. c	r. c	f. c	r. c	r. c	i. c	i. c	i. c	s. c	s. c	f. c
i. h	i. h	i. h	s. h	s. h	f. h	s. h	f. h	r. h	f. h	r. h	r. h
s. n	f. n	r. n	f. n	r. n	r. n	i. n	i. n	i. n	s. n	s. n	f. n
i. c	i. c	i. c	s. c	s. c	f. c	s. c	f. c	r. c	f. c	r. c	r. c
s. h	f. h	r. h	f. h	r. h	r. h	i. h	i. h	i. h	s. h	s. h	f. h
i. c	i. c	i. c	s. c	s. c	f. c	s. c	f. c	r. c	f. c	r. c	r. c
s. n	f. n	r. n	f. n	r. n	r. n	i. n	i. n	i. n	s. n	s. n	f. n
i. n	i. n	i. n	s. n	s. n	f. n	s. n	f. n	r. n	f. n	r. n	r. n
s. h	f. h	r. h	f. h	r. h	r. h	i. h	i. h	i. h	s. h	s. h	f. h
i. n	i. n	i. n	s. n	s. n	f. n	s. n	f. n	r. n	f. n	r. n	r. n
s. c	f. c	r. c	f. c	r. c	r. c	i. c	i. c	i. c	s. c	s. c	f. c

Aqua præcedunt, vina sequuntur

h. i	h. s	h. i	h. s	c. i	c. s	c. i	c. s	n. i	n. s	n. i	n. s
c. s	c. i	n. s	n. i	h. s	h. i	n. s	n. i	h. s	h. i	c. s	c. i
h. i	h. f	h. i	h. f	c. i	c. f	c. i	c. f	n. i	n. f	n. i	n. f
c. f	c. i	n. f	n. i	h. f	h. i	n. f	n. i	h. f	h. i	c. f	c. i
h. i	h. r	h. i	h. r	c. i	c. r	c. i	c. r	n. i	n. r	n. i	n. r
c. r	c. i	n. r	n. i	h. r	h. i	n. r	n. i	h. r	h. i	c. r	c. i
h. s	h. f	h. s	h. f	c. s	c. f	c. s	c. f	n. s	n. f	n. s	n. f
c. f	c. s	n. f	n. s	h. f	h. s	n. f	n. s	h. f	h. s	c. f	c. s
h. s	h. r	h. s	h. r	c. s	c. r	c. s	c. r	n. s	n. r	n. s	n. r
c. r	c. s	n. r	n. s	h. r	h. s	n. r	n. s	h. r	h. s	c. r	c. s
h. f	h. r	h. r	h. f	c. f	c. r	c. f	c. r	n. f	n. r	n. f	n. r
c. r	c. f	n. f	n. r	h. r	h. f	n. r	n. f	h. r	h. f	c. r	c. f

COROLLARIUM I.

EX dictis hac regula sequitur 1. si duarum rerum unitates sint conjungenda in binarios, v. g. unitates vinorum prædictorum cum unitatibus aquarum, ita ut semper combinetur unum vinum cum una aqua; hoc efficitur ex multiplicatione unitatum omnium vinorum per unitates omnes aquarum, & ex producti duplicatione: nam unitates æquivalent in ratione combinationis ipsis combinationibus inter se multiplicatis. Sic si multiplicentur 4. vina per 3. aquas, & productum 12. duplicetur, fiunt 24. combinationes, ita ut semper unum vinum cum una aqua sit conjuncta. Ratio est, quia quodlibet ex quatuor vinis conjungi potest cum qualibet aqua, ideoque resultare possunt 12. binarii in quibus vinum habet primum locum, & aqua secundum; qui ordo si invertatur, resultans alii 12. binarii. Eadem est ratio in aliis rebus.

Combinatio unitatum
vini cum
unitatibus
aqua.

PORISMA I.

Ergo si numerus s. vocalium ducatur in numerum 17 consonantium & productum 85. duplicetur, provenient combinationes 170.

Combinatio vocalium

*diphthongo-
vult per
consonantes* quarum qualibet complectitur unam vocalem & unam consonantem; & quidem in 85. combinationibus precedit vocalis, in reliquis vero 58. subsequitur. Totidem combinationes oriuntur ex ductu 5 diphthongorum in 17 consonantes. Ex ductu vero vocalium & diphthongorum simul in consonantes, hoc est, 4x. 10 in 17. oriuntur combinationes 340.

PORISMA II.

Sicutem numerus binariorum 5 vocalium ducatur in numerum binariorum 17 consonantium, & productum duplicetur; orientur combinationes 24480. in quibus vocales semel precedunt consonantes, & semel sequuntur. Eadem est ratio de ternariis, quaternariis, &c.

COROLLARIUM II.

Sequitur II. ex dictis, quaratione eliciantur combinationes quae impari constant numero, v.g. quinque litteris, quarum duae vocales, & tres consonantes; aut vice versa duae consonantes, & tres vocales. Si autem quinarum, v.g. vocabula quinque litterarum, constare debent tribus consonantibus & duabus vocalibus; ducuntur binarii vocalium in ternarios consonantium. Si vero è contrario dictio constare debet tribus vocalibus & duabus consonantibus; ducuntur binarii consonantium in ternarios vocalium. Producti duplum in utroque casu dat numerum omnium combinationum, tam re quam ordine diversarum. Ratio eadem est quae supra.

COROLLARIUM III.

Colligitur praeterea ex dictis, quantum sit discrimen inter modum combinandi hac regula praescriptum, & modum combinandi praecedentium duarum regularum, modumque permutandi traditam §. praecedente. Nam si quatuor litterae huius verbi, amor, quomodocumque permutentur, resultant 24. permutationes: si conjungantur in binarios, seu re, seu ordine diversos, resultant 12 combinationes: si autem conjungantur in binarios hac lege, ut in quolibet binario vocalis precedat consonantem, aut vice versa; non nisi octo combinationes resultant, hoc est, octo tantum dictiones inde fieri possunt, quarum singula consistunt quatuor litteris ea lege, ut semper consonans sequatur vocalem, aut hac consonantem. Quae est regula infallibilis quod talis combinatio sit apta ad enuntiandum.

§. V. *Construuntur Tabulae combinatoriae vocalium, consonantium, & mixtim utramque.*

EX tribus regulis præcedenti §. IV. traditis constructæ sunt sequentes Tabulæ, quæ ad demonstrationem trium Paradoxorum supra § 2. propositorum apprimè necessariæ sunt.

TABULA I. & II. pro combinatione consonantium & vocalium.

IN prima tabula combinantur inter se 17 consonantes, & in secunda 10 vocales (quinque enim diphtongi vocalium nomine hic veniunt) in ratione binarii, ternarii &c. usque ad denarios tantum, quia volumus in sequentibus idiomatibus nullam dictionem ex mutua vocalium & consonantium sequela compositam, excedere viginti litteras, ut supra in primo paradoxo monuimus. Utraque tabula constructa est juxta regulam I. præcedentis §.

Combinatoria tabula varia.

Tabula I. | Tabula II.

Combinatio 17. con-	1	7	1	1	1	0	Combinatio 5. voca-
sonantium inter	2	7	2	2	2	9	lium & 5. diphton-
se in ratione	4	0	8	0	3	3	gorum inter se
binarii, ter-	5	7	1	2	0	4	in ratione bi-
narii, &c.	7	4	2	5	6	0	narii, ter-
	8	9	1	0	7	2	narii, &c.
	0	7	2	0	6	6	
	1	5	1	2	0	0	
	9	8	0	1	7	9	
	2	0	7	9	2	0	
	0	8	8	2	1	6	
	1	2	9	0	0	9	
	0	9	3	6	2	8	
	8	0	0	0	0	0	
	7	0	5	7	2	9	
	0	2	4	0	0	10	
	0	10	3	6	2	8	
	8	0	0	0	0	0	

Tabula III. IV. pro combinatione consonantium cum vocalibus & diphthongis numero pari in ratione unitatis, binarii, &c. pro numero litterarum singulis combinationibus correspondentium.

Tertia sequens tabula continet omnes combinationes 17 consonantium cum vocalibus & diphthongis numero pari, in ratione unitatis, binarii, ternarii &c. usque ad denarium. Singulæ autem combinationes correspondent singulis dictionibus, quæ commodè enuntiari possunt, quia in omnibus mixtæ sunt vocales aut diphthongi cum consonantibus, sed numero pari, quia in singulis sunt tot vocales aut diphthongi, quot sunt consonantes. Non excedimus in combinationibus numerum denarium, quia nulla dictio debet excedere viginti litteras. Singulæ combinationes in tertia tabula deberent duplicari, nos omnium summam duplicavimus, quod perinde est ac si omnes duplicassemus. In quarta tabula exprimimus numerum omnium litterarum quæ in omnibus binariis, ternariis &c. reperiuntur. Hic numerus reperitur, si numerus combinationum per unitates multiplicetur per duo, id est, per duas unitates, & numerus combinationum per binarios per quatuor, id est, per duos binarios, & sic de reliquis, ut in tabula apparet. Singuli numeri debent duplicari, quod in fine præstitimus.

Tabula III.

Tabula IV.

	170 1 1 2 340	
Combinations con-	24480 2 2 4 97920	Numeri litterarum o-
fonatum cum vocali-	2937600 3 3 6 17625600	mnium singulis cō-
bus & diphthongis	28784800 4 4 8 1230308400	binationū serie-
numero pari.	22455014400 5 5 10 22455014400	bus correspon-
	1347300864000 6 6 12 16167610368000	dentes.
	5928123801600 7 7 14 82993733224000	
	1778437140480000 8 8 16 28454994247680000	
	320118685286400000 9 9 18 576713633515520000	
	2560949482291200000 10 10 20 5121898964582400000	
Sum.	289945905182981450	5727413924159138260. Sum.
Dupl.	579891810365962900	11454827848318276520. Dupl.

Tabula V. VI. pro combinatione consonantium cum vocalibus & diphthongis numero impari, tenente primum & ultimum locum consonante, & pro numero litterarum correspondentium.

Quinta tabula continet combinationes consonantium & vocalium ac diphthogorum impari numero, in ratione videlicet trium, quinque septem &c. litterarum, ita tamen ut primum & ultimum locum teneat consonans. Singulæ autem combinationes sunt singulæ dictiones, quarum quælibet constat tribus, quinque septem &c. litteris.

TABULA VI. exhibet numerum litterarum quæ in combinationibus experiuntur.

Tabula V.

Conso.	Vocal.
--------	--------

Tabula VI.

Combinatio consonantū	2720	2	1	3	8160	Numerus omnium
cum vocalibus & di-	367200	3	2	5	1836000	litterarum sin-
phthongis numero	41126400	4	3	7	287884800	gulis combi-
impari, tenente pri-	742502400	5	4	9	33681521600	nationū se-
mium & ultimū	269460172800	6	5	11	2964061900800	riebus cor-
locum con-	14820309504000	7	6	13	192664013552000	respon-
sonante	592812380160000	8	7	15	889218702400000	dentū.
	16005934264320000	9	8	17	272100882493440000	
	256094948229120000	10	9	19	4865804016353280000	
Summa	27270878842727520				5146992746606723360. su.	

Tabula VII. & VIII. pro combinatione vocalium & diphthongorum cum consonantibus numero impari, tenente primum & ultimum locum vocali, & pro numero litterarum correspondentium.

Septima tabula continet combinationes vocalium & diphthongorum cum consonantibus numero impari, ut antea, sed primum & ultimum locum tenente vocali aut diphthongo. Singulæ combinationes sunt, ut antea semper, singulæ distinctiones. Octava tabula exhibet numerum litterarum correspondentem combinationibus ac di&tionibus.

Tabula VII.

Confo.
Vocal.

Tabula VIII.

Combinatio vocalium cum	15302	1	3	4590	Numerus litterarum
consonantibus numero	1958403	2	5	979200	omniū singulis con-
impari, tenente pri-	205632004	3	7	143942400	binationibus seu
um & vltimum	17273088005	4	9	1554779200	ditionibus cor-
locum vocali.	1122750720006	5	11	1235025792000	respondens.
	53892034560007	6	13	70059644928000	
	1778437140480008	7	15	2667655710720000	
	135568742089600009	8	17	60466861552320000	
	3201186852864000010	9	19	608225502044160000	
Summa.	35752089750245370			671431329668625390.	Sum.

§. VI. Demonstratur Paradoxum 1. supra
§. 2. propositum.

Hisce præmissis, pergimus nunc ad Paradoxorum supra §. 2. propositorum demonstrationem. Ad primi paradoxii demonstrationem statuenda prius sunt tria, primo superficiei convexæ Terraquei globi quantitas, secundo urbium & aliorum locorum in eadem superficie frequentia seu numerus, tertio dictionum seu vocabulorum copia ad idioma aliquod constituendum. Ad maiorem demonstrationis evidentiam, maioremque Problematis propositi admirabilitatem, omnia tria assumam longè maiora quàm vera sint.

Ad primum quod attinet, nempe ad convexæ superficiei Terraquei globi magnitudinem statuendam, tribuo cum Recentioribus communiter circumferentiæ circuli maximi ejusdem milliarum Italica 21600. seu passus geometricos 21600000. diametro milliarum Italica 6873. ferè, seu passus 683000. & consequenter toti superficiei convexæ milliarum quadrata 148456800. seu passus quadratos 1484568000000000. cuilibet enim quadrato milliari respondent

Superficies
terrena
quantitas
ex hypothesi

dent 1000000 passus quadrati, si quadrato milliari tribuantur 1000. passus simplices in longitudine, & totidem in latitudine.

*NUMERUS
URBIVM IN
CERTA, EX
HYPOTHESI.*

Quod vero attinet ad secundum, nimirum ad numerum urbium, oppidorum, pagerum, arcium, divido ex æquo totam Terræ globi superficiem antea repertam, in terream & aqueam, reperioque pro terrea superficie (quæ sola urbibus ac pagis est instructa) passus quadratos 74228400000000. Hujus spatii dimidium pono occupatum urbibus & pagis, quamvis certum sit minus longe occupatum esse, ob ingentes solitudines, sylvas, campos, & spacia inter urbes interjecta: erunt igitur occupati passus 37114200000000. Jam cuiq; urbi, oppido, pago, arci, tribuo solum 100 passus in longitudine ac totidem in latitudine, adeoque non nisi 400 in circuitu: licet certum sit, multas urbes complecti in circuitu multa passuum millia: occupabit igitur quælibet urbs &c. passus quadratos 10000. per quos si dividamus passus quadratos 37114200000000, ab omnibus urbibus &c. occupatos, reperiemus urbes oppida, pagos, arces, 3711420000. qui numerus continet decem figuras arithmeticas. Quem numerum dico superari à numero idiomatum possibiliū ex septendecim consonantium, quinque vocalium, totidemque diphthongorum combinatione ortis, non quæcunq; sed restricta conditionibus supra in 1. Paradoxo expressis, nimirum ut verba seu dictiones non excedant viginti litteras, ut nulla littera in eadem dictione replicetur, ut vicissim sibi mutuo succedant vocales seu diphthongi & consonantes ob suavitatem pronuntiationis, ut vocabula omnia litteris consent paribus numero, ut denique unumquodque differat ab alio transpositione seu ordine & situ litterarum. Quod ut probem, necesse est statuere quendam dictionum numerum, qui omnium iudicio sufficiens censeatur ad idioma constituendum.

*Idiomata
quod voca-
bula conti-
neat ex hy-
pothesi.*

Ad tertium igitur quod attinet, nimirum ad vocabulorum seu dictionum numerum ad aliquod idioma necessarium statuendum, quem omnes non solum sufficientissimum, sed etiam abundantissimum merito iudicent, statuo, librum justæ magnitudinis completi in se folia 400. seu facies 800. & quamlibet faciem esse distinctam in 4. columnas, & columnam quamlibet habere lineas

70. Excedet utique hic liber in crassitie sextam partem pedis Romani, seu duas uncias pedis Herhipolensis; longitudo vero ac latitudo æstimari possunt ex quatuor columnis & septuaginta lineis. Si jam singulas lineas statuamus esse singula verba, continebit una facies libri verba 280. hic numerus si multiplicetur per 800. quot sunt in toto libro facies; continebit liber verba 224000. Si nunc tot verba pro uno idiomate statuamus, quot capaces sunt centeni à nobis descripti codices, utique omnium calculo superabundans determinatur dictionum numerus pro uno idiomate, nempe 22400000. quis enim sibi promittat se vel unicum suæ linguæ vocabulis inter se omnino distinctis implere posse? sed demus. tot verba ad idioma constituendum requiri. quot ducenti libri à nobis descripti capaces sunt, constabit id vocabulis 44800000. hoc est, quadraginta quatuor millionibus & octingentis millibus. Quibus pro hoc & sequentibus Paradoxis stabilitis.

Investigentur juxta primam regulam §. 4. omnes binarii 17 consonantum per multiplicantem 16. deinde ternarii per multiplicantem 15 ductum in productum ex præcedente multiplicatione, postea quaternarii per 14. quinary per 13. sicque deinceps usque ad denarios. Eadem arte inquirantur binarii, ternarii, & cæteræ combinationes vocalium una cum diphtongis. Invenies numeros supra §. 5. Tabula 1. & 11. positos. His factis, facile eruuntur verba pari numero litterarum contenta, cæterisque conditionibus in 1. Paradoxo recensitis vestita Nam juxta dicta §. Porism. 1. habentur dictiones duarum litterarum consonantis scilicet unius, & unius vocalis seu diphtongi, si nimirum 5. vocales & 5. diphtongi in 17. consonantes multiplicentur, & productum duplicetur, proveniunt 340. Atque tot verba, & rantum duarum litterarum, possibilia sunt ex dicta combinatione. Deinde verba quatuor litterarum, puta duarum consonantum totidemque, vocalium aut diphtongorum (nōmine vocalis sumo promiscue diphtongos & vocales) eruuntur, si juxta Regulam 3. aut Porisma 2 §. 4. citati binarii consonantum & vocalium inter se multiplicentur, & summa producta duplicetur: producentur autem combinationes seu verba 48960. Pari ratione reperiantur verba sex, octo, decem. &c.

Combinati-
ones 17. cō-
sonantium
& vocaliū,

litterarum usque ad viginti, prout in Tabula apparet, cujus summæ omnes si duplicentur, & in unam summam colligantur, habebitur numerus omnium verborum possibilem è septendecim consonantum, quinque vocalium, totidemque diphthongorum consortio, servatis interim conditionibus in 1. Paradoxo positis. Est autem verborum summa quam in fine dictæ Tabulæ III. posuimus, nimirum 579891810365962900. complectens figuras octodecim ordine positas, Hæc summa divisa per numerum verborum ad idioma constituendum à nobis positorum, nimirum per 4480000. dat numerum idiomatum possibilem 12944013624. & remaneant verba 10762900. Hic autem numerus idiomatum cum conrincat undecim figuras, longe major est quam numerus urbium &c. supra repertus, qui solum decem figuras habet, nimirum 3711420000.

Verum ergo est Paradoxum primum, nimirum idiomata possiblea inter se totaliter diversa, è septendecim consonantum, quinque vocalium, totidemque diphthongorum combinatione orra, superare numerum urbium, oppidorum, pagorum, & arcium quæ de facto in toto terrarum orbe sunt, ideoque quælibet urbs &c. proprium idioma constituere sibi potest ex sola combinatione prædicta.

§. VII. *Demonstratur Paradoxum II. supra §. 2. propositum.*

*Numerus
urbium in
terreno
globo ex hy-
pothesi.*

Accedimus nunc ad secundum paradoxum, quo asserbamus, si verba imparibus litteris expressa (aliis conditionibus in primo Paradoxo positis in suo robore & immotis manentibus) adiciant ut prioribus verbis, fore ut idiomata possiblea è dictis verbis superent numero omnes urbes, pagos, & arces in mundo existentes, etiam si totus orbis Terraqueus habitaretur, & urbibus instructus foret. Nam quia in præcedente paradoxo adsignavimus solum urbes pro superficie terrestri, quam posuimus adæquare medietatem totius superficiei Terraquei globi, si numerum urbium antea adsignatum duplicemus, habebimus urbes occupantes utramque superficiem, terrestrem, & aqueam, si hæc etiam habitabilis esset, nimirum urbes 7422840000. qui numerus constat decem figuris. Facili porro negotio indagabimus verba, quæ impa-
rigau-

ri gaudent numero, manentibus interim aliis conditionibus in primo paradoxo requisitis. Nam per regulas supra traditas, in primis dictionestrium litterarum, puta duarum consonantum, & unius vocalis, producemus per multiplicationem vocalium ac diphthongorum in binarios consonantum provenientque bis mille septingentæ & viginti combinationes, id est, verba tribus tantum litteris composita. Eodem modo indagabimus dictiones quinque litterarum, hoc est, trium consonantum & duarum vocalium, multiplicando nimirum ternarios consonantum per binarios vocalium. Nec secus inveniemus dictiones septem, novem & litterarum, usque ad viginti litteras, prout apparet in Tabula V. Pari ratione notæ erunt combinationes vocalium cum consonantibus, in quibus semper primo, & ultimo loco sit vocalis, uti apparet in Tabula VI. Si jam omnium combinationum utriusque Tabulæ colligantur in duas summas (prout fecimus in ultima utriusque Tabulæ serie) & inter se addantur in unam summam, habebis hunc numerum dictionum impari numero litterarum 308460878177-520890. cui si addatur summa litterarum pari numero quem in præcedente §. assignavimus, producet hęc alta summa omnium dictionum pari & impari numero litterarum constantium, 8883-52688543483790. octodecim figurarum. Hic numerus si dividatur per verba quæ ad unum idioma requisivimus, nimirum per 44800000. habebimus idiomata diversa 19829301083. & remanebunt verba 25083790. Qui quidem numerus idiomatum major est quam numerus urbium in toto Terraqueo globo, quia hic est undecim, ille decem figurarum. Verum ergo est secundum paradoxum.

§. VIII. Demonstratur Paradoxum III. supra
§. 2. propositum.

TERTIUM paradoxum supra propositum asserit, si consonans quælibet vel semel in quolibet verbo seu dictione inter primas duas vocales geminetur, fore plura idiomata possibile, quam domus existant, seu existere possint in toto Terraqueo globo, etiam si dimidia pars terrenæ superficiæ penitus habitaretur, & una continuata urbs foret. Nullus dubito paradoxum hoc multis incredibile

videri posse, præsertim quod consonantium geminationem non quaecumq; & quocumq; modo factam, nec vage per omnes ejuſq; dictionis syllabas (unde affluentior multiplicatio sperari posset) sed solum inter primam & secundam dictionis syllabam requiramus. Sed ut rem evidenter demonstremus, adsignare oportet certum ac determinatum numerum domorum, non quidem eum qui de facto in Mundo est (quis enim id queat?) sed longe omnium iudicio maiorem, ut eo mirabilius paradoxum appareat.

*Numerus
domorum in
terra, ex
hypothesi.*

Addomorum igitur numerum quod attinet, ponamus dimidiam superficiem terrestrem Terraquei globi unam esse urbem, refertam domibus non adeo magnis & amplis (ut major inde numerus resultet, & magis admiratio crescat) statuamusque quamlibet domium decem tantum passibus in longitudinem & latitudinem protendi, ita tamen, ut in iis decem passibus etiam includatur pars platearum, quæ ad domorum distinctionem ab invicem necessaria est. Occupabit itaque quælibet domus in superficie terræ, complectendo etiam plateam, 100. passus quadratos, per quos si numerum passuum dimidiæ superficiæ terrestris totius Terraquæ, qui est passuum quadratorum 37114200000000. divideris, habebis domus 371142000000. qui numerus est duodecim figurarum, utique major multo quam de facto in mundo est numerus domorum.

Ut autem dictiones habeantur, quæ enascuntur ex consonantis geminatione modo dicto, una cum dictionibus antecedentibus, debent dictiones hætenus inventæ, & præcedente § octodecim figuris arithmericis expressæ, multiplicari per 17. consonantes, quas successivè geminari ponimus, modo ea paucula verba excipias, quæ unica tantum vocali constant, in quibus consonans difficulter geminatur, saltem in principio : inventus numerus iterum multiplicari debet per 16. quia toties consonans geminata potest transponi cum jam posita, præterquam in verbis in quibus eadem consonans geminatur, ideoque per 16. tantum multiplicari debet. Numerus utraque multiplicatione habitus potest etiam haberi unica multiplicatione, si numerum dictionum in præcedentibus inventum multiplicemus una vice per 33. Facto calculo secundum leges arithmeticas, prodit summa verborum 293 56387219-

34875310. constans figuris viginti, quam si dividamus per numerum 44800000. scilicet verborum quæ ad idioma constituendum requisivimus, prædeunt idiomatica 65436935735. & remanent verba 6875310. qui numerus idiomaticum licet constet duodecim figuris, sicut numerus domorum, major tamen est illo, quia prima ad sinistram figura in hoc major est quam in illo. Plura ergo idiomatica constitui possunt quam sint domus ac familiæ in Mundo, & quælibet proprio idiomate ab aliis omnino differente poterit loqui. Verum ergo & tertium paradoxum est.

§. IX. *Indicatur modus constituendi ex vocalium & consonantium combinatione tot idiomatica, quot arena sunt in littoribus maris.*

Hactenus de dictionibus ad certas regulas & conditiones restrictis. Si quis velit tot facere combinationes litterarum Alphabeti, & ex iis constituere tot dictiones, quæ sufficiant ad idiomatica quæ numerum arena; quæ in littoribus maris toto Mundo diffusa reperitur, adæquant, aut superent, is sequentes multiplicationis seu permutationis ac combinationis modos accipiat.

*Idiomaticum
possibile
ex litterarum
Alphabeti
combinatione
numerus
major
quàm arena.*

Primo addatur decima octava consonans, cujusmodi est apud Latinos littera *v*, dum consonantis munere fungitur, & apud Germanos nova consonans *w*, apud Hispanos *e* caudatum, apud alios aliæ litteræ, nascentur factis combinationibus hæctenus enumeratis plura idiomatica, quam huc usque assignavimus.

Secundo, geminetur consonans sæpius & diversis in locis seu syllabis ejusdem dictionis, ut evenire cernimus de facto in omnibus idiomaticis quibus homines utuntur.

Tertio, geminentur vocales, aut diphtongi, aut utræque, aut dividatur diphtongus in duas vocales velut in duas syllabas inter pronuntiandum, uti apud aliquos populos fieri solet.

Quarto, replicetur eadem consonans, aut vocalis, aut diphtongus, semel vel sæpius in eadem dictione.

Quinto, imitare Joannem Caramuclem, qui in Theologia sua rationali parte I. ubi de Grammatica, Methodica, ostendit rectè posse constitui idioma ex solis ac meris monosyllabis, quale ipse ait esse Chinenſium idioma, quod tametsi verum sit, vocabula tamen

*Chinenſi
idioma
quale.*

quibus Chinenſes utuntur, non ex litteris & ſyllabis cōpoſita ſunt, ut apud alias nationes ſit, ſed ſinguli characteres ſingulis vocibus, & nominibus reſpondent, ideoq; tot characteribus opus habent, quot res ſunt quas nominare volunt, adeo ut qui utcunque intelligibiliter loqui vult, ad decem millia characterum ſciat neceſſe ſiſi; qui autem eleganter vult loqui, ad octoginta millia, & longe plura, qui totam linguam callere deſiderat. Quæ omnia ore tenus accepi Romæ à Patre Michaële Boym Polono, & Patre Martino Martini Tridentino, utroque è *Societate noſtra*, & linguæ Chinenſis expertiſſimo. Sed hæc per tranſennam. Caramuel conſtituit viginti conſonantes totidemque vocales ac diphtongos, vultque monosyllabum unum poſſe conſtare tribus conſonantibus & una vocali aut diphtongo. Eum ſi quis imitetur, quantam diſtionum & idiomatum multitudinem conſtituet? Omitto multos alios modos. Plures quilibet excogitare poterit, ego ad alia pergo.

§. X. *Alia comparationes, idiomatum multiplicabilitatem maximam ex combinatione litterarum Alphabeti poſſibilem, declarantes.*

numerus i-
diomatum
ex combina-
tione litte-
rarum Al-
phabeti
ingens.

QVamvis hætenus explicatæ comparationes ſufficienter ob oculos ponant maximam ac pæne incredibilem idiomatum multiplicabilitatem ex combinatione non quacunque, ſed vitili, & ſupra dictis conditionibus affecta reſultantem, non abs re tamen fuerit etiam ſequentes expendere, quas Auſtor præcedentis problematis inſtituit.

Dico igitur I. Major eſt idiomatum numerus ex verbis impari tantum numero gaudentibus juxta conditiones ſupra poſitas, ut nimirum vocalis ſequatur conſonantem, & è contrario & c. quam momenta temporis ſeu minuta horaria effluerunt à primo mundi die, & quam præteribunt, ſi mundus adhuc tanto durabit tempore, quanto duravit, etiamſi ponamus eum duraffe 6000 annis. Nam ex verbis impari tantum litterarum numero conſtantibus naſcuntur idiomata (quorum unumquodque conſtat verbis 448-00000) 6852887459. & remanent verba 143208890. at momenta præterlapſa ſunt 3155760000, ſi mundus ſtetit 6000 annis, quia dies continet momenta 1440. annus (ſeu dies 365 & horæ 6) 5259-60, ergo

60, ergo anni 6000 continent momenta 3155760000, & totidem in aliis 6000 annis elabentur, quæ simul faciunt momenta 6311520000. Hæc autem summa minor est quam summa idiomatum prædicta.

Dico II. Major est numerus idiomatum ex verbis pari tantum numero litterarum gaudentibus, quam sint passus seu gressus formicæ totum Terraquei globi ambitum, seu circumferentiam maximi ejus circuli emetientis. Nam ex dictis verbis resultant idiomata 12944013624, cum verbis 10762900: at vero si ponamus septem passus seu gressus formicæ æquivalere latitudini digiti (qui tamen longe majores sunt) respondebunt uni passui geometrico 560. passus formicæ, & toti terræ ambitui, seu passibus geometricis 21600000 respondebunt passus formicarii 12096000000. Hæc autem summa minor est quam summa idiomatum prædictorum.

Dico III. Major est numerus idiomatum ex verbis pari & impari numero constantibus, quam requirantur vigesimæ partes horæ, quibus totum Terraqueum globum circumire posset animal maxime tardigradum, quod pigritiam vocant Americarum rerum scriptores, de quo egimus in parte II. hujus operis lib. 1. Syntagm. 5. cap. 1. Nam ex verbis pari & impari numero gaudentibus producuntur idiomata 19829301083. cum verbis 25083790: at vero si Pigritiæ ad conficiendos decem passus defusis dies quindecim (totenim diebus vix jactum lapidis progreditur, ut ibidem ex Mapheo retulimus) conficiet dictum animal Terræ circuitum, puta passus 21600000, intra annos 88706, dies 133 $\frac{1}{2}$, quæ conficiunt vigesimas partes horæ 1555200000. Hæc autem summa minor est quam idiomatum prædictorum.

Dico IV Major est numerus idiomatum ex verbis tum parium, tum imparium litterarum, & iis quæ ex interpretatione unius consonantis habentur, quam contineant litteras seu elementa terdecies mille tomi inusitatæ magnitudinis, ita ut quilibet contineat 1000 paginas majores, seu 2000 facies, & una facies 70 lineas, & una linea 70 litteras. Nam facies una talium tomorum habebit litteras 4900, tomus vero unus litteras 9800000, tomi denique 30000 litteras 294000000000. Hæc autem summa minor est quam numerus

numerus idiomatum ex prædictis verbis provenientium, qui est 337098118420, cum residuo verborum non sufficientium pro alio idiomate integro constituendo.

Quam vero ingens sit codicum adsignatorum multitudo, & magnitudo, inde patet, quod ad eos capiendos requiratur Bibliotheca ad minimum longa passus geometricos 166 cum $\frac{1}{2}$, seu pedes 833. lata passus 83. cum $\frac{7}{8}$ seu pedes 416 $\frac{1}{2}$, quod sic ostenditur. Codex unus ad minus habet semipedem in crassitie, igitur si ponantur sex ordines in altitudinem, in longitudinem tomi 1666, qui correspondent 833 passibus, totum latus complectetur 9996, & totidem alterum latus ex opposito; qui conjuncti efficiunt tomos 19992. latus tertium secundum latitudinem in una linea continebit tomos 833. correspondentes pedibus 4. 6 $\frac{1}{2}$; qui si ducuntur in sex ordines, producantur tomi 499, totidemque complectetur latus oppositum: juncti autem omnes tomi simul comprehensiquatuor Bibliothecæ lateribus, sunt numero 29988: reliqui 12. qui desiderantur ad complendum numerum 30000 codicum, jaceant suprà menses ad legendum accomodatas.

ANNOTATIO.

Suprà §. VI. ubi adsignavi pro Terraquei globi circumferentia milliaria Italica 21600. seu passus geometricos 21600000, pro diametro vero ejusdem milliaria Italica 6873, seu passus 6873000, minus sollicitus fui in dicta diametro exacte adsignanda, quia id non erat necessarium ad propositum meum stabiliendum. Ceterum si ex supra dicta circumferentia indagare voluisssem diametrum (justa tamen minorem, aut majorem) ita cum Archimede procedere debuisssem. Primo, ut 22. ad 7. ita 21600 ad 6872 $\frac{1}{2}$. Secundo, ut 223. ad 71. ita 21600 ad 6877 $\frac{2}{3}$. Differentia inter utramque diametrum est, milliaria 4 $\frac{1}{2}$ $\frac{2}{3}$; cujus dimidium, milliaria 2 $\frac{1}{4}$ $\frac{2}{3}$, si adderem diametro supra adsignata, esset ut milliariorum Italicorum 6875. fere. Absum ergo à vera diametro nostra duo milliaria Italica, qua licet in superficie inferant milliaria quadrata 43200, seu passus quadratos 43200000000. tamen defectus hic nihil officit operationibus & comparationibus à me factis. Quod si ex supra dicta circumferentia indagasssem diametrum non via Archimedea,
sed

sed Adriani Metii, quæ exactior est, sic, ut 353. ad 113. ita 21600. ad aliud, invenissem pro diametro milliaria Italica 6875 $\frac{25}{4}$. Et à vera diametro non aberrassem $\frac{11}{16}$ parte peripheria, qui defectus est paulo minus quàm passus geometricus.

SYNTAGMA TERTIUM.

De arithmeticis seu arithmagicis planetarum sigillis, eorumque superstitione ac vanitate.

DE numerorum virtutibus ac mysteriis tam mira passim non à Platonicis modo, ac Pythagoricis, aliisque gentilium philosophis, sed etiam ab Orthodoxis asseruntur, ut qui ea non rationum trutina ponderare, sed asserentium auctoritate suffultus credere velit, merito existimare queat magnum quid ac supra humanum iis inesse. DEUM Opt. Max. in numero, pondere, & mensura creasse omnia, gnome est orthodoxorum: Mentem primam, hoc est, eundem DEUM, dum ad rerum creationem processit, numeros, triangulos, circulos, & sphaeras cructasse, effatum est solenne in Averrois Schola: Mundum ex unitate abyssali & ineffabili, per Binarium, in Ternarium, & hinc in circulum profluxisse, veterum Theologorum est axioma: numerorum naturam transivisse per omnes res, & numeris omnia quæ in Mundo sunt constare, asserit Pythagoras & Severinus Boëthius: cognitionem numeri veram esse, divinam, & incorruptam sapientiam, & ejus naturam cognita, cognosci qualiter notitia rerum omnium habeatur per illum, testatur idem Pythagoras, & antiquissimus Arcephius: species rerum se habere ut numeros, & juxta numerorum ideas in mente Opificis DEI latentes Mundum, & omnia quæ in Mundo sunt, producta fuisse, communis erat veterum Sapientum persuasio. Hinc Aegyptii, præ aliis, omnino studio nitebantur, ut juxta numerorum idealem dispositionem, rerum species aptè & peritè concinnarent, & per combinationes analogas singulos rerum naturalium gradus tum ad cœlestis, tum ad Genialis Mundi gradus aptè associarent. Hinc iidem Aegyptii data qualibet sublunaris Mundi specie, statim & astrum, & Intelligentiam correspondentem adsignabant, putabantque singulos numeros sibi correspondentes

*Numerorum
mysteria.*

Numeri
septem pla-
netis at-
tributi.

Planeta-
rum sigilla

stellas & Genios in mundana æconomia habere, in quos mira quodam vehementia propenderent. Inter reliquos autem numeros septem præcipue in magna habebant veneratione, eosque septem Planetis dedicarant; quos & certo ordine dispositos laminis quibusdam singulari ritu insculpebant, & è collo, brachiis, femoribus, aliisque corporis partibus suspensos gestabant, tantæque efficaciz esse existimabant, ut nihil non eorum gestatione se impetrare posse sibi persuaderent. Eosdem numeros Arabes ac Saraceni, supersticiosissimum hominum genus, ac deinde curiosarum ac perniciosarum artium cultores avide arripuerunt, & scriptis libris in vulgus etiam sparserunt, ac Planetarum Sigilla seu Mensulas sacras appellarunt. Hos inter est *Cornelius Agrippa* lib. 2. *Philosophiæ Occultæ* cap. 22. *Theophrastus Paracelsus*, & alii. Unde etiamnum usus eorum viget, & ego Romæ magnam eorum copiam vidi, apud *P. Athanasium Kircherum*, quæ vel curiosiores discendi, vel probiores abiiciendi studio ad ipsum detulerant. De iisdem agit ipse in *Oedipo* tom. 2. Classe 7. eorum vanitatem ostendit. Hujus vestigiis ego insistam, & post eorundem formam & usum breviter ostensum, vanitatem, & inefficaciam illorum, quin & superstitionem paulo accuratius ob oculos ponam.

CAPUT PRIMUM.

De forma & usu sigillorum planetariorum.

§. I. De Planetarum Sigillis in genere.

Quanam
sint.

Agyptii olim, & post illos Pythagoræi Ægyptiorum discipuli, certos numeros certo quodam ordine ac forma dispositos, magna in veneratione, ut paulo ante dicebam, habebant. Inter eos præcipuum locum tenebant quadrati numeri, ex eorum quos digitos vocant ductu in se resultantes: est enim quadratus numerus, qui fit ex ductu seu multiplicatione alicujus numeri per seipsum, qui ob id radix quadrata, seu quadrati latus appellatur. Et primum quidem quadratum ex unitate in seipsam ducta, hoc est, ipsam unitatem unitas enim in se ducta unitatem producit, ideoque sibi ipsi & radix, & quadratus est utpote indivisibilem, & im-

multi.

multiplicabilē, DEO dedicabant uni & immultiplicabili. Secundum quadratum, seu quaternarium, ex dyade in se ducta productum, assimilabant materiæ imperfectæ, & in potentialis habitudinis abyſſo ſubmerſæ. Tertium quadratum, 9. ex ternario in se ducto productum, dedicabant Saturno; quartum, 16. ex quaternario in se multiplicato productum, dicabant Jovi; quintum, 25. ex pentade in se multiplicata genitum, Marti; sextum, 36. ex ſenario in se multiplicato productum, Soli; ſeptimum, 49. ex ſeptenario in se ducto emanantem, Veneri; octavum, 64. ex octonario in se ducto procedentem, Mercurio; nonum denique quadratum, 81. ex novenario in ſeipſum multiplicato prognatum, Lunæ conſecrabant. Audi ſcriptorem Arabem *Abenruſchiam* in lib. de Cultu Ægyptiorum: *Meminerunt*, inquit, *Philosophi Ægyptii quod erant ipſiſepteſem numeri in magna veneratione, quos & ſepteſem Diis eorum conſecrabant; videlicet Saturno, Jovi, Rephan ſive Marti, Soli, Veneri, Mercurio, & Luna. Saturno dedicabant hoſce numeros, 3, 9, 15 & 45, Jovi hoſ, 4, 16, 34, & 136. Marti hoſ, 5, 25, 65, & 325. Soli hoſ, 6, 36, 111, & 666. Veneri hoſ, 7, 49, 175, & 1225. Mercurio hoſ, 8, 64, 260. & 2080. Luna denique hoſ, 9, 81, 369, & 3321. Hæc quomodo intelligenda ſint, ex ſequentibus clare patebit.*

Hos porro ſepteſem poſteriores quadratos (reliſto primo & ſecundo ex unitate ac dyade reſultantibus) eo ordine veteres illi Arithmantæ in quadratas figuras, certæque areolas diſponebant, ut quomodocunque conſiderarentur, perpendiculariter, tranſverſim, diagonaliter, ſemper unum & eundem numerum redderent, ideoque tantæ eos efficaciæ eſſe exiſtimabant. Hæc quadrata ſepteſem metallorum dictis planetis appropriatorum laminis, congruo tempore & hora, & certis cum ceremoniis ac ritibus inſculpebant, ſed nunc ſingula quadrata in particulari conſideremus.

S. II. De quadrato ſeu Sigillo Saturni.

S Aturni quadratum, 9, ex ternario in se ducto conſtitutum, novem conſtat numeris, intra quadratum unum in novem quadratula diſcretum conſcluſis, uti figura monſtrat. Qui quidem numeri ita ſunt diſpoſiti, ut ſinguli ordines eorum normales tranſ-

Sigillum Saturni.

versales, diagonales, simul juncti, unum & G. A. B. C. 15.
eundem numerum, nimirum 15, ut in tribus
columnis normalibus A, B, C, & F, in tribus $\overline{D \mid 4 \mid 9 \mid 2 \mid 15.}$
transversalibus D, E, F, & in duabus diagonalibus $\overline{E \mid 3 \mid 5 \mid 7 \mid 15.}$
G 15, & H 15. apparet. Omnes autem numeri simul sumpti efficiunt 45. Atque hoc in- $\overline{F \mid 8 \mid 1 \mid 6 \mid 15.}$
nuat *Abenvaschia* paulo ante citatus, dū ait, Sa- H. 15. 15. 15. 15. 15.
turno dedicata esse 3, 9, 15, & 45. Nam 3. est radix seu latus quadra-
ti hujus, 9. quadratum ipsum, 15. summa ex singulis ordinibus re-
sultans, 45. summa omnium simul additorum. Eadem de causa *A-*
bubali Arabs in sua *Astronomia* dixit, Saturnum tribus potentiis
regiis maximis circumdatum, unumquemque vero horum no-
vem aliis principalibus, & hos quindecim aliis, summamque om-
nium 45 constitutere Saturninum Geniorum principalium toti u-
niverso præsidentium Chorum. Auctoris verba sunt hæc: *sunt Sa-*
turno tres reges, & unusquisq; horum novem alios reges habet, & unus-
quisque horum alios quindecim, summa vero omnium sunt 45, uti no-
men Zahel demonstrat, quod in numeros resolutum exhibet prædictum
numerum. Zahel enim idem est ac Saturnus, & littera Z Alphabe-
ti Arabici sumitur ab Arabibus pro 7. H ha pro 8. & L am pro 30. qui
numeri simul sumpti efficiunt 45.

Hoc quadratum includunt Arithmagi, majoris, ut ipsi putant,
efficacitatis ergo, triangulo æquilatelo, ad radicem ejus, qui ter-
narius est, significandam; triangulum vero includunt circulo. In-
tra circulum & trigonum pingunt nomina, ut ipsi ajunt, Intelli-
gentiarum seu Angelorum Saturni, nec non Zodiaci signa illa quæ
Saturni domus ab Astrologis appellantur, una cum die & hora Sa-
turni. Dicunt, hoc quadratum cum dictis nominibus ac signis, Sa-
turno fortunato, in lamina plumbea sculptum, adjuvare partum,
reddere hominem tutum ac potentem, præstare successus petiti-
onum apud Principes: si vero infortunato Saturno fiat, impedire
ædificia, plantationes, aliaque similia, hominem deicere ab hono-
ribus & dignitatibus, gignere rixas & discordias, & dispergere ex-
ercitus. Hæc *Abenpharagi* apud Kircherum, & ex illo, aliove quo-
piam Agrippa. *Abenmorgun* Arabs addit, figuram inscribi debere
per-

Pergameno virgineo, die & hora Saturni, Saturno in domibus suis Libra vel Aquario constituto addendo certas suffumigationes, ut felices successus habeat. Si vero incidatur in plumbi lamina, Saturno retrogrado, & Luna decrecente, tunc eventuros infelices prædictos successus, si figura in die & hora Saturni adhibeatur.

S. III. De Quadrato seu Sigillo Iovis.

JOvis quadratum 16. ex quaternario in se ducto constitutum, constat sexdecim numeris, ita intra unum quadratum in sexdecim alia quadratula divisum dispositis, ut singuli numerorum ordines, normales, transversi, & diagonales, sicut & quatuor quadratulorum medium circumfistentium numeri, semper eundem numerum, scilicet 34. efficiant, summa vero omnium numerorum sit 136. Præterea quatuor quælibet quadratula quatuor angulis proxima eundem numerum 34. constituunt, ut 4, 9, 14, 7. item 15, 6, 1, 12, itē 5, 16, 11, 2. item 10, 3, 8, 13. Similiter numeri intra duas areolas diagonales prope quemlibet angulum, una cum numeris infra duas alias areolas diagonales prope angulum è diametro oppositum, restituant eundem numerum 34, ut 14, 9, 8, 3. item 15, 12, 5, 2. Ulterius tres quilibet diagonales numeri, si medium eorum duplex, efficiunt 34, ut 9, 11, 11, 3. item 14, 6, 6, 8. item 15, 7, 7, 5. item 12, 10, 10, 2. Tandem numeri duorum extremorum seu angularium quadratulorum juncti numeris duorum quadratulorum mediorum diagonalium, eundem numerum 34. dant, ut 1, 16, 7, 10. item 4, 12, 6, 11.

Hoc quadratum includunt alio quadrato, ad denotandum quaternarium qui hujus Sigilli radix seu latus est: extremum vero quadratum circumdant circulo. In vacuis spatiis circuli & quadrati externi scribunt nomina Angelorum Jovialium, signa Zodiaci quæ sunt domus Jovis, diem & horam Jovis. Dicunt, si figura imprimatur laminæ argenteæ Jove potente ac dominante, conferre lucrum & divitias, ac gratiam, amorem, pacem, & concordiam hominum, placare inimicos, confirmare honores,

s. V. De Quadrato seu Sigillo Solis.

Quadratum Solis, 36, productum ex senario in se ducto, constat numeris triginta sex, intra totidem areolas unius quadrati divisi scriptis, & ita dispositis, ut singulæ numerorum series simul junctæ, & quomodocunque sumptæ, conficiant numerum 111. summa verò omnium sit 666. prout in figura apparet. Nec solum normales, & transversæ, & diagonales series dant prædictum numerum, sed multæ aliæ areolæ simul junctæ, ut consideranti patebit.

Sigillum Solis.

6	323	34351	111.	
7	111	27288	30	111.
19	14	1615	2324	111.
18	20	2221	1713	111.
25	29	109	2612	111.
36	5	334	231	111.

Quadratum hoc circumdant hexagono, & hexagonum circulo, ad latus ejus denotandum, qui est senarius numerus. In segmentis circuli & hexagoni ponuntur characteres signorum Zodiaci, sub quibus operatio instituenda est, & nomina Angelorum solarium, diem & horam Solis qua præparandum est Sigillum. Hoc ajunt fortunato Sole in lamina aurea sculptum reddere gestantem gloriosum, amabilem, gratum, potentem in omnibus operibus, similem facere hominem regibus & principibus, elevare ad sublimia fortunæ fastigia, & impetrare facere quidquid voluerit: infortunato verò sole præparatum facere tyrannum, superbum, ambitiosum, inexplebilem, & malo sine terminantem. Addunt certas suffumigationes, lotiones in certis aquis, involutionem in certo panno & alia similia.

s. VI. De Quadrato seu Sigillo Veneris.

Quadratum Veneris, 49, productum ex septenario in seipsum multiplicato, constat numeris quadraginta novem, intra totidem quadratula unius quadrati divisi dispositis tali artificio, ut singulorum ordinum numeri, quomodocunque sumantur, efficiant semper 175. summa verò omnium numerorum simul sumptorum sit 1225. uti figura apposita monstrat.

Sigillum Veneris.

Includitur

Includitur hoc quadratum heptagono, & heptagonum circumscribitur circulo, ad denotandum ejus latus, quod est septenarius. Intra segmenta vacua scribuntur signa Zodiaci in quibus debet fieri præparatio sigilli, unà cum Angelorum Venercorum nominibus, uti & dies ac hora Veneris. Ajunt hanc figuram fortunata Venere in lamina argenti sculptam conciliare amorem & concordiam, dirimere lites, dissolvere maleficia, conferre ad conceptum, pellerè sterilitatem, generare pacem inter maritum & uxorem, fœcundare greges pecorum & quorumcunque animalium copioso partu, positam in columbario multiplicare columbas, conferre adversus omnes ægrotudines & melancholias, generare lætitiâ, fortunare itinerantes. At si infortunata Venere in ærè formetur, ajunt omnibus prædictis contraria efficere. Addunt certas suffumigationes, & involvunt in certo panno, præmissa certa adjuratione.

1	2	4	7	1	6	4	1	1	0	3	5	4	175
5	2	3	4	8	1	7	4	2	1	1	2	9	175
3	0	6	2	4	4	9	1	8	3	6	1	2	175
1	3	1	7	2	5	4	3	1	9	3	7		175
3	8	1	4	3	2	1	2	6	4	4	2	0	175
2	1	3	9	8	3	3	2	2	7	4	5		175
4	6	1	5	4	0	9	3	4	3	1	2	8	175

175. 175. 175. 175. 175. 175. 175.

S. VII. De Quadrato seu Sigillo Mercurii.

Sigillum
Mercurii

Mercurii Quadratum, 64. ex octonario In se ducto emergens, continet numeros sexaginta quatuor, quorum octo in quovis latere, perpendiculari, transverso, diagonali, efficiunt 260. & summa omnium 2080. prout in figura apparet.

Quadratum hoc in-
scribitur octogono, &
octogonum circulo,
ad lausejus, quod est
8. significandum. Seg-
mentis vacuis inscri-
bunt nomina Angelo-
rum Mercurialium, &
signa zodiaci sub qui-
bus Mercurium esse
oportet, quando præ-
paratur figura, & diem
ac horam Mercurii.

8	58	59	5	4	62	63	1	260
49	15	14	52	53	11	10	56	260
41	23	22	44	45	19	18	48	260
32	34	35	29	28	38	39	25	260
40	26	27	7	36	30	31	33	260
17	47	46	20	21	43	42	24	260
9	55	54	12	13	51	50	16	260
64	2	3	61	60	6	7	57	260
260.	260.	260.	260.	260.	260.	260.	260.	260

Ajunt, si fuerit figura hæc Mercurio fortunato insculpta argento
vel stanno, vel æri citrino, vel inscripta in pergamento virgineo,
reddere gestantem gratum, & fortunatum ad impetrandum quid-
quid voluerit, conferre lucrum, pellere inopiam, dare memo-
riam, intellectum, divinationem & notitiam occultorum per som-
nia: si autem Mercurius fuerit infortunatus, facere his omnibus
contraria. Addunt fumigationes cerras, cum adjurationibus.
Afferunt præterea, si figura ritè præparata ponatur in loco alicujus
prædii, multiplicari omnia illius bona: & si figuretur in annulo,
vel vitrea ampulla, die & hora Mercurii, primis septem Lunatio-
nibus, & in quadrato Lunæ, & lavetur certo ritu, & portetur per
triduum quo non comedatur nisi panis cum melle, & uvis passis,
& cætera fiant ut supra, præstare eisdem effectus bonos antea
recensitos.

S. VIII. De Quadrato seu Sigillo Lunæ.

Quadratum Lunæ, 81. ortum ex novenario numero in se- *Sigillum*
ipsum ducto, continet numeros octoginta unum, intra to- *Lunæ.*
tidem quadratula unius quadrati dispositos ita, ut singuli ordi-
nes, tam normales, quàm transversales, & diametrales efficiant

Oooo

nume-

numerum; 69. sum-
ma verò omnium
numerosum simul
collectorū est 3321.
prout in apposita
figura apparet.

Quadratum hoc
inſcribunt enneago-
no, & circulo,
& in ambitu enneago-
ni, ac in circuli
vacuis, ſcribunt ſi-
gna zodiaci, diem
& horam Lunæ, in
quibus præparanda
eſt figura, una cum

37	78	29	70	21	62	13	54	5	369.
6	38	79	30	71	22	63	14	46	369.
47	7	39	80	31	72	23	55	15	369.
16	48	8	40	81	32	64	24	56	369.
57	17	49	9	41	73	33	65	25	369.
26	58	18	50	1	42	74	34	66	369.
67	27	59	10	51	2	43	75	35	369.
36	68	19	60	11	52	3	44	76	369.
77	28	69	20	61	12	53	4	45	369.
369.	369.	369.	369.	369.	369.	369.	369.	369.	369.

nominibus Angelorum Lunarium. Ajunt, hanc figuram Luna fortunata ſculptam in argento, facere geſtantem gratum, amabilem, jucundum, alacrem, honoratum, & auſſerre omnem malitiam & malam voluntatem, præſtare ſerenitatem in itinere, & proſectum divitiarum, & corporis ſanitatē, & pellere inimicos, & alias res nocivas, de quocunque loco volueris. At ſi Luna infortunata fiat figura hæc in lamina plumbea, ubicunque fuerit inhumata, reddere locum illum infortunatum, & habitantes ac converſantes in eo, ſimiliter naves, fontes, flumina, molendina, & infortunare omnem hominem adverſus quem ritè facta fuerit, faciendū illum profugum de terra & patria ſua, & è loco manſionis ſuæ ubi ſubhumata fuerit, & impedire medicos, & oratores, & quosunque homines in officio ſuo, contra quos fabricata fuerit. Alii jubent ſcribi hanc figuram in pergamento virgineo cum certo ſucco, adhibitis certis fumigationibus & adjurationibus, & pergamenum plicatum poni intra tubum argenteum, & portare.

ANNOTATIO.

A Tergo omnium dictorum Sigillorum ponunt aliqui aliud Sigillum, *Sigilla quod magna efficacia vocant, adjectis variis nominibus seu epithetis DEI. Agrippa ait, in omnibus scribi Intelligentiam planeta ad bonum, & demonem ejusdem ad malum. Alia quadam nugamenta omisi de industria, uti & verba adjurationum, ac materias suffumigationum, ne perversis occasionem darem similia Sigilla fabricandi. Aliqui dictis Sigillis insculpunt valde exoticas & peregrinas figuras, quas Kircherus ait esse Gymnosopistarum litteras.* magna efficacia.

CAPUT SECUNDUM.

De inefficacia, vanitate, ac superstitione Sigillorum planetariorum.

IN Sigillis haftenus descriptis considerari possunt numeri certo ordine dispositi, materia cui inscribi debent, Angelorum seu Dæmonum nomina, Signorum Zodiaci characteres, aliaque peregrina & exotica figura, adjurationes seu preces, suffumigationes, ac denique circumstantia temporis quo Sigilla preparari debent. Hisce adscribunt virtutem producendi effectus illos, quos haftenus enumeravimus, & quidem virtutem naturalem: nam divinam non esse, hoc est, à DEO immediatè ut causa supernaturali non procedere, patet ex eo, quòd sæpe adhibeantur ad effectus illicitos consequendos, & ob malos fines, scilicet ad nocendum aliis, ad conciliandum amorem turpem mulierum, & similia, ut vidimus. Quæ etiam probant, Angelicam non esse dictam virtutem, seu à bonis Angelis profectam: diabolicam autem esse, ipsi pernegant, naturalis ergo sit necesse est. Quod nunc inquirimus.

Naturalem eam esse, asserunt Arithmagi cum Agrippa loco supra cit. & credunt quotquot Sigillis illis utuntur, faterique coguntur qui numeris, characteribus, imaginibus, annulis, Sigillis, verbis, & incantationibus vim tribuunt sanandi morbos, aliaque mirifica perficiendi. Inter hos est *Ptolemaeus* in *Quadrupartito*, *Pythagorici* & *Platonici* passim, *Petrus Pamponatius* lib. 1. de Incantation. *Ficinus*, *Dulcis*, *Antonius Mizaldus*, alique plurimi apud

Martinum Delrio lib. 1. *Disquisit. Magic.* capit. 4. quæst. 1. 2. & 3. maxime vero stultissimus *Artephius*, ut eum appellat *Delrio*. Fundantur plerique in illo *Ptolemæi* axiomate, quod *vultus inferiores cælo subiecti sunt vultibus cælestibus*: & in illo *Agrippæ* loc. cit. nim. lib. 2. *Philosophiæ occultæ* cap. 22. quod *Sigilla* supra descripta, suisque numeris, nominibus, & characteribus insignita, representant divinam illam cælestium numerorum rationem à divine mentis ideis per rationem animæ *Mundi* cælestibus impressam, illorumque suavissimam cælestium radiorum harmoniam, secundum effigierum proportionem *Intelligentias* supramundanas consignificantium, quæ aliter exprimi non possunt, quam per notas numerorum & characterum: nihil enim materiales numeri & figura possunt in mysterium rerum abditarum, nisi representative per numeros & figuras formales, quatenus reguntur & informantur ab *Intelligentiis* & numerationibus divinis, quæ nequeunt extrema materia atque spiritus ad voluntatem animæ elevata, per magnum affectum operantis cælesti virtute, potestatem accipiens à *DEO* per animam universi, & cælestium constellationum observationes in materiam applicatam ad formam convenientem, dispositis mediis *soleis* & *scientiæ* magicali. Hæc *Agrippa*, speciosis quidem, sed inanibus verbis. Alii tamen adscribunt effectus secutos credulitati utentium dictis *Sigillis*; alii aliis causis: qui licet falsum asserant, contra eos tamen non disputamus, quia solum hic inquirimus an numeri vim naturalem habeant eos effectus producendi.

Non est
naturalis.

Communis *Theologorum*, *Philosophorum*, *Medicorum*, & *Juristarum*, à *Delrio* loc. cit. allatorum opinio est numeros dictis *Sigillis* inscriptos, quia numeri sunt, nullam vim naturalem habere ad enarratos supra effectus producendos. Rationem ad signo, quia vel soli numeri haberent illam vim, vel ut conjuncti cum aliis characteribus & nominibus, scripti in tali vel tali tempore, talibus vel talibus cum circumstantiis. Primum dici non potest, quia numerus est quantitas discreta; quantitas autem per se non est operativa nisi forte motus localis, ut omnes sanæ mentis *Philosophi* fatentur. Secundum etiam dici non potest: primo, quia non omnes eadem nomina & characteres inscribunt una cum nu-

meris, nec omnes in eadem materia, nec cum iisdem circumstantiis, sed varii varia requirunt, & tamen omnes Sigillis à se præscriptis inesse vim ad omnes supra relatos effectus consequendos asserunt. *Secundo*, quia nomina illa non sunt Angelorum nomina, cum alia Angelorum nomina non sciat Ecclesia & Orthodoxi, nisi quæ à D E O, vel ipsis Angelis revalata sunt: esse autem alia revalata Arabibus, Saracenis, Paracello, Agrippæ, aliisque Arithmantis seu Arithmagis, & non potius viris sanctis, longissime à veritate abest. Ficta ergo sunt nomina illa, vel Diabolorum nomina, ab ipsis Diabolis revalata cultoribus suis. Quod si ita est, quam vim naturalem habere poterunt? *Tertio*, vanum ac falsum est, cælestes constellationes dictis Sigillis certo tempore, & sub certo stellarum ac planetarum aspectu fabricatis vim tantam communicare posse, & tantum illis, ac non aliis etiam rebus eodem tempore & loco existentibus. Habent quidem astra virtutes magnas, easque inferioribus hiis rebus influunt, sed limitatas, ut in *Magia Astrologica* videbimus. *Quarto*, quia dato etiam quod astra virtutem tantam communicare possent dictis Sigillis, falsum tamen esset quod illam eo solum die & hora communicarent, quo ab Auctoribus statuitur, quia virtutes stellarum non sunt alligatæ ad unum tantum diem & horam, sed quod possunt constitutæ sub certo aspectu in prima hora, possunt etiam in secunda & tertia saltem, si non pluribus. Adde quod fictitia omnia sunt quæ Astrologi comminiscuntur de die & hora dominii planetarum: neque enim sciunt quando dies illi incipiant, & quæ sit prima hora. Multo minus id sciunt qui Sigilla planetarum conficere solent, qui plerumque ignorantissimi cælestium rerum sunt: & etiam si Astrologorum opiniones sequantur, & tamen inter se non conveniunt, sed quem unus vocat diem Saturni, alius diem Veneris appellat, cum diversi diversa statuunt illorum dierum principia. Plura de hac re dicemus in *magia Astrologica*. *Quinto*, quia si Sigilla haberent vim illam, eaque naturalis foret, ergo qui duo Sigilla haberet habentia contrarias virtutes, contrarios effectus experiretur: cum enim naturaliter operentur, necessario operabuntur, & unum non poterit impedire vim alterius. Omitto multa alia quæ occurrunt.

Dicunt Arithmagorum patroni *primo*, si numeri nihil momenti *Objectiones*

*Avicenna
genuit in so-
luta.*

*Partus octi-
mestris cur
raro vitalis*

habent, cur annus climactericus solet esse homini lethalis ratione septenarii? cur partus octimestris minime vitalis? cur diebus criticis tam notabiles fiunt mutationes? Ad id quod de octomestri partu dicitur, *Respondeo*, semen humanum multiplex esse: quoddam enim perficit foetum septimo mense, & tunc foetus post sex-
tum mensem conatur exire, & quidem si non reperit magnam resistentiam, validus exit & robustus: si vero reperit, continua illa totius mensis septimi pugna valde debilitatur, & octavo mense debilis admodum atque invalidus in lucem prodit. Aliud semen perficit foetum nono tantum mense, & tunc foetus ante hunc mensem non conatur exire, soletque adeo robustus esse, ut vel impedimenta contraria ei non resistent, vel per resistentiam non admodum debilitetur. Ita Delrio ex *Hippocrate* lib. de Octimestri partu, & *Andrea Laurentio* lib. 8. histor. Anatom. cap. 9. & q. 30. Ad alterum quod de annis climactericis & diebus criticis dicitur, *Respondeo* cum eodem *Andrea Laurentio* lib. 3. de crisis cap. 13. ubi ait, crissum dictis annis ac diebus contingentium causas esse duas, materialem, & efficientem. Materialem esse quælibet humorem noxium quantitate vel qualitate peccantem. Efficientem esse duplicem, universalem, & particularem. Universalem & remotam esse cælum, cuius vires omnes Luna excipiat, & nobis communicet. Particularem & propinquam esse ipsam naturam (quam Hippocrates vocat calorem insitum, Galenus facultatem corpus dispensantem, alii temperiem, sive spiritum) quæ sic motiones suas statis circuitibus perficit, quasi ratione uteretur: quod si aliquando errat, id à materiæ vitio procedere, eam contumacia sua vincentis. Itaque quod tardior vel celerior sit crisis, id partim materiali, partim efficienti causæ tribuendum esse. Si enim humor sit temperamento calidus, substantia tenuis, & qualitate benignus; facilius à natura domari, celerius coqui, & excerni: si crassus, frigidus, & contumax; difficilior; item à validiore natura citius, à debiliore tardius coqui. Quod autem nunc pari nunc impari die contingat crisis, id à sola materiali causa provenire, nempe peculiari humoris cuiusque motu: bilem tertio quoque die moveri, pituitam quotidie, melancholicum humorem quarto die. Ergo biliosos morbos omnes imparibus judicari diebus,

ceteros quotidie ex paribus: quia iisdem diebus morbi judicandi, quibus moventur. Hujus porro quotidiani, tertiani, & quartani motus causam non minus occultam esse, quam magnetis, aut chatarticorum sunt proprietates. Vide plura in hanc rem apud citatum Auctorem, vel apud Delrio loc. cit Plura de annis climactericis alibi. Interim lege etiam *Pranzovium* lib. de annis climactericis, & *Causinum* lib. 3. de Domo Dei cap. ultimo.

Dicunt *secundo* iidem Arithmagorum patroni, pentaphyllei folium unum sanare ephimeram, tria tertianam, quatuor quartanam: heliotrophii grana tria tertianæ, quatuor quartanæ prodesse: catapotia impari numero sumpta plus prodesse quam pari, licet æquali sumantur quantitate. *Respondeo* hæc omnia vana, falsa, & superstitiosa esse: nam si quos effectus habent enumerata, non is numero, sed substantiæ rerum est adscribendus.

Dicunt *tertio* iidem, certos psalmos vim particularem habere ad aliquam à DEO impetranda, eo quod certo numero sint in Libro psalmorum collocati. *Respondeo*, numeros psalmorum, quatenus numeri sunt, bonitatem realem nullam habere, nec physicam, nec ethicam, sed artificiosam tantum ab imaginatione numerantis procedentem, quæ non obtinet ullam in corpora, seu res, quæ numerantur, efficacitatem. Deinde in Hebræo fonte alius est ordo Psalmorum, quam in versione Latina; unde si numeri Psalmorum vim aliquam haberent, Psalmus idem qui felix esset secundum versionem Latinam, infelix foret secundum Hebræum fontem; vel certe idem qui dicenti Hebraice felix esset, dicenti Latine infelix foret.

Psalmi Davidici ratione numeri nullam vim habent

Dicunt *quarto*, cum Agrippa loc. supra cit non numerum sensibilem & materiale prodesse in planetarum Sigillis, sed formalem. *Respondeo*, si per formales numeros intelligunt numeros quatenus reguntur & informantur ab Intelligentiis, & numerationibus divinis, ut Agrippa loquitur, nihil dicunt, quia non probant numeros dicto modo regi & informari.

COROLLARIUM.

Ex dictis colligitur, si qui effectus ad Sigillorum positionem quandoque sequuntur, eos produci à Diabolo, ex pacto explicito aut implicito.

MONI-

Multa aliqua huc transferre destinaveram, omitto, tum ut sumptibus in figuris necessariis procurandis parcam, tum ut nè in nimiam molem hic liber excresecat. Legat qui volet, Oedipi Aegyptiaci P. Athanasii Kircheri Tractatum de Arithmetica Hieroglyphica, & Tractatum de Cabala Saracenorum, Subwenterii & Harssorfferi Deliciarum Partes I, aliosque Auctores ab ipsis citatos.



LIBER NONUS.

DE MAGIA GEOMETRICA,

SIVE

De miris quibusdam Geometricarum figurarum & operationum proprietatibus, ac dimensionibus.

PROOEMIUM.

Geometriam divinae mentis opus esse, ejusque in omnibus quae universi ambitu continentur, haud obscurare relucere vestigia, ab ipso rerum DEO impressa, satis superque probavimus in superioribus, praesertim initio Partis III hujus Operis. Hinc Priscorum saeculorum Philosophia, cum omnia in hoc Mundo sensibus exposita, suis punctis, lineis, superficiebus, corporibus, constare viderent; cum ubique circulos, sphaeras, cylindros, triangulos, conos, aliasque geometricas figuras rebus à Natura, vel DEO potius impressas deprehenderunt; enuntiare cum Platone non dubitarunt illud, quod citato etiam loco recitari: οὐ γὰρ ἀείψαντες, DEUS semper geometrizat, in omnibus Geometra officium praestat. Hinc iidem Philosophi, eorumque sectatores, totam veritatis doctrinam non in alio, quam in magnitudine & multitudine comprehendere constanter asserebant, nec quenkumque in philosophia,

Geometria
excellentia
& Laus.

Pppp

hoc

hoc est, rerum naturalium inquisitione magnum futurum existimabant, quirerum difficultum theoriā alia, præterquam Mathematica via aggressus fuisset; quod quidem vulgata illa, Ἐκ τοῦ Γυμνασίου Πλατωνικοῦ ἰνscripta Epigraphe, εἰς αὐτὸν ἀπομιμνήσκου, Nemo Geometriæ ignarus ingrediatur, aperte demonstrat. Nec ad creatarum tantum rerum sed ipsius etiam Creatoris notitiā ulla alia via efficacius ἔcertius erigebant sese summi olim ac Sapientissimi viri, quam circuli, sphaerae, monadis, trianguli, similiumque rerum contemplatione, Aegyptii præsertim, quorum hierogrammatismi obeliscis ac monumentis aliis summo ingenio insculpti id aperte declarant. Magicis ergo, hoc est, altissimis mysteriis mirissimisque proprietatibus Geometriam esse plenam, quis neget? Ex infinitis pauca adducemus hoc loco, non tam ut Magiam Geometricam pertractasse, quam ut eam non omisisse dicamur.

SYNTAGMA PRIMUM.

¶ De inexplicabili quadam proprietate circulorum concentricorum simul motorum.

Circulus
mirabilium
effectuum
causa est.

Aristoteles, cujus ingenio summo nihil difficile, nihil obscuro, admirandum nihil visum est unquam, cum mirabilium ac prodigiosorum effectuum, qui in libræ, vellis, ἔ aliorum mechanicorum instrumentorum usu elucēt, causam indagaret, eamque circulum esse, ut ipse putabat, deprehenderet; in summam raptus admirationem, non iudicavit, ἂν τοι, si diceret illum esse πᾶσι τῶν δυνάμεων ἀρχήν, miraculorum

lorum seu admirandorum omnium principium & causam. Nec immerito. Si quis enim circuli genesin considerat, si quis duarum aut plurium rotarum dentatarum, per mutuas dentium implicationes & commissiones sibi invicem connexarum intuetur motum; multiplicem contrariorum repugnantiam eidem rei simul & tempore eodem inesse fateatur necesse est, seu circulum dum fit, contempletur, seu dum factus est. Primò enim dum fit circulus, fit ex quodammodo contrariis, movente, & immoto; quia dum unum extremum semidiametri circulum describentis movetur in gyrum, alterum in centro quiescit: Secundò, tametsi omnia puncta diametri, aut semidiametri, quæ sunt infinita, simul moveantur, inæqualiter tamen moventur, velocius nimirum à centro remotiora, tardius eidem centro propinquiora: tertio, extremum ejusdem semidiametri motum in gyrum duobus motibus contrariis eodem tempore movetur, si Aristoteli credimus, uno naturali ad peripheriam, altero violento retrahente versus centrum: quartò, terminus circuli, qui est uncia linea circularis; latitudinis expertus, est simul convexus, & concavus; quæ duo utique contraria sunt, cum à convexo ad concavum transiri nequeat, nisi per medium, id est, rectum: quintò, eodem temporis momento ad contrarias loci differentias movetur, nempe antrosum & retrorsum, sursum & deorsum, sinistrorsum & dextrorsum. Sed his aliisque multis omisiss, unum solum hic considerare lubet paradoxum, quod Aristotelis olim, & multorum deinceps in hæc usque tempora fatigavit ingenia, estque sequens.

Paradoxum Cyclometricum.

§. I. *Peripheria circuli majoris, æqualis est peripheria circuli minoris, & vicissim.*

Parado-
xum cyclo-
metricum.

QUod quàm non modo paradoxum, & incredibile, sed etiam impossibile videatur, nemo non videt. Ego tamen adeo evidenter, ut spero, id demonstrabo, demonstratione non solum geometrica & intellectuâli, sed etiam oculari, & si ita loqui licet, manuali, ut non tantùm à perspicacibus, oculatis, & æquis rerum æstimatoribus, sed etiam à pervicacibus, cæcis, ac stupidis, si qui essent, assensum me extorturum confidam.

Vide Fig.
Ia. Iconisi.
XX.

Assertionis meæ fundamentum seu occasionem habeo evidentissimam, & cuius quotidie obviam experientiam, quam & Aristoteles adducit, ejusque causam inquirat fusè in Mechanicis Quæstionibus quæst. 24. Videmus enim quotidie, si duo circuli, aut duæ rotæ inæquales, ABC major, & DEF minor, circa idem centrum G firmiter conjungantur, ut sibi mutuo copulentur, insertoque axe volutetur uterque ita, ut simul centrum feratur, eo scilicet modo, quo plaustrorum rotæ solent, videmus inquam, utrumque circum, aut rotam, æqualem orbitam percurrere, æquale conficere spatium. Nam si moveatur per se major ABC, & cum eo minor DEF adjunctus, eodem tempore quo major percurrit spatium seu lineam CM, seu peripheriæ æqualem, minor percurrit lineam FN, æqualem lineæ CM, & sua peripheria majorem: si verò moveatur per se minor DEF, & cum eo major adjunctus, dum minor percurrit lineam FL suæ peripheriæ æqualem, major percurrit lineam CK priori æqualem, at sua peripheria minorem, ut patet experientia, & paulo post ostendetur. Si autem dicti duo circuli seu rotæ inæquales seorsim separatæ prædicto modo volutentur, non æquale spatium transeunt, sed major majorem lineam percurrit quàm minor, idque ea proportionem, quam invicem earum circumferentiæ obtinent. Et ratio hujus est, quia in ea solitaria utriusque rotæ convolutione, tota circumferentia uniuscujusque successivè coaptatur spatio à se decurto, ita ut tanta sit decursa linea, quanta est rotæ circumferentia. Itaq; rota minor DEF, si sola,

& à

Fig 1. b






Fig I a




Fig 10 III





Fig V




Fig VII




Fig IX




Fig VIII.





& à majore rota libera volutetur, non jam lineam FN percutret in una volutatione, sed solum lineam FL suæ circumferentiæ æqualem. Atque in hoc secundo nulla est difficultas, nec indiget probatione, cum evidenti constet experientia.

Difficultas est circa primum, quòd nimirum, quando simul ambo circuli uniti moventur cum suo comunì centro, & circa eundem axem modo antè dicto, æquale percurrant spatium, & quidem ita; ut aliquando confectum spatium ab utroque tantum sit, quantum minor circulus solus secundum suam peripheriam revolutus perfecisset, aliquando verò, quantum major solus absolvisset. Hoc autem ita esse, Aristotele præeunte ac duce citato loco, in hunc modum geometricè demonstro. Ducatur ex G centro radius seu semidiameter GFC , secans utrumque concentricum circum in punctis F & C , per quæ puncta ducantur tangentibus FN , CM , & super CM volvatur circulus major ABC , & rapiat secum circumulum minorem DEF sibi connexum. Quoniam igitur ex hypothesi circulus ABC volvitur per lineam CM , perpetuo tanget eam lineam, quia impossibile est ut per eam volvatur, & tamen eam non tangat. Toto ergo volutionis tempore, omnes rectæ lineæ à centro G ad omnes contractus ductæ, (quales sunt GQ , GP &c.) erunt ipsi CM perpendiculares, *per Proposit. 18. lib. 3. Element. Euclidis*, ubi id demonstratur, ac proinde radius GC circuli ABC semper erit mensura distantie centri G à recta CM , hoc est, centrum G toto tempore volutionis tantum distabit à linea CM , quanta est semidiameter GC , ac proinde toto volutionis tempore centrum G æqualiter distabit à recta CM . Quia verò recta FN parallela est ipsi CM , *per Proposit. 28. lib. 1. Euclidis* (nam anguli GFN , $GC M$, recti sunt, *per 18am lib. 3.* adeoque inter se æquales) ideo centrum G semper etiam distabit æqualiter ab FN , licet minori intervallo, nempe intervallo radii GF . Cum igitur ex hypothesi circulus minor DEF in principio volutionis cum majori, tetigerit rectam FN , etià toto tempore quocirculus major ABC volvitur, & tangit rectam CM , tanget minor rectam FN . Quia autem punctum F est ad eandem rectam, ad quæ est punctum C , nempe ad radium GC , ideo quando C volutione una peracta denuo descendet in CM , eamque tanget in puncto

Demonstratio geometrica.

Vide Fig. 1. a. Iconis. X X.

M. v. g. etiam punctum F pariter redibit ad rectam FN, eamque tanget in puncto N. Dum ergo circulus major percurrit lineam CM, minor percurrit eodem tempore lineam FN, hæ autem lineæ, CM, FN, sunt inter se æquales, *per 33am libri I. Euclidis*, quoniam conjungunt parallelas & æquales FC, NM, ergo minor circulus DEF una volutione percurrit rectam æqualem ei, quam percurrit circulus major ABC: hæc autem percurrit lineam æqualem suæ peripheriæ, ergo & minor percurrit lineam æqualem eisdem peripheriæ, at majorem suæ peripheria, quod erat demonstrandum.

Quòd si ponamus moveri minorem circulum super recta FN, & secum rapere majorem motum super recta CM, tunc quia minor in una volutione percurrit lineam æqualem suæ peripheriæ, v. g. lineam FL, ideo etiam major percurreret tunc lineam huic æqualem, nempe lineam CK, minorem suæ peripheria. Demonstratio est eadem.

Quod autem dixi ac demonstravi de his duobus circulis, intelligi debet de quocunque aliis concentricis, quantumvis inter se inæqualibus, eadem enim semper est ratio in omnibus.

*Demon-
stratio ocu-
lari.*

Si quis geometricis demonstrationibus non est assuetus, malitque ocularem ac palpabilem: imaginetur duas rectas CM, FN, esse duas rotarum orbitas, aut duo plana parallela, sed unum altius altero, & super ea volvi duos prædictos circulos veluti duas rotas, ad eum modum, quo plaustrorum rotæ volvi solent super plana, ita tamen, ut primo volvatur per se rota major, & secum rapiat minorem: tunc si in principio volutionis notet duo puncta C & F in rotis & orbitis, & facta integra revolutione, quando eadem rotarum puncta tangent iterum sua plana, notet denuo in orbitis duo puncta M & N, videbit oculis, & manibus palpabit, æquales esse duas rectas CM, & FN. Si autem per se feratur minor rota, & secum abripiat majorem, minor percurreret minorem lineam quam antea, nempe lineam FL, major autem percurreret lineam huic æqualem, nempe lineam CK, suæ tamen peripheria minorem.

Ex his evidenter deduco id quod principio proposui, & quod est hujus dissertationis scopus, nempe peripheriam circuli majoris esse

esse æqualem peripheriæ circuli minoris. Nam primo evidens est, ea, quæ sibi mutuo congruunt, esse inter se æqualia, ut si linea FN superponatur lineæ CM, eique ita congruat, ut neque excedat illam, neque ab illa excedatur, certum & evidens est, illas inter se æquales esse. Similiter si linea circularis ABC superponatur lineæ rectæ CM, licet successive, & hæ ita sibi mutuo congruant, ut una non excedat alteram, nec ab altera excedatur, evidens & certum est, illas esse inter se æquales. Secundo, manifestum & lumine naturæ notum est, ea quæ æqualibus sunt æqualia, etiam inter se æqualia esse, ut si lineæ FN, & CM, æquales sunt inter se, & linea A sit æqualis lineæ FN, & linea B æqualis lineæ CM, erunt etiam A & B inter se æquales: sicut si Petrus & Paulus sint æquales inter se, & Joannes sit æqualis Petro, Andreas verò Paulo, erunt & Joannes ac Andreas inter se æquales. Jam sic. Dum major circulus ABC volvitur super recta CM integra volutione, & eodem tempore minor circulus DEF volvitur super recta FN integra etiam volutione, majoris circuli peripheria congruit lineæ CM, & minoris peripheria lineæ FN, ut demonstravimus, & experientia ipsa ostendit, ergo, duæ istæ peripheriæ æquales sunt duabus istis lineis, nam quæ sibi mutuo congruunt, æqualia sunt, ergo eadem duæ peripheriæ sunt inter se æquales, quia quæ sunt æqualia æqualibus, & inter se sunt æqualia. Majoris ergo circuli peripheria æqualis est minoris circuli peripheriæ, quod demonstrare volebam. Eodem modo demonstratur, minoris circuli peripheriam esse æqualem peripheriæ majoris circuli.

Vide Fig.
1 a. Iconis.
XX.

Vide Fig.
1 b. Iconis.
XX.

COROLLARIA ET PARADOXA.

EX his infero I. Idem esse æquale, & non esse æquale alteri, quæ quidem est manifesta contradictio. Nam minoris circuli peripheria non est æqualis peripheriæ circuli majoris, tum quia revera minor est, tum quia si per se moveatur, minorem lineam rectam percurrit quam major. Æqualis etiam est, quia si simul cum illo moveatur, æqualem lineam rectam percurrit, eique successive congruit, uti demonstravimus.

Corollarium
& Paradoxon
ex cyclo-
metrica.

Infero II. unum eundemque circulum in una revolutione sua percurrere spatium modo æquale suæ circumferentiæ, quando nimirum per se
& solu-

moverit, tardius movebit, quam si ipsum solum moveret. Idem contingit, si quid aptum quidem est moveri ex se, sed dum movetur cum alio, nihil ex se movetur; perinde enim tunc est ac si minime aptum esset ad motum. Exemplum sit plumbum cui vesica aere plena conjuncta est, quod evidenter tardius descendit in aqua motum à gravitate sua, quam si liberum esset, & per se solum moveretur, etiamsi in utroque casu eadem sit potentia motrix ipsius, nimirum gravitas plumbi. Alterum, quod Aristoteles supponit, est, quod motum ab alio, non potest plus moveri quam moveatur movens, quando quidem non movetur nisi motu moventis. Exemplum sit vesica aere plena, & plumbo conjuncta, quæ nec citius nec tardius movetur deorsum per aquam, quam plumbum à quo movetur. His suppositis respondet Aristoteles in hunc modum. Si quis minorem circulum DEF movet supra lineam FN, & minori annexus sit major ABC; movetur quidem major supra lineam CM, at non ex se, sed solum quatenus à minore impellitur; tantum autem impellitur, quantum minor est motus; igitur æqualem cum illo viam conficit: si igitur minor in una revolutione movetur ab F in L, etiam major movetur solum à C in K, quia major nihil de proprio motu addit, sed solum motione minoris transtertur. Non secus ac vesica aere plena, & plumbo alligata, movetur quidem descendendo intra aquam, at non plus quam plumbum, quia per se non movetur deorsum, sed solum quatenus alligata est plumbo. Mirum ergo non est, quod major circulus non plus spatii conficiat, quam minor. Similiter si quis majorem circulum ABC, movet supra lineam CM, & majori annexus est minor DEF: movetur minor cum majore tantum, quantum movetur, quia minor ad motum majoris movetur: mirum ergo non est, quod minor conficiat æquale spatium cum majore.

Contra hanc rationem ipsemet Aristoteles proponit hanc difficultatem, quod prædicti circuli sunt concentrici, & idem commune centrum habent, ac circa illud moventur; ergo uterque movetur per se, quia uterque movetur secundum suum motum naturalem, secundum quem circuli ex se apti sunt moveri;

Qqqq

nam

Vi de Fig.
Ia. Iconis.
XX.

Difficultas
contra Ari-
stotelis ra-
tionem.

nam circulum moveri circa suum centrum, est eum moveri motu quo maximè aptus est moveri. Aliud foret si excentrici essent, & diversa centra haberent, tunc enim si motus fieret circa centrum unius, solus ille moveretur ex se, & secundum motum quo aptus est moveri, alter verò per accidens & ad motum huius moveretur, ac proinde nec plus nec minus quàm ille cum quo moveretur, & cui annexus esset.

*Responsio
Aristotelis.*

Huic objectioni respondet Aristoteles, quòd quamvis prædicti circuli sint concentrici, nihilominus non moventur ambo suâmet motione circa idem centrum, sed ille qui ab alio fertur, movetur secundum motionem illam, tanquam si nullam ad eam haberet aptitudinem: quamvis enim possit minor v. g. moveri circa centrum G. propria natura, dum tamen movetur ad motum majoris, non utitur illa aptitudine, ac proinde tantum moveri debet, quantum movens, nec plus, nec minus. Hinc addit Aristoteles paralogismum esse, dicere quod utriusque circuli sit idem centrum: licet enim hoc ita sit, eo quod concentrici sint circuli, ut supponitur, tamen in motione centrum illud est unius centrum per se alterius verò per accidens, sicuti per accidens est eundem virum esse musicum & album: ille enim circulus, qui movet alterum sibi adnexum, obtinet illud centrum per se, & ex natura sua, alter verò qui adnexus est, habet illud idem centrum per accidens, quia non utitur illo tanquam centro: tamen si enim non haberet idem centrum, sed diversum, eodem tamen modo, & eadem celeritate adhuc moveretur cum altero cui adjunctus est. Non igitur circa idem simpliciter centrum sit utriusque motus, sed alio modo unus, alio alter movetur circa illud, nimirum unus per se, alter per accidens. Hæc Aristoteles.

*Aristotelis
responsio
impugnata.*

Sed nec præcedens, nec hæc solutio videtur satisfacere difficultati propositæ, qua nimirum de causa minor circulus motus cum majore conficiat æquale spatium cum illo, & coaptetur successive majori lineæ quam sit peripheria ejus, & qua de causa major circulus motus cum minore non conficiat æquale spatium suæ peripheriæ, sed tantum, quantum minor. Sive enim unus moveatur per se, alter per accidens & raptus ab altero, & sive centrum in motione conveniat uni per se, alteri per accidens, tamen hinc non sequitur.

quitur, quod in una revolutione peripheria minoris successive coaptari debeat tantæ lineæ rectæ, quantæ peripheria majoris, & è contrario quod majoris peripheria non debeat majori lineæ rectæ coaptari quam minoris. Si uterque circulus traheretur per planum, & quodlibet punctum utriusque describeret lineam rectam, sicut centrum G describit lineam rectam GO, recte inferretur æqualem esse motum utriusque, quia motus seu raptus ab alio non potest moveri celerius aut tardius quàm movens & rapiens: at hic sermo est de motu circulari circa centrum, translatus simul motu recto, præter quod centrum nullus alius punctus motu recto transfertur. Certè sive plumbum descendat per aquam solum ac liberum, sive adjunctam habens vesicam aere plenam, semper æquale spatium conficit à superficie usque ad fundum, licet solum moveatur celerius quam non solum. Item licet lapis levior plumbo, si solus descendat per aquam, tardius moveatur, quàm si alligatus plumbo descendat, tamen æquale in utroque casu spatium conficit à superficie ad fundum, licet non æquali tempore. Eodem ergo modo sive dictorum circulorum unus moveatur per se, alter vero per accidens, ille qui per accidens movetur, tantum spatium deberet conficere, quantum conficit quando per se movetur, licet non æquali tempore. Mutatio itaque in solo tempore deberet contingere, non in spatio pertransito. Etenim certum est, lineam FN tot habere partes determinatæ magnitudinis, quot habet linea CM, quoniam æquales sunt: certum præterea est, circuli ABC peripheriam habere totidem partes determinatas quot habet linea CM, quoniam similiter æquales sunt, ut supponitur: certum denique est, circuli DEF peripheriam habere pauciores partes determinatas prioribus æquales, quam peripheria circuli ABC, & consequenter quam linea FN, quoniam in æquales sunt: constat præterea, dum peripheria DEF rotatur supra lineam FN, nullum dari instans in quo nova pars aut novum punctum peripheriæ DEF non attingat novam partem aut novum punctum lineæ FN: quomodo ergo, si linea FN major est, quam peripheria DEF, & plures determinatas partes continet linea quam peripheria, quomodo inquam in decursu minor linea coaptatur majori? Et ut magis elucescat difficultas, supponamus cum Zenone, tam lineam FN, quam cir-

cumferentiam DEF, constare meris punctis immediate se sequentibus, & in utraque magnitudine puncta esse sine mole, aut si molem illis affingere velimus cum instantibus puncta, fingamus omnia in utraque magnitudine esse æqualis molis. Hoc posito, necessario lineæ FN concedenda sunt plura puncta, quam circumferentia DEF. Et tamen in revolutione hujus circuli supra illam lineam, singula puncta circumferentiæ tangunt successivè singula puncta lineæ, & nulum punctum lineæ transilitur, nec ullum punctum ejusdem lineæ tangitur nisi ab uno puncto circumferentiæ, ut ipsemet Aristoteles tateretur. Quomodo ergo peracta revolutione circuli, pertransita est tota lineæ FN, & omnia ejus puncta, sive per se moveatur circulus, sive per accidens? solutio ergo Aristotelis hujus rei causam minimè adsignat, nec difficultatem solvit.

Guevara solutio

*Guevara
ratio.
Vide Fig.
1 a scoul.
XX.*

VIdit hanc difficultatem *Joannes de Guevara* Commentario in Aristotelis Mechanica loco citato, & ut eam diluat, ait aliter se solutionem auspicaturum, novumque aliquid in medium allaturum, in Aristotelis & veterum Philosophorum principiis fundatum. Duo autem supponit. Primum est, quod circulus seu rota tribus modis moveri possit, primo, motu tractionis, quando nimirum ita trahitur supra planum, ut punctum C solum ac semper tangat lineam CM, & tunc movetur hoc & quodvis aliud punctum, uti & centrum G, motu recto tantum: secundo, motu gyrationis circa centrum & axem immotum, quando nimirum punctum G, non progreditur, sed circa id gyrat circulus, & quodlibet ejus punctum, & tunc movetur circulus motu circulari tantum: tertio, motu mixto ex recto & circulari, quando nimirum centrum & axis G progreditur recta versus O, & simul circulus gyrat circa dictum centrum & axem, & peripheria circuli percutrit lineam CM, & hoc contingit in casu nostro.

Alterum, quod supponit, est, quod lineæ CM quæ à circulo prædicta mixta rotatione describitur super planum, ex natura sua non describitur nisi juxta mensuram lationis seu motus recti qui simul cum axe conficitur in anteriora, & cujus virtute describitur, & quod propterea nulla ratio habenda sit circularis motus, nec sparii
circulariter

circulariter peragrati ab ipso circulo, sed tantum motus recti ac spatii motu recto centri & axis peragrati. His politis ait, ideo circulum alteri adjunctum, & cum eo delatum, semper æquale spatium cum circulo deferente seu per se moto percurrere, quia illud non percurrit ex vi suæ rotationis, ac juxta mensuram suæ circumferentiæ, sed ex vi sui raptus & asportationis: nam tantum recta progreditur, inquit, quantum à deferente rapitur & asportatur, licet alias, si per se ferretur, eodem tempore majorem aut minorem peragraret circuitum, cujus, quia nulla ratio haberi debet, ut præmonuit, non requiritur ut ejus motus circumvolutionis sit æqualis motui recto centri, nec ut linea recta quam percurrit, sit æqualis circumferentiæ secundum quam rotando convolvitur. Ineptissima profecto interpretandi ratio, & solutio imperita. Quærit Aristoteles, quærent alii omnes, cur eadem circuli peripheria percurrat modo majus, modo minus, æquale spatium motu suo circulari, respondet hic Auctor, quia nulla est habenda ratio motus circularis, sed solum motus recti quem centrum perficit. Nimirum quia hic erat, qui negotium facessabat, ideo illius nullam rationem habendam esse existimat. Integra igitur adhuc & insoluta perstitit difficultas propofita, & alia est inquirenda ratio.

Mersenni solutio.

Marinus Mersennus vir doctissimus, & multis libris scriptis clarus, in Synopsi Mathematica lib. 2. Mechanicorum, parte 3. proposit. XI. explicando rationem Aristotelis supra allatam, ait, causam cur circuli inæquales æqualem lineam sua circumvolutione describant, ex eo sumendam esse, quod minor, aut major, non proprio motu, sed alterius moveatur: *circulus enim*, inquit, *ab alio motu extenditur & applicatur secundum extensionem movēis, adeo ut motus minoris rarefactioni, majoris vero condensationi comparari possit.* Subjungit, cessaturam admirationem, si consideremus minorem non exercere motum suum, cum transfertur à majori. Sed jam supra diximus hanc responsionē non satisfacere: si enim minor moveatur ad motum majoris, aut major ad motum minoris, quia tamen unica circumvolutione aut majorem aut minorem lineam percurrit quam sit ea, cui in motu congruit circumferentia. certe id mirabile

est, nec cessat admiratio quod circulus tunc non motu proprio, sed ab alio delatus circumvolvatur. Si dicat cum Aristotele, circumlum delatum ad motum alterius, non posse celerius aut tardius moveri illo, nec majus aut minus spatium conficere quam ille: audio quidem, sed cum uterque circulus planum subiectum in toto motu tangat, neque ullam partem plani pars ulla circumferentiæ bis tangat, aut transiliat, ut ipsemet Mersennus fatetur cum Aristotele: non video quomodo alteruter circumlatus ab alio conficiat aut majus aut minus spatium circumferentia sua, hoc est, quomodo circumferentia minor congruat lineæ rectæ majori se & circumferentia major lineæ minori se.

Cabæi solutio.

Cabai ratio

Vide Fig.
I. a. Iconus.
XX.

P Nicolæus Cabæus, insignis Philosophus ac Mathematicus • Commentario in lib. 4. Meteororum Aristotelis tex. 1. quæst 9. ait, rationem hujus rei esse, quia peripheria circuli majoris ABC delati ad motum circuli minoris DEF, & percurrentis lineam CK tantum minorem sua peripheria, eodem tempore movetur motibus contrariis, nempe ante, & retro. Movetur enim ante, inquit, quia semper nova & nova pars, seu novum & novum punctum peripheriæ ABC tangit novam & novam partem, seu novum & novum punctum lineæ rectæ CKM, ad partes ipsius versus M, hoc autem est rotari ante, seu moveri versus M. Movetur etiam retro, seu recedendo à puncto M. eodem tempore, quia si non moveretur linea curva CH. recedendo à puncto M, quodlibet punctum peripheriæ CH, distans à puncto C, v. g. punctum P, Q, &c. perveniret ad lineam rectam CM in tanta distantia à puncto C, quanta est distantia in linea curva v. g. punctum P perveniret ad punctum V in tanta distantia à puncto C, quanta est distantia puncti P à puncto C: sed punctum P sic distans in curva, non pervenit ad punctum V sic distans, sed ad aliud minus distans à puncto C, ergo necessario retrocessit punctum P, & accedendo ad M per motum verum, eodem tempore recessit etiam ab M, accedendo ad C. Et hoc fit, inquit Cabæus, perpetuo & successivo motu, ita enim semper novum & novum punctum peripheriæ versus M, tangit novum & novum punctum plani versus M, ut tamen semper constringantur puncta

puncta contactus (sic loquitur Cabëus) recedendo à puncto M. Ergo in illo primo casu , dū peripheria major commensuratur per motum revolutionis lineæ minoris, successive tangendo novo & novo puncto suo novum & novum punctum plani , magis remotum à puncto primi contactus, movetur duobus motibus contrariis, accedendo, & retrocedendo ab eodem termino. Dum vero in alio casu motus rotarum ita fit. ut per se moveatur major circulus ABC, & ad motū illius per accidens moveatur etiam minor DEF supra suum planum; minor commensuratur cū linearecta per successive & novum contactum majori se, & hoc ideo, quia non solum movetur motu circulari revolutionis, dum semper in quolibet instanti assignabili novum & novum punctum circuli tangit novum & novum punctum plani, sed etiam movetur motu recto quasi progressivo, fricando se supra lineam rectam: sicut enim centrum G movetur simpliciter motu recto, & circulus major ABC motu simpliciter circulari revolutionis, ita omnes circuli intermedii assignabiles moventur duplici motu, & circulari, & recto; & ut ex vi circularis motus ecommensurantur cum linea sibi æquali, ita ex vi motus recti commensurantur cum majori vel minori, pro vario motu: Hæc Cabëus. Ex quibus infert, idem moveri duobus contrariis motibus simul, sed in eo nullam esse contradictionem, quia alter motus est circularis, alter vero rectus.

Vult itaque Cabëus, dum movetur per se circulus major ABC, *Explicatur.* & percurrit unica integra revolutione lineam CM æqualem suæ circumferentiæ, & dum simul cum illo defertur circulus minor DEF, & percurrit unica integra revolutione lineam FN majorem suæ circumferentiæ, hoc ideo fieri, quod circulus minor DEF movetur duplici motu, uno circulari quo semper novum & novum circuli punctum tangit novum & novum punctum plani, & coæquatur lineæ æquali suæ circumferentiæ; altero recto quo coæquatur lineæ majori suæ circumferentiæ. Dum vero per se movetur circulus minor DEF, & percurrit unica revolutione lineam FL æqualem suæ circumferentiæ, & dum simul cum illo perfertur circulus major ABC, & percurrit solum lineam CK minorem suæ circumferentiæ, hoc ideo fieri, quod circulus major movetur duplici motu, uno circulari quo semper novum & novum ejus pun-

punctum tangit novum & novum punctum plani, & ideo deberet coequari lineæ CM æquali suæ circumferentiæ; altero recto, quo interim retrocedit, & ideo percurrit lineam minorem suæ circumferentiæ, causam hujus secundi casus, uti ex dictis constat, adsignat hanc: si major circulus non simul progredetur & retrocederet, percurreret lineam æqualem suæ peripheriæ, quia semper progreditur: at non percurrit lineam æqualem suæ peripheriæ, sed minorem: ergo necessario retrocedit. Causam vero primi casus hanc adsignat, uti ex iisdem dictis colligitur, si minor circulus præter motum circularem non simul moveretur motu recto, quo majus spatium percurreret quam solo circulari, percurreret spatium æquale suæ circumferentiæ: sed percurrit spatium majus suæ circumferentiæ, ergo movetur etiam motu recto & quasi progressivo. Itaque à posteriori colligit, circulum majorem simul progredi motu circulari, & retrocedere motu recto, & circulum minorem progredi simul motu circulari & recto.

Oppugnatur sententia Cabai.

*Oppugna-
tur primo.*

CONTRA hanc sententiam hæc habeo. *Primo*, quando movetur per se circulus minor DEF, ad motum ejus rapitur circulus major ABC, si è centro G ducantur quotcunque lineæ rectæ ad circumferentiam majoris, cujusmodi sunt lineæ GP, GQ, transcurrentes per puncta R & S minoris circuli: tantum progreditur eodem tempore punctum Q, quantum punctum S, & tantum punctum P, quantum punctum R: sed puncta R & S semper progrediuntur & non recedunt: ergo & puncta P & Q semper progrediuntur & non retrocedunt. Consequentia est legitima, quia si puncta P & Q retrocedunt, & puncta R & S non retrocedunt, hæc plus progredierentur quam illa. Minor certa est & conceditur à Cabæo, quia minor circulus commensuratur lineæ FN æquali suæ circumferentiæ; ergo omnes ejus partes & puncta semper progrediuntur, & nullæ partes aut puncta retrocedunt. Major demonstratur, quia dum punctum Q tangit lineam CM, lineæ GQ est perpendicularis ad CM, sicuti est perpendicularis lineæ CG, ad eandem lineam CM, per 18. *Proposit. libri 3. Elementorum*, ubi id geometricè & evidenter demonstratur, & à bis mille annis à nullo fuit negatum, aut revocatum in dubium: cū ergo duo pun-

puncta, Q & S, sint in eadem recta & perpendiculari linea, utrumque æqualiter distabit à linea GC, quia cum utraque linea, G C, & S Q, sit perpendicularis lineæ C M, erunt inter se parallelæ seu æquidistantes per 28. Proposit. libri 1. Euclidis, ubi id demonstratur, & à nullo hætenus negatum fuit. Dico hæc pro iis qui in Euclideanis demonstrationibus non sunt versati, aliis enim evidenter sunt. Hoc primum.

Contra habeo *secundo*, si major circulus eodem tempore moveatur ante & retro, ergo debet assignari causa illius duplicis motus, hoc est, sicut assignatur causa motus progressionis in anteriora, qui est motus axis à puncto G versus punctum O progredientis ita deberet assignari causa motus retrocessionis in posteriora, quo punctum P v. g. moveretur versus C: atqui non potest assignari causa huius secundi motus retrocessionis, ergo non datur talis motus. Minor probatur, quia non est motus axis, aut potentia movens axem, nam axis semper movetur in anteriora, & nunquam retrocedit, quia dum punctum F percurrit lineam FL, punctum G percurrit lineam GT ipsi æqualem: sicut ergo non retrocedit punctum F, ut ex se constat, & Cabæus concedit, ita nec punctum G retrocedit. Præter motum autem axis alia causa assignari non potest, nulla ergo causa datur motus retrocessionis.

Oppugnat
tur secundum
do.

Contra habeo *tertio*. Circulus major non retrocedit motu recto, ut Cabæus vult, ergo nullo modo retrocedit. Antecedens probo, quia nullum ejus punctum aut pars tali motu retrocedit, alioquin punctum aut pars G v. g. toto motus sui tempore deberet tangere lineam C M productam versus C, & punctum aut pars Q linea parallela lineæ C M, quod impossibile est, si simul progreditur in anteriora, nam quamdiu punctum C tangit lineam CM, nullum aliud punctum eam tangit, ac proinde non progreditur in anteriora.

Oppugnat
tur tertio.

Similia argumenta fieri possunt contra motum transilitionis circuli minoris, quæ brevitatis causa omitto. Eandem ob causam omitto opinionem Cardani lib. 5. Proportion. Propos. 196. Monan-sholii Comment. in Mechan. Aristotelis cap. 25. Swentert in deliciis Parte 2. Quæst. 12. & aliorum. P. Andreas Tacquet edidit dissertationem de eadem re, quam olim Romæ legi, & solum notavi

demonstrationem supra allatam, modo vero ad manum non habeo, unde nescio quam causam adsignet phænomeni de quo disputamus.

Nostra solutio insinuat.

*Nostra opinio
vel potius
hallucinationis.*

Vide Fig.
I & Iconis.
XX.

HÆ sunt aliorum sententiæ, mea quidem opinione infirmæ, uti ex allatis hætenus instantiis constat. Ego in re intricatissima, & quæ tanta hætenus ingenia defatigavit frustra, nihil certi statuere audeo. Hallucinationem tamen propriam, quæ curiosioribus ingeniis lucem fortassis aliquam afferre queat, non omitam. Suppono itaque *primo*, puncta S & Q (item puncta R & P, & quævis alia quæ in utroque circulo connectit eadem recta linea ex centroeducta) dum ambo circuli motu centri & axis progrediantur versus M & N, simul tangere subjectas lineas CM, & FN, quia dum punctum Q tangit lineam CM, recta GQ est ad eam perpendicularis, *per 18 lib. 3. Euclid* rectæ vero GC parallela, *per 28, lib. ejusdem*, quoniam igitur GC. GQ æquales sunt, item GF, GS æquales, *per 15. Definit. lib. 1. Euclidu*, ideoque & rectæ FC, SQ *per 3. Axioma ejusdem*, non potest punctum Q tangere lineam CM, quin punctum S tangat lineam FN. Suppono *secundo*, punctum Q magis distare à linea CM, quam punctum S à linea FN, quoniam perpendicularis à Q demissa in lineam CM major est, quam perpendicularis ab S. demissa in lineam FN, ut facile demonstrari potest *ex 4. sexti Euclidu*, si producat GQ usque ad rectam CM, & demittantur perpendiculares à punctis Q & S ad eandem CM.

His suppositis ajo, quando circulus minor movetur per se, & major cum illo defertur, modo sapius dicto, eodem tempore quo descendit punctum S in lineam FN, punctum Q descendit in lineam CM, quia ergo punctum Q magis distat à linea CM, quam punctum S à linea FN, maius spatium conficit, & velocius movetur Q, quam S, tempore eodem: sed punctum Q motu illo velociore non magis removetur à puncto C versus M, quam punctum S à puncto F versus N, alioquin factò contactu linearum ab illis punctis Q plus distaret à C, quàm S ab F, contra hypothesein, & contra demonstrata *ex Euclid. lib. 3. proposit. 18. & lib. 1. proposit. 28.* Ergo punctum Q descendendo, recedendo à puncto C, simul accedit ad
idem

idem punctum C. Mirum ergo non est quod facto contactu utriusque puncti cum lineis, punctum Q non magis distet à C, quàm S ab F.

Quod si dicas, etiam punctum S descendendo accedere versus F, lubens id concedo, sed ajo, punctum Q magis accedere ad punctum C, quam S ad F, quia Q velocius movetur quam S, & tamen non magis recedit à C, quam S ab F, ergo magis accedit ad C, quam S ad F. Quod autem dixi de punctis Q & S, intelligi etiam debet de quibuscunque aliis punctis quos idem radius connectit.

Quod si iterum dicas, hinc sequi idem punctum C v. g. moveri duobus motibus contrariis simul, ajo id non sequi, quia movetur tantum unico motu, qui nec rectus est nec circularis, curvus tamen, quo simul progreditur antè, & movetur retro. Explicent eum qui plus otii & ingenii habent, mihi sufficit hallucinationem meam in medium adduxisse.

Simili de causa, dum circulus major movetur per se, & minor cum eo defertur versus N, minor tantum spatium conficit, quantum major, quoniam enim punctum S minus accedit ad F, quam Q ad C, & utrumque tamen simul recedit à C, & F, ideo S magis accedit ad N, quam Q ad M. Mirum ergo non est quod S in tanta distantia ab F tangit lineam FN, in quanta Q à C tangit C M. Eadem ratio est de omnibus aliis punctis. Ex his constat discrimen inter hanc & Cabxi sententiam.

Hæc mea est, non demonstratio, nec firma cum adhæsiōe solutio, sed hallucinatio seu conjectura. Si quis meliorem attulerit ac probaverit, lubens eam amplectar: si eandem ostenderit fallam, ab ea non invitus recedam. Interim si vera est hæc nostra conjectura, cessat admiratio Problematis Aristotelici, & omnia Paradoxa ex illo deducta, ultimo excepto, concidunt. Ratio unica est, quia licet circulus major percurrat lineam minorem sua periphæria, & minor majorem, tamen neutrius periphæria in revolutione sua congruit lineæ quam decurrit, ac proinde neutra æqualis est lineæ à se decursæ: nam lineæ quæ sibi mutuo congruunt, & æquales sunt, ita se habent, ut dum sibi mutuo super ponuntur, aut superponi intelliguntur etiam successive: singula puncta unius tangant singula puncta alterius, quod in casu nostro non fit: nam quia in circumferentia minore sunt pauciora puncta, quam in majore, si sim-

*Paradoxa
cyclometri-
ca superiora
allata, vi-
dentur esse
falsa.*

gula minoris puncta tangunt semper nova & nova puncta lineæ FL singula puncta majoris non possunt tangere semper nova & nova puncta lineæ CK æqualis lineæ FL. E contrario si singula puncta peripheriæ majoris non tangunt nisi singula nova puncta lineæ GM, non possunt singula puncta minoris tangere solum singula nova puncta lineæ FN. Adde quod *ἐφαρµογή* seu applicatio & superpositio locum non habet, nisi in magnitudinibus ejusdem speciei, ut sunt lineæ recta & recta, curva, & curva, superficies, & superficies non vero lineæ recta & curva, ut *Proclus* etiam fatetur! 3. in primū Euclidis, loquendo de epharmosi geometrica, nō de mechanica; quarū neutra tamen in casu posito habetur. Sed dum hæc assero, in alias inextricabiles difficultates incido contra ea quæ supra supposui demonstrata ab Euclide. Præstat ergo manum de tabula tollere, & problema Aristotelicum illis mysteriis circuli adnumerare, quæ humano ingenio insolubilia censentur. Hic ergo quiesco, si prius unicam contra me ipsum insinuavero difficultatem, quod nimirum nullum punctum circuli majoris tangit lineam CM, quin unum & novum punctum minoris tangat lineam FN.

SYNTAGMA SECUNDUM.

Archimedis Cyclometria legitima est, Gephyrandri spuria.

Quam multi nullo non tempore vel à primo Geometriæ exordio summum in eo collocarint studium, ut circuli peripheriam ad rectam reducerent lineam, & ejusdem circuli quadraturam, quam appellant, Mundo proponerent, æterna cum nominis vel fama, vel infamia; notius est quam ut dici hic debeat. Nullus tamen unquam magis certam ac tutam inivit viam quam olim Geometrarum coriphæus Archimedes, nullus apertius ac turpius à semita aberravit quam nuper Thomas Gephyrandrus Salicetus. Edidit hic anno hujus sæculi octavo primum, & sequenti anno recudit libellum de circuli quadratura, in quo primo Archimedis calculum, quo is verisimilem proportionem inter circuli diametrum ac perimetrum indagat, refellere conatur, deinde suum ac seniore, ut existimat, substituit; tandem novum tetragonismum geometricæ demonstratum inserit: sed cum à regia diver-

*Gephyrandrus
Archimedis
pro
in
lat.*

diverterit via, mirum non est, cum pro veritate pseudographiam ingentem nobis vendidisse Legeram olim libellum in Sicilia, & non minus Auctoris simplicitatem, ne dicam inscitiam quam insignem impudentiam, qua Archimedes, & omnes sequaces ejus, erroris turpissimi per annos bis mille hæcenus propagati insimulare audeat. Nullum vidi qui dicti Auctoris insolentiam scriptis compescuerit, nisi quod Willebrordus Snellius in fine Cyclometrici sui mentionem ejus aliquam, sed tacito nomine facit, fortassis quia nullus tanto eum honore dignum existimavit. Nec ego hunc laborem mihi sumpsissem, nisi nuper in Diatribam à supra laudato P. Philippo Colbino manuscriptam incidissem, in qua tam solide ac dilucide Gephyrandri errores refutat, ut non ingratum me facturum Reipublicæ litterariæ existimarim, si eam hoc loco, compendio tamen & angustioribus limitibus circumscriptâ infererem. Ut vero quivis, qui solius primi libri Euclidis Elementa degustavit, in quo rei difficultas versetur, & unde Gephyrandri error duxerit originem, intelligat propriam primum omnium Archimedis procedendi methodum, deinde contrarios adversarii conatus asseram, eosque ex citatâ paulo ante Diatribæ doctrina retellam.

§. I. *Apodixis Geometrica, qua demonstrat Archimedes, peripheriam circuli minorem esse tripla sesqui septima diametri.*

Archimedes post multorum antiquorum laudabiles quidem, sed inanes labores de circuli dimensione & tetragonismo, suos etiam posteritati consignaturus, libellum scripsit de eare, tam acutum & ingeniosum, quam brevem, quippe tribus tantum constantem propositionibus. In harum tertia demonstrat evidentissime, *cujuslibet circuli peripheriam triplam esse diametri, & adhuc superare parte, qua quidem minor sit decem septuagesimis, hoc est, septima parte diametri, major vero decem septuagesimis primis, hoc est, circuli perimetrū esse minorem tripla sesqui septima diametri, ita ut si diameter sit 1. perimenter sit minor quam $2\frac{1}{3}$, aut si diameter sit 7. perimenter sit minor quā 22. Quāvis in praxi & cōmuni usu, facilitatis gratia adhiberi plerumq; soleat dicta ratio 7. ad 22. Accuratiorem ab aliis post Archimedē inventam rationem, infra indicabo hanc*

Circulo peripheria ad diametrum proportiono ex Archimede.

autem proportionem hac arte invenit Archimedes. Circulo adscripsit hexagonum, & inter ejus latus ac diametrum proportionē indagavit: latus deinde hexagoni continua bisectione reduxit ad nonaginta sex angulum ejusque proportionem ad diametrum circuli minorem reperit quam triplam sesqui septimam. Et quoniam Polygoni circulo circumscripti peripheria major est quam circuli peripheria, $\epsilon\pi\iota\sigma\tau\eta\mu\alpha\nu\iota\kappa\acute{o}\varsigma$ conclusit, circuli etiam peripheria m ad diametrum rationem habere minorem tripla sequi septima.

Quaratio-
ne inveni-
ta sit ab Ar-
chimede.

Vide Fig.
1. a Iconis.
XX.

Demon-
stratio Ar-
chimedi.

Demonstrationem porro in hunc modum conficit Archimedes, & cum ipso Clavius in Geo. pract. lib. 4. cap 6. propos. 2. Ad semidiametrum AB circuli dati ducit perpendicularem EF, abscisso utrimque arcu 30 graduum BC, BD, eiicit rectas AE, AF, formatque bina triangula ABE, ABF. In quibus quia anguli EAB, FAB, æquales sunt, utpote singuli 30 graduum ex hypothesi, similiterque anguli ABE, ABF, æquales, utpote recti, ex constructione, erunt & reliqui, AEB, AFB, æquales, per 4. primi Euclidis. Æquiangulum ergo est triangulum AEF, & æquilaterum, per Coroll. propos. 6. pri. euclid. ideoque perpendiculares AB, basin EFBifariam secabit in B, ex Scholio propos. 26. pri. Euclid. eritque EF dupla ipsius EB. Posita igitur BE partium 153 erit EA 306. utpote dupla prioris. Et si quadratum ipsius BE, 23409. dematur ex 93616, quadrato ipsius AE, fiet, per. 47 pri. reliquum quadratum ipsius AB, 70227. cuius radix est paulo major quam 265, (est enim radix, licet non vera, proxima tamen, $265\frac{2}{3}$;) ac proinde AB ad BE majorem habet proportionem quam 265 ad 153. vel quod idem est, EB ad BA minorem proportionem habet quam 153 ad 265, ut demonstrat Euclides propos. 8 lib. 5. & ex se manifestum est.

Secundo jam angulo EAB bifariam per rectam AG, erit EA ad AB, ut EG ad GB per 3. Sexti, & componendo, EA, AB simul ad AB, ut EG, GB simul, seu ut EB ad GB, & permutando EA, AB simul ad EB, ut AB ad BG: & quia EA, AB simul majores sunt quam 571 (quippe cum EA sit 306, & AB paulo major quam 265.) & EB posita est 153; habebunt EA, AB, simul ad EB majorem proportionem, quam 571 ad 153, ideoque & proportio AB ad BG major erit, quam 571 ad 153. ac proinde si BG ponatur 153, erit AB paulo major quam

quam 571. Ergo quadratum ipsius AB paulo majus erit, quam 326041, ideoque cum quadratum ipsius BG sit 2349 erit quadratum ipsius AG, quod per 14 pri. quadratis rectarum AB, BG, est æquale paulo majus quam 349450. ejusque radix major quam $19\frac{1}{2}$. quippe cum hujus radices quadratum sit tantum 349428 $\frac{1}{4}$. Habet igitur AG ad GB majorem proportionem quam 591 $\frac{1}{2}$ ad 153.

Secundo rursus angulo GAB bifariam per rectam AM erit iterum componendo ac permutando ut GA, AB simul ad GB, ita AB ad Bm. & quia GA, AB, simul majores sunt, quam 1162 $\frac{1}{2}$. (quippe cum AG major sit quam 591 $\frac{1}{2}$. & AB major quam 571. & GB posita est 153. habebunt GA, ad AB, majorem proportionem, quam 1162 $\frac{1}{2}$. ad 153. ideoque & AB ad Bm proportionem habebit majorem, quam 1162 $\frac{1}{2}$ ad 153. ac proinde si ponatur Bm 173. erit AB major quam 1162 $\frac{1}{2}$. Igitur quadratum ipsius AB majus erit, quam 1350534 $\frac{1}{4}$. cui si addatur quadratum 23409. ipsius Bm, erit quadratum ipsius Am, quod quadratis rectarum AB Bm æquale est, majus quam 1373943 $\frac{1}{4}$ ejusque radix propterea, id est. recta Em, paulo major quam 1172 $\frac{1}{2}$. quippe cum hujus radius quadratum sit tantum 1373877 $\frac{1}{4}$. Habet igitur Am, ad mB, majorem proportionem quam 1172 $\frac{1}{2}$ ad 153.

Secundo iterum angulo mAB bifariam per rectam An, erunt componendo & permutando ut antea mA, AB simul, ad mB ut AB ad Bn. quia mA major est quam 1172 $\frac{1}{2}$ est AB major quam 1162 $\frac{1}{2}$ erunt mA, AB simul majores quam 2334 $\frac{1}{4}$. vel 2334 $\frac{1}{4}$. Cum ergo Bm posita sit 153. habebunt mA, AB simul ad Bn majorem proportionem, quam 2334 $\frac{1}{4}$. ad 153. ideoque & AB ad Bn majorem proportionem habebit, quam 2334 $\frac{1}{4}$. ad 153. ac proinde si Bn ponatur 153. erit AB major quam 2334 $\frac{1}{4}$. Igitur quadratum ipsius AB majus erit, quam 5448723 $\frac{1}{4}$. cui si addatur quadratum 23409. ipsius Bn, erit quadratum ipsius An quod quadratis rectarum AB. Bn, æquale est majus quam 5472132 $\frac{1}{4}$. ejusque radix major quam 2339 $\frac{1}{4}$. cum hujus radices quadratum sit tantum 5472090 $\frac{1}{4}$. Ergo An, ad nB, majorem proportionem habet, quam 2339 $\frac{1}{4}$ ad 153.

Secundo denique angulo nAB bifariam per rectam AH, erunt ut ante componendo ac permutando nA, AB simul, ad n, ut AB ad BH & quia nA major est quam 2339 $\frac{1}{4}$. & AB major quam 2334 $\frac{1}{4}$. erunt nA, AB simul majores, quam 4673 $\frac{1}{2}$. Cum ergo Bn posita sit 153, habe-

habebunt in A, AB simul ad B a, hoc est, AB ad BH, majorem proportionem, quam $4674\frac{1}{2}$ ad 153. ac propterea si ponatur BH 153. erit AB major quam $4673\frac{1}{2}$.

Hiscæ demonstratis, sic concludit Archimedes, peripheriam circuli ad diametrum habere minorem proportionem quam triplam sesqui septimam. Angulus EAB est $\frac{1}{3}$ recti, ergo ejus semissis GAB est $\frac{1}{6}$ recti, & hujus anguli semissis mAB est $\frac{1}{12}$ recti, & hujus semissis nAB est $\frac{1}{24}$ recti, & denique hujus semissis H A B est $\frac{1}{48}$ recti. Qualium ergo partium 48 est quadrans circuli, talium una est arcus BH, & idcirco BH est $\frac{1}{48}$ totius circumferentiæ circuli. Fiat jam angulus o AB, angulo H A B æqualis, eritque totus angulus H A o $\frac{1}{16}$ quatuor rectorum, seu totius circuli, ideoque arcus Ho erit $\frac{1}{16}$ totius circumferentiæ. Recta ergo Ho erit latus polygoni nonaginta sex angulorum circulo circumscripti. Et quia ostensum est, semidiametrum AB ad BH, habere majorem proportionem quam $4674\frac{1}{2}$ ad 153. ideo etiam diameter IB, ipsius AB dupla, habebit ad Ho ipsius HB duplam majorem proportionem quam $4674\frac{1}{2}$ ad 153. Si ergo Ho latus polygoni ponatur 153. erit diameter IB major quam $4673\frac{1}{2}$. Multiplicentur jam 153. per 96. ut totus ambitus polygoni nonaginta sex angulorum producat 14688. habebitque ambitus polygoni ad diametrum IB, majorem proportionem, quam 14688. ad $4673\frac{1}{2}$. Est autem proportio 14688. ad $4673\frac{1}{2}$. minor, quam tripla sesqui septima, eo quod 14688. ad $4673\frac{1}{2}$. (qui numerus paulo minor est quam $4673\frac{1}{2}$.) habeant proportionem triplam sesqui septimam. Igitur & ambitus polygoni ad diametrum IB, proportionem habet minorem quam triplam sesqui septimam. Ergo multo magis circumferentia circuli, quæ minor est ambitu polygoni, minorem proportionem habet ad diametrum quàm triplam sesqui septimam, ideoque circumferentia circuli tripla est diametri, & adhuc superat parte quæ minor est $\frac{1}{7}$. hoc est, $\frac{1}{7}$. diametri. Nam si contineret ter, & $\frac{1}{7}$. haberet circumferentia ad diametrum proportionem triplam sesqui septimam, si verò contineret ter, & plus quam $\frac{1}{7}$. haberet majorem proportionem quàm triplam sesqui septimam, cum tamen minorem habeat, ut demonstratum est.

*Polygoni
circulo cir-
cumscripti
proportio
ad diame-
trum.*

ANNOTATIO I.

Simili discursu probat Archimedes, ambitum polygoni circulo *Polygoni circulo in-*
 inscripti majorem habere proportionem ad diametrum, quàm *scripti pro-*
 $3\frac{1}{7}$. ideoque cum circumferentia circuli sit major ambitu poly *portio ad*
 goni inscripti, habere eam diametrum multo majorem propor *diametrum.*
 tionem, quàm $3\frac{1}{7}$. ac proinde circumferentiam continere dia-
 metrum ter, & insuper partem majorem quàm $\frac{1}{7}$. Et quoniam $\frac{1}{4}$.
 minor est, quàm $\frac{1}{7}$. liquet circumferentiam continere diame-
 trum ter, & plus quàm $\frac{1}{4}$. diametri. Cum ergo circumferentia con-
 tineat diametrum ter, & minùs quàm $\frac{1}{2}$. diametri, sequitur, veram
 proportionem ejus ad diametrum, consistere inter triplam sesqui-
 septimam, & triplam sesqui octavam. Itaque si diameter circuli
 dati multiplicetur per $3\frac{1}{2}$. gignitur numerus major quàm circum-
 ferentia: si vero multiplicetur per $3\frac{1}{7}$. procreatur minor numerus
 quàm circumferentia. E contrario, si circumferentia dividatur
 per $3\frac{1}{7}$. producitur numerus minor quàm diameter.

ANNOTATIO II.

Archimedes processit tantum usque ad quartam bisectionem anguli
supra positi: si ulterius procedatur, ut de facto Ludolphus à Colen,
 P. Christophorus Crünbergerus, & alii processerunt, accedipotes
 multo propinquius ad veram proportionem inter diametrum & perime-
 trum. Nemo tamen, quod sciam, melius, atque ad praxin dimensionis cir-
 culi accommodatius negotium hoc pertractavit, quàm Willebrordus
 Snellius in suo cyclometrico, quem vide. Metius in Geometria Practica
 utitur proportionem 113. ad 355. P. Ricciolus in Almagesto l. 1. & alii alia.

§. II. Proponuntur difficultates & rationes Gephyrandri con-
 tra Archimedis demonstrationem.

Thomas Gephyrandrus in Opusculo supra citato, postquam retu- *Gephyran-*
 lisset breviter Archimedis demonstrationem prædictam, ait *dri difficul-*
 nequaquam legitimè demonstratum quòd proportio inter circuli *tates contra*
 perimetrum & diametrum sit tripla sesqui septima minor, sed po- *Archime-*
 tius saniozem calculum evincere eam esse aliquanto majorem. *dem.*
 Causam erroris Archimedis, & omniù qui ejus vestigia sequuntur,
 Sss inde

inde ortam fuisse asserit, quod quoties radici extractæ ex aliquo numero adhærent minutæ, seu fractiones, has una cum integris numeris, quibus adhærent, multiplicent ut quadratum numerum procreant. Exemplum dicit esse in secunda bisectione semitexan- guli per lineam $A m$, ubi ait Archimedes, AB ad Bm habere majorem proportionem, quàm $1162\frac{1}{2}$. ad 153 . ac proinde si ponatur Bm 153 . fore AB majorem quàm $1162\frac{1}{2}$. ex quo deducit, quadratum ipsius AB majus esse, quàm $1350534\frac{1}{2}$. & si ei addatur quadratum 23409 ipsius Bm , esse quadratum ipsius Am majus quàm $1373943\frac{1}{2}$. ejusque radicem propterea paulo majorem quàm $1172\frac{1}{2}$. Hujus doctrinæ hunc ait Gephyrandrus esse sensum: in unam summam colligenda esse latera AG , & AB , quorum illud est $591\frac{1}{2}$. hoc 572 . ut exurgat numerus $1162\frac{1}{2}$. qui si per se ipsum multiplicetur, producat quadratum $1350534\frac{1}{2}$. cui si addatur quadratum radicis 153 . nempe 23409 producat summam $1373943\frac{1}{2}$. cujus radix est paulo major quàm $1172\frac{1}{2}$. nempe $1172\frac{1}{2}\frac{9}{32}$. Ita Gephyrandrus, addens, omnes interpretes consentire, hunc esse Archimedis sensum, omnibusque Geometris hanc esse generalem & usitatam rationem operandi, ut si propositæ radicis tam fractæ, quàm integræ, quadratum in numeris invenire oporteat, id sine discrimine per Arithmeticam multiplicationem conficiant: sed falli omnes; & vehementer in eo peccare, erroremque jam aliquot millenis annis fuisse propagatum.

§. III. Proponitur Gephyrandri conatus, quo Archimedis errorem putatum corrigere nititur.

*Gephyran-
dri cona-
tur corrigere
Archimedi.*

*Fractiones
duplices sũt
juxta Ge-
phyrandri.*

Hunc putatum errorem ut corrigat, ait, fractiones seu minutas radicales omnes eandem quidem tum orthographiam, tum prosodiam, non tamen sine magna homonymia, admittere, ideoque ipsæ esse duplices, quarum aliæ distinctionis gratia Arithmeticæ, aliæ Geometricæ appellari possint. Arithmeticæ, inquit, ex simplici & Arithmetica radicis seu lateris area dimensione existunt: Geometricæ contra ex Geometrica area ad radicem suam proportionem, seu reductionem, quam radicem extractionem nominamus, supersunt. Ac illæ quidem per viam Arithmeticæ multiplicationis veram areae potentie aperiunt: hæ multiplicatæ semper à scopo

scopo aberrant. Illæ longitudinem, vel partem longitudinis in radice, hæ magnitudinem areæ, seu partem magnitudinis in area indicant: atque ideo illæ sunt radices seu partes radicum æquales, hæ potentiales. Illæ sunt radices, vel partes radicis, tam inter sese, quam cum mensura integra cui subsunt, Symmetræ, hæ non sunt (proprie & verè loquendo) radices, nec partes radicis sed radices habent ubique asymmetras. Quamobrem & illæ semper partibus procedunt in radice æqualibus, in area verò inæqualibus, hæ contra partibus quidem in area æqualibus, in radice verò inæqualibus. Illæ sicut radices, seu pars radicis numero explicabilis, hæ radices suppeditant numero surdas, nisi quatenus interdum casu & per accidens in Arithmeticas resolvi ac mutari, & sic numero exprimi possint: quo casu vi mutationis in Arithmeticas de generant. Denique illarum radices simul & numeris & lineis proferri, harum solis lineis artificio geometrico assignari possunt.

Hæc Gephyrandrus, qui propter tot utrarumque minutiarum differentias vehementer absurdum putat, utrasque simul ad unam eandemque rationem seu speciem Arithmeticam revocare, easque simul cum radicibus quibus adhærent, multiplicare, ad quadratum ex iis eruendum.

Notam porro certissimam Geometricarum fractionum hanc esse ait, *si radici non ad æqualem mensuram distincta, sed ex numero non quadrato eruta annectantur, vel sola pro radice extrahenda quod sit in numeris, quorum radix infra unitatem subsistit* collocantur, vult itaq; quantum ex dictis hætenus colligere possum, Arithmeticas fractiones esse illas, quæ adhærent numero integro pro radice seu latere alicujus areæ assumpto, ideoq; multiplicatas in se, producere numeros perfecte quadratos, Geometricas verò, quæ radici è numero non perfecte quadrato extractæ adhærent, & obtinent locum Numeratoris, cui subscribi solet pro Denominatore duplum quoti inventi adjecta unitate. Exemplis rem declaro. Sit pro radice alicujus areæ assignatus hic numerus, $3\frac{1}{2}$, dicit fractionem hanc, $\frac{1}{2}$, esse Arithmeticam, quia adhæret numero integro, qui una cum ipsa fractione adjecta assignatus est pro latere seu radice areæ, ac proinde multiplicata simul cum integro in se, producit numerum perfecte quadratum, puta $11\frac{1}{4}$, siquidem si ducantur $3\frac{1}{2}$ in se, producēt

dictum numerum. Sic deinde hæc alia radix inventa, $3\frac{1}{2}$. dicit fractionem hanc, $\frac{1}{2}$. esse Geometricam, quia adhæret radici extractæ è numero non perfecte quadrato, puta ex 12. His præmissis, inculcat iterum, Archimedis errorem circa proportionem peripheriæ circuli ad diametrum inde fuisse ortum. quod nullum inter utraq; fractiones discrimen servaverit in multiplicandis radicibus per se ipsas ad quadrata inveniendâ. Quem errorem ut corrigat, multa hinc inde, ac fere sine ordine asserit, quæ ego ad quatuor revoco Propositiones.

§. IV. Propositiones quatuor, quibus Gephyrandri doctrina contra Archimedem explicatur.

Gephyrandri quatuor propositiones **I. Propositio.** Fractiones Geometricæ non sunt multiplicandæ simul cum radice cui adhærent, quando multiplicatur radix ad inveniendam arcam. Probat inductione. *Primo.* Sit areola constans semipede. Latus seu radix ejus, ut est ad mensuram pedalem asymmetrum, ita ad eam simplici & arithmetica discretione nusquam respondet: Geometrico autem artificio constat eam esse pedis quadrati semidiagonium, notaturque sic, $\frac{1}{2}$. eodem scilicet modo quo Arithmetica radix notari solet: constat enim ex Geometricis, quemadmodum diagonius quadrati sui potest duplum, ita semidiagonium quadrati sui posse dimidium. Jam si more Archimedeo, omnibusq; Geometris hætenus usitato, hanc fractionem Geometricam $\frac{1}{2}$ per se ipsam multiplices, ut quadratum illius in numeris assequaris, toto cælo aberrabis, & pro semisse habebis tantum quadrantem sic, $\frac{1}{4}$. & tamen ex hypothesi areola est $\frac{1}{2}$. *Secundo.* Sit area seu quadratum pedum quadratorum $2\frac{1}{2}$. Hujus radicem si inquiras, inveniessis $\frac{1}{2}$. seu $1\frac{1}{2}$. quæ si ducas in se, proveniet quadratum pedum $2\frac{1}{4}$. contra hypothesin, quæ volebat esse pedum $2\frac{1}{2}$. *Tertio.* Sit quadratum pedum 22. Radix extracta est $\frac{6}{7}$. seu $4\frac{2}{7}$. quam si ducas in se, inveniessis pro quadrato pedes $21\frac{6}{7}$. cum tamen invenire deberes pedes 22. Similis error in omnibus exemplis deprehenditur. Quid ergo faciendum ad vitandum errorem? & quomodo fractiones Geometricæ sunt tractandæ?

II. Propositio. Si fractiones sunt solæ, nullam ulteriorem operationem

tionem desiderant, sed fronte jam aperta præ se ferunt, quid possint, & velint. Sic enim ubi fractio Geometrica est $\frac{1}{2}$. vel $\frac{1}{3}$. vel $\frac{1}{4}$. vel similis, statim intelligitur quadratum seu aream, cui notandæ inservit, tantundem esse, nempe vel dimidium, vel tertiam partem, vel tres quartas illius mensuræ, cujus respectu fractio illa adhibita est. Si vero fractionem præcedit numerus integer radicalis, ut $2\frac{1}{2}$. tunc integer numerus multiplicandus est per seipsum, & producto adijciendus Numerator fractionis, & habebitur area quæ sita: nisi forte fractio ad minores numeros sit redacta; tunc enim major Numerator, qui in prima fractione erat, adijciendus est. Probat item inductione. *Primo.* Sit radix Geometrica cum fractione adjuncta hæc, $2\frac{1}{2}$. ducantur 2. in se, fiunt 4. cui adijciatur fractionis Numerator, nimirum 1. fiunt 5 perfectum scilicet quadratum dictæ radice. Quod si totam radicem $2\frac{1}{2}$ in se quadrato duceres, fierent tantum $4\frac{2}{3}$. qui numerus est minor quam $1\frac{1}{2}$. *Secundo.* Sit radix $64\frac{1}{2}$. duc. 6 in se, habebis 36. adde fractionis Numeratorem 4. habebis 40. numerum quadratum verum. *Tertio.* Sit area quadrata pedum 22 radix erit, $4\frac{6}{11}$. sive in numeris minimis, $4\frac{2}{3}$. Si hanc more consueto conjunctim ducas in se ipsam, habebis $21\frac{2}{3}$. ut supra dicebatur, qui numerus abest ab hypothese $\frac{2}{3}$. Si vero 4, ducas in se, & producto 16. addas 2. habebis solum 18. At si addas primitivæ fractionis Numeratorem 6. habebis 21. ut par est.

Utrum porro fractio radice numero integro adhærens sit in numeris maximis expressa, an ad minores reducta, sic intelliges. *Fractio an sit minori- bus nume- ris expressa, quo modo cognoscatur*
Semper in numeris fractionum Geometricarum non diminutis Denominator est duplo & præterea unitate major, quam numerus integer fractioni præmissus. Si ergo ab hac quantitate deficit Denominator fractionis oblata, signum est eam esse redactam ad minores numeros; quos sic restituas. Pone duplum ejus numeri integri, qui fractioni est præmissus, ei que adijce unitatem, & habebis primitivum Denominatorem: quem si divides per Denominatorem priorem, & quotum multiplices per propositum Nominatorem; habebis etiam primitivum Numeratorem.

Subjungit his Gephyrandrus modum operandi hac propositione expressum, esse verum ac legitimum modum tractandi fractiones Geometricas, eamque ait confirmari à modo operandi Arithmeti-

corum, qui ubi de examine extractæ radicis agunt (*imo de divisione universaliter*) non jubent residuum cum radice inventa simul multiplicare, sed ipsam radicem separatim multiplicare, cum hinc tandem producto residuum addere, quod plane cum nostra sententia congruit. Causam hujus operationis ait esse, quod fractiones Geometricæ non radicem, nec partem radicis, sed vel arcum, vel partem arcus denotent, ut supra dictum fuit.

III. *Propositio.* Archimedes indagando proportionem inter perimetrum & diametrum circuli, calculum suum ita instituit, ut fractiones, post extractiones radicum remanentes (hoc est, Geometricas) una cum radice cui adherent multiplicet. Patet ex dictis supra §. 2. in exemplo bisectionis semisextanguli.

IV. *Propositio.* Proportio inter perimetrum & diametrum circuli non est minor tripla sesqui septima, ut Archimedes vult: sed major tripla sesqui septima. Prima pars patet ex eo quod Archimedes falso fuerit usus calculo, ut vidimus, ex quo non nisi falsum concludi potest. Secunda pars, adhibito saniore calculo, sic probatur. In triangulo rectangulo EB supra adsignato §. I. semidiameter AB a latas BE, proportionem habet præcisè, quam $265\frac{2}{377}$ ad 153 ubi Archimedes fractionem $\frac{2}{377}$ non curavit.

Bisectione prima iterum semidiameter AB ad latus BG rationem habet prorsus eandem, quam $571\frac{2}{377}$ ad 153 ubi Archimedes generaliter ait, majorem rationem habere quam 571 ad 153 .

Bisectione secunda semidiameter eadem AB ad latus Bm rationem habet exacte, quam $1162\frac{1}{377}$ ad 153 ; ubi iterum Archimedes generaliter ait, majorem rationem habere quam $1162\frac{1}{377}$ ad 153 . *Hic igitur minor incipit esse semidiameter Gephyrandro, quam Archimedi, quia 173 in 2325 continentur 13 . & adhuc restant $\frac{67}{377}$.*

Bisectione tertia iterum semidiameter AB ad latus Bn est ut $2334\frac{1}{377}$ ad 153 ; ubi Archimedes habet $2334\frac{1}{377}$ ad 153 . *Hic iterum minor est semidiameter Gephyrandro, quam Archimedi.*

Bisectione quarta seu ultima semidiameter AB ad latus BH est, ut $4673\frac{1}{377}$ ad 153 . Hujus fractionis Numerator, 874. in Denominatore suo conjunctur decies, & adhuc restant 607. undecimius pro parte undecima, quam pro decima unius integri sumi potest: sumatur tamen pro decima tantum; erit itaque AB ad BH,

ut

ut $4673\frac{1}{2}$ ad 153 . cuius loco apud Archimedē est proportio $4673\frac{1}{2}$ ad 153 . *Hic quoque minor est semidiameter Gephyrandroquā Archimedi.*

Si jam omnia polygoni 96 angulorum circulo circumscripti latera conjungantur, hoc est, si 96. per 153 multiplicentur, summa tam nobis (*inquit Gephyrander*) quam Archimedi exurgit 14688 . à quibus si primo ter auferas 4673 . id est, diametri (*quod enim de semidiametro hactenus dictum fuit in ordine ad semipolygonum & semicirculum, intelligi etiam debes de diametro in ordine ad integrum polygonum & circulum*, numerum integrum, remanebunt tam nobis, quam Archimedi. 669 Hinc si iterum ter auferas fractionem nostram $\frac{7}{8}$ remanebunt $668\frac{7}{8}$, pro quibus in calculo Archimedeo sunt tantum $667\frac{1}{2}$. Ac numerus hic quidem Archimedis non est pars septima diametri, sed paulo minor: multiplicatis enim $667\frac{1}{2}$ per 7. procreantur $4672\frac{1}{2}$. qui numerus nondum ad nostram diametrum $4673\frac{1}{2}$. multoque minus ad Archimedeam $4673\frac{1}{2}$ assurgit. At noster numerus residuus $668\frac{7}{8}$. per 7 multiplicatus, procreat $4680\frac{9}{8}$. quæ diametrum longe superant, siue nostram, siue Archimedeam spectes: subtractis autem $4673\frac{1}{2}$, hoc est, numero Archimedeo, restabunt $7\frac{3}{8}$. subtractis autem $4673\frac{1}{8}$. hoc est, numero nostro, restabunt $7\frac{1}{2}$ qui nobis est calculo reformato excessus quo triplam sèsq̃ septimam peripheria circuli diametrum suam vere excedit, quod erat hoc loco demonstrandum. Hactenus Gephyrander.

§. V. *Gephyrandri doctrina & calculandi ratio redditur suspecta.*

AD compefcendam audaciam Gephyrandri, qui non dubitavit contra Archimedem & omnes ejus sequaces insurgere, & calculandi rationem omnibus usitaram reprobare, novamque confingere, quinque breviter præstabo. Primo, unico & simplici argumento ejus doctrinam reddam suspectam saltem, si non falsā demonstrē: Secundo, fractionum in Arithmeticas & Geometricas distinctionem examinabo, & fictam ac falsam esse monstrabo. Terrio, admissa gratis distinctione illa calculum ab ipso adhibitum demonstrabo esse falsum: Quarto Archimedē in suo calculo nunquam adhibuisse fractiones Geometricas, sed semper Arithmeticas, ostendam: Quinto deniq; tametsi illis usus fuisset, adhuc

Gephyrandri doctrina & calculandi ratio suspecta.

huctamen veram esse calculandi methodum, & inde deductam proportionem inter diametrum & perimetrum circuli, Gephyrandri verò falsam evincam.

Ad I. quod attinet, indubitatum est, radicem seu latus extractum è quadrato majore majus esse, quàm latus extractum è minore, v. g. latus extractum è quadrato novem palmorum majus est, quàm latus extractum è quadrato quatuor palmorum. Et ratio est, quia latus continet potentia quadratum: sicut ergo, quo majus est latus, eo majus resultat quadratum, ita quo majus est quadratum, eo majus extrahibile est latus.

Atqui Gephyrandrus extrahit semidiametrum AB è majori quadrato, quàm Archimedes, quia hic omittit multas fractiones quadratis numeris adhaerentes, Gephyrandrus verò nullas omittit, ut vidimus, & ab ipso Gephyrandro conceditur? Ergo semidiameter AB debet esse major Gephyrandro, quam Archimedi, ac proinde peripheria circuli ad diametrum debet habere minorem proportionem juxta calculum Gephyrandri, quàm juxta Archimedis calculum. Cùm ergo contrarium contingat, & Gephyrandrus majorem proportionem circumferentiæ ad diametrum inveniat, quàm Archimedes, merito ejus calculatio, atque adeo tota doctrina debet esse suspecta. Dicere posset, Archimedem multiplicare fractiones suas una cùm integris numeris quibus adhaerent, se autem suas non multiplicare, sed addere producto ex multiplicatione solum integrorum in se mutuo, & ideo mirum non esse, quòd è minoribus numeris quadratis extrahat semidiametrum AB, quàm Archimedes, atque adeo quòd hæc majorem proportionem habeat ad semiperipheriam polygoni & circuli, juxta suum calculum, quàm juxta calculum Archimedis. Sed hoc effugium postea occludetur.

§. VI. Ostenditur divisionem fractionum in Arithmeticas & Geometricas, esse fictam.

*Fractionum
divisio in arithmeticas
& geometricas, ficta
est.*

AD II. quod attinet, ajo, divisionem fractionum in Arithmeticas & Geometricas esse prorsus fictam. *Primo*, quia sine Auctore, & sine alia ratione adstruitur, quam quod inservire videtur decreto præpostero oppugnandi Archimedis & communem sententiã,

novamq; eudendo conciliandi sibi famam inter doctos, & inventi detragonismi laudem ad se derivandi, ut patebit legenti Præfationes seu Dedicatorias Epistolas quas Auctor Opusculo suo in gemina editione præfigit. *Secundo*, quia fractio quævis quam Auctor Geometricam appellat, Arithmetica est. Nam Arithmetica fractio est, quæ adhæret numero integro, & significat partem vel partes, unius integri divisi seu in partes fracti ac comminuti, vel ex Auctoris sententia, Arithmetica fractio est, quæ adhæret numero integro pro radice seu latere alicujus areæ assumpto, & significat partem aut partes alicujus integri, ut si pro radice seu latere alicujus areæ assumantur pedes $3\frac{1}{2}$. aut $10\frac{1}{2}$. fractio $\frac{1}{2}$. significat unam partem pedis divisi in duas, & fractio $\frac{1}{3}$. significat tres partes pedis divisi in septem partes: Geometrica verò fractio, ex mære Auctoris, est illa, quæ numero integro radicali è numero non perfecte quadrato extracto adhæret, & non significat partem aut partes integrorum quæ radix seu latus continet, sed partem aut partes areæ, cujusmodi est, per Auctorem, fractio in hoc numero, $3\frac{1}{2}$. ubi $\frac{1}{2}$. non partem lateris areæ, sed partem areæ significant, ut patet ex dictis supra § 3. At qui nullæ fractiones adhærentes numero integro extracto è quadrato non perfecto, significant partem aut partes areæ, sed partem aut partes radices seu lateris areæ: Ergo nullæ sunt Geometricæ, sed omnes Arithmeticæ. Minor constat, quia sicuti latus areæ cujuscunq; mensuratur mensura, non quadrata qua area mensuratur, sed simplici, qua linea mensuratur, ita etiam numerus, seu integer ille sit seu fractus, seu integro fractus, quo lateris longitudo exprimitur, non significat mensuram quadratam areæ, sed mensuram simplicem lateris. Sic si $3\frac{1}{2}$ sunt radix seu latus alicujus areæ non perfecte quadratæ, aut sit radix non perfecte quadrata & rationalis, sed irrationalis & surda areæ 12. pedum quadratorum, sicuti 3. significat latus continere in longitudine tres pedes integros in longitudine, ita $\frac{1}{2}$. significat idem latus continere ultra tres integros pedes adhuc tres partes unius pedis divisi in septem partes. Arithmetica ergo est hæc, & quævis alia similis fractio. *Tertio*, quia in præcedenti exemplo (& in quovis alio) in quo supponitur $3\frac{1}{2}$. esse radicem imperfectè quadratam areæ 12. pedum v. g. si fractio hæc $\frac{1}{2}$. est Geometrica, prout Gephyrandrus eam definit, ergo significat tres septimas ipsius quadrati seu areæ dodecapedalis divisæ in

septem æquales partes; ac proinde si numerator hujus fractionis deberet addi quadrato producto ex 3. in se ductis, quod est 9. significaret quod novem pedibus quadratis deberent addi adhuc tres partes quadratæ ex illis, in quarum septem intelligitur divisa area: sed hoc prorsus falsum est, quia non resisteret area duodecim pedum quadratorum: Ergo & falsa ac ficta est distinctio illa in fractiones Arithmeticas & Geometricas. Minor constat, quia ut ex area 9. pedum quadratorum fiat area 12. pedum quadratorum, requiruntur $\frac{3}{2}$. non $\frac{1}{2}$. nam $\frac{3}{2}$ plus sunt, quam $\frac{1}{2}$. quando quidem ex multiplicatione 3. in 12. plus resultat, quam ex multiplicatione 3. in 7. Quod si dicat $\frac{3}{7}$. idem significare quod $\frac{1}{2}$. & curandum non esse Denominatorem 7. sed tantum Numeratorem 3. addendum ad productum 9. ex integro in se multiplicato: gratis hoc dicit, & contra omnium, qui unquam de fractionibus & rebus Arithmetice scripserunt, opinionem: nec aliter suam sententiam probat nisi inductione aliquorum exemplorum, quæ tamen ipsa ex parte falsa sunt, sicuti & multa alia quæ afferri possent, sunt falsa. Quarto, quia ideo Gephyrandrus dicit, $\frac{3}{7}$ in allato exemplo esse Geometricam fractionem, & non Arithmetice, quod supponat $3\frac{1}{2}$ esse radicem numeri 12. qui resultat ex ductu 3. in se, & ex additione 3. ad 9. sed nullus unquam dixit, $3\frac{1}{2}$. esse radicem perfectam numeri 12. si enim $3\frac{1}{2}$ multiplicentur in se, producentur $11\frac{1}{4}$. tantum. Verum est, si ex 12. extrahatur radix, reperiri 3. & adhuc super esse 3. quibus supponi pro Denominatore solet duplum radice inventæ addita unitate sic, $\frac{3}{2}$. at hæc non est radix perfecta numeri 12. sed solum radix propinqua, & minor justâ, & alii sunt modi adhuc propinquiorem inveniendi.


Ex his patet, fictam & inutilem esse distinctionem fractionum in Arithmetice & Geometricas, atque adeo falsam esse Propositionem I. Gephyrandri supra positam.

§. VII. *Etiam admissa distinctione præcedente, falsa est Gephyrandri doctrina.*

Gephyrandri doctrina falsa est.

ADIII quod attinet, ajo, etiam si admissa distinctione fractionum in Arithmetice & Geometricas, modum Gephyrandri ex radice habente adjunctam fractionem Geometricam in agnoscenda

gandi quadratum esse prorsus falsum, scilicet, ut in dicta propositione II. diximus, sola integra ducendo in seipsa, & productæ summæ addendo Numeratorem fractionis, nulla habita ratione Denominatoris. *Primo*, quia hoc non verificatur in uno exemplorum ab ipso allatorum. Aliter enim, fractionem adhaerentem radici extractæ ex quadrato pedum $2\frac{2}{3}$. nimirum $1\frac{1}{3}$. esse Geometricam: ait præterea, in hujusmodi radicibus multiplicanda esse in se sola integra, & producto addendum Numeratorem primitivum in maximis numeris exhibitum. Dicatur ergo, in se, producat $1\frac{1}{3}$. addatur Numerator fractionis, scilicet 3. producentur 4. pro quadrato: deberent autem provenire tantum $2\frac{2}{3}$. Falsa ergo est doctrina Gephyrandri. *Secundo*, quia sequitur minus latus seu lineam minorem producere majus quadratum quam majus seu lineam majorem. Sint enim primo duæ lineæ AB, BC, æquales inter se, quarum quælibet sit partium



$40\frac{2}{3}$ fractione Arithmetica: item aliæ duæ lineæ DE, EF, æquales inter se, & quælibet partium $40\frac{4}{3}$ fractione Geometrica: erunt duæ priores minores, quàm duæ posteriores, quia duæ priores inter se multiplicatæ, producunt quadratum partium quadratarum, 1632 $\frac{4}{9}$. duæ vero posteriores inter se multiplicatæ & additæ, prout Gephyrandrus vult, producunt quadratum partium 1646, quorum illud minus est quam hoc. Conjungantur deinde duæ lineæ AB, BC, in unam, ut efficiant lineam ABC; item conjungantur aliæ duæ, DE, EF, in unam, ut efficiant lineam DEF;



erit utiq; tota linea ABC minor, quam tota linea DEF, quia illius duo dimidia minora sunt, quam duo dimidia hujus: sed quadratū lineæ ABC majus est, quam quadratū lineæ DEF: quod sic probō: Tota linea ABC est partium $80\frac{2}{3}$. quæ ductæ in se, producunt quadratum partium $6528\frac{1}{9}$. tota vero linea DEF est partium integrorum 80. quæ ductæ in se producunt quadratum partium 6400. quibus si adiciantur Numeratores fractionum Geometricarum,

nimirum 46 & 46 proveniet quadratum 6492. atqui præcedens quadratum productum à linea minore, majus est quam hoc secundum quadratum productum à linea majore; Minus ergo latus seu linea facit quadratum majus latus seu linea. Simili modo probari potest, ex modo calculandi Gephyrandri, etiam admissa distinctione fractionum in Arithmeticas & Geometricas, duas radices æquales producere in æqualia quadrata. Sit enim radix extracta è quadrato 16. nempe $3\frac{1}{2}$ fractione Arithmetica (licet enim radix quadrati 16 sit 4. præcise sine fractione, tamen $3\frac{1}{2}$ in re idem est ac 4.) sit præterea radix extracta ex eodem quadrato 16. nempe $3\frac{1}{2}$ fractione Geometrica, sumendo Numeratorem ut reliquum post extractionem integri numeri 3 ex 16. & significantem partes quadrati, ut Gephyrandrus vult. Denominatorem vero sumendo ut constitutum ex duplo radice addita unitate. Addantur jam duæ tales radices, primo ut adjunctam habent fractionem Arithmetica, & producentur $6\frac{1}{2}$. quæ ducta in se faciunt quadratū 64 secundo ut ad adjunctam habent fractionem Geometricam, & producentur iterum $6\frac{1}{2}$. quæ ducta in se integro numero & addito Numeratore, faciunt quadratum 50 nam 6. ducta in se dant 36. & 14 illis addita dant 50. Omitto alia similia argumenta, & transco ad quartum.

§. VIII. *Archimedes in suo calculo nunquam adhibuit fractiones Geometricas.*

AD IV. quod attinet, probo id ex ipsamet Gephyrandri doctrina breviter sic. Geometrica fractio est, quæ relinquitur ex extractione radice è numero non perfecte quadrato, & quæ addita summæ ex numero integro radice fractionem antecedente in se ducto gignit quadratum è quo extracta fuit: sed talem nunquam adhibuit Archimedes; ergo nunquam adhibuit Geometricam fractionem. Minorem probo inductione exemplorum Archimedis. Nam in secunda bisectione habetur hic numerus 1162 $\frac{1}{2}$. cujus adjuncta fractio non est Geometrica, ut adversarius vult, sed Arithmetica, quia eruitur ex hoc numero non quadrato, 1359417: ex quo facta extractione non manet $\frac{1}{2}$ sed $\frac{1}{2} \cdot \frac{1}{2} \cdot \frac{1}{2}$. ut constat calculanti, & ipse adversarius fatetur: quæ quidem fractio reducta ad minores terminos non facit $\frac{1}{2}$. sed quasi $\frac{1}{2}$. ipso met ad calculo

consentiente Quod etiam inde patet, quia si multiplices radicē prædictam, 1162. in se, & producto addas vel Numeratorem hujus fractionis, $\frac{1}{4}$. vel Numeratorem ejusdem fractionis reductæ ad majores terminos, juxta adversarii regulam relatam supra §. 3. Propositione II. nimirum $\frac{290}{333}$. non provenit quadratum ex quo dicta radix extracta fuit. Nequaquam ergo dicta Archimedis fractio Geometrica est, sed Arithmetica, ut perspicue patet, quia si dicta radix cum sua fractione per seipsam multiplicetur, more Archimedis & omnibus aliis usitato, redit quadratum, paulo minus vero quadrato antea adsignato; quæ causa est, cur Archimedes dixerit, G.A. AB. simul habete majorem proportionem ad BG, quàm 1162. ad 153. eo quod ipsius quadratum sit paulo minus vero. Assumpsit xx. itaq; Archimedes radicem propinquam, cum perfecta non detur. Idem dicendum est in omnibus aliis fractionibus ab Archimede adhibitis. Addam adhuc unum exemplum. Archimedes inquirens magnitudinem lateris AG juxta 47. pri. Euclid. è quadratis. AB, BG, reperit hanc radicem, 591. quadratum enim AB est 326043. & quadratum BG 23409. quæ unita faciunt 349412. è quibus extracta radix dat 591 $\frac{71}{113}$. fractione Geometrica, juxta Auctoris praxin, remanent enim præcise 171. quibus si supponatur pro Denominatore duplum radicis 591. resultat prædicta fractio $\frac{171}{113}$. sed ab Archimede assumpta non est idem cum prædicta fractione, nec eæquivalens; ergo $\frac{71}{113}$. ab Archimede assumpta non est fractio Geometrica, sed Arithmetica, quæ cum integris dat quadratum paulo minus eo, è quo dicta radix eruitur, quia nimirum solum est radix propinqua. Verissimum est ergo quartum nostrum assertum, Archimedem videlicet non adhibuisse fractiones Geometricas, sed Arithmeticas, & falsissima est Propositio III. Gephyrandri.

§. IX. *Archimedis calculandi ratio legitima est, etiam admissa supradicta distinctione fractionum.*

AD V. quod attinet, nimirum, tametsi consideremus Archimedē adhibuisse fractiones Geometricas, easq; more Arithmetice multiplicasse una cum numeris integris quibus adhzrent, adhuc veram esse ac legitimam ejus calculandi methodum, indeq; sequi proportionem inter perimetrum & diametrum.

*Archimedis
calculatio
legitima est*

non esse majorem tripla sesqui septima, sed minorem, hoc unico, sed efficacissimo probo argumento. Quoties radix aliqua cum fractione Geometrica (hoc est, cujus Numerator sit à numero relicto post extractionem radicis integræ, & Numerator à duplicatione radicis cum additione unitatis) ducitur in se, semper producit quadratum paulo minus vero, ergo ex hoc quadrato producit radix paulo minor quàm revera sit, & in nostro casu, semidiameter minor quam cæteroquin sit, ergo semidiameter dicet semper majorem proportionem ad semiperipheriam, vel immediatius ad latera polygoni circulo circumscripti, quam radix dicti quadrati ad eandem peripheriam seu latera polygoni, ideoque ex opposito latus polygoni habebit minorem proportionem ad semidiametrum, quam magnitudo numeris expressa dicti lateris ad semidiametri radicem, ergo à primo ad ultimum vera adhuc esset methodus calculandi, etiamsi cōcederetur Archimedi ea fuisse usum, quia per illam haberetur proportionem inter perimetrum & diametrum esse minorem tripla sesqui septima. Præsertim quia, ut paulo antè diximus, si fractio Geometrica sine multiplicatione additur producto ex radice integræ in se ducta, omnino falsus est computus, si verò multiplicetur ad instar Arith. ad verum accedit. Et licet Gephyrandrus sponte admittat Antecedens hujus argumenti, lubet tamen illud unico exemplo confirmare. Sint duæ lineæ, quarum una sit 20. partium, altera $10\frac{1}{2}$. fractione Geometrica, nectantur simul, & consicient lineam partium $30\frac{1}{2}$. hujus lateris seu radicis quadratum per multiplicationem more consueto factam productum, est 928. & paulo amplius, minus tamen quàm 929. deberet autem esse 930. si attendantur quadrata è quibus educuntur, nam lineæ unius quadratum est 400. alterius 110 $\frac{1}{4}$. si jam ex hac educatur hæc alia radix, $10\frac{1}{2}$. fractione Geometrica, sine additione unitatis, hæcque nectatur cum 20. quadratum inde productum erit 930 $\frac{1}{4}$, quo paulo minus est quadratum productum à $30\frac{1}{2}$. fractione etiam Geometrica, sine tamen additione unitatis. Quin re valde hallucinatus est Gephyrandrus, quatenus ex conjunctione duarum linearum fractionis Geometricæ Denominatorem priorem aufert, eique substituit eum qui provenit ex multiplicatione radicis unitæ cum unitate: qua ratione notabili-

ter decrefcit, foretque in exemplo allato radix $30\frac{4}{7}$. quam fi in fe ducas, juxta calculationem ipsius, proveniunt 910. quod quadra- tum à vero deficit 18. & amplius partibus. Malè itaque Denomi- nator mutatur ab Adverfario in conjunétione duarum linearum, fed retinendus eft prior, vel fi utraque linea habet adjunctam fra- ctionem Geometricam cum diverfis denominatoribus, utraque fractio in tali cafu reducenda eft ad eundem Denominatorem, ut fieri folet in fractionibus Arithmeticis. Atque hic error Gephy- randri, et fi nullum alium commiffiffet, trabalis eft, & omnino fuffi- ciens ad calculum ejus reprobandum, multoque magis ejus tetra- gonifmum ex falfo calculo deductum, etiam fi de reliquo legitime procederet.

§. X. *Admiffa doctrina & calculatione Gephyrandri, illatio illius illegitima eft.*

COronidis loco addo, etiam fi detur gratis calculationem Ge- phyrandri veram effe, atque adeo ex majoribus quadratis Gephyran-
dri illatio
illegitima
eft. minora latera feu radices educi, quàm ex minoribus, tamen ipfius illationem illegitimam effe, & nullo pacto convincere, quòd fci licet proportio perimetri circuli ad diametrum major fit tripla fefqui feptima. Ratio eft, quia tota calculatio tam Gephyrandri, quàm etiam Archimedis, verfatur immediatè circa proportio- nem perimetri polygoni 96. angulorum circulo circumfcripti, ad diametrum circuli feu polygoni: ex eo autem quòd perimete- r polygoni ad diametrum habet minorem proportionem quàm tri- plam fefqui feptimam, rectè & evidenter concludit Archimedes, quòd & circuli perimete- r ad eandem diametrum habeat mino- rem proportionem, quandoquidem circulus minor eft quàm po- lygonum circumfcriptum, ut patet ex lib. 1. de fphæra & Cylin- dro: at nulla ratione concludi poteft, ut Gephyrandrus facit, fi po- lygoni perimete- r majorem proportionem ad diametrum habet quàm triplam fefqui feptimam, etiam circuli perimete- r ad eandem diametrum habere proportionem majorem, ficuti non fequitur, fi majus ad datam aliquam magnitudinem habet pro- portionem majorem, etiam minus ad eandem magnitudinem habe- re proportionem majorem. Atque hæc fufficiant.

SYNTAGMA TERTIUM.

De Chrysopaia Geometrica, ejusque refutatione.

Sebastianus Serlius lib. I. Architecturæ Italico idiomate conscriptæ, & Gualterus Rivinus in sua Architectura, quem sequitur Daniel Schwenterus in Recreationibus Mathematicis par. 15. quæst. 14. & alii, proponunt, mirificæque commendant praxin quandam ad Geodæsiam pertinentem, facillimam sanè & ut ipsi putant, ingeniosam. Quæ si vera est, Geometricisque consonationibus, næ ego Cræsi acquiram divitias temporis spatio exiguo, labore ac sumptu penè nullo. Efficiam, sanè & affirmo, ut quilibet opum appetens tantum auri, tantum sibi coacervet argenti, spatio non plus bimestri, aut summum trimestri, quantum hætenus Lusitani, quantum Hispani, quantum Belgæ, ac Britanni, quantum Europæi omnes, tot annorum spatio, tam frequenti vastissimorum Marium trajectione, tam insatiabili terrarum evisceratione, tantis periculis ac sumptibus non coacervarunt. Efficiam, ut in urbe quavis amplissima, argentea resplendeant ubique palatia, aurea consurgant templa, auro foras sternantur & compitæ, auro camporum planities, montiumque vestiantur cacumina, aurea denique reddantur omnia, vel ad Mydæ tamem exsaturandam. Sed nè verbis Lectorem ludere videar, proponam Serlii praxin, & quidem ipsi, quibus ab Auctore suo proponitur, verbis, ex Italico idiomate in latinum translatis.

§. I. Serlii praxis proponitur.

Serlii problema geometricum.
Vide Fig. III. Iconis. XX.

Mirabiles omnino casus, inquit Serlius, occurrere subinde solent Architecto, cujusmodi est qui sequitur. Habet ipse tabulam aliquam quadrangularem ABCD, longam verbi gratia pedes decem, latam pedes tres, jubeturque ex ea conficere portam, altam pedes septem, & latam pedes quatuor. Si dividat dictam tabulam per medium in duas partes aequales secundum longitudinem, easque secundum latitudinem conjungat, habebit in latitudine quidem sex pedes, in longitudine vero non nisi quinque, cum tamen ibi quatuor, hic septem habere debeat. Si absindas

pedes

*pedes tres, ut maneat longitudo septempedum, nihil efficiet, quia tabula non habebit nisi pedes tres in latitudine. Quid ergo faciat? Dividat tabulam ab angulo C ad angulum B secundum diagonalem CB, in duas aequales partes, ABC, DBC, per 4. aut 3 4. Proposit. lib. 1. Euclidis, pro. ut in Figura III. apparet. Deinde retrahat partem ABC, & C versus B per tres pedes usque ad F, prout in Fig IV. apparet. Huic factus, erit tam latus AE, quam latus ED, latus quatuor pedes, latus verò AE, & latus FD, erit longum pedes septem, remanebuntque duo triangu-
Vide Fig.
IV. Iconif.
XX.*

*CCC, & EBB. Hæc est praxis, & demonstratio Serlii, non qui-
Vide Fig.
V. Iconif.
XX.*

*dem geometrica & intellectuualis, sed mechanica & ocularis, vel
 potius manualis, quæ tamen rem totam clarè ob oculos ponere vi-
 deatur.*

*§. II. Ostenditur qua ratione aurum confici queat ex
 hac praxi, si vera est.*

HÆc praxis si vera est, atque legitima, tantum quilibet auri, *Chrysopæia
geometrica.*
 argentique, ut principio dicebam, accumulare sibi poterit,
 in maximo temporis, laborum, expensarum compendio, quantum
 nulla unquam viderunt opulentorum gazophylacia. Nec opus
 erit, tranare maria, præcipitare se in terræ Peruvianæ penetralia,
 ad inferos descendere vivos, in sedibus Manium quærere divitias,
 terræ vim faciendo, ejusque viscera extrahendo, solo malleo opus
 est, & incude, quod ita ostendo.

Tabula ABCD, longa pedes decem, lata tres, continet pedes Vide Fig.
III Iconif.
XX.
 quadratos triginta, ut Geometria docet, quia si latus AC ducatur
 in latus AB, hoc est, 3. in 10. resultant 30. Quod ipsum patet etiam
 manifestè ex ipsa figura ABCD, si latera AB, & CD censeantur
 esse divisa in decem æquales partes, & latera AC, & BD in tres:
 ductis enim per singula divisionum puncta lineis rectis ad puncta
 directè opposita, resultant 30. quadratula, ut apparet, quorum
 quodlibet si longum ac latum est pedem unum, erit quodlibet pes
 quadratus.

Iterum, porta AEFD; longa pedes septem, & lata pedes qua-
 tuor, continet pedes quadratos 28. ut eadem Geometria docet, &
 patet ad oculum ex ipsamet figura, AEFD, posito quòd latera AF,
 & ED sint quatuor pedum, & latera AE, & FD septem pedum.

Uuuu

Igitur

igitur si ex tabula ABCD 30. pedum quadratorum fiat porta A EFD 28. pedum quadratorum deberent remanere ac rescari solum duo pedes quadrati, sed per prædictam praxin Serlii remanent tres pedes quadrati, nempe duo triangula CCF, EBB, quæ simul juncta efficiunt tres pedes quadratos: nam majora latera CF & FB sunt trium pedum, & minora latera FC, & EB sunt unius pedis, ut Serlius supponit, & sequitur manifestè ex praxi si latera AF, ED sunt quatuor pedum. Si igitur jungantur hæc duo triangula eo modo, quo in Fig. V. apparet, & à punctis divisionum ducantur lineæ rectæ, fiet parallelogrammum trium pedum quadratorum, ut docent Geometre, & ostendit apertè præsens Figura V.

Accipe igitur, quilibet aurum sitis, & argentum, laminam auream vel argenteam ABCD, parallelogrammam rectangulam, longam pedes decem, latam tres, ut ostendit Figura III. divide eam diagonaliter secundum rectam CB, retrahe latus AC usque ad F, juxta praxin Serlii, ut apparet in Fig. IV. rescinde duo triangula CCF. & EBB, & ecce lucratus es jam unum pedem quadratum: nam tota lamina erat 30. pedum quadratorum, lamina A EFD est 28. pedum quadratorum, & remanent duo triangula trium pedum quadratorum, qui simul cum 28. efficiunt 31. Rescinde jam unum pedem quadratum à 31. & reliquos 30. confla in massam, deduc in laminam longam pedes decem, latam tres, divide, conjunge, rescinde ut antea, unum pedem quadratum, & ecce lucratus es duos pedes. Eandem operationem iterum, iterumque ac sæpius institue, convoca aurifabros imo & ferrifabros omnes, veniant in auxilium Brontesque, Steropesque. & durus membra Pyracmon, & quod in principio promisi verum esse re ipsa experieris, si verum est Serlii Problema.

§. III. Falsam esse ostenditur Serlii Praxin.

Serlius pro
hilema falsum
est.

Vide Fig.
VI. Jeonif.
XX.

SED incertas hominum Spes! vereor enim vehementer, nè si praxis prædicta ad geometricas regulas tanquam ad lydium examinetur lapidem, fraudem detegat, & falsitatem ostendat.

Quod ut omnes vel mediocriter in Euclideanis Elementis versati intelligant, suppono id quod probat evidentissimè Euclides lib. 6. Prop. 4 triangula æquiangula habere latera circa æquales angulos

los proportionalia, hoc est, si habeantur duo triacula, v. g. ABC , & DEF , æquiangula, quorum videlicet unum habet omnes tres angulos æquales omnibus tribus angulis alterius, singulos singulis, ita ut Angulus A sit æqualis angulo D , & angulus C angulo F , & angulus B angulo E , esse latera CB , BA circa angulum B , proportionalia lateribus FE , ED circa angulum E , & quam proportionem habet latus GB ad latus BA , eandem proportionem habere latus FE , ad latus ED .

Hoc supposito, ita discorro circa Serlii Problema. Tabula $ABCD$, ut supponimus, est parallelogramma & rectangula, ergo quadrilaterum AF in Fig. IV. est parallelogrammum, per 33. pri. *Euclid* & angulus CFC rectus, per 29. pri. Tum sic. Duo triacula, CDB , majus, & CFC minus, æquiangula sunt: nam angulus F est æqualis angulo D , cum uterque sit rectus, angulus DCB est communis utrique triangulo, & reliqui duo sunt etiam æquales, per 32. pri. *Euclid*. Ergo quam proportionem habet latus CD ad latus DB , eandem proportionem habet latus CF ad latus FC . Si ergo fiat, ut CD ad DB , ita CF ad aliud, hoc est, si per Regulam auream dicatur, CD 10. dat DB 3. quid dat CF 3. inveniuntur facta operatione pro latere FC minore $\frac{9}{8}$. hoc est, latus minus FC non continebit unum pedem integrum, sed solum novem decimas unius pedis divisi in decem particulas. Et eadem est ratio de latere minore EB trianguli parvi DEB .

Falsum igitur est, quod latera AF , & ED sint quatuor pedum, & quod porta AED ut lata quatuor pedes, cum sit solum trium pedum & novem decimarum unius pedis. Falsum præterea est, quod duo triacula CFC , & BEB , simul unita, ut in Fig. V. contineant tres pedes quadratos, cum contineant solum viginti septem decimas, hoc est, duos pedes & septem decimas. Falsum denique est, quod ex tabula aut lamina argentea triginta pedum quadratorum fieri possit porta aut lamina argentea viginti pedum quadratorum, cum porta prædicto modo constructa contineat solum viginti septem pedes quadratos, & tres decimas. Corruit ergo totum Problema Serlii, cui tamen condonandum est, cum non fuerit Mathematicus, nec sciverit methodum Mathematicæ demonstrationis, sed Architectus practicus, & nuda praxi contentus,

Colligitur ex his, quanta sit Mathematicæ, & præsertim Geometriæ nobilitas, quæ aliorum vel errores, vel imposturas tam facile tamque evidenter producit in lucem.

SYNTAGMA QVARTUM.

De Arcæ Noë dimensione, ejusque Symmetria & capacitate.

*Arcæ Noë
dimensio
difficilis.*

ARCAM Noëmicam, totius universi typum, redemptionis humanæ exemplar, animale Mundi cataclysmo pereuntis seminarium, jussu DEI, Architecto Noëmo sapientissimo & *Θεοδιδωτο* constructam, à Moyse Propheta & Historico sanctissimo litteris proditam innumerisque Auctorum qua sacrorum, qua profanorum scriptis illustratam, geometricis rationibus dimetiri ac demonstrare aggredimur; ut hujusmodi divini operis forma, capacitas, ac symmetria, una cum mansuiculis animalium habitationi destinatis, ex dubia atque incerta, qua eam non pauci deformant scriptores, elucidatione, geometrica nostra apodixi in liberio rem, verio rem, certio remque assurgat formam. Quod quidem dum facimus, fateri vel inviti cogimur, rebus ipsis insignem quandam obscuritatem inesse: quæ dum ex reconditis geometricæ mensurandi rationibus provenit, viris etiam doctissimis non parum negotii facessit: hæreticis & impiis eo usque caliginem offundit, ut in opere tanto, præter angustias quas accusant, nil videant. Hinc impius ille cænosi dogmatis assertor Marcion arcam vix quatuor elephantorum capacem statuit. Valentinus quoque eam supra omnes Deucalionis fabulas sannis sibilisque puerorum exponebat: & plerique è Gnosticorum impia secta ad sacram litterarum inviolabilem auctoritatem convellendam, perpetuis eam injuriis & cavillationibus, caninâ quadam rabie, impetebant. Horum dogmata jam dudum proscripta, moderni quidam è Schola satanica prodeuntes Athei, ab inferis revocantes, dum mirificæ fabricæ constitutionem capere nequeunt, eam in impletatis suæ patrociniū passim assumunt. Quorū intolerabile mentis vesaniam non defuere quidem qui resellerent, ex orthodoxis,

doxis, sed dum ii laxitate nimia fabricam extendunt, non jam id quod sacris litteris, sed quod ipsorum capacitati conformius est, adducere, atque adeo non persuadere, sed rem omnino cogere videntur. Nos igitur quid de eadem capacitate sentiamus, hic aperiemus, & firmissimis geometricis rationibus stabiliemus, quoniam id à Magia Geometrica haud alienum esse judicamus.

§. I. *Sacra scriptura verba afferuntur, & Arca forma explicatur.*

UT vero in re tanti momenti sincerius, fideliusque procedamus, verbis ipsis ore DEI per Moysen, *Genesis cap. 6. à versu 14.* prolatis, probe, sincere, & scilicet insistentes, rem ipsam ordiamur. Verba igitur, quibus supremus operis opifex DEUS Architecto suo Noëmo arcæ fabricam fieri mandat, hæc sunt. *Fac tibi arcam de lignis levigatis. Mansiunculas in arca facies, & bitumine linies intrinsecus. Et sic eam facies. Trecentorum cubitorum erit longitudo arca, quingentorum cubitorum latitudo, & triginta cubitorum altitudo illius. Fenestram in arca facies, & in cubito consummabis summitatem ejus; ostium autem arca pones ex latere: deorsum canacula, & tristega facies in ea.* Ita interpretatio vulgata, ab Ecclesia universali recepta. Septuaginta Interpretes sic habent. *Ποίησον ὡν σιαυτῇ, κιβωτὸν ἐκ ξύλων τετραγώνων σσεῖας ποίησες κατὰ τὴν κιβωτὸν καὶ ἀσφαλτῶσεις αὐτὴν ἰσωσθαι καὶ ἔξωθιν τῇ ἀσφάλτῃ καὶ ὕψω ποίησεις τὴν κιβωτὸν. Τετρακτῶσαι πηχίων τὸ μήκος τῆς κιβωτῆς, καὶ πενήκοντα πηχίων τὸ πλάτος, καὶ τριῶντα πηχίων τὰ ὄψθ' αὐτῆς. Ἐπισυνάγων ποίησεις τὴν κιβωτὸν καὶ εἰς πῆχυν συντελίσεις αὐτὴν ἄνωθεν. Τὴν δὲ θυρὰν τῆς κιβωτῆς ποίησεις ἐκ πλάγιον. Κατάσεια, διώροσα, καὶ τειρώσθαι ποιήσεις αὐτὴν.*

Arca da scriptio ex scriptura.

Arca Noe fuit instar cistæ.

Haftenus verba scripturæ sacræ. Ex quibus primum omnium patet, Arcam alterâ parte longiorem DEUM præcepisse fieri, non navim falcata carinâ spectabilem, puppique ac prorâ instructam, Arcam autem illam cistæ instar fabricatam fuisse (cum tecto tamen modice fastigiato ad imbres deducendos, ut postea dicemus) colligitur clarissime ex diversis versionibus: in Græca enim versione, ut vidimus, est κιβωτῆς, in Hebraica, *theva*; in Chaldaica paraphrasi, *thebuta*; in Syriaca, *Kabutho*; in Samaritana, *Theba*; in Coptica, *ta Kaphotos*; in Armenica, *marat*, in Æthiopica,

1^aft. Quæ quidem verba omnia nihil aliud significant, quàm reconditorium quoddam, cistam, seu arcam, ut periti harum linguarum asserunt, & mihi Romæ affirmavit omnium doctorum linguarum admiraculum usque peritissimus P. Athanasius Kircherus. Ideo autem arcæ seu cistæ formam potius quam navis, eam habere voluit DEUS, quia illius, non hujus usum habere debebat: nimirum quia arcere debebat aquas inferiores & superiores è cœlo per quadraginta continuos dies incredibili copiâ & impetu præcipitatas, idcirco eam omni ex parte clausam & bene munitam esse necesse fuit: & quia tot tantorumque animalium, & commensus ad annum integrum iisdem suffecturi capax esse debebat, propterea oportuit eam esse usquequaque latam ab imo usque ad summum. Non igitur pyramidalis erat formæ, omnibus quatuor à basi ad summitatem ejus paulatim coëuntibus lateribus, donec ad extremum non plus uno cubito distarent inter se, ut Origines vult, & cum ipso Beda, Rupertus, & Abulensis apud Pererium & Torniellym: quia non tantum ad natandum fuisset inepta, uti ex hydrostatica patet, sed ob laterum convergentiam minus elegans, commoda, & capax, uti per se patet. Nec item trigoni prismatis figuram habuit, longioribus tantummodo lateribus paulatim à basi coëuntibus, donec uno tantum cubito inter se distarent, ut Cajetanus vult apud eundem Torniellum, quia hæc forma easdem patitur difficultates quas prior. Nec aliquo usque tantum latera perpendiculariter supra basim assurrexerunt, v. g. ad cubitos quindecim, uti Hugo de S. Victore vult, tectum reliquam altitudinem supplente: quia hoc non congruit Scripturæ sacræ verbis, quæ, uti pars maxima Interpretum explicat, insinuat tectum fuisse altum uno tantum cubito, dum ait: *Fenestram in arca facies, & in cubito consummabis summitatem ejus.* Licet enim in latino textu dubium sit, quo referatur illud, *ejus*, ad arcamne, an ad fenestram: neque lis ex Hebræo decidi queat, cum in eo relativum *ejus* non habeatur; in Græco tamen Septuaginta, *ejus*, non potest ad aliud referri quàm ad arcam, cum de fenestra non fiat ibi nulla mentio. Accedit quod fenestra unius cubiti videatur nimis parva, & quod nullo alio loco tecti mentio fiat, & tamen magis intererat Noëmo scire formam & altitudinem tecti,

At, quàm altitudinem & magnitudinem fenestæ. Præterea etiam si mentio fiat ostii ponendi in arca, tamen nulla sit mentio magnitudinis illius: mirum ergo non est, si nec fenestæ magnitudo exprimatur, etiam si de fenestra mentio fiat in vulgata & aliis editionibus.

Forma igitur arcæ erat, quam præsens Figura repræsentat in qua AB est longitudo 300. cubitorum, AC latitudo 50. cubitorum, & AD altitudo 30. cubitorum; & tam latus ADB longitudo cum opposito latere, quàm latus ABC latitudinis cum sibi opposito, insistit basi CAB ad angulos rectos; quibus impositum, est rectum DEF modice arcuatum, quippe cujus angulus EF, ubi binæ recti partes DEF, & GEF coeunt, obtusissimus est, & altitudo non major cubitali. Sufficiens tamen erat ea declivitas, ut aquæ pluviales defluerent, quoniam lævigatum erat rectum, & insuper bitumine illitum, & ut in Hydrotechnica Magia probavimus, minor etiam declivitas sufficit ad aquæ fluxum per canales & alveos. Nulla igitur in recto cubitalis latitudo relinquitur in hac nostra sententia, quam tamen aliæ omnes prædictæ admittunt. Hanc formam agnoscit *D. Augustinus* lib. 15. de Civit. DE I cap. 27. ubi ait, *fabricatam esse arcam Noë non curvis, sed rectis lineis longe lateque porrectam.* In eadem sententia est *Salianus Tornielus*, & alii Annalium Mundi Scriptores passim Anno Mundi 1656. item *Cornelius, Pererius, Bonfrerius*, & alii plerique Interpretes capitis 6. Genes. Consentit *Joannes Buteo* in Libello de dimensione Arcæ Noë, & alii multi.

Area Noë
sica forma.

Vide Fig.
VII Iconis.
XX.

§. II. De interiore Arcæ constitutione, seu de divisione ejus
in contignationes, & mansiunculas.

EX suprâ relatis scripturæ sacræ verbis constat, arcam interius divisam fuisse in varias contignationes, quas deorsum cœnacula, & tristega appellat: & in mansiunculas, seu cellas, quas mos Septuaginta Interpretes nuncupant. Quæ autem fuerit dictarum partium constitutio, & numerus, variè variè explicant. Ego quid alii sentiant, breviter prius referam, deinde meam exponam opinionem, eamque ex ipsa scriptura stabilire conabor.

Area Noë
constitutio
interior.

Primo igitur aliqui dividunt totam arcam secundum altitudinem, Ex aliorum
sententia.

dinem, hoc est, à fundo seu basi usque ad tectum, in tria interstitia seu intervalla diversis tabularis inter se distincta, & secundum longitudinem, ac latitudinem arcæ ipsi & inter se æqualia, secundum altitudinem verò diversa. Hæc appellant alii tabulata, alii contignationes, cameras, camerata, cœnacula. Fundantur in verbis scripturæ supra citatis, ubi habetur, *deorsum, cœnacula, & tristega facies in ea*: pro quibus in Hebræo est, *infima, secunda, & tertia facies eam*, quasi dicat, divides eam in infimam, secundam & tertiam habitationem & contabulationem: cui consentit Chaldaica paraphrasis, quæ habet, *mansiones inferiores, secundas, & tertias facies in ea*. Septuaginta habent, ut supra vidimus, *κατὰ γὰρ τὸ πρῶτον καὶ τὸ δεύτερον καὶ τὸ τρίτον, inferiora, bicamerata, & tricamerata*, Symmachus pro *πρῶτον καὶ τὸ δεύτερον*, habet, *διγυῖα καὶ τριγυῖα*, quasi dicat, habitationem secundo tecto operam, & habitationem tertio tecto coopertam, sive quod idem est, habitationem secundæ contabulationis & alteram tertiæ, præter inferiorem contignationem. Infimam igitur harum trium habitationum ajunt in vulgata editione appellari *deorsum*, alteram seu mediam *cœnacula*, tertiam seu supremam *tristega*. In hac sententia est etiam *S. August.* libro *Quæstionum in Genesim* quæst. 6. & lib. 15. de *Civit. DEI* cap. ultimo.

Secundo alii in quatuor eam dividunt principales contignationes, ejusdem cum arca longitudinis ac latitudinis, sed diversæ altitudinis. Ita *Philo Judæus* sub finem lib. 2. de vita *Moyfis*, & *Iosephus* lib. 1. *Antiquit.*

Tertio alii in quinque partes eam distribuunt, & variis usibus destinant. Ita *Origenes* Homil. 2. super caput 6. *Genes.* Fundatur in verbis Septuaginta Interpretum, *inferiora, bicamerata, & tricamerata*. Existimat enim, circa inferiora arcæ constituta fuisse duas maximas contignationes, & earum infimam subdivisam fuisse in bicamerata, id est, in duo receptacula, superiorem verò in tricamerata, id est, in tria receptacula, infra verò omnia ad fundum arcæ constituit aliud receptaculum, sordibus & excrementis destinatum velut sentinam. In eadem sententia est Auctor *Historiæ Scholasticæ*, *Lyranus*, *Tostatus*, *Dionysius Carthusianus*, alique recentiorum non pauci, teste *Pererio*.

Quarto alii plerique Historici Ecclesiastici & Interpretes, ut Salianus, Torniellus, Pererius, Cornelius, Bonfrerius, multique alii, cum Joanne Buteone, constituunt tres præcipuas partes seu contignationes majores in arca, totam ejus longitudinem, latitudinem, & altitudinem occupantes; quibus subiiciunt quartam minus principalem pro sentina: In singularem tamen partium istarum altitudine & usu, non conveniunt inter se.

Ego existimo, rationabiliter dici posse, totius arcæ altitudinem intus fuisse quidem quadruplici contignatione distinctam, & in quatuor majores ac principales partes, totam latitudinem ac longitudinem occupantes, divisam, solam tamen infimam & fundo proximam mansisse indivisam, reliquas vero tres occupasse quidem totam longitudinem ac latitudinem, sed tam ab utroque longitudinis ac latitudinis latere, quam in intermediis partibus, fuisse variis viis seu ambulacris discretas, & in varias mansiunculas seu receptacula divisas, ad quæ per vias prædictas aditus pateret. Et harum trium partium, velut principalium, meminit scriptura, easque vocat *deorsum* seu *inferiora*, *cœnacula*, & *tristega*, & quidem plurali numero, quoniam in varias mansiunculas seu receptacula, ut dicebam, erant divisæ: quartæ vero & infimæ partis, utpote in mansiunculas non distinctæ, nec hominum aut animalium usui destinatæ, nullam facit scriptura mentionem. Eisdem tres partes principales appellat textus Hebræus *infima*, *secunda*, & *tertia*. Septuaginta Interpretes *inferiora tristega*, & *tristega*; Chaldaica Paraphrasis *mansiones inferiores secundas & tertias*.

Harum quatuor arcæ partium infimam & fundo immediatam, quatuor circiter cubitis altam facio, & sentinæ deputo, ad animalium excrementa, sordeſque excipiendas: nisi forte etiam aliquid saburræ, puta arenæ aut lapidum, ut in magnis navibus fieri solet, ad unius cubiti altitudinem supra fundum haberet, ad majorem arcæ in aquis firmitatem.

Supra sentinam constituo primam contignationem, decem circiter cubitis altam, pluribusque interstitiis in varias mansiunculas divisam, ad quadrupedia diversi generis separatim continenda, cum suis viis & ambulacris, per quæ ad singulas mansiunculas commode iri ab animalibus ingredientibus, & egredientibus,

& ab ipsis hominibus circumeuntibus posset. Habebant fortassis (ut rectè arbitratur Torniellus, & ratio ipsa suadet) singulæ mansiunculæ parvulas quasdam in pavimento fenestellas cum suis operculis, quæ faciliè attolli possent, quotiescunque sordes in sentinam proiicere oporteret. Erant præterea fortassis in singulis mansiunculis foruli directè super præsepia à media contignatione descendentes, veluti longiores quædam capsulæ seu canales, alii ampliores, per quos palea, fœnum, & alia jumentorum cibaria demittebantur, alii angustiores, unde aqua ad potandum in vasis ad hoc paratis de eadem media contignatione statis temporibus derivabantur. Et insuper quædam spiracula veluti camini quidam, qui usque ad arcæ summam infra tectum protendeantur, ut per aperta quædam ostiola utrimque sub prominente tecti stillicidio aptè fabricata, quo à pluviis tuta, & ab aquarum fluctibus remotiora forent, fœtores exhalare, & inclusus aer transpirare quoquo modo posset, nè sordium pædore infectus, animalia etiam ipsa inficeret, & per totam reliquam arcam interiorem diffunderetur.

Ostium
arcæ.

In hac prima contignatione erat ostium, de quo Scriptura, ex latere uno longiori, immediatè supra sentinam, ita ut in primæ contignationis pavimento limen haberet, à quo ad terram usque pons quidam sublicius demittebatur, qui ingressum in arcam præbebat. Debit autem ostium illud esse satis amplum & altum, ut per ipsum commodè possent animalia etiam majora, ut sunt elephantes, cameli, & alia id genus, ingredi. Scalas quoque tam in hac prima, quàm in secunda sequenti contignatione fuisse dispositas, per quas homines ad superiora ascendere, indeque ad inferiora descendere, & comeatum pro se & animalibus transportare valerent, nemo dubitare debet. Præter pontem sublicium, qui tolli & intra arcam trahi poterat ac debebat, januam aut valvas habebat ostium, quibus claudi, & ab aquæ inundantis ingressu communi ac defendi poterat; credibile enim est, arcam diluvii tempore fuisse in aliquot cubitorum altitudinem aquis immerfam, quæ nè per ostii etiam clausi rimas ingrederentur, Dominus Deus a foris insuper clausit ostium.

Supra prædictam primam arcæ contignationem constituo secundam,

cundam, in varias item mansiunculas distributam, cum suis viis & ambulacris, quas mansiunculas merito, Scriptura appellat cœnacula, quoniam sic apud antiquos vocabantur superiores domuum partes, sive cœnæ sumendę, sive aliis etiam usibus destinatę forent. Contignatio hæc alta erat octo circiter cubitis, & in cœnaculis seu apothecis ejus velut in horreis & scenilibus reposita erat annona pro animalibus, ut hordeum, avena, aliaque frugum genera, quę jumentis ac volucribus dari solent, una cum paleis & feno, & una cum diversis leguminibus & fructibus, cæteroque commeatu necessario pro hominibus, ac fortassis etiam loca erant magnis aquę dulcis vasis referta.

*Secunda
contignatio
arca.*

Duas hætenus explicatas contignationes nullam fenestram habuisse credibile est, tum quia scriptura non nisi unius fenestrę meminit, tum quia nullo indigebant lumine externo. Nam homines ad secundę contignationis penuaria descendentes uti poterant lucernis, animalia verò bruta nonnihil in tenebris vident, & naturaliter quodammodo tenebris delectantur, & in iisdem quietius vivunt, ac facilius gubernantur.

Tertia ac suprema contignatio, ad testum usque arcę protensa ad latitudinem octo cubitorum, in suas etiam mansiunculas, hominum & volucrum habitationi destinatas divisa erat, uti melius infra explicabitur. In media mansiuncularum, quę hominum usui deputata erat, fenestra conspiciebatur grandis ad arcę latus, quę interdum aperiri & claudi, noctu & in tempestate valvis ligneis muniri, ac ferreis pessulis firmiter oblerari poterat.

*Tertia con-
tignatio.
arca.*

*Fenestra
arca.*

Probabile demum videtur, utrimque ad arcę testi stillicidium æreos aut ligneos canales forinsecus fuisse appensos, itaque aptatos, ut quando opus esset, per alios ejusdem generis canales, de intus à quatuor arcę angulis superioribus, vel ab ejusdem arcę fenestrę emittendos derivari possent in arcam aquę pluviales, pro vasis aquaticis denuo replendis ad quotidianos animalium hominumque usus. Hac ratione, vel alia haud multum absumili arcam intus ac foris fuisse constitutam, satis rationabiliter conjicere possumus. Typum rudem habes in apposita Figura.

§. III. *Statuitur magnitudo cubiti, ad cuius mensuram
arca fuit constructa.*

Hicce de arcæ extrema atque interna constitutione præmissis, Ordo postularer ut capacitatem ejus investigaremus, quæ unica est totius hujus disputationis causa. Verum quoniam tota de magnitudine & capacitate arcæ demonstratio pendet à cubiti mensura, quo Noë DEI mandato in ejus structura & Symmetria usus est, prius statuendum necessario est, quantus ille fuerit.

*Cubitus o-
mnique ma-
gnitudo.*

Cubitus, vel cubitum, mensura est ab humano corpore, uti ple-
ræque aliæ (nempe digitus, palmus, pes, passus) desumpta, signifi-
catque intervallum ab articulo medio brachii, seu à flexu ejus, ad
extremum usque medium digitum, sesquipedale, id est, uno pede
ac dimidio constans. Nullum autem dubium est, fuisse antiquitus,
præsertim ante diluvium, majus hoc cubitale intervallum, quo-
niam majora tunc erant humana corpora. Quantum verò nunc
decreverit, non constat. Apud Hebræos duplex traditur fuisse
genus cubiti, alterum vulgare & usitatum, longitudine sesqui pe-
dum, de quo jam dictum, alterum quod apud *Ezechielem Prophe-
tam* cap. 43. appellatur verissimum & perfectum cubitum, vulgari
majus uno palmo, seu quatuor digitis, ob idque palmi cubitum ab
aliquibus nominatum. Alterius meminit *Herodotus* lib. 1. & Re-
gium vocat, eratque communi & usitato majus tribus digitis. In
Deuteronomio quoque cap. 3. mentio fit cubiti virilis, seu virilis ma-
nus, scilicet justæ ac perfectæ mensuræ, quale est hominis perfectæ
ætatis & staturæ, non pueri, aut homunculi, vel fortasse quale erat
ipsius Og Regis Basan, de quo ibi est sermo. *Villalpandus* introducit
aliud cubiti genus apud Hebræos usitati, quod sacrum appellat,
quoniam ad mensuram templi Salomonis, Tabernaculi Moysis,
aliarumq; rerum sacrarum adhibebatur, ut ipse putat, majusq; erat
dimidio & dimidii dimidio quàm vulgare, siquidem vulgare con-
tinet viginti quatuor digitos, sacrum quadraginta duos, illud sex
palmos, hoc decem palmos cum dimidio, illud sesquipedem, hoc
dubis pedes & dimidium, atque in super octavam partem pedis, il-
lud deniq; duos palmos Romanos, hoc tres cum dimidio ferè. *Ori-
genes* alium cubitum agnoscere videtur, quem Geometricum ap-
pellat,

pellat, & sex vulgares cubitos, seu novem pedes continere asserit. *P. Athanasius Kircherus* in *Dictionario* seu *Nomenclatore* *Copto*, & in *Oedipo Ægyptiaco* to. 2. classe 8. Prælusione 11. ex *Abutteda* *Arabe* docet, apud *Ægyptios* varium fuisse cubitum, videlicet unum digitorum 24. alium digitorum 32. alium denique staturæ hominis æqualem. Primus idem est cum vulgari cubito, & à *Rabinis*, teste *Kirchero* loc. cit. vocatur *legalis*.

His obiter prælibatis, tantam invenio opinionum varietatem apud Auctores de cubiti magnitudine, quo *Noë* mādato Dei usus fuisset creditur, in arcæ fabrica, ut vix sit qui cum altero consentiat. Quidam enim perfectum *Ezechielis* amplectuntur, alii sacrū *Villalpandi*, alii etiā sex cubitalem *Origenis*, pauci vulgarem, præferunt ex antiquis. Ideo autem majorem potius quàm vulgarem eligunt, quia timent nè si hunc admittant, nimis angusta evadat arca, & tot animalium, aliarumq; rerum incapax. Mihi certum videtur in primis, *Noë*mo non alium à *DEO* præscriptum cubitum, nec alium ab ipso adhibitum, quàm qui tunc in usu erat. Deinde omnino probabile est, non fuisse tunc in usu cubitum illum perfectum *Ezechielis*, nec sacrum *Villalpandi*, nec sexcubitalem *Origenis*, nec alium quempiam ex enarratis, quoniam hi vel ficti sunt, vel longè post diluvium excogitati. Tertio, probabilissimum etiam videtur, solum vulgarem tunc in usu fuisse, desumptum ex corpore humano, tametsi major fuerit quàm nunc, quia majora erant humana corpora, & consequenter pedes quoque majores erant. Sesequi pedali igitur cubito usus fuit *Noë*, & de sesquipedali, adeoque de vulgari loquitur *Moyse* in historia fabricæ arcæ. In eadē sententia est *Salianus*, *Torniellus*, *Cornelius*, *Bonfrerius*, *Pererius* aliiq; multi *Scripturæ* Interpretes recentiores, ac etiam *Joannes Buteo* in libello de *Arca Noë*, & *P. Athanasius Kircherus* in *Demonstratione* publica quā de dimensione arcæ *Noë*micæ habuit in Collegio Romano, dū *Mathematicā* ibidē profiteretur. Hæc tamē differentia est inter meam & aliorū proximè citatorum Auctorū sententiam, quod illi de cubito loquantur qui nūc in usu est, aut tēpore *Moyse* in usu erat, ego autē de cubito qui *Noë*mi tēpore erat usitatus, qui quidem, ut dixi, longè major erat quàm nunc, ac proinde majorem fuisse necesse est arcam quàm ab his Authoribus constituatur. In idē tamen recidere videtur negotium: nam sicut majores tūc erant

Cubito quo fueris nunc Noë.

homines, ita & animalia omnia; quare quot tunc cubitorum illorum capacitas pro uno v. g. elephante sufficiebat, totidem nunc cubitorum nostrorum capacitas seu spatium pro eodem sufficit. Quare si tot animalia & commearum pro iis sufficientem, nunc in arca ad nostrorum cubitorum mensuram fabricatam constitua-
mus, quot tunc tuere in arca ad cubitorum antiquorum mensuram fabricata, sufficienter arce capacitatem explicabimus respectu animalium & rerum aliarum quæ in illa erant; de qua tamen capacitate dubitant, qui majores cubitos vulgaribus fingunt.

S. IV. Explicatur ac demonstratur arce capacitas generatim, & ostenditur sufficiens ad capiendæ ea, quæ illi inerant.

*Arca Nos
capacitas
demonstra-
tur.*

*Vide Fig.
VIII. Iconi-
f. XX.*

UT arce perfectam & integram mensuram in cubitis habeamus geometrico ratiocinio, ejusque capacitatem certo intelligamus, triplici cubito vulgari uti debemus; simplici, quadrato, cubico. Simplex seu linearis cubitus est linea uno cubito seu sesqui pede longa, qualem fingamus lineam EF. Quadratus seu planus cubitus est superficies longa & lata unde quaque uno cubito simplici, qualem fingamus esse D. Cubicus denique seu solidus cubitus est corpus latum, & altum seu profundum uno cubito simplici, qualem ponamus esse M. Cubito simplici metimur longitudinem, latitudinem, & profunditatem seu altitudinem arce; quadrato cubito ejus superficiem, & maxime basim seu fundum; solido denique ejusdem soliditatem seu capacitatem & spatium inane inter extrema Latera contentum. His positis.

Arce longitudo, ubi suprâ ex Scriptura sacra diximus, est cubitorum simplicium 300. latitudo cubitorum 50. altitudo 30. ut habeamus totam arce superficiem pavimenti in cubitis quadratis, duci debet, juxta præscriptum Geometriæ practicæ, longitudo ejus in latitudinē, hoc est, 300. in 50. & summa producta dabit quæsitos cubitos quadratos, ut habeamus totius arce capacitatem in cubitis cubicis seu solidis, hoc est, ut sciamus quot cubitorum solidorum æquale corpus M, sit capax tota arca, duci debet superficies pavimenti jam inventa in altitudinem, & addi capacitas inter supremum arce tabulatum ac tectum, & summa producta dabit capacitatem desideratam.

Sit igitur, in Figura appofita, AB longitudo arcæ 300. cubito-
rum simplicium, AC latitudo 50. cubitorum. Hi numeri ducti in fe
invicem, producant 15 000. dico, tot quadratos cubitos, cujſmo-
di D unus eſſe fingitur, totius arcæ pavimentum conſtituiſſe. Du-
catur iterum in hanc ſuperficiem ſeu aream 15000. cubitorum, al-
titudo arcæ AD, vel CG, 30 cubitorum; & prodibunt 450000. cu-
biti ſolidi ſeu cubici, cujſmodi Munus eſſe fingitur, quam dico eſ-
ſe arcæ ſoliditatem ſeu capacitatem uſq; ad ſupremam contigna-
tionem DQ infra teſtum. Cum jam ſummitas ſeu altitudo teſti in
cubito mandetur conſummarī; duc aream ſeu ſuperficiem GDQ
ſupremi tabulati infrà teſtum, quæ ſimiliter eſt 15000 cubitorum
quadratorum in unum pedem, nempe in altitudinem teſti, produ-
cetque parallelepipedum *abcd* 15000 cubitorum ſolidorum;
quod parallelepipedum ſi dimidies, dabit dimidium. *ced* 7500.
cubitos ſolidos pro capacitate teſti GEDQ; quia adjuncti cubitis
450000 antea inventis, dabunt 457500. cubitos ſolidos, totius ar-
cæ capacitatem. Sed quoniam hujſmodi capacitas occupatur a-
liquis impedimentis, ut ſunt tabularum craſſitudo, & aſſa-
menta diſtinguentia unam contignationem ab alia; compenſa-
bimus iſta, teſti capacitatem 7500. cubitorum ſolidorum à tota
capacitate arcæ inventa deducendo. Reſtat igitur capacitas ſeu
vacuum in arcæ 450000 cubitorum cubitorum præciſe; quam
magnitudinem ad animalia DEI mandato introducta, unà cum
oſto hominibus, & rebus omnibus neceſſariis ſervanda abunde
ſufficere aſſerimus, ac demonſtramus.

Vide Fig.
VII. Iconiſ.
XX.

Vide Fig.
VI. Iconiſ.
XX.

Arca divi-
ſa in vari-
os uſus.

Totam arcam interius diviſimus ſuprà ſatis rationabiliter juxta
ſacrum textum, in tres contignationes ſeu partes principales, KN,
MP, OQ, quarum infimam KN, poſuimus altam 10. cubitos, me-
diam MP 8 cubitos, & ſupremam OQ ſimiliter 8. cubitos; reliqui-
musque ex 30. cubitis altitudinis arcæ, cubitos 4. pro ſentina AL
ad ſordes excipiendas ampliffima. Jam in infima parte KN collo-
co quadrupedia, in media MP, annonam, in ſuprema vero OQ
volucres, & homines, ut ſuprà etiam inſinuavi. Reptilia vero, uti &
pleraq; ex putri materia enaſcentia, etſi juxta multorum opinio-
nem ab arca ſecludantur, ego tamen, ut liberalior ſim, & nè ex loci
inopia videat dicta animalia excluſiſſe, omnia in arcam recipio,

& cum

& cum immunda ac humida loca ament, terrâque ac pinguibus & limosis defluxibus nutriantur, sub tabulato intra infimæ condignationis pavementum & sentinam commodissime colloco: hoc enim spatium non 30. tantum reptilium speciebus (quot videlicet Naturalium rerum scriptores numerant) sed & 15000 capiendis sufficit, cum hujusmodi animalia ex natura sua loci arcti & angusti amantia, foraminibus fissurisque terræ, aliisque cavitatibus facile contineantur: horum enim proprium est, ubi latitudo loci deest, in longum se angusto in foramine extendere: ubi vero & longitudo ac latitudo deest, in spiras se convolvere, & exiguo loco contineri. Quadrupedia itaque in ima contignatione RN, & Reptilia infra ejus tabulatum RL colloco, ut dicebam; in media MP.annonam, in suprema OQ volucres, & Homines. Jam sic.

5. *V. Capacitas contignationis infimæ explicatur.
ac demonstratur.*

Infima contignationis capacitas.

PAvimentum partis inferioris KN habet in longitudine cubitos 300. in latitudine cubitos 50. Arca igitur seu superficies hujus pavimenti est, juxta superiorem computum, 15000. cubitorum quadratorum. Quoniam vero à toto hoc spatio 15000. cubitorum quadratorum tolli debent ambulacra & viæ quas antemansiunculas seu receptacula hujus contignationis reliquimus, uti & Interstitia quibus à se invicem mansiunculæ lecernuntur; si pro hisce viis & interstitiis adsignemus 3000. cubitorum quadratorum (quod abundantissime satis est) remanebunt pro solo stabulorum vacuo 12000. cubitorum. Hoc spatium 12000. cubitorum quadratorum si dividamus in stabula, quorum quodvis contineat 6. cubitos quadratos (seu novem quadratos pedes) ita nimirum, ut longitudo cujuslibet stabuli sit 3. cubitorum simplicium, latitudo vero 2. cubiturum; habebimus hujusmodi stabula 2000. quorum quodlibet longum est cubitos tres, seu pedes $4\frac{1}{2}$. latum cubitos duos, seu pedes 3 & altum cubitos fere decem, seu pedes 15. Quia tamen hæc stabulorum intercapedo pro animalibus aliquibus gradioribus, cujusmodi sunt maxime elephantes, rhinocerotes, camelii, & alia pauca similia, videri possit nimis angusta, maxime quoad longitudinem, concedamus iis spatium duplo, aut etiam triplo
majus

majus, hoc est, 18. cubitos quadratos, nimirum sex in longitudine, seu pedes 9. & tres in latitudine, seu pedes 4½. Sic autem pauciora quidem erunt stabula quam antea, tot tamen (nimirum 666) ut longè pluribus sufficiant animalibus quàm de factò in arcam introductis, quæ fuerunt bina ex immundis, & septena ex mundis in qualibet specie. Nam quadrupedum vix 130 species à rerum naturalium scriptoribus recensentur: horum mediam partem, nempe 65. ponamus esse animalium mundorum, ut sunt bisulca, & ruminantia, alteram mediam partem ponamus esse animalium immundorum, qualia sunt solifida, & quæ unguibus Natura instruxit. Jam si 65. multiplicentur per 7. producitur summa animalium mundorum 455. si iterum 65 multiplicentur per 2. producitur summa animalium immundorum 130. Hæ duæ summæ, 455. & 130. in unam collectæ dant summam omnium animalium arcæ inclusorum 585. Cùm igitur posuerimus stabula 666. singula animalia habebunt singula stabula, & remanebunt adhuc stabula 81. vacua. Ecce igitur, quomodo primum spatium KN pro Quadrupedibus adsignatum, abundè sufficiat pro omnibus in arcam introductis & multum adhuc loci remaneat, etiam si singulis animalibus, etiam parvis, ut sunt lepores, feles, & alia multo minora, attribuamus singula stabula prædictæ capacitatís. Tametsi ergo omnia etiam Reptilia intra primam contignationem admittantur, & tametsi longè plura individua, quàm 585. introducta concedamus, tamen pro omnibus sufficientissimum in prima illa contignatione inueniemus locum remanebitque spatium etiam pro piscinis animalium amphibiorum, ut sunt hippopotami, crocodili, lutres, castores phoci, & similia, tametsi hæc in arcam introduci necessarium non fuerit: itè pro hybridibus, seu animantibus quæ ex diversarum specierum commixtione nascuntur, quæ tamen aliqui excludunt. Adde quòd longè plura sunt animalia minora, quàm majora, ideoq; sicut à maximis ad minima est proportionatum quoddam decrementum magnitudinis, ita etiam stabulorum magnitudo potuit ac debuit proportionaliter decrescere, ac proinde loca pro majoribus animalibus poterunt ampliari, & pro minoribus arctari, & multum adhuc spatii vacui remanere, intra quod oves, boves, & alia similia animalia collocari potuerunt in annonam Quadrupedum carnivororum.

Sed dicet quispiam, innumeras esse species animalium, quorum cognitionem non habemus, ut bos gibbosus Americanus, unus septentrionalis, & alia similia, quæ tamen omnia debuerunt arcæ interri, nimis ergo angusta est inferior illa contignatio. Respondeo, non omnes species generis bovini, cervini, hircini, similibumq; fuisse arcæ impositas, sed eas tantum, quæ essentialiter differunt: Bos autem Americanus v.g. non essentialiter distinguitur à bobus ordinariis, ac proinde speciem à bobus ordinariis diversam non censetur constituere, adeoque nec simul cum aliis bobus ordinariis fuit in arcam introductus. Septem igitur bouum ordinariarum paria tantum arcæ fuisse imposita verisimile est, ex quorum postea multiplicatione totus Mundus repletus diversas accidentaliter bouum species, pro varia cæli ac climatis dispositione, terrarumq; situ, natura, & conditione, hic villosos, alibi prægrandes ac gibbosos, multis in locis corpore minutos & bucephalos, producit. Eadem de caprino, cervino, hircino, canino, leporino, ac volatilium genere intelligenda sunt.

*§. VI. Capacitas contignationis supremæ explicatur,
ac demonstratur.*

*Suprema
contignatio
nisi capaci-
tas.*

PRima seu infima Quadrupedum animalium contignatione explicata, ejusque capacitate demonstrata, antequam secundam seu mediam explicemus, tertiam ac supremam OQ concinamus, quam hominum & volucrum habitaculum, vastitate & amplitudine mediæ & infimæ aulæ parem, diximus. Hujus capacitatem geometricè examinantes, reperiemus octo hominibus, & omnium volucrum speciebus continendis ultra etiam quàm oportebat capacissimam fuisse. Quod ut demonstremus, dividamus illam in tres partes æquales, A, E, V, quarum media E hominibus, reliquæ vero duæ extremæ A & V volucribus destinantur. Habebunt lingue trium istarum partium in longitudine cubitos 100. in latitudine 50. in altitudine 8. Jam ducta longitudine in latitudinem, 10 videlicet in 50. constitueretur pavimentum singularum partium, 5000. cubitorum quadratorum, qui in altitudinem 8. cubitorum ducti, produciunt totius parallelepipedii soliditatem 40000. cubitorum. Jam verò ex 5000. cubitis quadratis uniuscuiusque

*Vide Fig.
VIII. comf.
XX.*

que

que trium partium A, E, V, subducantur pro viis & interstitiis 300. cubiti remanebunt 4700. cubiti quadrati pro quavis triū partium. Horum spatiorum medium E, si in 20. cubicula seu armamentaria & officinas dividatur, provenient 235. cubiti quadrati pro singulis cubiculis, ex quibus 235. Radix quadrata extracta, videlicet cubiti 15 (& paulo plus) dabit quantitatem laterum uniuscuiusque officinæ, si quadratæ ponantur. Erunt igitur in parte media E cubicula 20. longa ac lata cubitis 15. & amplius, ac proinde singulorum arcæ continebunt pedes quadratos 225. & amplius, qui in altitudinem ducti, videlicet in 8. producunt plus quam 1800. cubitos solidos pro unoquoque cubiculo.

Ab his 20. cubiculis demantur 8. quatuor pro maritis, & totidem pro uxoribus; remanent 12. receptacula pro variis usibus. Horum primum destinetur in culinam, ubi vasa & instrumenta omnis generis culinaria reponantur. Secundum destinetur in Refectorium, seu Aulam communi octo hominum conventui deputatum. Tertium in pistrinum, ubi & molæ trusatiles, fornax, similiaque conserventur. Quartum pro comœatu frumenti & panis. Quintum pro oleribus & leguminibus. Sextum pro fructibus & lignis omnis generis. Septimum pro armamentario omnis generis instrumentorum fabrilium & armorum. Octavum pro provisione aquæ & potus. Nonum pro omni genere metallorum, ferri, plumbi, cupri, auri, argenti, quæ fabricis excolendæ post diluvium terræ deservire debebant. Decimum pro re vestiaria. panno, lino, lana, funibus, pellibus &c. undecimum pro loco Archivi, in quo ossa Adami, cæterorumque Patriarcharum, una cum illis quæ ab iisdem didicerant, & columnis inscripserant, asservabantur. Duodecimum pro carnibus fumatis in animalium sarcophagorum vitum, aliisque rebus necessariis. Haud igitur incommode in hoc medio arcæ superioris interstitio octo homines omnibus rebus necessariis instructi habitare poterant.

Reliquæ duæ partes A & V, parti mediæ E hæcenus explicatæ ac divisæ, per omnia æquales, partim feris & rapacibus volucribus, cuiusmodi sunt varia aquilarum, accipitrum, picorum, falconum, vulturum, corvorum, gruorum, milvorum genera, partim domesticis

cicuribus ac mansuefactis volucris, qualia sunt cygnorum, anserum, gallorum gallinarumque, anatum, columbarum diversa genera, una cum aliis minorum volucrum differentiis, ut passerum, picarum, hirundinum, halcyonum, similiumque, destinantur. Si itaque pavementum uniuscujusque partis A & V 5000. cubitorum quadratorum, in 150. spatia aviaria, seu receptacula volucrum dividamus (tot enim Aldronandus, Gesnerus, Bellonius, aliique naturalium rerum scriptores, volucrum species in universum numerant) provenient 34. cubiti quadrati, & paulo plus, pro singulorum receptaculorum pavementis: è quo numero Radix quadrata extracta, constituet quodlibet latus ferè 6. cubitorum simplicium, qui numerus si ducatur in altitudinem, nimirum in 8. producetur capacitas seu soliditas uniuscujusque aviarii. Sed quia aviaria quaelibet suis interstitiis & viis ab invicem discernuntur, tribuamus singulis lateribus uniuscujusque præcisè 5. cubitos, continebit area cujus libet 25. cubitos quadratos, qui si multiplicentur per 150. provenient cubiti quadrati 3750. pro omnibus aviariis, & remanebunt cubiti quadrati 1250. pro viis & interstitiis, & cujuslibet aviarii capacitas seu soliditas erit 200. cubitorum solidorum.

Quòd si jam uni ex cygnis & gruibus, qui, struthio-camelo excepto, omnium volucrum maximi sunt, spatium tribuamus in uno aviario 5. cubitorum quadratorum, poterunt in uno aviario habitare commodissimè quinque cygni, & quinque in alio: cum ergo aquila, anseres, ardeæ, galli Indici, & similes, sint in subdupla ferè ad cygnum proportionem, poterunt in uno aviario habitare 10. galli vero, anates, & similes, 15. cum sint in subtripla ferè proportionem, columbarum autem 30. quia sunt in subsextupla proportionem, etsi sic proportionaliter progrediamur ulterius, inveniemus in uno aviario ad 60. & amplius minores volucres habitare posse. Ex quibus luculenter patet, uni aulæ ex dictis duabus A & V, in 150. aviaria distributis, omnes omnino volucrum species commodissimè includi posse, etiamsi è singulis 150. speciebus non jam septena & septena juxta mandatum Domini, sed & vicena, tricena, ac centena assumantur. Porro verisimile est, in tanta locorum laxitate feræ & rapaces volucres unam aulam ex duabus, cæteras verò mansuetiores veluti ab inimicis suis searatas alteram occupasse.

adeo ut media inter utramque superfluum adhuc spatium annonæ provolucris collocandæ suppeditaret.

§. VII. *Capacitas media contignationis explicatur, ac demonstratur.*

PERVENIMUS tandem ad mediam contignationem, quæ supererat, inquam annonam & com meatum pro animalibus quadrupedibus reposuimus. Mirantur multi, quomodo sufficiens com meatus pro tot ac tantis animalibus, isque ad annum integrum, non in media illa contignatione, sed vel in tota arca contineri potuerit. Verum qui vel leviter geometricis præceptis instructus est, omnem deponet admirationem, si consideret quæ mox dicemus ac demonstrabimus de mediæ illius contignationis capacitate.

Media contignationis capacitas

Ac primo quidem suppono, idq; ex scriptura sacra rationabiliter deduco, non omnia animalia eodem pabuli genere in arca fuisse nutrita, sed quædam carnibus, nonnulla fœno & herbis, alia fructibus, ut ficibus, castaneis, nucibus, glandibus, leguminibus, alia etiam pane & similibus cibis. Nisi miraculosè uno cibo omnia pasta dicere velimus, quod tamen divinæ scripturæ non congruere videtur, quæ sic habet. *Tolles tecum ex omnibus escis quæ manducant, & comportabis apud te, & erunt tibi sibi quam illis in escam.* Si ex omnibus escis illatæ sunt in arcam, ut tam animalibus quam hominibus essent in cibum, ergo non omnia animalia uno cibo fuerunt pasta, sed unumquodque cibo naturæ suæ consentaneo.

His suppositis, in tres classes omnem com meatum in arcam illatum distribuemus. Primæ classis sit com meatus fœni & straminis pro animalibus bisulcis, quæ omnia fœno & herba vescuntur, ut sūt boves, cameli, equi, cervi, alini, ovinum est caprinū genus. Secundæ classis sit com meatus carnis pro animalibus carnivoris, ut sūt quadrupedibus leones, tigrides, pantheræ, ursi, lupi, canes, feles, & c. volucris aquilæ, falcones, accipitres, corvi, milvi, similesque. Huc pertinent etiam pisces pro amphibiis. Tertiæ classis sit com meatus panis, leguminum, fructuum, seminum, pro similis, porcis, sciuris, mustelis, ac etiam pro volucris, quorum magna pars dictis rebus vescitur. Ad tripartitum hoc provisionis seu annonæ genus conservandum in media aula seu contignatione, ejus

Com meatus qui in arca sunt.

capacitatem indagemus, ac distribuamus. Longa est ea, ut ceteræ cubitos 300; lata 50. alta 8. ac proinde tota ejus capacitas est cubitorum solidorum 120000. Hanc si in tres dividamus partes, & duas tertias illarum, hoc est, 80000. cubitos deputemus pro fœno, paleis, & stramine, restabunt pro una tertia cubiti solidi 40000. à quibus si subtrahamus 10000. cubitorum pro viis & interstitiis, remanebunt adhuc 30000. cubitorum solidorum, quod quidem spatium tantum est, ut etiam ad maximæ multitudinis animalium com meatum annuum sufficere possit Provisionem verò carnis pro animalibus carnivoris ponamus fuisse 60000. librarum carnis siccæ, quæ commodè in duodecimo cubiculo mediæ aulæ E superioris contignationis reponi poterit, quod ita ostendo. Receptaculi illius duodecimi pavementum est, ut supra vidimus, 225. cubitorum quadratorum, qui ducti in altitudinem 8. cubitorum, faciunt 1800. cubitos solidos. Jam ponamus singulos cubitos solidos seu cubicos continere 80. libras carnis, quæ ductæ in 1800. produciunt 144000. atq; tot librarum carnis exsiccatæ spatium duodecimi illius cubiculi capax est. Ponamus iterum, singulis diebus 200 libras carnis in animalia carnivora infumi, consumentur annuo spatio libræ 73000. dictæ carnis, quæ subductæ à libris 144000. relinquent 71000. libras, quæ in alterum annum sufficere queant. Cubiculum ergo illud duodecimum ad omnem carnis provisionem pro animalibus sarcophagis continendam plus quàm sufficiens est.

Commodissime igitur omnes animalium, quæ terrestrium, quæ volatiliū species, una cum com meatu singulis in annum spatium deputato, in tripartito arcæ reconditorio hætenus explicato locari potuerunt, quod erat demonstrandum.

COROLLARIA.

Colligitur ex his 1. quàm non solum ineptè, sed etiam imperitè Marcion nefarius hæreticus arcæ historiam à Moyse descriptam cavilletur, dum eam, Origene teste, vix quatuor elephantes equo Trojano longè majores esse, singulisque cubitorum 30. altitudinem, 12. cubitorum crassitiem, & 153. cubitorum longitudinem tribuit.

Colligitur II. quàm sine fundamento majores vulgaribus seu
sequit-

seſquipedalibus cœbitis ab aliquibus ſingantur, ut majorem arcæ amplitudinem nanciſcantur, cum vulgares non ſolùm ſufficientem ſed etiam ſuperabundantem præbeant capacitatem, ſi non tantum linearum, ut aliqui fortalliſ fecerunt, verùm etiam planorum & ſolidorum ratio habeatur.

Colligitur III. Quàm incredibilis & prorſus monſtroſa magnitudinis fuiſſet arca, ſi juxta meſuram cubitorum ſex cubitalium ſeu novem pedalium fuiſſet conſtructa, ut Origenes volebat (ſi tamen id voluit, loquitur enim valde obſcurè.) Nam longitudo arcæ fuiſſet cubitorum vulgarium 1800. ſeu pedum 2700. latitudo cubitorum 300. ſeu pedum 450. altitudo cubitorum 180. ſeu pedum 270. ac proinde tota arcæ capacitas fuiſſet cubitorum ſolidorum vulgarium 97. 000000. ſeu pedum ſolidorum 328050000. quæ eſt magnitudo incredibilis, & parvæ urbi non inæquali continetque magnitudinem arcæ à nobis inventam ducenties & decies ſexies.

Colligitur IV. Longitudinem arcæ habuiſſe proportionem ſextuplam ad latitudinem, & decuplam ad altitudinem, quæ eſt proportio humani corporis ſupinè jacentis & extenſi: continet enim longitudo à ſummo vertice ad extremum pedum ſexies latitudinem à latere ad latus, & decies profunditatem ſeu altitudinem à pectore ad dorſum, ut D. Auguſtinus etiam notavit lib. 15. de Civit. Dei cap. 6. *Arias Montanus* libro de ſacris fabricis.

Arca pro-
portio cuius
corpora hu-
mano.

ANNOTATIO.

Multa alia, jucunda & ingenioſa, quæ de arca & arcæ hiſtoria diſputari ſolent, omiſſo, ut quantum fuerit arca totius pondus, utrum in arca fuerit phœnix, fauni, ſatyri, Hippocentauri, aves & animalia Americana, & ſimilia multa, quæ lege apud Auctores ſupracitados, maxime apud Bonfrerium.

SYNTAGMA QVINTUM.

De Geometria Catoptrica.

Parte I. hujus Operis lib. 6. 7. & 8. poſtquam innumeras ferè Præces catoptricas expoſuiſſemus, in octavi libri Epilogo de ſpeculo Geometrico nos acturos in Magia Geometrica promiſimus. Fidem ergo, antequam ad alia progrediamur, ſolvamus, ſed paucis,
Denuo

Denuo igitur speculum proferimus in medium, non concavum aut connexum, non parabolicum aut hyperbolicum, alteriutve figuræ exoticæ, sed planum, & ubivis locorum obvium, cujus ope non Archimedis aut Procli excitare incendia in animo est, nec armatis in Oceano hostium classibus flammam immittere, sed ad tuendam patriam, ad Principum delectationem, & Neogeometricarum instructionem, montium ac turrium altitudines, vallium ac puteorum profunditates, urbium & castrorum intervalla, locorum denique omnium distantias, Situsque camporum exactissimè dimetiri, unde palam omnibus fiat, insignes illas utilitates quas tum in humanæ vitæ usu, tum in re tota militari suppeditare Geometriam constat, Catoptricæ non esse denegandas. Artis rudimentum in solis altitudinibus accessibilibus investigandis præbuere jam dudum multi, perfectionem artis primus, quod sciam, mundo propalavit *P. Athanasius Kircherus* in *Arte Magna Lucis & umbræ* lib. 9. Par. I. cap. 2. & post eum *P. Gabriel Beatus* in Collegio Romano olim *Matheseos Professor*, in *Problemate de Dimensionibus per speculum planum*, publicæ disputationi ibidem proposito.

PROPOSITIO I. THEOREMA I.

LEMMA.

In omnibus speculis radii oblique incidentes reflectuntur ad angulos æquales angulis incidentiæ.

Ejus fundamentum.

DEmonstravimus hoc Parte I. hujus Operis lib. 6. par. 1. Prolus. 2. Proposit. 1. quem locum vide. Atque hoc est totius Geometricæ Catoptricæ fundamentum, ut ex dicendis patebit.






PROPOSITIO II. PROBLEMA I.

Instrumentum Pantometrico-Catoptricum construere.

Instrumentum Pantometrico-catoptricum. Vide Fig. I. Iconismi XX.

Duas regulas ligneas parallelepipedas AB, & EC, ita connecte inter se, ut regula AB interra sit normaliter regulæ EC, ac intra ipsam elevari ac deprimi instar cursoris in Radio Astronomico ad libitum possit, ac firmari. Utrâq; divide in 100 æquales partes. Porro regula EC, baculo seu pedi FD ita inferi debet, ut pro objectorum mensurandorum situ dirigi, & pro libitu operantis exeri ac protrahi possit.





possit. Melius itaque fuerit, ut baculus seu pes FD globo versatili X , cui regula EC inferatur, instructus sit, ad modum pedis Pantometri Kircheriani, quem $P. Kircherus$ in arte Magnetica breviter, & nos fusè in Pantometro nostro describimus. In puncto verò commissuræ regulæ EC & globi, ponatur speculum planum in eodem cum regula plano, habebisque Instrumentum ad quaslibet res catoptricè mensurandas præparatum.

PROPOSITIO III. PROBLEMA II.

Altitudines accessibiles Instrumento Catoptrico metiri.

Sit mensuranda turris GH (vel domus, columna, pyramis, arbor, ^{Ejus usus.} aut quæcunque alia altitudo) perpendiculariter seu ad angulos ^{Vide Fig.} rectos erecta supra horizontem. Accipe in nota quapiam mensura, v. g. in pedibus, (si scire vis quot pedum sit altitudo) distantiam quantamcunque à turri, & sit verbi gratia ab A usque ad D 50. pedum, statueque instrumentum in D . Quo factò, exere regulam EC in tantum, ut inter speculum F . Instrumento superpositum in situ ad horizontem parallelo, & regulam AB , tot partes intercipientur, quot pedes inter altitudinem mensurandam & speculum paulo antè accepisti, nempe 50. Hoc etiam peracto, deprime vel eleva baculum AB intra crenam suam E in tantum, donec per apicem A , videas in speculo F , apicem G , turris CH . Dico, partes baculi AB interceptas inter A & E , (quæ sint v. g. 40.) indicare altitudinem turris in pedibus à puncto G usque ad punctum I .

Demonstratio. Quoniam enim anguli ad I & E recti sunt ex suppositione, & anguli AFE , GFI , æquales, *per Propositionem. 1. præcedentem*, utpote anguli incidentiæ & reflexionis, erunt & reliqui quoque anguli EAF , IGF æquales, *per Propositionem. 32. libr. 1. Euclid.* Equiangula ergo sunt duo triângula EAF , IGF , & latera circa æquales angulos proportionalia habent, *per Propositionem. 4. lib. 6. Euclid.* Igitur, ut FE ad EA , ita FI ad IG , & permutando, *per Propositionem. 16. lib. 5. Euclid.* ut EF ad IF , ita EA ad IG : atqui ex operatione facta, FE continet tot particulas; quot pedes continet FI , ergo & EA continet tot particulas, quot pedes continet IG .

ANNOTATIO.

AD altitudinem I G inventam addi debet altitudo I H. Et hoc in omnibus similibus operationibus servari debet. Si scire velles altitudinem in passibus, aut alia mensura, deberes metiri distantiam ab H ad D passibus, aut alia mensura.

PROPOSITIO IV. PROBLEMA III.

Idem prestare solo speculo, sine Instrumento.

Vide Fig.
II. Iconif.
XXI.

Collocas speculum in D horizonti parallelum, & metire distantiam DH, quæ sit ut antea pedum v.g. 50. Deinde recede à speculo versus B, donec erectus stans videas in speculo per radium visualem E D, solum culmen G turris radiantis in speculum per radium G D. Tandem metire distantiam inter D & B quæ sit v.g. 7. pedum, & duc per Regulam auream: ut DB 7. ad BE 6. altitudinem videlicet usque ad oculum, ita distantia DH 50. ad altitudinem HG. Invenies turrim esse altam pedes 42½. Demonstratio eadem est quæ antea, quia duo triangu- la, G D H, E D B, sunt æquiangu- la, & latera circa æquales angulos proportionalia habent.

PROPOSITIO V. PROBLEMA IV.

Inaccessas altitudines per duas stationes Catoptrico radio metiri.

Vide Fig.
III. Iconif.
XXI.

Sit exploranda inaccessible altitudo AB, & distantia inaccessible sit CB. Posito Instrumento cum speculo in C, extrahe regulam CE ad libitam longitudinem, v.g. usque ad 40. particulas, regulam verò E Deleva ac deprime, donec oculo in D posito videas in speculo C eacumen A. Recede deinde indirectum usque ad F, ad libitum intervallum, v.g. ad pedes 50. & iterum operare ut antea. Et quoniam in hac secunda statione regula C E magis extrahi debet, quam in prima, v.g. ad 60 particulas, nota excessum seu differentiam particularum, qui sit FI 20. particularum. Dico, si fiat, ut excessus FI ad HG, ita FC ad aliud, haberi altitudinem BA. Quare si excessus FI sit 20. particularum, & HG 40. ac denique spatium inter duo loca C & F sit 50. pedum, erit altitudo BA 100. pedum.

Demonstratio. Duo triangula, AFC, & GFI, æquiangula sunt, quod sic ostendo. Considero primo duo triangula GHE, ABF, in quibus anguli ad H & B sunt recti, ex suppositione, & anguli ad F æquales, *per Proposit. 1. hujus*, ergo reliqui HGE, BAF, æquales sunt, *per 32. lib. 1. Euclidis*. Item considero duo triangula HGI, & BAC, in quibus iterum anguli ad H & B recti sunt, & anguli HIG, BCA, æquales, *per Proposit. 1. hujus*, ergo reliqui duo, HGI, BAC, æquales sunt, *per 32. lib. 1. Euclid.* Jam sic. Ut FH ad HG, ita FB ad BA, *per 4. lib. 6. Euclid.* item, ut IH ad HG, ita CB ad BA, *per eandem 4. lib. 6. Euclid.* Ergo, *per 19. lib. 5. Euclid.* ut FI ad HG, ita FC ad BA, quod erat demonstrandum.

ANNOTATIO.

Eadem opera invenitur etiam distantia inaccessibleis CB, quia ut FI ad IH, ita FC ad CB, 8.

PROPOSITIO VI. PROBLEMA V.

Aliter inaccessas altitudines metiri ex duobus locis.

Quod si aut non libeat, aut non liceat recedere à prima stat. Vide Fig. I V. Iconif. XXI.
 one in directum, eo quòd ad duas stationes formandas non adsit sufficiens planities, poterit ex duabus fenestris, quarum una supra alteram ad perpendicularum existat, vel etiam ex duobus locis in scala aut hasta aliqua erecta, vel aliter sumptis, eadem aut similis altitudo sic inveniri. Mensuranda sit altitudo turris OP, ex locis D & A. Applicato utrobique instrumento cum speculo ad horizontem parallelo, factisque operationibus ut antea (servata tamen eadem utrobique distantia regulæ ED, aut FA, à speculo) notetur diligenter diversa oculi elevatio supra speculum in utraque observatione (seu differentia inter cursum E Futrobique extractum seu elevatum) quarum major semper erit in loco inferiori D, v. g. in F, minor verò in loco superiore, v. g. in B, hoc est in G. Deinde spatium inter utrumque speculi locum, nempe AD, exploretur in nota mensura, v. g. in pedibus. His enim accuratè observatis, si fiat ut excessus unius elevationis oculi supra aliam, nempe FG, partium, v. g. 30. ad totam elevationem majorem FE partium, v. g. 90. ita spatium inter utrumque

locum speculi DA pedum v. g. 40. ad aliud, nota erit altitudo quaesita OP pedum 90. *Ratio ac demonstratio* eadem est quæ antea, quoniam eadem est proportio differentiæ inter elevationem oculi supra speculum ad elevationem majorem, quæ est spatii DA ad altitudinem OP.

ANNOTATIO.

E Adem opera habebis distantiam inaccessam DP, quia ut FE ad ED, ita OP ad PD. Si scire velis solum altitudinem ON monti impositam, eam habebis, si fiat ut EF ad GF, ita PO ad NO. Hanc si subtraxeris ab OP, remanebit altitudo perpendiculari montis NP.

MONITIO.

O Mitto praxes mensurandi altitudinem majorem ex minori, aut minorem ex majori, quoniam ea facile colliguntur ex dictis in Pannometeo Kircheriano lib. 1. cap. 2.

PROPOSITIO VII. PROBLEMA VI.

Latitudines seu locorum distantias metiri catoptricè.

Vide Fig.
V. Iconis.
XX.

S Itinquirenda latitudo fossæ AB, seu distantia signi B à loco A, ex loco C. Colloca Instrumentum in C, & statue Speculum ad horizonem perpendicularare, ita ut facies ejus respiciat signum B. Deinde eleva regulam CD, & extrahe regulam ED, tamdiu, donec per radium reflexum ECB videas signum B, & nota diligenter in regulis particulas CD, & DE. Tandem indaga per notam mensuram, v. g. pedum altitudinem CA. His factis, erit ut CD ad DE, ita CA ad AB. Ratio ac demonstratio ex dictis patet.

MONITIO.

O Mitto multas alias praxes, quas ingeniosus Tyro facile ex dictis colligere poterit. Omitto præterea speculi usum in Hydragogia, de qua Claramentius in Opusculis Mathematicis.

FINIS.

INDEX RERUM PRÆCIPUARUM.

A.

- A**cus an sustinere possit molarem lapidem. 57.
 Equiponderantia corpora quid sint. 294. Æquilibria quæ sint. 294
 Aerem ponderare multis modis. 323. & seqq.
 Aërotechnica Magia. 519. Ejus excellentia. ibid. De ea cur hic tractetur, ibid.
 Alberti Magni statua loquens. 256.
 Altimetrarum aliquorum error. 70
 Amphora Romana quotlibras aquæ pendat. 221
 Antlia Kircheriana, motus perpetui æmula. 483.
 Antlia Pragenfis perennis motus idea. ibid. Ejus constructio. 425. Per eam videtur posse exhiberi motum perpetuum. ibid. Est machina valde ingeniosa. 488. Si per eam ascendit tantum aquæ quantum descendit, potest fieri motus perpetuus. ibid. Ut ascendat tantum quantum descendit, quid debeat considerari. 489. Videtur aliquo tempore posse ascendere per eam tantum aquæ, quantum descendit, ibid. Videtur non posse semper ascendere tantum, quantum descendit. 496. & seqq. Per eam non potest exhiberi motus perpetuus. 491.
 Antlia tractoria Magnani. 530. Magnani falsa sententia de effectû Antliæ. 531. Aqua intra antliam elevatur, non vi aeris circumstantis, sed metui vacui. 533.
 Antipodes nostri cur non cadant in partem cœli oppositam. 71.
 Apparatus Mechanicus. 23.
 Aqua locum in aqua datum servat. 336. Aquarum differentias invenire. 341.
 Aquam converttere in vinum. 395. Aquam à vino separare. 396. & seqq.
 Aquæ partes superiores an premant inferiores. 400. Aquæ inmeritus homo cur non sentiat pondus aquæ. 411. & seqq. Aqua tendit ad centrum terræ. 434. Fluit ad loca decliviora. ibid. Aqua in plano librato non movetur. 435. In canali librato quando censeatur. 437.
 Aqua ascendit tantum, quantum descendit. 513. vasa conjugata seu concordia, ibid. Aqua cur ascendit tantum, quantum descendit. ibid.

INDEX

Aquila Regiomontani.	131
Arce Noë dimensio, lib. 9. Syntag. 4.	
Archimedis cyclometria legitima, lib. 9. Syntag. 1.	
Archimedis opera mechanica.	10
Archimedeæ sphaera, ejusque artificium.	246. & seqq.
Archimedeæ cochlea. 497. De ea qui scripserint. ibid. Annotationes circa eandem. 498. Grünbergerti nota circa eandem examinatur. 499. Conicam cochleam anteponebat cylindricæ.	500. & seqq.
Architæ columba lignea volans.	251
Arithmetica Magia. 576. Arithmetica sigilla planetarum, lib. 8. Syntagm. 3.	
Arithmetica Magia.	576
Aves in stando & volando quid observent.	72
Augustana Hydrotechnica Machina.	502
Augustanæ Hydrotechnicæ narratio D. Stenglini.	503
Aviculas vitreas librare in aqua.	384. & seqq.
Aulæ Collegii Romani & Panormitani Soc. Jesu longitudo.	437
Aurum putum & non purum. 357. Non puri mixtura quomodo exploretur ab aurificibus. 358. quomodo hydrostaticè exploranda.	ibid.
Axiomata Mechanica.	201
Axis in peritrochio forma, & usus. 152. Est vectis primi generis. 153. Et quidem perpetuus. 154. Proportio potentiae ad pondus in illo. 155. corollaria varia de illo. 157. Alia ejus forma, & usus. 159. Ejus vires. 160. 161.	

B.

B Aculus ad genu cur facile frangatur. 138. Cur item pede alliso. 139. Cur duobus vitris impositus, & percussus, frangatur, vitris non fractis. 140

C.

C Ad vera cur emanent ex aquis.	335
Cautelæ in libellatione aquarum servandæ.	467
Centrobaryca Erotemata.	231
Centrum uniuscujusque corporis. 13. magnitudinis corporum. ibid. gravitatis corporum. 14. Centrum gravitatis & magnitudinis in homogeneis idem, in heterogeneis diversum. 15. Utrumque mutatur, si corporibus aliquid additur, vel demitur. 16. Centrum universi. 18. Centrum universi petunt gravia sublunaria, ibid. Centri gravitatis inventio variis modis. 16. & seqq. Centrum gravitatis naturaliter non ascendit.	275
Celipitans cur brachium extendat.	42
Charistion Archimedis.	231
Chelone, & usus ejus.	275

RERUM PRÆCIPUARUM.

Chemina Ægyptii machina ad onera devehenda.	172
Chorobates. 445. Circuli proprietates mirabiles, lib. 9. Syntag. 1.	
Cochleæ forma, & usus. 193. vires. 194. 195. Ejus incommoda, & remedia.	
ibi. Cochleæ perpetua. 267. & seqq. Ea potest aliquis ascendere sursum.	268
Columnæ marmoreæ Constantinopolitanæ erectio.	287
Corpora specie graviora & leviora quænam sint.	336
Corpora gravia quæ mergantur in aqua, & quæ non.	337
Corpus grave in aqua levius est quàm in aere. 338. Intra aquam demersum quantâ vi feratur sursum.	339
Crines equini æqualis ponderis cum aqua.	342
Ctesiphontis ratio ad gravia onera devehenda.	274

D.

Dædali statua.	214. 258
Dioptrica instrumenta. 440. Dioptra quid sit.	444
Discumbentes illudere, ut pro vino aquam bibant.	393
Dispastus primi, secundi, & tertii generis. 167. Proportio potentia ad pondus in illis. 175. & seqq. Dispastus primi generis reducitur ad vectem secundi generis.	178
Distantiarum pondera sustentantium æqualitas & inæqualitas, unde desumatur. 99. Distantiæ in vecte unde sumantur.	107
Draco volans. 571. Historia ridicula de dracone volante. 572. Alia historia de dracone volante. ibid. Draconis volantis constructio.	573
Duo ferentes pondus perterica, an æqualiter graventur. 141. Item duo muli lecticam ferentes. 142. Item duo equi trahentes currum. ibid. Item duo ferentes pondus humeris.	143

E.

Emmanuelis Magnani propositiones variæ, & falsæ.	526
Epistomium antliae Insulensis.	473
Ergastæ formæ, & usus. 162. Ejus vires.	163
Erotemata Mochlo-mechanica.	114
Experimenta varia Magnani. 407. & seqq. Experimentum Cabæi, quo probat aquam librilem sustentare massam ceræ centum librarum. 410. Experimentum Strevini de libra hydrostatica.	418
Experimentum aquæ & Mercurii in uno tubo. 519. Item in duplici tubo, ibid. Eorum causa ex Magnani sententia. 529. Quæ tamen non est ad rem ibid.	
Experimentum primæ fistularum. 521. Secundum, Follium, ibid. Tertium tabularum planarum. ibid. Quartum, Sceloporum. ibid. Quintum, Scyphorum. ibid. Sextum, cucurbitularum. 522. Septimum vasis irrigatorii. ibid. Octavum, Æolopilarum. ibid. Nonum, variarum machinarum hydropneumaticarum. ibid. Vacuum natura fugit. 523. Causa hujus rei.	

INDEX

- rei *ibid.* Modus ejusdem rei. *ibid.*
 Experimentum hydrargyri intra tubum suspensi. 533. Qui de eo scripserint.
ibid. Variæ de eo *sententiæ* 534 Experimenta omnia quidam explodunt,
 sed perperam. 46. Experimenti hydrargyri historia. 535. Experimen-
 ti ejusdem diversa phenomena, *ibid.* Experimenti dicti primus auctor
 quis sit. 540. De eo quid disputent docti. *ibid.* quid sit in parte fistulæ
 vacuæ à mercurio. 541. Non est ibi vacuum. *ibid.* & *seqq.* Nec aër aut
 æther à foris admissus 542. Sed est spiritus à Mercurio extractus. 543.
 Hydrargyri temperamentum. 544. Humor facilè dilatatur & rarefit, bi
 sponfionibus in contrarium responderetur. 546. Idem Mercurius non te-
 netur suspensus in fistula partim ab aere extrinseco, partim à metu vacui.
 547. Sed tantum metu vacui. 548. Phenomenorum omnium supra enar-
 ratorum causa adsignatur. *ibid.*
 Experimentum Magdeburgicum novum. 554. Qua virtute maneat aqua
 in eo suspensa. 555. Non vi prementis aeris extrinseci id fit. *ibid.* Respon-
 sioni Auctoris occurritur. 556
 Experimentum aquæ intra tubum suspensæ. 553. in illo aqua non suspendi-
 tur propter libramentum extrinseci aeris, sed propter metum vacui.
ibid. & *seqq.* In quanta altitudine suspendi in eo possit aqua. 554

F.

- Ferdinandi III. Cæsaris statua. 256. Ejusdem Machina pro China. 287.
 Fenellæ in Anglia statua. 286
 Forficum & forcipum vires unde oriantur. 144
 Funambulorum varia exempla 50. & *seqq.* Crisis eorum. 53. Expositio non-
 nullorum. 54. Funambuli lignei. 56

G.

- Geometrica *Magia* lib. 9. Geometrica Chysopzia, ibi. Syntagm. 3. Geo-
 metria Caroptica. *ibid.* Syntagm. 5. 727
 Gestans onus in dorso cur se inclinet. 63
 Glacies cur supernatet aquæ. 412. Glaciata aqua rarefit, *ibid.* & 413
 Globulum solidum in medio liquore suspendere difficile, 341. Quæ arte id
 fecerit Kircherus. 392
 Glossocomum Heronis & Pappi. 214. & *seqq.* Glossocomum nostrum, quo
 talenti potentia moveretur Terra aqua, si aurea foret. 219. & *seqq.* Glosso-
 comi alia forma. 228. & *seqq.*
 Gnomon in superficie Terræ erectus, cur cadat. 77
 Gravia à quo detineantur in centro universi. 73
 Grave 84. *Gravitas*, ibi. Gravitatis centrum. *ibid.* Unius gravis unum est. 88

RERUM PRÆCIPUARUM.

Gravia sublunaria petunt centrum mundi. 18. 27. Et quidem per lineas brevissimas. 28. Grave suspensum non quiescit, nisi linea suspensionis sit horizonti perpendicularis. 31. Sustentatum in puncto non quiescit, nisi linea directionis transeat per punctum sustentationis, & centrum gravitatis. 33. Non stat, nisi linea directionis transeat per basin. 34. Gravia deorsum feruntur secundum lineam directionis. 42.

Graviota specie quæ sint. 293. Gravitatis notæ corpus quid sit. ibid.
Gravia æqualia ex æqualibus distantis æquiponderant, inæqualia non. 86.

Grave suspensum è centro gravitatis, manet in æquilibrio. 88. Gravitat præcipuè supra centrum suæ gravitatis. 89. Gravia ex æqualibus distantis æquiponderantia, sunt æqualia. 90. Inæqualia ex æqualibus distantis non æquiponderant. ibid. Ex distantis inæqualibus æquiponderantia, inæqualia sunt. 91. Gravia æqualia duo, conjuncta linea recta, centrum gravitatis habent in medio lineæ. ibid. Gravia inæqualis, ex distantis inæqualibus habentibus se permutatim ut gravia, æquiponderant. 91. Gravia ex duabus distantis æquiponderantia, se habent reciproce ut distantia. ibid. Graviorum ex distantis, suspensorum motus circa idem centrum, sunt ut distantia. 98.

Gubernaculo modico cur magnæ naves promoveantur. 148.

H.

Hasta perpendiculariter erecta ut non cadat. 58. Supra fulcrum quiescens, cadit, supra id commota, cadit. 59.

Hasta oblique ad centrum Mundi delata, ibi quiesceret in eodem situ manens. 73.

Hastæ cur in uno extremo apprehensæ plus ponderent. 114.

Herbipolensis machina aquaria. 507.

Herigonii tubus triangularis motus perpetui æmulus. 495.

Homo circa tertiam ambulans, non describit circulum capite suo mathematicè, sed tantum ad sensum 66. Quanto major sit hic, quam descriptus à pedibus, ibid. Homines in horizonte astronomico Terræ, quomodo starent, & ambulant 68. Quomodo in horizonte visuali extenso in planitiem. 69.

Homo quomodo volare possit, ex Porta 574. Architz columba lignea volans, quomodo fuerit constructa, ex Porta. ibid.

Humidum omne habet pondus. 335. Humida non omnia sunt æqualia. ibid.

Hydragogia quid. 431. Hydragogicæ hypotheses. 433.

Hydragogici scriptores. 443.

Hydrostatica Magia 334. Hydrostaticæ elementa. 335.

Hypotheses variz. 335. Pragmatiz hydrostaticæ variz. 339. & seqq. Erotemata varia. 401. & seqq.

Hydro-

INDEX

Hydrotechnia quid. 413
 Hypomochlium quid. 102. Ejus multiplex forma. 103. Hypomochlion est
 omne quod vectem sustentat. ibid.

I.

Idiomatum multiplicabilitas incredibilis ex 24. litterarum Alphabeti
 combinatione ut ut lib. 8. Syntag. 2. pag. 614.
 Insulae natanres varius in locis. 421. Cur nantent. ibid. & seqq.
 Insulense molendinum & antlia. 429

K.

Kircheriana machinula composita ex multis. 263. Ejus vires. 264
 Kircherius qua arte suspendit globulum in medio liquorum. 392
 Kircheriana libella. 451

L.

Lamina plumbea cur supernatet aquis. 416. & seqq. Cur innatet aqua. 417
 Libra. 296. Ejus jugum, ansa, brachia. 89. Ejus perpendicula censentur esse
 parallela. 89. Ejus forma, & partes. 296
 Libra à parallelogrammo remota, quando non redeat ad illum. 298. Et quando
 redeat. 300. De libra quaestio Aristotelis. ibid. Libra fallacia multiplex.
 309. & seqq. Quomodo detegatur. 312
 Libra sphymica, ad pulsus explorandum. 320
 Librae æquilibrium quodnam. 297. Librae tres species. 298
 Libellatores practici aquarum. 437
 Libellatica instrumenta quot modis librentur. 438
 Libratum dupliciter sumitur. 433. Libella quando censetur æquilibrata.
 442. Libellatio quid sit. ibid. Libellatica instrumenta varia. 446. Libella
 ordinaria. 447. Libella extemporaria. 450. Libra ad aquas librandas uni-
 lis. ibid. Libella Kircheriana, & Claviana. 451. Libellandi praxis ordi-
 naria ibid. Libellatores exagitat Cabæus. 455. Libellandi praxis Cabæi.
 456. Examinatur. 460. Libellatores faciunt frequentes stationes. 462
 Lignum majus cur velocius enatat ex aqua quam minus. 411
 Linea directionis. 89
 Linea per quam potentia vectem movet, attendenda est. 117
 Liquores quatuor elementa referentes. 389. & octo celos. ibid.
 Liquores plures an possint se mutuo includere sphericè. ibid.
 Liquores plures impermixtos in vitro includere. 393

M.

Machina Hydralico-caroptrica. 516
 Machina Hydraulicæ variaz. 518
 Machinae

RERUM PRÆCIPUARUM.

Machinæ quæ vi attractiva instituntur.	519
Machinarum aquaticarum varia genera. <i>fit.</i> Machinarum aquaticarum tria genera.	479
Machinæ partes & schemata tria.	474
Machinæ variz per rotas dentatas. 240. Metiensitineri 241. & seqq. Quadrigæ sine hominum & jumentorum op. progredientes. 242. Sphæræ & machinæ, motus siderum exhibentes. 244. Dædali statuz, & tripodes. 255. Statua Ferdinandi III. <i>Cæsar.</i> 256. Machina Dantiscaपा ad montem faciliè transferendum. 266. Machinæ veterum ad magna pondera trahenda, & elevanda. 288. Metagenis & Ctesiphontis. 272. Pæcovii. 274. Chemin. Ægyptii. <i>ibid.</i> Machinæ veterum quibus pondera in altum attollebant.	277
Machinis quo magis juvatur potentia, eo tardius movetur pondus.	230
Machinalium operationum principium indagatur. 198. Aristotelis de consententia. <i>ibid.</i> Rejicitur. 199. Honorati Fabij sententia. 200. Nicolai Zucchii sententia. 203. Pauli Casati sententia. 207. Nostra sententia.	208
Machinæ fundamentales quinque. 81. Earum vis & necessitas.	82
Magia Centrobaryca.	11
Magia Mechanica & ejusque miraculosa.	9
Maris profunditatem metiri.	381. & seqq.
Mechanicæ significatum	11
Mechanicæ Propositiones fundamentales.	90
Mechanica in Magia duo præcipuè consideranda.	196
Mechanicum problema, & corollarium universaliissimum. 202. Mechanicæ hypotheses Zucchii. 203. Mechanica est Thaumaturga. 211: Ejus opera mirabilia. 211. Mechanicæ Magiæ scopus. 81. Mechanica quid 84. Mechanicæ Definitiones. <i>ibid.</i> Mechanica Axiomata. 85. Hypotheses.	86
Memnonia statua tonans. 237. & seqq. & cantans.	239
Momentum.	34
Monetarum mixturam invenire hydrostaticè.	355. & seqq.
Montis acclivitas non capit plures homines perpendiculariter erectos, quàm subiecta basis.	72
Monospastii primi generis forma, & usus. 167. Item secundi generis. 168. Vides. 169. Monospastus primi generis reducitur ad vectem primi generis. 171. Proportio motus potentiz ad motum ponderis in illo. <i>ibid.</i> Monospastus secundi generis ad vectem secundi generis reducitur. 173. Proportio potentiz ad pondus in illo.	<i>ibid.</i>
Motus perpetuus circa Mundi centrum an fieri possit. 75. Non repugnare videtur in praxi,	78

INDEX.

Motuum machinalium principium universale. 110
 Motus ponderis & potentiz per vectem est ut distantia ad distantiam ab
 hypomochlio. 110. Motus potentiz ad motum ponderis habet majorem
 proportionem, quam pondus ad potentiam. 111.

N.

N Avis cur eo celerius movetur, quo altior est antenna. 149.
 Navigari in aere an possit. 402. & seqq. Naves cur mergantur ingre-
 diente aqua. ibid. Cur fluminum vadis hæreant. 402.
 Norimbergensis Machina ad incendia extinguenda. 510
 Nubes quomodo suspendantur in aere. 404. & seqq.

O.

O Beliscus Nectabarij Alexandriz. 276. Obelisci Ægyptiorum. 272. Va-
 ticani. 280. Ejus magnitudo & pondus. ibi. Avulsiò è loco veteri.
 282. Transvectio, & nova erectio. 285.
 Orbis ligneus stylo superpositus circumactus, cur non cadat. 624.

P.

P Ancrarium Stevini. 231. & seqq. Aurigarum. 235. & seqq.
 Paradoxa Mochlo-mechanica. 121. & seqq.
 Partes ad cribrum molendini Insulensis spectantes. 471. Partes ejus res
 sunt. 470. Partes ad molendinum spectantes. ibid.
 Partes ad Antliam spectantes. 471.
 Pendentia necessaria ad aquarum cursum, juxta varios Auctores. 464.
 Perpendicularum non quiescit nisi in linea directionis. 438.
 Perpendicularum motus. 85.
 Perpendicula ejusdem libræ censentur parallela. 85.
 Planetologium Reitzæ. 278.
 Planetarum natus in cælo liquido. 424.
 Polyspastorum vires. 180.
 Pondera æquiponderantia, & æquilibria. 85.
 Ponderare quid sit. 292. Pondus elevans quid sit. 294. Ponderatoria instru-
 menta duo. 295. Ponderare magna pondera paucis ponderibus. 313. Pon-
 dera in dupla proportionem se habentia, sunt permixta in urbibus. 314.
 Ponderare magna pondera uno pondere. ibid. Ponderum pharmacopo-
 larum usus. 315. Pondus percussoris pugni aut mallei ponderare. ibid.
 Ponderare fumum. 316. Magnetis virtutem attractivam. 317. & seqq.
 Anhelitum. 321. Aerem multis modis. 323. & seqq. Ignem. 325. Salis
 quantitatem in aqua salia. 326. Pondere discernere arcem auri ple-
 nam, relicta alia plumbo plena, 328. & seqq. Pondus cujusunque aque
 invente

RERUM PRÆCIPUARUM.

invenire hydrostaticè. 340. Cujuscunque corporis. 371. Ex noto pondere magnitudinem.	365
Pons circa terram, cujus centrum gravitatis congrueret centro mundi, maneret sine fulcris. 74. Globus in eo quiesceret.	75
Principium universale motuum machinalium.	89
Problema de cumulo graduum gratiæ B. M. Virginis.	577
Progreſſionis Geometricæ incrementum admirabile.	ibid.
Punctum suspensionis, & sustentationis.	31

Q.

Q Vadrapedia quid in stando & gradiendo observent.	78
Quadrigæ ope rotarum dentatarum agitata.	242
Quomodo Sclopetum pneumaticum explodendum.	566

R.

R Egula longa quando censeatur æqui librata.	438
Remiges qua virtute navim propellant. 146. Sedentes in medio navis plus promoveant eam, quam alii.	147
Romanæ Situlæ automata.	478
Rotæ molendinorum habent rationem axis in petirochio.	168
Rota calcabilis.	164
Rotæ dentatæ 214. Iis mira præstari possunt. ibid. Quomodo ordinandæ, ut una vertatur citius altera. 232. Per eas variæ machinæ constructæ.	241

S.

S Atyri architecti ratio in transvehendis Obeliscis.	276
Schematis primi sitularum automatarum explicatio. 474. Schematis secundum explicatio. 480. Schematis tertii explicatio.	485
Sclopetum manuale onerare aere. 570. Alia sclopetæ pneumatica.	571
Sclopetum Hydro-pneumaticum.	569
Sclopetæ pneumatica alia.	568
Scytala Aristotelis 268. & seqq. Scytala Laconica. ibid. Scytalarum usus in devehendis oneribus.	469. & seqq.
Sedens humi erecto corpore cur defatigatur, si in posteriora reclinetur.	62
Senes cur baculo innitantur.	48
Sphæram quatuor elementorum repræsentare.	388
Sigilla planetarum. lib. 9 Syntagm. 3.	p. 576
Sphæræ, alizque machinæ, siderum motus varios exhibentes. 244. Archimæda sphaera qualis fuerit.	246. & seqq.
Spiralis rota motus perpetui æmula. 507. Per eam motus perpetuus exhibi-	

INDEX

beri non potest.	103
Statua lignea ut super aquam ambulet.	101
Statica quid sit. 191. <u>Statica</u> niagia, ibid. Staticæ elementa. 191. Axiomata, & Postulata.	194
Statera communis. 302. Ejus usus. ibi. <u>fabrica</u> . 308. Comparatio cum libra. ibid. Statera antiquorum. ibid. & seqq. Statera est multiplex libra. 306.	
Utilior est quàm libra. ibid. Statera mediocri ponderare magna pondera.	304
Stevini theorema hydrostaticum. 426. Corollarium mirabile ex illo. ibid. sed falsum.	437
Succulæ forma, & usus. 160. Ejus vires.	163
Surgentium à sode modus. 62. Surgentium à terra modus.	64

T.

T erra & aqua rotundæ sunt. 433. Terraquei globi centrum, est centrum gravium.	ibid.
Terræ, si aurea foret, pondus.	281
Terraquei globi pondus invenire.	130
Terra à qua virtute detineatur in centro Universi.	74
Terraquei globi non est idem centrum gravitatis & magnitudinis, mathematicè. 16. Physicè tamen & ad sensum idem est. ibid. Ejus centrum gravitatis continuo mutatur. 18. 23. Est in medio mundi, quoad sensum. 20. Ejus centrum centro mundi congruebat in principio rerum. ibid. Ei varii motus à variis affinguntur. 21. An sit in continuo motu ex mutatione continua centri gravitatis. ibid. Non est. 23. Ejus pondus secundum aliquos. ibid. Ejus centrum gravitatis non semper congruit centro mundi mathematicè, sed solum ad sensum.	
Tollenonis transversæ trabi cur pondus adiciatur.	162
Trispartitus primi, & secundi generis. 182. Proportio potentiz ad pondus in illis.	170. & seqq.
Trochlea datum pondus data potentia moveri potest. 183. Imò quodlibet pondus à qualibet potentia. 184. An rectè reducatur ad vectem secundi generis.	ibid.
Trochlea, qua quis seipsum attollere potest sursum. 265. cum tignis & succula, apud Vitruvium.	278
<u>Turres inclinare</u> . 59. Cur non cadant.	60
Tympanum aquarum automatum <u>Bettini</u> . 515. Fusius explicatum ab Eschirnardo.	ibid.

V.

V acuum non potest naturaliter dari. 523. Nè quidem ab Angelo. 524.	
Vacui fuga seu motus metaphoricè dicitur de Natura. ibid. Vacuo resiliendo.	


RERUM PRÆCIPUARUM.

- Natura patitur violentiam. *ibid.* Vacuum quatuor modis fugit Natura
ibid. Nec semper eodem modo. 525
- Vas irriguum hortense. 558. Qua de causa in eo suspensa maneat aqua. *ibid.*
- Vasa floribus immittendis perforata. 516
- Vectis figura, & usus. 102. & seqq. Vectis tria genera. 104. Vecte quando
 potentia sustinere possit pondus. 105. Quando possit movere. 107. Vectis
 discrimen in ordine ed motum ponderis. 118. Vecte primi generis potest
 quævis potentia quodvis pondus movere, multis modis. 120. Item vecte
 secundigenis. 121. Non verò tertii generis. 122. Vecte primi generis
 moveri potest quodvis pondus sine potentia aut pondere alio. 173. Vecte
 primi generis minimo moveri potest quodvis pondus à quavis potentia.
ibid. Vectis primi & secundigenis vim infinitam continet. 124. Vecte
 an moveri possit. Terra. 125. Vecte primi generis potest moveri terra
 suspensa, à quavis potentia. 126. Imò sine pondere, aut potentia. 127.
 Non tamen superposita vectis moveri potest à pondere. 129. Nec à quavis
 potentia. 133. Vecte secundigenis potest quævis potentia movere Ter-
 ram, sursum pellendo. *ibid.* Cum quanto pondere moveri possit Terra
 Vecte primi generis. ibid.
- Vectum infractorum vires. 232. Vectes breves multiplicati. 259. & seqq.
- Vectis cum Cochlea ingentium virium. 262. Vectis usus in magnis pon-
 deribus movendis. 277
- Vino aqua, an aqua vino infundenda 394. Vinum quomodo cito refrige-
 randum. *ibid.* ab aqua quomodo separandum. 896

F I N I S.




LECTO.



LECTORI MEO.

Quod libro VII I. Syntagmate I. initio asserui, calculationem Arithmeticam frequentem & operosam eo in Libro currentem, tanta diligentia, accuratione, ac fidelitate peractam esse, ut pronutiare certò ac sine hæsitacione audeam, erratum in ea non fuisse, iterum & constanter assero. Quod ibidem promisi, procuraturum me omni modo, nè quis error in typum irreperet, obtinui. Problema ramen illud, in quo de admirando progressionis Geometricæ incremento agitur, sine erroribus fuit excusum: quod ipsi Problematis Auctori in acceptis refero, qui pro humanitate sua diligentiam omnem adhibuit, ut id quàm correctissimum in lucem prodiret. Eadem cura ac diligentia totus reliquus Liber VIII. & IX. est impressus, ejusdem Auctoris vigilantia. Vale.



AD BIBLIOPEGUM.

Iconismi inserantur suis locis ita, ut quilibet respiciat paginam in eis notatam.

Zum Buchbinder.

Die Kupfferblätter sollen also in das Buch gehefft werden / daß sie gegen den Zahlen stehen / welche oben daran verzeichnet seyn.

Al Librato.

Le Figure intagliate in rame s'inseriscano nel libro in tal maniera, che siano voltate verso le pagelle in esse notate.

Au Libraire.

Les images doivent estre tellement inserées, que chascune regarde la page qui y est marquée.

Omnia ad majorem DEI gloriam.







